



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>







-ZEL

Opeta





— 187 —







OPERA OMNIA
SANCTORUM PATRUM

LATINORUM.

VOLUMEN IX.

1873



OFFER A GIFT

ANCTOREM PATRUM

ET ALIUM

DE VITA

S. HILARII
PICTAVORUM EPISCOPI
OPERA OMNIA.

RECUDI CURAVIT
DR. FRANCISCUS OBERTHÜR.



TOMUS II.

WIRCEBURGI,
In Officina Libraria STAHELIANA.

MDCCLXXXV.

CONTINENTUR HOC II. TOMO.

I. AD CONSTANTIUM AUGUSTUM LIBRI II.

**II. AD CONSTANTIUM IMPERATOREM LIBER
UNUS.**

**III. CONTRA ARIANOS, VEL AUXENTIUM
MEDIOLANENSEM LIBER UNUS.**

IV. FRAGMENTA EX LIBRO S. HILARII.

**V. TRACTATUS SUPER PSALMOS USQUE AD
XCVIII. PSALMUM.**

SUMMARIA CRISIS

SCRIPTA HILARII

I.

Censores nactus est Hilarius aliquot de obscuritate suæ scriptiōis multum conquerentes, atque inde etiam de ejus, quoad certa dogmata fide recta rigorosius judicantes. Hæc inter primus jam alias memoratus, Joannes quidam, quocum Philippus bonæ fidei Ordinis Præmonst. Abbas pro Hilario contendere. Est etiam, quod mireris, sagacissimus alias Erasmus, ceteroquin de Hilario, quod eum & ipse edisseraverit, bene meritus, in hoc numero censorum. Centuriatores Magdeburgenses, & Scultetus reliqui sunt, quorum quidem nomen aliquid auctoritatis talibus censuris adjicere posset.

Crisin, quam inscriptio promittit, ita institutus, ut primo de illa, quam alii accusant, obscuritate, deque talis obscuritatis vera causa, post autem de Hilarii orthodoxa, quantum ad dogmata controversa fide, judicium habituri simus.

Ab omni obscuritatis nota absolvere Hilarium nemo æquus judex poterit. Fatentur id si etiam, qui ceteroquin in sanctum Doctorem multa religione feruntur.

runtur: Hieronymus, is ipse, de quo haud ita pridem Philippus, bonæ spei Abbas, Trombellius jam super nominatus, & Maurini editores. 2

Excusari tamen variis ex rationibus non difficile potest, ex iisdem nimirum, ex quibus ea, quæ laborat, obscuritas repetenda est. Et præcipiti nimirum sententia quis exinde huius Doctoris scripta respiceret, aut errorum gravium suspecta haberet.

Bene Philippus ille Abbas sui Joannis quondam in Hilarii de Trinit. libros iniquæ crisi, quam ipse in responsoria sua his verbis conceptam, adducit, „Etsi in multis bene sentit de consubstantialitate, & personarum discretionem, quoniam nulla est falsa doctrina, quæ non aliqua vera intermisceat, tamen in pluribus scrupulosissime disputat, in quibusdam etiam errorem pertinaciter prædicat, ut merito propter hoc ab his, qui ruminant, prorsus respuendus sit.“ Illi quoque ejus in Comment. Hilarii in Mathæum: „Abundant enim simplices libri, ut jure scrupulosi propter offensam debeant evitari.“

Id suo amico & sapientior, & æquior respondet: „Nunquid etiam debent, quæ scrupulosa & subtilia sunt, evitari; vel forte lecta, & non intellecta inconsulto iudicio reprobare, eisque pro vitio ipsius scrupulositas & subtilitas imputari, & non inde multo potius, multoque reverentius honorari?“

Et ingenue fatetur sese in iis libris plura invenisse, quæ non caperet vel ob obscuritatem sermonis, vel ob mendositatem codicis; ac rursus in aliis, quæ propter sui aliquantulam novitatem non

non satis placuerunt. Primum a sententia ferenda sese sustinuit, „ne, inquit, temere damnans ea, in quibus cæcitas mea offendit, jure perdam cetera, quæ acui intellectus utcumque comprehendit:“ tum, quæ percipere primum non valuerat, attentiori lectione effectum esse declarat in hunc modum: „Ea ipsa igitur diligentius relegens, tandem mihi visus sum inire, cujusmodi sensum videretur illorum obscuritas operire.“

Maurini quoque multo studio in Hilarium incubuerunt, ut prouti æquum & justum decet judicem, non nisi ejus sensus sedulo & diu examinatis, & rite perspectis, de hoc Doctore sententiam ferrent, ubi præter æquitatis, & multi studii Hilario impensi laudem etiam sagacitatis, & acris judicii encomium sibi æruerunt. Et ex horum in Hilarium lucubrationibus mutuati sumus, quæ posthac proferemus. Igitur

Hilariani sermonis obscuritas non uno ex capite vitium habet. Eam Hieronymus Gallicano genio videtur adscribere. Quamvis enim ubertatem & nitorem Gallorum sermoni in epist. ad Rusticum tribuat, eorum tamen, ac nominatim Hilarii stilo scribit ad Paulinum: „S. Hilarius Gallicano attollitur còthurno: cum Græciæ floribus adornetur, longis interdum periodis involvitur, & a lectione simpliciorum fratrum procul est.“ Pauca hæc Hieronymus. Omnes autem numeris absolvunt ceptam imaginem, & S. Hilariani omnes characteres, & totidem obscuritatis causas ita describunt Maurini: Etsi periodi longa, densæ tamen sunt sententiæ, frequentes ellipses,

pfes, & ubi vox aliqua duabus phrasibus repetenda esset, ea inter utramque ita collocatur, ut respondeat utrique. Lectori etiam interdum incommodæ sunt nonnullæ verborum metatheses, dum, quæ ex natura sermonis cohærere proximis verbis deberent, ad ea, quæ longius distant, sæpius sint referenda. Nonnunquam, rarius tamen, negliguntur etiam Grammaticæ leges.

Non pauci tales nævi videntur ipsi ingenio Hilarii facili & fecundo adscribendi esse; festinare solent, qui ejusmodi sunt ingenii, homines, parere, quod ubertim animo conceperunt.

Obscuritatem quoque parit rerum, de quibus Hilarius differit, sublimitas. Fere enim totus est aut in reconditiore scripturarum sensibus eruendis, aut in asserenda Patris & filii tum consubstantialitate, tum discretione, quo quidem nihil abstrusius, subtilius nihil cogitari potest.

His accedit, quod in iis, quæ tractat, Latinorum nemo, quem imitaretur, ei præiverit. Ex omnium quippe consensu Arianos aggressus est Latinorum primus, ut merito Hieronymus adversus Ruffinum Lib. II. eum appellarit contra Arianos latini sermonis tubam. Primus quoque, Isidoro teste, ex latinis scriptor hymnorum fuit: Primus etiam in eos Scripturæ S. libros, quos exponendos suscepit, commentatus, saltem nullius, quem ante oculos habuerit, aut tale aliquid suscepisse sciverit, interpretis imitator: cujus quidem ordinis prærogativæ Hilario tribuendæ indicium est, quod Mathæum explicans Orationem domi-

dominica, quia a Tertulliano & Cypriano expostum rescisset, consulto præterierit.

Ipse demum Hilarius primi, inter Latinos idem argumentum tractantes scriptores, Ordinis prærogativam sibi asserit sub finem libri de synodis non sine modesta quadam præfatione, dum ait se in eo opere secutum esse de rebus absconditis, & usque ad hanc ratem suam intentatis,

Jam vero, cum ad res divinas, de quibus loquendum ei erat, nondum satis accommodatæ essent lingue voces, in idoneis quæritandis tanto magis laboravit, quanto latina lingua angustior, & minus copiosa erat, quam græca, unde frequentem tunc temporis fuisse jurgiorum causam Gregorius Nazianzenus Orat. 21. §. 46. tradit his verbis: „*δια σιωπητα & παρα τοις Ιταλοις γλωττης, και ονοματων περιεργασθη*“

In universum bene notat idem Gregorius Orat. 2. §. 2. triplex imminere de Deo loquentibus periculum; in mente scilicet, in sermone, in auditu. Nam & res divinas, inquit, mente consequi arduum, verbis explicare perdifficile, & purgatas aures nanzanzenus, majoris laboris & difficultatis.

Triplex hoc periculum sensit, ac timuit Hilarius, de vicem suam dolet, quod hæreticorum blasphematum vitio illicita agere, ardua scandere, ineffabile eloqui, inconcessa præsumere compellatur. Nam vero animi sensa explicare propria non valentis nam & anxietatem declarat his verbis: „Mihi certe respondenti in curis æstus est, in sensu labes est,

in intelligentia stupor; in sermone autem non jam infirmitatem, sed silentium confitebor: cum difficillimum sit, sensum ipsum propriæ meæ fidei secundum intelligentiæ interioris affectum loquendo proferre. Demum ab auditu sibi timet, dum ait: „Mementote non sensum mihi deesse, sed verba: arguam forte in eo naturam meam, non tamen arguam voluntatem & ignosco naturæ, si loqui de Deo, quod vult, non potest.“ Conscius enim sibi, quod in rebus divini verborum adhuc significatio angustior, quam intelligentia sit, tanto magis formidabat, ne aures offerderet, quanto minus tum de vi cuiusque vocis inter homines convenerat, cum plerumque, ut loquitur ipse Hilarius, ignorata verborum opinione plurimum inter se digladiarentur. Quippe, inquit Gregor. Na. Or. 21. §. 97., „cum exigua res quotidie accedere quæ molestiam afferret, eo tandem res adducta esset ut periculum esset, ne orbis terrarum fines una cum syllabis abrumperentur.“

Quocirca verba de Deo factururus, ut sibi recensentiendi ac loquendi difficultas, quam senserat, componeretur, ipsius opem supplex implorabat: „Eposui, inquit, charissimi, quantum humani sermonis consuetudo patiebatur, & Dominus mihi semper, ipse scit, a me oratus indulgit, communis fidei conscientiam.“

Etiam quo facilius cogitata sua ab aliis perciperentur, ea variis modis explicabat, ut, si cui una ratione obscura essent, ea altera ratione fierent aptiora.

Hanc.

Hanc descriptionis rationem vel maxime in divino tractando argumento necessariam sibi videri protestatur, dicens: „Neque enim infinitus & immensus Deus brevibus humani sermonis eloquiis intelligi potuit, vel defendi: fallit enim plerumque audientes & docentes brevis sermōnum.“

Atque pro adhibita tali in commodum lectoris cautela, quod scilicet veritus, ne falleret brevitate, sermonis copiam sectatus sit, id sibi vicissim repetitis sepius talibus monitis, præstari postulat, ne quis de se ante sermonis consummationem per litterarum exordia existimet judicandum, quod Eulogius Alexandrinus apud Photium cod. 215. in universum in omnium Patrum lectione observandum esse præcipit dicens: „Oportet igitur sanctorum, qui certis temporibus Ecclesiæ Doctores extiterunt, doctrinam integre perlegere, & non ex parte illorum proferre sententias, indeque de tota eorum mente non sine periculo conjecturam facere, quandoquidem ex uno aliquo dicto, sive epistola, sive lucubratione, tota scriptoris pietas ostendi non potest.“

Præterea verba antiqui Doctoris Hilarii non semper ad nostros loquendi modos sunt exigenda. Eorum enim plurimi, quos postea, Augustino præsertim Doctore, invexit usus, aut comprobavit, Hilarii ævo aut inauditi erant, aut nondum satis recepti: ut merito, quod de se Ambrosius ad Sabin. scribit, sibi applicaverit Hilarius: „Verbum si offendero, virtutem Professionis interrogato: si verba movent, non præjudicant fidei. Etenim sermonem mens non du-

bia obumbrat, & defendit a lapsu. " Ita fiet, ut neminem offendat vox *persona* eo sensu accepta, quonunc vocabulum *natura*; aut cum *uti* Deo, pro *frui* Deo occurreret: aut alia hujusmodi, quæ recensere longius foret.

Postremo quia in latinis non habuit, quos in rebus a se tractandis imitaretur, ad mentem Græcorum, quorum ei lectio familiaris erat, multa eum expressisse advertendum est.

Ex hac, sicut & ex superiori observatione conficitur, illius sermonem cum græcis, aut certe latinis Patribus, qui eum præcesserunt, non cum iis, qui eum secuti sunt, esse comparandum. { Quod si fecissent, qui plures in eo opiniones ac dicendi modos singulares notarunt, in nullo fere eum singulariter aut sensisse, aut locutum esse deprehendissent.

Nec omni vacat culpa iste, quo Hilarii censores usi sunt, textus, in pluribus locis emendatione egens, unde scriptori ipsi obscuritatis accusatio impingebatur, nunc autem Maurinorum ope licet hunc emendatiorem, atque quod pariter horum beneficio debemus, commodius legere, & facilius intelligere, ut alias rursus memorabitur.

II.

Animadversiones varii generis, quæ quidem brevius expediri poterunt, omnibus Hilarii sententiis, quæ iis indigere nobis videbuntur, subjiciemus in fine
ulti-

ultimi voluminis, quo Wirceburgensis editio claudenda est, unde multum lucis lectori suppeditabimus, si talem nostrum apparatus in manu tenens, & loca ibi illustrata sibi notans, ad lectionem Hilarii accingatur. Hic loci eas vindicias præmittere placuit, quæ Hilarii fidem, quoad ea dogmata, circa quæ nonnullis male audit, reddere immunem ab heterodoxiæ nota debent, & longiores sunt, quam ut inter animadversiones, quas promittimus, quæque pro instituto breviores esse debent, rejici queant. Sunt autem dogmata, circa quæ Hilarii fidem suspectam illi censores habuerunt hæc sequentia: Conceptio Christi ex Maria Virgine. Unitas hominum cum Christo, & Patre. Christus humanæ naturæ affectionibus subiectus. Christi mors. Christi post mortem glorificatio. regnum Christi. Judicium novissimum. Gratia Christi. Sequamur ordinem hunc, & de fide Hilarii circa singula inquiramus.

I. Joannes ille apud Philippum, bonæ spei Abbatem repetitis epistolis contendit, Hilarium in L. de Trinitate asserere, Dominum nostrum corporis initium non accepisse ex Maria, sed quasi ex Spiritu S., cum econtra, inquit, Ecclesia catholica teneat, quia in illa conceptione Domini Jesu Spiritus S. non fuerit causa materialis, sed efficiens, caro autem sacræ Virginis fuerit causa materialis. “

Unde, si non fallitur Joannes, duplex Hilarii in explicanda Christi conceptione error fuit: Unus, quod Mariam carnis illius causam materialem negaverit, extitisse; alter, quod Christum ex Spiritu S. substan-

tia carnem suam sumsisse crediderit: abierit proinde in absurdam illam opinionem, quæ aliquamdiu inter Corinthios pervagata, Athanasii ad Epictetum epistola acriter exagitata est, qua nimirum carnem Christi divinæ naturæ consubstantiallem esse disputabant.

Eandem accusationem repetit Erasmus in Præfat. in Hilarium: „Libro III., inquit, sed magis Lib. X. sic loquitur de corpore Christi, ut sentire videatur, Mariam Virginem præter concipiendi, gestandi, & pariendi ministerium nihil addidisse de suo.“

Repetit etiam Scultetus: „Sentire videtur, ait, Christum non accepisse carnem a B. Virgine.“

Levioris forsan momenti videretur illa Joannis censura utpote hominis multis occupati, & cui, cum vix spatium cogitandi, nedum scribendi suppeteret, deerat, unde sententiam satis gravem dixisse judicaretur. Quod autem Erasmus consentiat, & Scultetus suffragetur, id mirum, quippe viri, qui Hilarii scripta non ex parte tantum, aut celeriter percurrisse existimantur.

Vindicabimus autem ab hoc errore Hilarium argumento primum quodam foris accito, dein interno ex tota ejus circa Christi conceptionem dogmatica eruto, ac demum quænam in specie ratio censoribus Hilarii hanc de tali errore suspensionem moverit, videbimus.

Externum quidem argumentum inde desumitur, quod nova, & inexperti in rebus fidei hominis doctrina talis visa fuerit, cum eam longe post Hilarium proferret Eutyches, ac ut impia damnata. Christum

non

non accepisse carnem a B. Virgine: corpus Domini, quod ex Maria factum est, non esse nostræ substantiæ, neque humanæ conspersionis, sed humanum quidem illud vocari, non tamen nobis consubstantialis, neque genitricis ejus secundum carnem: docuit Eutyches.

Hanc doctrinam Flavianus apud Leonem velut novam, & impiam denuntiat. Leo ipse ad Julianum Coensem non modo significat, Eutychem Unigenitum Dei filium sic de utero B. V. prædicare natum, ut humani quidem corporis speciem gesserit, sed humanæ carnis veritas verbo unita non fuerit; sed & hanc sententiam prodigium appellat falsitatis, unde innumera opinionum monstra nascantur, ac instaurentur errores Valentini, Manetis, Apollinaris, quorum nullus in Christo humanæ carnis credidit veritatem, qua utique non recepta fides nostra de Unigeniti Dei passione, morte, resurrectione &c. abnuatur.

Et ad Pulcheriam scribit, talem opinionem non nisi imperitiæ partum esse potuisse, longeque ab ea Eutychem futurum fuisse alienum, si symboli plenitudinem puro & simplici voluisset corde concipere. „Non enim, inquit, de portiuncula fidei nostræ, quæ minus lucide declarata sit, quæritur; sed hoc stultissima resultatio audet incessere, quod Dominus noster in Ecclesia neminem sexus utriusque voluit ignorare.“

Atqui Hilarius, & Eutyche antiquior fuit, & rerum divinarum peritissimus, & fidei egregius Doctor omnibus audit. Atque adeo, quod argumento huic maximam vim addit, Concilium Chalcedonense Act. i.

Hila-

Hilarium cum paucis aliis Patribus recensuit, ex quorum doctrina condendum esset fidei adversus Eutychem de incarnationis mysterio decretum.

Argumentum internum, quod ex ipso Hilario petitur, hoc compendio comprehenditur: quod carnem Christi ex carne B Virginis Mariæ vere susceptam passim in pluribus suorum scriptorum locis doceat.

Variis autem modis nec uno in loco de hoc mysterio loquitur Hilarius. a) Afferit Christum ex utero S. Virginis verum hominem natum, & hoc quidem tractatu in Ps. 138., ubi non tantum ait: Quæcumque homini illi, quem ex utero S. Virginis assumpsit, & in quo se nasci hominem, qui Deus erat, voluit, apta & congrua esse videbuntur, cum debita cœlesti naturæ suæ dignitate tractentur: “ sed & addit: „Non alienæ aut simulatæ naturæ hominem assumpsit. “

Hæretici autem, qui carnem Christi ex Maria conceptam negarunt, aut Christum carnis speciem gestasse, aut corpus de cœlo esse advectum, aut certe illud per Mariam potius transiisse, quam ex ea acceptum esse volunt. Hos Hilarius uno citato loco omnes repellit. Primæ enim sententiæ repugnat, quod caro Christi „non simulatæ naturæ“; alteri, quod „non alienæ“: postremæ, quod „in utero & ex utero S. Virginis assumpta“ dicatur.

b) In conceptu Christi Mariam sexus sui naturam esse executam sive suppeditasse, quæ suppeditare solent aliæ matres, dicit. Et quidem in ipso illo decimo de Trinit. libro, ex quo præsertim ortæ dicuntur sinistrae illæ suspensiones, hoc dicit: verba ejus sunt

sunt §. 17.: „Quæ (B. V.) officio usa materno sexus sui naturam in conceptu, & partu hominis executæ est,“ & §. 15.: „Virgo enim nonnisi ex S. Spiritu genuit, quod genuit: & quamvis tantum ad nativitatem carnis ex se daret, quantum ex se feminæ edendorum corporum susceptis originibus impenderent, non tamen Jesus Christus per humanæ conceptionis coaluit naturam.“ Ubi Spiritus S. virtutem supplevisse officium viri, sed Virginem nihilominus matris munus implevisse declarat. Præterire licet alia loca exinde præsertim, quod Joannes ille ab amico Philippo Abbate monitus, ad hæc loca attendere, confiteri jam sit coactus, talia verba ejus esse non posse, qui Christum ex Maria corporis initium accepisse negaret, quanquam illatam a se Hilario injuriam adhuc non deprecaretur, malueritque, -- quæ est præjudicatæ opinionis, & philautiæ, qua homines laboramus, vis — Hilarium pugnantiæ, quam se temeraria locutum esse respondere.

c) Carnem Christum ex Virgine assumptam prædicat, hocque rursus variis formulis: corpus enim Christi modo prædicat assumptam ex Virgine carnem; ut in Ps. 65. §. 12.: „in æternam gloriam ejus assumptæ ex Virgine carnis natura transfertur“; modo nostræ carnis, aut nostri corporis carnem nuncupare solet: ut I. de Trin. §. 11.: „Ac ne Verbum caro factum aut aliud esset, quam Deus Verbum, aut non nostri corporis caro esset, habitavit in nobis; ut, dum habitat, non aliud quam Deus maneret; dum autem habitat in nobis, non aliud quam nostræ carnis

Deus

Deus caro factus esset: quia, ut II. de Trinit. §. 16. addit, per id, quod in nobis habitat Verbum caro factum, Deus est in nostri corporis veritate“ &c.; modo non ex Maria tantum, sed etiam ex Mariæ parentibus carnem Christi procreatam asserit: ut in Pf. 67. §. 28. Christum de Judæ frutice futurum: in Pf. 68. §. 19. ex utero David esse prædicat. Et cum in rationem inquit commentario in Pf. 131. §. 2., cur Christus se nomine David significet quandoque, hanc invenit, quod ex ipsius genere natus sit: „Qui, inquit, nomen parentis secundum originem carnis accepit, nomen sumens ejus, cujus ex genere sumebat & corpus.“ Immo scribit ex ipsa gente Moab per Ruth salvatoris nostri carnem acceptam, ideoque cruditatem atque impuritatem illius, priusquam assumeretur, per varias generationes, veluti per ollam, decoctam fuisse atque mundatam. „Quia, inquit, in Pf. 59. §. 11. non solum ex hac generatione Sanctorum, sed etiam ex peccatorum origine huic Dei sancto carnis nostræ ineunda esset susceptio, quia in similitudinem carnis peccati Deus filium suum misit, idcirco Moab olla spei ejus est.“ Tum memorata gentis Moab maledictione, ejusque per varias generationes purgatione, subjicit: „Sanctusque hic ex Juda & Moab originem sumens, decocta tanquam per ollam carnis cruditate, in speciem cibi significatur æterni, cum caro ejus vere cibus sit.“

Altius etiam in Pf. 68. Christi ortum ducit Hilarius, nam & „naturam corporis primi Adam“ ab eo assumptam dicit, & homines vocat ipsius „secundum carnem consanguineos.“

Adeo

Adeo fensit Hilarius carnem Christi ex Adam, ac posteris peccatoribus propagatam, ut eam & carnem peccati, & peccatum vocitare non dubitet. „Carnem enim peccati, inquit 1. de Trinit. §. 13., recepit, ut assumptione carnis nostræ delicta donaret, dum ejus fit particeps assumptione, non crimine.“ Alii quidem Patres Christum peccatum factum esse sic interpretantur, quod factus sit hostia pro peccato. At Hilarius Christi corpus peccati nostri corpus, & peccatum non tam inde dici intellexit, quod immolatum sit pro peccato, quam quia ex peccatoribus est procreatum. Eam ob causam L. 9. de Trinit. §. 13. in illud Pauli: „Quod enim mortuus est peccato,“ subjecit, „mortem peccato, id est, corpori nostro adscribens:“ & paulo post: „Qui peccati nostri corpus assumens, totus jam Deo vivit.“

Eodem respectu dixit Tertullianus Lib. de carne Christi: „Defendimus autem non carnem peccati evacuatam esse in Christo, sed peccatum carnis, non materiam, sed naturam; non substantiam, sed culpam.“

Sic & Gregorius Naz. Orat. 51. Author est, quod a Christo assumpta sit „caro damnata.“

Nec secum pugnat Hilarius, cum de eadem Christi carne Lib. 10. de Trinit. §. 25. dicit: „Neque caro illa caro peccati, sed similitudo carnis peccati.“ Quam enim hic carnem peccati negat, ut ostendat, a dominantibus carnis nostræ vitiis immunem, illic sane & recte affirmat, ut carnis ab hominibus acceptæ probet veritatem.

d) Eadem argumenta, quibus alii Patres carnis nostræ veritatem in Christo extitisse approbarunt, Hilarius non minus dilucide illustravit.

Eo præsertim adversus hæreticos nititur Irenæus L. 3. c. 32., quod Christus vere cognominari filium hominis non potuerit, nisi ab homine vere acceperit substantiam corporis. Idem argumentum adversus Eutychem urget Ferrandus Diaconus epist. ad Anatolium. At vero Hilarius nihil frequentius inculcat quam ut Christum & filium Dei, & filium homini esse meminerimus. Si attendimus ad hunc §. 15. Libro de Trinit. locum: „Quomodo filius Dei homini filius erit natus, vel manens in Dei forma formam servi acceperit, si non potente verbo Deo ex se & carnem intra Virginem assumere, & carni animam tribuere, homo Christus Jesus ad redemptionem animæ & corporis nostri perfectus est natus, & corpus quidem ita assumerit, ut id ex Virgine conceptum formam eum servi esse effecerit &c.“ Contendit ibi Hilarius Christum falso filium hominis nuncupandum primo nisi homo perfectus sit, ex anima scilicet & corpore nostro, deinde nisi hoc non ex quavis assumptione, sed ex nativitate obtineat, ut perfectus homo natus sit; ac demum, quasi hoc dixisse non sufficeret, vult corpus ita ab eo assumptum esse, ut id ex Virgine conceptum sit.

Præterea, cum Christum asserens perfectum hominem natum esse, adjicit: „Ad redemptionem animæ nostræ & corporis nostri,“ attingit alteram rationem qua vulgo utuntur Patres adversus hæreticos, qui Christum
nega-

negarunt humanæ naturæ integritatem.“ Nam, ut ait Gregorius Naz. Orat. 51., quod assumptum non est, curationis est expers, quod autem Deo unitum est, hoc quoque salutem consequitur. Si dimidia tantum ex parte Adamus lapsus sit, dimidiatum quoque sit, quod assumptum est, & salutem consequitur.“ Sic Fulgentius ad Trasimundum Lib. 1. c. 13. ait: „Quod si totus homo tenebatur captivitatis vinculo, totus eguit liberatoris auxilio. Si autem totum debuit liberare pietas, totum debuit suscipere majestas.“ Neque forsan sine causa Hilarius rursus in Math. cap. 10. §. 18. Christum non simpliciter hominis redemptorem nuncupat, sed corporis & animæ redemptorem.

Haud absimili ratione adversus Apellem, qui corpus Domini ex fiderea materia, non ex materna substantia constare contendebat, Tertullianus de resurrectione carnis concludit, vanam esse spem resurrectionis, si Dominus matris substantiam non accepit. „Sequitur enim, inquit, ut salutem ejus substantiæ excludant, cujus Christum consortem negant.“ Quo & illud Irenæi L. 5. c. 1. spectat: „Vani igitur, qui a Valentino sunt hoc dogmatizantes, Christum nihil ex Maria accepisse, uti excludunt salutem carnis.“

At vero Hilarius ob illud Christi nobiscum consortium, nobis resurrectionem non tantum sperandam, sed jam aliqua ratione indultam esse confirmat, ut carnem nostram jam in eo excitatam contemplemur. „In quo, inquit in Ps. 124. §. 4., nosmet ipsos per assumptionem carnis nostræ, corporisque specula-

mur. In eo enim sumus resurrectionem nostram resurrectione nostri in eo corporis speculantes.“

Leo in epistola supra laudata Eutychem, Christum mediatorem negare sic arguit, quasi hoc ei auferat nomen, quisquis ipsi matris substantiam denegat. Ita & Fulgentius L. I. ad Trasim. docet Christum Dei, hominumque mediatorem incassum cognominari, nisi in se ut totum verumque de homine nunciatum hominem contineat.

Eandem quoque Christi nuncupationem cum si pius explicet Hilarius, nunquam aliter explicat, quam quod & ex nobis carnem, & ex Deo habens divinitatem, Deum, hominemque in se uno conjungat. Unde in Ps. 67. §. 37. intuens in illud Christi mediatoris officium, nos in unitatem paternæ majestatis sumendos prædicat, dum nimirum & in eo per naturam Pater est, & ille rursus per societatem carnis nobis est.

e) Demum multa alia argumenta suppeditat L. 10. de Trinit., in quo cum Hilarius a §. 16. ac deinceps data opera refellit hæreticos, qui aut humanam Christi naturam, antequam assumeretur, præexistit aut corpus ejus de cœlis advectum esse asserbant, verba symboli: „Qui conceptus est de Spiritu S., natus ex Maria Virgine,“ fidem suam constanter igit. Juxta quæ totam disputationem concludit in hunc modum: „Genuit enim Virgo ex se corpus, sed quod conceptum esset ex spiritu, habens quidem in se corporis veritatem, sed non habens naturæ infinitatem.“

Quæ

Quæ cum ita sint, nemo non mirabitur, qui non-
visus sit sic sentire, Christum non accepisse car-
a B. Virgine. Sed simus æqui, & ne iniquos
Hilarii censores dicamus, inquiremus fontem,
illis hæc de Hilario sit suspicio nata.

Varii sunt loci, qui Hilarii censores offenderunt,
nem quidem illum id vel maxime offendit, quod Lib.
e Trinit. aliisque locis corpus Christi a Spiritu S.
modo formatum, sed etiam assumptum legerit.

Spiritus S. nomine Joannes iste more nostro ter-
Ss. Trinitatis personam significari existimaverat,
Hilarius intelligeret secundam. En causam erro-
Joanne, & vindicias pro Hilario!

Certe Hilarius his Lib. 2. §. 27. verbis: „Spiri-
desupervenienti naturæ se humanæ carnis immi-
“ non sentit, ut Joannes animo sibi finxerat,
tum S. carnis a verbo assumptæ fuisse causam materia-
sed verbum ipsum sibi naturam humanam intime-
mixisse. Hæc enim Angeli ad B. Virginem verba:
itus S. superveniet in te:“ perinde ei sunt, ac
am, & sapientia Patris descendet in te, & ex te
sibi coaptabit.

Neque inaudita, ac soli Hilario propria videri
hæc interpretatio. Eadem quippe Angeli verba
ho modo interpretatur Tertullianus contra Pra-

Nec alio spectat illud ejusdem libro de carne
i: „Sic denique homo cum Deo, dum caro ho-
tum spiritu Dei.“

In ipsa loquendi ratione Lactantius Verbi in ute-
riginis descensum enuntiat, cum ait: „Descen-

dens itaque de cœlo S. ille Spiritus, S. Virginem
cujus utero se insinuaret, elegit.“

His adjungere licet Pastorem Lib. 3. Similit.
ubi hæc de corpore Christi habet: „Hoc ergo co-
pus, in quod inductus est Spiritus S.“ maxime cu-
ibidem paulo ante præmiserit: „Filius autem Spiritus
S. est.“

Neque aliter intelligendum videbitur illud I-
næi Lib. 5. c. 1. : „Spiritus S. advenit in Mariam
ubi expensum fuerit, quod proxime subjicit: „V-
bum Patris & Spiritus Dei adunitus antiquæ substi-
tiæ plasmationis Adæ viventem & perfectum effecit
hominem.“

Apertior est Justinii sententia Apol. 2. ubi primum
filium vim ac virtutem Dei esse declarat his verbis
„Prima autem vis ac virtus secundum Deum omni-
parentem ac Dominum Filius etiam verbum est, qui
quodammodo caro factum homo factus est:“ qui
post pauca subnectit: „Dei vis ad virginem adv-
ens ei obumbravit, fecitque, ut virgo gravida esse
demum utramque propositionem conjungens con-
dit: „Spiritus ergo vimque Dei nefas est aliud in-
ligi (Luc. 1. v. 35.) nisi verbum, quod etiam pro
genium est, sicuti Moyfes propheta, quem diximus
indicavit: atque hic suo ad Virginem adventum
adumbratione, non concubitu, sed vi eam gravi
effecit.“

Cyprianus Lib. de Idol. vanitate secundum e-
cis antiqui Germanensis optimæ notæ, & quatuor
rum, quæ Pameliæ usus est, Mss. lectionem hæc

„H

He in Virginem inflabitur, carne Spiritus S. indu-

7, 4

Antiquus author, quem ab Augustino epist. 148. Porri S. Episcopi Orientalis nomine laudari valde habile est, & apud Ambrosium in appendice Tom. novæ edit. legitur, habet ibidem pag. 354. „Cum ius est in Mariam, cum Virginis uterum opple-

aliud utique ex illa, quam quod venerat, natum Et planius pag. 356.: „Spiritus Dei veniet in & virtus Altissimi obumbrabit te. Propterea, nascetur ex te sanctum, vocabitur filius Dei. ergo ipsum spiritum, id est, filium Dei, venisse

Virginem, & inde Dei & hominis filium processisse.“ Si Athanasium in eadem verba evangelica eodem accepta respexisse intelligas, haud difficulter as- ris, cur Lib. de Incar. dicat: „Ideoque cum pri-

ad nos accederet, ex Virgine sibi ipsi corpus

avit, ut nobis non tenue argumentum suæ di-

stis exhiberet, eum, qui hoc sibi corpus forma-

aliorum quoque conditorem & formatorem

Nam cum Patres hætenus nominati verbis

ad Virginem declarari existiment, primum filii

ad nos adventum, ut in Virgine, & ex Virgine

as sibi formaret, hinc recte colligitur, eum cor-

m nostrorum conditorem ac proinde Deum esse,

Evangelia nobis significant proprii corporis sui

atorem.

Sin alio respexit, unde quæso ei constitit filium

cum ad nos primum accessit, corpus sibi for-

ut exinde eum cetera corpora pariter condidisse,

cum esse conficeret.

Certe Athanasius Verbum aliquando in Scripturâ Spiritus S. vocabulo significari non dubitavit, cu epist. 4. ad Serap. blasphemiam in Spiritum S. eam esse interpretatur, quæ Christi neget divinitatem.

His accedit Ruffinus in expositione symboli: quod licet priora hæc verba: „Spiritus S. superveniet te;“ de tertia Sc. Trinitatis persona dicta esse, rectro more intelligat, subsequenter tamen filium dicari arbitratur. „Quæ est autem, inquit, Virtus Altissimi, nisi ipse Christus, qui est Dei virtus, & I sapientia.“

Maximus quoque teste Augustino, quamvis consentiente, priora illa verba ad Spiritum S. ad verbum autem postrema referebat. „Afferere, ait Augustinus Lib. 2. contra eundem Maximinum cap. 17., contra verum, Spiritum S. præcessisse, ut mundaret, & sanctificaret Virginem Mariam, ac deinde veniret Virtus Altissimi, hoc est sapientia Dei, quod est Christus: ipsa, sicut scriptum est, ædificaret sibi domum, est, ipsa sibi crearet carnem, non Spiritus S.“

Si jam quæras, unde Hilarius cum antiquis tribus in eum intelligendi modum conspirarit, deerit responsio. Ac primo quidem nemo in Veteri lectione versatus inficias ierit, *Spiritus*, aut *Spiritus sancti* vocabulum apud eos non singulare esse unius personæ nomen, sed commune totius naturæ divine, quod Patri, Filio, ac Spiritui S. indifferenter ab antiquis attribuitur.

Hujus rei passim occurrunt exempla in epistola Barnabæ apud Pastorem Lib. 3. similiter apud Irenæum lib. 5. cap. 1. Hilarius

Hanc vocem Theophilus Antioch. ad Autolicum
 duci filii propriam recenset in hunc modum: „Ver-
 um operum suorum administrum Pater adhibuit, ac
 ipsum universa molitus est. Hoc appellatur prin-
 cipium, quoniam principatum ac dominationem habet
 omnia, quæ per ipsum fabricata sunt. Hoc igitur
 est *Spiritus Dei*, & principium, & sapientia, &
 Altissimi, labebatur in Prophetas.“

Vox eadem naturam divinam sonat Athenagoræ:
 „Pater, ait ille, & Filius unum sint, ita ut Fi-
 lit in Patre, & Pater in Filio unitate, & poten-
 tia *Spiritus*.“

Et Tertulliano contra Praxeam scribenti: „Dis-
 tes filium carnem esse, id est, hominem, id est,
 Patrem autem *Spiritum*, id est, Deum.“

Clementi epist. 2.: „Jesús Christus Dominus no-
 strus, qui nos reservavit, cum primum esset *Spiritus*,
 factus est.“

Augustino ad Honoratum: „Verbum caro factum
 & habitavit in nobis: reddite vicem, & effici mini-
 strum, & habitate in illo.“

Athanasio ad Serap.: „In evangelico fermone,
 spe memini, cum diceret Christus, se filium ho-
 minis esse, eo ipso humanitatem suam præferebat, quem-
 odum, ubi de spiritu mentionem facit, suum illé
 spiritum S. esse declarat, in quo omnia faciebat.“
 Ab. de Incar. Christi: „Spiritus enim est Verbum
 Dei.“

Authori libri de communi essentia P. & F. & Sp.
 apud eundem Athanas.: „Deitatem ergo Verbi ipse

Christus Spiritum S. appellat, & vicissim humanitatem suam filium hominis appellavit. “

Gregorio Nazian. Or. 42.: „Christus extitit duobus contrariis, carne nimirum, & Spiritu, quorum alterum Deitatem dedit, alterum accepit. “

Authori commentarii in epist. ad Rom. olim Ambrosio adscripti: „Eum, qui erat Dei filius secundum Spiritum S., id est, secundum Deum, quia Deus spiritus est, & sine dubio sanctus est, factum dicit juxta carnem Dei filium ex semine David. “

Authori tractatus de fide orthodox. apud eundem Ambrosi.: „Cum hominem induere dignatus est Christus, non labem eternitati intulit, ut spiritum in carnem mutaret. “

Hilarius adeo data opera Lib. 8. de Trinitate. eg. exemplis e Scriptura S. petitis demonstrat, spiritus vocem Patri, Filio, & Spiritui S. esse communem. Atque hinc apparet, illam tam Hilario, quam ceteris Patribus fuisse ad ipsam divinitatem significandam familiarem.

Quod cum ita esset, cui ex tribus personis apte congrueret illud Angeli: „Spiritus S. superveniet tibi;“ ex adjunctis dijudicandum fuit. Subjunxit vero Angelus: „Et virtus Altissimi obumbrabit tibi. Unde facile oborta est cogitatio, totum illius de Filio esse sermonem. Nam & filium, Dei virtutem Apostolus 1. ad Corinth. 1., 24. cognominat; & virtutem Altissimi esse, proprium videtur, per quem Pater, qui Altissimus est, universa condidit.

Intellectum hunc non mediocriter confirmabat illud Proverb. 9., 1.: „Sapientia edificavit sibi domum;“ sed et de verbj corporatione per prophetiam dici vulgo interpretantur Patres. Exemplum est Leo ad Flaviam: „Edificante sibi sapientia domum, verbum factum est, & habitavit in nobis, hoc est, in carne, quam assumpsit in homine.“

Hilarius vero hujus, ut putabat, prophetie auctoritate adeo convictus fuit, Filium ipsum sibi corpus fuisse, atque coaptasse, ut propter eam ambigere se sciret, an Christus secundum formam servi formatus ire dici possit. „Et nescio, ait, an quod fors in forma servi est, referri possit ad Patrem, ut natus ab ipso sit. Sapientia enim ipsa edificavit domum, ut habitaret in nobis.“ Quae tamen ejus ratio non sic intelligenda est, quasi Christi corporis ac Spiritus S. opus esse non sentiat; sed id illud a Filio propria quadam ratione, quae in Patrem, aut Spiritum S. non conveniat, conditum formatum esse opinetur: eum omnino ad modum, sapientiae cognomen uni filio attribuimus, licet non esse credamus Patris, Filii & Spiritus S. sapientiae. Alias enim omne Filii opus, opus Patris esse fidei studio propugnat, ut sum inseparabilia Trinitatis opera credidisse nullum dubium sit.

At quovis loco permotus sit Hilarius, ut spiritum in Virginem supervenientem filium intelligeret, stat certe, ei conceptionem Christi ex Virgine tanti synonymas fuisse *Spiritus* ac *Verbi* voces. Adhuc quis per se experiri volet, conferat vicinos

unius, ejusdemque libri 10. locos, & ubi
rit: „Christo omnis causa nascendi inve-
tum;“ quid hoc sibi velit, declarabit
„Caro non aliunde originem sumferat, quar-

Rursum si offendit, quod ibidem habet
enim non nisi ex suo S. Spiritu genuit, quod
& quod §. 17. afferat, filii hominis „origi-
pervenientis in Virginem S. Spiritus aditu-
lum levabit §. 18., ubi de Christo affirmat
enim corporis sui origo est, utpote in for-
ris nostri, virtutis suæ potestate subsistens;
post pauca prædicat: „Nostris eum carere
virtutem profectæ ex se originis.“

Neque hic silendum est Philippi ad Jo-
sponsum. Cum enim in illis Hilarii lib. 2.
„Spiritus S. naturæ se humanæ carnis immiscui
blasphemiam cogitaret, prudenter epist. 5. re-
Abbas longe sapientior: „Cum ergo dicitur ve-
de spiritu concepisse, vel Christus carnis or-
accepisse, non intelligitur, quod divina subst-
carnem transierit, vel conceptionis hujus car-
terialis extiterit, sed adventus ejus in Virgine
mira operatio designatur, per quam Virgo gerit
& Christus generatur.“ Recte quidem ille, si t-
in his: „adventus ejus in Virgine“ Verbi, & nor-
ritus S. adventum intellexit.

Adjicimus pauca adhuc huic quasi ex Idiotico
tristito specimini, quæ ad recte intelligendam Pati-
tali ratione vocabulo *spiritus* utentium sanam me-
faciunt. Aliud est certe, primos Patres ad en-

II

USTU

illime Augu

cordat. E

nificordia

impetrare

etiam la

Ecelesia

iles fusti

ed est ne

ecernat

quibus

ed quos

pti-

ne-

tent

omi-

ori-

19

3

acceptis,

Ut Hilario jam quasi in limine hujus apologiæ continuatæ conciliemus animos Lectorum, juvat monuisse, eum, cum nulla esset de Christi ex carne Virginis generatione controversia, non multum laborasse, ut eam comprobaret: immo cum hanc ultro concederent adversarii, atque ex ejus humilitate Christi divinitatem extenuare & infirmare contenderent: in hoc potius maxime laborare debuisse, ut in Christo præter humanam naturam, etiam divinam esse demonstraret, argumentumque dilueret, quod ex humili illius de Maria generatione conficiebatur: hoc vero ut præstaret, ostendisse, Mariam Virginem nequaquam virtute naturali, sed præter legem communem, Christum peperisse, S. vero Spiritum, hoc est, ipsummet Dei filium in eam supervenientem, divina virtute sua corpus suum ex Virginis carne efformasse, atque assumsisse.

Qui hæc observaverit, facile dabit benigniorem sensum inesse sequentibus textibus Hilarii, quos censores virgula notarunt; illi Lib. 10. §. 16. de Trinit.: „Non enim corpori Maria originem dedit“ cui Erasmus obnitentibus Mss. addidit: „ex se.“

Nulla negotio percipiet ita dictum, quod videlicet Maria corpori Christi originem atque principium naturali sua virtute non dederit: „Ut quia, inquit Leo ad Flav. conceptus Virginis divini fuerit operis, non de natura concipientis fuerit caro concepti.“

Nec cum Joanne Hilarium secum pugnantem censebit, sed in conceptione Christi quid Dei, quid *Matris sit*, accurate distinguentem suspiciet, cum post
allata

allata verba: „Non enim Maria corpori originem dedit,“ continuo legerit: „Licet ad incrementa partumque corporis omne, quod sexus sui est, præstiterit.“ Æque parum secum hic pugnat Hilarius, ac Leo, Gregorius Naz., Tertullianus sibi contraria dixere, similibus usi formulis, quorum postremus hanc ponit antithesin, quæ mentem suam clare aperit Lib. de carne Christi: „Peperit, & non peperit: peperit enim, quæ ex sua carne, & non peperit, quæ non ex viri semine, sed ex Verbi virtute.“

Certe, cum in Virgine nunquam conceptum fuisset Christi corpus, nisi superveniens in eam spiritus fecunditatem ei præstitisset, non ipsa Virgo, sed spiritus dicendus est corpori Christi originem præbuisse. Recte igitur dixit Hilarius: „Non enim corpori Maria originem præbuit;“ nec minus vere subjecit §. 18. ejusdem libri: „Ipse enim corporis sui origo est.“

Illi, quem Scultetus ex Lib. 10. adducit: „Hominis habitus est, non origo hominis;“ quem forsitan ex §. 25. desumserit, ubi legitur: „Non fuit habitus ille tanquam hominis, sed ut hominis, dum & habitus carnis in nativitatis est veritate;“ aut cum eo, quem supra protulimus: „Non enim Maria corpori originem dedit;“ confuderit. Quanquam hic vindicare Hilarium novo quodam argumento non erit opus, cum quod ad priorem textum attulimus, huc quoque quadret: & Hilarius eodem §. 25., unde Scultetus hæc verba depromsit: „Habitus hominis;“ Christum ob veram ex homine nativitatem verum hominem esse *ter diversis modis repetat*, atque hoc ipsum
in

in §. subsequenti non semel inculcet, ac veram nosse esse nativitatem eam, quæ propriam ejus, ex qua ortum habet, substantiam non acceperit, quanto studio ubique defendat.

Illi ex Lib. 10. §. 35.: „Dum & corpus illud corporis veritas est, quod generatur ex Virgine; & extrinsecus corporis nostri infirmitatem est, quod spiritualis conceptionis fuit exordium.“ Spiritualis conceptio hic dicitur ab illo divino spiritu, cujus virtute Virgo concepit; sicut ob eandem causam caro Christi etiam a Tertulliano Lib. de carne Christi, & a Leone Papa serm. 5. de Nativ. „spiritualis“ nuncupatur.

Illi ex Lib. 10. §. 23.: „Caro illa, id est, panis ille de cœlis est;“ & 18.: „Ut per hoc, quod descendens de cœlis panis est, non ex humana conceptione, origo corporis esse existimaretur, dum cœleste esse corpus ostenditur.“ Eadem enim denominatio: „Corpus cœleste:“ ab aliis etiam Patribus corpori Christi tribuitur, a Gregorio Naz. ab Augustine &c. propter cœlestem unionem, commixtis videlicet ut naturis, ita etiam nominibus, atque ob arctissimam conjunctionem inter se vicissim commeantibus, propter unitatem personæ in utraque natura. Hilarius autem ex alio adhuc capite denominationis hujus rationem repetit: videlicet, quod sacrum illud corpus Verbi opus sit de cœlo descendens. Quanquam cum inter conditionem corporis, & ejus assumptionem nullum intervallum constituat, sed unum & idem esse innuat momentum, quo Spiritus S. desuper veniens Vir

is admiscuit, & id, quod alienum a se erat, vi ac potestate præsumsit; ipsius interpretatio non tum abest ab explicatione ceterorum: insuper & firmat, quod communi fide receptum, Leo epist. Iulianum, Augustinum in Lib. contra serm. Arian. itus sic enuntiat: „Natura nostra non sic assumpta ut prius creata, post assumeretur, sed ut ipsa assione crearetur.“

Erasmus præterea movit illud Lib. 3. §. 19.: certe non suscepit Maria, quod edidit, sed carorem sine elementorum nostrorum pudore prove-

Sed

Si quid hic obscuri est, certo postremis in veritatibus prima jam lucem præferunt. Si enim Maria non suscepit, quod edidit, necesse est, ut proinde ipsa substantiam ministraverit. Nec aliud vult apud Hilarium, carnem Christi sine elementorum nostrorum pudore provectam esse, quam quod Leonem serm. 5. de Nativ. Dom.: „Conceptui tui nulli fuisse terreni seminis mixta contagia.“ in mentem ipse suam absque ulla ambiguitate aperit. Lib. 12. de Trinit. §. 50., ubi quaestione instituta, Christum factum ex muliere Apostolus dixerit, respondet, „eum non extra rationem, *factum de matre* locutum esse, quem *natum* sciebat, frequenter dixisset: ut & nativitas veritatem generationis ostenderet, & factura *unius ex uno* nativitatem properetur; quia humanæ permixtionis conceptum factum nomen excluderet, cum factus esse ex *Virgine* ostendatur, qui *natus* magis esse non ambigebatur.“

Qua

Qua quæso ratione plenius potuit Christi ex Vagine singularis conceptionis modus ita explicari, & ipsius ex vera matre vera nativitas assereretur Cui non est perspicuum, Hilarium, dum Lib. 3. e mentorum nostrorum pudorem a conceptione Christi removet, non maternæ carnis substantiam, sed tantum humanæ permixtionis conceptum negare, & destruere unius ex uno nativatem?

Igitur id ei omnino sunt *elementa nostra*, quæ initia nostra. Neque his verbis tam rei conceptionis substantiam, quam modum, quo concipitur, explicat. Hoc illustratur §. 35. Lib. 6. de Trinit. ubi ineffabilem æternæ generationis modum ad nostram descendirationem cogitandam esse sic admonemur: „Nec enim per consuetudinem humani partus Deus ex Deo nascitur, neque per elementa originis nostræ ut homo ex homine propellitur.“

Hinc & id diluitur, quod Joannes, ut ex ephesina stola Hunaldi apud laudatum Philippum apparet, Lib. 10. de Trinit. §. 35. objiciebat: „Quia quamvis forma nostri corporis esset in Domino, non tam in vitiosæ infirmitatis nostræ esset corpore, qui non esset in origine, quod ex conceptu Spiritus S. Vir progenuit: quod licet *sexus sui officio genuerit*, tam non terrenæ conceptionis genuit elementis. *Generatur etiam ex se* corpus, sed quod conceptum esset ex Spiritu, habens quidem in se sui corporis veritatem, sed non habens naturæ infirmitatem: dum & corpus illud corporis veritas est, quod generatur *ex Virgine* & extra corporis nostri infirmitatem est, quod spiritus conceptionis sumit exordium.“

Mirum

Mirum sane, quod ne unum quidem locum re-
tendere valuerunt censores Hilarii, in quo non
verbis assereret aliud, quam quod eum opi-
voluerunt. Quomodo potuerunt illi carpere:
on terrenæ conceptionis genuit elementis;“ quin
aderent ad ea, quæ proxime præcedunt: „quod
sui officio genuerit;“ aut ad ea, quæ statim sub-
untur: „Genuit etenim ex se corpus.“

Sed ut homines sumus! rapimur præcipientes ad ju-
raro illa differimus, dum rem penitus ex omni
elustrassemus! De simili quodam, ac Hilarius tu-
fato queritur jam olim Cyrillus ad Joannem scri-
t, se ab adversariis insimulatum, „quasi sanctum
iti corpus non ex S. Virgine sumtum“ diceret:
m, inquit, intelligere oportuisset, universum
certamen pro fide a nobis esse susceptum, quod
irginem Dei genitricem esse constanter affirma-
At si sanctum corpus nostri omnium salvatoris
iti non ex Virgine natum, sed e cœlo allatum as-
aus, quomodo illam Dei genitricem esse intelli-
as“?

2. Inter sententias Hilarii sibi suspectas Erasmus
præfatione sua recenset, quod „cum alias, tum
lib. 8. de Trinit. magna contentione defendit, nos
que cum Patre & Filio unum esse natura, non ad-
ione, neque consensu.“

Hac in censura dupliciter peccare videtur Erasmus: primo, quod non attendens, quid Hilarius natura unum definiat, de his vocabulis ex nostro usu diiudicet: deinde, quod, qua ratione cum Patre, qui cum filio nos natura unum senserit, non distinguat. Sed cum Hilarius nos cum filio natura unum eo maxime probet, quod ipsammet carnis nostræ naturam assumserit, qui hæc sententia illius Erasmo perspecta esse potuit, cui visus est carnis nostræ substantiam Christo denegare? Hinc nemo non videt, quam cur superiore connexa hæc disputatio. Quam autem si necessaria, hinc probatur, quod qui ignoraverit Hilarii ea de re sententiam, toto Lib. 8. de Trinit. aliisque passim locis, plurimum laboret, necesse est. Hunc laborem, age, paululum levemus!

Primum igitur observare juverit, Hilarium non una ratione nos cum Patre & Filio, sed proxime cum Filio, eoque tantum mediante cum Patre natura unum dicere, quod ex sequentibus perspicuum fiet.

Deinde, cum ex hominum arbitrio pendeant non minus definitiones, quid *unum natura* definiat, attendendum est.

Hæc autem vocabula latius apud eum, quam apud nos patere, manifestum est: generatim enim Lib. 8. §. 9. dicit: „Qui per rem eandem unum sunt, natura unum sunt, non tantum voluntate;“ ex qua concludit §. 7. fideles, qui per fidem, quæ una est unum sunt, non modo consensu unum esse: „Si ergo inquit, per fidem, id est, per fidei unius naturam
unum

cum omnes prant, quomodo non naturalem in his
celligis unitatem, qui per naturam unius fidei unum
est?

Rursum naturalem eorundem unitatem §. 8. con-
stat, quod his unum Christum indutis baptisma sit
nam. „Quod unum sunt, inquit, in tanta gentium,
ditionum, sexuum diversitate, nunquid ex assensu
unitatis est, aut ex sacramenti unitate, quia his & ba-
ptisma sit unum, & unum Christum induti omnes sunt.“

Sic §. 9. rigantem & plantantem ex eo unum esse
excludit, „quia ipsi in uno baptismo renati, una
regenerantis baptismi dispensatio sint.“ Et
de post: „Quia & ipsa res eadem effecti sunt, ut
eodem rei, & efficientiæ sint ministri;“ quasi dice-
re ideo unum sunt, qui rigat, & qui plantat, quia
unum effectum, ad unum scilicet baptisma confe-
dum, unum instrumentum sunt.

Demum §. 12. natura eos unum esse inquit, qui
ore uno potiuntur, quia „honor naturæ aut spe-
s sit, aut dignitas.“

His præmissis propius dispiciamus, in quo Hila-
ri homines cum Christo natura quid unum esse vo-
nit.

Unum *spiritum* id efficere tam apud Hilarium, quam
ad alios Patres, primum est dicere, si minus attente
recto ipso Hilario, solum ad alios Patres hac de re
uentes, ad Scripturam, ad dogmaticam nostram
ectentes respondere voluerimus.

Spiritus enim Dei, qui christianarum animarum
ut anima, vitam eis tribuit & motum, sic nexu

naturali cum Christo devincire fideles, dicendus esse videtur; quo sensu & Petrus fideles dixit cum Christo unanimes. Inde etiam fit, ut quemadmodum singula cujusque hominis membra cum anima ad conficiendum unum corpus, ita singuli fideles cum spiritu Christi ad componendum unum Christi corpus, quod est Ecclesia, nexu naturali devinciatur.

Neque alio sensu Gregorius Naz. Orat. 26., cum præmisisset, alios in Ecclesia esse, qui dominantur, & præsent, qui pareant, ac regantur, subjecit: „Fiunt tamen utrique unum in unum Christum ab eodem spiritu constricti & compacti.“

Quo & illud Augustini spectat serm. 268.: „Quod est spiritus noster, id est, anima nostra, ad membra nostra, hoc Spiritus S. ad membra Christi, ad corpus Christi, quod est Ecclesia;“ & serm. 267.: „Hoc agit Spiritus S. in tota Ecclesia, quod agit anima in omnibus membris unius corporis.“

Immo etiam Hilarius videtur in citatis jam locis unitatis talis nexum a spiritu fieri, statuere, cum omnes in quantalibet diversitate natura unum esse dicit, „quia unum Christum induti sunt omnes.“

Interim tamen, si penitus totum Hilarium inspiciamus,prehendimus, minus eum ad *spiritum*, quam ad *corpus* Christi rationem habere, cum naturalem illam hominum cum Christo unitatem considerat. Atque sicut triplex quodammodo Christi corpus est, naturale videlicet, quod sumsit ex Virgine; sacramentale, quod nobis in Eucharistia reliquit; & gloriosum, *quod in cælum revexit*: ita ex triplici illo capite nos

cum

nam Christo natura unum esse ostendit, dum & ille naturam nostram assumit in incarnatione: & nos venimus illius carnem recipimus in sacramento Eucharistiæ: & demum eandem, quam a Patre accepit, gloriam nobis retribuit in corporum réparatione.

De triplici hac unitate singillatim videamus; ac de illa primum, quæ ob humanam naturam a Christo tantam, nobis cum illo est.

Philosophi veteres, Tullio teste L. 1. Quæst. 2. ad: „hominem esse censebant, quasi partem quantam civitatis & universi generis humani, eumque esse conjunctum cum hominibus humana quadam societate.“

Haud procul ab hac Philosophorum illorum sententia abest Hilarius, cum in Ps. 54. §. 9. de Christi incarnatione ait: „Universitatis nostræ caro est facta;“ & in Ps. 51. §. 16.: „ut & filius hominis esset Deus Dei, naturam in se universæ carnis assumsit, per quem effectus vera vitis, genus in se universæ propagationis tenet.“ & §. 17.: „Verbum caro factum est, & habitavit in nobis, naturam scilicet in se totius humani generis assumens.“

Pluribus aliis locis id ipsum significat, sed lucratum est illud cap. 4. in Math. §. 12. ubi civitatem quæra montem positam, carnem a Filio Dei assumptam interpretatur in hunc modum: „Civitatem carnem, quam assumserat, nuncupat, quia ut civitas varietate & multitudine consistit habitantium, ita in eo per naturam suscepti corporis, quædam universi generis humani congregatio continetur. Atque ita & ille ex

nostra in se congregatione fit civitas, & nos per confortium carnis suæ sumus civitatis habitatio.“

Haud absimili ratione alii Patres de Christo sunt locuti, ut: Gregorius Nyssen. in I. ad Corinth. 15. 8.: „Corpus ejus omnis est natura humana, cui est admixtus;“ ut Cyprianus in Orat. Dom.: „Ipse in uno omnes portavit;“ ut Augustinus in Psal. 85. „Nos faciens unum hominem, caput & corpus;“ ut Athanas. Orat. 4. contra Ari., ubi hæc Christi verba: „Ut omnes unum sint, sicut tu Pater in me, & ego in te“ sic interpretatur: „Uti omnes tanquam a me gestati, omnes unum sint corpus, & unus spiritus, & in virum perfectum occurrant;“ ut Cyrillus Alex. dial. 1. Nos quotquot homines sumus, naturali vinculo in identitatem esse constrictos &c. &c.

Eodem modo, quo tribuit Hilarius Christo, *in eo omnes existeret*: id ipsum etiam de Adam & Abraham affirmat: de Adam quidem cap. 8. in Math. §. 5. „In Adam uno peccata universis gentibus remittuntur;“ de Abraham vero cap. 18. §. 6.: „In uno enim Abraham omnes sumus, & per nos, qui unum omnes sumus, cœlestis gloriæ numerus est explendus.“

Perpicuum est ex hisce, eos omnes, qui naturæ humanæ consortes sunt, Hilarii, aliorumque Patrum sententia, naturali unitate esse conjunctos: & uniri quidem in illa massa, ex qua omnes omnino originem habent, & ex qua Christus ipse carnis suæ substantiam sumere non recusavit.

Idem vult Hilarius cum Lib. 8. ad hæreticos, qui nullam nobis cum Christo nisi consensus unitatem recipie-

spiebant, sermonem sic convertit §. 13.: „Interrogo, trumne per naturæ veritatem hodie Christus in nobis sit?“ ac deinde profequitur: „Si enim vere Verum caro factum est, quomodo non naturaliter manere in nobis credendus est, qui & naturam carnis nostræ jam inseparabilem sibi homo natus assumsit?“

Juxta hæc Ambrosius etiam Lib. 4. de fide cap. 1. ait: „Sicut unitatem fateor esse vitæ cœlestis in Patre & Filio per divinæ unitatem substantiæ, ita vel divinæ naturæ, vel dominicæ incarnationis excepto privilegio, societatem nobiscum vitæ spiritualis in filio esse profiteor per humanæ unitatem naturæ: qualis enim cœlestis, tales & cœlestes. Denique sicut in illo sedemus ad dexteram Patris, non quia cum ipso sedemus, sed quia sedemus in Christi corpore, sicut, inquam, sedemus in Christo per corporis unitatem, ita in Christo vivimus per corporis unitatem.“

Ob naturalem illam humani generis cum carne a Christo assumpta unitatem Hilarius in Ps. 51. §. 16., docet, toti humanæ naturæ factum esse jus ad rem Dei, a quo nemo cadat, nisi aut per infidelitatem, aut per sterilitatem a Christo, in quo jam veneris sit, eradicetur: „Non prohibitus unquam esse, quia per naturæ assumptionem incola sit receptus, sed ob infidelitatis crimen naturæ consortio inopius existens.“

Sic & in Ps. 143. §. 18, salutem carnis suæ in contemplatione resurrectionis Christi gentes jam intueri iubet: „In eo enim, inquit in Ps. 124. §. 4., sumus resurrectionem nostram resurrectione nostri in eo corporis speculantes.“

Ex his confirmatur, quod superiori disputatione satis jam aliunde demonstratum erat, quam non negarit Hilarius Christum ex Mariæ substantia carnem assumpsisse, cum homines Christo natura unitos ideò affirmarit, quod eam ipsam susceperit carnis naturam atque substantiam, qua constamus. Cum autem naturalis hujus unitatis gloriam nulli homini neget, patet, quod diximus, minus eum ad spiritum Christi quo soli fideles ac boni cum Deo uniuntur, quam a corpus illius respexisse.

Alter ejusdem unitatis explicandæ modus petitur ex communione carnis Christi, quam in Eucharistiæ sacramento percipimus.

Hoc argumentum alterum proprie non separat Hilarius, sed utroque potius in unum composito nostram cum Christo naturalem unitatem sic declarat, „Si enim vere Verbum caro factum est, & nos vere Verbum carnem cibo dominico sumimus, quomodo non naturaliter in nobis manere existimandus est qui & naturam carnis nostræ jam inseparabilem si homo natus assumpsit, & naturam carnis suæ ad naturam æternitatis, sub sacramento communicandæ carnis, admisit? “

Mirum est, quantum se torqueat Scultetus in analysi hujus loci, ut propositi argumenti vim elidat. Nam quæ de communicatione carnis Christi in Eucharistiæ sacramento perspicua sunt, dum detorquere conatur ad gloriæ ipsius consortium, ita intricatus est illius sermo, ut vel ex perplexa illa dicendi ratione appareat interpretationis falsitas: sic enim verba a
lata

lata explicat: „Natura humana in Christo divinitati juncta est hac ratione summe mystica, ut ipsa Christi caro nobis quoque communicetur, id est, ut natura unum simus cum illa, participes immortalitatis, & gloriæ resurrectionis, qua illa fruitur. Hoc sibi volunt verba Hilarii, cum ait: *Naturam nostræ carnis ad naturam æternitatis admiscuit*; addit: *Sub sacramento nobis communicatæ carnis*; ubi non de symbolo cænæ loquitur: aliter enim vocabulo *sacramenti* utitur Hilarius: sed docet humilitate filii Dei assumentis carnem nostram commendari nobis sacramentum, id est, arcanum illud, quod & naturam suam nobis communicarit, ut immortales etiam nos efficiamur.“

Plura contra hanc tortuosam interpretationem retorquere in promptu est. Ac primo quidem nullum in exposito loco de *Filii humilitate* verbum reperit. Deinde verbum *communicatæ* loco *communicandæ* substituit contra fidem omnium codicum sive scriptorum, sive excusorum. Temere etiam negat Hilarium de Eucharistia locutum esse, quia ille *sacramenti* voce non id, quod vulgo solet, sed *arcanum* quid significet: nonne enim initio Lib. 2. baptismus *sacramentum salutis humanæ* appellatur? An in hoc ipso libro 8. *sacramenti* vox aliud sonat, quam apud nos, ubi ait: „Quod unum sunt in tanta gentium, sexuum diversitate, nunquid ex assensu voluntatis est, aut ex *sacramenti* unitate, quia his & baptisma sit unum?“ Et quid sibi volet illud §. 15. „Christum, cum ipsius sanguinem bibimus, manducavimus carnem, in nobis per *sacramentorum* inesse mysterium?“ Nunquid *in esse per mysteriorum* mysterium?

rium? Ac ne plura congeramus, sufficiat meminisse adhuc, tract. in Ps. 131. §. 23., cœlestem Jerusalem definiri „concordem fidelium cœtum, & sanctificatio sacramentis Ecclesiæ animas.“

Præterea lusit Scultetus in verbo *æternitatis*: Nam cum æternitatem natura divina sola proprio sibi jure vindicet, uti cap. 23. in Math. §. 5. docetur, hanc ab Hilario *æternam* vel æternitatem simpliciter appellari aut non advertit, aut dissimulavit. Certe cum adversus hæreticos, qui cœstitudinem in Deum propter se cadere posse asserbant, cap. 31. in Math. §. 2. ait: „Ac si æternitas naturam fragilitatis acciperit;“ & postea: „Ac sic æternitas demutata in metum“ &c. an aliud sonat *æternitas*, quam quod divinitas?

Quis etiam neget, his Fragmenti II. §. 32. verbis: „Idcirco immutabilis & inconvertibilis filius Dei, ut in assumptione hominis corruptioni potius gloriam intulerit, quam labem *æternitati*;“ divinitatem æternitatis vocabulo enuntiatam esse? Nihil enim his fere aliud significatur, quam quod illis Lib. 9. de Trinit. §. 4.: „Contumeliæ suæ voluntas, nostra profectio est, dum nec amittit ille, quod Deus est, & homini acquirit, ut Deus sit;“ Verbo scilicet assumptione carnis nostræ nil periisse, nobis autem plurimum gloriæ accessisse, quod illustrent hæc antiqui authoris apud Ambros. verba Lib. de fide orthod.: „Cum hominem induere dignatus est, non labem æternitati intulit, ut spiritum in carnem mutaret.“ &c.

Cum

Com igitur Hilarius divinam naturam verbo *æternitatis* significare soleat, dum loco laudato Lib. 8. ait: Naturam carnis suæ ad naturam æternitatis admiscuit; simplex, ac germanus sensus est: Non nudam Verbo absolutam carnis suæ naturam sub sacramento Eucharistiæ reliquit, sed divinitati suæ admiscuit, atque conjunctam, ut communicando carnem, æternitatis suæ consortes nos efficeret.

His verbis ita intellectis plana est Hilarii demonstratione. Si enim vere nobis præstatur natura carnis Christi, substantialiter unita Verbo, quod cum Patre unum est, sequitur, ut nos cum Christo, eodem mediante cum Patre naturaliter unum simus, quod mandatum suscepit. Unde duæ illæ superius alibi propositæ: „Si vere nos Verbum carnem domino sumimus,“ &: „Si naturam carnis ad naturam æternitatis sub sacramento communicandæ carnis admiscuit;“ hoc tantum differunt, quod prima sacramenti Eucharistici naturam simul, & receptionem sonat, altera vero naturam duntaxat, institutionem.

Intellectum eundem confirmat, quod conclusio in modum subjicit: „Si vere igitur carnem corporis nostri Christus assumpsit, & vere homo ille, qui in Maria natus fuit, Christus, hoc est, Deus est, &que vere sub mysterio carnis corporis sui sumimus: & per hoc unum erimus, quia Pater in eo est, & ille in nobis, quomodo voluntatis unitas testatur, cum naturalis per sacramentum proprietas, effectus sacramentum sit unitatis?“ Quid enim hoc
sibi

sibi vult, nisi quod, cum illius, qui vere Deus est, veram carnem sumimus, habemus, unde cum Patre copulemur: quia per veram Christi carnem nobis impartitam in eo sumus, qui per naturam divinitatis in Deo Patre est. Sicque naturalis per sacramentum proprietatis perfectæ sacramentum est unitatis: hoc est, propriæ carnis Christi natura, per sacramentum Eucharistiæ nobis præstita, vinculum est perfectæ inter nos, Christum, ac Patrem unitatis.

Frustra igitur Scultetus eum sermonem, in quo se Hilarius de nostra cum Deo per Eucharistiam communione loqui, tot, tamque diversis modis declarat non de symbolo cœnæ, sed de quodam gloriæ confortio dictum esse contendit. Neque vero in coacta illa interpretatione constare ipse sibi potuit. Ubi enim locum attigit proxime allatum: „Nosque vere sub mysterio carnem corporis sui sumimus.“ Concedi tandem etiam superiorem: „Vere nos Verbum carnem cibo Dominico sumimus;“ dictum esse de sacramento cœnæ. In hoc enim altero se habere putat unde fucum faciat, quia in eo adjectum reperit: *sub mysterio*. Quasi vero nudam, & crudam Christi carnem, & non sub mysticis speciebus velatam in hoc sacramento nos accipere Ecclesia unquam docuerit aut crediderit. Sed si placet in uno loco; *sub mysterio*: placeat in utroque: *vere carnem sumimus*; placeat in primo: *vere Verbum carnem sumimus*; hoc est, eam ipsam carnem, quam Verbum ex Maria jam sibi inseparabilem assumpsit. Certe, qui totum Hilarii locum expendet, illum credidisse non inficias ierit, non
in

Eucharistiæ perceptione Christi carnem tam vere
dere, quam vere in temporaria generatione sua assum-
ille nostram, & quam vere in æterna accepit substan-
m Patris.

Immo cum hoc postremum, de quo litigabant
iani, persuadere conetur ex ea ratione, qua car-
m Christi in hoc sacramento accipimus, apud illos
confesso fuerit necesse est, nos in Eucharistia per-
nienda veram carnis Christi naturam percipere.
ippe ex Evangelicis hisce verbis: „Sicut misit me vi-
us Pater; & ego vivo per Patrem; & qui manducave-
carnem meam, & ipse vivet per me:“ concludit: „Vi-
tergo per Patrem, & quo modo per Patrem vivit,
dem modo nos per carnem ejus vivimus.“ Postea
stat: „Si ergo nos naturaliter secundum carnem per
m vivimus, id est, naturam carnis suæ adepti, quo-
odo non naturaliter secundum spiritum, id est, se-
adum divinitatem, in se Patrem habeat, cum vivat
e per Patrem.“ Tum prosequitur: „Per Patrem
tem vivit, dum nativitas non alienam ei intulit,
versamque naturam“ &c. Quod ex instituta com-
ratione nequaquam conficeretur, si carnis Christi
am figuram vel etiam diversam & alienam substan-
m acciperemus. Sed de nostro cur hic quidquam
piciamus, cum quid Hilarius intelligat: „naturali-
secundum carnem per eum vivimus:“ continuo
erpretetur: „Id est, naturam carnis suæ adepti.“
ullus hic figuræ intelligendæ locus? Quæ porro
uræ carnis, cum carnis natura consensio?

At

At sicui necdum satis probata, perspectaque fuerit Hilarii sententia, expendat & illud ejusdem loci: „Hæc ergo vitæ nostræ causa est, quod in nobis carnalibus manentem per carnem Christum habemus, victuris nobis per eum ea conditione, qua vivit ille per Patrem.“ Quæ est enim illa conditio, qua Filius per Patrem vivit? Nulla profecto alia, nisi quod veram & non figuratam accipiat ipsius substantiam. Aut igitur vera Christi caro in Eucharistiæ sacramento accepta nobis per eum vivendi causa futura est, aut non victuri sumus ea conditione, qua vivit ille per Patrem.

Deinde spiritualement duntaxat manducationem, quis hic cogitet, ubi „in nobis carnalibus manentem per carnem Christum habemus?“ Quid est per carnem, nisi non modo secundum spiritum, sed & secundum ipsammet carnis substantiam, sive non spiritualiter tantum, sed & carnaliter?

Neque vero hoc ipsum vocabulum prætermisit. Nam hæreticos, qui nullam nobis cum Patre & Filio naturalem unitatem concedebant, cum sugillasset hi verbis: „Quasi nulla per sacramentum carnis & sanguinis naturalis communionis proprietas indulgetur:“ confirmat subinde veram ac naturalem unitatem „per manentem in nobis carnaliter Filium“ in hoc sacramento indulgeri.

Hanc autem carnalem, ut ita dicam, Christi præsentiam non in nobis tantum, sive non in solo usu ponit Hilarius: siquidem absolute, & ante omnem usum carnis & sanguinis veritatem sic asserit: „De veritate carnis

carnis & sanguinis non relictus est ambigendi locus; tunc enim & Domini professione, & fide nostra verum est, & vere sanguis;“ ac deinde sacramenti huius usum, & effectum declarat his verbis: „Et hæc multa, atque accepta id efficiunt, ut & nos in Christo, & Christus in nobis sit.“

Præterea non esse ambigendum dicit de veritate carnis & sanguinis, postquam Christus professione sua hoc testatum fecit: Atqui ante usum Christus professus est: „Hoc est corpus meum. Hic est sanguis meus.“

Quid? cum superius memorat a Christo naturam carnis suæ ad naturam divinitatis „sub sacramento communicandæ carnis“ admixtam, nonne satis indicat & carnis & divinitatis, etiam antequam communicatur caro, & dum adhuc est communicanda, ad præsentiam?

Legit quidem Scultetus ibi: „Sub sacramento communicatæ carnis;“ sed mala fide, uti jam-mostramus.

Denique hoc ipsum confirmari potest ex verbis in Constant. §. II., ubi deplorans Hilarius, quæ impiis Constantii satellitibus Tolosæ gesta fuerant, „Diacones plumbo elisi, & in ipsum, ut sanctissimi mecum intelligunt, in ipsum Christum, manus fixæ.“ Ut enim his verbis: „In ipsum Christum:“ Eucharistiam intelligamus, facit intercedens ad monacha: „Ut sanctissimi mecum intelligunt:“ quæ idem hic perinde est, atque aliis Patribus, quoties hoc sacramento ad cautelam paulo obscurius loquuntur, usitata formula: „Norunt fideles.“ Eucharisti-

charistia igitur est ipse Christus: Christus autem ita, ut impiorum manus in eum potuerint mitti, ac missæ reipsa fuerint. Porro non missæ fuerunt in sacramenti usu: relinquitur itaque, ut etiam ante usum Christus in illo fuerit.

Vidit quidem Hilarius, huic nostræ de veritate carnis Christi in Eucharistia fidei, sensus, humanamque sapientiam repugnare. Verum iis quantumvis obstrepentibus sapienter occurrit, ac silentium prorsus indicit his verbis: „Non est humano, aut seculi sensu in Dei rebus loquendum: neque per violentiam, atque imprudentem prædicationem, cœlestium dictorum sanitati extorquenda perversitas est. Quæ scripta sunt, legamus.“ Legimus autem, Christum nobis corpus suum tradidisse. Non est igitur audiendum quidquid reclamet infirma hominum ratio.“ Nunquam enim ipsius Domini professione & fide nostra vere carnis est, & vere sanguis est.“

At quomodo unum, & idem corpus potest esse simul in tot, tamque dissitis locis? Respondet ibi Hilarius: „Quod Christus affirmavit, anne hoc verum non est? Contingat plane his verum non esse, qui Christum Jesum verum esse Deum denegant;“ hoc est, qui Christum negant esse omnipotentem, aut præstare posse, quod præstare se dicit. Hoc totum est ipsius in rebus creditu difficilibus confugium. Quare vis non assequatur, quomodo Filius ex Patris substantia genitus sit, qui januis clausis ad discipulos ingressus sit Christus, aut qua ratione veram nobis carnem suam sub mysticis speciebus porrigat; nunquam
tamen

amen vel minimum de dictis Domini dubitat, quem certo scit plura posse, quam valeat humana ratio comprehendere.

Hujus fidei suæ exemplum denuo præbet, cum a duobus præcedentibus explicat nostræ unitatis modum, de quo modo paucis. Ante tamen non detur silendum, etiam Cyrillum Alex. dial. i. exemplo Eucharistiæ uti, ut eos refellat, qui non aliam in nos putant, nisi voluntatis consensionem. „Concorporei enim, inquit, facti sumus in Christo, una carne pasti, & uno spiritu obsignati: & cum Christus indivisibilis, neutiquam enim divisus est, unum omnes sumus in ipso. Ideoque ad Patrem dicebat: Unum sint, sicut & nos unum sumus. Vide enim, in Christo & sancto Spiritu omnes unum sumus, tum secundum corpus, tum secundum spiritum.“

Tertius unitatis modus, quem Hilarius primum stat, futuram spectat vitam.

Quam enim unitatem suis precatur Christus his verbis: „Ut sint unum, sicut & nos unum sumus;“ intelligendum putat ex his subsequenter: „Et ego norem, quem dedisti mihi, do his;“ ut tum futuri unum, cum gloriæ illius, quam a Patre accepit, participes efficientur. „Omnes, inquit Lib. 8. §. 12., credituri sunt in eum, unum cum Patre & Filio sint. Et quomodo erunt, mox docemur: Et ego norem, quem dedisti mihi, dedi eis. Et nunc interrogabo, utrum id ipsum sit honor, quod voluntas, an voluntas motus mentis sit, an vero honor nature aut species, aut dignitas.“ Ex quo postea con-

cludit: „jam igitur unum sunt omnes, Pater, Filius, fideles; in honore, quia non alius, quam qui a Patre acceptus est, honor datus est a filio fidelibus: neque ob aliud datus est, quam ut unum omnes essent.“ Unde fit, ut „credentes omnes honor Filii ad unitatem paterni honoris assumat.“

Quamvis autem de hac unitate sibi a Christo promissa certum se dicat per fidem, ipsius tamen rationem nondum se probe scire fatetur, ibidem subiiciens: Fidem teneo, atque causam unitatis accipio: sed non apprehendo rationem, quomodo datus honor unum omnes esse perficiat.“

Tripticem illum unitatis modum paucis completitur §. 16., ubi & causam exponit, ob quam ea de re disputarit: „Hæc autem idcirco a nobis commemorata sunt, quia voluntatis tantum inter Patrem & Filium unitatem mentientes, unitatis nostræ ad Deum utebantur exemplo. — En causa! — tanquam nobis ad Filium, & per Filium ad Patrem; obsequio tantum ac voluntate religionis unitis, nulla per sacramentum carnis & sanguinis naturalis communionis proprietate indulgeretur, cum & per honorem nobis datum Filii (Hic est primus gradus unionis cum Christo, gloria communis!) & permanentem in nobis carnaliter Filium (secundus gradus, caro illius nobis in Eucharistia data!) & in eo nobis corporaliter & inseparabiliter unitis, (tertius gradus, caro nostra ab eo assumpta, & nunquam dimissa!) mysterium veræ ac naturalis unitatis sit prædicandum.

Hac nostra cum Christo naturæ unitate ita explicata, non erat, unde Erasmo oboriretur ulla erroris suspicio.

Sed neque magis suspectum est, quod nos etiam cum Patre natura unum asserit. Non enim hoc probat, nisi Christo intercedente, ac fungente Mediatoris officio. Nam cum carnis Christi & nostræ sit una substantia, verbi autem carnem nostram habentis, & Patris una natura, fit ut conjuncti naturaliter cum Christo, cum Patre pariter jungamur, cum quo ille naturaliter conjunctus est. „Ita enim, inquit §. 13., omnes unum sumus, quia & in Christo Pater, & Christus in nobis.“

Luculentius autem §. 15. sententiam suam sic explicat: „Si voluntatis tantum unitatem intelligi vellet, cur gradum quendam atque ordinem consummandæ unitatis exposuit, Joan. 14., 19. nisi ut cum ille in ore per naturam divinitatis esset, nos contra in eo per corporalem ejus nativitatem, & ille rursus in nobis per sacramentorum inesse mysterium crederetur: sic perfecta per Mediatorem unitas doceretur, cum nobis in se manentibus ipse maneret in Patre, & in ore manens maneret in nobis, & ita ad unitatem Patris proficeremus, cum qui in eo naturaliter secundum nativitatem inest, nos quoque in eo naturaliter essemus, ipso in nobis naturaliter permanente?“

In hac hominum cum Deo unitate commendanda in Hilario consentiunt & alii Patres, Greg. Nyss. verbis 1. Corinth. 15., 8., ubi dicit: „Ex omnem humana natura, cui admixta fuit divinitas, vel-

uti primitiæ conspersio is, qui in Christo est, homo constitit, per quem divinitati universa adnata, & admixta sunt;“ tum Mediatoris officium ea ratione a Christo impleri docet, „quod omnes sibi univerit.“

Paulinus Nol. epist. alias 33., cujus hæc sunt verba præclara: „Per Christum Deo juncti & insiti sumus, ut Dei arrhabonem teneamus in terra nostra Spiritum S., quem dedit nobis, & nostri pignus habeamus in Deo carnem Christi, quia intervallum istud immensum, quo a divinis mortalia disparantur, medic & inter utraque communi interventu suo velut quodam, ut sic dixerim, ponte continuat; ut ejus tramite terrena cœlestibus conferantur.“

Quærit Cyrillus Alex. dial. de Trinit.: „An eam Tolam ob causam Unigenitus Mediator esse censebitur quod peccatum, quod nos a Dei charitate & consortio arcebat, procul repulit?“ respondetque: „Aliar præterea ei rationem arcanam, & mysticam ad mediationis nomen, & rem suppetere.“ Quod mysterium sic postea exponit:“ Mediator igitur hoc pacto etiam censetur esse, ea, quæ natura multum diffita, & immenso disjunguntur intervallo, Deitatem nimirum humanitatem, conjuncta & unita ostendens in se ipsi & nos per se ipsum Deo & Patri conjungens. Eju dem enim est cum Deo naturæ, quia ex ipso est, in ipso, & ejusdem quoque nobiscum est naturæ, nam ex nobis etiam est, & in nobis.“

3. Quid Hilarius de Christi humanitate senserit, in esuriendi, timendi, dolendi, aliisque humanis affectibus obnoxiam eam negarit, non minimi momenti est controversia, quam præterire nullo pacto licet. In hac porro causa nec illi defuere olim, neque etiam desunt & accusatores, & patrōni, quorum illi affirmant eum sensisse Christum omnino tristitiæ, metus, doloris, aliarumque hujusmodi affectionum expertem, hi negant.

Hic autem ita versabimur, ut simus primo præcipuos Hilarii in hac causa reprehensores ac defensores nominaturi: plures deinde Hilarii adducturi textus, ubi objectio sibi errori plane adversa docuit: denique momenta examinaturi, ex quibus accusatores Hilarii agunt: si forte maturiori examine instituto illæ etiam ibi fidem Hilarii ex specialibus rationibus servare, & ostendere valeamus, experturi. Igitur

A) Primus inter Veteres, Claudianus Mamertus lib. 2. de statu animæ cap. 9. in Hilarii scriptis duobus veris adversa animadvertit: „Unum, quod nihil corporeum creatum dixit: aliud, quod nihil dolorem Christum in passione sensisse“ dixerit: additque: „Cujus si vera passio non fuit, redemptio quoque nostra vera esse non potuit.“ Reprehensionis hujus inæ parti suus infra erit locus: postremo solum hic pendimus.

Multis post sæculis Berengarius, veritus hæud dubie, ne suum ipsius de Eucharistia commentum Hilarii authoritatis pondere opprimeretur, eam ut deperiret, tanti viri famam labefactare conatus est, ac

divulgare Lanfranco testē, epist. 50.: „Quod in statu fidei perversa senserit, & in libro de div. Trinitate improbables sententias de Domino Jesu Christo protulerit.“

Non ita multo post idem ille Joannes, qui Hilarium de conceptione Christi male sensisse pertinaciter voluit, epistolis iisdem non minus præfractè contendit, ipsius de passione Christi opinionem a recta fide abhorrere.

Ea quoque in re Baronius ad annum 563. n. 4. minus circumspēcte, quam solet, de Hilario loquitur, cum scribit eum ab Aphthardocitis instauratum esse errorem, qui in Hilario jam damnatus fuerat, ac præter Claudiani Mamerti iudicium, nullam affert damnationis hujus auctoritatem.

Neque illi in hac causa parcent Erasmus, atque Scultetus.

Plures alii, etsi non aperte S. Præsulem damnant, eum tamen aut frigide defendunt, aut in eorum propendent sententiam, qui illum errasse opinantur.

Mediam nonnulli sententiam ineunt, qui, cum confiteantur, eum Lib. de Trinit. prava, & a recta fide aliena docuisse, hoc erratum posterioribus scriptis ab ipso castigatum, ac retractatum esse existimant.

Non minus celebres fuere, qui venerandi Doctoris fidem adversus reprehensores vindicarunt.

Ac primo quidem uni Claudiano Mamerto opponere licet, quotquot Ecclesiæ Patres Hilarium laudaverunt. Hoc jam eleganter præstitit Lanfrancus epist. 50., ubi Berengarii censuram eo maxime argumento repel-

repellit, quod „quisquis Hilario alicujus hæreseos notam imponit, multos orthodoxos principes, qui magnis eum laudibus extulerunt, ejusdem erroris macula involvit.“ Ut enim postea subjicit: „Gelasius Papa in decretis suis libros ejus inter catholicas scripturas enumerat. . . Ejus autoritas in SS. Canonibus (puta in Concil. Chalced. Tolet IV. &c.) decentissime memoratur, recipitur, & laudatur. S. Augustinus in Lib. de Trinit. excellenti eum laude extollit. . . B. Hieronymus, epist. ad Lætam, quantis eum omnesque libros ejus in quibusdam suis præconiis effert? Quicunque de eo aliquid locuti sunt, ab horum sententia in hac parte non dissenserunt.“

Tum iis, qui in lectione SS. Patrum sententias difficiles offensuri essent, egregiam hanc regulam proponit: „Tutius igitur est lectori in difficillimis SS. PP. sententiis, quas ingenii sui imbecillitas capere non potest, interrogato, quod nescit, dicere se nescire, quam pertinaci arrogancia non sine sua, & aliorum perniciæ fidei contraria definire, præsertim si talis persona sit, quæ vel scientia litterarum, vel probitate morum, vel potius utraque parte, autoritatis pondus præ se gerere videatur.“

Similem regulam secutus Philippus Abbas non eam esse Hilarii doctrinam, quam illi affingebat Præpositus Joannes, tribus epistolis constanter propugnavit. Sed cum Præpositus pertinaciter repugnaret, motæ litis arbiter quæsitus est Hunaldus: qui quidem utrumque ita conatus est conciliare, ut Hilarii fidem suspectam haberi nullo pacto permiserit. Hæc Hunaldi

sententia cum tribus Joannis epistolis extat ad calcem epistolarum Philippi Abbatis.

Non longe postea Petrus Lomb. Thomas, Bonaventura pariter operam navarunt, ut catholici Præfulis dicta catholice intelligerentur; diluerunt objecta & quæ nonnullam erroris speciem præ se ferre videbantur, sanæ fidei reddiderunt.

Prolixitatis vitandæ gratia referre superfedemus quæ in hac causâ eruditi illi viri, Lanfrancus, Philippus, Lombardus, Thomas, Bonaventura, alii plurimi adversariis responderint, ut ex ipsis Hilari dictis genuinos illius sensus exploremus.

B) Hoc in Hilarium quærelarum caput est, quo timorem, tristitiam, aliasque ejusmodi affectiones a præsertim dolorem in Christum nequaquam cecidisse existimarit.

Quid autem errori huic tam adversum, tamque contrarium, quam ut omnes nostræ affectiones atque infirmitates a Christo susceptæ prædicentur? Atqui Ps. 53. §. 4. docet, Christum ita orationem temperasse, „ut qui omnia secundum hominem passus est omnia secundum hominem & loquatur, & quorum infirmitates portavit, eorum ad Deum deprecetur eliquio.“ Quid est: „Omnia secundum hominem passus est,“ nisi omnia, quæ homines pati solent? Sæpe enim apud eum particulæ *secundum* ea vis est, ut idem sonet, quod: *more*; nec dubium sit, quin hic *secundum hominem*: perinde accipiendum sit, ac: *more ceterorum hominum*.

Dictum

Dictum ipse suum Hilarius sic enucleatius exponit: „Ut absolutissimum nobis humanæ humilitatis esset exemplum, omnia, quæ hominum sunt, & oravit, & passus est. Et communi nostra infirmitate factum sibi est deprecatus a Patre, ut nativitatem (id est, naturam) nostram cum ipsis infirmitatis nostræ esse intelligeretur officiis. Hinc illud est, quod erivit, sitivit, dormivit, lassatus fuit, impiorum metu fugit, mæstus fuit, & flevit, & passus, & mortuus est.“ An hæc omnia, quæ sine aliquo doloris sensu aut animæ cruciatu nemo experitur, Christum iter expertum esse intellexerit? Falso igitur asseruerit, „omnia, quæ hominum sunt, passum eum esse.“

Deinde si famem, sitim, lassitudinem, fletum, & cetera carnis dixeris, non animæ esse passionem, numquam mæstitiam? At vero hanc §. 8. non in carne, sed in anima Christi positam se intelligere declarat his verbis: „Potentes animam ejus exquirunt, quæ frequenter in Evangeliiis tristes & mæsta est.“

Neque quisquam inficias ierit, anxietatem animæ esse propriam affectionem. Ab Hilario tamen in Ps. 39. §. 2. Christus prædicatur: „Ex infirmitate corporis anxius:“ & hoc quidem, ut declarat in Ps. 141. v. 1.: „Non ob naturalem (Verbo) quasi passionis metum, sed affectum hominis, quem gerebat, ostendens, ut ipse non simulatus, sed verus homo posset intelligi.“

Ex quo id etiam conficitur, verum, & non simulatum fuisse illum Christi metum, quem ut verus,

& non simulatus homo posset intelligi, susceperit
Cur autem naturalis negetur, dicetur infra copiose

Eundem humanæ mentis affectum de Christo planius affirmat in Ps. 139. §. 11., ubi cum quæsiisset unde unius ejusdemque Christi oratio sit cum trepidatione simul & securitate? Reponit: „Hoc ab eodici ex ratione poterit, qui gerens hominis Deique naturam, habeat & ex hominis infirmitate trepidationis affectum, & ex conscientia divinitatis, fiduciam securitatis.

His accedit illud tract. Psal. 54. §. 6.: „Et hæc quidem in eum omnia, quæ nostræ necessitatis sunt irruerunt; sed ab eo naturæ suæ virtute suscepta sunt dum mortem nostram potens non mori, etiam timorem in se mortis ingruentem non renuit.“

Multa hic locus continet notatu digna. Primo enim hæc dixit Hilarius ad enarranda Psalmi verba „Cor meum conturbatum est in me, & formido mortis cecidit super me, timor & tremor venit super me:“ quæ de Christo interpretari non dubitat. Deinde quasi non satis sit, cordis turbationem, timorem, ac tremorem Christo attribuisse, etiam generatim de eo pronuntiat: „Pati omnia in se ipso constituit.“ Et mox: „Omnibus, quæ infirma sunt, perfunctus.“ Et continuo: „Universa, quæ mortis nostræ sunt, ac timoris, pertulit.“ Tum attingit causam, cur omnia passus sit, quod nimirum non propter se hæc pertulerit, sed ut „humanæ salutis sacramenta perficeret.“ Post rationem, qua sit passus, explicat: 1) ut cum „difficillimum hominis infirmitati sit, intra se ipsum per-

turba-

rbationes mentis, commotionesque cohibere, ut
 in erumpant: " Christus eas intra se cohibuerit, atq;
 inde Dominus earum fuerit. 2) Ut quia „divi-
 nitatis suæ non est abolita natura, omnibus, quæ
 ima sunt, salva majestatis suæ dignitate perfunctus
 " Ex quo sequitur postremo, ut universa, quæ
 assumpta carne pertulit, in Dei assumentis personam
 iderent potius, quam inessent in propria illius na-
 a.

In his summatim habetur prope tota Hilarii de pas-
 de Christi doctrina, a catholica fide nihil dissonans,

Forte adhuc de dolore Christi, unde major est
 controversia, perspicuam expectas sententiam? Ha-
 in Ps. 68. §. 22. & perspicuam, & disertam: „Per-
 tus ergo est Dominus peccata nostra suscipiens, &
 nobis dolens." Et paulo post: „Hunc igitur
 a Deo percussum persecuti sunt, super dolorem
 secutionis hujus addentes. Pro nobis enim secun-
 a Prophetam dolet."

Rursum altera non minus evidens occurret §. 25.
 Hilarius primum asserit, Verbi assumentis natu-
 ræ, formæ servilis assumptione abolitam non esse,
 o, „ut quod assumptum est, non proprietas interior
 sed exterior accessio." Tum hoc dictum suum
 firmat ex verbis Psal.: „Pauper & dolens ego sum;
 alius vultus tui, Deus, suscepit me." Quæ qui-
 a sic enarrat: „Pauper est, qui secundum Aposto-
 l, cum esset omnium dives, se ipsum, ut nos di-
 ceremus, paupertavit: dolens est, qui secundum
 prophetam pro nobis dolet. Sed hunc pauperem ad
 dolen-

dolentem salus ea, quæ vultus Dei est, suscepit. Paucis subinde explicat, quomodo, qui imago, vultus ac forma Dei est, homini illi pauperi ac dolenti quem assumpsit, salutem in se impertierit. Agnoscitur itaque laudatis Psalmi verbis duplicem Christi naturam significari, divinamque adeo non defecisse, ut humanæ salutem & gloriam præstiterit, & id quidem, postquam paupertatem ac dolorem experta est.

Neque hic omittendum, quod enarrans Ps. 57 §. 5. habet: „Peccatorum autem vim & dolorem significari meminimus in spina, cum dicitur, in ærumnam incidi, dum configitur spina; quia usque ad mortem humiliatus (Christus) de peccato condemnavit peccatum in carne, velut cum spina configitur.“ Cur enim in spina dolorem asserat significari, & unicuique de Christi passione testimonium in huius rei probationem afferre satis habeat, palam facit, se ne quidem ambigere, quin Christus in passione non sine dolor sensu fuerit. Certe si Christum sensit doloris expertem, aut ad Christum, referre non debuit: „in ærumnam incidi, dum configitur spina:“ aut frustra eo loco commotus est, ut peccatorum vim & dolorem in spina significari admoneret.

Sed quam a Christo dolorem non removerit, rursum fidem faciunt hæc in Ps. 68. §. 1. verba: „Unversarum itaque humanarum passionum sorte perfructus secundum susceptas infirmitates nostras loquitur & dolet ipse quidem extra necessitatem & timoris positus, & doloris; sed his se tamen, quæ suscepit, accommodans, ut qui carnis nostræ homo natus esse

&

dolorum nostrorum querelis & infirmitatis precatione loqueretur.“

Manet ex hisce, Hilarium commentario in Psalmos, non modo non sensit Christum tristitiæ, metus, ac doloris expertem, sed huic etiam errori multa contraria docuisse. Videamus, num idem de Libris de Sa. Trinitate dici possit. Attentiores ad hæc, quæ habemus, loca simus, oportet, quod ex his libris, si adhuc videbimus, suæ accusationis in hac causa materiem reprehensores Hilarii potissimum desumere.

Primum ergo sinceræ quoad hoc fidei occurrit testimonium lib. 3. §. 10.: „A cunis & infantia usque ad consummatum venerat virum, per somnum, famem, timorem, lassitudinem, lachrymas hominem egerat.“

Deinde Lib. 6. §. 25. Christum corpoream humilitatem suam non solum non siluisse, sed & sæpenuero declarasse cum Hilarius multis exemplis probet, et etiam refert illius dictum: „Nunc anima mea turbata est.“ Sensit igitur animam Christi turbari potuisse, ac re ipsa turbatam: adeoque passionis motum animam illius æque ac in carnem incidere potuisse.

In Libro 10. tristitiam a Christo susceptam ferens docet. „Qui ergo, inquit §. 36., non propter mortem, sed usque ad mortem tristis est, querendum est, unde sit tristis.“ Et mox: „Adeo autem non propter mortem suscepta tristitia est, ut sit constituta per mortem.“ Quod & repetit §. 39. Sic §. 63. docet: „Christum non sibi flere, sed nobis, assumpti hominis veritatem ipse quoque affectus humane consuetudinis susceptus protestaretur.“

Si

Si plura cupis, habes §. 42.: „Nec propter mortem timet, qui usque ad mortem anxius est.“ §. 55.
 „Vere Jesum Christum flecte non dubium.“ §. 56.
 „Qui & flevit, & doluit.“ Hoc autem eo magis notandum, quod eo loci verum Christi fletum, proindeque verum dolorem propugnet. Deinde §. 67. generatim audies: „Passus quidem est unigenitus Deus quæ homines pati possunt.“

§. 48. iis, quæ ad humanam ipsius naturam, & quæ ad divinam pertineant, diffuse enumeratis, concludit Christum „secundum hominem pro nobis infirma omnia pati, sed secundum Deum in his omnibus triumphare.“ Ea ipsa distinctione rursus utens §. 62. ait: „Habes in conquerente, ad mortem subluctum esse, quia homo est: habes eum, qui moritur, profitentem se in paradiso regnare, quia Deus est.“

Ut etiam conjectura eorum elidatur, qui Hilartium ab infirmitatis nostræ affectionibus divinam humanamque Christi naturam eximere, eo argumento confirmare se putant, quod, cum adhibita duplici hujus naturæ distinctione ab objectis sese expedire facile potuisset, aliam tamen viam inierit, & ad alia confugerit responsionum præsidia, distinctionis hujus quam non negligens fuerit, documentum adducimus §. 2. comment. in Ps. 55., ubi sermonem ita sibi temperandum proponit, „ut quia Christus infirmitates omnium portavit, & peccatorum nostrorum frequenter & voce sit usus, & lachrymis; extra contumeliam Dei sit & affectus, & sermo, qui hominis est.“ Ibi quippe

quippe in Christo secernuntur Deus & homo; & cum in homine hominis infirmi, non tantum sermo, sed & affectus fuisse concedatur, hoc extra contumeliam Dei intelligendum esse admonemur.

Ita & commentario in Mathæum, quem ante libros de Trinit. scriptum esse prope certum est, in Christo carnis infirmitatem a Verbi virtute distinguit: & veram illius esuritionem fuisse concedit secundum infirmitatem carnis, ut non obrepserit illa, nisi quantum Verbi virtus voluerit, ac permiserit. „Igitur, sequitur cap. 3. §. 2., cum esuriit Dominus, non in ea subrepsit operatio, sed virtus illa quadraginta dierum non mota jejudio, naturæ suæ hominem deliquit. Non enim erat a Deo diabolus, sed a carne ascendus, quam utique tentare non ausus fuisset, & in ea per esuritionis infirmitatem, quæ sunt hominis, recognovisset“ Et §. 3.: „Eam ergo in tendo conditionem operis proposuit, per quam & in eo, ex demutatione lapidum in panes, virtutem potatis agnosceret; & in homine, oblectatione cibi, patientiam esuritionis illuderet.“ Adeo novit Hilarius in Christo distinguere, quæ Dei, quæque hominis sunt, ut cum in ipso adstruat virtutem, quæ facere valeat, ultro etiam confiteatur infirmitatem, quæ esuritioni permissa sit ita veræ, ut propter eam ei patientiæ meritum attribuat.

Sed & cum Hilarius passim, ac nominatim Lib. §. 6. observet hunc errorum omnium, quos recondos suscepit, fontem esse, quod adversarii „dis-

divinitatis, & impietatis causas arripiunt de salutis nostræ sacramento: “ atque cum illis ita agendum, ut distinctis iis, quæ Dei essent, „ & quæ essent temporum ac mysteriorum, nec contumeliam divinitas susciperet, nec dispensatio afferret errorem; ” eaque ratione omnia eorum objecta dilui, seque superioribus libris diluisse admoneat, mirari satis non possumus, unde hanc respondendi rationem dictus sit neglexisse. An quod ei uni non hæret, aut saltem illan non satis frequens inculcat? At Arianis Christi divinitatem ob ea, quæ passus est, negantibus, num fecisset satis, si hæc in humanam, non in divinam illius naturam cecidisse duntaxat respondisset? An non visus esset principium, ut loquuntur, petere? Non tantum dicendum, sed & demonstrandum ei erat, præter naturam infirmam nostræque similem, aliam in Christo esse longe potiore, infirmitatis prorsus nesciam, incorruptibilem, immutabilem, cuius potestati nihil non cederet. Hoc tum opus, hic labor erat. Is etiam est totius libri decimi scopus, ex cuius potissimum cognitione pendet intelligentia eorum ob quæ catholicus Præsul in erroris suspensionem venit.

C) Aliqua mox prælibavimus, quæ tam ad detegendas accusationis in Hilarium ex hoc capite motas causas veras, simulque ad vindicias pro illo instruendas ex iisdem, ex quibus accusatur, locis, faciunt. Uberius utrumque nunc præstitum imus, & causas detegimus veras accusationis hujus, & inde versa vindicias depromimus.

Inficiandum vere non est, iis, qui Christi indolentiam ab Hilario propugnatam volunt, in Lib. 10. de Trinit. adesse plurima, quæ ipsorum opinionem faveant. Quid enim aliud sonare videatur hoc §. 23., quod in Christum quamvis ictus & vulnus inciderent, afferrent hæc quidem impetum passionis, non tamen maiorem passionis inferrent? "

Id porro cum illustratur similitudine teli in aquam aut ignem, aut aerem immissi, quod quamvis a natura crearetur, ut & foret, & pungat, & vulneret, nec forat tamen, nec pungit, nec vulnerat, quia de natura non sit aut aquæ forari, aut aeris pungi, aut ignis vulnerari; præconcepta ex prioribus verbis opinio mirum in modum confirmatur.

Nec minus illis favere videtur illud §§. 15. & 25., quo negatur Christus dolorem corporis nostri sensit, quia non humano more, sed ex virtute Spiritus S., & Virgine conceptus ac natus sit: adeo, ut vere quidem in forma servi extiterit ob carnem ex Virgine assumptam, sed ob spiritalem conceptionem a peccatis & vitiis humani corporis liber fuerit.

Maurinus etiam in Hilarium commentator fatebitur, se delibatis prioribus huius libri paginis ab Hilario vindicandi proposito pæne fuisse absterritum, fatique duxisse cedere, quam apertæ contradicere veritati.

At cum assensum, ipsius Hilarii præcepto admodum ad finem usque libri sustinisset, ex dictis posterioribus illi affulsit lux, qua priorum caligo depelleretur. Sic enim, quo scopo Hilarius talia ibi scripsit, *S. Hilarii Tom. II.* e pferit,

pferit, quamque recte ex hoc scopo talia scripserit, tandem deprehendere licuit. Contra eos enim disputat ibi, qui divinitati Christi eas ipsas, quas humanitati tribuit vera fides, affectiones, tristitiam, metum, dolorem &c. tribuebant.

Eandem accusationem instituunt reprehensores Hilarii ex ejus in Mathæum commentario, cap. 31.

Sed eodem etiam modo, ac contra criminationes ex Lib. 10. de Trinit. depromtas, vindicatur contra istam accusationem, habita scilicet ratione scopi ejusdem, quem sibi hic quoque sicut in Lib. 10. de Trinit. proposuerat.

Juvat autem, ut verum Hilarii scopum cognoscere liceat, indeque pro eo vindicias instruere, prius hæresim, quæ humanas illas affectiones in Christi divinitatem rejiciebat, magis ex propinquo intueri.

Post Philastrium Brixientem Augustinus ad Quod vultdeum hæres. 73. quandam hæresin tacitis illius authoribus commemorat, quæ „in Christo divinitatem doluisse, cum figeretur caro ejus in cruce, asserbat.“

Hanc Rom. Concilium sub Damaso epist. ad Paulinum Antioch. apud Theodoret. Lib. 5. hist. Eccles. c. 11. configit his verbis: „Si quis dixerit in cruci passione dolorem sustinuisse Filium divinitate ipsa, & non carne, animaue rationali, quam assumpsit in forma servi, ut Scriptura S. loquitur, anathema sit.“

Hinc forte mos antiquus obtinuit, ut episcopo ordinandus interrogaretur: „Credis Filium Dei impassibilem, & immortalem divinitate, sed in humanitate“

itate pro nobis, & pro salute nostra passum vera
 animis passione? “

Certe Pelagius apud Augustinum in appendice
 em. 236. §. 5. in confessione fidei ad apostolicam
 dem missa, eundem errorem conceptis verbis da-
 nat.

Apollinarium hæresis hujus assertorem fuisse tra-
 Gregorius Naz. Orat. 64., testaturque sibi in ma-
 bus extare libellum ipsius, in quo „ipsum unige-
 cum Deum omnium judicem, vitæ authorem, mor-
 tæ extinctorem, mortalem esse docet, ac probare ni-
 tar, propriaque sua divinitate passum esse, atque in
 illa illa corporis morte divinitatem quoque simul
 in corpore mortuam fuisse, sicque rursus Patris
 a morte ad vitam revocatam. “

Gregorio plane suffragatur Leo Papa epist. alias
 „ nunc 97. c. 2.

Ab ea tamen apud Leontium adversus fraudes
 Apollinarist. sese alienum probat Apollinarius, ubi ei
 thema dicit, „qui non dicit carnem Christi ex Ma-
 , & qui dicit eam carnem esse naturæ non creatæ,
 hominibus Deo , immo & qui dicit divinita-
 esse passibilem, & ex ipsa esse passiones animæ.“
 I cum epistolam Athanasii ad Epictetum ad eundem
 orem comprimendum scriptam suo calculo sic com-
 bat. “ Epistolam vero Domini mei Corinthum
 tam vehementer approbavimus: eorum autem, qui
 unt carnem Deo consubstantialem, magnam insa-
 m damnavimus. “

Quamquam hæ videri possunt aut falsæ, aut potius hominis inconstantis epistolæ. Neque enim Apollinarium, ejusque discipulos sibi constituisse Gregorius Naz. monet: Ac sub finem Orat. 52. demonstrat, eos modo diversas Christi naturas distinguere, modo nolle distinguere. Similem in Apollinarii doctrina inconstantiam notat Theodoretus Lib. 5. hist. eccl. c. 3. citatus a Liberato c. 3.

Quamvis autem Apollinarius ægre admodum a Theopaschitarum opinione purgetur, primum tamen illius authorem eum non fuisse, fidem faciunt Concilii Ariminensis anni 351. Canones 11., 12.: „Siquis Verbum in carnem translatum putet, vel demutationem sustinuisse accipiendo carnem, anathema sit. Siquis unicum Dei Filium crucifixum audiens, Dealitatem ejus corruptionem vel passibilitatem (*παθος*) aut demutationem, vel interfectionem sustinuisse dicat, anathema sit.“ Non enim ante annum 360. hæreticus audire cepit Apollinarius.

Et vero qui contra ipsum scripserunt, Liberatus cap. 3. Gregorius Naz. Orat. 51. Athanas. sub finem libri de salutari adventu J. C. eum non ut comenti hujus parentem, sed ut imitatore Arianorum tradidere. Et ex verbis quidem Phœbadii Agennensis apparet, Potamium hæreseos ejusdem fuisse doctorem.

Item si epistolæ synodi Sardicensis, ea parte, qua apud Theodoretum prolixior est, habenda fides, abdicati sunt Ursacius & Valens, quod Verbum & Spiritum crucifixum, vulneratum, & mortuum esse, & resurrexisse“ asseruerint. Euse-

Eusebium quoque Pamphili Theopaschitarum errore imbutum esse, scribit Baronius ad annum 324. §. 109., 110. At quod ad hujus rei probationem ex Eusebio ad Constantiam epistola affert, nihil evincit, immo aliud eum sensisse, ex libro ejusdem 4. de consensu. Evang. c. 13. commodius confeceris.

Neque vero hic error erat omnium, qui Arianes creabant, communis, sed insignium quorundam Arianorum, & maxime Anomæorum proprius.

Hi ut suam doctrinam facilius tuerentur, commentum sunt, corpus solum sine anima a Verbo assumptum esse. Quod enim hoc commentum Apollinarius non finxerit primus, sed ab Arianis acceperit, testis est Theodoretus sub dialogi 2. initium, ubi ait: „Arius & Eunomius creatam volunt unigeniti divinitatem: solum corpus assumpsisse dicunt.“

Neque Augustinum fugit hæc Arianorum opinio, quam aliis minus notam existimavit: Sic porro habet de hæres. c. 19. „In eo autem, quod Christum sine anima carnem accepisse arbitrantur Ariani, minus noti sunt, nec adversus eos ab aliquo inveni de hac re fuisse certatum. Sed hoc verum esse & Epiphanius, hæresi 69. §§. 49. & 50., & in Ancorato §. 13. non tacuit, & ego ex eorum quibusdam scriptis & colloctionibus certissime comperi.“

Nihilo tamen minus hoc alii plures comperere. Athanasius hanc eorum sententiam sub initium libri de salutari adventu J. C. aperte sic prodit: „Arius carnem solam ad occultationem Deitatis confitetur: & nostro interiori homine, id est, anima, Verbum dicit

dicat in carne fuisse, passionisque sensum, & ab inferis resurrectionem divinitati audens adscribere;“ Ea quoque in re Eustathio, Antiocheno, Gregorio Naz. & Phœbadio probe noti fuere Ariani.

Hi ab Apollinaristis hoc tantum diffidebant, quod primum apud Apollinaristas decretum esset: Verbum sine anima corpus assumpsisse; Ariani vero id ipsum tantum secundo docerent, ut palmaris eorum sententia de infirma Verbi divinitate obtineret. Discrimen hoc inter utrosque nonnihil tangit Athanasius sub finem lib. de salutari adventu J. C., ubi eos, qui Verbum vires animæ supplevisse sentiebant, refellens ait: „Ita futurum est, ut vulneratio corporis passio ipsius Verbi habeatur. Hinc enim proficiscitur, quod Deum passum esse asseveratis. Congrua vox, & quæ optime vos deceat, & quæ cum Arianis pulcherrime convenerit. Idem enim ipsi in suis dogmatibus statuunt.“

Sed Arianorum in asserenda corporis inanimi susceptione consilium Eustathius Ant. apud Theodoret. dial. 3. planius reteggit, dum quærit: „Cur magni faciunt ostendere Christum corpus inanimatum suscepisse?“ ac respondet, ut si possint id aliquibus persuadere, „tunc affectionum mutationes divino ipsius spiritui tribuentes, facilius persuadeant, ex immutabili natura genitum non esse, quod mutabile est.“

Sic Gregorius Naz. Orat. 51. §. 13. testatur, Christum ab illis inanimatum prædicari, „ut passionem divinitati tribuant, tanquam videlicet, quod movet, idem quoque patiatur.“

Et

Et Leontius de sectis act. 3.: „Idcirco Arianum dogma Christi corpus inanimatum esse tradebat, ut humiles hujusmodi voces Christo non ut homini attribueremus, sed ut Dei filio, deque ipsius sententia filius Patre minor deprehenderetur.“

Eodem spectant, quæ Phœbadius Agenn. Hilario equalis de epistola ab Oriente, & Occidente, sive ut conjectura est, ad Orientem ex Occidente) transmissa habet: „Unus vestrum asserit, carne, & spiritu Christi coagulatis per sanguinem Mariæ, & in unum corpus redactis, passibilem Deum factum.“ — Necesse non erit, ut moneamus hic, *spiritus* nomine Veterum more naturam div. intelligi. —

Quod autem hæc non unius, sed plurium sententia sit, subinde significat his verbis: „Vos quidquid de homine ejus dictum est, Deo applicatis, ut Deus de hominis imbecillitate societur (forte) saucietur.“

Hi Deum more animæ ac vice animæ cum carne et Maria accepta conjunctum sentientes, sic eum passibilem factum cogitare potuerunt, quomodo anima, quam ex se corporibus nulla potestas est, ex carnis societate passioni fit obnoxia. Sed maneat Arianos sensisse, quod „Deus Verbum, ut loquitur Hilarius Lib. 10. de Trinit. §. 50. in animam defecerit:“ necque eos ideo sensisse, ut Christum secundum naturam divinam esuritioni, timori, tristitiæ, dolori abjicerent.

Quod licet jam satis superque constet, hujus tamen rei veritatem ex schismaticorum quorundam adversus Cyrillum contumeliose debachantium, juverit

illustrare mendaciis. „Docet, ajunt de Cyrillo, divinitatem unigeniti Filii Dei passam esse, non autem humanitatem, cum divinitas inhabitans passiones corporis quasi proprii sibi attribuerit, & tamen in propria natura nihil ipsa pateretur. Addit præterea, ex divinitate, & humanitate unam factam esse naturam. Ad hæc eos execratur, qui evangelicas, apostolicasque voces de Christo Domino distinguunt, ut humiles quidem ad humanitatem, divinas vero ad Christi divinitatem referant. Quod Ariani & Eunomiani sentientes, humilesque dispensationis voces ad divinitatem referentes, Deum Verbum creaturam & facturam, alteriusque substantiæ, & Patri inæqualem esse affirmare non dubitarunt. Quæ vero blasphemia ex hisce principiis consequatur, quivis facile intelligit. Nam & naturarum inducitur confusio, & Deo Verbo attribuitur illud: Deus, Deus meus, ut quid dereliquisti me? Et illud: Pater mi, si possibile est, trans eat a me calix iste: rursum fames, sitis, angelica confortatio &c. Quæ perspicue cum Arii & Eunomii impietate congruere facile quis viderit.“ Vid. epist. ad Rufum Tom. III. Concil. Labb.

His ita præmissis, quid Hilarius criticis illis in locis sibi proposuerit, quæque ei sententia fuerit, facilius deprehendetur.

Cum doctrinam toti Arianæ sectæ communem superioribus de Trinitate libris expugnasset, jam in libro hoc decimo aggreditur, non quod Ariani omnes, sed quod plerique eorum defendebant, quorum argumenta priusquam sibi opponat, sic §. 9. exponit
placi-

placita: „Volunt enim plerique eorum non in natura eum impassibilis Dei fuisse, ut qui timuit, & doluit, non fuerit in ea potestatis securitate, quæ non timet, vel in ea spiritus incorruptione, quæ non dolet, sed inferioris a Deo Patre naturæ, & humanæ passionis trepidaverit metu, & ad corporalis pænæ congemuert atrocitatem.“ Tum eorum subnectit objecta, quæ libro toti materiam præbent.

Atqui hæreticos hosce impugnare, Christum secundum humanam naturam passum fuisse, propugnare est: „Cum enim, inquit Gregorius Nyss. Orat. 5. contra Eunom. relatus a Theodoro dial. 3. duplex & ambigua sit opinio, divinitasne, an humanitas passa sit; unius rejectio, alterius erit confirmatio.“

Hilarium autem ab una Christi divinitate nostras infirmitates rejecisse inde perspicuum est, quod, ubi dixit hæreticos velle ex assumptione corporis ærumnam adhærere divinitati, eos fugillat his verbis: „Ac si virtutem illam incorruptæ substantiæ imbecillitatis suæ forte assumptio carnis infecerit, & æternitas naturam fragilitatis acceperit. Quæ si ad metum tristis est, si ad dolorem infirma, si ad mortem trepida, jam & corruptioni subdita erit.“ Tum Deum corruptionis aut demutationis prorsus expertem esse ostendit: At de homine nihil omnino cogitat. Immo se eandem humanæ Christi naturæ prærogativam tribuere nolle satis indicat, dum hanc Arianorum doctrinam fatetur ei opinioni consentaneam esse, qua Filium Dei creatum, & non æternum credunt. „Sed eorum, inquit, omnis hic sensus est, ut opinentur metum mor-

tis in Dei filium incidisse, qui asserunt, non de æternitate esse prolatum, neque de infinitate paternæ substantiæ extitisse, sed ex nullo per eum, qui eum creavit, effectum, ut assumtus ex nihilo sit, & ceptus ex opere, & confirmatus in tempore: & ideo in eo doloris anxietas, ideo spiritus passio cum corporis passione.“

Unde sicut illi creatam sibi finxerant Unigeniti divinitatem, eam consequenter passam & crucifixam adstruebant, ita ipse, ubi eam increatam demonstravit, & æternam, longe efficacius concludit: „Mori igitur nihil in Deo potuit, neque *ex se* metus Deo ullus est.“ Cur quæso, addidit: *ex se*; nisi quia ex parte hominis, cui Deus in Christo conjunctus est, & metum, & mortem Deo esse potuisse non ambigeret?

Adeo non ambigebat, ac rem scripturis ita constantem & evidentem existimabat, ut huic probandæ non immoratus, statim ad hujusmodi affectionum causas explorandas profilierit; sic enim proseguitur: „Quia mœstum fuisse Dominum legimus, causas mœstitudinis reperiamus.“ Quibus perquisitis subjicit: „Tristis ergo est usque ad mortem. Non itaque mors, sed tempus mortis in metu est,“ Rei autem, quæ non est, causæ a nemine sano requiruntur.

De Commentario in Mathæum hæc pauca sufficiant. Quantum ad decimum de Trinitate librum plura videamus.

Quod in unos illos, quos diximus, hæreticos intendatur decimus de Trinitate liber, Hilarius ipse in hujus libri argumento, initio operis sui præposito satis

is declarat in hunc modum: „Quia ex passionis Christi genere & professione quædam per stultæ intelligentiæ sensum ad contumeliam divinæ in Domino J. C. naturæ virtutisque rapuerunt, ea ipsa demonstranda fuerunt, ab his impiissime intellecta.“

Hic igitur unus est Libri 10. scopus, ut hæretici, qui Christi in passione sua gesta, dictaque ad divinæ ipsius naturæ contumeliam rapuerunt, convincantur, et impiissime intellexisse. Quatenus autem impiissime intellexerint, apertius subinde significat: quod nimis „divinæ professionis naturæque immemores, ad argumentum impietatis suæ, dispensationis gesta & dicta tenuerunt.“ Quæ verba, si cui ambigua sunt, conferat cum his Lib. 9. §. 5. „Hinc itaque fallendi simplices atque ignorantes hæreticis occasio est, ut quæ ab eo secundum hominem dicta sunt, dicta esse secundum naturæ divinæ infirmitatem mentiantur.“

Unde hoc confici potest argumentum: profiteor Hilarius se Lib. 10. cum hæreticis disputaturum, mi, quæ dispensationis dicta, gesta que sint, in Deum credere velint. Atqui hæretici, cum quibus ei disceptatio est, rapiunt, quidquid de Christi timore, tristitia, dolore, est scriptum, ut eum infirmum Deum tendant: Concedit igitur ea omnia, quæ de Christi more, tristitia, dolore, scripta sunt, dispensationis dicta, gesta que esse, hoc est, in hominem a Verbo sumtum cadere. Sed ad librum ipsum veniamus.

Quemadmodum Hilarius in eo a prædictis hæreticis mentis aciem non deflectit, ita neque debet Lector ab eorum sententiis animum avertere. Variis qui-

quidem sunt, sed quæ ad duas commodè revocentur. Verbum enim alii ita cum carne confundunt, ut ex eorum sententia: „De se defecerit Deus Verbum, dum corpus officio animæ vivificat.“ Alii ita ab homine dividunt, ut sicut „In prophetis spiritus prophetiæ, ita in Jesu Verbum Dei fuerit.“

Qui in hæc attenderit, non laborabit in plurimis locis, in quibus sæpe negare videretur Hilarius, quod demonstrare duntaxat vult ex adversariorum placitis explicari nullo pacto posse. Neque latebit, cui v. g. §. 10. prius, quam objecta diluat, adversarios aggrediatur his verbis: „Et interrogo eos, qui hoc ita existimant, an ratione subsistat, ut mori timuerit, qui omnem ab Apostolis terrorem mortis apellens ad gloriam eos sit martyrii adhortatus: tum deinde, quem dolorem mortis timeret, potestatis suæ libertate moriturus?“ Hoc enim argumenti genere, quod in eo libro frequens est, veluti gladio ancipiti fodiuntur sententiarum etiamsi adversarum patroni: cum neutris succurrat, unde Christi virtutem simul cum infirmitate componant. Certe dum §§. 55., 56. hæreticos illos hac ratione persequitur, ipsum fletus Christi veritatem prorsus respuisse crederes, nisi & ad calcem §. 55. adjecisset: „Et tamen vere Jesum C. flecti non dubium est:“ & §. 56. sic clausisset: „Non est vivificaturi flere, nec glorificandi dolere: & tamen vivificat, qui & *flevit*, & *doluit*.

Illa autem argumentandi ratione eo usus est libentius, quo magis idonea erat ad arrogantiam eorum retundendam, qui omnia se Christi mysteria comprehend-

prehendere jactitantes, ea pro libito definiebant. Quod enim Athanasius in exitu libri de salutari adventu J. C. obscurius dicit: „Stolidi, qui divinitati ejus passionem adscribunt, aut humanitati ejus fidem non habent, aut qui unum in duo separant, aut qui carnis ejus dimensionem conantur facere, & quantum, & quomodo præter S. Scripturas definiunt:“ illustratur ex hoc Hilarii libro 10. cujus postrema pars tota in iis coercendis occupatur, qui aliam sibi de Christo scientiam usurpant, quam quæ scripturis revelata est.

Neque tantum os iniqua loquentium obstruere contentus, postquam illos quæstione §. 10. proposita nonnihil torfit, ad ipsorum opiniones funditus evertendas convertitur, jactatque fundamenta, quibus veritas adstruatur. Quippe continuo singularem Christi ortum conceptumque considerans, ipsum verum Deum hominemque perfectum ostendit, naturis ita distinctis, ut Verbi virtus ac natura a se non defecerit: ita unitis, ut non sit alius filius Dei, alius hominis filius. Quorsum, quæso, ad removendam a Christo passionum nostrarum ignominiam, naturarum in eo distinctio, conjunctioque asseratur?

Ne nobis excidat, illum eis resistere hæreticis, quos Phæbadius alloquens ait: Non distinguentes Dominicæ potentiæ duplicem statum, in sua unumquemque proprietate distantem, quidquid de homine ipsius dictum est, Deo applicatis, ut ipse Deus homini imbecillitate societur. Et idcirco duplicem hunc statum non conjunctum, sed confusum vultis videri:“ & aliquanto post: „Non ergo fit spiritus caro, nec caro
spiri-

spiritus, quod isti volunt egregii Doctores, ut factus sit scilicet Dominus & Deus noster ex hac substantiarum permixtione passibilis:“ quorum patronus apud Theodoretum dialogi 3. initio primum affirmat: „Christus ideo carnem assumpsit, ut id, quod erat impatibile, passionem sustineret:“ ac deinde ab Orthodoxo interrogatus: „Cujus existimanda est lassitudo? divinitatis, an corporis?“ respondet: „Non audeo unita dividere.“ Orthodoxus: „Divinæ igitur, ut apparet, naturæ lassitudinem tribuis?“ Eranistes: „Sic mihi videtur.“

Hæc quippe non oblitus, facile deprehendet, naturarum in Christo distinctionem conjunctionemque eam tantum ob causam ab Hilario tam operose explicari, ut hinc rationem reddat, cur Deo impatibili attribuantur passiones, quæ in unam hominis naturam proprie cadant. Dum igitur Christum Deum ex passionibus corporis nullum doloris sensum percepisse adversus hæreticos illos propugnat, perinde est, ac si diceret: Vos Christum ea naturæ proprietate destituitis, quæ pati nesciat, quia Verbum vel confunditis cum carne, vel ab ea separatis: sed falsa est vestra opinio. Etsi enim cum corpore ita conjunctum est, ut ei attribuantur passiones hominis, & propter hoc putetur dolere, adeo tamen inconfusum perseverat, ut, cum corpus eas excipiat passiones, ex quibus per se sequatur dolor, eo in propriam ipsius naturam effectum careant. Hæc explicatio, quam nunc argumento probabili præstamus, sed ex postremis libri *paginis certa ratione licebit demonstrare, toti libro intelligendo non parum conducet.* Nego-

Negotium tamen facessit, quod eo loci de singulari Christi conceptione ita differit, ut non divinam tantum unigeniti Dei naturam, sed & corpus ipsius a communi passionum nostrarum lege eximere videatur. Queis quidem Maurinus Editor adeo se commotum dicit, ut a vindicando Hilario pæne absterritus sit, donec hæreticorum, contra quos congregitur Hilarius sententias relegensprehenderit Christum ab iis prædicari merum hominem, qui, „quia & corpus & anima Adæ in peccato fuit, carnem quoque Adæ atque animam acceperit, & in cujus animam dominans *metus tristitiæ* imminentis inciderit:“ videritque deinceps quam salva & integra fide suum etiam corpori Christi privilegium tueatur.

Cum enim tantum ob originis peccatum *metus*, *tristitia*, dolor nostri dominantur, Christum etiam secundum hominem dominantibus illis passionibus innoxium non fuisse recte defendit, quem ex conceptionis modo demonstrat ab originis nostræ viis absolutum. Hinc, quod ait §. 27.: „An in corpore ejus infirmitas fuit, ad cujus occursum conternata persequentium agmina conciderunt?“ intelligitur ex proxime subnexis: „Quam igitur infirmitatem dominatam hujus corpori credis, cujus tantam abuit natura virtutem?“ ut non omnem a Christi corpore infirmitatem removerit, alias enim pugnaret ipse cum, sed tantum dominantem.

Eodem spectat illud §. 24.: „Assumta caro, id est, totus homo, passionum est permissa naturis; nec enim ita permissa, ut passionum conficeretur injuriis:“

riis: “ quasi diceret: Assumptus homo tum secundum corpus, tum secundum animam passionibus nostris permissus est, quatenus naturales sunt, non quatenus injuriosæ, atque contumeliosæ. Porro homini naturale est, ut, cum patitur corpus, anima motu aliquo moneatur: at quod motum illum, quoties vult, comprimere non valeat, injuriosum ei, utpote peccati pœna, atque contumeliosum est.

Eo pacto licuit §. 15. negare, quod Christus senserit dolorem corporis nostri; ac §. 47. dicere: „Et pro nobis dolet, & non doloris nostri dolet sensu.“ Noster quippe dolor necessario nos pungit, nobisque invitis & reluctantibus dominatur; ipsius vero voluntarius omnino fuit, ac sponte assumptus. Oblatus enim quando voluit, ut pro potestate animam posuit, ita & assumpsit dolorem. Immo, si vera est Augustini definitio, qui sponte patitur, dolere negandus est. „Dolor enim carnis, (ut definit Lib. 14. de Civit. Dei cap. 15.) tantummodo offensio est animæ ex carne, & quædam ab ejus passione dissensio: sicut animæ dolor quæ tristitia nuncupatur, dissensio est ab his rebus quæ nobis nolentibus accidunt.“

His ita intellectis nulla errati vel levis suspicio remanebit in iis, quæ Hilarius in commendanda singulari Christi conceptione edisserit. Inde enim merito probat, Deum hominem assumpsisse, & assumenda a se non defecisse; ac proinde esse aliquid in Christo quod expers sit infirmitatis nostræ. Neque minus congruenter fidei nostræ demonstrat, Christum etiam secundum hominem, cum ex Verbi virtute, & non nostro

bre concipiendi modo originem habeat, passionibus nostris obnoxium non fuisse, quamvis eis se sponte permiserit.

In hoc potissimum de singulari Christi conceptione argumento versatur usque ad §. 26. Tum redit ratio, qua primum usus est, quæque in toto libro principatum obtinet: qua nimirum hæreticis aut nullam, aut exinanitam esse Christi divinitatem affirmantibus ostendit, in omnibus ipsius gestis ac dictis, etiam quibus hominem se, & infirmum significat, quandam aliam internosci naturam, quæ omnem a se infirmitatem depellere, & nullam non valeat exercere virtutem.

Ut enim observat, dum nascitur, ortum ducit ex Virgine, & Spiritu S., dum esurit, solo jussu arefcit arborem; flumina ex se præbet aquæ vivæ, etiam cum sitit; corpus gerit, & calcatur undas, flet, & tamen gaudet de Lazari morte; moritur, & nemo ei effert animam, sed ipse tradit, ejusque resumendæ potestatem habet.

Alia hujusmodi passim dispersa legere est, ex quibus hic seligimus, quæ §. 67. pressius, & conclusivius in modum sic habet: „Natus ex Virgine Christus est; sed secundum scripturas conceptus de Spiritu S. est. Flevit Christus; sed secundum scripturas, ut in eo, quod flevit, gratulatus sit. Et esurivit Christus; sed secundum scripturas sine cibo in non habentem creatus arborem Deus operatus est. Passus Christus est; sed secundum scripturas tunc a dextris Virtutis stans est. Derelinqui se ad mortem questus est; sed secundum scripturas tunc confessorum suorum secum.”

in regnō paradisi recepit. Mortuus est; sed secundum scripturas resurgens a dextris Domini Dominus affedit.“

His autem in locis sic verba sua format, ut cum eas in Christo infirmitates & affectiones neget, quæ hominem dedeçant Deo substantialiter sociatum, earum tamen in eo Veritatem fuisse sæpius confirmet: adeo, ut prædicti §. 67. hoc sit exordium: „Passus quidem est unigenitus Deus, quæ homines pati possunt.“ Quod rursum evidens est ex iis, quæ §§. 55. 56. de Christi fletu habet. Sæpe etiam ex adjunctis intelligitur, eum ab una illa natura, cujus virtus prorsus divina est, omnem infirmitatis notam remove: ut v. g. cum ait §. 34.: Non habet hunc metum corporalis, penetrantem quidem inferos, sed ubique naturæ virtute distentum.“ Et §. 44.: „Non est itaque in ea natura, quæ supra hominem est; humanæ trepidationis anxietas.“

Verum ex iis locis, in quibus tristitiæ, timoris, ac doloris Christi causas aut exquirat, aut explicat, longe certius persuademur, eum ab humana Mediatoris ac Redemptoris nostri natura harum affectionum dedecus tantum, non veritatem auferre. In hoc porro situm erat illud dedecus, ut aut propter se doleret, aut dolore dominante conficeretur. Sane, ut jam observatum, procul abest quis, ut tristem aut dolentem neget, de quo quærit, unde tristis sit, aut unde doleat.

Ne vero singularis videretur hæc illius in hisce causis explicandis sententia, huc referenda essent verba

Ambro-

Ambrosii tum Lib. 10. in Lucam §§. 57. 61. tum Lib. 2. de fide cap. 7. §. 54. Augustini in Ps. 40., §. 6. Hieronymi in Mathæum cap. 26. a Beda in eundem locum exscripti. Sed quod Augustinus loco memorato habet, conferat, cui libuerit, cum libro Hilarii 10. §. 10. Verba autem Ambrosii, Hieronymi, Bedæ cum §. 37. ejusdem libri, nec non cum cap. 31. in Math. Nos interim ad finem dicti libri 10. properemus.

Tandem ubi hæreticis in unam Christi infirmitatem respicientibus multimodam ipsius virtutem objecit, eosque convicit, nihil in sua ipsorum fide suppetere, unde in dictis gestisque tam diversis se extricent, expeditam eis viam aperit in Ecclesiæ fide, quæ cum distinctas in una Christi persona naturas confiteatur, in componenda rerum tam contrariarum pugna non laborat. „Unus enim, inquit §. 62., atque idem est Dominus Jesus Christus Verbum caro factum, se ipsum per hæc universa significans: qui, dum ad mortem derelinqui se significat, homo est: dum vero homo est, in paradiso Deus regnet.“ Et in exitu ejusdem §.: „Habemus in sacramento filii hominis & filii Dei, & mori regnantem, & regnare morientem.“ Et deinceps ad finem usque totus est in commendanda & exponenda hac Ecclesiæ fide.

Unde liquet, quorsum primis libri sui paginis hæreticos adorsus sit, qui naturas Christi aut confundebant, aut dividebant: scilicet ut convulsis eorum præsiidiis, fundamenta jaceret catholicæ fidei, qua cum Deus ob conjunctionem cum homine vere passus, &

crucifixus dicatur, passus tamen creditur salva & integra divinitatis suæ natura. Hinc doctrina illius sanæ, & orthodoxæ fidei prorsus consentanea approbatur.

Hoc ut adhuc planius fiat, vocabulorum nonnullorum vis est expendenda: quid nimirum Hilario sit passio, sive pati, quid Christus, quid Christi natura, aut virtus, examinandum.

Non ambigue explicat ipse libro de synodis §. 49., quid passionis nomine sibi velit, dum ad Sirmionensis Concilii canonem 12. subjicit: „Absolute ostenditur, cur Verbum licet caro factum sit, non tamen translatum fuerit in carnem. Cum enim hæc passionum genera infirmitatem carnis afficiant; Deus tamen Verbum caro factus non potuit a se demutabilis esse patiando. Non enim idipsum est pati, & demutari: quia omnem carnem passio cujusque generis demutet sensu, dolore, tolerantia. Verbum autem, quod caro factum est, licet se passioni subdiderit, non tamen demutatum est passibilitate patiendi. Nam pati potuit, & passibile esse non potuit: quia passibilitas naturæ infirmis significatio est, passio autem est eorum, quæ sint illata, perpassio: quæ quia indemutabilis Deus est, cum tamen Verbum caro factum sit, habuerunt in eo passionis materiam sine passibilitatis infirmitate. Manet itaque indemutabilis etiam in passione natura, quia auctori suo indifferens ex impossibilis essentiae nata substantia est.“

An hic Verbum pati potuisse confessus, passibile non fuisse congruenter dixerit, non est institutæ questionis. Forte ad hunc loquendi modum coactus est, quo

quo omnem hæreticis aditum præcluderet, qui Verbum assumptione carnis in propria substantia sua patibile factum esse sentiebant. At vero, cum ex arbitrio pendeant nominum definitiones, nihil est discriminis, ubi singula distincte explicata sunt. Neque obscurum est, passionem id ab eo vocari, quod Verbum denominet passum; passibilitatem vero, quod ipsamet Verbi naturam afficiat, ac demutet. Quo posito Verbum ex passione carnis patibile nequaquam fuisse recte negat.

At hoc impassibilitatis privilegium uni Verbo se vindicare satis significat, dum illud ipsi ea una ratione tuetur, quod natura illius indemutabilis sit. Immo cum concedit: „Quia omnem carnem passio cujusque generis demutet sensu, dolore, tolerantia,“ fateturque Verbum, quod caro factum est, se subdidisse passioni, fatetur Christum secundum assumptum hominem esse demutatum sensu, dolore, tolerantia. Sicut enim Verbum carnem factum cum dicit, totum hominem a Verbo assumptum intelligit, ita intelligit totum hominem a Verbo subditum esse passioni, cum Verbum carnem factum dicit sese passioni subdidisse. „Assumpta caro, inquit Lib. 10. de Trinit. §. 24., id est, totus homo passionum est permixta naturis.“

Si attenderis deinde, quid *Christus* apud Hilarium sonet, eum hoc vocabulo simpliciter posito solam Verbi naturam intelligere, ac significare solere animadvertes. Hujus rei perspicuum est exemplum in his Lib. 9. de Trinit. §. 14.: „Evacuatio ea profuit, ut proficiat *forma servi*, non ut *Christus*, qui in

forma Dei erat, Christus esse non maneat, cum formam servi nonnisi Christus acceperit.“

Plura huc referre esset supervacaneum, cum quisque hoc per se præstare jam monitus valeat.

Hac loquendi ratione ideo forsitan usus est, quod Christus personæ nomen est, neque alia in eo persona est, nisi Verbi. Vel etiam ad tuendam Christi divinitatem totus intentus, nihil in eo intueri solebat libentius, quam quod in ipso divinum est. Unde dulce Christi nomen Deum ipsi sapiebat, Deum resonabat.

Qua in opinione non mediocriter confirmamur his ejusdem libri §. 5. verbis: „Hinc itaque fallendi simplices atque ignorantes hæreticis occasio est, ut, quæ ab eo secundum hominem dicta sunt, dicta esse secundum naturæ div. infirmitatem mentiantur: & quia unus atque idem est loquens omnia, quæ loquatur, de se ipso locutum esse eum contendant.“ Cur quæso ea, quæ a Christo secundum hominem a se assumptum dicta sunt, ab eo dicta esse de se ipso neget? Non ideo sane, quia Verbi, hominisque assumpti, non unam personam sentiat, cum hinc ab hæreticis fallendi ansam arripi queratur; sed potius, quia assumptum, ac proinde velut adventitium, & extraneum, in Christo spectet, quidquid in eum non convenit ut Verbum, ac Deus est.

In hoc loquendi modo Ambrosium consentientem habet. Quippe in Lucam Lib. 16. §. 61. hæc Christi verba: „Tristis est anima mea, & turbata est anima mea:“ perpendens ait: „Non ergo suscipiens, sed suscepta turbatur. Anima enim passionibus obnoxia,

nia, divinitas libera. Denique spiritus promptus, caro autem infirma. Tristis autem est, non ipse, sed anima.“

Cum utroque facit Augustinus cum pluribus locis, tum maxime in Ps. 37. §. II., ubi habet: „Non enim se ipse Christus demonstravit in terra, sed demonstravit carnem suam.“

Ita Justinus Apologiæ I. initio, Christi & Jesu nomina distinguenda esse, & hoc ad carnem, illud vero ad divinitatem referendam tradit. „Filius Dei, inquit, qui solus proprie dicitur filius, Christus quidem ex eo, quod per illum Deus omnia conformaverit, atque ornaverit, appellatur. Jesus vero & hominis & servatoris nomen, & designationem habet.“

Ex hac observatione sequitur, ut, quod Hilarius de Christo simpliciter affirmat, vel negat, ad divinam plus naturam ut plurimum referendum sit. Si autem nunc, quod de passionis vocabulo proxime observatum est, adjunxeris, haud ægre audies Christum habuisse corpus ad patiendum, ac passum esse, sed naturam non habuisse ad dolendum. His enim verbis nil tibi occurreret aliud, nisi Verbum in Christo capax quidem esse passionis, siquidem carnem patibilem sumsit, sed non capax esse doloris, cum in naturam us nequaquam cadat demutatio.

Interdum etiam reminisci juverit, solo carnis, I corporis nomine totam naturam humanam, divinum vero Spiritus, aut æternitatis vocabulis sæpe significari.

Longe majoris momenti est vocis naturæ notitia. Hujus intelligentiam ad assequenda Hilarii dicta necessariam esse advertit Hunaldus apud Philippum bonæ spei Abbatem, sed ipse non satis perspectam habuit. Porro naturam Christi dispensationi & assumptæ infirmitati, sicut naturalia illius attributa assumtis, ab Hilario constanter opponi pluribus exemplis liquet. Hinc Lib. 9. §. 33. omnia Christi prænomena & cognomina in naturalia, & assumpta partitur. Et Lib. 10. defendens Christum in forma Dei simul, & in forma servi esse, quo discrimine utramque illam formam in se contineat, sic aperit §. 22: „In forma enim servi est, qui & in forma Dei est: & cum hoc naturæ, illud dispensationis sit &c.“ Rursum §. 65.: „Habens in se uno eodemque per dispensationem atque naturam, in Dei forma, & in forma servi &c.“ §. 66.: „Qui cum ex dispensatione homo esset, maneret tamen ex natura Deus.“ Et mox: „Ut cum infirmitas esset ex forma servi, & natura maneret ex forma Dei.“

Hæc si observasset Erasmus, cum in Pf. 68. §. 9. offendit: „Non fuit ergo in unigenito Deo naturalis infirmitas, sed assumpta.“ Et §. 18.: „Cunctæ nostræ, quæ in eo fuerunt, infirmitates non naturales sunt, sed assumptæ,“ minime reclamasset: „Quomodo non naturales ei, qui naturam assumpsit?“ Intellexisset quippe eas non homini assumpto, sed Verbo assumpti negari naturales, ideoque vocari assumptas, quia eas, naturam carnis assumendo, in se assumerit, a quibus antea ex natura sua alienus erat.

Ut enim ait Augustinus in Ps. 93. §. 19.: „Deus unigenitus tristitiam sic assumpsit, quomodo carnem:“ Atqui ut loquitur Hilarius noster in Ps. 68. §. 9.: „Alienum a natura sua corpus assumpsit.“

Unde & in epistola Dionysio Alex. adscripta tom. 1. Concil. edit. Labb. pag. 854. Christus non natura homo, sed natura Deus asseritur. Et Cyrillus Lib. 11. in Joan. cap. 12. naturam humanam ad Deum Verbum *σπαιτικώς*, non *φυσικώς* adscendisse docet, quia nimirum ex se, & ex suapte conditione non habeat, ut cum Deo unum sit.

Tristitia igitur, aliæque infirmitates nostræ a natura Christi alienæ fuerunt, & consequenter ei non naturales. Non naturales, inquam, non naturæ mortali, sed naturæ, a qua ei virtus fuit resurgendi. Quod Hilarius in Ps. 53. §. 7. declarat, ubi, cum præmisset: „Omnia, quæ hominum sunt, & oravit, & passus est; hinc est, quod esurivit, sitivit &c.“ subicit: „Et ut his omnibus non natura, sed ex assumptione subjectus esse posset intelligi, perfunctus his omnibus resurrexit.“

Neque obscurum est, cur ea usus sit loquendi ratione. Quod enim superius de vi vocis Christi est observatum, longe magis hic locum habet. Et quidem cum una in Christo Verbi persona sit, cujus propria natura divina est, cuique humana, quamvis per conjunctionem substantialem, tamen per voluntariam assumptionem accessit; cur hanc non liceat velut extraneam respicere? Si autem Christo velut quid extraneum est *assumptus homo*, pariter extraneum ei erit,

quidquid in hominem assumptum conveniet. Quæcirca cum in Pf. 139. §. 2. dicat: „Quod enim Deus est, naturæ suæ est, quod autem homo fuit, naturæ nostræ assumptio est;“ cumque in Pf. 68. §. 25. hoc dictum, quod „neque formæ servilis assumptio tanquam genuinæ originis conditionisque natura est:“ ea ratione probet, quia „id, quod assumptum est, non proprietas interior sit, sed exterior accessio:“ consentanea sibi loquitur Lib. 9. de Trinit. §. 7., cum res hominis assumpti „res naturæ nostræ,“ res autem divinas „naturæ suæ“ vocat in hunc modum: „Homo natus secundum consuetudinem naturæ nostræ locutus est. Nam tametsi in partu & passione, & morte naturæ nostræ res peregerit; res tamen ipsas omnes tristite naturæ suæ gessit, dum sibi ipse origo nascendi est, dum pati voluit, quod eum pati non licet, dum moritur, qui vivit.“

Jam itaque perspicuum est, qui salva fide dixerit in Pf. 138. §. 3. „Assumptio autem infirmitatis non fecit infirmum, quia aliud est naturam esse, aliud assumptum esse naturam: & extra generis necessitatem voluntatis accessio est.“ Neque magis suspectum est illud tract. Pf. 54. §. 6.: „Universa, quæ mortis nostræ sunt ac timoris, ita pertulit, ut in eum inciderent hæc potius, quam inessent, dum infirmitas nostra magis est, quam naturalis in Deo est.“ incidunt quippe infirmitates nostræ in personam divinam, cui attribuntur, sed in propria illius natura non insunt: dum illis ea subjacet natura, quæ de nobis assumpta est.

Facilius quoque jam assentietur quisque, Hilari-
um in iis locis, in quibus Christum omnino a nostris
infirmatibus eximere videbatur, tantum naturam illi-
us propriam, non eam, quam a nobis suscepit, sibi
vindicare.

Quod ut magis ac magis exploratum sit, quæ ab
Hilario virtutis vocabulo vis attribuitur, nunc con-
siderandum.

Nihil apud Veteres usitatus esse, quam ut vir-
tutis voce Christi divinitatem enuntient, vel ea sola
testimonia, quæ ex ipsis Theodoretus ad calcem dia-
logi 3. adversus Theopaschitas collegit, amplam fidem
faciunt. Quibus addimus unum illud Ambrosii Libri
1. de fide cap. 7. §. 56.: „Christus ut homo turbatur:
non turbatur ejus virtus, non turbatur ejus di-
vinitas; sed turbatur anima: turbatur secundum hu-
manæ fragilitatis assumptionem.“

Ad Hilarium vero, quod attinet, quamvis hac
voce cum de Christo ei sermo est, sæpius utatur, non
occurrit tamen animo, utrum eam usquam non ad
divinitatem ipsius referat. Hanc eo vocabulo perspi-
cue significat in Ps. 2. §. 25. dum ait: „Non idcirco non
Dei filius, quia & hominis est filius. Non enim cum
divinitatis decessione fit humilitatis accessio, nec per
confortium infirmitatis contumeliam Virtus exceptit,
quippe cum infirmitas honore sit donata virtutis.“

Nec minus clare cap. 9. in Math. §. 7. habet
„Assumptio corporis non naturam virtutis inclusit, sed
id redemptionem suam, fragilitatem corporis virtus as-
sumsit.“

Huic

Huic loco similis est alter tract. in Pf. 143. §. 7. quo Verbi exinanitio sic exponitur: „Neque virtus in humilitatem sese licet cohibens defecit ex sese, & humilitas cohibita in sese Virtute suscepta, cum, quod non erat, esse cepit, profectum ejus, quæ a se non defecerat, Virtutis accepit.“

Ita Lib. 10. de Trinit. §. 16. „Verbi virtus non corporalibus modis manens, nec deerat, unde descenderat.“

Sed ad rem nostram propius pertinet, quod ibidem §. 66: enarrans illud Pauli: „Etsi crucifixus est ex infirmitate, sed vivit ex Virtute Dei:“ Virtutem Christi divinam naturam, infirmitatem vero humanam ejusdem naturam interpretatur in hunc modum: „Eundem ex infirmitate crucifixum ait Paulus, qui ex virtute Dei viveret, ut, cum infirmitas esset ex forma servi, & natura maneret ex Dei forma, non ambiguum esset, in quo sacramento (id est, in qua natura) & passus esset, & viveret; ut, cum in eodem esset & infirmitas ad passionem, & ad vitam Dei Virtus, non alius ac divisus a se esset, qui & pateretur, & viveret.“

Quæ cum ita sint, quid vetat, quo minus in his Lib. 10. §. 48.: „Succumbere ergo tibi videtur Virtus ista vulneris elavo, & ad istum compungendi exterrita demutasse se in naturam dolendi:“ solam Verbi naturam a dolore eximi intelligamus? Immo quis ea verba aliter intelligenda censeat?

Neque solum vox: Virtus, aut: Virtus Dei, sed etiam: Virtus Corporis: apud Hilarium ad Verbi naturam

turam attinet, adeo, ut libris de Trinit. „Virtus corporis“ perinde ei sit, ac in Math. cap. 9. §. 7.: „Potestas intra corpus manens:“ aut cap. 8. §. 7.: „Ipse in corpore positus.“ Certe Verbum homini conjunctum Virtutem corporis nuncupare ei licuit, tum quia assumpta caro ex ipsius præsentia ac societate mutuata est, quidquid potentiae obtinuit, tum quia specialiter sensit, uti jam satis demonstratum est, ex Verbi virtute conceptum esse corpus, quod ex Virgine suscepit.

Accepta hac notione tota dirimitur controversia, quæ maxime nata est ex verbis Lib. 10. §. 23.: „Passus quidem est D. J. C., dum cæditur, dum suspenditur, dum crucifigitur, dum moritur: sed in corpore Domini irruens passio nec non fuit passio, nec tamen naturam passionis exercuit, dum & pœnali ministerio desævivit, & virtus corporis sine sensu pœnæ vim pœnæ in se desævientis exceperit.“ Si enim ibi virtus corporis intelligitur Verbum, quod corpus assumpsit, hæc sibi volent, passionem scilicet, qua cæsus est Christus, & veram fuisse, & non veram: veram quidem in corpus ipsius sive in hominem ab eo assumptum; vim proinde demutarit dolore, sensu, tolerantia, si jam observatum, non veram autem in Verbum uni conjunctum, in quod mox dicto demutationis effectu caruerit. Nulla igitur hinc disceptandi causa; nam nemo Catholicus ambigat, quin filius Dei, postquam factus est filius hominis, sine sensu pœnæ vim pœnæ in se desævientis exceperit, hoc est, dictus sit ti, quod in carne absque ulla sui demutatione passus sit.

At

At quod allato loco „Virtus corporis“ Verbum intelligatur, non ambiget, qui cum eo contulerit hoc tract. in Pl. 54. §. 6. „Et hæc quidem in eum omnia, quæ nostræ necessitatis sunt, irruerunt, sed ab eo naturæ suæ virtute suscepta sunt, dum mortem nostram, potens non mori etiam timorem in se mortis ingruentem non renuit.“ Vel illud Lib. 10. de Trinit. §. 47.: „Passus igitur unigenitus Deus omnes incurrentes in se passionum nostrarum infirmitates, sed passus virtute naturæ suæ, ut & virtute naturæ suæ natus est, neque enim cum natus sit, non tenuit omnipotentiae suæ in nativitate naturam.“ Et post pauca pro „Virtute naturæ suæ:“ ait: „Virtute corporis sui:“ puta: „secundum quod ita ex infirmitate corporis nostri passus in corpore est ut passiones corporis nostri, corporis sui virtute susciperet.“ Quod in Pl. 141. §. 8. brevius ac clarius sic elocutus est: „licet se passioni daret, non tamen virtus æterna dolorem passionis exciperet.“ Unde liquet, Virtutem corporis Virtutem naturæ suæ, & Virtutem æternam Hilario synonyma fuisse, illique significari Verbum, a quo homo cum iis, quæ hominis sunt, absque ulla sui demutatione susceptus est.

Verbum quoque carnem factum virtutem corporis, & virtutem in corpore ab Hippolyto appellatum esse apud Theodoretum ad calcem dialogi: *Impatibilis*; legimus: „Corpus, inquit, quamvis humano more mortuum, magnam in se vitæ virtutem habet. Quæ enim ex mortuis corporibus non profluunt, ex illo manarunt, sanguis & aqua: ut sciremus;

mus, quantum ad vitam valeat virtus, quæ in corpore habitavit.“ Item ait: „Non confringitur os sancti agni, ostendente figura passionem non attingere virtutem. Corporis enim virtus sunt ossa: & ideo Verbum adumbrant, quod assumti corporis virtus est.“

Sed ad superiorem Lib. 10. de Trinit. locum illustrandum nullus aptior est, quam qui in Ps. 53. §. 12. habetur. Ex hoc enim evidenter patebit, quam in illo virtus corporis perinde Hilario fuerit, atque natura divinitatis. Nec ingratum erit ab ipso met audire, non quid recens de passione Domini senserit, sed quid de ea semper prædicarit, ut illuc provocentur, qui eum libris de Trinitate errasse, sed postmodum tractatibus in Psalmos errorem retractasse sentiunt. --- Testis est Bonaventura Lib. 3. sentent. dist. 16. qu. 1. art. 2. quosdam dicere, Hilarium priorem suam sententiam retractasse, seseque audisse nominatim Parisiensem Episcopum Guillelmum referre, se librum illius retractationis vidisse & perlegisse. Quem retractationis librum Dionysius Petavius Lib. 10. de Incar. cap. 5. suspicatur ipsius esse in Psalmos commentarium. Fatetur enim in eo, ac præsertim tract. in Ps. 68. multa esse errori, cuius hic incusatur contraria, a quo alias, maximeque libris de Trinit. purgari eum non posse arbitratur.

Porro in eo libro brevem totius doctrinæ suæ de Christi passione summam sic complexus est: „Quod autem spectat & in crucem actum unigenitum Dei Filium, & morte damnatum eum, qui nativitate, quæ sibi ex æterno Patre est naturalis, æternus sit, frequen-

quenter, immo semper prædicamus, non ex naturæ necessitate potius, quam ex sacramento humanæ salutis passioni fuisse subditum, & voluisse se magis passioni subjici, quam coactum. Et quanquam passio illa non fuerit conditionis & generis, quia indemutabilem Dei naturam nulla vis injuriôsæ perturbationis offenderet: tamen suscepta voluntarie est, officio quidem ipsa satisfactura pœnali, non tamen pœnæ sensu læsura patientem: non quod illa lædendi non habuerit pro ipsa passionis qualitate naturam, sed quod dolorem divinitatis natura non sentit. Passus ergo est Deus, quia se subjecit voluntarius passioni: sed suscipiens naturales ingruentium in se passionum, quibus dolorem patientibus necesse est inferri, virtutes, ipse tamen a naturæ suæ virtute non excidit, ut doleret.“

Jam vero hæc confer. cum verbis §. 23. Lib. 10. de Trinit., quæ hætenus multis difficilia, pluribus autem suspecta visa sunt, nec ulla occurret, nisi in verborum sonis discrepantia. In uno siquidem loco Christus dicitur passus, in altero passioni subditus, in hoc, cum pœnali officio, in illo, cum pœnali ministerio, in utroque, sine pœnæ sensu, in utroque ipsi passionis qualitati non negata lædendi natura: in utroque etiam statim subjicitur ratio, cur hæc naturali effectu destituta sit, libro quidem de Trinit. obscurius, quod „Virtus corporis vim pœnæ in se deservientis excepit:“ manifestius autem in Psalmos, „quod dolorem divinitatis natura non sentit,“ & quod „passus Deus a naturæ suæ virtute non excidit,

ut

ut doleat.“ Sed hinc discutitur caligo, quæ illinc inducebatur.

Aptissime deinde Virtus illa Verbi, qua carnis passiones absque ulla sui demutatione exceptit, teli in aquam aut ignem, aut aerem immissi comparatione illustratur. Quemadmodum enim telum, dum ex natura sua pungere, forare, vulnerare idoneum sit, his tamen effectibus in hæc elementa immissum caret, quia illa eos in se minime recipiant: sic & quia in divina natura nullus patet dolori locus, in Christi divinitatem ad irritum cadit passio, per se inferendo dolori nata.

Aliis etiam similitudinibus eandem fidei nostræ veritatem explicant & confirmant alii Hilario nostro æquales aut etiam superiores. Solis similitudine utitur Eustathius Antioch. apud Theod. dial. 3. „Si autem, inquit, sol, cujus corpus cerni, & sensu percipi potest, tot, tantasque ubique terrarum ferens contumelias, non mutat ordinem, nec ictum ullum parvum, magnumve sentit: incorpoream existimamus pollui sapientiam, & mutare naturam, si ejus templum cruci affigatur, aut destructionem sustineat, aut vulnera excipiat, aut corruptionem admittat? Sed templum quidem patitur: labis autem expers substantia omni ex parte impollutam retinet dignitatem.“ Eandem comparationem ob eandem causam adhibet Eusebius Pamph. L. 4. Demon, Evang. cap. 13.

Se quoque hac in parte Arianis non sociatum esse ostendit Eusebius Emesenus, cum in laudato Theodoreti opere ait: „Si dixerò camelum volare, vos protinus absurdum dicitis, quia naturæ non convenit: & recte facitis. Si dixerò homines in mari habitare, non toleratis, & recte facitis, natura enim non patitur. Ita si dixerò, quod illa potentia, quæ est ante secula, & natura sua incorporea, & dignitate impatibilis, & apud Patrem & ad dextram, & in gloria, si dixerò naturam illam incorpoream pati, nonne aures vestras obturatis?“ &c. &c.

His perspectis, cui jam persuasum non erit, Hilarium in unos respexisse Theopaschitas, & unam Verbi naturam a dolore immunem demonstrare voluisse, cum Lib. 10. teli comparisonem instituit? Si quod aliud privilegium in eodem loco, aliisve carni assumptæ attribuire videatur, eo redit, ut hoc tantum velit, quod in memorato tractatu Ps. 53. §. 12. docet, Christum scilicet etiam secundum carnem voluisse se magis passioni subijci, quam coactum. Nulli itaque ambiguum esse jam debet, quin & de Hilario vera sit hæc Theodoreti ex Gregorio Nyss. descripta sententia: „Cum duplex & ambigua sit opinio, divinitasne, an humanitas passâ sit, unius rejectio erit alterius confirmatio.“

Synopsin adjicimus, vel anacephaleosin argumentorum, quibus Hilarius de passione Christi recte sensit probatur, ut quisque ea recolere facilius valeat.

Primo

Primo ante Claudianum Mamertum nullus, post hunc primus Berengarius eum reprehendit, quod passionum Christi veritatem negaret. Contra a nominatissimis quibusque Doctoribus, sacrisque Conciliis ut venerandus & Catholicus Doctor, & acerrimus fidei defensor semper audit. At si in ea fuisset sententia ita singulari, ut nullum ejus vestigium in ætatis illius scriptoribus deprehendere sit, immo quæ fidei omnium consensu receptæ repugnet, tot eum laudibus minime celebrassent. Longe minus ei perpercissent hæretici, qui cum adversantes sibi catholicos alios confictis hæresibus calumniisque infamare pro nihilo ducerent, ipsius tamen integritatem auctoritatemque semper summopere reformidarunt.

Deinde Aphthardocitis, qui Justiniano regnante ac favente errorem Hilario a nonnullis adscriptum defendebant, nunquam venit in mentem, ut sententiam suam tanti viri nomine munirent, cujus jam pridem apud Græcos celebria erant scripta.

3. Huic errori revera minime favet, quod ait Lib. 10. §. 24. „assumpta caro, id est, totus homo, passionum naturis permixta est.“

4. Eidem passim adversatur, qui non solum constanter docet Christum gessisse, dixisse, ac passum esse, quæcunque hominum sunt, sed & eum sitim, esuriem, tristitiam ac timorem suscepisse, nec non

anxium & turbatum fuisse, flevisse, ac doluisse variis in locis confitetur.

5. Omnes illas hominum affectiones vere a Christo susceptas esse, adeo persuasum ei erat, ut in earum causis explicandis studium & operam collocarit, probaritque illum eas non sua, sed nostra causa, & ut hæreticos carnis ab ipsa assumptæ veritatem negantes mendacii convinceret, perpassum esse.

6. Cum Lib. 1. de Trinit. §. 32. declararet, se librum decimum instituisse adversus hæreticos, „qui divinæ professionis naturæque immemores ad impietatis suæ argumentum dispensationis gesta dictaque tenuerunt:“ hoc est, ut planius loquitur Lib. 9. §. 5. „qui, quæ a Christo secundum hominem dicta sunt, dicta esse secundum naturæ divinæ infirmitatem mentiantur:“ contuendum est, quænam illa sint, quæ Lib. 10. adversus Christi divinitatem hæretici objiciant. Atqui quæ de Christi tristitia, timore, dolore sunt dicta, objiciunt. Ultro igitur concedit Hilarius, ea de ipso secundum hominem vere dicta esse.

7. Ne hanc ignoremus instituti sui rationem, libri 11. initio, §. 6. pro more suo memorans, quid superiore confecerit, confirmat sese in decimo adversus hæreticos disputasse, qui „dispensationem assumpti corporis rapiunt ad contumeliam divinitatis, & impietatis causas arripiunt de salutis nostræ sacramento:“
qui

qui si apostolicæ fidei tenaces essent, intelligerent eum, qui in forma Dei esset, assumpsisse formam servi, neque formam servi assumerent ad formæ Dei dehonestatem.“ Hæc igitur una ei de hæreticis querela est, non quod infirmitates nostras Christo attribuant, sed quod formam Dei, & formam servi distinguere nescientes, quæ sunt assumti hominis, ad formam Dei referant. In Libr. autem 10. ad contumeliam divinitatis rapiunt, quidquid de Christi tristitia, dolore, timore est scriptum. Ea ergo ex Hilarii sententia assumti corporis fuerunt.

8. Si expendantur hæreticorum, quos Lib. 10. refellit, sententiæ, qui nimirum Christum dividerent, aut cum carne confunderent; si rursus attendatur, quorsum institutæ tot quæstiones, & cur naturarum in uno, eodemque Christo distinctio tam operose inculcata; non latebit, omnia prudentissimi Doctoris argumenta eo spectare, ut multis hæreticos convincat, diversa Christi gesta dictaque ex sua ipsorum opinionem explicari omnino non posse, convictosque sensim perducatur ad Ecclesiæ fidem, quæ unam Christi personam duasque naturas confitens, habet, unde in uno eodemque virtutis simul & infirmitatis evidentia signa componat. Scopum hunc sibi in superioribus misse §. 30., ac deinceps aperte significat.

Hanc itaque Ecclesiæ fidem, qua Christus unus, quæ infirma sunt, salva Majestatis suæ dignitate perfun-

perfunctus creditur, unice propugnat, dum acriter persequitur hæresin, quæ ex doloribus carnis assumptæ infirmitatem Dei assumentis adstruebat. Hanc non semel notat prænuntiatam Isaïæ verbis: „Pro nobis dolet, & nos existimavimus eum in doloribus esse:“ quasi diceret: Pro nobis dolet secundum naturam a nobis in tempore assumptam, & nos existimavimus eum secundum potiore sui naturam, quam ante tempora obtinet, in doloribus esse.

Non aliud sonat illud in Pf. 68. §. 23. „Hunc igitur ita a Deo percussum persecuti sunt, super dolorem vulnerum dolorem persecutionis hujus addentes. Pro nobis enim secundum Prophetam dolet, & idcirco est esse in doloribus æstimatus.“ Ex quo commodè intelligitur hoc Lib. 10. de Trinit. §. 46.: „Fallitur ergo humanæ æstimationis opinio, putans eum dolere, quod patitur.“

Illustratur hoc ex tract. Pf. 138. §. 3. ubi præmissis verbis Isaïæ: „Infirmitates nostras portavit:“ proxime subjicit: „Et ne quid in impassibilem atque indemutabilem divinitatem infirmitatis incidere existimaretur, adjecit Isaïas: Et nos putabamus eum in doloribus esse. Suscepit ergo infirmitates, quia homo nascitur, & putatur dolere, quia patitur: caret vero doloribus ipse, quia Deus est.“ Cui enim Hilarius hic non videatur priora Isaïæ verba: „Pro nobis dolet:“ de Christi carne dici concedere, tantumque

m ad infirmitatis tribuitur exemplum, contra di-
m. “

Quia vero ii ipsi perturbationes humanas in Chri-
i non secus ac in nos incidisse, ejusque domina-
esse jactitabant, ostendendum ei fuit, Christum
ex se minime obnoxium fuisse, ac susceptarum
mitatum semper extitisse dominum. Primum præ-
fusa exposita originis illius sanctitate: alterum
m ex virtute gestorum demonstrat, quippe qui-
Christus omnem a se infirmitatem arcere se po-
le non obscure significavit.

Itaque ut tam longam disputationem paucis com-
mendamus, Hilarius contra hæreticos disputans,
unam Christi ceterorumque hominum in passione
ditionem fuisse sentiebant, infirmitates illius a no-
quadruplici ratione differre ostendit. Nostra

civ SUMMARIA CRISM IN SCRIPTA HILARII.

que temperatas esse, neque eam naturam, quam eterna
nativitate habuit, sed eam tantum, quam ex tem-
poraria assumptione suscepit, attingere. Ad hæc qua-
tuor Christi privilegia vindicanda revocatur, quid-
quid Hilarius de servatoris nostri passione edisserit.

Hic filum abrumpimus longioris, quam ut hoc
adhuc in Volumine per omnia memorata dogmata pro-
sequi liceret, apologiæ, continuaturi eum in limine
tertii Voluminis, & summariam in scripta Hilarii cri-
sin absoluturi.



S. HILARII

A D

CONSTANTIUM AUGUSTUM
LIBER I.

1. **B**enignifica natura tua, domine beatissime Auguste, cum benigna voluntate concordat. Et quoniam de fonte paternæ pietatis tuæ misericordia largiter profluit; quod rogamus, facile nos impetrare posse confidimus. Non solum verbis, sed etiam lacrimis deprecamur, ne diutius catholicæ Ecclesiæ gravissimis injuriis afficiantur, & intolerabiles sustineant persecutiones & contumelias, & quod est nefarium, a fratribus nostris. Provideat & decernat clementia tua, ut omnes se ubique judices, quibus provinciarum administrationes creditæ sunt, ad quos sola cura & sollicitudo publicorum negotiorum pertinere debet, a religiosa se observantia abstineant: neque posthac præsumant, atque usurpent, & putent se causas cognoscere clericorum, & innocentes homines variis afflictationibus, minis, violentiis, terroribus frangere, atque vexare.

2. Intelligit singularis & admirabilis sapientia tua, non decere, non oportere cogi & compelli invitos & repugnantes, ut se his subjiciant & addicant vi oppressi, qui non cessant adulterinæ doctrinæ corrupta semina adspargere. Idcirco laboratis, & salutaribus consiliis rempublicam regitis; excubatis etiam, & vigilatis: ut omnes, quibus imperatis, dulcissima liber-

S. Hilarii Tom. II,

A. tate



S. HILARII

tate potiantur. Non alia ratione, quæ turbata sunt, componi, quæ divulsa sunt, coerceri possunt; nisi unusquisque nulla servitutis necessitate adstrictus, integrum habeat vivendi arbitrium. Certe vox exclamantium a tua mansuetudine exaudiri debet: Catholicus sum, nolo esse hæreticus; Christianus sum, non Arianus: & melius mihi in hoc seculo mori, quam alicujus privati potentia dominante castam veritatis virginitatem corrumpere. Æquumque debet videri sanctitati tuæ, gloriosissime Auguste, ut qui timent Dominum Deum, & divinum judicium, non polluantur, aut contaminentur execrandis blasphemis; sed habeant potestatem, ut eos sequantur episcopos & præpositos, qui & inviolata conservant fœdera charitatis, & cupiunt perpetuam & sinceram habere pacem. Nec fieri potest, nec ratio patitur, ut repugnantia congruant, dissimilia conglutinentur, vera & falsa misceantur, lux & tenebræ confundantur, dies quoque & nox habeant aliquam conjunctionem. Siquidem, quod sine dubitatione & speramus, & credimus, hæc permovent non insitam, sed ingentiam tuam bonitatem; præcipue ut non studium, non gratiam non favorem, locorum Rectores gravissimis hæreticis præstent. Permittat lenitas tua populis, ut quod voluerint, quos putaverint, quos delegerint, audiant docentes, & divina mysteriorum solemnia concelebrent, & pro incolumitate & beatitudine tua offerant preces.

3. Non quisquam perversus, aut invidus maligna loquatur: nulla quidem suspicio est non modæ seditionis, sed nec asperæ obmurmurationis. Quietæ sunt omnia, & verecunda. Et nunc, qui Ariana & pestifera contagione inquinati sunt, non cessant or impio & sacrilego animo Evangeliorum sinceritatem corrumpere, & rectam Apostolorum regulam depravare. Divinos Prophetas non intelligunt. Calli-

&c

& astuti artificio quodam utuntur, ut inclusam perniciosam corruptelam inquisitorum verborum velamine contegant, & non prius venenatum virus effundant, quam simplices & innocentes sub prætextu nominis Christiani raptos, atque irretitos, ne soli pereant, participes horrendi criminis sui reos faciant.

4. Et hoc obsecramus pietatem tuam, ut eos, qui adhuc (egregi videlicet sacerdotes, qui tanti nominis præpollent dignitate,) aut in exilio, aut in desertis locis tenentur, jubeas ad sedes suas remeare, ut ubique grata libertas sit, & jucunda lætitia.

5. Quis non videt, quis non intelligit? Post quadringentos fere annos, post quam Dei Unigenitus Filius humano generi pereunti subvenire dignatus est, quasi ante non Apostoli, non post eorum martyria & excessus fuerint Christiani, novella nunc & terrima lues, non corrupti aeris, sed execrandam blasphemorum, Ariana effusa est. Ita illi, qui ante crediderunt, inanem spem immortalitatis habuerunt? Nuper didicimus commenta hæc fuisse inventa, & a duobus Eusebiis, & a Narcisso, & a Theodoro, & a Stephano, & Acacio, & Menophanto, & imperitis, atque improbis duobus adolescentibus Ursacio & Valente: quorum epistolæ proferuntur, & idoneis testibus etiam convincuntur, qui eos magis oblatrantes, quam discutantes audierunt. Quibus qui communionem suam imprudenter & incaute commiscent, quia sunt socii celerum, participes criminum necesse est etiam eos, qui jam in hoc seculo abjecti sunt, & abdicati, cum advenerit dies judicii, pati supplicia sempiterna.

6. Jam nemini dubium est, cujuscemodi curam in solutionem Athanasii, sancti illi viri receperint: ut post synodi sententias, quas pro sacerdotalis judicii reverentia, fas fuerat sacerdotali vel ecclesiastica conscientia contineri, scribi ad regem, legationemque instrui oportere. Sed quid aliud his litteris, quam libertatem

fidei & contagionem Ariani nominis deprecantur, orant-
que vincula, carceres, tribunalia, & omnem illum
feralem habitum, novas etiam in reos quæstiones in-
hiberi? Deus cognitionem sui docuit potius, quam
exegit: & operationum cœlestium admiratione præ-
ceptis suis concilians auctoritatem, coactam confiten-
di se adspersus est voluntatem, si ad fidem veram
istiusmodi vis adhiberetur; episcopalis doctrina ob-
viam pergeret, diceretque: Deus universitatis est
Dominus, obsequio non eget necessario, non requi-
rit coactam confessionem. Non fallendus est, sed
promerendus. Nostra potius, non sua causa vene-
randus est. Non possum nisi volentem recipere, nisi
orantem audire, nisi profitentem signare. Simplici-
tate quærendus est, confessione discendus est, chari-
tate amandus est, timore venerandus est, volun-
tatis probitate retinendus est. At vero quid istud
est, quod sacerdotes timere Deum vinculis cogun-
tur, pœnis jubentur? Sacerdotes carceribus con-
tinentur, plebs in custodia catenati ordinis restricta
disponitur, virgines nudantur ad pœnam, & sacrata
Deo corpora, publico exposita conspectui, ad fru-
ctum spectaculi & quæstionis aptantur. Cogunt nem-
pe, non ut Christiani omnes sint, sed ut Ariani: &
confessam in Deo fidem ad consortium piaculi sui sce-
lere compellunt. Auctoritate etiam nominis sui in
errorem Imperatorem transducunt: rectum affirman-
tes, ut sub specie timoris Dei, in hac perversitate
subditos sibi tradant. Quæstiones poscunt, iudicio-
rum subsidia desiderant, auctoritatem regiam imple-
rant: & nec sic perversitatem sceleris sui erubescunt
extorquere conniventiam plebium nec cogendi iura
potuerunt.

7. Hæc si de veteribus chartulis prolata ætate
nostræ tempus instruerent, ambigendum ut opinor
tantis de rebus fuisset. Et cum ab aliis quibusque
pro-

AD CONSTANT. AUGUST. LIBER I. 5

pronuntiari posceretur reus; quæreretur in fidem literarum, in iudicum vitam, in accusatorum fidem, in ipsius quoque hominis mores, atque actus. Moveret enim absolutionem ejus Arianorum juncta damnatio: magnique periculi esset, iudicium simul cum reatus & innocentiae non suscepta rursus inquisitione dissolvere: totaque in patrocinium suum, cum fidei doctrina, auctoritas sibi antiquitatis assisteret. At cum ipsi, qui tunc Ariani hæretici damnati sunt, rem exagitent, turbent omnia, omnesque ex potestate & ambitione corrumpant, & Athanasius si fuit, esse adhuc reus potest; testes loquantur, videant iudices, fidei doctrina præceptis evangelicis atque apostolicis eluceat: quæ obtusio intelligentiæ est? Quæ cordis hebetudo? Quæ oblivio spei? Qui amor scelerum? Quod odium veritatis? In damnatorum favorem, Dei amorem transducunt.

8. Venio nunc ad id, quod recens gestum est, quo se etiam professio sceleris in secreto artis suæ designata est continere. Eusebius Vercellensis Episcopus est vir omni vita Deo serviens. Hic post Arelatensem synodum, cum Paulinus Episcopus tantis sceleribus contraxisset, vere Mediolanum præcipitur. Collecta jam illic malignantium synagoga, decem diebus ad Ecclesiam est vetitus accedere, dum adversus tam sanctum virum malitia se perversa committit. Suppuratis deinde consiliis omnibus, ubi licitum est, advocatur. Adest una cum Romanis clericis, & Lucifero Sardiniae Episcopo. Conventus ut Athanasium subscriberet, ait: De sacerdotali fideius debere constare; compertos sibi quosdam ex his, qui adessent, hæretica labe pollutos. Exposui fidem apud Nicæam, cujus superius meminimus, fuit in medio: spondens omnia se, quæ postularent, se facturum, si fidei professionem scripsissent. Dioscorus Mediolanensis Episcopus chartam primus ac-

cepit: ubi profiteri scribendo cepit, Valens calammur & chartam e manibus ejus violenter extorsit, clamans non posse fieri, ut aliquid inde gereretur. Res post clamorem multum deducta in conscientiam plebis est: gravis omnium dolor ortus est, impugnata est a Sacerdotibus fides. Verentes igitur illi populi iudicium, e Dominico ad palatium transeunt. Cujusmodi sententiam in Eusebium longe ante, quam Ecclesiam ingrederetur, scripserint: de se loquitur ipsa sententia:

S. HILARII

A D

CONSTANTIUM AUGUSTUM LIBER II.

1. **N**on sum nescius, piissime Imperator, ea, quæ de nonnullis negotiis ad conscientia publicæ audientiam proferantur, pro dignitate eorum, qui eloquuntur, vel gravia existimari solere, vel levia: dum distantibus opinionibus, ambiguum sententiam ad studium intelligentiæ promovet hominis contemptus, aut gratia. Sed mihi apud te de divina re pia dicturo, nullus vulgatæ consuetudinis metus est: quia, cum sis bonus ac religiosus, nec vitium iudicii apud prudentes religionum, quid a quo audiat, sed an quæ audiat, sint religiosa, dijudicet. Et quia mihi a Deo præsentia tuæ opportunitas præstita est, nec erga *hæc quidem conscientia mea cessavit officium: ut in*
eum,

eum, quem apud te habeo, de religione sermonem, indignitas forte aliqua tecum loquentis offendant.

2. Episcopus ego sum in omnium Gallicarum ecclesiarum, atque episcoporum communione, licet in exilio, permanens, & Ecclesiae adhuc per presbyteros meos communionem distribuens. Exulo autem non crimine, sed factione; & falsis nuntiis synodi ad te Imperatorem pium, non ob aliquam criminum meorum conscientiam, per impios homines delatus. Nec levem habeo querelae me testem dominum meum religiosum Caesarem tuum Julianum: qui plus in exilio meo contumeliae a malis, quam ego injuriae, per tulit. In promptu enim sunt pietatis vestrae litterae: falsa autem eorum omnia, quae in exilium meum procuraverunt, non in obscuro sunt. Ipse quoque vel minister, vel auctor gestorum omnium, intra hanc urbem est. Circumventum te Augustum, illudque Caesarem tuum ea confidens conscientiae meae conditione patefaciam, ut si indignum aliquid non modo episcopi sanctitate, sed etiam laici integritate gessisse docear, non jam sacerdotium per veniam expectem, sed intra poenitentiam laici consenescam.

3. Haec autem nunc, dignantissime Imperator, arbitrio tuo derelinquo, quatenus & quomodo me libes loqui, & ea, quae maxime tecum in tempore hoc agenda sunt, prosequor. Dabis quidem id in praesens instructionis ad causam, ut praesentem eum, cujus ministerio exulo, usque ad confessionem falsorum, quae gessit, adducam. Sed nihil de eo, nisi cum iusseris, loquar. Nunc autem, quia mihi metus est de mundi periculo, de silentii mei reatu, de iudicio Dei, cura autem est de spe, de vita, de immortalitate non mea, quam tua, universorumque. Quae quia mihi cum plurimis communis est, haec a me communis spei expectatio est.

4. Recognosce fidem, quam olim optime ac religiosissime Imperator ab episcopis optas audire, & non audis. Dum enim, a quibus ea requiritur, sua scribunt, & non, quæ Dei sunt, prædicant; orbem æternum erroris & redeuntis in se semper certaminis circumtulērunt. Oportuerat enim, humanæ infirmitatis modestia, omne cognitionis divinæ sacramentum illis tantum conscientia suæ finibus contineri, quibus credidit, neque post confessam & juratam in baptismo fidem *in nomine Patris, & Filii, & Spiritus sancti*, quidquam aliud vel ambigere, vel innovare. Sed quorundam aut præsumptio, aut facilitas, aut error, apostolicæ doctrinæ indemutabilem constitutionem partim fraudulenter confessa est, partim audacter egressa: dum in confessione Patris, & Filii, & Spiritus sancti veritatem naturalis significationis eludit, ne id maneret in sensu, quod in regenerationis sacramento est confitendum. Ob hoc penes quorundam conscientiam nec Pater pater, nec Filius filius, nec Spiritus sanctus spiritus sanctus est. Sub cuius necessitatis tamquam improbabili occasione, scribendæ, atque innovandæ fidei exinde usus inolevit. Qui postquam nova potius cepit condere, quam accepta retinere; nec veterata defendit, nec innovata firmavit: & facta est fides temporum potius, quam Evangeliorum, dum & secundum annos describitur, & secundum confessionem baptismi non tenetur. Periculosum nobis admodum, atque etiam miserabile est, tot nunc fides exsistere, quot voluntates; & tot nobis doctrinas esse, quot mores, & tot causas blasphemiarum pullulâre, quot vitia sunt: dum aut ita fides scribuntur, ut volumus, aut ita, ut nolumus, intelliguntur. Et cum secundum unum Deum, & unum Dominum, & unum baptisma, etiam fides una sit, excedimus ab ea fide, quæ sola est: & dum plures fiunt, *ad id ceperunt esse*, ne ulla sit.

5. Con-

5. Conscii enim nobis invicem sumus, post Nicaeni conventus synodum, nihil aliud, quam fidem scribi. Dum in verbis pugna est, dum de novitatibus quaestio est, dum de ambiguis occasio est, dum de auctoribus querela est, dum de studiis certamen est, dum in consensu difficultas est, dum alter alteri anathema esse cepit: prope jam nemo Christi est. Incerto enim doctrinarum vento vagamur: & aut dum docemus, perturbamus; aut dum docemur, erramus. Jam vero proximi anni fides, quid jam de immutatione in se habet? Primum, quæ homousion decernit taceri: sequens rursum, quæ homousion decernit & prædicat: tertium deinceps, quæ usiam simpliciter a patribus præsumtam, per indulgentiam excusat: postremum quartum, quæ non excusat, sed condemnat. Et quo tandem processum est: ut neque penes nos, neque penes quemquam ante nos, sanctum exinde aliquid, atque inviolabile perleveret. De similitudine autem Dei filii ad Deum patrem, quod si miserabilis nostri temporis fides est, ne non aut ex toto, aut tantum ex portione sit similis; egregii scilicet arbitri cœlestium sacramentorum, conquistores invisibilium mysteriorum, professionibus de fide Dei calumniamur. Annuas atque menstruas de Deo fides decernimus, decretis pœnitemus, pœnitentes defendimus, defensos anathematizamus; aut in nostris aliena, aut in alienis nostra damnamus; & mordentes invicem, jam absumti sumus ab invicem.

6. Fides deinde quaeritur: quasi fides nulla sit. Fides scribenda est: quasi in corde non sit. Regenerati per fidem, nunc ad fidem docemur quasi regeneratio illa sine fide sit. Christum post baptismum discimus: quasi baptismum aliquod esse possit sine Christi fide. Emendamus: quasi in Spiritum sanctum peccasse sit venia. Sed impietatis ipsius hinc vel præcipue causa perpetua est, quod fidem apostolicam septulo proferentes, ipsi tamen fidem evan-

lumus confiteri: dum impietates nostras nobis in populis multiloquiis defendimus, & magniloquentiæ vanitate aures simplicium verbis fallentibus illudimus; dum evitamus de Domino Christo ea credere, quæ de se docuit credenda, & per speciosum pacis nomen in unitatem perfidiæ subrepimus, & sub rejiciendis novitatibus rursus ipsi novis ad Deum vocibus rebelamus, & sub Scripturarum vocabulo non scripta mentimur: vagi, prodigi, impii, dum & manentia demutamus, & accepta perdimus, & irreligiosa præsumimus.

7. Quod hieme undoso mari observari a navigantibus maxime tutum est, ut naufragio defæviente in portum, ex quo solverant, revertantur; vel incautis adolescentibus convenit, ut cum in tuenda domo sua, mores paternæ observantiæ transgressi, profusa libertate sua usi sunt, jam sub ipso amittendi patrimonii metu solus illis ad paternam consuetudinem necessarius & tutus recursus sit: ita inter hæc fidei naufragia, cœlestis patrimonii jam pene profligata hæreditas, tutissimum nobis est, primam & solam evangelicam fidem confessam in baptismo intellectamque retinere, nec demutare, quod solum acceptum atque auditum habeo bene credere: non ut ea, quæ synodo patrum nostrorum continentur, tamquam irreligiose & impie scripta damnanda sint, sed quia per temeritatem humanam usurpantur ad contradictionem, quod ob hoc sub nomine novitatis Evangelium negaretur, ut periculose tamquam sub emendatione innovetur. Quod emendatum est, semper proficit, ut dum omnis emendatio displicet, emendationem omnem emendatio consecuta condemnet: ac si jam, quidquid illud est, non emendatio aliqua sit emendationis, sed ceperit esse damnatio.

8. In quantum ego nunc beatæ religiosæque voluntatis vere te, domine Constanti Imperator, admi-

tor, fidem tantum secundum ea, quæ scripta sunt, desiderantem: & merito plane ad illa ipsa Unigeniti Dei eloquia festinans, ut imperatoriæ sollicitudinis capax pectus etiam divinorum dictorum conscientia plenum sit. Hoc qui repudiat, antichristus est: & qui simulat, anathema est. Sed unum hoc ego per hanc dignationis tuæ sinceram audientiam rogo, ut præsentē synodo, quæ nunc de fide litigat, pauca me de Scripturis evangelicis digneris audire, & loquar tecum verbis Domini mei Jesu Christi, cujus vel exul sum, vel sacerdos. Habent enim vasa testea non ignobiles thesauros: & infirmiora corporum magis reverenda sunt: & apud nos modo Deum indocti piscatores locuti sunt. Super humilem & trementem verba sua, secundum prophetam, Deus respicit. Fidem Imperator quaris: audi eam, non de novis chartulis, sed de Dei libris. Scito & posse eam in Occidente donari, unde venientes in regno Dei cum Abraham, & Isaac, & Jacob recumbent. Memento eam non questionem philosophiæ esse, sed Evangelii doctrinam. Non tam mihi autem rogo audientiam, quam tibi, atque ecclesiis Dei. Ego enim penes me habeo fidem, exteriore non egeo: quod accepi, teneo, nec demutto, quod Dei est.

9. Sed memento tamen, neminem hæreticorum esse, qui se nunc non secundum Scripturas prædicare ea, quibus blasphemat, mentiatur. Hinc enim Marcellus, Verbum Dei cum legit, nescit. Hinc Photinus, hominem Jesum Christum cum loquitur, ignorat. Hinc & Sabellius, dum, quod ego & Pater unum sumus, non intelligit, sine Deo patre, & sine Deo filio est. Hinc & Montanus per insanas feminas suas paracletum alium defendit. Hinc & Manichæus & Marcion legem odit: quia littera occidit, & mundi princeps diabolus est. Omnes Scripturas sine Scripturæ sensu loquuntur, & fidem sine fide prætendunt.

Scriptu-

Scripturæ enim non in legendo sunt, sed in intelligendo; neque in prævaricatione sunt, sed in charitate.

10. Audi, rogo, ea, quæ de Christo sunt scripta: ne sub eis ea, quæ non scripta sunt, prædicentur. Submitte ad ea, quæ de libris locuturus sum, aures tuas: fidem tuam ad Deum erigas. Audi, quod proficit ad fidem, ad unitatem, ad æternitatem. Locuturus tecum sum cum honore regni & fidei tuæ, omnia ad Orientis & Occidentis pacem proficientia, sub publica conscientia, sub synodo dissidenti, sub lite famosa.

11. Præmitto interim pignus futuri apud te sermonis mei. Non aliqua ad scandalum, neque quæ extra Evangelium sunt, defendam: sed intelliges a me in sacramento solius Dei veri, & quem misit Jesum Christum, prædicari unum Deum patrem, ex quo omnia, & unum Dominum Jesum Christum, per quem omnia, natum ex Deo, qui est ante tempora æterna, & erat in principio apud Deum Deus Verbum, qui est imago Dei invisibilis, in quo habitat omnis plenitudo divinitatis corporaliter: qui cum in forma Dei esset, humilians se salutis nostræ causa, formam servi ex conceptu Spiritus sancti de virgine accepit, factus obediens usque ad mortem, mortem autem crucis: & post resurrectionem mortis deinde in cœlestibus sedens, aderit iudex vivorum & mortuorum, & rex omnium æternorum seculorum. Est enim Unigenitus Deus, & Deus verus, & Deus magnus, & super omnia Deus: & omnis lingua confitebitur, quia Dominus Jesus Christus in gloria Dei patris est. Hæc ego in Spiritu sancto ita credidi, ut ultra hanc de Domino Jesu Christo fidem non possim doceri: non per hæc adimens patrum fidei religionem, sed secundum regenerationis meæ symbolum, & doctrinæ evangelicæ scientiam, ab ea juxta ista non dissonans.

S. HILARII

CONTRA

CONSTANTIUM IMPERATOREM
LIBER UNUS.

1. **T**empus est loquendi: quia jam præteriit tempus tacendi. Christus expectetur: quia obtinuit antichristus. Clament pastores: quia mercenarii fugerunt. Ponamus animas pro ovibus: quia fures introierunt, & leo sæviens circuit. Ad martyrium per has voces exeamus, quia angelus satanæ transfiguravit se in Angelum lucis. Intremus per januam: quia nemo vadit ad Patrem, nisi per Filium. Manifestentur in pace sua pseudoprophetæ: quia in hæresi & schismate manifestabuntur probati. Sustineatur tribulatio, qualis non fuit a constitutione mundi: sed intelligantur breviandi dies propter electos Dei. Impleta est prophetia, dicens: *Erit tempus, quando sanam doctrinam non sustinebunt, sed ad sua desideria coacer-
vabunt, sibi magistros scalpentes aures: & a veritate quidem auditum avertent, ad fabulas autem convertentur;* sed expectetur promissio protestantis: *Beati estis, cum vos maledicent, & persequentur, & dicent omne malum adversum vos propter justitiam. Gaudete & exultate, quoniam merces vestra copiosa est in cælo. Sic enim persecuti sunt & prophetas, qui erant ante vos.* Stemus ante iudices & potestates pro Christi nomine: quia beatus est, qui usque in finem perseveraverit. Non timeamus eum, *qui potest corpus occidere, animam au-*
tem

tem non potest: sed timeamus eum, qui potest corpus & animam occidere in gehennam. Nec solliciti de nobis simus: quia capilli capitis nostri numerati sunt. Et per Spiritum sanctum sequamur veritatem: ne per spiritum erroris credamus mendacio. Et commoriamur Christo: ut Christo conregnemus. Ulterius enim tacere, diffidentiae signum est, non modestiae ratio: quia non minus periculi est, semper tacuisse, quam nunquam.

2. Ego, Fratres, ut mihi omnes, qui me vel audiunt, vel familiaritate cognitum habent, testes sunt, gravissimum fidei periculum longe antea praevidens, post sanctorum virorum exilia Paulini, Eusebii, Luciferi, Dionysii, quinto abhinc anno, a Saturnini & Ursacii & Valentis communione me cum Gallicanis episcopis separavi, indulta ceteris consortibus eorum respiscendi facultate: ut nec pacis abesset voluntas, & principalium morborum foetida, & in corruptionem totius corporis membra proficientia defecarentur; si tamen hoc ipsum beatissimis confessoribus Christi editum decretum tum a nobis manere placuisset. Qui postea per factionem eorum pseudoapostolorum ad Bitterrensem synodum compulsus, cognitionem demonstrandae hujus haereseos obtuli. Sed hi timentes publicae conscientiae, audire ingesta a me noluerunt: putantes se innocentiam suam Christo posse mentiri, si volentes nescirent, quod gesturi postmodum essent scientes. Atque exinde toto hoc tempore in exilio detentus, neque decedendum mihi esse de Christi confessione decrevi, neque honestam aliquam ac probabilem ineundae unitatis rationem statui respondendam. Denique exinde nihil in tempora maledictum, nihil in eam, quae tum se Christi ecclesiam mentiebatur, nunc autem antichristi est synagoga, famosum ac dignum ipsorum impietate scripsi, aut locutus sum: *neque interim criminis loco duxi, quemquam aut cum his colloqui, aut suspensa licet communionis societate oratio-*

orationis domum adire, aut paci optanda sperare; dum erroris indulgentiam, ab Antichristo ad Christum recursum, per pœnitentiam præpararemus.

3. Si quis igitur prudens rationem silentii mei percipit; profecto me usque nunc recentis injuriæ acerbiter moderatum, nunc demum fidei in Christo libertate testante, non aliquo vitio humanæ perturbationis, ad hæc scribenda arguet incitatum. Neque enim immature loquar, qui diu tacui: nec sine modestia tacui, qui aliquando jam loquor: neque injuriam queror, qui dissimulavi recentem; & qui, ne quid ex causa mea loqui existimarer, tantum adhibui ad silentium temporis. Nunc mihi non alia ad dicendum causa, quam Christi est: cui & hoc debui, quod usque nunc tacui, & ex reliquo me intelligo debere, ne taceam.

4. Atque utinam illud potius, omnipotens Deus & universorum creator, sed & unius Domini nostri Jesu Christi pater, ætati meæ & tempori præstitisses, ut hoc confessionis meæ in te, atque in Unigenitum tuum ministerium Neronianis, Decianisve temporibus explesem. Nec ego, per misericordiam Domini & Dei filii tui Jesu Christi calens Spiritui sancto, equum metuissem, qui defectum Esaiam scissem: nec ignes timuissem, inter quos Hebræos pueros cantasse meminissem: nec crucem & fragmenta crurum meorum vitassem, postquam in paradysum translatus laqueonem recorderer: nec profundum maris & Pontici æstus absorbentem rheumam trepidassem, cum per Petrum & Paulum docuisses fidelibus esse in mari vitam. Adversus enim absolutos hostes tuos felix mihi illud certamen fuisset, quia nec dubium relinqueretur, quin persecutores essent, qui ad negandum te pœnis, ferro, ni compellerent: neque ad testificandum plus tibi vis, quam mortes nostras liceret impendere. Pugnamus enim palam & cum fiducia contra negantes, contra

contra torquentes, contra jugulantes: & nos populi, tanquam duces suos, ad confessionis religionem intelligentia persecutionis publice comitarentur.

5. At nunc pugnamus contra persecutorem fallentem, contra hostem blandientem, contra Constantium Antichristum: qui non dorsa cædit, sed ventrem palpat; non proscribit ad vitam, sed ditat in mortem; non trudit carcere ad libertatem, sed intra palatium honorat ad servitutem; non latera vexat, sed co-occupat; non caput gladio defecat, sed animam auribus occidit; non ignes publice minatur, sed gehennam privatim accendit. Non contendit, ne vincatur, sed adulatur, ut dominetur. Christum confitetur, ut neget; unitatem procurat, ne pax sit; hæreses comprimit, ne Christiani sint; sacerdotes honorat, ne episcopi sint; ecclesiæ tecta struit, ut fidem destruat. Te in verbis, te in ore circumfert; & omnia omnino agit, ne tu Deus ita, ut Pater, esse credaris.

6. Cesset itaque maledictorum opinio, & mercedarii suspicio. Veritatis enim ministros decet verum proferre. Si falsa dicimus, infamis sit sermo maledictus: si vero universa hæc manifesta esse ostendimus, non sumus extra apostolicam libertatem & modestiam post longum hæc silentium arguentes. Sed temerarium me forte quisquam putabit, quia dicam Constantium Antichristum esse. Quisquis petulantiam istud magis quam constantiam judicabit, relegat primum Joannem dixisse ad Herodem: *Non tibi licet facere istud*, sciat Martyre esse dictum regi Antiocho: *Tu quidem iniquus de presenti vita nos perdis, sed Rex mundi defunctos non pro suis legibus in aeternam vitam in resurrectione suscitabit*; & rursus beata fidelique voce alium increpasset. *Potestatem*, inquit, *inter homines habens, cum sis corruptibilis, facis, quod vis: noli autem putare genus nostrum a Deo esse derelictum. Patienter sustine, & vi magna potestas ipsius qualiter te & semen tuum torquet*.
Et

Et quidem ita pueri. At vero femina nihil minus perfecit & beatis viris locuta est, dicens: Tu vero, qui invenitur omnis malitia factus es in Hebraeos, non effugies iram Dei. Si enim nobis viris propter increpationem & correptionem Domini modicum iratus es, sed iterum reconciliaberis servis suis. Non est istud temeritas, sed fides; neque inconsideratio, sed ratio; neque furor,

7. Proclamo tibi, Constanti, quod Neroni locutus fuisset, quod ex me Decius & Maximianus audirent: Contra Deum pugnas, contra Ecclesiam levias, Sanctos persequeris, prædicatores Christi odis, religionem tollis, tyrannus non jam humanorum, sed divinorum es. Hæc tibi a me, atque illis socia, atque communia sunt: at vero nunc propria tua accipe. Christum prævenis, Christi novus hostis es, an-athematis condis fides, contra fidem vivens. Episcopatus tuis doctrinæ primorum es, indoctus piorum. Sacerdotes custodiæ mandas, bonos malis demutas. Sacerdotes custodiæ mandas, exercitus tuos ad terrorem Ecclesiæ disponis, synodos contrahis, & Occidentalium fidem ad impietatem compellis, hieme conficis, dissimulatione depravas. Orientales autem dissensiones artifex nutris, blandos elicis, fautores instigas: veterum turbatores, profanus novorum es. Omnia sævissima sine invidia gloriosarum mortium peragis. Novo inauditoque ingenii triumpho de diabolo vincis, & sine martyrio persequeris.

8. Plus crudelitati vestræ, Nero, Deci, Maximiane, debemus, Diabolum enim per vos vicimus. sanctus ubique beatorum Martyrum sanguis exceptus est, & veneranda ossa quotidie testimonio sunt: dum his dæmones mugiant, dum agritudines depelluntur, dum admirationum opera cernuntur: elevari sin-

laqueis corpora, & suspensis pede feminis vestes non defluere in faciem, uri sine ignibus spiritus, confiteri sine interrogatione vexatos, agere omnia non minus cum profectu examinantis, quam incremento fidei, At tu omnium crudelium crudelissime, damno majore in nos, & venia minore desævis. Subrepis nomine, blandimento occidis, specie religionis impietatem peragis; Christi fidem Christi mendax prædicator extinguis. Non relinquis saltem miseris excusationes, ut æterno Judici suo pœnas & aliquas laniatorum corporum perferant cicatrices, ut infirmitas defendat necessitatem. Scelestissime mortalium, omnia persecutionis mala ita temperas, ut excludas & in peccato veniam, & in confessione martyrium. Sed hæc ille pater tuus artifex humanarum mortium docuit, vincere sine contumacia, jugulare sine gladio, persequi sine infamia, odire sine suspicione, mentiri sine intelligentia, profiteri sine fide, blandiri sine bonitate, agere, quod velis, nec manifestare, quæ velis.

9. Sed me ipse Unigenitus Deus, quem in me persequeris, admonuit, ne tibi crederem, neque me hoc fallax in te ementitumque nomen illuderet, dicens: *Non omnis, qui dicit mihi, Domine, Domine, intrabit in regnum calorum: sed qui facit voluntatem Patris mei, qui in cælis est, hic intrabit in regnum calorum.* Agnoscisne nunc divinæ in te prophetiæ veritatem, & dominicæ sententiæ fidem, qua non professio nominis in cœleste regnum, sed obedientia paternæ voluntatis admittitur? At vide tu, si præferens nomen Domini in verbis, voluntatem efficias Dei patris in rebus. Clamat ille: *Hic est filius meus dilectus, in quo mihi bene complacui:* & tu decernis non esse filium, neque esse patrem; sed adoptionis nomina, externas nuncupationes, & simulantem de se omnia Deum novus hodie religionis divinæ persecutor inducis. Antehac patres tui in solum Christum hostes fuerunt: tu autem

autem ad Patrem Deum certas, ut mendax sit, ut fellerit, ut hoc de se professus sit, quod non esset, quasi neque esse possit. Clamat Filius: *Ego & Pater unum sumus, &, Operibus meis credite, quia Pater in me, & ego in Patre, &, Omnia, quæ Patris sunt, mea sunt*; tu Christum objurgas veritatis, tu Patrem arguis professionis. Emendas Deum homo, vitam moderaris corruptio, & nox lucem illuminas, & promulgas fidem infidelis, & pietatem impius mentiris, & orbem terræ profana simultate committis: negans hoc de Deo, quod ipse de se professus est.

10. Sed præter hanc emendationem falsitatis, aliud me Dominus, ad intelligendum te, dictum docuit, dicens: *Attendite a pseudoprophetis, qui veniant ad vos in vestimentis ovium, ab intus autem sunt lupi rapaces: a fructibus eorum cognoscetis eos*. Est enim aliquid in corde, quod dissimulatur in vultu, & velatum est mente: & ovem putantes, lupum senserunt. Si, quæ ovium sunt, agunt, credantur & oves esse: si autem rapacium luporum opus peragunt, lupi esse per opus suum intelliguntur; & gestorum fructu, vestimentorum species arguitur. Vestem ovis tuæ, lupe rapax, cernimus. Auro reipublicæ sanctum Dei oneras, & vel detracta templis, vel publicata edictis, vel exacta pœnis Deo ingeris. Osculo sacerdotes excipis, quo & Christus est proditus: caput benedictioni submittis, ut fidem calces: convivio dignaris, ex quo Judas ad prodicionem egressus est: censum capitum remittis, quem Christus, ne scandalo esset, exsolvit: vestigia Cæsar donas, ut ad negationem Christianos invites: quæ tua sunt relaxas, ut, quæ Dei sunt, amittantur. Hæc tua, falsa ovis, indumenta sunt.

11. At nunc fructus operum tuorum lupe rapax audi. Neque ego alia potius, quam quæ gesta sunt, in Ecclesia refero, aut tyrannidem aliam præter quam dei proferam. Non queror, quia causam ignoro,

sed tamen querela famosa est, iustos a te episcopos non esse, quos condemnare nullus audebat, etiam nunc in ecclesiasticis frontibus scriptos metallicæ damnationis titulo recenseri. Adest mecum Alexandria tot concussa bellis, tantum commotarum expeditionum pavens tumultum. Brevius enim adversum Persam, quam adversum eam armis certatum est. Mutari præfecti, electi duces, corrupti populi, commotæ legiones, ne ab Athanasio Christus prædicaretur. Taceo de minoribus populis & civitatibus, quibus per totum Orientem aut terror, aut bellum est. Postquam omnia contulisti arma adversum fidem Occidentis, & exercitus tuos convertisti in oves Christi: fugere mihi sub Nerone licuit. Aut tu Paulinum beatæ passionis virum blandimento sollicitatum relegasti, & ecclesiam sanctam Trevirorum tali sacerdote spoliasti. Edictis fidem terruisti. Ipsum usque ad mortem demutasti exiliis & fatigasti, extra Christianum quoque nomen relegasti: ne panem aut de horreo tuo sumeret, aut de Montanæ Maximillæque antro profanatum expectaret. Mediolanensem piissimam plebem, quam tu furore terroris tui turbasti? Tribuni tui adierunt sancta sanctorum, & viam sibi omni per populum crudelitate pandentes, protraxerunt de altario sacerdotes. Levius te putas, sceleste, Judæorum impietate peccasse? Effuderunt quidem illi Zachariæ sanguinem; sed, quantum in te est, concorporatos Christo a Christo discedisti. Vertisti deinde usque ad Romam bellum tuum, eripuisti illinc episcopum: & o te miserum, qui nescio utrum maiore impietate relegaveris, quam remiseris! Quos tu deinde in ecclesiam Tolosanam exercuisti furores? Clerici fustibus cæsi, diacones plumbo elisi, & in ipsum, ut sancti mecum intelligunt, in ipsum Christum manus missæ. Hæc, Constanti, si ego mentior, ovis es: si vero tu peragis, Antichristus es.

12. Nunc quia hæc, quæ conscientia publica tenentur, non magis a me maledicta sunt dicta, quam vera; si cui in Christo reliqua spes est, si quis iudicii diem metuit, si quis diabolo renuntiavit, si quis se regeneratum in vitam recordatur, accipiat, quæ dico, & de his iudicio, quo in se judicandum est, iudicet. Quæ enim dicturus sum, non aliunde cognovi: sed ipse audiui, & præsens adfui, cum gerebantur. In Christo itaque non mentior, quia discipulus veritatis, testis quoque nunc veritatis. Assisto Orientalium in Seleucia synodo, ubi reperi tantum blasphemorum, quantum Constantio placebat. Nam prima secessione in ea deprehendi, ut centum & quinque episcopi homœusion, id est, similis essentiæ prædicarent, & decem & novem anomœusion, id est dissimilis essentiæ, profiterentur, & soli Ægyptii præter Alexandrinum hæreticum homœusion constantissime obtinerent. Cogente itaque Leona Comite, in unum omnes congregati sunt. Ex his, qui homœusion prædicabant, aliqui nonnulla pie verbis præferabant: quod & ex Deo esset, id est, de substantia Dei filius, & semper fuisset. Qui vero anomœusion defendebant, nihil nisi profanissimum asserabant: negantes quidquam substantiæ Dei simile esse posse, neque de Deo posse existere generationem, sed esse Christum creaturam; ita quod creatus est, id ei nativitas deputeretur: ex nihilo autem esse; & idcirco non esse filium, nec Deo similem.

13. Loquor autem vobis, quod ego ipse recitati in conventu publice audiui, quod prædicante episcopo Antiochiæ exceptum habebatur. Hæc ergo ita dicta esse ab eo commemorabantur. „Erat Deus, „ quod est. Pater non erat, quia neque ei filius: „ nam si filius, necesse est, ut & femina sit, & col- „ loquium, & fermocinatio, & conjunctio conjuga- „ lis verbi, & blandimentum, & postremum ad ge-

„nerandum naturalis machinula.“ O miseras aures meas, quæ tam funestæ vocis sonum audierunt, hæc de Deo ab homine dici, & de Christo in ecclesia prædicari! Post multas autem istiusmodi impietates, cum Patrem & Filium ex nominibus potius, quam ex natura comparasset, ait: „Quantum enim Filius se extendit cognoscere Patrem, tantum Pater superextendit se, ne cognitus Filio sit, quibus recitatis, tumultus exortus est.“

14. Cum autem intellexissent & hi, qui dissimilem Deum dicunt, humanas aures tantæ impietatis verba non suscepturas esse; rursus hi ipsi fallaces potius, quam Ecclesiæ episcopi, fidem scribunt, homouision, & homœusion, & dissimilitudinem damnant. Quod cum contrarium ipsis sensu audientium esset: ipse ego quemdam eorum, qui forte ad me pertinandum accesserat, quasi ignorans rerum gestarum percontatus sum, quid sibi vellet istud, ut qui unam substantiam Filii esse cum Patre damnasset, vel esse similis substantiæ denegassent, dissimilitudinem damnaverent. Tunc mihi ait: Christum Deo similem non esse, sed similem Patri esse. Rursus hoc obscurius mihi adhuc videbatur. De quo cum iterum interrogarem, tunc hæc ita locutus est: Dico eum dissimilem Deo esse, similem Patri posse intelligi; quia Pater voluisset creaturam istiusmodi creare, quæ similia sui vellet: & idcirco similem Patri esse, quia voluntatis esset potius filius, quam divinitatis; dissimilem autem Deo esse, quia neque Deus esset, neque ex Deo, id est, de substantia Dei natus esset. Hæc audiens hebui, neque credidi, donec cum publice ex consensu omnium eorum profanissimæ hujus similitudinis ratio prædicaretur.

15. Hi autem, qui homœusion prædicabant, omnes eos, qui maxime sine aliquo impietatis pudore impudentissime hæc loquebantur, condemnauerunt.

Con-

Condemnati ad regem suum advolaverunt: exceptique honorifice impietates suas, quanta potuerunt, ambitione confirmaverunt, similem Deo esse, vel ex Deo natum, vel naturalem esse filium denegantes. Pauci plurium dominati sunt. Constantius res blasphemiae suae metu extorsit exilii. Vicisse se jam Orientales gloriatus, quia decem legatos voluntati suae subdidisset, cominatusque & populo per praefectum, & episcopis intra palatium, per maximas Orientis civitates haereticos episcopos subrogatos communione haeretica munivit. Nihil prorsus aliud egit, quam ut orbem terrarum, pro quo Christus passus est, diabolo condonaret.

16. Utitur autem etiam nunc, ut in ceteris ante, artis suae consuetudine, ut per recti speciem prava confirmet, & per rationis nomen insana constituat. Nolo, inquit, verba, quae non scripta sunt, dici. Hoc tandem rogo, quis episcopis jubeat, & quis apostolicae praedicationis vetet formam? Dic prius, si recte dici putas: Nolo adversum nova venena novas medicamentorum comparationes, nolo adversum novos hostes nova bella, nolo adversum novas insidias consilia recentia. Si enim Ariani haeretici idcirco homœusion hodie evitant, quia prius negaverunt; nonne tu hodie idcirco refugis, ut hi nunc quoque denegent? Novitates vocum, sed profanas devitare jubet Apostolus: tu cur pias excludis? Cum praesertim ab eo dictum sit: Omnis Scriptura divinitus inspirata utilis est. Innascibilem scriptum nusquam legis: numquid ex hoc negandum erit, quia novum est? Decernis *similem Patri Filium*. Evangelia non praedicant: quid est, quod non refugis hanc vocem? In uno novitas eligitur, in alio submovetur. Ubi impietatis occasio patet, novitas admittitur: ubi autem religionis maxima & sola cautela est, excluditur.

17. Sed diabolici ingenii tui fallentem subtilitatem non tacebo. Similem, quod scriptum non est, Patri Filium decernis prædicari: ut æqualem Christum Deum, quod scriptum est, taceas. Domini enim mortis hæc causa est: *Propter hoc magis Judæi quærebant eum occidere, quia non solum solvebat sabbatum, sed quod patrem suum dicebat Deum, æqualem se faciens Deo.* Hoc Joannes loquens magna voce proclamabat: ut professus Filius sibi patrem Deum, professus se æqualem esse Deo intelligatur. Quod si forte dicis, æqualitatem sibi & Deo negasse Christum, quia dixerit: *Non potest Filius ab se facere quidquam, nisi quod viderit Patrem facientem*: memento Christum & respondisse de sabbato, quod violasse arguebatur, ut in hoc ipso Patris in se operantis præferret auctoritatem, & æqualitatem sibi virtutis honorisque sumsisse: *Omnia, quæcumque Pater facit, eadem & Filius facit similiter; & iterum: Ut honorificent Filium, sicut honorificant Patrem; &, Qui non honorificat Filium, non honorificat Patrem, qui misit illum.* Si virtus eadem est, si honor idem est; quæro, in quo desit æqualitas?

18. Sed similitudo tibi placet; ne audias: *Ego & Pater unum sumus?* Numquid & hoc, quod *unum sumus*, in quo neque unio. neque diversitas relinquebatur, calumniantibus rursus Judæis, quod se per hoc dictum Deum faceret, Dominus denegavit, dicens: *Si non facio opera Patris mei, nolite mihi credere: sin autem facio, & non vultis mihi credere, vel operibus meis credite, quia Pater in me est, & ego in Patre?* Quid, rogo, æqualitati Dei deest? An opus? an natura? an professio? Nam *Pater in me est, & ego in Patre*, æqualitas est: quæ vicissitudinem æqualitatis expressit, dum inesse atque esse commune est. Opera vero Patris sui facere, non aliud est, quam virtutem in se paternæ divinitatis operari. Unum vero quod sunt,
hoc

hoc est non æqualitatem abnuere, sed incremento intelligentiæ fidem æqualitatis instruere.

19. Vetas igitur non scripta dici: & ipse tamen non scriptis uteris, neque, quæ sunt scripta, loqueris. Similem vis Patri Filium prædicari: ne ab Apostolo audias: *Qui cum in forma Dei esset, non rapinum arbitratus est esse se æqualem Deo, sed exinanivit se formam servi accipiens.* Non rapit, quod erat Christus, id est, in forma Dei esse. Non est æqualitas Dei in forma Dei esse, si non æqualitas hominis est esse in forma servi. Quod si in forma servi homo Christus est; quid aliud in forma Dei, quam Christus Deus est? Similem itaque ob id prædicari vis, ne in fide tua sit: *Et omnis lingua confiteatur, quoniam Dominus Jesus in gloria est Dei patris.*

20. O fallax blandimentum tuum! Paleis enim aquas tegis, & foveas cespitibus occultas, & escis laqueos supponis. Satisfacere te ignorantibus putas, quia dicis *similem Patri secundum Scripturas.* Audi etiam nunc impietatis tuæ artem. Numquid non pie dicimus hominem similem Deo secundum Scripturas: quia dictum est: *Faciamus hominem ad imaginem & similitudinem nostram.* Homo ergo ad imaginem & similitudinem Dei patris & Dei filii est. Et cujusmodi imago est, catholici si requirantur, docebunt. Nunc autem homo ad similitudinem & imaginem Dei conditur: non etiam similitudo intra Patrem & Filium prædicatur. Id enim, quod ait *nostram*, æqualitatis est demonstratio; dum non differat, cujus in sacramento & imago sit, & similitudo.

21. De Filio autem nusquam similitudinem reperies. Imaginem autem eum Dei esse Apostolus dicit, sed cum additamento fidei: ne imaginem conformationem sentires. Ait enim: *Qui est imago Dei invisibilis;* ut imago invisibilis Dei, etiam per id, quod ipse invisibilis est, invisibilis Dei imago esset. Simi-

litudinem vero cum imagine ad Deum homini deputavit: ne veritatis esse proprietas existimaretur, cui ad imaginem similitudo esset adjuncta. Denique ubi ad significationem virtutis æquatur, & similitudo in Filio demonstratur operandi: cum profectus vero intelligentiæ prædicatur: tum ita dicitur: *Omnia, quaecumque facit Pater, eadem & Filius facit similiter.* Facere *similiter* parum visum est, nisi eadem fierent, quæ similia fiebant. Atque ita similitudo faciendi pie demonstrata est in eorumdem proprietate factorum. Est autem & similitudo in Domino carnis peccati: sed illi non similitudo carnis est, sed similitudo carnis peccati est: ut quod in forma Dei est, homo sit; quod autem in similitudine carnis peccati est, hominis sit similitudo, dum in hominis statura est, & extra hominis peccatum est. Quæ ergo calida religionis tuæ professio est, similem secundum Scripturas Patri Filium dicere, cum ad imaginem & similitudinem Dei homo tantum factus sit? Quid itaque verbis fallis? Quid arte eludis? Cur non æqualem Deo (hoc enim secundum Scripturas) pie dicis.

22. Sed vereris, ne æqualem dicens, innascibilem significes? Sed verum intellige, quod hinc æqualis Deo esse intellectus est, quia sibi proprium Deum professus est esse; & protestari patrem sibi proprium Deum esse, nativitatis demonstratio est. Mihi quidem similitudo, ne unioni detur occasio, sancta est: sed tibi a me non concedenda est: quia æqualem eundem, & similem postea pie fatebor. Similem autem Patri, similem quoque & Deo, religiose prædicabo; similem vero ita, ut similitudini hoc dictum semper anteferam: *Ego & Pater unum sumus*; tu autem his omnibus contradicis, quia similitudinem excusatione defendis. Negas Filium per nativitatem, negas Deum per naturam, negas similem per æqualitatem, negas *verum* per unitatem. Et jam quæro, quid ei relin-
quas similitudinis, cui nihil, ad quod filius est, proprietatis impertias.

23. Hoc

23. Hoc nunc a te, Constanti, requiro, in qua tandem fide credas. Pergo enim nunc per demutationis tuæ tempora, quibus usque in imum blasphemiae tuæ barathrum descendens, per gradus præcipientes cucurristi. Namque post primam vere fidem synodi Nicænæ, congregato rursus Antiochiæ Concilio, fidem tibi renovas. Sed accidit tibi, quod imperitis ædificatoribus, qua sua semper displicent, accidere solet: ut semper destruas, quod semper ædifices. Ac ne me iniquum voluntatis tuæ iudicem arguas, quid tibi in eadem Encæniorum fide displiceat, renuntiabo. Nime fallit illud, quod tuum est: „Qui
 „ generatus est ex Patre, Deum de Deo, totum de
 „ toto, unum de uno, perfectum a perfecto, regem
 „ de rege inconvertibilem, divinitatis essentiaeque,
 „ virtutis & gloriæ incommutabilem imaginem.“ His quidem ego, intra Nicæam scripta a patribus fide fundatus manensque, non egeo: sed tamen hæc tu emendando rescindis, ac sine fidei meæ damno tibi requiris perfidiæ occasionem. Post synodum deinde Sardicensem, omnem rursus adversum Photinum Sirmium catholicæ doctrinæ tuæ commoves curam. Sed tibi statim hoc, quod utraque fide continebatur, exhorret: „Eos autem, qui dicunt de non exstantibus
 „ esse Filium Dei, vel ex alia substantia, & non ex
 „ Deo, & quod erat aliquando tempus aut seculum,
 „ quando non erat, alienos novit sancta & catholica Ecclesia.“ Tuis ipsis dissides, & adversus tuos hostis rebellas. Novis vetera subvertis, nova ipsa rursus innovata emendatione rescindis, emendata autem iterum emendando condemnas. Suscipis etiam adversum deliramenta Osi & incrementa Ursacii ac Valentis, emendationum tuarum damnationes: sed mox emendanda tua omnia esse, vel potius damnanda constituis. Offenderis enim his paucis inimicissimis tibi verbis: *Et si quis seniore tempore Patrem*

trem dicat Filio esse unigenito, juniorem autem Filium Patre, anathema sit.

24. Non calumniatur de rescissis, de quibus magis post Nicænam synodum institutis conquerimur. Nam etiam si in his omnibus nihil vitiorum subiacere affirmetur, non tamen causa religiosæ voluntatis inesset: quia mali meditatio est, bonorum demutatio; & non necessaria emendatio perverſitatis occasio est. Taceo, cur nostra apud Nicæam a patribus gesta rescindis; non enim cum his tibi convenit: hoc tantum quæro, cur tua damnas? Fidem enim unam & unum baptisma Apostolus prædicat: jam quidquid apud te præter fidem unam est, perfidia non fides est. Nam qui fidem emendando condemnas damnationem fidei esse constituis; dum apud te aboletur per alteram, quæ per alteram rursus abolenda est.

25. Cujus enim tu exinde episcopi manum innocentem reliquisti? Quam linguam non ad falsiloquium coegisti? Quod cor non ad damnationem anterioris sententiæ demutasti? Damnare homœusion decernis, antiquitatis fidem, & pietatis securitatem anathematizari homœusion ab his ipsis, a quibus usurpatum est, constituisti: quod tametsi nobis ad fidem otiosum est, tamen rescindentibus fidei suæ damnatio est. Damnas quoque & substantiæ nomen, quo te & Sardicensi synodo & Sirmiensi pium esse Occidentalibus mentiebaris: quod tamen prophetica auctoritate susceptum, fidei intelligentiam continebat. Omne itaque, quod probatum antea est, damnare jubes: quod improbatum semper est, sanctificare compellis. O tu scelerate! qui ludibrium de Ecclesia facis! Soli canes ad vomitum suum redeunt: tu sacerdotes Christi reſorbere ea, quæ exspuerant, coegisti. Probare eos id in se confessionibus suis præcipis, quod ante damnaverant: in negando reos suos absolvunt, & se ipsos *reos reddunt*. Omnia in impietatem, & in reatum destru-

detrusisti: dum omnes reos se esse atque impios, aut ex præsentibus statuunt, aut ex præteritis confitentur. Non recipit mendacium veritas, nec patitur religio impietatem.

26. Christianum te loqueris: sed quam non sis, ipse testaris: nec professioni tuæ gesta conveniunt. Substravisti enim voluntati tuæ Orientales episcopos, neque solum voluntati tuæ, sed & violentiæ. Mandas tibi subscriptiones Afrorum, quibus blasphemiam Ursacii & Valentis condemnaverant, reddi. Renitentibus comminaris, & postremum ad diripiendos mittis. Quid? existimas Christum non nisi per litteram judicare, & ad arguendam voluntatem egere chartula Deum? Aut quod semel scriptum est, & per te violenter abreptum, id de conscientia posse divinæ potestatis aboleri? Sequentur te quidem in cineres chartulæ, sed criminis apud Deum vivent damnationes. Unum tantum proficis, ut posteritas quid decernere in eos debeat, instructa sit timendo.

27. Et o quantis ad impietatem proficis incrementis! Et ceteri quidem mortales semper cum vivis bella gesserunt, dum homini ad hominem ultra mortem nihil causæ est: tibi vero inimicitiarum nullus est finis. Receptos enim jam in æternam quietem patres nostros laceassis, & in decreta eorum perversus irrumpis. Apostolus communicare nos sanctorum memoriis docuit: tu eas damnare coegisti. Estne aliquis hodie aut vivus, aut mortuus, cujus tu dicta non rescideris? Episcopatus ipsos, qui nunc videntur, sustulisti penitus: quia nemo non jam per se damnatus est, & eum, a quo sacerdotium sumsit, non jam & ipse damnavit. Cui nunc sanctorum memoriæ communicabitur? Anathema tibi trecenti decem & octo convenientes apud Nicæam episcopi sunt: anathema deinde omnes, qui variis exinde expositionibus adfuerunt. Ipse quoque pridem jam mortuus anathema tibi
pater

pater tuus est, cui Nicæna synodus fuit curæ, quam tu falsis opinionibus infamatam perturbas, & contra humanum divinumque iudicium cum paucis satellitibus tuis profanis impugnas. Sed non licet tibi nunc regno potenti etiam in posterum præjudicare. Exstant enim litteræ, quibus id, quod tu criminosum putas, pie tunc esse susceptum docetur. Audi verborum sanctam intelligentiam, audi Ecclesiæ imperturbatam constitutionem, audi patris tui professam fidem, audi humanæ spei confidentem securitatem, audi hæreticæ damnationis publicum sensum: & intellige te divinæ religionis hostem, & inimicum memoriis sanctorum, & paternæ pietatis hæredem rebellem.

Additamentum ex libris de Trinitate.

28. Pater est, ex quo omne, quod est, constitit. Ipse in Christo & per Christum origo omnium. Ceterum esse ejus in sese est: non aliunde, quod est fumens, sed id, quod est, ex se atque in se obtinens; infinitus, quia non ipse in aliquo, sed intra eum omnia; semper extra locum, quia non continetur in loco; semper ante ævum, quia tempus ab eo est. Curre sensu, si quid ei putas ultimum esse, eum semper invenies: quia cum semper intendas, semper est, quod intendas. Semper autem locum ejus intendere ita tibi est, ut ei esse sine fine est. Sermo in eo deficiet, non natura claudetur. Iterum revolve tempora, esse semper invenies: & cum calculi numerus in sermone defecerit, Deo tamen semper esse non deficit. Intelligentiam commove, & totum mente complectere, nihil tenes. Totum hoc habet reliquum, reliquum autem hoc semper in toto est. Ergo neque totum est, cui reliquum est; neque reliquum est, cui est omne, quod totum est. Reliquum enim portio est; **omne vero, quod totum est. Deus autem & ubique est, & totus ubique est. Ita regionem intelligentiæ**
exce-

excedit, extra quem nihil est, & cujus est semper, ut semper sit. Hæc veritas est sacramenti Dei, hoc imperspicabilis naturæ nomen in Patre. Deus invisibilis, ineffabilis, infinitus: ad quem & eloquendum sermo sileat, & investigandum sensus hebeat, & complectendum intelligentia coartetur.

29. Volens itaque Filius hujus nativitatis suæ fidem facere, factorum suorum nobis posuit exempla, ut per inenarrabilium gestorum suorum efficientiam de virtute nativitatis inenarrabilis doceremur: cum aqua sit vinum; cum quinque panes, saturatis quinque millibus virorum, excepto sexu & ætate reliqua, replent fragmentis cophinos duodecim. Res cernitur, & nescitur; fit, & non intelligitur; ratio non apprehenditur, effectus ingeritur. Stultum est autem, calumniam in eo inquisitionis intendere, in quo comprehendi id, unde quæritur, per naturam suam non potest. Ut enim inenarrabilis est Pater in eo, quod ingenitus est; ita enarrari Filius in eo, quod unigenitus est, non potest; quia ingenti est imago, qui genitus est. Cum enim sensu atque verbis imaginem apprehendimus, necesse est etiam eum, cujus imago est, consequamur. Sed invisibilia persequimur, & incomprehensibilia tentamus, quibus intelligentia ad conspicabiles res & corporeas coartatur, non erubescimus stultitiæ, non nosmetipsos irreligiositatis arguimus, Dei arcanis, Dei virtutibus calumniantes. Quomodo Filius, & unde Filius, & quo damno Patris, vel ex qua sit portione natus, inquirimus. Habueras in exemplo operationum, ut crederes Deum efficere posse, quorum intelligere efficientiam non possis.

30. Quæris, quomodo secundum Spiritum natus sit Filius: ego te de corporeis rebus interrogo. Non quæro, quomodo natus ex virgine sit; an detrimentum sui caro perfectam ex se carnem generans perpessa

peffa sit. Et certe non suscepit, quod edidit: sed caro carnem sine elementorum nostrorum pudore provexit, & perfectum ipsa de suis non imminuta generavit. Et quidem fas esset, non impossibile in Deo opinari, quod per virtutem ejus possibile fuisse in homine cognoscimus.

31. Sed te, quisquis es, investigabilia sectantem, & divinatorum secretorum atque virtutum gravem arbitrum consulo, ut mihi imperito, & tantum de omnibus Deo, ut sunt ab eo dicta credenti, rationem saltem facti istius afferas. Dominum audio, & quia his credo, quæ scripta sunt, scio jam post resurrectionem frequenter videndum se in corpore præbuisse multis non credentibus; certe Thomæ non nisi contrectatis ejus vulneribus credituro, sicut ait: *Nisi videro in manibus ejus figuram clavorum, & misero digitum meum in locum clavorum: & mittam manum meam in latus ejus, non credam.* Dominus se ad omnem intelligentiæ nostræ imbecillitatem accommodat, & dubitationi infidelium satisfactorius, arcanum virtutis invisibilis operatur: facti rationem, quisquis eris cœlestium rerum scrutator, expone. Erant discipuli inclusi, & secreto post passionem Domini conjuncti confederant. Dominus Thomæ fidem propositis conditionibus confirmaturus assistit, palpandi corporis, & contrectandi vulneris obtulit facultatem: & utique qui compunctus recognoscendus sit, necesse est, ut corpus, in quo est compunctus, attulerit. Quæro ergo, per quas clausæ domus partes sese corporeus intulerit. Diligenter enim Evangelista expressit, dicens: *Venit Jesus januis clausis, & stetit in medio discipulorum suorum.* An constructa parietum penetrans, solidam lignorum naturam impenetrabilem transcurrit? Stetit namque corporeus, non simulatus aut fallax. Sequantur ergo oculi mentis tuæ penetrantis ingressum, & cum eo *clausam domum intelligentiæ tuæ visus introeat.* Integra

tegra sunt omnia & obserata: sed ecce assistit medius, cui per virtutem suam universa sunt pervia. Invisibilibus calumniaris: ego a te visibilium exposco rationem. Nihil cedit ex solido, neque per naturam suam aliquid tamquam lapsu insensibili ligna & lapides admittunt. Corpus Domini a sese non deficit, ut sese resumat ex nihilo: & unde qui assistit, in medio est? Cedit ad hæc & sensus, & sermo, & extra rationem humanam est veritas facti. Idcirco ergo ut de natiuitate fallimus, ita & de ingressu Domini mentiamur. Dicamus factum non fuisse, quia intelligentiam facti non apprehendimus: & cessante censu nostro, facti ipsius cesset effectus. Sed mendacium nostrum facti fides vincit. Adstitit Dominus clausa domo in medio discipulorum: & Filius est natus ex Patre. Noli negare, quod steterit, quia per intelligentiæ infirmitatem consistentis non consequaris introitum: noli nescire, quod ab ingenito & perfecto Deo pater unigenitus & perfectus filius Deus natus sit, quia sensum & sermonem humanæ naturæ virtus generationis excedat.

32. Et omnia quidem insuper mundi opera adesse nobis in testimonium possent, ne ambigere de Dei rebus atque virtutibus fas crederemus. Sed in ipsam veritatem infidelitas nostra procurrit, & violenti in excidium Dei potestatis irrumpimus. Si liceret, & corpora & manus ad cælum levaremus, solem astraque cetera annui cursus suis limitibus proturbaremus, permisceremus decessus Oceani & accessus, fluentia etiam fontium iniberemus, & naturas fluminum referremus, concuteremus fundamenta terræ, & toto in hæc opera Dei parricidio desæviremus. Sed bene est, quod nos intra hanc modestiæ necessitatem natura corporum detinet. Certe non fallimus, quid, si liceret, essemus acturi: namque quia possumus, pro-

...
sua voluntatis audacia naturam veritatis convellit,
aus, & bellum dictis Dei comparamus.

33. Cesset dolor querelarum. Nam te, quisquis
es, qui hæc requires, non revoco in excelsum, non
in amplitudinem tendo, non deduco in profundum.
Nonne æquanimiter ignorabis Creatoris nativitatem,
ignorans originem creaturæ? Hoc saltem requiro,
sentias te genitum, & quæ ex te generentur, intel-
ligis? Non quæro, sensum unde hauseris, vitam un-
de sortitus sis, intelligentiam unde adeptus sis, quale
sit, quod in te est, odor, sensus, visus, auditus;
certe nemo, quod facit, nescit: quæro, unde ista
sis, quos generas, indulgeas, qualiter sensum infe-
ras, oculos accendas, cor affigas. Hæc, si potes,
enarra. Habes ergo, quod nescis, & tribuis, quæ
non intelligis: æquanimiter imperitus in tuis, inso-
lenter in Dei rebus ignarus.

S. HILARII
CONTRA ARIANOS,
VEL
AUXENTIUM MEDIOLANENSEM
LIBER UNUS.

Dilectissimis fratribus in fide paterna manentibus, &
Arianam hæresim detestantibus, Episcopis, & omni-
bus plebibus, Hilarius conservus vester in
Domino æternam salutem.

*1. Speciosum quidem nomen est pacis, & pulcra est
opinio unitatis: sed quis ambigat eam solam
Eccle-*

Ecclesiæ atque Evangeliorum unitatem pacem esse, quæ Christi est? Quam ad Apostolos post passionis suæ gloriam est locutus, quam ad æterni mandati sui pignus commendavit abiturus, hanc nos, Fratres dilectissimi, & amissam quærere, & turbatam componere, & repertam tenere curavimus. Sed hujus ipsius nos fieri vel participes, vel auctores, nec temporis nostri peccata meruerunt, nec imminentis Antichristi prævii, ministrique sunt passi: qui pace sua, id est, impietatis suæ unitate se jactant, agentes se non ut episcopos Christi, sed Antichristi sacerdotes.

2. Ac ne maledicis verborum in eos uti conviciis arguamur, causam perditionis publicæ, ne cuiquam ignorata sit, non tacemus. Antichristos plures esse, etiam apostolo Joanne prædicante, cognovimus. Quisquis enim Christum, qualis ab Apostolis est prædicatus, negavit, Antichristus est. Nominis Antichristi proprietas est, Christo esse contrarium. Hoc nunc sub opinione falsæ pietatis efficitur, hoc sub specie prædicationis evangelicæ laboratur, ut Dominus Jesus Christus, dum prædicari creditur, denegetur.

3. Ac primum miserari licet nostræ ætatis laborem, & præsentium temporum stultas opiniones congemiscere, quibus patrocinari Deo humana creduntur, & ad tuendam Christi Ecclesiam ambitione seculari laboratur. Oro vos, episcopi, qui hoc esse vos creditis, quibusnam suffragiis ad prædicandum Evangelium Apostoli usi sunt? Quibus adjuti potestatibus Christum prædicaverunt, gentesque fere omnes ex idolis ad Deum transtulerunt? Anne aliquam sibi assumebant e palatio dignitatem, hymnum Deo in carcere inter catenas, & post flagella cantantes; edictisque regis Paulus, cum in theatro spectaculum ipse esset, Christo Ecclesiam congregabat? Nerone se, credo, aut *Vespasiano*, aut *Decio* patrocinantibus

trahatur? Quorum in nos odii confessio divinaque
dicationis effloruit. Illi manu atque opere se alentes,
intra cœnacula secretaque coeuntes, viros & castella,
gentesque fere omnes terra ac mari contra senatus-
consulta & regum edicta peragantes, claves credo
regni cœlorum non habebant? Aut non manifesta
se tum Dei virtus contra odia humana porrexit, cum
tanto magis Christus prædicaretur, quanto magis præ-
dicari inhiheretur?

4. At nunc, proh dolor! divinam fidem suffra-
gla terrena commendant, inopsque virtutis suæ Chri-
stus, dum ambitio nomini suo conciliatur, arguitur.
Terret exiliis & carceribus Ecclesia; credique sibi co-
git, quæ exiliis & carceribus est credita. Pendet ad
ignationem communicantium, quæ persequentium est
consecrata terrore. Fugat sacerdotes, quæ fugatis
est sacerdotibus propagata. Diligi se gloriatur a mun-
do, quæ Christi esse non potuit, nisi eam mundus
odisset. Hæc de comparatione traditæ nobis olim Ec-
clesiæ, nuncque deperditæ, res ipsa, quæ in oculis
omnium est atque ore, clamavit.

5. Quid autem illud sit, quod ignorandum ultra
non sit, breviter exponam. Secundum placitam Deo
plenitudinem coartata sunt tempora. Circumscripta
enim ratio eorum cœlestibus libris docetur: ac ne-
cesse est in ipsam nos ætatem Antichristi incidisse,
cujus, secundum Apostolum, ministris in lucis se an-
gelum transformantibus, ab omnium fere sensu &
conscientia is, qui est Christus, aboletur. Ut enim
erroris affirmatio certa sit, incerta veri opinio ante-
fertur: sitque Antichristo jam pervium, Christum
eum esse se, fallere, de quo nunc usque dissensum sit.
Hinc illæ varix opiniones, hinc sub unius Christi fide
prædicatio plurimorum, hinc nuper Arii spiritus ex
angelo diaboli in lucis Angelum transfiguratus: cujus
hereditas omnis ad Valentem, Ursacium, Auxentium,
Germi-

Germinium, Gajum successit atque defluxit. Nam ipsi nunc Christum novum, per quem Antichristus subreperet, intulerunt.

6. Volunt enim hunc suum Christum non ejus divinitatis esse, cujus & Pater est; sed esse potentem & præstantem ceteris aliis creaturis creaturam, eumque per voluntatem Dei ex nihilo substituisse: & eum ante omnia quidem secula, & ante omne omnino tempus natum ex Deo Deum esse; sed non ex substantia Dei esse, neque divinæ in eo nativitatis, majestatisque ejus, quæ Dei est, intelligendam veritatem; nequam verus sit Deus, qui pater est, tam verus sit Deus, qui filius est: ut id, quod unum esse Filius & Pater in Evangeliiis prædicantur, in voluntatis tantum sit & charitatis societate, non in divinitatis veritate. Quæ si in Filio non eadem est ipsa illa, quæ Dei est, ut in confessione fidei Deus unus sit; cur Deum Filium, cur ante tempora & secula confitentur, nisi quia Dei nomen sancto cuique per indulgentiam æternitatis est destinatum? Aut regenerati omnes non vere Dei filii sunt, aut angeli omnes, per Christum utique conditi, non ante omnia tempora & ante omnia omnino secula sunt creati? Verum ad Antichristum minori invidia introducendum, miserisque credendum, tribuunt Christo Dei nomen; quia hoc & hominibus sit tributum: fatentur vere Dei filium; quia sacramento baptismi vere Dei filius unusquisque perficitur: ante tempora & secula confitentur; quod de Angelis atque diabolo est non negandum. Ita Domino Christo sola illa tribuuntur, quæ sunt vel angelorum propria, vel nostra. Ceterum, quod Deo Christo legitimum & verum est, Christus Deus verus, id est, eadem esse Filii, quæ Patris divinitas denegatur. Et hujus quidem usque adhuc impietatis fraude perficitur, ut jam sub Antichristi sacerdotibus Christi *populus non occidat*, dum hoc putant illi fidei
C 3 esse,

esse, quod vocis est. Audiunt Deum Christum, putant esse, quod dicitur. Audiunt filium Dei; putant in Dei nativitate inesse Dei veritatem. Audiunt ante tempora; putant idipsum ante tempora esse, quod semper est. Sanctiores aures plebis, quam corda sunt sacerdotum. Si Deum verum Ariani prædicant Christum, Deum sine fraude confessi sunt: quod si Deum dicunt, & negant verum; tribuunt nomen, & adimunt veritatem.

7. Quamquam igitur impiissimis eorum blasphemias plenæ omnes ecclesiarum chartæ, plenique jam libri sint: quid proxime tamen acciderit, non tacendum est. Cum edicto gravi sanctus rex perturbari Ecclesiam Mediolanensem, quæ Deum verum Christum & unius cum Patre divinitatis & substantiæ confiterur, sub unitatis specie & voluntate jussisset, etiam importuna interpellatione suggesti, Auxentium blasphemum esse, & omnino hostem Christi habendum: idque adjeci, eum aliter credere, quam rex ipse, aut alii omnes haberent. Quibus rex permotus, audiri nos a Quæstore & Magistro præcepit, confidentibus una nobiscum episcopis fere decem. Primumque, ut in foro solet, de persona calumniatus est, damnatum quondam me a Saturnino, audiri ut episcopum non oportere. Non est nunc temporis, quid ad hæc responsum sit, enarrare: sed qui tum audiebant, de fide potius, ut regi placuerat, agitandum esse decernunt. Cumque jam in arto esset negandi periculum; credere se Auxentius Christum Deum verum, & unius cum Deo patre divinitatis & substantiæ est professus. Placuit igitur hoc scribi, & ne memoriis audientium, quæ dicta essent, elaberentur, continuo libellum regi per Quæstorem offero, quò quid convenisset, contineretur: & ne quid mentiri arguar, ejusdem exempla subjeci. Placet omnibus *Auxentium hæc ipsa profiteri frequenter: qui ut*
ipsum

ipsum scriberet, est coactus. Qui diu consilia sua versans, callidissime fidem regis eludit: dat scripturam stilo Antichristi compositam.

8. Nam primum ea, quæ Nicææ Thraciæ omnium impietas resolvisset, sancta esse testatur: vim scilicet illatam episcopis, fidem esse veræ confessionis affirmans. Negat quoque se scire Arium: cum in Alexandria in Ariana ecclesia, cui Gregorius præerat, presbyter esse cœpisset. Sed de Ariminensi synodo, quæ ab omnibus est religiose dissoluta, nihil dicamus: tantum diaboli commenta pandenda sunt. Cum placuisset igitur scribi Deum verum esse Christum, & unius cum patre divinitatis atque substantiæ esse: ponitur talis ab eo, ut a callidissimo diabolo, sententia, quæ significaret Christum *ante omnia tempora natum Deum verum filium*: ut secundum Arianos *veritas* ad filium, non ad Deum referretur. Et ut longe major differentia hujus significationis existeret, subjicitur: *Ex vero Deo Patre*; ut in Patre veritas Dei esset, in Christo veritas tantum filii scriberetur. Dehinc procedente sermone, una ab Auxentio divinitas prædicatur, & in ea non confitetur & Filium: ut in solo Patre, non etiam in Filio, esset sola una divinitas.

9. Spargitur vero per populos, Auxentium verum Deum Christum, & unius cum Patre divinitatis ac substantiæ scripsisse, neque ab expositæ per me fidei dissidere sententia: post quæ ad communionem ejus rex pro fidei sinceritate advenit. Sed cum hoc mysterium impietatis diu occultatum jam non taceretur, diceremque fingi omnia, fidem denegari, Deum atque homines illudi; jubeor de Mediolano proficisci, cum consistendi mihi in ea invito rege nulla esset libertas.

10. Hæc igitur, Fratres, quibus Dei iudicium in metu est, ita gesta esse significo. Auxentius quod negare timuit, noluit confiteri: nam expositionis ipsius exempla subjeci. Si idem scripsit, arguite fallentem.

tem: si vero aliud scripsit, quam professus est, intelligite jam Christum per eum alium, id est, Antichristum prædicari. Ludit quidem ille verbis, quibus possit fallere & electos; sed patet impietatis tantæ professio.

11. Negat se duos Deos prædicare, quia non duo patres sunt. Quis secundum hæc non videt, unus Dei confessionem idcirco tantum Patri propriam esse, quis solus esset? Unde & ille satanæ stilus extitit: *Novimus unum solum verum Deum patrem*. Et post malevolas significationes, *Similem*, inquit, *secundum Scripturas Filium genitori suo patri*. Si usquam in sanctis voluminibus hoc scriptum est, habet innocentiae professionem. Si vero veritate divinitatis Filius & Pater unum sunt, quid similitudinis imperfecta opinio antefertur? Imago quidem Dei Christus est: sed & hominem imaginem Dei esse non dubium est, cum ad imaginem & similitudinem Dei Adam factus sit. Quid tu hæres Arii Christo tantum nostra concedis? Quid Regem, quid Comites, quid Dei Ecclesiam, patris tui, id est, satanæ arte circumvenis? Christum Deum dicis: quid fallis in nomine? Nega Moysen Pharaoni Deum dictum. Christum filium & primogenitum Dei loqueris: nega primogenitum filium Israel Deo esse. Christum ante tempora natum asseris: & creatum nega diabolum ante tempora & secula substituisse. Christum similem Patri memoras: nega ad imaginem & similitudinem Dei hominem esse cœpisse. Solum Christo quod est, denegas, ne Deus verus & unius cum Patre divinitatis atque substantiæ sit. Et solitus es una cum magistris tuis me hæreticum arguere: expone, quibus potes litteris, impietatis meæ causam, & blasphemiarum mearum titulum propone. Mihi autem Antichristus est ille, qui unius divinitatis esse Filium cum Patre non confitetur: quique non ita unum verum Deum Patrem prædicat, ut veritas quoque divinita-

divinitatis non intelligatur in Filio. Si unius divinitatis Christus & Deus sunt, cur hoc non simpliciter scripsisti? Si tibi non sunt, cur hoc non simpliciter denegasti?

12. Arcanum igitur tam pestiferi mysterii optassem, Fratres, ipse potius quam per litteras revelare, & omnes blasphemias Auxentii verbis singulis explicare. Verum quia id non licet, saltem unusquisque quod sibi liceat, intelligat. Multa alia proferre Ecclesiæ me pudor inhibet, & committere epistolæ Arianorum blasphemiarum dedecora pertimesco. Unum moneo, cavete Antichristum: male enim vos parietum amor cepit, male Ecclesiam Dei in tectis ædificiisque veneramini, male sub his pacis nomen ingeritis. Anne ambiguum est, in his Antichristum esse fessurum? Montes mihi, & silvæ, & lacus, & carceres, & voragines sunt tutiores: in his enim prophetæ, aut manentes, aut demersi, Dei spiritu prophetabant. Absistite itaque ab Auxentio satanæ angelo, hoste Christi, vastatore perdito, fidei negatore: quam sic est regi professus, ut falleret; sic fefellit, ut blasphemaret. Congreget nunc ille, quas volet in me synodos, & hæreticum me, ut sæpe jam fecit, publico titulo proscribat, & quantam volet iram in me potentium moliat: mihi certe ille numquam aliud, quam diabolus erit; quia Arianus est: neque pax aliquorum umquam optabitur, nisi eorum, qui secundum patrum nostrorum apud Nicæam tractatum, anathematizatis Arianis, Christum Deum verum prædicabunt.

EXEMPLUM BLASPHEMIÆ AUXENTII.

Beatissimis & gloriosissimis Imperatoribus Valentiniano & Valenti Augustis, Auxentius Episcopus ecclesiæ catholicæ Mediolanensium.

13. „Ego quidem, piissimi Imperatores, æstimō
non oportere sexcentorum episcoporum unitatem

„ post tantos labores ex contentione paucorum ho-
 „ minum reficari ab abjectis ante annos decem, sicut
 „ & scripta manifestant. Sed si aliqui ex plebe, qui
 „ numquam communicaverant, neque his, qui ante
 „ me fuerunt, episcopis, nunc amplius excitati ab
 „ Hilario & Eusebio, perturbantes quosdam, hære-
 „ ticum me vocaverunt: iussit vero pietas vestra co-
 „ gnoscere de his viros laudabiles, Quæstorem &
 „ Magistrum: & sicut prædixi, non eos personam
 „ habere accusatorum aut judicare, qui semel depo-
 „ siti sunt; (dico autem Hilarium, & qui ei consen-
 „ tiunt:) tamen obediens serenitati vestræ, processu
 „ manifestare falsa dicentibus, & blasphemantibus,
 „ & vocantibus me Arianum, & quali non confiten-
 „ tem Christum filium Dei Deum esse.

14 „ Exposui amicis pietatis vestræ meam con-
 „ fessionem, primum satisfaciens, quia numquam scivi
 „ Arium, non vidi oculis, non cognovi ejus doctri-
 „ nam: sed ex infantia, quemadmodum doctus sum,
 „ sicut accepi de sanctis Scripturis, credidi, & credo
 „ in unum solum verum Deum patrem omnipoten-
 „ tem, invisibilem, impassibilem, immortalem: & in
 „ filium ejus unigenitum Dominum nostrum Jesum
 „ Christum, ante omnia secula, & ante omne prin-
 „ cipium natum ex Patre DEUM VERUM FILIUM
 „ ex vero Deo patre, secundum quod scriptum est
 „ in Evangelio: *Hac est autem vita æterna, ut cogno-*
 „ *scant te solum verum Deum, & quem misisti Jesum Chri-*
 „ *stum.* Per ipsum enim omnia facta sunt, visibilia
 „ & invisibilia. Qui descendit de cœlis voluntate
 „ Patris propter nostram salutem, natus de Spiritu
 „ sancto & Maria Virgine secundum carnem, sicut
 „ scriptum est, & crucifixum sub Pontio Pilato, se-
 „ pultum, tertia die resurrexisse, adscendisse in cœ-
 „ lis, sedere ad dexteram Patris, venturum judicare
 „ vivos & mortuos. Et in Spiritum sanctum para-
 „ cletum,

„ cletum, quem misit Dominus & Deus noster salva-
„ tor Jesus Christus discipulis, Spiritum veritatis.
„ Sic credidi, & credo, sicuti & adscendens in cœlos
„ unicus filius Dei tradidit discipulis, dicens: *Euntes*
„ *docete omnes gentes, baptizantes eas in nomine Patris,*
„ *& Filii, & Spiritus sancti.*

15. „ Duos autem Deos numquam prædicavi:
„ nec enim sunt duo patres, ut duo Dii dicantur,
„ nec duo filii; sed unus filius ex uno patre, solus a
„ solo, Deus ex Deo, sicut scriptum est: *Unus Pa-*
„ *ter Deus, ex quo omnia, & unus Dominus Jesus Chri-*
„ *stus, per quem omnia;* propter quod & unam Dei-
„ tatem prædicamus. Omnes ergo hæreses, quæ ad-
„ versus catholicam fidem veniunt, semper quidem
„ congregati episcopi catholici condemnaverunt &
„ anathematizaverunt, specialiter autem convenien-
„ tes Arimino, & inde condemnavimus. Catholi-
„ cam autem & Evangeliorum, quam tradiderunt
„ Apostoli, hanc fideliter custodivimus. Ut autem
„ pietas vestra verius cognosceret ea, quæ gesta sunt
„ in Concilio Ariminensi, transmissi, & peto, ut ea
„ libenter legi præcipiatis: sic enim cognoscet fere-
„ nitas vestra, quia qui jam dudum depositi sunt,
„ hoc est, Hilarius & Eusebius, contendunt ubique
„ schismata facere. Quæ enim bene de sanctis Scri-
„ pturis catholicæ fidei exposita sunt, pietas vestra
„ pervidet hæc retractari non oportere.“

F R A G M E N T A
E X L I B R O
S. H I L A R I I,

In quo sunt omnia, quæ ostendunt vel quomodo,
quibusdam causis, quibus instantibus sub Imperatore
Constantio factum est Ariminense Concilium contra
formulam Nicæni tractatus, qua universæ hære-
ses comprehensæ erant.

F R A G M E N T U M I.

1. Sancto Spiritu plenus Paulus apostolus ad Corin-
thios ita loquitur: *Manet autem fides, spes, cha-
ritas.* Magnum consummandæ veritatis sacramentum
ita triplici humani sensus affectione complectitur: re-
liquarum autem rerum sive officia, sive dona, in qui-
bus nunc pro parte versamur, abolenda significat,
cum adventu Domini nostri Jesu Christi cœlestis con-
cilii perfectio inveniatur. Corruptione enim nostra
in æternitatis gloriam transformata, hoc, quod nunc
aliquid esse creditur, non erit; quando tribui cœ-
perit, quod cum est, semper æternum est. Verum
fidei, spei, charitatis hoc meritum est, ut mortis
debito corporibus dissolutis, semper maneant, nec
umquam desinant; & cum omnia in homine pro parte
sint, hæc tamen sola perfecta sint. Nam sive pro-
phetiæ abolebuntur, sive linguæ cessabunt, sive
scientia destruetur, tria illa superiora perfectionem
immu-

immutabilem consequuntur: & nihil aut extrinsecus mutabuntur, aut ultra quam obtinent, uberius acquirunt. Cum enim prophetias, & linguas, & scientiam veritas absoluta depellit; fidem, spem, charitatem capeffendæ æternitatis traduces & patronos sicuti ipsa erunt æternitas apprehendet. Et singularum quidem rerum idem beatus Apostolus merita exigui honoris sui distinxit: ut intelligi promptum esset, ceteris profectu augmenti cœlestis abolendis, non exiguo honoris sui fructu, tria hæc sola esse, quæ maneant quidem.

2. Igitur Deus justitiæ præviis numeratur, creditus ab ignorante, quod Deus sit. Atque ob id Abraham fides prima justificat, & Chananææ filiam silentio Dominum tentantis matris fides salvat, & credentibus in nomine ejus potestas in Joanne tribuitur, ut ex Deo nati sint. Magnum est fidei meritum, & perfecta credentibus Deo beatitudo, per quam genitis in corpore, in iniquitate, in ægritudine, & justitia, & sanitas, & ortus ex Deo est. Spes vero amœnitatem vitæ mundialis & bona seculi, quiescentis in his, quæ a Deo disposita confidit, exsuperat, præsentium damno futurorum lucra meritura: quam Dominus tali præmio muneratur: *Omnis, qui reliquerit domum, vel fratres, vel sorores, aut matrem, aut filios, aut agrum propter nomen meum, centuplum accipiet, & vitam æternam possidebit.* Egregia virtutum Dei testis, fiducia expectationis suæ, præsentia quæque ut nulla & incerta despiciens, futura vero ut æterna & præsentia apprehendens. Sed quamquam mansuræ fidei, spei, charitatis parem gloriam idem Apostolus tribuat, & æqualiter inviolabiles eas esse significet; charitatem tamen præstare ceteris superioribus indicat. Per hanc enim quodam vinculo Deo suscepti amoris annectimur: fitque individua ab eo voluntas nostra semel nomini ejus charitate pietatis infusa, a qua non gladius, non famæ, non nuditas separabit; per quam ira, æmulatio, ambi-

ambitio, iniquitas, luxus, cupiditas comprimuntur. Atque idcirco cum maneat fides, spes, charitas, major horum est charitas: per quam admixtos insecabili in Dei nomine affectu, nulla vis secularium motuum aut dissolvit, aut dividit.

3. Et huic tantæ, tam gravi apostolicæ auctoritati ego quoque inter ceteros, si quid mihi post eos loci est, testimonium reddo per hanc charitatem repositam nobis ante tempora secularia in cœli spem assumtis: & nomini Dei ac Domini Jesu Christi adhæreo, iniquorum societatem & infidelium consortium respuens: cum quo florere nobis, seculi otio domestico frui, commodis omnibus redundare, familiaritate regia gloriari, & esse falso episcopi nomine, singulis universisque & publice & privatim in Ecclesiæ dominatu gravem effici, par, ut ceteris, potestas dabatur; si modo veritatem evangelicam falsitate corrumperem, conscientiæ reatum blandimento ignorantiae consolarer, judicii corruptelam excusatione alieni arbitrii defenderem, hæreseos piaculo non fide mea, quæ utique esset obnoxia, sed simplicitate ignorantiam non tenerer, probitatem sub difficultate publicæ intelligentiæ mentirer. Hæc enim simplicitatem cordis per fidem & spem Christi charitas manens non tulit. Et cum ab Apostolo accepissem: *Non enim accepimus spiritum formidinis; & cum Domino dicente didicissemus: Omnis, qui confitebitur me coram hominibus, & ego confitebor eum coram Patre meo, qui est in cœlis; & per eundem dictum esset: Beati, qui persecutionem patiuntur propter justitiam, quoniam ipsorum est regnum cœlorum: beati estis, cum vos maledicent, & persequentur, & dicent omne malum adversum vos propter justitiam; gaudete & exultate, quoniam merces vestra copiosa est in cœlo:* non potui præferre ambitiosam in reatus silentio conscientiam injuriosæ pro Dei confessione tolerantiae.

4. Proferre igitur in conscientiam publicam opus tento grave & multiplex, diabolica fraude perplexum, hæreticorum parte subtile, dissimulatione multorum ac metu præjudicatum, locorum, in quibus gesta res est, nosque agimus, desperatione peregrinum, tempore antiquum, silentio novum, pridem simulata rerum pace præteritum, proxime impia fallacissimorum hominum calliditate renovatum; hocque quo etiam in Romani Imperii negotiis quies carpitur, rex angitur, palatium fervet, episcopi circumcursant, Officiales magistri volitant, adversus apostolicos viros Officiorum omnium festinatione turbatur. Ita ubique agitur, trepidatur, instatur; ut plane iniquitatem hujus assertionis, obtinendi labor & cura prodiderit. Enimvero versari in sermone hominum jam diu meminimus, quosdam sacerdotum Dei idcirco exulare, quod in Athanasium sententiam non ferunt; & hic error prope omnium mentes occupavit, ut sub nomine ejus non satis unicuique eorum dignam causam suscepti exilii arbitrentur.

5. Prætermitto autem, licet potissima regi sit referenda reverentia, (quia enim a Deo regnum est,) non tamen æquanimiter judicium ejus episcopalibus arbitriis admitti: quia Cæsaris Cæsari, Deo autem reddenda, quæ Dei sunt. Taceo Imperatoris sublata causæ cognitione judicium. Non queror extorqueri de absente sententiam; quamvis, Apostolo dicente: *Ubi fides est, ibi & libertas est*, pati istud simplicitas sacerdotalis non debeat. Sed hæc, non quia contemnenda sunt, verum quia his graviora sint subjecta, prætereo. Quamquam enim ex his quibusque in terris gesta sint, cognosci potuerit longe aliud agi, quam existimabatur; tamen propensiore cura rem omnem hoc volumine placuit exponere. Raptim enim tunc hæc per nos ingerebantur, corruptio Evangeliorum, depravatio fidei, & simulata Christi nominis

his blasphemis confessio. Et necesse fuit in eo mone omnia esse præpropere, incomposita, confusa: quia quanto nos impensiore cura audientiam quaeremus, tanto illi pertinaciore studio audientiae contraherent.

6. Incipiam igitur ab his, quæ proxime gesta sunt, id est, eo tempore, quo primum in Arelatensi oppido frater & comminister meus Paulinus ecclesiae Trevirorum episcopus eorum se perditioni, simulatione non miscuit: & qualis fuit illa sententia, exponam, a qua referens voluntatem, indignus ecclesiae ab episcopis, dignus exilio a rege est iudicatus. Atque hoc ita fieri non rerum ordo, sed ratio ex praesentibus petita demonstrat, ut ex his primum confessio potius fidei, quam pavor in homine intelligatur, ex quibus in eum, qui assensus his non est, cepit injuriam.

7. Atque hoc etiam non inutiliter admonebo, ut ad omne hoc volumen diligens intentio adhibeatur. Omnia enim sunt & separanda temporibus, & distinguenda judiciis, & discernenda personis, & verborum dijudicanda virtutibus: ne forte tot epistolis, tot synodis tunc frequenter injectis, pernicioso ante finem fastidio expleatur. Agitur autem in his, quæ cognitio Dei expetenda sit, quæ spes æternitatis, in quo perfecta veritas statu hæreat. Et cum tam gravis rei negotium tractetur, oportet & unumquemque his modo curam cognoscendis rebus impendere, ut iudicio deinceps proprio consistens, opinionem non sequatur alienam. Explicit.

FRAGMENTUM II.

INCIPIT EXEMPLUM EPISTOLÆ

synodi Sardicensis ad universas Ecclesias.

1. **M**ulta quidem & frequenter ausi sunt Ariani hæretici adversus servos Dei, qui fidem rectam & catholicam custodiunt. Adulterinam namque doctrinam inferentes, orthodoxos persequi tentaverunt. In tantum autem nunc exsurrexerunt contra fidem, ut non religiosam pietatem clementissimorum Imperatorum lateret. Denique, gratia Dei adjuvante, etiam ipsi clementissimi Imperatores congregaverunt ex diversis provinciis & civitatibus ipsam Synodum sanctam, & in Sardicensium civitate fieri permiserunt: ut omnis quidem dissensio amputaretur, iniqua autem doctrina penitus expulsa, pietas sola, quæ est in Christo, ab omnibus custodiretur. Venerunt enim ab Oriente episcopi cohortatione excitati piissimorum Imperatorum, maxime propter id, quod frequenter in murmuratione fuit, id est, de dilectissimis fratribus nostris & coepiscopis, Athanasio episcopo Alexandriæ, & Marcello episcopo Ancyro-Galatiz. Arbitramur autem etiam ad vos ipsos pervenisse eorum calumnias, & aures vestras tentasse eos commovere non dubitavimus: ut adversum innocentes quidem quæ dicunt, credatis, sceleratæ autem hæreseos suæ suspensionem tegant. Sed non diutius hæc illis facere permissum est. Est enim gubernator Ecclesiarum Dominus, qui pro Ecclesiis & pro omnibus nobis mortem sustinuit, & propter eas Ecclesias adscensum in cælos omnibus nobis tribuit.

2. Olim quidem scribentibus Eusebio, Mario, Theodoro, Diognito, Ursacio & Valente, Julio confacerdoti nostro Romanæ Ecclesiæ episcopo ad-

*S. Hilarii Tom. II,**D**versum*

versum prædictos coepiscopos nostros; (dicimus autem Athanasium & Marcellum,) ut scripserunt ex aliis locis ut episcopi nostri; quæ autem ab Eusebio facta sunt, nihil aliud quam falsitatis & mendacii fuisse plena. Nam etsi ex eo, quo vocati sunt a Julio episcopo charissimo fratre nostro, claruit noluisse eos venire ex ipsis litteris, quibus eorum mendacia detecta sunt; (venissent enim, si habuissent fiduciam eorum, quæ gesserunt adversus coepiscopos nostros:) licet etiam ex ipsis, quæ fecerunt in isto sancto & magno Concilio, manifestiora falsitatis suæ commenta prodiderunt. Venerunt enim & ad Sardicensium civitatem, & videntes Athanasium & Marcellum, Asclepam & alios, timuerunt venire ad iudicium: & non semel, neque iterum, sed frequenter vocati contemserunt invitationem Synodi omnium nostrorum, qui convenimus episcopi, & maxime venerabilis senectæ Offium, qui & propter ætatem, & confessionem, & tanti temporis probatam fidem, qui tantum laborem id ætatis pro Ecclesiæ utilitate sustinuit, ut omni reverentia dignissimus habeatur. Exspectantibus omnibus, & cohortantibus eos venire ad iudicium, ut omnia, quæ de consacerdotibus nostris vel dixerunt, vel scripserunt, præsentibus possent convincere, vocati non venerunt, sicut prædiximus: ostendentes etiam ex his falsitatem suam, non solum commentatitiam fraudem aut exquisitam versutiam, quam fecerunt prodescentes per excusationem. Qui enim habent fiduciam probare ea, quæ absentes dicunt, hæc præsentibus parati sunt convincere. Sed quia venire non ausi sunt, arbitramur de cetero neminem ignorare, etiam si illi iterum malitiam suam exercere voluerunt, nihil sufficientes probare adversus consacerdotes nostros, quos incusant quidem absentes, præsentibus autem fugiunt.

3. Fugerunt enim, dilectissimi Fratres, non solum propter hos, quos falso appetiverunt, verum etiam

etiam hos, qui ex diversis locis convenerunt, ut eosdem multis criminibus arguerent. Ferrum enim & vincula proferebant de exilio revertentes viri. Et rursum ab his, qui adhuc in exilio detinentur, missi affines & proximi, amici & fratres, querelas vel eorum, qui supersunt, detulerunt, vel eorum, qui in ipsis exiliis decesserunt, indignam injuriam prosecuti sunt. Et, quod est maximum, episcopi aderant, quorum alter ferrum & catenas præferebat, quas per eos cervicibus suis portaverat; alii ex eorum insimulatione mortem sibi intentatam testificabantur. In tantum enim desperationis eruperunt, ut etiam episcopos interfecissent quidem, nisi fugissent ipsorum cruentas manus. Decessit enim coepiscopus noster beatissimus Theodulus fugiens ipsorum infestationem. Jussus est enim ex ipsorum insimulatione mori. Alii autem gladiatorum signa, plagas & cicatrices ostendebant. Alii se fame ab ipsis excruciatos querebantur. Et hæc non ignobiles testificabantur viri, sed de ecclesiis omnibus electi, propter quas huc convenerunt, res gestas edocebant, milites armatos, populos cum fustibus, judicum minas, falsarum litterarum suppositiones. Lectæ sunt enim litteræ factæ a Theognito falsæ adversum coepiscopos nostros Athanasium & Marcellum, ut & Imperator adversus ipsos commoveretur. Et hæc convincebant ii, qui tunc ipsius Theogniti diacones fuerunt. Ad hæc virginum nudationes, incendia ecclesiarum, carceres adversus ministros Dei: & hæc omnia propter iniquam atque execrabilem hæresim Ariomanitarum. Qui enim communioni eorum renuntiabant, necessitate patiebantur ista tolerare.

4. Hæc igitur considerantes, in angusto se teneri pervidebant. Erubescences quidem confiteri ea, quæ commiserunt, eo quod de cetero non possent ea diutius occultare, venerunt tandem in Sardicensi ci-

uitate; ut propter præsentiam, suspensionem quasi mali actus viderentur excludere. Videntes enim eos, qui a se fuerant falsis oppressi testimoniis, eos etiam, quos vehementissime oppugnarunt, ex alia parte accusatores conscientiae, etiam suorum criminum proditores præ oculis habentes suis, venire vocati non potuerunt, maxime confacerdotum nostrorum Athanasii, Marcelli & Asclepii conscientia perturbati: qui & implorabant iudicium, provocabant accusatores, ut eos non solum convincerent de iis, quæ adversum sese falsa confinxerant, verum etiam, quæ adversus Ecclesias impia ac nefaria commiserant, edocerent. Verum illi tanto terrore comprehensi sunt, ut fugam facerent, & per illam fugam falsitatem suam detegerent ac nudarent.

5. Tametsi non solum ex prioribus, sed etiam ex istis malitia eorum & falsitas ostenderetur: ut nec existimata fuga occasionem aliquam alterius malæ artis invenire possent; probavimus, secundum veritatem & rationem ea, quæ ab illis commissa sunt, inquiri opportuisse: & invenimus eos etiam de his fuisse mendaces, & nihil aliud, quam impugnationem adversus confacerdotes nostros exercuisse. Quem enim dicebant ab Athanasio interfectum fuisse nomine Arsenium, habetur in numero vivorum. Unde ex hoc etiam cetera, quæ ab ipsis jactabantur, patuit esse plena mendacii & falsitatis. Quod autem de calice fracto aliqua loquebantur a Machario presbytero Athanasii; testificati, qui præsentem fuerunt ex Alexandria de eodem loco, eo quod nihil tale esset factum. Sed & episcopi scribentes ex Ægypto ad Julium confacerdotem nostrum, abunde asseverarunt, nec suspensionem huiusmodi ibidem fuisse. Dicunt autem acta etiam se habere adversus ipsum: quæ habent autem, *absente* parte altera, constat fuisse confecta; simul *tamen* ipsis actis gentiles & catechumenus interrogatus dice-

dicebat, intus se fuisse, quando superventum fecit Macharius, interrogatus dicebat, famosissimum illum Scyrum infirmantem in ecclesia jacuisse: ut ex hoc appareat, ex toto mysterium non fuisse celebratum, eo quod catechumeni intus fuerint, sed male habentes jacuerint. Nam & ipse totius malitiæ Scyrus commentator, exussisse Athanasium quemdam de divinis Scripturis librum dicebat. Ad hoc convictus confiteri cœpit, infirmatum se fuisse, quando Macharius præsens fuit; ut ex hoc etiam falsum testem illum esse appareret. Denique falsitatis præmium eidem Scyro honorem episcopatus dederunt, homini, qui neque presbyter quidem fuit. Venientes enim duo presbyteri nunc ad Concilium, (qui eo temporis cum Melitio fuerant, postmodum ab Alexandro episcopo Alexandriæ beatæ memoriæ viro suscepti sunt, nunc cum Athanasio agunt,) testati sunt nusquam omnino istum Melitii fuisse presbyterum, neque omnino habuisse eum Melitium in eodem loco, apud Mareotem, ecclesiam, nec ministrum: quem tamen nunc velut episcopum illum secum adduxerunt, qui ante nec presbyter fuit: ut nomine episcopatus videantur falsitatem suam tegere apud audientes.

6. Lectus autem est & liber, quem conscripsit frater & coepiscopus noster Marcellus, & inventa est Eusebii, & qui cum ipso fuerant, exquisita malitia. Quæ enim ut proponens Marcellus posuit, hæc eadem quasi jam comprobans proferret, adsimularunt. Lecta sunt ergo, quæ sequebantur, lecta etiam, quæ anteposita erant quæstioni, & recta fides ejus inventa est. Neque etiam a sancta Virgine Maria, sicut ipsi confingebant, initium dabat Deo Verbo; neque finem habere regnum ejus, sed regnum ejus sine principio ac sine fine esse conscripsit. Sed Asclepius coepiscopus noster acta protulit, quæ confecta sunt apud Antiochiam præsentibus adversariis, & Eusebio ex

Cæsarea, & ex sententiis judicatum episcopum ostendisse esse irreprehensibilem.

7. Merito ergo acciti frequenter, non ausi sunt venire: merito fugerunt conscientiae suae impulsu praecipitati. Fuga enim falsitates suas confirmaverunt, & credi ea fecerunt, quae praesentes accusatores eorum dixerunt & ostenderunt. Quid igitur? Supra haec omnia etiam olim depositos atque ejectos Ecclesia propter haeresim Arii non solum susceperunt, sed etiam in maiorem provexerunt gradum, diacones quidem in presbyterium, de presbyterio autem in episcopatum, propter nihil aliud, nisi ut impiam doctrinam dilatare ac disseminare possent, & piam corrumperent fidem. Sunt autem istorum post Eusebium duo auctores etiam Theodorus ab Heraclia, Narcissus a Neroniade Ciliciae, Stephanus ex Antiochia, Georgius ex Laodicia, licet timens non adfuerit de Oriente, Acacius ex Cæsarea Palæstinæ, Menophantus ex Epheso Asiæ, Ursacius a Singiduno Mœsiæ, Valens ex Murfa Pannoniæ. Etenim praedicti etiam, qui ab Oriente secum venerunt, non permiserunt sanctum Concilium intrare, neque omnino in ecclesiam Dei sanctam accedere. Venientes etenim Sardicam per singula loca synodos faciebant inter se, & pactiones cum interminationibus, ut omnino venientes Sardicam ad iudicium non accederent, neque in unum cum sancta synodo convenirent: & ad id solum venerunt, cetum praesentiam suam qui statim fugerunt. Hæc enim scire potuimus a conficerdotibus nostris, Ario scilicet ex Palæstina, Stephano de Arabia: qui cum ipsis venerunt quidem, sed ab eorum perfidia recesserunt. Hi enim venientes in sanctam synodum, violentiam quidem, quam passi fuerant, conquerebantur; nihil autem ab ipsis recte agi asseriebant: asserentes etiam hoc, quod essent ibi plurimi rectæ fidei, qui prohibebantur ab ipsis venire ad nos propositis interminationibus.

tionibus. Hac igitur causa in uno loco omnes manere faterentur, & nec parum temporis, nec habere eos liberam facultatem permiserunt.

8. Quia ergo non oportuit conticescere, nec inulta retinere, falsitates, vincula, homicidia, pugnas, falsas epistolas, verberationes, nudationes virginum, exilia, everfiones ecclesiarum, incendia, translationes de ecclesia ad majores, & ante omnia contra rectam fidem insurgentes Arianæ hæresis doctrinās: ex hac causa charissimos quidem fratres & coepiscopos nostros Athanasium Alexandriæ, & Marcellum Ancyrogalatiæ, & Asclepium Gazæ, & eos, qui cum ipsis erant ministrantes Deo, innocentes & puros pronuntiamus, scribentes ad unamquamque eorum provinciam, ut cognoscerent singularum ecclesiarum plebes sacerdotis sui integritatem, & habere se episcopum suum; illos autem, qui se eorum ecclesiis immerferunt luporum more, id est, Gregorium in Alexandria, Basilium in Ancyra, & Quintianum in Gaza, neque nomen habere episcopi, neque communionis omnino eorum habere participatum, neque suscipere ab aliquo eorum litteras, neque ad eos scribere; illos autem, hoc est, Theodorum, Narcissum, Acacium, Stephanum, Ursacium & Valentem, Menophantum, & Georgium, (etsi timens, ut dictum est, non adfuit, sed tamen, quia a beatæ memoriæ Alexandro episcopo quondam Alexandriæ dejectus est,) & quod sit tam ille, quam etiam ceteri, qui comprehensi sunt, furoris Ariani, & propter objecta crimina, hos omnes æquali sorte deiecit sancta synodus de episcopatus gradu: & judicavimus non solum illos episcopos non esse, sed neque communionem quidem cum fidelibus habere. Separantes enim Filium, & alienantes Verbum a Patre, separari ab Ecclesia catholica oportet, & alienos esse a nomine Christiano. Sint igitur vobis *anathema*, eo quod ausi sunt adulte-

rare verbum veritatis. Apostoli enim est præceptum: *Si quis vobis evangelizaverit præter quam quod accepistis, anathema sit.* His neminem communicare denuntiate: nulla enim communicatio luci ad tenebras. Hos omnes longe facite: nulla enim participatio Christo ad Belial. Observate, Charissimi, ut neque scribatis ad eos, neque eorum accipiatis litteras. Curate autem etiam, dilectissimi Fratres & confacerdotes, quasi præsentem spiritu huic interfueritis synodo, omnia, quæ a nobis instituta sunt, confirmare per litteras vestras, ut ab omnibus episcopis idem sentire, atque unam esse omnium voluntatem ex litterarum consensione sit manifestum. Optamus, Fratres, vos in Domino bene valere. Explicit.

INCIPIT EXEMPLUM EPISTOLÆ

factæ ad Julium urbis Romæ episcopum, Julio Episcopo a synodo directæ.

9. Quod semper credidimus, etiam nunc sentimus: experientia enim probat & confirmat, quæ quisque auditione audivit. Verum est enim, quod beatissimus magister gentium Paulus Apostolus de se locutus est: *An experimentum quaritis ejus, qui in me loquitur Christus?* Quamquam utique, quia in ipso Dominus Christus habitavit, dubitari non possit Spiritum sanctum per animam ejus locutum, & organum corporis personasse. Et tu itaque, dilectissime frater, corpore separatus, mente concordi ac voluntate adfuiti: & honesta fuit & necessaria excusatio absentiae, ne aut lupi schismatici furtum facerent & raperent per insidias. aut canes hæretici rabido furore exciti infanti oblatrarent, aut certe serpens diabolus blasphemiarum venenum effunderet. Hoc enim optimum & valde congruentissimum esse videbitur, si ad caput, id

Id est, ad Petri apostoli sedem, de singulis quibusque provinciis Domini referant sacerdotes.

10. Quoniam ergo universa, quæ gesta sunt, quæ acta, quæ constituta, & chartæ continent, & vivæ voces charissimorum fratrum & compresbyterorum nostrorum Archydami & Philoxeni, & charissimi filii nostri Leonis diaconi verissime & fideliter exponere poterunt; pene supervacuum videatur eadem his inferere litteris. Patuit apud omnes, qui conveniunt ex partibus Orientis, qui se appellant episcopos, (quamquam sint ex his certi auctores, quorum sacrilegas mentes Ariana hæresis pestifero tinxit veneno) diu tergiversatos propter diffidentiam ad iudicium venire noluisse, tuamque & nostram reprehendisse communionem, quæ nullam habebat culpam: quia non solum octoginta episcopis testantibus de innocentia Athanasii pariter credidimus; sed & conventi per presbyteros tuos & per epistolam, ad synodum, quæ futura erat in urbe Roma, venire noluerunt: & satis erat iniquum, illis contemnentibus, tot sacerdotibus testimonium perhibentibus, Marcello & Athanasio denegare societatem.

11. Tria fuerunt, quæ tractanda erant. Nam & ipsi religiosissimi Imperatores permiserunt, ut de integro universa discussa disputarentur, & ante omnia de sancta fide & de integritate veritatis, quam violaverunt. Secunda de personis, quas dicebant esse dejectas; de iniquo iudicio, vel si potuissent probare, iusta fieret confirmatio. Tertia vero quæstio, quæ vere quæstio appellanda est, quod graves & acerbæ injurias, intolerabiles etiam & nefarias contumelias ecclesiis fecissent, cum raperent episcopos, presbyteros, diacones, & omnes clericos in exilium mitterent, ad desertæ loca transducerent, & fame, siti, nuditate, & omni egestate necarent; alios clausos carceri & squalore & putore conficerent, nonnullos fer-

reis vinculis ita, ut cervices eis artissimis circulis strangularentur. Denique ex ipsis quidam vincti in eadem injusta defecerunt pœna: quorum ambigi non potest martyrio gloriosam mortem exstitisse. Adhuc quoque audent quosdam retinere: nec ulla causa fuit criminis, nisi quod repugnarent & clamarent, quod execrarentur Arianam & Eusebianam hæresim, & nollent habere cum talibus communionem, iis autem, qui secum sentire maluerunt, prodesse. Et qui ante fuerant dejecti, non solum recepti sunt, sed etiam ad clericalem dignitatem promoti, & acceperunt præmium falsitatis.

12. Quid autem de impiis, & de imperitis adolescentibus Ursacio & Valente statutum sit, accipe, beatissime frater. Quia manifestum erat, hos non cessare adulterinæ doctrinæ lethalia semina spargere, & quod Valens relicta ecclesia ecclesiam aliam invadere voluisset, & eo tempore, quo seditionem commovit, unus ex fratribus nostris, qui fugere non potuit, Viator obrutus & conculcatus in eadem Aquilejensium civitate die tertia defecit: causa utique mortis fuit Valens, qui perturbavit, qui sollicitavit. Sed ea, quæ beatissimis Augustis significavimus, cum legeritis; facile pervidebitis, nihil nos prætermisisse, quantum ratio patiebatur. Et ne molesta esset longa narratio, qui fecissent, & quæ commisissent, insinuavimus.

13. Tua autem excellens prudentia disponere debet, ut per tua scripta, qui in Sicilia, in Sardinia, in Italia sunt fratres nostri, quæ acta sunt, & quæ definita cognoscant; & ne ignorantes eorum accipiant litteras communicatorias, id est epistolias, quos iusta sententia degradavit, perseverent autem Marcellus, & Athanasius, & Asclepius in nostra communione: quia obesse eis non poterat iniquum iudicium, & fuga, & tergiversatio eorum, qui ad iudicium omnium episcoporum.

scoporum, qui convenimus, venire noluerunt. Cetera, sicuti superius commemoravimus, plena relatio fratrum, quos sincera charitas tua misit, unanimi-
tatem tuam perdocebit. Eorum autem nomina, qui pro facinoribus dejecti sunt, subicere curavimus: ut sciret eximia gravitas tua, qui essent communione privati. Uti ante prælocuti sumus, omnes fratres & coepiscopos nostros litteris tuis admonere digneris, ne epistolia, id est, litteras communicatorias eorum accipiant.

NOMINA HÆRETICORUM.

14. Urfacius a Singiduno

Valens a Murfa

Narcissus ab Jeropoli

Stephanus ab Antiochia

Acacius a Cæsarea

Menophantus ab Epheso

Georgius a Laodicia.

ITEM NOMINA EPISCOPORUM

infra, qui synodo Sardicensi adfuerunt, & subscripserunt iidem in iudicio.

15. Ossius ab Spania Cordobensis

Annianus ab Spaniis de Castolana

Florentinus ab Spaniis de Emerita

Dominianus ab Spaniis de Asturica

Castus ab Spaniis de Cæsara Augusta

Prætextatus ab Spaniis de Barcelona

Maximus a Tuscia de Luca

Bassus a Macedonia de Diocletianopoli

Porphyrius a Macedonia de Philippis

Marcellus a Macedonia de Ancyra Gallaciæ

Euterius a Procia de Caido

Ascle-

Afdepius a Palestina de Gaza
Moyfius a Theffalix de Thebis
Vincentius a Campania de Capua
Januarius a Campania de Benevento
Prothogenes a Dacia de Sardica
Dioscorus de Thracia
Hymenius a Theff. de Pearata
Lucius a Thracia de Caynopolis
Lucius ab Italia de Verona
Evagrius a Macedonia de Heracliano
Dionysius ab Achaia de Lignedon
Julius ab Acacia de Thebe eptapyleos
Athenodorus ab Achaia de Blatea
Diodorus ab Asia de Tenedos
Alexander a Thessalia de Larissa
Aethius a Macedonia de Thessalonica
Vitalis a Dacia ripensis de Aquis
Paragorius a Dardania de Scupis
Trifon ab Achaia de Marciarce
Athanasius ab Alexandria
Gaudentius ab Achaia de Naifo
Jonam a Macedonia de Particopoli
Alypius ab Achaia de Magari
Macedonius ab Ardania de Ulpianis
Calvus ab Achaia ripensis de Castra martis
Fortunatianus ab Italia de Aquileia
Plotarcus ab Acacia de Patras
Eliodorus a Nicopoli
Eutarius a Pannoniis
Arius a Palaestina
Asturus ab Arabia
Cocras ab Achaia de Asapofebis
Stercorius ab Apulia de Canusio
Calepodius a Campania
Lerenius ab Achaia de Secoro
Martyrius ab Achaia de Neopoli

Diony-

Dionysius ab Arcaida de Elida
 Severus ab Italia de Ravennensi
 Ursacius ab Italia de Brixia
 Portasius ab Italia de Mediolano
 Marcus ab Asia de Fissia
 Verissimus a Gallia de Lugduno
 Valens ab Achaia ripense de Scio
 Palladius a Macedonia de Dui
 Gerontius a Macedonia de Brevi
 Alexander ab Achaia de Morenis
 Euthitius ab Achaia
 Titius ab Asia de Montonis
 Episcopi omnes numero unus de sexaginta.

16. „Res, quantum arbitror, sermonis alterius
 „interpretatione non indiget. Nam omnia ita edita
 „sunt & expressa, ut in lucem cognitionis elata sint:
 „testes ex Ægypto compositi, Athanasius ipse præ-
 „sens, falsorum iudicum nocturna & turpis per con-
 „scientiam fuga, tantorum scelerum gravis & subje-
 „cta univerforum oculis invidia. Adde originem
 „causæ, ex qua in Athanasium occasio est quæsitæ
 „sententiæ. Reus, presbyteri sui impetu, distur-
 „bati altaris in ipso sacrificiorum tempore, ubi Scy-
 „rus presbyter assistebat, arguitur. Scyrus presby-
 „ter negatur, & criminis falsitas cum auctore damna-
 „tur. Porro autem sacrificii opus sine presbytero
 „esse non potuit. Cum in hominem quæstio est,
 „ipse facti tam gravis nullus est locus, apud Mare-
 „otem ecclesia nulla est. Numquid potius ipsa soli
 „religio defecit? Aut aliquo, ut adsolet, hiato lo-
 „cus violati sacrificii defecit? Scyrus de diacono
 „episcopus adseritur ordinatus; ut de contumelia in
 „presbytero perpeffa mentientis episcopi major au-
 „ctoritas sit. Sed locus ecclesiæ si fuit, & est: si
 „non est, nec fuit. Et quid ambiguum est, hos po-
 „tius falsorum *criminum* indices asseruisse factum esse,
 quod

nis hæresis Arianae, ab Ecclesia fuerat necesse rescindere. Quam opportunitatem nacti Ursacius & Valens, Romanae plebis episcopum adeunt, recipi se in Ecclesiam deprecantur, & in communionem per veniam admitti rogant. Julius ex consilio veniam, quam orabant, impertit: ut cum lucro catholicæ Ecclesiæ, vires quoque detraheret Arianis, cum eos, qui unitatem ante turbaverunt, consilii hujus & audaciæ poenitentes in communionem catholicam per veniam reconciliatæ pacis admitteret.

20. „Et quis non est, nisi de veritate confessio, nisi de vicio poenitentia, nisi venia de admissio; Valens & Ursacius admittendi, ut orabant, in communionem, de Athanasii innocentia, de judicii falsitate, de Arianae hæresis piaculo talibus litteris ante profitentur.

„EXEMPLUM EPISTOLÆ,
quam post renuntiationem Orientalium, Athanasium reum non esse, in urbe Roma holographa manu Valens perscripsit, & Ursacius subscripsit.

Domino Beatissimo Papæ Julio Valens & Ursacius S.

Quoniam constat, nos antehac multa gravia de nomine Athanasii episcopi litteris nostris insinuasse, atque litteris sanctitatis tuæ conventi, ejus rei, de qua significavimus, non præstitisse rationem: profite-mur apud Sanctitatem tuam, cunctis præsentibus presbyteris fratribus nostris, omnia, quæ antehac ad aures vestras pervenerunt de nomine prædicti, falsa a nobis esse insinuata atque omnibus viribus carere: atque ideo nos libentissime amplecti communionem prædicti Athanasii; maxime cum sanctitas tua, pro insita tibi benevolentia, errori nostro veniam fuerit dare dignata. Profitemur etiam, quod si aliquando nos

Orien-

Orientalēs voluerint, vel idem Athanasius, malo animo ad causam vocare, citra conscientiam tuam non adfuturos. Hæreticum vero Arium, sed & satellites ejus, qui dicunt: Erat tempus, quando non erat Filius, & qui dicunt ex nihilo filium, & qui negant Dei filium ante sæcula fuisse, sicut per priorem libellum nostrum, quem apud Mediolanum porreximus, & nunc & semper anathematizasse, hac manu nostra, qua scripsimus, profitemur: & iterum dicimus, hæresim Arianam, ut superius diximus, & ejus auctores in perpetuum damnasse. *Et manu Urfacii:* Ego Urfacius Episcopus huic professioni nostræ subscripsi.

„Hæc epistola post biennium missa est, quam
„ hæresis Photini a Romanis damnata est.

„ITEM EXEMPLUM ALTERIUS EPISTOLÆ

„ Valentis & Urfacii, quam post aliquantum tempo-
„ ris ab Aquileia, post quam hanc superiorem Romæ
„ emiseraunt, ad Athanasium miserunt & episcopos.

Domino Fratri Athanasio Urfacius & Valens.

Dedit se occasio fratris & compresbyteri nostri Moysetis, venientis ad tuam dilectionem frater charissime, per quem tibi salutem largissimam dicimus ex Aquileiensium civitate, & optamus, ut incolumis litteras nostras recenseas. Dederis enim fiduciam, si tu quoque in rescribendo vicem nobis rependas. Sane habere nos locum tecum & communionem ecclesiasticam his litteris scito. Divina pietas te custodiat, Frater.

„ Superioribus igitur litteris datis, venia indul-
„ getur orantibus, reditus ad catholicam fidem cum
„ communione donatur: maxime cum Sardicensis sy-
„ nodi veritatem ipsæ orantium veniam litteræ con-
„ tinerent.

S. Hilarii Tom. II.

E

21. „Ne

21. „ Verum inter hæc Sirmium convenitur.
 „ Photinus hæreticus comprehensus, olim reus pro-
 „ nuntiatus, & a communione jam pridem unitatis
 „ abscissus, nec tunc quidem per factionem populi
 „ potuit amoveri. Sed idem Athanasius Marcellum,
 „ qui post recitationem libri, quem scriptum edide-
 „ rat, (nam hunc nos quoque habemus,) sententia
 „ synodi Sardicensis episcopatus erat redditus, ubi
 „ quædam alia nova miscere sensit, & ambiguæ præ-
 „ dicationibus, ejus in quam Photinus erupit doctri-
 „ næ viam quærere, a sua communione separat an-
 „ teriore tempore, quam Photinus arguitur, præ-
 „ ventam judicio meditationem corruptæ voluntatis
 „ ostendens, & non ex libri editione condemnans.
 „ Sed quia promptum est ex bono malum effici, præ-
 „ buit non illis, quæ in Marcellum gesta ante fue-
 „ rant, sed his, quæ in Photinum gerenda erant,
 „ auctoritatem.

22. „ Illud autem esse cognitum cunctis oportet,
 „ nullam umquam adversus Marcellum, præter eam,
 „ quæ Sardicensibus est dissoluta sententiis, deinceps
 „ synodum fuisse contractam; neque tunc, cum de
 „ Photino decretum ab Occidentalibus est, & ad
 „ Orientales est relatum, aliquod in eum expressum
 „ fuisse judicium: sed homines mente callidos, inge-
 „ nio subtiles, malitia pertinaces, occasionem revol-
 „ vendi ejus, quod Athanasii absolutione est dissolu-
 „ tum, quæsiisse judicii; & rescribentes de Photino,
 „ Marcelli mentionem, velut institutionum talium
 „ magistri, addidisse, ut mortuam de Athanasio ipso
 „ jam tempore quæstionem, & veritatis judicio con-
 „ sepultam, in publicam recordationem causæ novi-
 „ tas excitaret, & subrepens per Photini damnatio-
 „ nem Marcelli nomen inveheret. Extat autem in
 „ superioris epistolæ corpore, Marcellum ab Arianis
 „ occasione libri, quem de subjectione Domini Christi
 „ „ edi-

„ ediderat, una cum Athanasio fuisse damnatum. Do-
 „ cetur etiam recitatione ejusdem libri innocentem
 „ deprehendi. Falsitatem quoque judicii Ariani ex-
 „ tantis adhuc libri fides arguit. De Photino autem
 „ tantum, sicuti mos poscebat, ad Orientales epi-
 „ stolæ fiunt, non injuria extorquendi, ut nunc agi-
 „ tur, assensum, sed instruendæ universorum scien-
 „ tiæ consuetudine.

23. „ Sed cur abnegatæ Marcello communionis
 „ Athanasius reus esse rescribitur? Numquid propter
 „ libri vitium Marellus abstentus est? Testes ipsi sunt,
 „ ex institutis ejus Photinum perversitatis istius initia
 „ sumsisse. Nam negata sibi ab Athanasio commu-
 „ nione, ingressu sese ecclesiæ Marcellus abstinuit.
 „ Ita communio cum eo in ista fide de subjectione &
 „ traditione regni docet: negata rursus pravitate
 „ doctrinæ alterius ostendit. Ac sic utrumque viri
 „ istius judicium caret culpa, cum in data commu-
 „ nione synodi sit secutus assensum; in abnegata vero,
 „ ipso se Marcello abdicante solo sine ulla synodi au-
 „ thoritate. Verum omnis ista alterius causæ & do-
 „ loris est quæstio. Et quamquam conceptis jam
 „ diu in Athanasium odiis suis satisfiat, in majorem
 „ tamen sceleris gradum molitio tanta procedit.

24. „ Nam tertius mihi locus præstat, ut fidem,
 „ quam epistolæ primordio condiderunt, fraudulen-
 „ tam, hæreticam, & verbis blandientibus veneno
 „ interiore suffusam esse demonstrem. *Profitemur*
 „ *enim ita: Unum quidem ingenitum esse Deum patrem,*
 „ *& unum unicum ejus filium, Deum ex Deo, lumen ex*
 „ *lumine, primogenitum omnis creaturæ, & tertium ad-*
 „ *dentes Spiritum sanctum paracletum;* ut, cum securi-
 „ tas legentium, vel indoctorum simplicitas tam mol-
 „ libus fuerit intercepta principiis, uno eodemque
 „ subscriptionis elicitæ assensu, in Photini animadver-
 „ sionem, in Athanasii reatum, in damnationem fidei

„ catholicæ transeat. Et spero, quod non exi-
 „ guam partem cognitionis istius synodus Sardicensis
 „ adtulerit, ubi infectatione Arianorum omnia in
 „ Athanasium crimina conficta esse monstrantur, &
 „ vis adhibita plebi Dei, ut in pestiferam lethalis do-
 „ ctrinæ conniventiam transirent. Rem tamen, quia
 „ causa postulat, breviter dicam.

25. „ Cura & negotium apostolicis viris semper
 „ fuit, constanti & publica perfectæ fidei prædicatione,
 „ conatus omnes oblatrantis hæresis comprimere, &
 „ exposita Evangeliorum veritate, perversitatem do-
 „ ctrinæ errantis extinguere, ne audientium mentes
 „ quadam labe contaminans contagium vitii adhæren-
 „ tis infligeret. Itaque diligenter epistolis variis, quæ
 „ de Deo patre opinio, quæ de Dei filio cognitio,
 „ quæ in Spiritu sancto sanctificatio oporteret esse,
 „ frequenter copioseque complexi sunt; ut cognitus
 „ de Deo patre fieret Filius Deus, & in Deo filio
 „ Deus pater, & in Deo patre Filius Deus. Ac sic
 „ secundum ipsius definitionem dicentis: Ego & Pa-
 „ ter unum sumus, & rursus: Sicut Pater, tu in me,
 „ & ego in te; continetur fides nostra in Patris &
 „ Filii nominibus personisque Deus unus. Neque
 „ enim vel invidia Judæorum, vel odium gentilium,
 „ vel furor hæreticorum aliis potius adversus nos cau-
 „ sis est excitatus, quam quod æternitatis virtutem,
 „ nomen Filii confitemur in Patre. Hæreticorum
 „ autem perversitas de fide impia semper exorta est.
 „ Nam dum occupati vitiis, & ab innocentiae ope-
 „ ribus aversi, inutilium se quæstionum difficultatibus
 „ implicant; improbables effecti vita, voluntate,
 „ judicio, placere expetunt novitate doctrinæ, post
 „ quam veritatis scientiam perdiderunt.

26. „ Cum igitur patribus nostris cognitum fuisset,
 „ & Arios duos profanissimæ fidei prædicatores exti-
 „ tisse, seque longius non jam opinio, sed iudicium labis
 „ istius

„ istius tetendisset; ex omnibus orbis partibus in
 „ unum advolant, Nicæamque concurrunt, ut ex-
 „ posita fide populis, & in luce intelligentiæ cog-
 „ nitionis divinæ itinere directo, intra ipsos auctores
 „ suos emergentis mali seminaria necarentur. Tra-
 „ debant autem Arit talia: Patrem Deum instituendi
 „ orbis causa genuisse filium, &, pro potestate, sui
 „ ex nihilo in substantiam novam atque alteram Deum
 „ novum alterumque fecisse; profani in Patrem, ex
 „ nihilo opinantes aliquid ei simile potuisse generari;
 „ blasphemi in Christum, infinitatis eum paternæ ge-
 „ nerositate exspoliantes: ut, cum didicissent ex per-
 „ sona Patris, *Non est Deus alius præter me*; & a Filio,
 „ *Ego in Patre, & Pater in me*; &, *Ego & Pater unum*
 „ *sumus*, sanctæ in utroque unitatis vinculum abru-
 „ perint, non extanti creationis substantiæ dantes
 „ Dei filio Domino nostro Jesu Christo initium de
 „ tempore, ortum de nihilo, non ex altero.

27. . Itaque comprimendi mali istius causa, tre-
 „ centi vel eo amplius episcopi apud Nicæam congre-
 „ gantur, in omnes Arianos, assensu omnium, damna-
 „ tio hæretica decernitur, & evolutis evangelicis at-
 „ que apostolicis doctrinis, perfectum unitatis ca-
 „ tholicæ lumen effertur. Quid igitur fuerit expres-
 „ sum, fides ipsa, ut est exposita, commendat.

INCIPIT FIDES APUD NICÆAM

conscripta a trecentis decem & octo episcopis contra
 omnes hæreses.

Credimus in unum Deum patrem omnipotentem,
 omnium visibilium & invisibilium factorem. Et in
 unum Dominum Jesum Christum filium Dei unigeni-
 tum, natum de Patre, hoc est, de substantia Patris,
 Deum de Deo, lumen de lumine, Deum verum de
 Deo vero, *natum non factum*, unius substantiæ cum

Patre, quod Græci ὁμοουσιον dicunt, per quem omnia facta sunt, siue quæ in cælo, siue quæ in terra, qui propter nos homines, & propter nostram salutem descendit, incarnatus est, homo factus est, passus est, & resurrexit tertia die, ascendit in cælos, venturus iudicare vivos & mortuos. Et in Spiritum sanctum. Eos autem, qui dicunt: Erat, quando non erat, & prius, quam nasceretur, non erat, & quia ex nullis extantibus factus est, quod Græci ἐξ ἑκ ὀντων dicunt, vel alia substantia siue essentia, dicentes mutabilem & convertibilem filium Dei; hos anathematizat catholica & apostolica Ecclesia.

28. „Fides fidei comparata falsitatem mentionis
 „exponit. Nam quæ apud Nicæam ordinata est,
 „plena atque perfecta est, & omnibus undique, qui-
 „bus irrepere hæretici solent, aditibus obseratis,
 „inviolabili inter Patrem & Filium æternæ unitatis
 „soliditate connectitur: hæc vero simplicitate blan-
 „ditur, primum asserens nos ita credere, quod ab-
 „sit a quoquam. Ceterum Occidentalium fides, evan-
 „gelicis instituta doctrinis, Patrem in Filio, Filium
 „confitetur in Patre; Patrem ingenitum, Filium
 „substantia æternitatis æternum, id est, ut Patrem
 „semper, ita & Filium semper in Patre, & natum
 „de Deo Deum esse, non conceptum scilicet, & in
 „eo semper, de quo est, esse.

29. „At vero hæc perfidia non fides, *Deum ex*
 „*Deo* dicens, & *primogenitum* commendans, & Tri-
 „nitatis nomen instituens, virus suum sub modestia
 „religiosæ moderationis occultat, dicens: *Deum ex*
 „*Deo, lumen ex lumine*, ut per occasionem confessio-
 „nis istius, ex Deo ac lumine, Deus ac lumen fa-
 „ctus a Deo, non genitus de Deo, id est, non de
 „substantia paternæ æternitatis extiterit; ac sic con-
 „tumelia Patris vilescat & Filius, si Deus ortus ex
 „*nihilo est*; in primogeniti vero confessione ordinem
 „quem-

„ quemdam ab ejus ortu creantis mundi rebus assi-
 „ gnet: ut, quia mundus ex tempore est, tamen, li-
 „ cet mundo prior sit Christus, ex tempore sit; &
 „ non æternitas in eo tempore, sed ordo in tempore
 „ sit creati: ac per hoc aliquid, quod ante eum sit,
 „ relinquatur, qui esse cœpit ex tempore; dissolva-
 „ tur in Christo omne, quod Deus est, cum in eo
 „ non extantis aliquando Mariæ ortus a tempore sit.

30. „ Quin etiam homines spe omni bona vacui,
 „ ad occasionem tanti periculi auctoritatem apostoli-
 „ cam pertendunt; quia de eo dictum sit: *Primogeni-
 „ tus omnis creaturæ*. Sed subtrahentes antecedentem
 „ consequentemque sententiam, aptant doctrinis suis
 „ sub Apostoli nomine perstruunt falsitatem. Nam
 „ talis est ordo dictorum: *Qui est imago Dei invisibilis,
 „ primogenitus omnis creaturæ: quia in ipso constituta sunt
 „ omnia in cælis & in terra, visibilia & invisibilia, sive
 „ Throni, sive Dominationes, sive Principatus, sive Po-
 „ testates, omnia per ipsum & in ipso condita sunt, & ipse
 „ est ante omnes*. Imago ergo Dei invisibilis ex nihilo
 „ ordo est, & cœpit a tempore? Aut quia primoge-
 „ nitus omnis creaturæ est, ordo quidem in eo con-
 „ nexæ incognitæ creationis exprimitur, sed non se-
 „ quitur primogenitum omnis creaturæ? Quia in ipso
 „ constituta sunt omnia in cælis & in terra, id est,
 „ in ipso universorum elementorum visibilium & in-
 „ visibilium condita & constituta materia est; & id-
 „ circo omnia per ipsum & in ipso: idcirco primoge-
 „ nitus omnis creaturæ, quia in eodem, jam a prin-
 „ cipio omnium, quæ effecturus erat, omnia gene-
 „ rationum initia constiterunt. Atque non ita in or-
 „ dine creaturarum, quæ in ordine constitutæ sunt,
 „ primus in numero est: sed ipse imago Dei invisibi-
 „ lis, manens per virtutem efficiendi semper in ipso,
 „ se primogenitum habuerit eorum, quæ per ipsum
 „ in cælo & in terra visibilia & invisibilia crearentur
 „ extantia.

31. „Quin etiam haud dissimilis, in Trinitatis
 „ nuncupatione, falsitatis eorum contextus est. Ubi
 „ enim a diversis substantiis Filium a Patre, impio
 „ ac maledico ore disciderint, & in separatis duobus
 „ assistat auctoritas, tertia dinumeratur in Spiritu: &
 „ cum sit Pater in Filio, & Filius in Patre, & Spi-
 „ ritus sanctus accipiat ex utroque; in eo, quod Spi-
 „ ritus exprimitur sanctæ hujus inviolabilis unitas,
 „ hæretica parte parturiat Trinitas, pronuntiat dissi-
 „idium.

32. „Sed diligens Nicæni tractatus perfectusque
 „ sermo artissimo veritatis præscripto, omnia hære-
 „ ticorum ingenia conclusit, ita ponens: *Credimus in*
 „ *unum Deum patrem, & in unum filium ejus Jesum*
 „ *Christum.* Unum ambo, & uterque unum, & in
 „ personali nomine patris. *Et in Filium unum,* quia
 „ unus est de utroque. *Deum verum de Deo vero* do-
 „ cet & virtutem & nuncupationem pari in utroque
 „ veritate communem; neque aliud in alio opinan-
 „ dum, cum Deus de Deo, & verus de vero sit uter-
 „ que unum. Cum vero sit in utroque; *natum vero,*
 „ *non factum* ad proprietatem ortus & originis refert:
 „ quia fieri, ex nullo subjaceat; nasci autem, de patre
 „ proprium; neque alia nascentibus, quam originis
 „ suæ, forma vel virtus est. Quod autem sit, ex
 „ opere existit, ut fiat. Atque ita non factura in eo
 „ cœpit ex nihilo; sed est nativitas a parente. *Unius*
 „ *autem cum patre substantiæ, quod Græci dicunt ὁμοουσιον.*
 „ Ita est: æternitas sola sui similis est, & quod est sem-
 „ per, in Deo est. Ne qua igitur labes in Dominum
 „ Jesum Christum hæreticæ pravitatis incideret, id-
 „ circo in eo essentiæ veritas explicatur. Essentia
 „ enim ex eo, quod semper est, nuncupatur: quæ
 „ quia extrinsecus opis ad continendam se numquam
 „ eguerit, & substantia dicitur; quod intra se id,
 „ quod semper est, & in æternitatis suæ virtutem
 „ substi-

„ subsistat. Ac sic quod ait: Ego & Pater unum su-
 „ mus; &, Qui me vidit, vidit & Patrem; & rur-
 „ sum: Ego in Patre, & Pater in me est; & illud:
 „ Ego de Patre exivi: æqualis in utroque, id est, in
 „ Deo, qui innascibilis est, & in Deo una atque ea-
 „ dem in utroque substantia æternitatis expletur.
 „ Quod autem descendit, incarnatus est, homo factus
 „ est, & resurrexit tertia die, ascendit in cælos, ventu-
 „ rus judicare vivos & mortuos; sacramenta salutis no-
 „ stræ in his continentur. Sed idcirco immutabilis &
 „ inconvertibilis filius Dei, ut in assumptione homi-
 „ nis corruptioni potius gloriam intulerit, quam la-
 „ bem æternitati. Anathema autem in eos, qui ex
 „ nihilo factum dicunt, quod ἐξ ὀντων Græci di-
 „ cunt, & qui dicunt: *Erat, quando non erat, & prius,*
 „ *quam nasceretur, non erat*, damnationem in Christo
 „ violatæ æternitatis, id est, Deitatis paternæ, sub
 „ maledictione designat.

33., Hujus igitur intimandæ cunctis fidei, Atha-
 „ nasis in Nicæa synodo diaconus, deinceps Ale-
 „ xandriæ episcopus, vehemens auctor extiterat, &
 „ Arianam pestem in tota Ægypto veri tenax vice-
 „ rat: atque ob id conjuratis in eum testimoniis fal-
 „ sitas est criminum comparata. Res postea fide-
 „ bus judicum dijudicata sententiis. Sed multum ad
 „ cognitionem proficiet, si quæ post absolutionem
 „ Athanasii, ad Constantium Imperatorem Sardicensis
 „ synodi oratio fuerit, cognoscatur.

FRAGMENTUM III.

INCIPIT DECRETUM SYNODI

Orientalium apud Serdicam episcoporum a parte Arianorum, quod miserunt ad Africam.

Gregorio Alexandriæ episcopo, Nicomediae episcopo, Carthaginis episcopo, Campaniæ episcopo, Neapolis Campaniæ episcopo, Ariminiadeno Campaniæ episcopo, Salonarum Dalmatiæ episcopo, Anthoni, Donato, Desiderio, Fortunato, Eutichio, Maximo, Sinferunti, & omnibus per orbem terrarum confacerdotibus nostris, presbyteris & diaconibus, & omnibus, qui sub cœlo sunt in Ecclesia sancta catholica, episcopi, qui a diversis Orientalium provinciis, id est, provincia Thebaida, & provincia Palæstina, Arabia, Phœnice, Syria, Mesopotamia, Cilicia, Isauria, Cappadocia, Galatia, Ponto, Bithynia, Pamphilia, Paphlagonia, Caria, Phrygia, Pisidia, & ex insulis Cycladum, Lydia, Asia, Europa, Hellesponto, Thracia, Emimontu, ad civitatem Serdicam congregati Concilium celebravimus, in Domino æterna salus.

1. **E**st quidem nobis omnibus indeficiens oratio, dilectissimi Fratres, primo, ut sancta Domini & catholica Ecclesia dissensionibus omnibus & schismatibus carens, unitatem spiritus, & vinculum charitatis ubique conservet per fidem rectam. Sed & vitam immaculatam quoque tenere, amplecti, custodire, servare omnibus invocantibus Dominum est quidem justum, præcipue episcopis, qui ecclesiis sanctissimis præsumus. Secundum, ut Ecclesiæ regula sanctaque parentum traditio atque judicia in perpetuum firma *solidaque* permaneant, nec nobis semper gentibus, sectis,

sectis, traditionibusque perversis, maxime in constituendis episcopis, vel in exponendis, aliquando turbetur, quo minus teneat evangelica sanctaque praecepta, & quæ sanctis & beatissimis Apostolis iussa sunt & majoribus nostris, atque a nobis ipsis in hodiernum usque servata sunt, & servantur.

2. Exiit namque temporibus nostris Marcellus quidam Gallaciæ, hæreticorum omnium execrabilior pestis, quique sacrilega mente, ore profano, perditoque argumento velit Christi Domini regnum perpetuum, æternum & sine tempore, disternere; initium regnandi accepisse Dominum dicens ante quadringentos annos, finemque ei venturam simul cum mundi occasu. Etiam hoc asserere cœpti temeritate conatur, quod in corporis conceptione tunc factus sit imago invisibilis Dei, tuncque & panis, & janua, & vita effectus. Eadem hæc non solum verbis, nec loquacitatis assertione confirmat; sed totum, quidquid fuerat sacrilega mente conceptum, blasphemique ore prolatum, concupiscentianitenti, libro blasphemii & execrationibus pleno indens, etiam alia multa pejora, calumniam in ipsum faciens divinis Scripturis cum sua interpretatione & scelerata mente, quæ contra illis ex suo pestifero sensu applicabat, quibus ex rebus aperte manifesteque constitit hæreticus. Quique assertiones suas quibusdam squaloribus miscens, nunc falsitatibus Sabellii, nunc malitiæ Pauli Samosatensis, nunc blasphemii Montani hæreticorum omnium ducis aperte permiscens, unamque confusionem de supradictis faciens, ut imprudens Galata in aliud Evangelium declinavit, quod non est aliud, secundum quod beatus Paulus tales condemnans ait: „ Et si angelus de cœlo aliter annuntiaverit vobis, „ quam quod accepistis, anathema sit. “

3. Magna autem fuit parentibus atque majoribus nostris sollicitudo *de supradicta prædicatione sacrilega.*
Condi-

Condicitur namque in Constantinopolim civitatem sub præsentia beatissimæ memoriæ Constantini Imperatoris Concilium episcoporum, qui ex multis Orientalium provinciis advenerunt, ut hominem malis rebus imbutum salubri consilio reformarent, & ille admonitione sanctissima correptus a prædicatione sacrilega discederet: quique increpantes illum, & exprobrantes, nec non charitatis affectu postulantes multo tempore, nec quidquam proficiebant. Namque post unam & secundam multasque correptiones, cum nihil proficere potuissent: (perdurabat enim & contradicebat rectæ fidei, & contentione maligna Ecclesiæ catholicæ resistebat;) exinde illum omnes horrere ac vitare cœperunt: & videntes, quoniam subversus est a peccato, & est a semetipso damnatus, actis eum ecclesiasticis damnaverunt, ne ulterius oves Christi pestiferis contactibus magis macularet. Tunc namque etiam ejus aliquos pravissimos sensus contra fidem rectam Ecclesiamque sanctissimam, propter memoriam posterorum cautelamque, suis sanctissimis scripturis in archivo ecclesiæ condiderunt. Sed hæc quidem secundum impietatem Marcelli hæretici prima fuerunt: pejora sunt deinde subsecuta. Nam quis fidelium credat, aut patiatur ea, quæ ab ipso male gesta atque conscripta sunt, quæque digne anathematizata sunt? (Nam cum ipso Marcello a parentibus nostris in Constantinopolim civitatem.) Namque liber sententiarum extat in ipsum ab episcopis conscriptus: in quo libro etiam isti, qui nunc cum ipso sunt Marcello atque illi favent, id est, Protogenes Serdicæ civitatis episcopus & Siracusanus, in ipsa sententia manu propria conscripserunt: quorum manus Valens testatur, fidem sanctissimam nullo genere mutandam, nec Ecclesiam sanctam prædicatione falsa subvertendam; ne hoc modo pestis ac lues animarum omnibus gravissima importetur, Paulo dicente: Sive nos, sive angelus de cœlo aliter

aliter annuntiaverit vobis, quam quod accepistis, anathema sit.

4. Vehementer autem admirati sumus, quatenus eum, qui aliter, quam in vero est, audet Evangelium prædicare, quidam, qui se ecclesiasticos esse volunt, facile ad communionem recipiunt; nec blasphemias ejus, quæ in ipsius libro signatæ sunt, inquirentes, nec illis, qui sollicitè cuncta investigaverunt, & inveniētes justè damnaverunt, consensum accommodare voluerunt. Etenim Marcellus, cum apud suos hæreticus haberetur, peregrinationis auxilia requisivit: scilicet ut & illos falleret, qui & ipsum & ejus scripta pestifera ignorarent. Sed quidquid apud illos agit, impia sua scripta sensusque profanos occultat: falsa pro veris opponens, quæstum sibi de simplicibus atque innocentibus fecit; quique sub prætextu ecclesiasticæ regulæ multos Ecclesiæ pastores induxit; eosque in suam redigens potestatem, Sabellii hæretici sectam inducens, callida fraude decepit, restaurans Pauli Samosatensis & artes & dolos. Mixta enim est omnium hæreticorum sectis Marcelli extranea traditiq; sicut supra memoratum est. Unde convenerat, omnes Ecclesiæ sanctæ præpositos memores dictorum Domini Christi dicentis: „Cavete vos a pseudoprophetis, qui veniunt ad vos in vestitu ovium, intrinsecus autem sunt lupi rapaces, a fructibus eorum cognoscetis eos, vitare ab hujusmodi & horrere, nec illis facile communicare, agnoscere illos ex actibus suis, atque ex eorum scriptis sacrilegis prædamnare. Nunc vero vehementer metuemus, ne nostris temporibus compleatur, quod scriptum est: Cum dormiunt homines, venit inimicus, & spargit zizania inter frumentum.“ Cum enim non vigilant hi, quos vigilare oportet in custodia Ecclesiæ, falsa verba imitantia, funditus id, quod rectum est, vertunt.

5. Quapropter nos, qui plene ex libro Marcelli ejus sectam sceleraque cognovimus, scripsimus vobis, dilectissimi Fratres, ut neque Marcellum, neque eos, qui illi junguntur, ad communionem sanctæ Ecclesiæ admittatis; memores quoque sitis prophetæ David dicentis: „Dixi eis, qui faciunt facinus, ne feceritis facinus; & delinquentibus, ne exaltaveritis cornu. „Nolite in altum tollere cornu vestrum: ne loquāmini adversus Dominum iniqua. Et credite Salomoni dicenti: Nolite transferre terminos æternos, quos constituerunt patres vestri.“ Quæ cum ita sint, nolite supradicti Marcelli pravissimi sequi errores, & ea, quæ ab ipso injusta prædicatione contra Dominum Christum inventa traditaque sunt, prædamnate; ne blasphemiiis sceleribusque etiam ipsi participes sitis. *Sed propter compendium hæc hætenus de Marcello.*

6. Verum de Athanasio quondam Alexandriæ episcopo accipite, quæ gesta sunt. Accusatus est graviter juxta Deum sacrilegus, & juxta mysteria Ecclesiæ sanctæ profanus, quique propriis manibus comminuit poculum Deo & Christo dicatum, ipsumque altare venerandum confregit, sedemque sacerdotalem subvertit ipse, atque ipsam Basilicam, Dei domum, ecclesiam Christi, demolitus usque ad solum est. Presbyterum vero ipsum, virum gravem & justum, nomine Narchen, tradidit custodiæ militari. Accusatus præterea est de injuriis, violentia, cæde, atque ipsa episcoporum internectione. Quique etiam diebus sacratissimis Paschæ tyrannico more sæviens, Ducibus atque Comitibus junctus: quique propter ipsum aliquos in custodia recludebant, aliquos vero verberibus flagellisque vexabant, ceteros diversis tormentis ad communionem ejus sacrilegam adigebant; (*Nec actus commissi unquam ab innocentibus fuerant*) sperans hoc modo suos suamque prævalere posse factionem, ut per Duces & Judices

dices perque carceres ipsos, verbera, diversaue tormenta invitos ad communionem suam cogeret, nolentes adigeret, repugnantes atque resistentes sibi tyrannico more terreret. *Erant quidem illa gravia & acerba ab accusatoribus objecta.*

7. Nam propter hæc necessario Concilium apud Cæsaream Palæstinam primo videtur esse conditum: & cum minime ab ipso vel ab satellitibus ad supradictum Concilium occurreretur, post alterum annum in Tyro propter ejus facinora necessario iterum celebratur. Advenerunt episcopi de Macedonia & de Pannonia, Bythinia, & omnibus partibus Orientis, Imperatoris jussione constricti: quique actis Athanasii flagitia criminaque cognoscentes, non passim nec temere accusatoribus credunt, sed suo de Concilio illustres & laudabiles episcopos eligunt, atque in rem præsentem, ubi res gestæ erant, de quibus arguebatur Athanasius, mittunt: quique oculata fide cuncta aspicientes atque vera cognoscentes, ad Concilium redeunt, ejusque crimina, quæ ab accusatoribus objiciebantur, suo testimonio vera confirmant. Unde in præsentem Athanasium dignam pro criminibus sententiam dicunt. Propter quod Tyro fugiens, Imperatorem appellat. Audit etiam Imperator: quique interrogatione habita omnia ejus flagitia recognoscens, sua illum sententia in exilium deportavit. His ergo ita cedentibus rebus, cum Athanasius damnatus digne in exilio haberetur ob meritum facinorum suorum, sacrilegus in Deum, in mysteria sacra profanus, in demolitione basilicæ violentus, in episcoporum exitiis innocentiumque fratrum persecutor horrendus, ab omnibus episcopis in rejiciendis malis servatur auctoritas legis, canon Ecclesiæ, & Apostolorum sancta traditio.

8. Sed dum Athanasius post damnationem suam reditum sibi de exilio compararet, de Gallia ad Alexandri-

xandriam post plurimum tempus advenit: quique præterita in nihilum ducens, acrius in nequitia prævalebat. Nam comparatione sequentium levia sunt, quæ ab ipso prima commissa sunt. Etenim per omnem viam reditus sui Ecclesiam subvertebat, damnatos episcopos aliquos restaurabat, aliquibus spem ad episcopatus reditum promittebat, aliquos ex infidelibus constitutebat episcopos, salvis & integris permanentibus sacerdotibus, per pugnas & cædes gentilium, nihil respiciens leges, desperationi tribuens totum. Unde per vim, per cædem, per bellum, Alexandrinorum basilicas deprædatur. Constituto jam in ejus locum ex judicio Concilii sancto & integro sacerdote, ut barbarus hostis, & ut pestis sacrilega adductis gentilium populis Dei templum incendit, altare comminuit, & clam exiit de civitate, occulteque profugit.

9. Sed de Paulo Constantinopolitanæ civitatis quondam episcopo post reditum exilii sui, si quis audierit, perhorrescet. Fuere namque & in Ancyra provincia Galatiæ, post reditum Marcelli hæretici, domorum incendia, & genera diversa bellorum. Nudi ab ipso ad forum trahebantur presbyteri, &, quod cum lacrymis luctuque dicendum, consecratum Domini corpus ad sacerdotum colla suspensum palam publiceque profanabat, virginesque sanctissimas Deo Christoque dicatas publice in foro, media in civitate, concurrentibus populis, abstractis vestibus, horrenda fœditate nudabat. Sed in civitate Gaza provinciæ Palæstinæ post reditum suum Asclepas altare comminuit, multasque seditiones effecit. Præterea Hadrianopoli Lucius post reditum suum sacrificium a sanctis & integris sacerdotibus confectum, si fas est dicere, canibus projiciendum jubebat. Igitur cum hæc ita sint, num quidnam lupis tantis ac talibus oves Christi ad huc usque credimus, & membra Christi *membra fornicatoriæ faciemus?* Absit.

10. Nam

10. Nam postea Athanasius peragrans per diversas partes orbis terrarum, scilicet seducens aliquos per suam fallaciam adulationemque pestiferam, decipiens innocentes episcopos, qui ejus facinora ignorabant, vel Ægyptios aliquos ejus actus ignorantes, scripta a singulis emendicando, Ecclesias pacificas perturbabat, aut ipse sibi novas pro sua voluntate fingebat. Nihil tamen hoc valere potuit ad judicium jam dudum a sanctissimis & illustribus episcopis consecratum. Non enim commendatio eorum, qui nec in Concilio judices fuerunt, nec Concilii judicium habuerunt aliquando, nec præsentes, cum supradictus Athanasius audiretur, fuisse noscuntur, aut valere illi potuit, aut prodesse. Denique cum sibi hæc in cassum provenisse cognosceret, ad Julium Romam perrexit, sed & ad Italiæ quosdam ipsius partis episcopos: quos seducens per epistolarum falsitatem, ab eisdem perfacile in communione receptus est. Deinde cœpere illi non tam pro ipso, quam pro suis actibus laborare: quod illi pertemere credendo communicaverant. Etenim si fuerant illæ litteræ aliquorum, non tamen eorum, qui aut judices fuerant, aut in Concilio assederant, quæ quidem etiam si essent aliquorum, temere illi fidem, pro se dicentes, habere numquam deberent. Sed & judices, qui illum sententiaverunt, credere noluerunt.

11. Ideo quia & alii quique in prætorium pro suis facinoribus detecti sunt, nunc cum Marcello & Athanasio conjuncti sunt: decimus autem Asclepas ante decem & septem annos episcopatus honore discinctus est; deinde Paulum & Lucium, & quotquot talibus conjuncti sunt: circumeuntes simul exterarum regiones, persuadebant judicibus non esse credendum illis, qui in eos digne sententiam protulerunt, ut hoc genere commercii sibi quemdam ad episcopatus reditum procurarent. Nec in ipsis locis, in quibus pec-

caverant, nec in proximis, vel ubi accusatores habebant, se defendebant; sed juxta peregrinos, & longe a regionibus suis positos ignorantes gestorum fidem, justam sententiam conabantur perfringere, ad illos referentes actus suos, qui illos per omnia nesciebant. Astute hoc faciunt. Scientes enim de judicibus, de accusatoribus, de testibus multos decessisse, post tot tantasque sententias, putaverunt aliud restaurare judicium, volentes apud nos causam dicere, qui neque illos excusavimus, neque judicavimus. Qui enim judicaverunt, jam ad Dominum perrexere.

12. Voluerunt autem etiam Orientalibus episcopis & veniunt pro judicibus defensores, pro defensoribus rei, eo tempore, cum eorum defensio non valebat: maxime cum tunc defendi minime potuerunt, quando illos accusatores sui faciem ad faciem arguebant. Novam legem introducere putaverunt, ut Orientales episcopi ab Occidentalibus judicarentur. Et volebant Ecclesiæ judicium per eos posse constare, qui non tam illorum miserebantur, quam actibus suis. Hoc itaque nefas, quoniam numquam recepit ecclesiastica disciplina; quæsumus, dilectissimi Fratres, ut sceleratam perniciem conatusque mortiferos perditorum nobiscum etiam ipsi damnetis.

13. Etenim cum adhuc esset episcopus Athanasius, Asclepam depositum sua sententia ipse damnavit. Sed & Marcellus similiter illi numquam communicavit. Paulus vero Athanasii expositioni interfuit, manuque propria sententiam scribens, cum ceteris eum etiam ipse damnavit. Et quamdiu quisque eorum episcopus fuit, sua judicia confirmavit. Sed cum diversis ex causis diversisque temporibus singuli eorum digne de Ecclesia suis pro meritis pellerentur, majorem concordiam una conspiratione fecerunt; donantes sibi quisque delicta, quæ, cum episcopi essent, *pro auctoritate divina damnarunt.*

14. Nam-

14. Namque quoniam Athanasius in Italiam & Galliam pergens sibi iudicium comparavit; post mortem aliquorum accusatorum, testium, iudicumque, & credidit posse se denuo tempore audiri, quod ejus flagitia vetustas temporis obscuraret. Cui consensum commodantes non recte, Julius urbis Romæ episcopus, Maximus, & Ossius, ceterique complures ipsorum, Concilium apud Serdicam fieri ex Imperatoris benignitate sumserunt. * Occurrimus ad Serdicam litteris Imperatoris conventi. Quo cum venissemus, didicimus in media ecclesia Athanasium, Marcellum, omnes sceleratos Concilii sententia pulsos, & merito singulos pro suis facinoribus prædamnatos, cum Ossio & Protogene sedere simul & disputare, & quod est deterius, divina mysteria celebrare. Nec confundebatur Protogenes Serdices episcopus communicare Marcello hæretico, cujus & sectam & reprobum sensum, in Concilio quater sententiis episcoporum subscribens, propria voce ipse damnaverat. Unde manifestum est, quia sese ipse sua sententia condemnavit, cum se illi communicando participem fecit.

15. Verum nos tenentes ecclesiasticæ regulæ disciplinam, & volentes miseros in aliquantulum vivere, mandavimus illis, qui cum Protogene & Ossio fuerunt, ut de suo cœtu damnatos excluderent, neque peccatoribus communicarent: deinde una nobiscum audirent ea, quæ a patribus nostris contra ipsos in præteritum fuerant iudicata; (nam liber Marcelli non exspectabat accusationem, per se enim aperte hæreticus noscebatur:) & ne falsis suggestionibus crederent, non eorum quisquam pravissimam mentem propter locum episcopatus obscurant. At illi contra hæc resistebant: qua ratione, nescimus. Nec se voluerunt ab ipsorum communione secernere, confirmantes Marcelli hæretici sectam: & facinora Athanasii ceterorumque scelera fidei ecclesiasticæ pacique præponebant.

16. His itaque cognitis, nos octoginta episcopi qui propter pacem confirmandam Ecclesiæ ex diversis longinquisque provinciis cum ingenti exitu & labore ad Serdicam veneramus, videntes hæc non sine lacrymis ferebamus. Leve enim non erat, quod a se eos dimittere omnino negabant, quos patres nostri merito suis pro criminibus ante damnarunt. His itaque communicare nefas duximus, neque cum profanis volumus sancta Domini sacramenta miscere, servantes & tenentes regulam ecclesiasticæ disciplinæ. Nam ut supradictos Ossium a se Protegenemque non dimitterent, conscientia forte mala, quam sibi eorum unusquisque debebat nudari aliquo, quam ad palam fieri magnopere pertimescebant: nec sic in eos audebat eorum aliquis sententiam dicere, ne & se ipse damneret, quod illis contra interdictum communicassent, quibus communicare nullo genere oporteret.

17. Verum nos iterum illos atque iterum rogabamus, ne firma solidaque concuterent, ne subverterent legem, nec jura divina turbarent, ne cuncta confunderent, atque traditionem Ecclesiæ ne quidem modica pace frustrarent: sed nec novam sectam inducerent, aut Orientalibus episcopis Conciliisque sanctissimis de Occidente venientes aliqua in parte præponerent. At illi contra despicientes hæc, nobis minabantur, & se Athanasium & ceteros sceleratos vindicaturos pollicebantur. Quasi vero aliud facere aut dicere possent, qui sceleratos omnes ac perditos in suum consortium receperunt. Præterea ingente hoc tumore proponunt, audacia potius ac temeritate, quam legitima ratione professi. Videntes enim, quod ii, qui damnatos recipiunt, in offensam crimenque incurrunt, ut violatores cœlestium legum, tali auctoritate iudicium constituere conabantur, ut sese *iudices iudicum* dicere vellent, atque eorum, qui jam *cum Deo sunt*, si fas est, sententiam refricare. Nos
vero

vero rogabamus illos per plurimos dies, ut a se damnatos abjicerent, & se Ecclesiæ sanctæ conjungerent, atque patribus vera dicentibus consensum accommodarent. Sed illi se hoc facturos omnino negabant.

18. Altercantibus igitur nobis, emerferunt quinque episcopi ex partibus nostris, qui superstites de sexto numero eorum, qui ad Mareotam directi fuerant, remanserant, & talem illis optionem proponunt: mittendos esse ex utroque Concilio episcopos aliquos ad loca, in quibus Athanasius scelera flagitiaque commisit, ut sub testificatione Dei cuncta fideliter scriberent; & si falsa inventa fuerint, quæ Concilio nuntiavimus, ipsi damnemur, nec Imperatoribus, nec Concilio, nec cuiquam episcopo conqueramur; quod si verum constiterit, quod ante diximus, ad numerum nostrum ex vobis, quos delegistis, id est, qui Athanasio post damnationem communicaverunt, sed & eos, qui Athanasio & Marcello fautores defensoresque sunt, exponamus, nec Imperatoribus, nec Concilio, nec cuiquam episcopo aliqui vestrum conquerantur. Hanc optionem a nostris propositam Ossius & Protogenes omnesque eorum socii suscipere timuerunt.

19. Immenso autem confluxerat ad Serdicam multitudo sceleratorum omnium ac perditorum, adventantium de Constantinopoli, de Alexandria: qui rei homicidiorum, rei sanguinis, rei cædis, rei latrociniorum, rei prædarum, rei spoliorum, nefandorumque omnium sacrilegiorum & criminum rei; qui altaria confregerunt, ecclesias incenderunt, domosque privatorum compilaverunt; profanatores mysteriorum Dei, proditoresque sacramentorum Christi; qui impiam sceleratamque hæreticorum doctrinam contra Ecclesiæ fidem asserentes, sapientissimos presbyteros Dei, diacones, sacerdotes atrociter demactaverunt.

& eos omnes secum collectos in suo conventiculo habuerunt Offius & Protogenes; eosque honorantes, nos omnes diacones & sacerdotes Dei despiciebant, quia nec ipsi volebamus talibus aliquando conjungi: iique vulgo, omnibusque gentibus, id quod inter nos fuerat, referebant, pro veris falsa fingentes; nec discordiam inter nos ex causa Dei ortam, sed ex humana præsumptione narrabant. Divinis humana miscentes, & ecclesiasticis rebus privatas adjungentes, civitatis nobis concentum seditionemque conflarunt, dicentes nos gravem schismate civitati importasse injuriam, nisi illis, quod nefas erat, communicaremus: & hæc frequenter acclamabant. Nos enim omnino illis communicare noluimus, nisi eos, quos damnavimus, projecissent, & dignum honorem Concilio Orientis tribuerent.

20. Quæ vero ipsi egerint, vel quale Concilium habuerint, hinc addiscere poteritis. Nam Protogenes, sicut supra diximus, apud acta anathematizans Marcellum & Paulum, postea eos in communionem suscepit. Dionysium vero ab Elica provinciæ Achaïæ, quem ipsi exposuerunt, in Concilio habuerunt. Simul secum, & exponentes & expositi, iudices & rei, communicantes mysteria divina pertractant. Bassum autem de Diocletiana civitate in flagitiis sceleribusque detectum, & merito de Syria deportatum, ordinaverunt episcopum: quique apud ipsos sceleratius vivens detectus, & ab ipsis damnatus, cum ipsis hodie videtur esse conjunctus. Et quia in Thessalonicensis Protogeni frequenter probra multa criminaque objecit, quod diceret illum concubinas & habuisse & habere, cui communicare numquam voluit, nunc vero in amicitiam receptus, quasi peiorum consortio expurgatus, apud ipsos habetur ut justus. Asclepas autem, cum ad Constantinopolim civitatem propter Paulum venisset, post immanitatem rerum atrocitatemque com-

misit, quæ media in ecclesia Constantinopolitana gesta sunt, post mille homicidia, quæ altaria ipsa humano sanguine coinquinaverunt, post interfectiones fratrum extinctionesque gentilium, hodieque cum Paulo, cujus causa hæc gesta sunt, communicare non cessat: sed & illi, qui per Asclepam Paulo communicant, accipientes ab eodem scripta atque ad illum mittentes. Ex hac igitur coagulatione, atque ex perditorum congregatione, quale potuerit celebrari Concilium, in quo flagitia sua non tam puniebant, quam agnoscebant?

21. Non enim secundum nos, qui ecclesiis sanctissimis præsidemus, populisque rectores, sumus donantes & dimittentes, quæ ab ipsis nec dimitti unquam possunt nec donari: quique etiam Marcello & Athanasio ceterisque sceleratis flagitia, blasphemias, quæ nefas fuerat dimittere, condonarunt: cum scriptum sit: „Si peccaverit homo in hominem, ora, bunt pro eo ad Dominum; si autem in Deum peccaverit homo, quis orabit pro eo?“ Nos autem talem consuetudinem non habemus, nec Ecclesia Dei. Sed nec hæc docere aliquos patimur, nec novas traditiones inducere: ne proditores fidei traditoresque Scripturarum divinarum, quod nefas est, dicamur, ne a Domino & ab hominibus condemnemur.

22. Verum illi supradicti etiam hæc adversus nos machinabantur. Et quoniam sciebant, nos non posse sibi scelestorum beneficio communicare; ex scriptis nos Imperatorum terrere putabant, ut invitos ad suam communionem traherent: & spectabant dividi totius mundi profundam Ecclesiæ æternamque pacem propter Athanasium & Marcellum, propter quos nomen Domini blasphematur in gentibus, quos oportebat, si in se aliquid timoris Dei habuissent, ne turbo iste, qui per ipsos natus est, permaneret, a sua pravissima præsumptione vel sero discedere, ne ipsorum causa con-

tra sese scinderetur Ecclesia: aut si in iis, qui pro ipsa certant, metus Dei esset, etiamsi nihil esse damnabile apud ipsos inveniretur, tamen & quod propter ipsos unitas Ecclesiæ scinditur, & propter insanam rabiem cupiditatemque honorum pax profunda subvertitur, execrari eos ac perhorrere deberent.

23. Cum ita res currere videremus, ad suam patriam regredi nostrum unusquisque decrevit: placuitque nobis de Serdica scribere, & ea, quæ gesta sunt, nuntiare, nostramque sententiam declarare. Nos enim Athanasium & Marcellum, qui in Dominum impie blasphemantes scelerati vixerunt, expositos olim atque damnatos non possumus iterum in episcopatus honorem suscipere: quique crucifigentes verum filium Dei, atque illum denuo publicantes, acerbis ictibus, confixerunt. Alter enim ipsorum, blasphemando in filium Dei atque in ejus regnum, æterna morte mortuus est semel. Alter in corpus Domini mysteria ejus profano more atrociter peccans, ceteraque flagitia immaniter gerens, episcoporum sententia ejectus est atque damnatus. Quamobrem quoniam a parentum traditione discedere non possumus, quia nec talem auctoritatem sumsit Ecclesia, nec talem potestatem a Deo accepit, supradictos ad honorem dignitatemque Ecclesiæ nec ipsi suscipimus, & suscipientes digne damnamus. Sed nec alios, qui aut olim, aut postea merito damnati sunt, in Ecclesia recipimus, adhærentes legibus Dei traditionibusque paternis atque ecclesiasticis disciplinis, credentes prophetæ dicenti: Noli transgredi terminos æternos, quos posuerunt patres tui. Quare nos numquam fixa solidaque concutimus: sed magis ea, quæ sunt a parentibus constituta, servamus.

24. Post multa igitur, dilectissimi fratres, hæc vobis ex aperto mandamus, ne quis vestrum ab aliquo circumventus aliquando communicet, id est,
Ossio,

Offio, Protogeni, Athanasio, Marcello, Asclepæ, Paulo, Julio; sed nec cuiquam damnatorum de Ecclesia sancta reiectis, neque sociis ipsorum, qui illis sive per se, sive per scripta communicant. Quare nec vos ad illos scribere umquam debetis, nec ab ipsis scripta suscipere. Jam quod superest, oramus vos, dilectissimi Fratres, ut unitati Ecclesiæ consulatis, & paci perpetuæ; sanctos episcopos eligatis, in quibus & fides integra & sancta sit vita; abhorrentes eos, qui pro criminibus suis ab episcopatus honore discincti sunt, voluntque iterum recipere locum, quem digne pro suis facinoribus amiserunt: magisque hos execramini, quos post facinus videtis pejora committere. Nec Dominum audiunt dicentem: Peccasti, quiesce. Inhibere nesciunt enim, & fortiores de sceleribus efficiuntur: & quanto plus in gurgitem vitiorum mergunt, tanto plus orbem subvertunt. Seditionibus vacantes, bella, persecutionesque acerrimas sanctis Ecclesiis ingerunt, & tyrannico more populos Domini in suum Dominium captivare contendunt.

25. Namque ex his rebus pessimos eorum conatus agnoscite, quod talem mundo tempestatis procellam induxerunt, ut Orientem prope totum Occidentemque turbarent; ut relinquentes singuli ecclesiasticas curas, populosque Dei deferentes, atque ipsam Evangelii doctrinam postponentes, de longinquo adveniremus senes ætate graves, corpore debiles, ægitudine infirmi: (trahebamurque per diversa, nostrosque ægrotantes in itineribus deferabamus propter perpaucos scelestos olim digne damnatos, primatus Ecclesiæ contra fas appetentes:) geratque curam de nobis Imperium, atque religiosi Imperatores, Tribuni, & Duces dirissima republica de episcoporum vita statuque exercerentur. Sed nec populi silent. Omnis etenim fraternitas omnibus in provinciis suspensa ac sollicita exspectat, in quem finem hæc malorum pro-

cella succedat: cursusque ipse publicus et ceterus ad salutem deducitur. Et quis pluribus? Ortus Occasusque mundi propter unum vel duos paucosque sceleratos imple sentientes & turpiter viventes funditus vertitur, & dura sævaque tempestate turbatur, in quibus nulla religionis semina resederunt: quæ si habuissent, imitarentur prophetam dicentem: „ Tollite, & mittite me in mare, & tranquillabit mare a vobis, quando „ hæc tempesta propter me facta est. “ Sed ideo hæc non imitantur, quia nec justos sequuntur: ita autem sceleratorum omnium duces querunt Ecclesie principatum, quasi aliquod tyrannidis regnum.

26. Nec hoc propter bonum quoque iustitie inquirunt, Non enim Ecclesiis consulunt, qui leges juraque divina, ceterorum decreta dissolvere percontantur. Propterea hanc novitatem mollebantur inducere, quam horret vetus consuetudo Ecclesie, ut in Concilio Orientales episcopi quidquid forte statuisent, ab episcopis Occidentalibus refricaretur; similiter quidquid Occidentalium partium episcopi, ab Orientalibus solveretur. Sed hoc ex illo suo pravissimo sensu tractabant. Verum omnium Conciliorum juste legitimeque actorum decreta firmanda, majorum nostrorum gesta consignant. Nam in urbe Roma sub Novato & Sabellio & Valentino hæreticis factum Concilium, ab Orientalibus confirmatum est: & iterum in Oriente sub Paulo Samosatis quod statutum est, ab omnibus est signatum. Ob quam rem hortamur vos, dilectissimi Fratres, considerantes ordinem ecclesiasticæ disciplinæ, & paci totius orbis consulentes, corripiatis eos, qui sceleratis communicant, & malos de ecclesiis radicitus amputetis: ut tempestate ruente ipsorum causa, innatans Christus Dominus omnibus imperet ventis procellisque maritimis discedere, & tribuant Ecclesie sanctæ pacem perpetuam & quietam.

27. Nos vero nulli injuriam facimus, sed legis præcepta servamus. Nam injuriati graviter & male tractati sumus ab iis, qui volebant Ecclesiæ catholicæ regulam sua pravitate turbare. Sed ante oculos habentes timorem Dei, judicium Christi verum & justum considerantes, nullius personam accepimus, neque alicui pepercimus, quo minus ecclesiasticam disciplinam servaremus. Unde Julium urbis Romæ, Ossium, & Protogenem, & Gaudentium, & Maximinum a Triveris damnavit omne Concilium secundum antiquissimam legem, ut auctores communionis Marcelli & Athanasii ceterorumque sceleratorum, quique etiam homicidiis Pauli Constantinopolitani & cruentis actibus ejus communicaverunt. Protogenem namque esse anathematizatum una cum Marcello, subscribendo frequenter sententiæ in ipsum vel in ejus librum inlatæ; quique etiam in Paulum Constantinopolitanum sententiam dederunt, & illi postea communicaverunt. Gaudentium autem, ut immemorem decessoris sui Cyriaci subscribentis sententiis in sceleratos digne inlatis, commixtumque criminibus Pauli, quem etiam impudenter defendebat. Julium vero urbis Romæ, ut principem & ducem malorum, qui primus januam communionis sceleratis atque damnatis aperuit, ceterisque aditum fecit ad solvenda jura divina: defendebatque Athanasium præsumenter atque audacter, hominem, cujus nec testes noverat, nec accusatores. Sed Ossium propter supradictam causam, & propter beatissimæ memoriæ Marcum, cui graves semper injurias inrogavit; sed & quod malos omnes pro criminibus suis digne damnatos totis viribus defendebat, & quod convixerit in Oriente cum sceleratis ac perditis. Turpiter namque Paulino quondam episcopo Daciæ individuus amicus fuit, homini, qui primo de maleficiis fuerit accusatus & de Ecclesia pulsus, usque in hodiernum diem in apostasia permanens cum concubi-

cubinis publice & meretricibus fornicetur, cujus maleficio-
rum libros Macedonius episcopus atque confessor a Mopso combussit. Sed & Eustasio & Quimatio
adhærebat pessime & charus fuit, de quorum vitæ in-
famia turpi dicendum nihil est: exitus enim illorum
eos omnibus declaravit. His itaque ac talibus jun-
ctus ab initio Ossius, sceleratis semper favens, con-
tra Ecclesiam veniebat, & inimicis Dei semper fere-
bat auxilium. Maximinum vero a Triveris, propter
quod collegas nostros episcopos, quos ad Gallias mi-
seramus, noluerit suscipere, & quoniam Paulo Constan-
tinopolitano, nefario homini ac perdito, primus ipse
communiquavit, & quod ipse tantæ cladis causa fuit,
ut Paulus ad Constantinopolim civitatem revocaretur,
propter quod homicidia multa facta sunt. Causa igitur
homicidiorum tantorum ipse fuit, qui Paulum olim
damnatum ad Constantinopolim revocavit.

28. Propter has igitur causas justum duxit Con-
cilium, ut Julium urbis Romæ, & Ossium, ceteros-
que supra memoratos discingeret atque damnaret.
Quæ cum ita sint, custodire vos ab ipsis & abstinere
debetis, dilectissimi Fratres, nec eos aliquando ad
communionem vestram admittere: sed nec ipso-
rum litteras accipere, nec ad illos litteras dominicas dare.
Et quoniam catholicam & apostolicam fidem volue-
runt infringere ii, qui cum Ossio erant, inducentes-
que novam sectam in Deo croniti Marcelli mixta Sa-
bellio & Paulo, inde artem; necessario ordinavimus
catholicæ Ecclesiæ fidem, quam negaverunt supra-
dicti, qui cum Ossio sunt, & Marcello hæretici in-
duxerunt. Consequens est, ut acceptis litteris no-
stris singuli consensum huic sententiæ commodantes,
decreta nostra propria subscriptione signetis. Est au-
tem fides nostra talis.

29. Credimus in unum Deum patrem omnipoten-
tem, institutorem & creatorem omnium, ex quo
omnis

omnis creatura in cœlo & in terra nominatur. Et in unigenitum filium ejus Dominum nostrum Jesum Christum, qui ante ævum ex Patre generatus est, ex Deo Deus, ex luce lux, per quem facta sunt omnia, quæ in cœlis & quæ in terra, visibilia & invisibilia, sermo qui sit, & sapientia, & virtus, & vita, & lux vera, qui in novissimis temporibus propter nos induerit hominem, & natus sit de sancta Virgine Maria, & crucifixus, & mortuus, & sepultus sit: tertia die resurrexit a mortuis, & assumptus in cœlum, sedet in dextera Patris, venturus in fine mundi judicare vivos & mortuos, & reddere unicuique secundum opera sua: cujus regnum incessabile permanet in æterna secula. Est enim sedens in dextera Patris, non solum in isto seculo, sed & in futuro. Credimus in Spiritum sanctum, hoc est, in paracletum, quem mittens Apostolis post assumptionem suam in cœlum, misit docens illos & instruens de omnibus, per quem sanctificantur animæ in ipsum fideliter credentes. (Credimus & in sanctam Ecclesiam, in remissionem peccatorum, in carnis resurrectionem, in vitam æternam,) Illos vero, qui dicunt: Ex eo, quod non fuit, filius Dei, aut ex alia substantia, & non ex Deo; aut qui dicunt, fuisse aliquando tempus vel seculum, quando non fuit filius, hæreticos damnat sancta & catholica Ecclesia. Similiter & illos, qui dicunt tres esse Deos; aut Christum non esse Deum; aut ante ea unum non fuisse Christum, neque filium Dei; aut ipsum Patrem & Filium & Spiritum sanctum; aut non natum filium; aut non sententia, neque voluntate Deum patrem genuisse filium: hos omnes anathematizat & execratur sancta & catholica Ecclesia.

Opto vos in Domino bene valere.

Stephanus Episcopus Antiochiæ provinciae Syriæ Coe-
les opto vos in Domino bene valere.

Olim-

Stilpicius episcopus Dilectis opto vos in Domino bene valere.

Garonius episcopus Lamphanis.

Menophantus episcopus ab Ephese opto vos in Domino bene valere.

Paulus episcopus opto vos in Domino bene valere.

Epistatius episcopus ab Amantias opto vos in Domino bene valere.

Macedonius episcopus ab Amarquetias opto vos in Domino bene valere.

Thalaphius episcopus a Chalcedonia opto vos in Domino bene valere.

Acacius episcopus a Caesarea opto vos in Domino bene valere.

Theodorus episcopus ab Heraclea opto vos in Domino bene valere.

Quintianus episcopus a Taxe opto vos in Domino bene valere.

Marcus episcopus ab Aretiis opto vos in Domino bene valere.

Cyrotus episcopus a Roee opto vos in Domino bene valere.

Eugeus episcopus a Lificia opto vos in Domino bene valere.

Antonius episcopus a Zeumate opto vos in Domino bene valere.

Antonius episcopus a Docimo opto vos in Domino bene valere.

Dion episcopus a Caesarea opto vos in Domino bene valere.

Vitalis episcopus a Tyro opto vos in Domino bene valere.

Eudoxius episcopus a Germanicia opto vos in Domino bene valere.

Dionysius episcopus ab Alexandria provinciae opto vos in Domino bene valere.

Mace-

Macedonius episcopus a Virito opto vos in Domino bene valere.

Eusebius episcopus a Dorlani opto vos in Domino bene valere.

Basilus episcopus ab Anquira opto vos in Domino bene valere.

Proheresius episcopus a Sinopa opto vos in Domino bene valere.

Eustacius episcopus ab Epiphania opto vos in Domino bene valere.

Pancratius episcopus a Pernafo opto vos in Domino bene valere.

Eusebius episcopus a Pergamo opto vos in Domino bene valere.

Sabinianus episcopus a Chatimera opto vos in Domino bene valere.

Bitinicus episcopus a Zelon opto vos in Domino bene valere.

Dominus episcopus a Palladiano opto vos in Domino bene valere.

Pison episcopus a Troada opto vos in Domino bene valere.

Cartherius episcopus ab Aspona opto vos in Domino bene valere.

Filetus episcopus a Juliopoli opto vos in Domino bene valere.

Quirius episcopus a Mareota opto vos in Domino bene valere.

Filetus episcopus a Cratia opto vos in Domino bene valere.

Thimafarcus episcopus opto vos in Domino bene valere.

Eusebius episcopus a Mignenia opto vos in Domino bene valere.

Quirius episcopus a Philadelphia opto vos in Domino bene valere.

Pison

Pison episcopus a Vanis opto vos in Domino bene valere.

Timotheus episcopus opto vos in Domino bene valere.

Euthemon episcopus a Thaneos opto vos in Domino bene valere.

Callenicus episcopus a Pelosio opto vos in Domino bene valere.

Eusebius episcopus a Pergamo opto vos in Domino bene valere.

Leucadas episcopus ab Illo opto vos in Domino bene valere.

Noconius episcopus a Troade opto vos in Domino bene valere.

Adamantius episcopus a Cio opto vos in Domino bene valere.

Eddefius episcopus a Coo opto vos in Domino bene valere.

Theodolus episcopus a Neocæsario opto vos in Domino bene valere.

Sion episcopus opto vos in Domino bene valere.

Theogenes episcopus a Lizia opto vos in Domino bene valere.

Florentius episcopus ab Ancara opto vos in Domino bene valere.

Isaac episcopus a Lueto opto vos in Domino bene valere.

Eudemon episcopus . . . subscripsi pro ipso, opto vos in Domino bene valere.

Agapius episcopus a Theriaco opto vos in Domino bene valere.

Bassus episcopus a Car opto vos in Domino bene valere.

Narcissus episcopus ab Anapoli opto vos in Domino bene valere.

Embra;

Embracius episcopus a Mileto opto vos in Domino bene valere.

Lucius episcopus ab Babtino opto vos in Domino bene valere.

Nonnius episcopus a Laudocia opto vos in Domino bene valere.

Pantagatus episcopus a Gallias opto vos in Domino bene valere.

Flaccus episcopus ab Jeropoli opto vos in Domino bene valere.

Sysimius episcopus a Perge opto vos in Domino bene valere.

Diogenes episcopus opto vos in Domino bene valere.

Cresconius episcopus opto vos in Domino bene valere.

Nestorius episcopus opto vos in Domino bene valere.

Emmonius episcopus opto vos in Domino bene valere.

Eugenius episcopus opto vos in Domino bene valere.

Antonius episcopus a Gusia opto vos in Domino bene valere.

Demofilus episcopus a Beroe opto vos in Domino bene valere.

Euticius episcopus a Philippopoli opto vos in Domino bene valere.

Severus episcopus a Cabula opto vos in Domino bene valere.

Timotheus episcopus ab Anchilo opto vos in Domino bene valere.

Valens episcopus a Murfa opto vos in Domino bene valere.

Explicit decretum synodi Orientalium apud Serdicam episcoporum a parte Arianorum, quod miserunt ad Africam,

FRAGMENTUM IV.

INCIPIT EXEMPLUM EPISTOLÆ
 Liberii episcopi urbis Romæ ad Orientales Episcopos.

Dilectissimis fratribus & coepiscopis nostris universis
 per Orientem constitutis, Liberius urbis Romæ
 episcopus æternam salutem.

1. **S**tudens paci & concordie Ecclesiarum, postea
 quam litteras Charitatis Vestræ de nomine Atha-
 nasii & ceterorum factas ad nomen Julii bonæ memo-
 riæ episcopi accepi, secutus traditionem majorum,
 presbyteros urbis Romæ Lucium, Paulum & Helia-
 num e latere meo ad Alexandriam ad supradictum
 Athanasium direxi, ut ad urbem Romam veniret: ut
 in præsentem id, quod Ecclesiæ disciplina extitit, in
 eum statueretur. Litteras etiam ad eundem per su-
 pradictos presbyteros dedi, quibus continebatur,
 quod si non veniret, sciret se alienum esse ab Ec-
 clesiæ Romanæ communione. Reversi igitur presby-
 teri nuntiaverunt eum venire noluisse. Secutus de-
 nique litteras Charitatis Vestræ, quas de nomine su-
 pradicti Athanasii ad nos dedistis, sciatis his litteris,
 quas ad unanimi-
 tatem nostram dedi, me cum omni-
 bus vobis & cum universis episcopis Ecclesiæ catho-
 licæ pacem habere: supradictum autem Athanasium
 alienum esse a communione mea sive Ecclesiæ Roma-
 næ, & consortio litterarum ecclesiasticarum.

2. „ Quid in his litteris non sanctitatis, quid non
 „ ex metu Dei eveniens est? Sed Potamius & Epi-
 „ ctetus, dum damnare urbis Romæ episcopum gau-
 „ dent, sicut in Ariminensi synodo continetur, au-
 „ dire hæc noluerunt. Quin etiam Fortunatianus
 „ episcopus epistolam eandem rursus diversis epi-
 „ scopis

scopis mittens, nihil profecit. Ut autem in negata Athanasio communione sibi potius essent onerosi, remque omnem sibi periculi facerent, dummodo nihil Sardicensi synodo, qua Athanasius absolutus & Ariani damnati fuerant, decerperent; litteræ ex Ægypto omni atque ab Alexandria missæ admonebant: quoniam quales ad Julium pridem de reddenda exulanti Athanasio communione erant scriptæ, tales nunc, ut de subjectis intelligetur, ad Liberium datæ sunt de tuenda.

FRAGMENTUM V.

INCIPIT EPISTOLA LEGATORUM

missa ad Constantium Imperatorem a Liberio episcopo urbis Romæ per Luciferum episcopum.

Gloriosissimo Constantio Augusto Liberius Episcopus.

1. **O**bscuro, tranquillissime Imperator, ut mihi benignas aures clementia tua tribuat, quo possit mansuetudini tuæ mentis meæ propositum apparere. De Christiano enim Imperatore, & sanctæ memoriæ Constantini filio hoc ipsum sine cunctatione mereor impetrare. Sed in eo me laborare intelligo, quia repetita satisfactione, placabilem etiam circa reos animum tuum, in gratiam meam revocare non possum. Sermo enim pietatis tuæ, jam dudum ad populum missus, me quidem, quem patienter omnia ferre necesse est, plurimum lacerat: sed animum tuum, qui lenitati semper vacat, qui numquam, ut scriptum est, in occasum diei iracundiam servat, retinere circa me indignationem miraculo mihi est. Ego enim, religiosissime Imperator, tecum veram pacem requiro, quæ non sit verbis composita interna dispositione sal-

laciæ, sed præceptis Evangeliorum rationabiliter confirmata. Non Athanasii tantum negotium, sed multa alia in medium venerunt, propter quæ Concilium fieri mansuetudinem tuam fueram deprecatus: ut ante omnia, quod specialiter optat mentis tuæ erga Deum sincera devotio, cum fidei causa, in qua prima nobis spes est ad Deum, diligenter fuisset tractata, ne eorum, qui nostram circa Deum observantiam mirari debent, possent finiri. Et dignum fuerat Dei cultore, dignum Imperio tuo, quod Christi pietate regitur & augetur, specialiter hoc ipsum pro reverentia sanctæ religionis, cui prudenter intentus es, clementiam tuam nobis ad hæc impetranda præstare.

2. Sed multi Ecclesiæ membra lacerare festinant, qui confinxerunt me litteras suppressisse, ne crimina ejus, quem dicebantur condemnasse, apud omnes paterent, quas illas litteras? Episcoporum Orientalium, & Ægyptiorum; quibus in omnibus eadem in Athanasium crimina continebantur? At satis omnibus clarum est, nec quisquam negat, nos Orientalium litteras intimasse, legisse Ecclesiæ, legisse Concilio, atque hæc etiam Orientalibus respondisse, qui fidem & sententiam non commodavimus nostram, quod eodem tempore octoginta episcoporum Ægyptiorum de Athanasio sententia repugnabat, quam similiter recitavimus atque insinuavimus episcopis Italis. Unde contra divinam legem visum est etiam, cum episcoporum numerus pro Athanasio major existeret, in parte aliqua commodare consensum. Hæc scripta, si Deo fidem debet Eusebius, qui missus fuerat, festinans ad Africam nobis reliquit: quæ tamen postea omnia scripta, ne ad impetrandum forte Concilium deessent, Vincentius, qui cum ceteris missus fuerat, Arelatum pertulit.

3. Videt igitur prudentia tua, nihil in animum *meum introisse*, quod Deo servientibus non ^{dignum} fuerat

fuerat cogitare. Testis autem mihi est Deus, testis est tota cum suis membris Ecclesia, me fide & metu in Deum meum cuncta mundana ita, ut evangelica & apostolica ratio præcipit, calcare atque calcasse. Non furore temerario, sed constituto atque observato jure divino, atque in alio ministerio ecclesiastico vivens, nihil per jactantiam, nihil per gloriæ cupiditatem, quod ad legem pertinebat, implevi; & ad istud officium, testis est mihi Deus meus, invitus accessi, in quo cupio quidem sine offensa Dei, quam diu in seculo fuero, permanere. Et nunquam mea statuta, sed apostolica, ut essent semper firmata & custodita, perfeci. Secutus morem ordinemque majorum, nihil addi episcopatus urbis Romæ, nihil minui passus sum; & illam fidem servans, quæ per successionem tantorum episcoporum cucurrit, ex quibus plures martyres extiterunt, illibatam custodiri semper exopto.

4. Denique jam me aperire causam pietati tuæ sollicitudo ecclesiastica atque ipsa devotio persuadet. Significant Orientales, paci nostræ velle conjungi. Quæ est pax, clementissime Imperator, cum sint ex partibus ipsis quatuor episcopi Demophilus, Macedonius, Eudoxius, Martyrius, qui ante annos octo, cum apud Mediolanum Arianæ sententiæ hæreticæ nolissent damnare, de Concilio animis iratis exierunt? Horum si fas est sententiis, quale sit, aut quid periculi habeat, commodare consensum, æquitas & clementia tua poterit æstimare. Non est novum, quod nunc subtiliter & sub occasione nominis Athanasii attentatur. Manent litteræ Alexandri episcopi olim ad Sylvestrum sanctæ memoriæ destinatæ, quibus significavit ante ordinationem Athanasii, undecim tam presbyteros, quam etiam diacones, quod Arianæ hæresim sequerentur, se Ecclesia ejecisse: ex quibus nunc quidam extra Ecclesiam catholicam foris sibi conciliabula invenisse, quibus ac

Georgius in Alexandria per litteras communicare. Quæ ergo pax potest esse, tranquillissime Imperator, si exhibitis episcopi, ut nunc per Italiam factum est, cogantur talium sententiis obedire.

5. Accipe aliud, quia tranquillitas tua patienter admittit. Manent legatorum litteræ, qui ad clementiam tuam fuerant destinati, quæ nuper venerunt: quibus significant, propter turbationem quidem omnium ecclesiarum se quidem ante succumbere sententiis Orientalium voluisse, proposuisse tamen conditionem, ut si fidem Arii hæresim condemnassent, hoc genere inclinati eorum sententiis obedirent. Placitum, ut ipsi significant, scriptura teste firmatur, itur in Concilium: accipiunt cum deliberatione responsa, Arii doctrinam se damnare non posse, Athanasium, quod solum exigebant, communionem esse privandum. Hinc jam clementia tua hoc quoque consideret, recte catholicæ religionis jure servato, an hominis causa debeat diligenter excussequæ tractari.

6. Unde iterum atque iterum mansuetudinem tuam atque animum tuum Deo devotum rogamus per ejus virtutem, qui se in defensione tua, quantus sit, universis mortalibus approbavit, ut habens ante oculos ejus beneficia, qui Imperium tuum in omnibus regit, hæc in cœtu episcoporum diligenter facias omnium cum consideratione tractari: ut pacatis per te Deo favente temporibus, tranquillitate tua consentiente, sic omnia discutiantur, ut quæ fuerint judicio sacerdotum Dei confirmata, cum constiterit omnes in expositionem fidei, quæ inter tantos episcopos apud Nicæam præsentem sanctæ memoriæ patre tuo confirmata est, universos consensisse, cum exemplo possint in posterum custodiri: ut ipse Salvator, qui desuper mentis tuæ propositum intuetur, in tanta rerum expeditione lætetur, causam fidei & pacis etiam Reipublicæ necessitatibus non immerito præposuisse. Ad
exoran-

exorandum igitur mansuetudinem tuam, ut benevolò animo allegationes nostras audire digneris, fratrem & coepiscopum meum sanctum virum Luciferum cum Pancratio presbytero & Hilario diacono placuit proficisci. Quos credimus de clementia tua ad pacem omnium ecclesiarum catholicarum non difficulter posse Concilium impetrare. Dei omnipotentis clementia te nobis custodiat clementissime ac religiosissime Auguste. **Explicit.**

FRAGMENTUM VI.

LIBERIUS, ANTE QUAM AD EXILIUM

„ iret, hanc uniformem epistolam Confessoribus scri-
 „ psit, id est, Eusebio, Dionysio & Lucifero in ex-
 „ ilio constitutis.

I. **Q**uamvis sub imagine pacis, humani generis inimicus vehementius in membra Ecclesiae videatur esse grassatus; vos tamen, acceptissimi in Domino sacerdotes, egregia & singularis fides & hic probabiles Deo ostendit, & jam ad futuram gloriam martyres designavit. Quo itaque praconio laudis, qua vocis exultatione merita virtutis vestrae proferam, positus inter moerorem absentiae vestrae & gaudium gloriae, prorsus invenire non possum: nisi quod scio hinc me probabiliora vobis solatia exhibere, si credatis me in exilium simul vobiscum esse detrusum. Denique me adhuc in ipsa expectatione pendentem, quod a consortio vestro durior necessitas interim distrahit, satis contristor. Optaveram enim, Fratres devotissimi, prior pro omnibus vobis impendi, ut exemplum gloriae per me magis vestra dilectio consequeretur. Sed fuerit haec palma meritorum vestrorum, ut priores de perseverantia fidei ad confessionis illu-

strem gloriam veneritis. Quæso igitur dilectionem vestram, ut me præsentem vobiscum esse credatis, atque eo me affectu absentem non esse sentiat, & intelligatis dolere me satis, quod sim interim a vestro confortio disparatus. Quantam denique gloriam fueritis consecuti, hinc magis scire potestis, quod si, qui in persecutione coronati sunt, solius persecutoris cruentos gladios sentire potuerunt: contra vos, devoti per omnia Dei milites, etiam falsos fratres inimicos experti, de perfidis victoriam pertulistis: quorum quanto in seculo violentia increescere potuit, tanto sanctis sacerdotibus præmia laudis inveniuntur conferre. Estote itaque de promissione cælesti securi.

2. Et quia proximiores eßis Deo effecti, vestris orationibus me vestrum conficerdotem famulum Dei ad Dominum sublevate: ut supervenientes impetus, qui de die in diem, cum annuntiantur, graviora vulnera infligunt, tolerabiliter ferre possim; ut inviolata fide, salvo statu Ecclesiæ catholicæ, parem vobis dignetur me Dominus efficere. Et quia cupio, quæ gesta sunt, in ipsa congressione fidelius scire; obsecro sanctitatem vestram, ut universa fideliter litteris intimare dignemini: ut additamentum majus vel ipse animus, qui diversis rumoribus cruciatur, vel vires corporis ipsius, quæ jam extenuatæ sunt; de cohortatione vestra possint sentire: *Ut aliam manu*, Deus vos incolumes custodiat, Domini Fratres.

ITEM LIBERIUS ANTE QUAM IRET
in exilium, de Vincentio Capuensi ad Cæcilianum episcopum Spoletinum scripsit,

3. Nolo te factum Vincentii ab intentu boni operis revocet, Frater charissime. *Et ad Offium de Vincentii ruina sic dicit:* INTER hæc quia in nullo *conscientiam* tuam debeo præterire, multi ex
Italia

Italia episcopi convenerunt, qui mecum religiosissimum Imperatorem Constantium fuerant deprecati, ut juberet, sicut ipsi placuerat dudum, Concilium ad Aquileiam congregari. Vincentium Capuensem cum Marcello æque ex Campania episcopo legationem nostram suscepisse, Sanctitati tuæ insinuo: de quo multum sperabam, quod & causam optime retineret, & iudex in eadem causa cum sanctitate tua frequenter resedisset; credideram integrum Dei Evangelium sua legatione posse fervari. Non tantum nihil impetravit, sed etiam ipse in illam ductus est simulationem. Post cujus factum, duplici affectus mœrore, mihi moriendum magis pro Deo decrevi; ne viderer novissimus delator, aut sententiis contra Evangelium commodare consensum.

4. „Post hæc omnia, quæ vel gesserat, vel promiserat Liberius, missus in exilium universa in irritum deduxit, scribens prævaricatoribus hæreticis Arianis, qui in sanctum Athanasium orthodoxum episcopum injustam tulere sententiam.

DILECTISSIMIS FRATRIBUS PRESBYTERIS

& coepiscopis Orientalibus Liberius S.

5. Pro deifico timore sancta fides vestra Deo cognita est & hominibus bonæ voluntatis. Sicut lex loquitur: Justa judicate filii hominum, ego Athanasium non defendo: sed quia suscepit illum bonæ memoriæ Julius episcopus decessor meus, verebar, ne forte ab aliquo prævaricator judicaretur. At ubi cognovi, quando Deo placuit, juste vos illum condemnasse, mox consensum commodavi sententiis vestris, litterasque super nomine ejus, (*id est de condemnatione ipsius,*) per fratrem nostrum Fortunatianum dedi perferendas ad Imperatorem Constantium. Itaque amoto Athanasio a communione omnium nostrum, cujus nec

epistolæ a me suscipiendæ sunt, dico me cum omnibus vobis & cum universis episcopis Orientalibus seu per universas provincias pacem & unanimitatem habere.

6. Nam, ut verius sciatis, me vera fide per hanc epistolam ea loqui, dominus & frater meus communis Demophilus, qui dignatus est pro sua benevolentia fidem vestram & catholicam exponere, quæ Sirmio a pluribus fratribus & coepiscopis nostris tractata, exposita & suscepta est (*Hæc est perfidia Ariana, hoc ego notavi, non apostata. Liberius sequentia.*) ab omnibus, qui in præsentî fuerunt; hanc ego libenti animo suscepi, (*Anathema tibi a me dictum, Liberi & Jacis tuis*) in nullo contradixi, consensum accommodavi, hanc sequor, hæc a me tenetur. (*Iterum tibi anathema & tertio, prævaricator Liberi.*) Sane petendam credidi sanctitatem vestram, quia jam pervidetis in omnibus me vobis consentaneum esse, dignemini communi consilio ac studio laborare, quatenus de exilio jam dimittar, & ad sedem, quæ mihi divinitus credita est, revertar.

7. „Perfidiam autem apud Sirmium descriptam,
 „quam dicit Liberius catholicam, a Demophilo sibi
 „expositam, hi sunt, qui conscripserunt: Narcissus,
 „Theodorus, Basilus, Eudoxius, Demophilus, Cero-
 „cropius, Silvanus, Ursacius, Valens, Evagrius,
 „Hyrenius, Exuperantius, Terentianus, Bassus,
 „Gaudentius, Macedonius, Marthus, Acticus, Ju-
 „lius, Surinus, Simplicius & Junior, (requirendum)
 „omnes hæretici.

ITEM LIBERIUS DE EXILIO

Ursacio, Valenti & Germinio.

8. Quia scio vos filios pacis esse, diligere etiam concordiam & unitatem Ecclesiæ catholicæ; idcirco
 non

non aliqua necessitate compulsus, Deo teste dico, sed pro bono pacis & concordiae, quæ martyrio præponitur, his litteris convenio vos, domini fratres charissimi. Cognoscat itaque prudentia vestra, Athanasium, qui Alexandrinæ ecclesiæ episcopus fuit, a me esse damnatum prius, quam ad Comitatum sancti Imperatoris litteras Orientalium destinarem episcoporum, & ab ecclesiæ Romanæ communione esse separatum, sicuti teste est omne presbyterium Romanæ ecclesiæ. Sola hæc causa fuit, ut tardius viderer de nomine ipsius litteras ad fratres & coepiscopos nostros Orientales dare, ut legati mei, quos ab urbe Roma ad Comitatum direxeram, seu episcopi, qui fuerant deportati, & ipsi una cum his, si fieri posset, de exilio revocarentur.

9. Et hoc etiam scire vos volo, quod fratrem Fortunatianum petii, ut cum litteris meis ad clementissimum Imperatorem Constantium Augustum pergeret, petere ut bono pacis & concordiae, in qua pietas ejus semper exultat, me ad ecclesiam mihi divinitus traditam jubeat reverti: ut temporibus ipsius Romana ecclesia nullam sustineat tribulationem. Me autem cum omnibus vobis episcopis Ecclesiæ catholicæ pacem habere, his litteris meis æquo & simplici animo scire debetis, fratres charissimi. Magnum solatium enim vobis in die retributionis acquiretis, si per vos pax ecclesiæ Romanæ fuerit reddita. Scire autem per vos volo etiam fratres & coepiscopos nostros Epictetum & Auxentium, pacem me & communionem ecclesiasticam cum ipsis habere: quos credo gratanter hæc suscepturos. Quicumque autem a pace & concordia nostra, quæ per orbem terrarum, volente Deo, firmata est, dissenserit; sciat se separatum esse a nostra communione. *Prævaricatori anathema una cum Arianis a me dictum.*

ITEM

S. HILARI

ITEM DE EXILIO LIBERIUS

Vincentio.

10. Non doceo, sed admoneo sanctum animum
tuum, frater charissime, eo quod colloquia mala mo-
res bonos corrumpunt. Insidiæ hominum malorum bene
tibi cognitæ sunt, unde ad hunc laborem perveni:
& ora, ut det Dominus tolerantiam. Dilectissimus
filius meus Urbicus diaconus, quem videbar habere
solatium, a me per Venerium agentem in rebus sub-
stitutus est.

11. Sanctitati tuæ significandum credidi, merda
contentione illa a nomine Athanasii recessisse, & ad
fratres & coepiscopos nostros Orientales litterarum de-
disse de super nomine ejus. Unde quia, Deo volente,
& pax vobis ubique est, dignaberis convenire epi-
scopos cunctos Campaniæ, & hæc illis insinuare, &
ex ipsorum numero una cum epistola vestra, de una-
nimitate nostra, & pace ad clementissimum Imperato-
rem scribere, quo possim & ego de tristitia magna libera-
ri. *Ex manu ipsius, Deus te incolumem custodiat, frater.*
Item manu ipsius pagina perscripta: Cum omnibus epi-
scopis Orientalibus pacem habemus, & vobiscum
ego. Me ad Deum absolvi, vos videritis: si volu-
eritis me in exilio deficere, erit Deus iudex inter me
& vos.

FRAGMENTUM VII.

INCIPIT EXEMPLUM EPISTOLÆ

Constantii Imperatoris ad episcopos Italos, qui in
Ariminensi Concilio convenerant.

Victor Constantius maximus triumphator semper
Augustus episcopis.

1. *C*ontinent priora instituta, Venerabiles, sancti-
moniam legis rebus ecclesiasticis niti. Satis
super-

superque perspeximus litteris ad nostram prudentiam datis, iisdem oportere operam dare: cum profecto & episcoporum id officio congruat, & salus omnium longe lateque populorum hoc fundamine roboretur. Sed res admonuit instituta rursus existere. Non enim aliquis definita geminari superfluum judicabit, cum crebra consueverit admonitio augere cumulum diligentiae. His ita se habentibus, de fide atque unitate tractari debere cognoscat sinceritas vestra, & operam dare, ut ecclesiasticis rebus ordo competens præbeatur. Discurret namque cunctorum prosperitas ubique populorum, & concordia fida servabitur, cum penitus amputatis nec hujusmodi quaestionibus cunctis sectando commoverit.

2. Res ista non debet ita intentionem animi longius propagare: non enim de Orientalibus episcopis in Concilio vestro patitur ratio aliquid definiri. Proinde super his tantum, quæ ad vos pertinere cognoscit gravitas vestra, tractare debetis: & completis celeriter universis, consentiente consensu decem mittere ad Comitatum meum, ut prudentiæ vestræ prioribus litteris intimavimus. Prædicti enim poterunt omnibus, quæ eisdem Orientales proposuerint respondere, vel tractare de fide; ut exitu competenti omnis quaestio terminetur, & ambiguitas sopiatur. Quæ cum ita sint, adversus Orientales nihil statuere vos oportet: aut si aliquid volueritis contra eosdem prædictis absentibus definire; id, quod fuerit usurpatum, irritum evanescet effectu. Non enim illa vires habere poterit definitio, cui nostra statuta testantur jam nunc robur, & copiam denegari. Quæ cum ita sint, moderatione religionis venerabilibus antistitibus consentanea debetis veneranda perficere; ut id, quod religio postulat, explicetur, & quod audiri prohibet, nullus usurpet. Divinitas vos servet per multos annos, Parentes K. Dat. vi. Kalend. Junias Eusebio & Ypatio consil.

INCL.

INCIPIT DEFINITIO CATHOLICA,

„habita ab omnibus catholicis episcopis, prius quam
 „per terrenam potestatem terri hæreticorum con-
 „sortio sociarentur, in Concilio Ariminensi.

3. Sic credimus placere omnibus posse catholicis, a symbolo accepto nos recedere non oportere, quod in collatione apud omnes integrum recognovimus; nec a fide recessuros, quam per prophetas, a Deo patre per Christum Dominum nostrum docente Spiritu sancto, & in Evangeliiis & in Apostolis omnibus suscepimus, ut per traditionem patrum secundum successionem Apostolorum usque ad tractatum apud Nicæam habitum contra hæresim, quæ tunc temporis exsurrexerat, positum nunc usque permanet. Quibus omnibus nec addendum aliquid credimus, nec minui posse manifestum est. Placet ergo nihil novum fieri: substantiæ quoque nomen & rem, a multis sanctis Scripturis insinuatam mentibus nostris, obtinere debere sui firmitatem. Quam rem cum suo nomine Ecclesia catholica cum doctrina deifica semper confiteri & profiteri consuevit. Huic definitioni omnes in unum catholici conspirantes subscripserunt.

4. „Eodem in Concilio post quam statutum est
 „nihil debere paternam minui traditionem, etiam
 „qui contra hanc veniebant, omnium in unum con-
 „spirantium spiritali voce sunt damnati, Cujus tra-
 „ctatus hoc est exemplum.

EUSEBIO ET YPATIO CONSS.

XII. Kal. Augusti.

Cum apud locum Ariminensem episcoporum synodus fuisset collecta, & tractatum fuisset de fide, & sedisset animo, quid agi deberet, Grecianus episcopus a Callè dixit: Quantum decuit, Fratres charissimi, catholica synodus patientiam habuit, & piam Eccle-
 siam

siam totiens exhibuit juxta Ursacium & Valentem, Germinium, Gajum; qui totiens mutando, quod crediderant, omnes ecclesias turbaverunt, & nunc conantur hæreticum animum suum inferere animis Christianis. Subvertere enim volunt tractatum habitum apud Nicæam, qui positus est contra Arianam hæresim & ceteras. Attulerunt nobis præterea conscriptam a se fidem, quam recipere nos non licebat. Jam quidem hæretici antehac nobis pronuntiati sunt, & multis diebus est comprobatum: quos & ad nostram communionem non admisimus, voce nostra damnantes eos præsentis. Nunc iterum quid vobis placet, iterum dicite, ut singulorum subscriptione firmetur. Universi episcopi dixerunt: Placet ut hæretici SS. damnentur, quo possit Ecclesia fide inconcussa, quæ vere catholica est, in pace perpetua permanere.

APPENDIX SUPERIORIS FRAGMENTI.

Damnatio blasphemiae Arii, & expositio integræ & catholicæ fidei, quam catholici in tractatu Ariminensi firmaverunt, & manu sua subscripserunt.

Blasphemiae Arii licet ante hac fuerunt damnatae, latebant tamen occultae; quia eum blasphemasse ignorabatur. Verum favente Deo procuratum est, ut constitutis nobis apud Ariminum ejus pestifera hæresis repeteretur. Et ideo simul cum ejus blasphemiiis omnes quoque hæreses, quæ antehac exsurrexerunt contra catholicam & apostolicam traditionem, sicut jam dudum damnatae sunt præteritis Conciliis & diversis in locis, nos quoque damnamus: & anathematizamus eos, qui dicunt filium Dei de nullis extantibus, & de alia, & non de Deo patre natum Deum verum de Deo vero. Et si quis Patrem & Filium duos Deos, hoc est, non nota duo principia dixerit, & non Patris & Filii unam Deitatem profiteatur, anathema sit.

Si

Si quis & filium Dei creaturam vel facturam dicentem anathema sit. Si quis Deum patrem ipsum de Mariæ Virgine natum, eundemque patrem & filium dixerit, anathema sit. Si quis filium Dei de Mariæ initium fuisse dixerit, vel fuisse tempus, quando non erat filius, anathema sit. Si quis filium Dei non vere inenarrabiliter de Deo patre natum, sed adoptivum filium dixerit, anathema sit. Si quis filium Dei aut temporalem, aut hominem solum, & non ante omnia secula de Deo patre natum profiteatur, anathema sit. Si quis Patris & Filii & Spiritus sancti unam personam aut tres substantias divinas dixerit, & non perfectæ Trinitatis unam Deitatem profiteatur, anathema sit. Si quis filium Dei esse ante omnia quidem secula, & non ante omne omnino tempus, ut ei tempus assignet, anathema sit. Si quis creata omnia non per Verbum, sed sine eo vel ante eum facta dixerit, anathema sit. Si qui autem aliæ blasphemix Arii vel cujuslibet reptæ fuerint, similiter anathematizamus.

FRAGMENTUM VIII.

SEQUITUR EPISTOLA ARIMINENSIS

Concilii ad Constantium Imperatorem, ubi episcopi prævaricati sunt a fide vera.

Beatissimo & gloriosissimo Augusto Constantio,
synodus Ariminensis.

1. **J**ubente Deo ex præcepto pietatis tuæ credimus fuisse dispositum, ut ad Ariminensium locum ex diversis provinciis Occidentalium episcopi veniremus, ut fides claresceret omnibus Ecclesiis catholicis, & hæretici noscerentur. Dum enim omnes, qui *recte sapiamus*, contractaremus; placuit quidem, ut
fidem

fidem ab antiquitate perseverantem, quam per Prophetas, Evangelia & Apostolos, per ipsum Deum & Dominum nostrum Jesum Christum salvatorem Imperii tui & largitorem salutis tuæ, quam semper obtinimus, teneamus. Nefas enim duximus, sanctorum aliquid mutilare, & eorum, qui in Nicæno tractatu confederant una cum gloriosæ memoriæ Constantino patri pietatis tuæ. Qui tractatus manifestatus est, & insinuatus mentibus populorum, & contra hæresim Arianam tunc positus invenitur, ut hæreses inde sint expugnatae: a quo si aliquid demtum fuerit, venenis hæreticorum aditus panditur.

2. Ideo Ursacius & Valens in suspicionem ejusdem hæreseos Arianæ venerunt aliquando, & suspensi erant a commuione: & rogaverunt veniam, sicut eorum continent scripta; quam meruerant tunc temporis a Concilio Mediolanensi assidentibus etiam legatis Romanæ ecclesiæ. Constantino præsentem in hoc, cum magno examine fuisset conscriptum, quod tenens baptizatus ad quietem Dei commigravit; nefas putamus inde aliquid mutilare, & tot sanctos & confessores & successores martyrum ipsius tractatus conscriptores in aliquo remove; cum & ipsi præteritorum catholicorum secundum scripturas cunctas servaverunt, mansisseque in hæc tempora, quibus pietas tua a Deo patre per Deum & Dominum nostrum Jesum Christum regendi orbis accepit. Tunc etiam conabantur convellere, quod fuerat positum ratione. Etenim cum pietatis tuæ litteræ jusserunt tractari de fide, offerebatur nobis a supradictis turbatoribus Ecclesiarum, associato Germinio & Gajo, novum nescio quid considerandum, quod multa perversæ doctrinæ continebat, adeo cum videretur displicere, quod offerebant publice in Concilio, putaverunt aliter esse conscribendum. Equidem hæc brevi tempore sæpe mutasse, manifestum est. Et ne Ecclesiæ frequentius

porturbentur, placuit instituta vetera rationabilia servari. Ad instruendam igitur tuam clementiam . . . , quibus hoc ipsum solum mandamus, ut non aliter legationem perferrent, quam statuta vetera permanerent firmissima: ut & sapientia tua cognosceret, non hoc, quod promiserant supradicti Valens & Ursacius, Germinius & Gajus, si sublatum fuisset, pacem posse compleri. Magis enim turbatio cunctis regionibus, & ecclesie Romanæ immissa est.

3. Ob quam rem tuam rogamus clementiam, ut placidis auribus & sereno vultu universos legatos nostros & respicias, & audias, neve aliquid permittat clementia tua injuria veterum convelli; sed manere ea, quæ a majoribus nostris accepimus, quos fuisse & prudentes, & sine Spiritu sancto Dei non egisse confidimus: quia ista novitate non solum fideles populi perturbati sunt, verum etiam infideles ad credulitatem vetantur accedere. Oramus etiam, ut præcipias tot episcopos, qui Arimino detinentur, inter quos plurimi sunt, qui ætate & paupertate defecti sunt, ad suam provinciam remeare: ne destituti suis episcopis laborent populi ecclesiarum. Hoc etiam frequentius postulamus, ut nihil innovetur, nihil minuat; sed maneant incorrupta, quæ patris sanctæ pietatis tuæ temporibus & tuis religiosis seculis permanserunt. Nec jam nos fatigari aut convelli a sedibus nostris tua sancta prudentia permittat: sed quieti vacent semper postulationibus, quas habent semper & pro salute tua, & pro regno tuo, & pro pace, quam tibi divinitas pro meritis tuis profundam & perpetuam largiatur. Legati autem nostri & subscriptiones & nomina episcoporum vel legatorum perferent, sicut idem alia scriptura instruit tuam sanctam religionemque prudentiam.

4. „ Cum hac epistola integræ fidei subscribentes
episcopi catholici miserunt decem legatos ad Imperatorem.

„ ratorem. Nihilo minus & pars hæreticorum misit
 „ ex suo corpore decem legatos. Qui ubi venerunt
 „ ad Imperatorem, suscepti sunt; ita ut legati catho-
 „ licorum non susciperentur, atque longa dilatione
 „ fatigati, & minis Imperatoris perterriti, damna-
 „ verint integram fidem, quam antea defendebant,
 „ & susceperint perfidiam, quam ante damnaverunt.
 „ Hoc ita esse, ex subjectis invenies.

„ GESTA, UBI PRÆVARICATI SUNT
 „ episcopi legati a fide vera, incipiunt.

Eusebio & Ypatio consl. vi. idus Octobris.

5. Cum confedissent episcopi mansionis Nicææ,
 quæ antehac Ustodizo vocabatur, in provincia Thra-
 cia, Restitutus, Gregorius, Honoratus, Athenius,
 Iginus, Justinus, Priscus, Primus, Taurinus, Lu-
 cius, Mustacius, Urbanus, Honoratus, Solutor;
 Restitutus episcopus Carthaginis dixit: Scit prudentia
 vestra, confacerdotes sanctissimi, quod cum apud
 Ariminum de fide tractatus haberetur, contentio sic
 dissidium fecerat, ut de sacerdotibus Dei, immittente
 diabolo, discordia fieret; atque exinde factum fuerit,
 ut in fratres nostros, ego Restitutus & pars episco-
 porum, quæ sequebatur, Ursacium, Valentem, Ger-
 minium & Gajum quasi in auctores mali intellectus,
 sententiam promeremus, id est, ut a nostra commu-
 nione segregarentur.

6. Sed quia in cominus positi universa tractavi-
 mus, & universa discussimus, invenimusque, quod
 nulli displicere debeat, id est, fidem in his catholi-
 cam juxta professionem suam, cui & nos subscripsi-
 mus omnes, neque umquam hæreticos fuisse: & ideo
 quia pacis concordia apud Deum res est maxima, pla-
 cuit, ut communi consensu nostro omnia, quæ apud
 Ariminum tractata sunt, in irritum deducantur, &

communio eorum, Deo favente, integra conveniret, neque quisquam in diffidium remaneat, quod eos aut maculare possit aut debeat. Et ideo, ut dixi, quia presentes sumus, unusquisque debet dicere, an dictum sit, quod prosecutus sum, & manu sua subscribere. Ab universis episcopis dictum est: Placet, & subscripserunt.

7. „ Quæ sit autem fidei confessio, cui postea „ subscripserunt, quam etiam Valens secum in Ariminum pertulit, ex infra scripto recognosces. Explicit.

FRAGMENTUM IX.

INCIPIT EXEMPLUM FIDEI EPISTOLÆ

missæ ad Constantium Imperatorem a perfidis episcopis.

Domino merito gloriosissimo, victoriosissimo Augusto Constantio synodus Ariminensis Orientalibus consentiens, id est, *Migdonius, Megafius, Valens, Epitectus, & ceteri, qui hæresi consenserunt.*

1. **I**llustrati pietatis tuæ scriptis, maximas Deo retulimus & referimus gratias, quod nos beaveris, intimans nobis illa, quæ cum discursione pietatis tuæ facere deberemus, ne quis *usia* vel *homoufi* nomina Ecclesiæ Dei ignota aliquando nominet, quod scandalum inter fratres facere solet; plurimum gratulati sumus, quia id, quod tenebamus, recognovimus. O nos beatos, quibus occurrit tanta felicitas, ut cognitione tuæ pietatis ceteris, qui hæc nomina pro Deo & Dei filio assumere solent, modum acceperint revicti! Nos igitur reddentes obsequium clementiæ tuæ, quod coram veritatis status eluxit: quæ, quod *nesciat vinci, & obtinuit victoriam; ut indignum Deo nomen,*

nomen, quod nusquam in legibus sanctis scriptum est, jam a nullo dicatur.

2. Unde oramus pietatem tuam, quoniam in eo loco, ubi synodus gesta est, unde responsum per nostros legatos dedimus, adhuc detinemur, jubeat nos, qui integram in Orientalibus doctrinam retinemus, jam ad nostras plebes dimitti: ut ex hac parte appareant amatores veritatis, qui Deo non mutant nomen; nec cum eis, qui perversa doctrina infecti sunt, diutius nos, qui veritatem catholicam tenemus, detineamur. Unde impense oramus, domine, pietatem tuam ante Deum patrem, & Dominum Jesum Christum Deum & Dei filium, facias nos, qui subscripsimus sanæ doctrinæ, recedentes ab *usia* nomine, te imperante, & jubeas nos ad nostras plebes dimitti; ut lætetur Ecclesia, quæ immutare nomina Dei & filii ejus non admittit in totum, imperio tuæ virtutis & gloriæ: cui tantum divinitas contulit, ut apparet dicationis sacri-legis jam *usia* & *homoufi* nomina recedant, quæ in divinis Scripturis de Deo & Dei filio non inveniuntur scripta.

3. Subveni, pie imperator, Dei summi cultoribus: subveni eis, qui per Christum Dei filium Deum patrem omnipotentem orant: subveni eis, qui judicio tuo devotas offerunt aures, qui nesciunt colere nisi Deum patrem per Dominum nostrum Jesum Christum gloriæ ejus filium. Et præcipue, domine Imperator, ad nostras nos plebes remeare datis litteris ad v. c. præfectum prætorii Taurum: quia & nos, in prædicatione nominis Dei, Orientalibus & tuæ dispositioni plenum reddidimus obsequium. In hac re, in qua semper tenuimus, jam ad nostras plebes redire debemus. De hac autem re ad episcopos nostros Orientales litteras dedimus, ut sciant hoc semper tenuisse, & in fide catholica cum ipsis permanere. Divina pietas te gloriosissimum semper & ubique per omnia

H 3 faciat,

Sciet vindictam, domine piissime Imperator. Explicit.

FRAGMENTUM X.

**EXEMPLUM EPISTOLÆ ORIENTALIUM
episcoporum, quam reversis ab Arimino legatis de-
derunt.**

**Dilectissimis fratribus Ursacio, Valenti, Magdonio,
Megasio, Gajo, Justino, Optato, Martiali, & ce-
teris Ariminensis synodi legatis, Sylvanus, Sophro-
nius, Neo, Herodianus, Patricius, Helpidius, Theo-
philus, Theodorus, Eumacius, Didimion, Ecdicius,
Arsenius, Passinicus, Valentinus, Eucarpus, Le-
ontius, Eortasius, & Macarius in Domino
Salutem.**

**1. Unitati & veræ paci studentes, & ex synodi man-
dato hæresi renitentes, manifesta fieri vobis
ea, quæ circa Ecclesiam aguntur, justum putavimus;
ne ignoratio vos socios tantæ impietatis efficeret. Et
quamquam non cessare vos arbitremur, non sine to-
tius synodi legatis, episcoporum scilicet numero fere
multo amplius centum, nunc usque ingressu hujus
ecclesiæ nosmetipsos abstinere: ob quod instructos
etiam vos esse volumus, ne penitus dominans jam
intra Ecclesiam hæresis invalescat, quæ Dominum no-
strum Jesum Christum vere filium Dei unigenitum,
Deum de Deo, Patri similem ausa est denegare: ita
ut quæ prædicationes blasphemix de unigenito Deo
& sentiantur ab his, & prædicentur, cognitum habe-
retis. Nam & piissimo Imperatori Constantio hoc
ipsum probavimus, & anathematizari hæc omnia com-
motus religiosissime voluit. Dolus autem nunc præ-
para-**

paratur, ut Aetius auctor hujus hæresis ipse potius, quam hæc impietatis dicta damnentur; magisque in hominem, quam in doctrinam, sententia lata esse videatur. Monemus ergo vos, Fratres, ut hæc diligenter retractetis; detisque operam, ut fides catholica maneat. Ceterum non ambigit Charitas Vestra, universa ita, ut geruntur, Occidentalibus esse ecclesiis nuntianda. Optamus vos, Fratres, in Domino bene valere.

2. „ His itaque sumtis, quibus & commemoratæ
 „ superius blasphemiae subnexæ erant, calumnia in
 „ eum, qui suscepit, intenditur: & tantus detectæ
 „ fraudulentiae suæ hypocritas furor subiit, ut periculum
 „ depositionis in eos constituerent. Qui convictæ conscientiae dolor est, deterreri quemquam
 „ agnitione veritatis? Si liber iste Valentis & Ursacii non est fidei vestræ; quid ejus damnationi non
 „ acquiescitis? Anne non publico humani generis
 „ assensu inter omnes convenit, venenum malum esse,
 „ & cædem innocentis crimen esse, & impietatem in
 „ dominum horrorem esse? Sed quisque hæc delata
 „ non damnat, necesse est eorum sese studii socium
 „ profiteatur: quia nemo est, qui non, & quæ oderit,
 „ coarguat, & quæ non coarguit, probet. Post
 „ synodum enim Seleuciensem, Constantinopolim venientes,
 „ quid est, quod statim damnatis hæreticis
 „ vos jungitis? Non differtis in aliquo tempus ad
 „ undi, neque de prudentis ratione consilii aliquam
 „ vobis moram ad percunctandum impenditis. Adeunt
 „ deinde vos non communicantes episcopis synodi
 „ legati Orientales, gesta omnia edocent, damnatam
 „ quoque hæresim demonstrant: nonne oportuisset
 „ vos saltem vel nunc abstinere, & cunctarum
 „ disceptationum tenorem arbitrio reservari? Sed
 „ nescio, cujus voluntatis vestræ conscientia recti
 „ iudicium non recepistis. Vestris enim statim ag-

regno cœlorum granum sinapi & fermentum & fæ-
 gena. Sed percurrere vestræ hypocrisis mendacia
 otiosum est: clamant enim adversum vos impieta-
 tis vestræ opera.

4. „ Servus, ne dicam bonus, sed certe tolera-
 bilis, contumeliam domini invitus audit, & si li-
 cet, ulciscitur; miles regis sui periculum, etiam
 objectu corporis sui & contemptu animæ, depellit;
 canes ipsi ad custodiam domus habitû, quodam sensu
 naturæ intelligentes oblatrant, & ubi quædam eos
 adventantium aura contigerit, totis ad suspicionem
 ipsam saltibus efferuntur. Vos audistis Christum
 verum Dei filium & unigenitum Deum: negare re-
 putamini, & quiescitis. Quid quievisse dico? Ob-
 nitimini reclamantibus, & aggregamini obstrepentibus.
 Parum istud est. Ex bibliotheca etiam vestra
 ad prædicationem impietatis arma sumuntur:
 & bellum adversus Deum præsidiis vestris initur.
 Ubi igitur vestra professio apud Nicæam Thraciæ,
 qua dixistis omnes hæreses damnatas esse? Et in lu-
 men falsitas vestra protracta est: professionis vestræ
 noctem Sol justitiæ prædicatoribus suis prodidit.
 Probatis enim hæc, & damnatis, & ad hæreticos transitis.
 Ita, quod antea ad fraudem hominum fefellistis,
 nunc ipsam ad professionem professi in Deum Christum odii prodidistis.

FRAGMENTUM XI.

„INCIPIT FIDES CATHOLICA

„ exposita apud Fariseam civitatem ab episcopis Gal-
 „ licanis ad Orientales episcopos.

Dilectissimis & beatissimis consacerdotibus episcopis
 Orientalibus omnibus per diversas provincias in
 Christo manentibus, Gallicani episcopi salutem.

1. *O*mnium quidem vitæ nostræ fideique sensu gratiâ
 Deo patri per Dominum nostrum Jesum Chri-
 stum

nam confitemur, quod nos in lumine scientiæ confessionis suæ, doctrinis & prophetis & apostolicis collocavit, ne secularis imperitiæ tenebris detenti, iudicio seculi teneremur: cum sola spes sit plenissima ad salutem, Deum patrem omnipotentem per unigenitum ejus Dominum Jesum Christum in sancto Spiritu confiteri. Sed plane non minor quotidie gratulationis nostræ causa cumulatur, quod liberans nos ab errore mundi, nunc etiam inexplabili hæreticorum admisceri non patitur societati. Ex litteris enim vestris, quas dilecto fratri & confacerdoti nostro Hilario direxistis, fraudem diaboli & conspirantia adversus Ecclesiam Domini hæreticorum ingenia cognovimus, ut divisi in partibus Orientis atque Occidentis, diversis invicem opinionibus falleremur. Nam plures numero, qui aut Arimini, aut Nicææ adfuerunt, sub auctoritate vestri nominis ad usæ silentium sunt coacti: quod verbum a vobis quondam contra Ariomanitarum hæresim inventum, a nobis semper sancte fideliterque susceptum est.

2. Nam homousion sermonem ad veram & legitimam ex Deo patre unigeniti Dei nativitatem sumus amplexi, detestantes secundum Sabellii blasphemias ipsam unionem, neque aliquam partem Patris esse Filium intelligentes; sed ex toto atque perfecto innascibili Deo, totum atque perfectum unigenitum Deum natum, unius a nobis idcirco vel usæ, vel substantiæ cum Deo patre confessum, ne creatura potius, aut adoptio, aut appellatio videretur. Et quia ex ipso esset, ut ex patre filius, ut ex Deo Deus, ut ex virtute virtus, ut ex spiritu spiritus, ut lumen ex lumine: similitudinem quoque ejus ad Deum patrem non inviti audientes; (quippe cum imago invisibilis Dei sit,) sed eam solam similitudinem dignam *ad patrem* intelligentes, quæ veri Dei sit ad Deum *verum: ita ut non unio divinitatis, sed unitas intel-*
ligatur;

ligatur; quia unio sit singularis, unitas vero secundum nativitatis veritatem plenitudo nascentis sit: maxime cum Dominus ipse Jesus Christus ad discipulos suos sit professus, dicens: Ego & Pater unum sumus; quo non solum charitatem, quæ ad Patrem est, sed & divinitatem, quæ Dei ex Deo est, significat; secundum illud: Qui me vidit, vidit & Patrem; &, Si mihi non vultis credere, vel operibus meis credite; quia Pater in me est, & ego in Patre.

3. Hanc igitur fidem semper tenentes, & tenebimus, detestantes quoque eos, qui dicunt: *Non erat ante, quam nasceretur*; non quod unigenitum Deum innascebilem prædicemus, sed quod impium sit maxime, Deo temporum tempus aliquod anteferre; cum ipsum illud, *ante, quam nasceretur, non fuit*, sit temporis. Sed & obedientem quoque Patri Filium etiam usque ad mortem crucis, secundum infirmitatem adsumti hominis, non negamus: cum ipse de ascensu suo ad cælos locutus sit. Si diligeretis me, gauderetis, quia vado ad Patrem; quia Pater major me est, per cujus carnis susceptionem nos sibi fratres connumerare dignatus est, cum in forma Dei manens, forma servi esse voluit.

4. Itaque, Charissimi, cum ex litteris vestris in usæ silentio fraudem se passam simplicitas nostra cognoscat; etiam pietatem eorum, qui Arimino-Constantinopolim reverterunt, conventos, sicut epistola vestra contenta testatur, neque eos ad tantarum blasphemiarum damnationem potuisse compellere, fidelis dominici nominis prædicator frater noster Hilarius nuntiaverit: nos quoque ab his omnibus, quæ per ignorantiam perperam gesta sunt, referimus: Auxentium & Ursacium ac Valentem, Gajum, Megasium & Justinum excommunicatos habemus secundum litteras vestras: & certe, ut diximus, juxta fratris nostri Hilarii professionem, qui se pacem cum his, qui ho-
rum

reus fecerentur errores, habiturum negavit: blasphemias quoque omnes, quas litteris vestris subiecistis, damnamus, maximeque eorum sacerdotes apostatas respicientes, qui in fœra fratrum indignissime exulantium, quorundam aut ignorantione, aut impietate sunt substituti: pollicentes hæc coram Deo atque etiam confitentes, ut quisque his, quæ statuimus, intra Gallias putaverit renitendam, a communione ac sede sit sacerdotii abjiciendus. Neque enim, ut alias, aut occasionem prædicandi non damnando permittens, aut contra Deum & Christi unigeniti Dei majestatem aliter, quam nos de hominibus significatione sentimus, obnitens, dignus erit sanctitatis sacerdotii nominis judicandus: a quo etiam Saturninum, qui statutis salubribus impiissime contradicit, secundum fratrum nostrorum geminas jam litteras excommunicatum ab omnibus Gallicanis episcopis Charitas Vestra cognoscat: quem & vetera dissimulata (jam diu licet) crimina, & cetera edita epistolis suis novæ temeritatis irreli-
giositas indignum episcopi nomine esse fecerunt.

Explicit fides catholica exposita apud Fariseam civitatem ab episcopis Gallicanis ad Orientales episcopos.

INCIPIT EPISTOLA EUSEBII

ad Gregorium episcopum Spanensem.

Domino sanctissimo fratri Gregorio episcopo Eusebius
in Domino salutem.

5. Litteras sinceritatis tuæ accepi, quibus, ut decet episcopum & Dei sacerdotem, transgressori te Officio didici restitisse, & plurimis cadentibus Arimino in communicatione Valentis & Ursacii & ceterorum, quos ipsi, agnito blasphemie crimine, ante damnaverunt, assensum denegasse, fidem scilicet servans, quam patres Niceani scripserunt. Gratulamur tibi

in

in hoc, gratulamur & nobis, quia hoc, cujus proposito & hac fide pollens nostri dignatus es meminisse. Permanenti autem tibi in eadem confessione, & nullam cum hypocritis retinenti societatem, nostram tibi communicationem promitte. Quibus potes tractatibus, quanto labore prævales, transgressores objurga, infideles increpa, nihil metuens de regno seculari, ut fecisti: quia potior est, qui in nobis est, quam qui in hoc mundo. Nos vero tui confacerdotes tertio laborantes exilio, hoc dicimus, quod manifestum esse putavimus: quoniam omnis spes Ariomanitarum non in sua aut linito consensu, sed in protectione pendet regni secularis: ignorantes scripta, quia maledicti sunt, qui spem habent in hominem. Nostrum autem adjutorium in nomine Domini, qui fecit cælum & terram. In passionibus perdurare cupimus, ut, secundum quod dictum est, in regno glorificari possimus. Dignare nobis scribere, quid malos corrigendo profeceris, vel quantos fratres aut stantes agnoveris, aut ipse monendo correxeris. Salutant te omnes, qui tecum sunt, maxime Diaconus: simulque petunt, ut cunctos lateri tuo fideliter adhærentes nostro digneris obsequio salutare.

Explicit epistola Eusebii ad Gregorium episcopum Spanensem.

FRAGMENTUM XII.

„INCIPIT EXEMPLUM EPISTOLÆ
„ Liberii episcopi urbis Romæ, factæ ad catholicos
„ episcopos Italiæ.

Liberius episcopis catholicis per Italiam consistentibus, in Domino æternam S.

1. Imperitiæ culpam oblitterat resipiscens. Hoc autem & de Scripturis sanctis advertere est. *Pietatem*

tatem ad omnia utilem esse legimus, cui cedit corporalis exercitatio, quamvis & ipsa utilitatis retineat fructus: quam sectandam nobis etiam ratio temporis præsentis exposcit. Non enim si aliqui forte, qui hoc studii gerunt, ratione provisam destruere impudenter sæviori censura; hoc æstimaverint & novare, quod jam ex apostolica auctoritate munitum est de pietate, cum dictum est, non esse parcendum his, qui apud Ariminum ignorantes egerunt, quibus nescire illicitum, fuit captum errori incidere, idcirco veritas repedanda est. Sed mihi, cui convenit omnia moderate perpendere, maxime cum & Ægyptii omnes & Achivi accusati sententiam receperunt multis, parcendum quidem his, de quibus supra tractavimus, auctores vero esse damnandos, qui obliqua & maligna subtilitate & caligine offenderunt innocentium sensus, per quæ velamen obducerent veritati, tenebras lucem, & lucem tenebras venditantes.

2. Igitur si quis ignorationis captum resipiscens sermonis nostræ advocationis brevissima illud virus in se pestiferum Ariani dogmatis subdolum ac tenebrosum fuerat expertus, reparatus exhauriat, condemnet, vehementiusque in auctores ejus insæviat, quos in se violentos expertus est, totumque se fidei apostolicæ & catholicæ usque ad Nicænæ synodi conventum de integro mancipet. Per quam professionem, etiamsi quibusdam leve & remissum videtur, recuperet id, quod per astutiam rectitatis amiserat. Verum si aliquis tam stolidæ mentis, quod haud credo, fuerit inventus, qui non solum nolit converti antidotum recipiens sanitatis; venenum virusque noxius sese vindicare crediderit: & ratione vincetur, & auctori perfidiæ perditæ deputatus, Ecclesiæ catholicæ spiritali vigore plectetur.

ITEM

ITEM EXEMPLUM EPISTOLÆ
episcoporum Italiæ.

Dilectissimis fratribus per Illyricum fidem paternam retinentibus, episcopi Italiæ in Domino æternam S.

3. Divini muneris gratia, ut secundum Apostolum omnes unum sapere, omnes unum confiteri cœperimus. Et quantum ad Italiam quidem pertinet, cum fidei paternæ, hoc est, apud Nicæam scriptæ se reddidit, fraudem, quam passa est apud Ariminum, recognoscens: Illyricum etiam Deum clementi nutu respexisse gaudemus; & consortio infidelitatis, quo gravabatur, abjecto, ea, quæ sunt rectæ sententiæ, probare cœpisse gratulamur. Nostram igitur, dilectissimi Fratres, unam eandemque accipite firmam subscriptione sententiam. Nicæni tractatus adversus Arium Sabelliumque, cujus Photinus partiaria hæretate damnatur, decreta servamus. Ariminensis Concilii statuta quorundam tergiversatione corrupta, consensu omnium provinciarum, jure rescindimus: quorum etiam exemplaria transmittenda censuimus, ut nec in fide retinenda, nec in confutando Ariminensi Concilio aliqua videretur esse condissensio. Quicumque igitur nostræ unanimis optat habere consortium, quicumque individuum pacem nobiscum habere desiderat, quæ sunt nostræ sententiæ, comprobare festinet, & fidei nobis memoratæ subscriptionem, & rescissionem Ariminensis Concilii sine ambiguitate mittendo. Id certe petimus, quod complurium harum provinciarum porrigimus ipsi consensu. Auctores autem hæresis Arianae vel Aetianæ, Valentem & Ursacium, ceterosque eorundem consortes non nunc esse, quod manifestari apud Illyricum cœperunt, sed olim condemnasse manifestum est. Explicit.

FRAGMENTUM XIII.

„INCIPIT EPISTOLA GERMINII
 „ episcopi adversus Arianos, jam subscripserant in
 „ Concilio Arimihensi, scientes, quod malefecerunt.

Ego Germinius episcopus credo & profiteor esse unum verum Deum patrem, æternum, omnipotentem: & Christum filium ejus unicum, & Dominum Deum nostrum, de vero Deo patre verum Dei filium, ante omnia genitum, divinitate, charitate, majestate, virtute, claritate, vita, sapientia, scientia Patri per omnia similem, utpote perfectum de perfecto genitum: susceptionem etiam hominis ex Virgine Maria, sicut prophetæ futurum prædixerunt, & evangelicæ atque apostolicæ voces completum docent. Passiones quoque ejus & mortem & resurrectionem & in cœlis ascensionem suscipimus, credimus, profitemur: & quod in fine mundi de cœlis descensurus sit judicare vivos & mortuos, & reddere unicuique secundum opera ejus. Et in Spiritum sanctum, id est, paraclitum, qui nobis a Deo patre per Filium datus est. Explicit.

FRAGMENTUM XIV.

„INCIPIT EXEMPLUM EPISTOLÆ
 „ Valentis, Urfacii & aliorum ad Germinium.

Domino religiosissimo fratri Germinio, Valens,
 Urfacius, Gajus & Paulus S.

1. **C**um de spe & salute sollicitudo incumbit, magis laudandi esse debent, qui solliciti sunt, quam reprehensionem aliquam sustinere. Salus autem ac spes principaliter in fide catholica consistit. Et ideo
 quam-

quamvis conventionem a Dominis nostris fratribus & coepiscopis nostris Valente & Paulo admonita noluerit ad id, quod rumor jactat de te respondere, Domine religiosissime: tamen quia litteris tuis testificatus es, te in eadem charitate perseverare, & paratum esse illibatam dilectionem habere erga nos ostendere; propterea in unum apud Singidunum congregati, iterum his commonefacimus sanctitatem tuam, ut omni occasione ambigui exclusa, digneris rursus rescribere nobis. Si a fide catholica, quæ Arimini a sancto Concilio exposita confirmataque est, cui etiam universi Orientis episcopi consenserunt, sicuti jam professus es te non recessurum, apertius quæritur significes. Est autem hoc, sicut in ea cautum est: *Similem dicimus Filium Patri secundum Scripturas, non secundum substantiam, aut per omnia, sed absolute.* Si enim hæc expositio immutata fuerit; manifeste quondam Basilii perfida assertio, propter quam synodus facta est, qua etiam merito damnata est, reparabitur.

2. Dignare igitur hoc, quod quæritur, evidenter litteris tuis declarare: non dixisse, aut dicere, vel dicturum, similem esse per omnia Filium Patri excepta innativitate: ne quod perlatores litterarum Jovianus diaconus & Martyrius subdiaconus verbo deprecationis suæ ante prædictos dominos meos fratres & coepiscopos nostros Valentem & Paulum asserabant, magis credibile esse videatur, quia per omnia similem esse Filium Patri profitearis. Si enim sic te, sicut optavimus, sentire scriptis tuis manifestaveris; querelam pro injuria a quibusdam clericis tuis Palladio & Gajo fratribus & coepiscopis nostris factam, licet nolueris, sicut prima conventionem admonitus es, exquirere ad æstimationem tuam pertinet, illis scilicet præstantibus pro sua temeritate rationem. Hæc per Secundianum presbyterum, Pullentium lectorem,

S. Hilarii Tom. II. I &

& Candidianum exorcistam transmisimus Charitati
 tuæ xv. Calendas Januarias, Gratiano nobilissimo P.
 & Degalaifo consl. exemplum penes nos retinentes.

FRAGMENTUM XV.

INCIPIT RESCRIPTUM GERMINII

ad Rufianum, Palladium, & ceteros.

Dominis Fratribus religiosissimis Rufiano, Palladio,
 Severino, Nichæ, Heliodoro, Romulo, Muciano
 & Stercorio Germinius in Domino S.

I. **V**italis V. C. militantis in officio sublimis Præse-
 cturæ relatione comperimus, desiderare san-
 ctitatem vestram, significari vobis aperte quid est,
 quod de fide nostra Valenti, Ursacio, Gajo & Paulo
 displiceat. Necessarium duxi, his litteris patefacien-
 dum sanctitati vestræ, & id, quod in vobis ipsis ab
 initio esse confido, dicere. Nos hoc, quod & a pa-
 tribus traditum accepimus, & divinis Scripturis, quod
 semel didicimus, & quotidie docemus, Christum Dei
 filium Dominum nostrum per omnia Patri similem,
 excepta innativitate, Deum de Deo, lumen de lu-
 mine, virtutem de virtute, integrum de integro,
 perfectum de perfecto, ante secula & ante universa,
 quæ intelligi vel dici possunt, genitum, cujus nativi-
 tatem nemo scit nisi solus Pater, ipso Filio asserente:
 Quia nemo novit Filium nisi Pater, neque Patrem
 quis novit nisi Filius, & cui voluerit Filius revelare:
 per quem facta sunt omnia, sine quo factum est nihil,
 secundum divinas voces ipsius Salvatoris nostri Filii
 dicentis: Pater meus usque modo operatur, & ego
 operor; & iterum: Quæcumque enim Pater facit,
 hæc & similiter Filius facit; & iterum: Ego & Pater
 unum.

unum sumus; & iterum: Qui me vidit, vidit & Patrem; & iterum: Quomodo Pater vitam habet in semetipso, ita dedit & Filio vitam habere in semetipso; & iterum: Sicut Pater suscitatur mortuos & vivificatur, ita & Filius, quos vult, vivificatur; & iterum: Creditis in Deum, & in me credite; & iterum: Neque enim Pater judicat quemquam, sed omne iudicium dedit Filio; ut omnes honorificent Filium, sicut honorificant Patrem; & iterum, cui Pater dixit: Faciamus hominem ad imaginem & similitudinem nostram; nec dixit, ad imaginem tuam, vel ad imaginem meam, ne aliquam dissimilitudinem in Filii sui divinitate demonstraret: sed propterea conjunxit, ad imaginem & similitudinem nostram, ut Filium suum sibi similem per omnia Deum manifestaret. Iterum Evangelista: Vidimus gloriam ejus, gloriam quasi unigeniti a Patre, plenum gratia & veritate. Et Apostolus ad Corinthios: „ In quibus Deus hujus seculi excæcavit „ mentes infidelium, ut non resplenderent illuminatione „ Evangelii gloriæ Christi, quæ est imago Dei. “ Et iterum idem Apostolus: „ Et transfudit nos in regno „ filii charitatis suæ, in quo habemus redemptionem „ & remissionem peccatorum, qui est imago Dei invisibilis, primogenitus omnis creaturæ. Et iterum „ idem Apostolus: Hoc enim sentite in vobis, quod „ & in Christo Jesu, qui, cum in forma Dei esset, „ non rapinam arbitratus est se esse æqualem Deo, „ sed semetipsum exinanivit formam servi accipiens, „ in similitudine hominum factus. “ Quis non intelligat, quia quemadmodum secundum servi formam vera fuit caro nostra in Christo, ita & in Dei forma vera sit divinitas Patris in Filio? Et iterum: „ Videte, „ ne quis vos seducat per philosophiam & inanem fallaciam secundum traditionem hominum, secundum „ elementa hujus mundi, & non secundum Christum, „ quia in ipso habitat omnis plenitudo divinitatis corporeali-

„poraliter.“ Si ergo omnis plenitudo divinitatis inhabitat in Christo, jam non ex parte similis & ex parte dissimilis, sicut nunc asserunt, qui propter contentionem suæ libidinis retrorsum abeuntes, semetipsos a nobis averterunt.

2. Nam quod putant se pro magno de divinis Scripturis proferre, ut dicant Christum facturam & creaturam: e contrario nos secundum Scripturas dicimus viam & januam, & lapidem offensionis, & petram scandali, & fundamentum, & brachium, & manum, & sapientiam, & verbum, & agnum, & ovem, & pastorem, & sacerdotem, & vitem, & diem, & alia. Sed hæc omnia sic intelligimus & dicimus, ut virtutes & operationes filii Dei intelligamus, non ut divinam ejus ex Patre nativitatem hujuscemodi nominibus comparemus, quia ex nihilo omnia per Filium facta sunt, Filius autem non ex nihilo, sed ex Deo patre est genitus.

3. Miror autem prædictum Valentem aut oblitum esse, aut certe subdole dissimulare, quid in præteritum gestum definitumque sit. Nam sub bonæ memoriæ Constantio Imperatore, quando inter quosdam cœperat esse de fide dissensio, in conspectu ejusdem Imperatoris, præsentibus Georgio episcopo Alexandrinorum Ecclesiæ, Pancratio Pelusinorum, Basilio episcopo tunc Anquiritano, præsentem etiam ipso Valente & Urfacio & mea parvitate, post habitam usque in noctem de fide disputationem, & ad certam regulam perductam, Marcum ab omnibus nobis electum fidem dictasse, in qua fide sic conscriptum est: *Filium similem Patri per omnia, ut sancta dicunt & docent Scriptura;* cujus integræ professioni consensimus omnes, & manu nostra subscripsimus. Si autem nunc aliquid spiritus hujus mundi suggerit, ex aperto adhuc *scire non possumus.* Nam ut nos professi sumus de *Scripturis per omnia similem Filium Patri,* excepta
inna-

Innativitate: exponant & illi de Scripturis, quemadmodum parte similis sit, parte dissimilis.

4. Et ideo, Fratres dilectissimi, hæc intrepidanter & sine mora vestræ dilectionis ad conscientiam, per Cyriacum officialem, cujus prima inventa occasio est post Carinium diaconem, quem ad vos misi, professionem destinavi: ut per vestram quoque vigilantissimam devotionem apud Deum universæ fraternitati intimetur, ne quis fallacis diaboli laqueis ignorans implicetur. Jam vestræ est unanimatis, rescribere mihi, quid vobis sanctus Spiritus suggerat. Sane intimo Charitati vestræ, me huic epistolæ, propterea quod manus dolerem, subscribere non potuisse: subscribendum autem mandasse fratribus & compresbyteris nostris Innocentio, Octavio & Catulo.

FRAGMENTA

EX ALIIS

S. HILARII

OPERIBUS,

IN VETERIBUS MONIMENTIS RELICTA.

Ex Tractatibus in Job.

I. **T**anta enim & tam admirabilis in nos misericordiæ Dei bonitas est, ut, per quem in Adæ offensa generositatem primæ & beatæ illius creationis amisimus, per eum rursus id, quod amisimus, obtinere mereamur. Tunc enim diabolus invidens nocuit: nunc autem, cum nocere nititur, vincitur.

Movet enim per infirmitatem carnis nostrae omnia potestatis suae tela, cum ad lasciviam accendit, cum ad ebrietatem illicit, cum ad odia stimulat, cum ad avaritiam provocat, cum ad cædes instruit, cum ad maledicta exacerbat. Sed cum per firmitatem animi hominum omnium subrepentia incentiva reprimuntur, emundamur a peccato per hujus victoriæ gloriam; dictum enim ita est: *Aut quomodo se emundabit natus ex muliere?* Quia non extante hoste non erit bellum: cessante deinde bello victoria deerit. Collidentium autem adversus nos vitiorum victoria non adepta, non erit emundatio ulla vitiorum: quia his insidiis corporis nostri pirata victo, colluctantium adversus nos passionum concertatione purgamur. Memores igitur & conscii illa ipsa corpora nostra omnium vitiorum esse materiem, per quam polluti & sordidi, nihil in nobis mundum, nihil innocens obtinemus; gaudeamus nobis esse hostem, in cujus concertatione quodam concertationis nostræ bello dimicemus.

Item ex Tractatibus in Job.

II. Quas Job litteras legerat, ut abstineret se ab omni re maligna, quia Deum sola mente vitiis non admixta venerabatur? Deum autem colere, justitiæ proprium officium est.

Ex præmio expositionis Evangelii in Matthæum.

III. Erat namque primum necessarium nobis, ut unigenitus Deus nostri causa homo, id quod tum non erat, gigneretur.

Item ex eodem.

IV. Tertium deinceps illud congruum fuit, ut quia Deus homo genitus in mundo &c.

De expositione epistolæ ad Timotheum.

V. Nam & cum dicit Scriptura: *homo Christus*, & cum dicit: *Christus mortuus est*, & cum dicit: *Verbum caro factum est*; non est spoliandus per fraudulentiam legentis expositionibus suis sermo. Nam ubi *homo Christus est*, præcedit: *Mediator Dei atque hominum*; ut ex utroque, Deo & homine, unus subsistat; sitque inter hominem & Deum medius, confessione in se utriusque naturæ. Ubi vero *Christus mortuus est*, subjicitur: *Qui resurrexit, qui est in dextera Dei*. In morte ejus carnis nostræ infirmitas est, in resurrectione virtus ejus, in confesso Dei dignitas.

Ex libro ad Constantium Imperatorem.

VI. Filius Dei factus homo Deus est
Deus filius hominis factus est, (homo enim factus est Deus, non Deus factus est homo) & filius hominis factus est filius Dei. Superavit enim magnitudo Domini parvitatem servilis formæ; ita ut ipsa servilis forma, quam assumpsit, cessaret esse servilis per eum Dominum, qui eam assumpsit. Si enim, qui natura non filii Dei, per ipsum efficiuntur filii Dei; quanto magis ipse, qui natura filius Dei est, hunc, cum quo voluntate sua alvo virginali conceptus & natus est, ita sublimavit in Deum, ut in ejus nomine omne genu flectatur, cœlestium & terrestrium, & infernorum, & omnis lingua confiteatur, quia Dominus Jesus Christus in gloria est Dei patris.

Ex incerto Opere.

VII. Panem nostrum quotidianum da nobis hodie. Quid enim tam vult Deus, quam ut quotidie Christus habitet in nobis, qui est panis vitæ, & panis e cœlo: & quia quotidiana oratio est, quotidie quoque ut detur, oratur.

Item aliud ex incerto Opere.

VIII. Ergo cum missus est (*Christus*) in similitudine carnis peccati, non sicut carnem habuit, ita habuit & peccatum. Sed quia ex peccato omnis caro est, a peccato scilicet Adam parente deducta; in similitudine peccati carnis est missus, existente in eo, non peccato, sed peccati carnis similitudine.

Fragmentum dubium.

IX. In quo omnes peccaverunt. In quo, id est, in Adam omnes peccaverunt Manifestum est, in Adam omnes peccasse, quasi in massa. Ipse enim per peccatum corruptus, omnes, quos genuit, nati sunt sub peccato.

S. HILARII

TRACTATUS SUPER PSALMOS.

IN LIBRUM PSALMORUM P R O L O G U S.

1. **V**arias esse plurimorum de psalmodum libro opinionones, ex libris ipsis, quos scriptos reliquere, compertum habemus. Nam aliqui Hebræorum eos in quinque libros divisos volunt esse: ut sit usque in quadragesimum psalmum liber primus, & a quadragesimo usque in septuagesimum primum liber secundus, & ab eo usque in octogesimo octavum liber tertius, & usque in centesimum quintum liber quartus; (ob quod hi omnes psalmi in consummatione sua habeant, *fiat, fiat:*) concludatur deinde in centesimo quinquagesimo psalmo liber quintus. Alii vero ita inscribendos psalmos existimaverunt: *Psalmi David*; quo titulo intelligi volunt, eos omnes a David fuisse conscriptos. Sed nos secundum apostolicam auctoritatem: *Librum psalmodum* & nuncupamus, & scribimus. Ita enim in Actis Apostolorum dictum meminimus. Scriptum est enim in libro psalmodum: *Fiat domus ejus deserta, & episcopatum ejus accipiat alter.* Ergo neque secundum quosdam Hebræos quinque libri, neque secundum plurimorum simplicitatem *Psalmi David* dicendi sunt: sed secundum apostolicam auctoritatem *Liber psalmodum* esse noscendus est.

2. Sunt autem plures eorundem psalmodum scriptores. Nam in aliquibus *David* auctor præscribitur, in aliquibus *Salomon*, in aliquibus *Asaph*, in aliquibus *Idithum*, in aliquibus *filiolorum Chore*, in aliquibus

Moyſi. Ex quo absurdum eſt psalmiſe David cogno-
minare: cum tot auctores eorum ipſis inſcriptionum
titulis edantur. Et *Liber psalmorum* rectius eſſe dice-
tur, diverſis in unum volumen prophetiis diverſorum
& auctorum & temporum congregatis. Viſum au-
tem aliquibus eſt, Jeremiæ, & Aggæi, & Zachariæ
quorundam psalmorum ſuperſcriptionibus nomina præ-
notare: cum horum nihil in authenticis Septuaginta
translatorum libris ita editum reperiatur: adeo ut
etiam in plurimis latinis & græcis codicibus, ſine ho-
rum nominibus ſimplices tantum psalmorum tituli præ-
ferantur.

3. De his autem, qui ſine diverſorum auctorum
nominibus ſub diverſis ſuperſcriptionibus habentur,
antiquorum virorum iſta traditio eſt, quod ex eo psal-
mo, cujus auctor in ſuperſcriptione præponitur, qui
deinceps ſine auctorum ſuperſcriptione ſuccedunt,
eius eſſe exiſtimandi ſunt, qui anterioris psalmi auctor
inſcribitur, uſque in eum psalmum, in quo nomen
alterius auctoris præferatur: ut ſi psalmi alicujus ſub-
ſcriptio talis ſit: *Psalmus David*; ceteri, qui ſine ti-
tulo conſequantur, David eſſe credantur, donec
prophetæ alterius nomen in ſuperſcriptione ponatur;
& ex eo uſque in alterum prophetam, qui ſine inſcri-
ptione medii ſunt, ejus ſint, qui in anterioris psalmi ſu-
perſcriptione auctor cœptus ſit anteferri.

4. Quod ſi forte aliquis per id intelligentiæ huic
fidem detrahet, quod in his psalmis, qui eum psal-
mum, cui Moyſes auctor prælatus eſt, ſubſequentur,
ſcriptum ſit, id eſt, in nonageſimo octavo, *Moyſes
& Aaron in ſacerdotes ejus, & Samuel inter eos invocan-
tes nomen ejus*, non poſſe a Moyſe eum prophetatum
videri, cum Samuel nomen, qui tanto poſtea, quam
Moyſes, natus eſt, extet in psalmo: meminerit, nulli
mirum aut difficile videri oportere, ut tantus propheta
tanti prophetæ, poſtea licet futuri, nomen ediderit,
cum

cum in Regnorum libris Josiæ regis nomen sit, ante quam nascatur, prophetatum, propheta dicente: Altarium, altarium, hæc dicit Dominus: Ecce filius nascetur David, Josias nomen ejus: per quod non incredibile esse oportere, ut Samuel a Moyse prædictus sit: maxime cum secundum Jeremiam dicentem: Nec si stet Moyfes & Samuel, Moyse connominatus & coæquatus sit ex merito sanctitatis. Quæ traditio ab Esdra, quantum creditur, psalmos post captivitatem in unum librum colligente profecta, si falsa aut improbabilis existimabitur, ab his, qui contradicent, auctores horum psalmorum demonstrari necesse est. Absolutum enim est, non potuisse eos, nisi prophetis prophetantibus prophetari.

5. Non est vero ambigendum, ea, quæ in psalmis dicta sunt, secundum evangelicam prædicationem intelligi oportere: ut ex quacumque licet persona prophetiæ Spiritus sit locutus, sit tamen totum illud ad cognitionem adventus Domini nostri Jesu Christi, & corporationis, & passionis, & regni, & ad resurrectionis nostræ gloriæ virtutemque referatur. Sunt autem omnes prophetiæ ad mundialem sensum & prudentiam sæculi clausæ atque obsignatæ secundum illud Esaia: Et erunt vobis omnia verba hæc, tamquam eloquia libri hujus signati. Quod si quidem homini scienti litteras dicetur: Lege ista, dicet: Non possum legere; signatum est enim. Et si dabitur liber hic in manus hominis nescientis litteras, & dicetur ei: Lege hunc; respondebit: Nescio litteras. Imperitia legendi & intelligendi librum prophetiæ sub persona utriusque hominis monstrata est, cum intelligentia docti ad legendum, signaculum clausi mysterii non adeuntis, illius indocti ignorationi per communem utriusque intelligendi inopiam comparatur. Sunt enim universa allegoricis & typicis contexta virtutibus: per quæ omnia Unigeniti Dei filii in corpore & gignendi, & pati-

patiendi, & moriendi, & resurgendi, & in æternum cum conglorificatis sibi, qui in eum crediderint, regnandi, & ceteros judicandi sacramenta panduntur. Et quia Scribæ & Pharisei Dei filium natum in corpore non recipientes, omnibus prophetiæ intelligentiæ aditum denegarent, sub denuntiatione pænæ ita a Domino arguuntur: Væ vobis legis doctores, qui abstulistis clavem scientiæ: ipsi non introitis, & introeuntes non finitis introire. Negantes enim Christum, cujus adventus opus est prophetarum, clavem scientiæ abstulerunt: quia cognitionem legis, quæ adventum Domini corporeum prædicavit, fides corporei adventus abnegata præcludit.

6. Et hoc quidem ex omni Scripturarum prophetarum genere dictum esse intelligendum est: ut nisi in adventum Domini ex virgine in hominem procreandi intellectæ & recognitæ fuerint; intelligentiæ earum vis obsignata habeatur & clausa. Tamen nequaquam psalmorum librum nisi per fidem adventus ejus posse intelligi, ita beati Joannis Apocalypsi docemur: Et angelo Philadelphię Ecclesię scribe: Hæc dicit sanctus & verus, qui habet clavem David, qui aperit, & nemo claudet; qui claudit, & nemo aperiet. Clavem igitur David habet; quia ipse per hæc septem quædam signacula, quæ de corporalitate ejus, & passione, & morte, & resurrectione, & gloria, & regno, & judicio David de eo in psalmis prophetat, absolvit: aperiens, quod nemo claudet, & claudens, quod nemo aperiet: quia per hanc, quæ in illo expleta est, prophetiam aperiet, quod nemo præcludet; & contra expletæ in eo prophetiæ fide abnegata, claudet, quod nemo possit aperire. Nullus enim nisi ille, in quo hæc prophetata sunt & expleta, clavem intelligentiæ hujus impertiet. Denique id ipsum consequenter docuit dicens: „ Et vidi super dexteram sedentis in throno „ *librum scriptum de intus & de foris, signatum signa-*
„ *culis*

culis septem: & vidi alterum Angelum validum, prædicantem voce magna: Quis est dignus aperire librum, & solvere signacula ejus? Et nemo potuit, neque in cælo, neque in terra, neque infra terram, aperire librum, neque videre ipsum. Et flebam, quia nemo dignus repertus esset aperire librum, neque videre ipsum. Et unus de senioribus ait mihi: Noli flere, ecce vicit Leo de tribu Juda, radix David, aperire librum, & septem signacula ejus. Liber iste & præterita & futura in his, quæ intus & foris scripta erant, continens, a nemine dignus est aperiri, & Apostolo fletus ob desiderium intelligentiæ, & dolorem difficultatis exoritur. Sed vicit Leo de tribu Juda, & radix David, librum & signacula ejus aperire: quia solus septem illa, quæ superius docuimus signacula, quibus liber clausus est, per sacramentum corporationis suæ & divinitatis absolvit. Id ipsum autem Dominus post resurrectionem testatus est, dicens: Quoniam oportet impleri omnia, quæ scripta sunt in lege Moyse & in prophetis, & in psalmis de me. Per hæc ergo omnis prophetiæ liber & signatus & clausus est: quia creditis his, quæ impleta per eum sunt, cuncta illa, quæ signata & clausa sunt, & aperientur, & absolventur.

7. Et quamquam omnia a divino Spiritu per David dicta esse, ipsa Domini professione noscamus: tamen etiam id ipsum prophetiæ hujus species docet, supernæ & cœlestis in eo doctrinam scientiæ extitisse. Eo enim organo prophetatum est, græce Psalterio, hebraice Nabla nuncupato, quod unum omnium musicorum organorum rectissimum est, nihil in se vel perversum continens, vel obliquum, neque quod ex inferioribus locis in sonum concentus musici commovetur: sed in formam Dominici corporis constitutum organum, sine ullo inflexu deflexuque directum est; organum ex supernis commotum & impulsus, & in cantio-

cantationem supernam & celestis institutionis ostendit, non humili & terreno spiritu, ut cetera terre organa, personarum. Non enim ille humilis atque terrena in ipso corporis sui organo predicavit, sicut ipse testatus est: Qui est de terra, de terra est, & de terra loquitur: qui autem de caelo venit, quæ vidit & audivit, testatur. Per hunc ergo supernum Spiritum Deus cantatur in psalmis, in formam Domini corporis, in quo celestis Spiritus est locutus; formæ quoque terreni huius & musici, & ex supernis continentis organi comparata.

8. Non est autem ignorandum, indifcretum apud Hebræos numerum esse psalmorum, sed sine ordinis annotatione conscriptos. Non enim illic primus aut secundus, aut tertius, aut quinquagesimus, aut centesimus prenotatur: sed sine discrimine aliquo ordinis numerique permixti sunt. Esdras enim, ut antiquæ traditiones ferunt, incompósitos eos, & pro auctorum ac temporum diversitate dispersos, in volumen unum collegit & retulit. Sed Septuaginta seniores, secundum Moysei traditionem ad custodiendam legis doctrinam in synagoga manentes, posteaquam illis a rege Ptolomæo transferendæ ex hebræo in græcum sermonem totius legis cura mandata est, spiritali & celesti scientia virtutes psalmorum intelligentes, in numerum eos atque ordinem redegerunt, singulis quibusque numeris pro efficientia sua & absoluteione perfectis, perfectorum & efficientium psalmorum ordinem deputantes.

9. Et quamquam id ipsum ex singulorum psalmorum virtutibus intelligi possit: tamen absolutissime in gestorum & temporum historia docemur, psalmorum scilicet collocationes secundum perfectorum numerorum esse efficientiam ordinatas. Psalmus enim tertius secundum historiam quinquagesimo psalmo posterior est: *inscriptio* namque utriusque multo intervallo temporis

poris ætatisque diversa est. Nam ille, quæ sub Uria & David sunt gesta, complectitur: ille autem fugam David, Abessalon filio suo eum persequente, significat: & tamen virtus ac sacramentum numeri perficit, hunc & illum sic pro competentibus & sibi congruis numeris collocari.

10. Inscriptio vero quinquagesimi psalmi, secundum historiam, quinquagesimi & primi psalmi inscriptione posterior est. Sed quinquagesimi numeri virtus & perfectio exigebat, & Doec Idumæi impœnitens in David odium postulabat, anteriorem postponi, & posteriorem anteferri: ut remissio peccatorum in numero quinquagesimo collocaretur, & pœna perfidiæ numerum constitutæ remissionis excedens careret venia, cum & tempus & numerum pœnitentiæ perdidisset. Nam cum in quinquagesimo, in quo est sabbata sabbatorum, secundum Jubilæi anni præformationem, peccatorum remissio sit constituta, competenter hic psalmus, in quo pœnitentia antelata peccatorum remissio postulatur, in ordine est hujus numeri collocatus.

11. Tribus vero quinquagesimis psalmorum liber continetur: & hoc ex ratione ac numero beatæ illius nostræ expectationis existit. Namque qui & primæ quinquagesimæ, & secundæ deinde quinquagesimæ psalmum, & tertiæ rursus quinquagesimæ, in qua finis est libri consummationem diligenter advertat, providentiam dispositorum in hunc ordinem psalmorum cum dispensatione salutis nostræ intelliget convenire. Cum enim primus gradus sit ad salutem, in novum hominem post peccatorum remissionem renasci, sitque post pœnitentiæ confessionem regnum illud Domini in sanctæ illius civitatis & cœlestis Jerusalem tempora reservatum, & postea consummata in nos cœlesti gloria in Dei Patris regnum per regnum Filii proficiamus, in quo debitas Deo laudes universitas spirituum prædicabit,

stabit, facile intelligitur in singulis psalmis, utraque sub quinquagenario numero collocatis sacramentum dispensationis hujus quinquagenarie contineri.

12. Esse autem hæc *sabbata sabbatorum*, septenarius numerus per septem in septuplam consummatus ostendit: quem tamen ogdoas, quia dies eadem prima, quæ octava, secundum evangelicam plenitudinem in ultimo sabbato adjecta consummat. Et hæc quidem sabbata sabbatorum ex ab Apostolis religione celebrata sunt, ut his quinquagesimæ diebus nullus neque in terram strato corpore adoraret, neque jejunio festivitatem spiritualis hujus beatitudinis impediret: quod id ipsum extrinsecus etiam in diebus dominicis est constitutum, qui ultra sabbati numerum per plenitudinem evangelicæ prædicationis accedunt. Namque cum in septimo die sabbati sit & nomen & observantia constituta: tamen nos in octava die, quæ & ipsa prima est, perfecti sabbati festivitate lætamur.

13. Et dignum est hanc ogdoadis perfectam sacramentis cœlestibus virtutem, in eo psalmo, qui octavo in numero dispositus est, contueri, cui pro *torcularibus* titulus adjectus est, vasculis in novos fructus præparatis, & ad ferventis musti calorem continendum innovatis. Et numerus iste, ad percipiendos fructus evangelicos, caducis his corporum nostrorum vasculis reformatis, secundum ogdoadem est evangelicam destinatus. Et hoc psalmi istius textus & sermo testatur. Ogdoadis quoque istius virtus, etiam in virtute sexti psalmi & numeri, quo pro octavo oratio est, continetur: & hoc numeri ratio perficit, ut & in sexto pro octavo esset oratio, & in octavo titulus pro torcularibus adderetur. Tribus autem in numeris hæc torcularium superscriptio reperitur. Nam & octavus & octogesimus, & octogesimus tertius psalmus hunc habent titulum: ut in numeris perfectis perfectæ hujus beatitudinis ordo consisteret; ita tamen,

ut

ut simplicem ogdoadem, & ogdoadis decadem, sacramentum triadis (quæ a nostris Trinitas est nuncupata) concluderet.

14. Et hanc quidem ogdoadis perfectionem, etiam in centesimo atque decimo octavo psalmo cognoscere possumus. Namque in octonum numerum per octonos versus secundum Hebræos singularum litterarum initia collecta sunt: sed & ipsa virtus psalmi sacramentum ogdoadis edocet. Sunt autem in eo ogdoades viginti duæ. Nam octoni versus singularum litterarum initiis deputantur; & hoc ea ratione efficitur, ut, quia psalmus iste perfectum virum secundum doctrinam evangelicam consummat, per omnes viginti & duas Hebræi sermonis litteras, sub sacramento ogdoadis erudiremur.

15. Et ea causa est, ut in viginti duos libros lex Testamenti veteris deputetur: ut cum litterarum numero convenirent. Qui ita secundum traditiones veterum deputantur, ut Moyse sint libri quinque, Jesu Nave sextus, Judicum & Ruth septimus, primus & secundus Regnorum in octavum, tertius & quartus in nonum, Paralipomenon duo in decimum sint, sermones dierum Esdræ in undecimum, liber Psalmorum in duodecimum, Salomonis Proverbia, Ecclesiastes, Canticum canticorum in tertium decimum, & quartum decimum, & quintum decimum, duodecim autem Prophetæ in sextum decimum, Esaias deinde & Jeremias cum lamentatione & epistola, sed & Daniel, & Ezechiel, & Job, & Hester, viginti & duum librorum numerum consumment. Qibusdam autem visum est, additis Tobia & Judith, viginti quatuor libros secundum numerum Græcarum litterarum connumerare, Romana quoque lingua media inter Hebræos Græcosque collecta. Quia his maxime tribus linguis sacramentum voluntatis Dei, & beati regni expectatio prædicatur: ex quo illud Pilati fuit, ut in his tribus linguis regem Judæorum Dominum Jesum

Christum esse præscriberet. Nam quamvis multe barbare gentes Dei cognitionem secundum Apostolorum prædicationem, & manentium hodie sunt ecclesiarum fidem adeptæ sint: tamen specialiter evangelica doctrina in Romani Imperii, sub quo Hebræi & Græci continentur, sede consistit.

16. Consequens autem est, secundum octonarum hunc viginti & duarum ogdoadum numerum, sum, qui subjectus est, in quindecim canticis graduum psalmorum numerum contueri. Post perfectam enim illam præcedentium ogdoadum doctrinam, hoc canticum graduum in quindecim psalmos ex duobus perfectis numeris oportuit convenire, hebdomade scilicet & ogdoade, id est, septimo & octavo numero. Nam per observantiam legis, quæ in hebdomade est constituta, & evangelicum profectum, qui ogdoadis & præsentis religione, & sperata expectatione perficitur, isto cantico graduum in cœlestia & æterna conscenditur. Nam & in templo per hunc numerum graduum principes sacerdotum in sanctorum sancta conscendebant: ut, quia neque hebdomada legis sine Evangeliorum ogdoade, neque ogdoas Evangeliorum sine legis hebdomade virum posset præstare perfectum, quousque illa perfecte credidisset; in his perfectis & beatis sanctis sanctorum perfectus in hoc utroque, qui in quindecim graduum cantico est, hebdomadis & ogdoadis numero locaretur.

17. Quamquam vero hæc a nobis secundum numeros in legis observatione completos, & in sacramento evangelico distributos ita dicta sunt: tamen absolutius uniuscujusque numeri virtutem ex superscriptionibus psalmorum & dictorum ipsorum intelligentia consequemur. Sunt autem superscriptionum omnium tituli diversi. Nam præter eos, qui auctorum suorum nominibus, aut causarum aut temporum significationibus prænotantur, sunt alii, quibus titulus

lus *in finem* est; alii, quibus tantum *psalmus cantici*, vel *canticum psalmi*: & necesse est diversas causas diversarum superscriptionum extitisse. Non enim sine causa, tanta rerum diversitate hic titulorum ordo convertitur, ut nunc *in finem*, nunc *psalmus*, nunc *canticum*, nunc *canticum psalmi*, nunc *psalmus cantici*, ad distinctionem psalmi, qui subjaceat, præferatur. Et quamquam in singulis quibusque psalmis singularum quarumque inscriptionum causas præstare nitamur: tamen ad compendium studiosæ intelligentiæ, in brevi fermunculo virtutem superscriptionum omnium coartamus.

18. Finis est, cujus causa cetera sunt; ipse autem nulli alii causam suam præstat. Ob finem enim omnia, nihil vero aliud post finem. Namque ad finem tenditur, sed in fine definitur. Ita finis & anteriorum perfectio est, & se in nihil aliud protendens, propria in semet sui ipse possessio est. Psalmi igitur, qui inscribuntur *in finem*, ita intelligendi sunt, ut ex perfectis atque absolutis bonorum æternorum doctrinis & speciebus existant: quia ad ea, quæ in his dicuntur, fidei se nostræ cursus extendat, & in his nullo ulteriore tendens procurfu, ipso suo optatæ & adeptæ beatitudinis fine requiescat.

19. In musicis vero artibus hæ sunt officiorum & generum varietates. *Psalmus* est, cum cessante voce pulsus tantum organi concinentis auditur. *Canticum* est, cum cantantium chorus libertate sua utens, neque in consonum organi adstrictus obsequium, hymno canoræ tantum vocis exultat. *Canticum autem psalmi* est, cum organo præcinente subsequens & æmula organi vox chori cantantis auditur, modum psalterii modulis vocis imitata. *Psalmus vero cantici* est, cum choro ante cantante, humanæ cantationis hymno ars organi consonantis aptatur. vocisque modulis præcipientis pari psalterium suavitate modulatur. His ergo quatuor *musicæ artis generibus*, competentes singu-

In quibusque psalmis superscriptiones sunt coaptatae. Ex virtutibus autem psalmorum, & ex ipsis doctrinae musicae diversitatibus causa uniuscujusque superscriptionis ostenditur.

20. In eo enim psalmo, in quo tantum *Psalms* inscribitur, fidelium operum & religiosorum gestorum aut doctrina aut confessio continetur: cum propheta commemorando, quae egerit, ad doctrinam nos gestorum similium instituit, motu corpori organi nostri ad pios officiorum usus temperato. At vero cum *Canticum* tantum in titulo praepositur, scientia in eo spiritualis, & intelligentia caelestis arcani, quam quis per cognitionem sapientiae consequitur, existit: cum non commemoratis fidei operibus, solam doctrinam perfectae de Deo cognitionis ostendit. Non enim statim omnis scientia in bono opere est; neque rursus omne opus bonum veram scientiam consequitur. Ob quod est & illud, quod in tertio superscriptionum genere est, *Canticum Psalmi*, cum bonorum operum efficientiae, scientiae doctrina conjungitur. Prius enim in bonis operibus vivendum est: ut perfecta possit ea, quae deinceps succedit, divini sacramenti esse cognitio, secundum id, quod dictum est: „Desiderasti sapientiam? Serva mandata, & Dominus praestabit tibi eandem.“ Praestat ergo Dominus sapientiam his, qui per meritum bonorum operum gratiam intelligentiae consequuntur. Ex his ergo operum doctrinaeque studiis, psalmi illius, qui *Canticum psalmi* superscribitur, erit causa noscenda. Ubi autem est *Psalms Cantici*, illic per cognitionis scientiam usus boni operis tractatur: cum quando desiderabilem nobis fidelium gestorum efficientiam praestet anterior de Deo adepta cognitio.

21. Haec igitur musicae artis quadrifaria diversitas, psalmorum est diversitati coaptata: ut *Psalms* per organi corpori motum in commemoratione gestorum

storum sit; *Canticum* vero per sapientiæ cognitionem habeat in se doctrinæ scientiam. *Canticum* vero *psalmi* est, cum præeunte gestorum merito cognitio scientiæ præstatur. *Psalmus* deinde *cantici* est, cum per adeptæ scientiæ cognitionem fidelium gestorum opus inchoatur & geritur. Per has ergo superscriptionum proprietates intelligentiam psalmorum quærere oportebit: quia unicuique generi prophetiæ, in proprietate titulorum, unumquodque genus musicæ comparationis aptatum est. Eos vero, qui sine inscriptione ulla significationis alicujus habentur, ut est primus vel secundus, & ceteri complures alii, intelligendum est ex doctrina Spiritus sancti ad spiritalem cognitionem generalis scientiæ fuisse cantatos: ut unusquisque ex his, secundum fidei suæ sinceritatem, rationem intelligentiæ spiritualis expeteret.

22. Aliæ vero superscriptiones, quæ aut res gestas secundum historiam significant, aut tempora, aut dies, aut aliud aliquid complexæ sunt, vel ex interpretatione nominum, vel ex comparatione gestorum, vel ex consimilium specie, ex quibus rebus psalmus consistat, ostendunt: ut sicubi est *pro die sabbati*, aut *pro occultis filii*, aut *pro die octava*, per corporalem superscriptionum significationem spiritualis psalmi intelligatur editio: vel cum *illius David*, vel *illi David*, vel *Abeßsalon*, vel *Saul*, vel *Doec* in titulo sub gestorum historia prænotatur; in eo vel per pronominum qualitates, ut *illi*, vel *illius David*; aut per nominum virtutes, ut est in *Abeßsalon*, & *Saul*, & *Doec*, prophetiam, quæ in psalmo sit, consequamur.

23. In *diapsalma* vero, quod interjectum plurimis psalmis est, cognoscendum est demutationem aut personæ, aut sensus sub conversione modi musici inchoari: ut sicubi *diapsalma* intercesserit, aut aliquid aliud dici, aut etiam ab altero dici, aut in altero artis musicæ modulo cantari intelligendum sit. De per-

sonis ac sensibus, ubi disceptata intercedere oportet, rationem asserere tentabimus. Ceterum modicum disciplinam conservare translatio Græca & Latina non potuit. Hæc autem in compendiosam brevitate festinus ad ipsam psalmorum expositionem sermo collegit.

24. Est autem diligens perpensumque iudicium expositioni psalmi uniuscujusque præstandum: ut cognoscatur, qua unusquisque eorum clave intelligentie aperiendus sit. Nam Liber omnis similis est urbi pulchrae atque magnæ, cui ædes complures diversaque sint, quarum fores propriis clavibus diversisque recludantur: quæ cum unum in locum congestæ permixtæque sint, volenti unamquamque ædem aperire, maximam ignaro afferant difficultatem, ut clavem uniuscujusque ædis inveniat: sitque aut familiaris scientiæ, cognitam clavem cito ex copia illa congestæ in unum varietatis eligere; aut ingentis laboris, aptam & congruam clavem aperiendi uniuscujusque aditus invenire: quia ratio & qualitas non sinat, non suas claves claustris disparibus coaptare. Itaque secundum Dei misericordiam aperiendi uniuscujusque psalmi clavem reperturi, hujus ipsius primi psalmi aditum propria sua & congrua clave pandamus.

PSALMUS I.

Beatus vir, qui non abiit in consilio impiorum, & in via peccatorum non stetit, & in cathedra pestilentie non sedit. Sed in lege Domini fuit voluntas ejus, & in lege ejus meditabitur die ac nocte. Et erit tamquam lignum, quod plantatum est secus decursus aquarum, quod fructum suum dabit in tempore suo. Et folium ejus non defluet: & omnia, quaecumque faciet, bene dirigentur. Non sic impij, non sic, sed tamquam pulvis, quem projicit ventus

a

a facie terra. Ideo non resurgent impii in iudicio, neque peccatores in consilio iustorum. Quoniam scit Dominus viam iustorum, & iter impiorum peribit.

CLAVIS SIVE INTROITUS
IN PRIMUM PSALMUM.

I. **P**rincipalis hæc in psalmis intelligentia est, ex cuius persona, vel in quem ea, quæ dicta sint, intelligi oporteat, posse discernere. Non enim uniformis & indiscreta est eorum constitutio, ut non & auctores habeant, & genera diversa. Invenimus enim in his frequenter personam Dei patris solere proponi, ut in octogesimo octavo psalmo, cum dicitur: *Exaltavi electum de plebe mea. Inveni David servum meum, in oleo sancto meo unxi eum. Ipse invocabit me, Pater meus es tu, & susceptor salutis meæ. Et ego primogenitum ponam eum, excelsum super reges terræ.* Personam vero Filii in plurimis fere introduci: ut in decimo septimo psalmo: *Populus, quem non cognovi, servivit mihi; & in vicesimo primo: Diviserunt sibi vestimenta mea, & super vestem meam miserunt sortem. Nunc autem hunc primum psalmum vel ex persona Patris, vel ex persona Filii non posse intelligi, res ipsa absolute docet, cum in eo ait: Sed in lege Domini fuit voluntas ejus, & in lege ejus meditabitur die ac nocte.* In eo enim psalmo, in quo personam Patris designari meminimus, propria ei & apta memorantur, cum dicitur: *Ipse invocabit me, Pater meus es tu, Deus meus, & susceptor salutis meæ: Et in eo, in quo Filius loqui docetur, ipse se ex his, quæ commemorat, dictorum suorum profitetur auctorem, dicens: Populus, quem non cognovi, servivit mihi. Dum enim & Pater dicit: Invocabit me; & Filius ait: Populus servivit mihi; ipsos se esse, qui de se loquantur, ostendunt. At vero nunc cum dicitur: Sed in lege Domini fuit voluntas ejus; nulla Do-*

min persona de se loquentis ostendatur, sed alterius
potius, beatitudinem ejus videlicet viri, cujus in lege
Domini voluntas sit, prædicant. Persona itaque
Prophetæ, cujus ore Spiritus sanctus loquitur, nunc
esse noscenda est, officio oris ejus ad cognitionem nos
sacramenti spiritualis erudiens.

2. Et cum hæc loquatur, quærendum est, de
quo viro eum loqui intelligere debeamus. Ait enim:
*Beatus vir, qui non abiit in consilio impiorum, & in via
peccatorum non stetit, & in cathedra pestilentia non sedit.
Sed in lege Domini fuit voluntas ejus, & in lege ejus me-
ditabitur die ac nocte. Et erit tamquam lignum, quod
plantatum est fons decursus aquarum, quod fructum suum
dabit in tempore suo. Et folium ejus non defluet: & omnia,
quæcumque faciet, bene dirigentur.* Multos vel præsentis
sermone, vel ex litteris ac scriptis eorum comperi ita
sensisse de psalmo hoc, quod significari in eo Domi-
nus noster Jesus Christus atque intelligi debeat, cujus
beatitudo in his, quæ subjecta sunt, prædicetur. Sed
id nec modo, nec ratione docuere; bonæ quidem
opinionis affectu, quia omnis ad eum prophetia est
referenda psalmorum: sed ubi & quando ad eum pro-
phetiæ ipsius sermo se referat, rationabilis scientiæ
discernendum est veritate.

3. Ea autem, quæ in exordio psalmi posita sunt,
minime personæ ejus dignitatique conveniunt: & in-
cautam hanc ita prædicandi facilitatem illa ipsa coar-
guunt, quæ continentur in psalmo. Cum enim dict-
tur: *Et in lege Domini fuit voluntas ejus*, cum lex per
Dei filium lata sit, quomodo ad eum ob id beatitudo
referetur, quia voluntas ejus in lege Domini fuerit,
cum Dominus ipse sit legis? Quod autem lex ejus sit,
in psalmo septuagesimo septimo ipse testatus est, cum
ait: *Attendite popule meus in legem meam, inclinate
aures vestras in verba oris mei. Aperiam in para-
bolis os meum.* Et hæc Matthæus evangelista ab eo

ipso

ipso dicta esse confirmat, dicens: Ideo in parabolis loquebatur, ut impleretur, quod dictum est: Aperi-
am in parabolis os meum. Prophetiam ergo suam re-
bus Dominus explevit. Nam in his, in quibus locu-
turum se sponderat, parabolis est locutus. Id au-
tem, quod ait: *Et erit tamquam lignum, quod planta-
tum est secus decursus aquarum,* (in quo comparative
beatitudinis profectus ostenditur) quomodo personæ
ejus poterit coaptari, ut sit Dei filio plantatum lignum
beatius, ob quod beatus sit, quia aliquando simili-
tudinem ejus profectu beatitudinis consequatur? De-
hinc cum secundum Sapientiam & Apostolum, & ante
secula, & ante tempora æterna sit, & primogenitus
omnis creaturæ sit, & in ipso, & per ipsum creata
sint omnia: quomodo his rebus, cum fiet similis, be-
atus est, quæ ab ipso sunt instituta? Cum neque cre-
atoris virtus ad beatitudinis suæ perfectionem com-
paratione egeat creaturæ, neque primogeniti antiqui-
tas, in eo, quod erit tamquam lignum, tempus præ-
posteræ comparationis admittat. Id enim, quod est
per expectandum adhuc tempus, non potest videri,
ut aut fuerit, aut jam sit in rerum natura. Quicquid
autem jam est, non eget dilatione temporis, ut ad id,
quod erit, inchoetur: quia antiquitate exordii sui
esse jam permanet.

4. Itaque quia hæc a divinitate Unigeniti filii Dei
Domini nostri Jesu Christi intelliguntur aliena, vir iste
hic a Propheta beatus prædicari opinandus est, qui
se ei corpori, quod Dominus assumpsit, id est, in quo
homò natus est, conformem studio æquitatis, & to-
tius justitiæ perfectione præstiterit. Et sane id ita in-
telligi oportere, plenior psalmi expositio monstrabit.

5. Speciosissimum autem hoc & dignissimum in-
cipendorum psalmorum sanctus Spiritus sumsit exordi-
um, ut humanam infirmitatem per spem beatitudinis
ad innocens religionis studium adhortaretur, ut a

cramentum Dei corporati doceret, ut communionem gloriæ cœlestis polliceretur, ut pœnam iudicii denuntiaret, ut differentiam resurrectionis ostenderet, ut providentiam Dei in retributione monstraret. Perfecta scilicet consummataque ratione tantæ prophetiæ ordinem inchoavit: ut hominum imbecillitatem ad fidei studium beati viri spes illiceret, spei beatitudinem comparata ligni beatitudo sponderet, insolentem impietatem intra metum denuntiata impiis severitas coerceret, meriti differentiam in consiliis sanctorum conditionis ordo distingueret, Dei magnificentiam in cognoscendis iustorum viis æquitas constituta monstraret. Nunc & res ipsas & eorum verba tractemus.

TRACTATUS PSALMI I.

1. **B**eatus vir, qui non abiit in consilio impiorum, & in via peccatorum non stetit, & in cathedra pestilentiae non sedit. Sed in lege Domini fuit voluntas ejus, & in lege ejus meditabitur die ac nocte. Quinque generum observantiam beato viro subesse Propheta commemorat: primam in impiorum consilio non eundi, alteram in peccatorum via non consistendi, tertiam in cathedra pestilentiae non sedendi, tum deinde voluntatis in lege Domini ponendæ, postremo in ea die noctuque meditandi. Ergo necesse est differre impium a peccatore, peccatorem a pestilente; maxime cum sit impiis consilium, peccatori via, cathedra pestilenti: dehinc cum in consilio impiorum eatur potius, quam stetur, in via vero peccatoris stetur magis, quam eatur. Quorum rerum causas ut intelligere possimus, discernendum est, quantum differat peccator ab impio: ut per id intelligi possit, cur peccatori via, & impio consilium deputetur: dehinc cur & in via standum, & in consilio eundum sit; cum humana consuetudo,

&

& in consilio standum, & in via eundem esse decernat. Non omnis, qui peccator est, & impius est: impius autem non potest non esse peccator. Et sumamus ex usu conscientiae communis exemplum. Patres suos amare possunt filii, licet ebriosi sint, & lascivi & prodigi: & inter hæc vitia carent impietate, qui non carent crimine. Impii vero, licet in præcipuis sint continentiae frugalitatisque virtutibus, omne tamen, quodcumque aliud extra impietatem erit crimen, in contumelia parentis excedunt.

2. Igitur secundum hoc propositum exemplum, impium discerni a peccatore non dubium est. Et impios quidem eos esse natura ipsa iudicii communis ostendit, qui cognitionem Dei expetere fastidiunt, qui nullum esse mundi creatorem irreligiosa opinione præsumunt, qui mundum in hunc habitum ornatumque fortuitis motibus constituisse commemorant, qui, ne quod iudicium Creatori suo ob vitam recte criminoseve gestam relinquunt, volunt ex naturæ necessitate se nasci, & ex eadem rursus necessitate dissolvi. Horum igitur omne consilium fluctuans, incertum ac vagum est, & in eisdem, ac per eadem sine ulla consistendi statione defertur: non enim tenet modum definitionis alicujus. Creatorem mundi disputatio docere ausa non est. Cum enim quæras, cur mundus, & quando, & in quantum? & utrum mundus homini, an homo mundo? & mors ob quid, vel quo usque, vel qualis? circa hæc impietatis suæ consilia agitur semper, & vadit, loco consistendi in his consiliis non reperto.

3. Sunt & alia consilia impiorum, eorum scilicet, qui in hæresim delapsi, nec novi, nec veteris Testamenti legibus continentur. Quorum sermo in orbem semper & circulum erroris inflexus, nihil tenens, & in nullo consistens, indefinitæ sententiæ cursu recursuque jactatur. Quorum impietatis est, Deum
non

non ex Dei ipsius professione, sed ex arbitrii sui voluntate metiri; ignorantes non minoris impletatis esse, Deum fingere, quam negare, a quibus cum requiras, quo spei ac fidei suæ sine sic sentiant? confunduntur, perturbantur, dissimulant, circumerrant, & finem ipsum ejus, de qua quæritur, disputationis evitant. Beatus ergo vir est, qui in hoc impiorum consilio non abiit, id est, qui ipsam illam in hoc consilio eundem non admiserit voluntatem: quia quæ impia sunt, vel cogitasse jam crimen sit.

4. Sequens autem est, ut qui in impiorum consilio non abiit, in peccatorum quoque via non stet. Plures enim sunt, qui cum per confessionem Dei ab impietate discreti sint, non tamen a peccato per id liberi sint; in Ecclesia quidem manentes, sed Ecclesia disciplinam non tenentes: ut avari, ebriosi, tumultuosi, procaces, superbi, simulators, mendaces, rapaces. Et ad hæc quidem nos vitia naturæ nostræ propellit instinctus: sed ut utile est, nos a via hac, ad quam ferimur, abscedere, sic neque consistere illic, adhibito decedendi ex ea non moroso recurso. Et idcirco beatus vir est, qui in via peccatorum non stetit, natura quidem in viam hanc deferente, sed ex via hac fidei religione referente.

5. Tertius quoque hic obtinendæ beatitudinis ordo est, in cathedra pestilentiae non sedere. Sederunt in cathedra Moysei Pharisei docentes, sedit & Pilatus in tribunali: cujus itaque cathedræ sessionem existimabimus pestilentem? Non utique Moysei, Dominó sedentes potius, quam sessionem cathedræ potius improbante, cum dicit: „ Super cathedram, inquit, „ Moysei federunt Scribæ & Pharisei: quæcumque dixerint vobis, facite, quæ autem faciunt, facere nolite. Cathedræ hujus sessio pestilens non est, cujus obedientia dominica auctoritate præcipitur. Illa ergo erit pestilens, *cujus contagium* Pilatus manus abluendo devitat. Mul-

tos enim etiam in metu Dei constitutos, secularium tamen honorum ambitio corrumpit: & volunt Ecclesiæ legibus subditi, fori legibus judicare. Sed quamquam ad ipsa officia, quæ agunt, ferant secum religiosam voluntatem, benevolos sese continentesque præstando: tamen necesse est eorum, in quibus diversabuntur, negotiorum quodam pestilenti contagio polluantur. Publicarum enim causarum ordo manere eos volentes etiam in ecclesiasticæ legis sanctitate non patitur. Et quamvis religiosi propositi tenaces sint: tamen per necessitatem sedis obtentæ, tum ad contumeliam, tum ad injuriam, tum ad pœnam cunctante licet voluntate coguntur. Facit eos necessitas necessitatis ipsius esse participes, cum tamquam lue morbida imbuuntur. Et idcirco hanc eorum cathedram, cathedram pestilentiae Propheta cognominat, quia contagione sua etiam voluntatem religiosæ mentis inficiat.

6. Sed beatitudinem viri nondum, vel in impiorum consilio non isse, vel in peccatorum via non stetisse, vel in pestilentiae cathedra non sedisse, consummat. Possunt enim hæc & in seculari viro reperiri: ut unum Deum esse creatorem mundi opinetur, ut a peccatis se per studium modestæ innocentiae refrenet, ut honorum dignitatibus privatæ & tranquillæ vitæ otium anteponat. Sed perfectum nunc Deo virum Propheta conformans, & quem in magnis æternæ beatitudinis constituat exemplis, non communibus eum ad id docet usurum esse virtutibus, sed his consummandum esse, ut beatus sit, quæ sequuntur: *Sed in lege Domini fuit voluntas ejus.* Abstentio superiorum inutilis est, nisi in consequentia adhibeatur intentio: scilicet ut in lege Domini voluntas sit. Non expectat Propheta ut metus sit. Plures intra legem metus cohibet, paucos vero voluntas constituit in lege: quia timoris est, non audere *timenda negligere*; perfectæ vero religionis

nis est, præscriptis velle parere. Et idcirco BEATUS ille est, cujus in Dei lege non timor est, sed voluntas.

7. Sed deest interdum & aliquid voluntati: & perfectam beatitudinem solum velle non obtinet, nisi voluntatem sequatur operatio. Sequitur namque: *Et in lege ejus meditabitur die ac nocte.* Beatum hunc virum continua legis meditatio & indefessa consummat. Sed forte in humanæ infirmitatis natura non patitur, per quam quiescendum, dormiendum, cibo vacandum est; ob quæ a spe consequendæ beatitudinis etiam necessitate naturalium decidamus, cum aliquando a meditatione diurna atque nocturna, negotii corporalis intercessione sit desinendum. Simile quoque huic dicto Apostoli dictum est: Sine intermissione orantes. Quasi vero non occupanda in res suas naturæ nostræ necessitas possit sine interpellatione temporis semper orare. Meditatio itaque legis non solum in verbis legendis est, sed & in operis religione; neque ut libros tantum & Scripturas recenseamus, sed ut ea, quæ in Scripturis ac libris continentur, gestis rebusque meditemur, & diurna nocturnaque opera legem semper exerceant: ut illud Apostoli est: „Omnia, quæcumque facitis, in gloriam Dei facite, sive cum manducatis, sive cum bibitis, sive cum aliud agitis.“ Per hoc enim efficitur, ut sine intermissione oremus: cum per opera Deo placita, & in gloriam ejus semper exercita, sancti cujusque viri vita omnis oratio sit: ac sic secundum legem noctu dieque vivendo, vita ipsa nocturna legis erit & diurna meditatio.

8. Sed consummata viri hujus beatitudine, qui impiorum consiliis, & peccatorum viis, & pestilentie cathedra se abstinens, Dei legem volens die & nocte meditetur, docendum est, quantus ei fructus *acquisitæ* hujus beatitudinis sit futurus. Velle enim *beatum esse*, ex beatitudinis ipsius expectatione proficisci-

sciscitur. Sequitur namque: *Et erit tanquam lignum, quod plantatum est juxta decursus aquarum, quod fructum suum dabit in tempore suo. Et folium ejus non defluet.* Ridiculum hoc forte & ineptum comparatæ beatitudinis credetur exemplum: in quo ligni plantatio, decursus aquarum, fructuum datio, suum tempus, & folium non defluens prædicatur. Hæc quidem secundum homines seculi nulla forte existimabuntur. Sed videamus secundum propheticam doctrinam, quanta in his ipsis rebus ac verbis comparatæ beatitudinis gloria collocetur.

9. In libro Genesis, ubi plantatum a Deo paradysum legislator ostendit, omne quoque lignum specie pulchrum, & ad esum bonum productum esse monstravit; esse quoque & in medio paradiso lignum vitæ, & lignum sciendi boni & mali exposuit; irrigari deinde paradysum flumine, quod postea in quatuor principia divisum sit. Quod autem esset hoc lignum vitæ, propheta Salomon docuit, dicens de adoratione sapientiæ: „Lignum vitæ est omnibus, qui complectuntur „eam, & qui incumbunt in eam sicut in Domino.“ Lignum ergo hoc vivens est: neque solum vivens, sed etiam rationale; rationale autem in tantum, ut fructus det; det vero non confuse, non importune, sed *tempore suo*. Et plantatum hoc lignum est *juxta decursus aquarum*, in possessione scilicet regni Dei, id est, in paradiso, & unde flumen exiens in quatuor principia dividitur. Non enim ait, post decursus aquarum, sed *juxta decursus aquarum*, unde primum decursum aquarum divisiones fortiuntur. Illic enim plantatum hoc lignum est, quo latronem illum, se Dominum confitentem, Dominus, qui Sapientia est, introduxit, dicens: „Amen dico tibi, hodie mecum „eris in paradiso.“ Et quia sapientiam, qui Christus est, lignum vitæ cognominari de sacramento future corporationis & passionis, prophetica auctoritate

mora in plenitudine temporum pendet. Dispensatio enim dandi fructus plenitudini temporum reservatur. Et qui tamen hic dispensandus erit fructus? Nempe ille, de quo idem Apostolus meminit, dicens: Et transformabit, inquit, corpus humilitatis nostræ conformatum corpori claritatis suæ. Hos ergo nobis fructus suos dabit, quos jam in eo, quem sibi assumit, & qui significatur in ligno, homine perfecit, quem in immortalitatis suæ naturam absorpta mortalitate transfudit. Erit ergo ut hoc lignum beatus ille vir, cum quando ipse in gloria Dei Domino suo conformis adstiterit.

11. *Folium autem ligni hujus non defluet.* Nec mirum, si folia ejus non defluunt, cujus fructus dabuntur potius, quam decident, non maturitate depulsi, non vi exteriore decussi, sed rationalis officii dispensatione demessi. Et quid in foliis significet, ex comparatione rerum corporalium absolutum est. Namque hanc esse naturam foliorum contuemur, ut ad custodiam fructuum fructibus ipsis circumjecta prorumpant; ut quodam vallo tenera pomorum initia communiant. Doctrina ergo verborum Dei, quæ promissos nobis fructus convestit, significatur in foliis. His enim verbis spes nostræ inumbrantur: horum inter has seculi tempestates munimine conteguntur. Non defluent igitur hæc folia, id est, Dei verba; quia per Dominum dictum est: Cælum & terra transibunt, verba autem mea non transibunt. Nihil enim ex his, quæ a Deo dicta sunt, dilabetur, aut decidet.

12. Quod autem hæc folia ligni hujus non inutilia sint, sed salutaria gentibus, sanctus Joannes in Apocalypsi testatur, dicens: „Et ostendit mihi flumen „ aquæ vitæ, splendidum tamquam crystallum, exiens de throno Dei & agni, in medio plateæ ejus, „ & ex utraque parte fluminis arborem vitæ, quæ „ facit fructum duodecies, singulis mensibus reddens

„ fructum suum, & folia arboris illius sunt ad sanita-
 „ tem gentium. “ Cœleste sacramentum ita per cor-
 porales species exponitur, ut rationem spiritalem cor-
 poralia ipsa quamquam implere non possint, tamen
 ad corpora non inutilent. Convenerat enim dixisse,

ex utraque parte fluminis demonstrati arbores esse,
 non arborem. Sed quia vitæ arbor ubique in sacra-
 mento baptismi una est, undique ad se venientibus
 apostolicæ prædicationis fructus subministrans; ideo
 ex utraque parte fluminis una vitæ arbor assistit. Unus
 enim agnus est in throno Dei visus, & unum flumen,
 & vitæ arbor una: quæ omnia in se complectuntur
 mysteria corporationis, baptismi, passionis, cujus
 folia, id est, prædicationis verba salutem gentibus
 per doctrinam eloqui non decidentis impertiunt.

13. *Et omnia*, inquit, *quacumque faciet, bene di-*
rigentur. Jam non, sicut in Adam, donum ejus &
 statuta perturbabuntur: quia ille constitutæ immor-
 talitatis beatitudinem peccato transgressæ legis amisit,
 sed per redemptionem ligni vitæ, id est, dominica pas-
 sione, cum ipsi ligno vitæ similes erimus, jam quid-
 quid in nobis fiet, æternum est; æternum autem cum
 beatitudinis sensu. Prospere dirigentur autem omnia
 illa, quæ fient; non demutatione incerta, non in na-
 tura infirma, cum incorruptio corruptionem, & æter-
 nitas infirmitatem, & forma Dei formam terrenæ car-
 nis absorpserit. Huic igitur plantato ligno, in tem-
 pore suo hos fructus suos danti, beatus ille vir erit
 similis, ipse quoque in paradiso plantatus; ut planta-
 tio Dei non eradicanda permaneat, in quo omnia a
 Deo facta prospere dirigentur, nulla deinceps demu-
 tatione vel infirmitatis nostræ eradicanda, vel temporis.

14. Demonstrata autem perfecta hujus viri bea-
 titudine, consequens erat, quæ impios pœna maner-
 et, ostendere. Sequitur namque: *Non sic impii, non*
sic, sed tamquam pulvis, quem projicit ventus a facie terra.

Non

Non est impiis comparativæ hujus beatitudinis spes relicta, sed vagum os, obtritum, ventilatum, dispersum & inquietum manet, ut ex illa corporalis soliditatis firmitate decussi, ludibrio pulveris differantur in pœnam: non in nihilum dissoluti, ut sit in his materies pœnæ; sed in inane ac leve aridumque protriti, ut ludibriosæ pœnæ mobilitate jactentur. Cujus pœnæ & loco altero idem Propheta meminit, dicens: *Comminuam eos ut pulverem ante faciem venti, ut lutum platearum delebo illos.* Comparatio itaque ut beatitudinis, ita & pœnæ est constituta. Quomodo enim nullus labor est vento pulverem dissipare, & quomodo lutum in plateis ingredientibus se prope calcasse non sentiunt: ita pœnæ illi inferni facile est impios delere atque dispergere, quos peccatorum ratio & in lutum solverit, & comminuerit in pulverem, non relicta neque substantia firmitatis, cum pulvis & lutum sint; & per id, quod pulvis & lutum sunt, in naturam tantum pœnalis substantiæ reservati.

15. Et quia per hanc demutationem obtritæ in pulverem firmitatis, non erunt ejus boni participes, quod beato viro ex fructu ligni dabitur in tempore, ideo consequenter adjecit: *Propterea non resurgent impii in judicium.* Non abolitio his, qui utique pulvis erunt, per id, quod non resurgunt, denuntiatur; sed resurrectio his in judicium denegatur. Non enim per id, quod non erunt, sensu pœnæ carebunt: quia lucri pœnam faciet, quod non subsistet ad pœnam. Subsistent autem, quia erunt pulvis. Pulverem vero effici vel ariditate, vel attritu, non est subsistendi amisisse naturam, sed in naturam alteram substituisse. Per id autem, quod in judicium non resurgent, absolutum est non resurgendi eos caruisse naturam, sed resurgendi in judicium perdidisse ordinem. Qui autem resurrectionis & judicii ordo intelligendus sit, Dominus in Evangeliiis ostendit dicens: Qui credit

in me, non judicatur: qui autem non credit, jam judicatus est. Hoc est autem iudicium, quia lux venit in hunc mundum, & dilexerunt homines magis tenebras, quam lumen.

16. Negligentiam audientium, & incuriosam legentium facilitatem dicti dominici sermo perturbat. Cum enim dicit: Qui credit in me, non judicabitur; exemit iudicio fideles: & cum subiecit: Qui autem non credit, jam judicatus est; non admisit ad iudicium infideles. Ergo si credentes exemit, & repulit infideles, nec in hos, nec in illos iudicii sorte permixta, quomodo convenire sibi in hoc, quod tertium ait, existimabitur: Hoc est autem iudicium, quia lux venit in mundum, & dilexerunt homines magis tenebras, quam lucem. Non enim potest locus relictus esse iudicio; cum neque infideles, neque fideles sint iudicandi. Et hæc quidem ita esse auditoribus negligentibus & lectoribus incuriosis videbuntur: ceterum in se virtus ipsa verborum proprietatem dicti & intelligentiam continet.

17. Qui credit, inquit, non judicabitur. Quid enim necesse est iudicare credentem? Iudicium enim ex ambiguis rebus existit: & ambiguitate adempta, iudicii non desideratur examen. Ex quo ne infideles quidem necesse est iudicari; quia ambiguitas, quin infideles sint, non refedit. Sed adempto in credentes non credentesque iudicio, causam Dominus iudicii & auctores, in quos iudicari necesse esset, adjecit. Sunt enim aliqui inter impios piosque, qui medii sint, ex utroque admixti, neutri tamen proprie, quia in id ipsum constiterint ex utroque: nec fidei admiscendi, quia sit illis aliquid infidelitatis insertum; nec infidelitati deputandi, quia aliquid habeant & fidei. Plures namque Dei metus in Ecclesiâ continet: sed eosdem tamen ad secularia vitia seculi blandimenta sollicitant. Orant, quia timent: peccant, quia volunt.

Christi.

Christianos se nuncupant, quia bona est spes æternitatis: gentilia agunt, quia blanda præsentia sunt. Impii non manent, quia his Dei nomen in honore est: pii non sunt, quia, quæ pietati sunt aliena, sectantur. Et necesse est ea magis diligant, per quæ id, quod se nuncupant esse, non possunt; secundum nuncupationis voluntatem, operum voluntate potiore. Et idcirco Dominus postea quam credentes non judicandos, & non credentes jam judicatos esse dixerat, addidit: „Hoc est autem iudicium, quia lux venit in „mundum, & dilexerunt homines magis tenebras, „quam lumen.“ In eos ergo iudicium est, quod jam & in incredulos actum est, & in credentes non necessarium est: quia magis tenebras, quam lumen, dilexerint; non quod non dilexerint & lumen, sed quod dilectio illis fuerit magis propensa tenebrarum. Præferri enim solet dilectioni ex comparatione dilectio: & hinc iudicium est, quia, cum dilexerint Christum, magis tamen tenebras dilexerunt. Hi ergo iudicabuntur, qui neque ut pii non iudicabuntur, neque jam fuerint ut impii iudicati, in quos ex prælate potius dilectione iudicium.

18. Hujus quidem evangelicæ dispositionis tenuit & Propheta rationem, dicens: *Propterea non resurgent impii in iudicio, neque peccatores in consilio justorum.* Impiis iudicium, quia jam iudicati sunt, non relinquunt: peccatoribus autem, quos superiori sermone discerni ab impiis docuimus, consilium justorum, quia iudicandi sint, denegavit. Illos enim præiudicatos impietas facit, hos vero peccatum detinet iudicandos. Itaque neque impietas, quæ jam iudicata est, peccatorum est permissa iudicio: neque peccatores, qui iudicandi sunt, justorum, qui non iudicabuntur, meriti sunt digni esse consilio.

19. Et hujus differentię hinc ordo proficiscitur: *Quia cognoscit, inquit, Dominus viam justorum, & via*

impiorum peribit. Consilium justorum peccatores idcirco non adeunt, quia viam justorum Dominus cognoscit. Cognoscit autem non ignorationis scientia, sed dignatione noscendi. Neque enim hæc in Deo passionum humanarum demutatio est, ut aliquid aut cognoscat, aut nesciat. Beatus Apostolus Paulus, qua ratione a Deo cognosceremur, exposuit, dicens: „ Si quis est in vobis propheta aut spiritalis, cognoscat, „ quæ scribo vobis, quia Domini sunt: si quis autem „ non cognoscit, non cognoscetur. “ Eos ergo cognoscia Deo ostendit, qui, quæ Dei sunt, cognoverint: tum cognoscendi, cum cognoverint; dignationem scilicet cognitionis per meritum religionis cognitæ consequentes: ut, quod cognoscitur, non ignorantis profectus intelligatur esse, sed cogniti. Absolute autem Dominus ostendit in Adam atque Abraham peccatores se ignorare, cognoscere autem fideles. Namque Adæ post peccatum dictum est: Ubi es Adam? Non quod Deus, quem adhuc in paradiso habebat, in paradiso esse nesciret; sed quod dum, ubi sit, interrogatur, indignus cognitione Dei per id, quod peccavit, ostenditur. Abraham autem diu ignoratus, scilicet ad quem septuagenarium Dei jam fuit sermo, cum se per oblationem Isaac fidelem Domino probasset, tali in divinam familiaritatem dignatione suscipitur: Nunc cognovi, quia times Dominum Deum tuum, & non pepercisti filio tuo dilecto propter me. Non ignorabat utique Abraham fidem, quam ei de generando Isaac credenti & ad justitiam deputaverat: sed quia magnum timoris sui dederat filium offerendo documentum, nunc cognoscitur, nunc probatur, nunc dignus est, qui non ignoretur. Sic itaque Deus & agnoscit, & nescit; cum Adam peccator nescitur, & Abraham fidelis agnoscitur, dignus scilicet, qui a Deo nihil utique ignorante noscatur. Cognita ergo est Deo justorum non judicandorum via: & idcirco peccatores, qui

qui iudicandi sunt, ab eorum consilio submoventur. Impii autem in iudicium non resurgent, cum deperdita eorum via, jam fuerint iudicati per eum, qui ait: Pater non iudicat quemquam, sed omne iudicium dedit Filio, Domino nostro Jesu Christo, qui est benedictus in secula seculorum. Amen.

P S A L M U S II.

Sine titulo apud Hebræos.

Quare fremuerunt gentes, & populi meditati sunt inania? Adstiterunt reges terræ, & principes conveniunt in unum, adversus Dominum, & adversus Christum ejus. Disrumpamus vincula eorum, & abiciamus a nobis jugum ipsorum. Qui habitat in cælis, irridebit eos, & Dominus subsanabit eos. Tunc loquetur ad eos in ira sua, & in furore conturbabit eos. Ego autem constitutus sum rex ab eo super Sion montem sanctum ejus, prædicans præceptum ejus. Dominus dixit ad me: Filius meus es tu, ego hodie genui te. Postula a me, & dabo tibi gentes hereditatem tuam, & possessionem tuam terminos terræ. Reges eos in virga ferrea, & tamquam vas figuli confringes eos. Et nunc reges intelligite, erudimini, qui iudicatis terram. Servite Domino in timore, & exultate ei cum tremore. Apprehendite disciplinam, ne forte irascatur Dominus, & pereatis de via justa. Cum exarserit in brevi ira ejus, beati omnes, qui confidunt in eo.

TRACTATUS PSALMI.

I. Plures nostrum ambiguos facit apostolica auctoritas, utrum psalmum hunc coherentem primo, & veluti primi extimum putent esse: an vero subiacentem & secundum potius connumerent. Namque in Actis Apostolorum primum hunc haberi atque esse

sub oratione beati Pauli ita docemur: Nosque vobis evangelizamus eam, quæ ad patres facta est re promissio: hanc Deus explevit filiis vestris, suscitans Dominum nostrum Jesum, sicut in psalmo primo scriptum est: „Filius meus es tu, ego hodie genui te, cum „ suscitavit eum a mortuis amplius non regressurum in „ interitum.“ Ob hanc ergo apostolicam auctoritatem errore scribentium fieri creditur, ut in ordine secundus psalmus iste numeretur, cum primus esse ipso Doctore gentium testante noscatur. Cognoscenda itaque ea ratio est, cur & a nobis secundus esse intelligendus sit, & ab Apostolo esse primus ostensus sit.

2. Mediis namque legis temporibus, prius quam unigenitus Dei Filius, ante secula manens Deus Verbum, homo nasceretur, poscente rege Ptolemæo, septuaginta seniores libros veteris Testamenti ex hebraeis litteris in græcas transtulerunt. Erat autem jam a Moyse antea institutum, in synagoga omni septuaginta esse doctores. Nam idem Moyses, quamvis veteris Testamenti verba in litteris condidisset, tamen separatim quædam ex occultis legis secretiora mysteria septuaginta senioribus, qui doctores deinceps manerent, intimaverat. Cujus doctrinæ etiam Dominus in Evangeliiis meminit, dicens: „Super cathedram „ Moyse, inquit, sederunt Scribæ & Pharisei: omnia „ ergo, quæcumque dixerint vobis, servate & fa- „ cite; secundum vero facta eorum nolite facere.“

Doctrina ergo horum mansit in posterum, quæ ab ipso scriptore legis accepta, in hoc seniorum & numero, & officio conservata est. Hi itaque seniores libros hos transferentes, & spiritalem secundum Moyse traditionem occultarum cognitionum scientiam adepti, ambigua linguæ hebraicæ dicta, & varia quædam ex se nuntiantia, secundum virtutes rerum certis & propriis verborum significationibus transtulerunt, *doctrinæ scientia multimodam illam sermonum intel-*
ligen-

ligentiam temperantes. Et ex eo fit, qui postea transtulerunt, diversis modis interpretantes, magnum gentibus attulerint errorem: dum occultæ illius & a Moyse perfectæ traditionis ignari, ea, quæ ambigue lingua hebræa commemorata sunt, incerti suis ipsi iudiciis ediderunt. Ambiguitatis autem linguæ hebræicæ unum afferemus exemplum, ex quo cetera istiusmodi esse, atque ita, ut sunt, intelligantur. *Brefith* verbum hebraicum est. Id tres significantias in se habet, id est, *in principio*, & *in capite*, & *in fili*. Sed translatore septuaginta *in principio* ediderunt, ceteris diverse transferentibus: & secundum hanc ambiguitatem hæc ab illis in omni translatione est facta confusio. 3. Sed perfecta horum septuaginta interpretum auctoritas manet. Primum, quod ante adventum corporalem Domini transtulerunt, nec adulatio interpretandi adhibita temporari arguitur, tanto anteriore interpretationis ætate: dehinc quod illi ipsi principes doctoresque synagogæ, & præter scientiam legis per Moysem quoque doctrina secretiori perfecti, non potuerunt non probabiles esse arbitri interpretandi, qui certissimi & gravissimi erant auctores docendi. Hi ergo psalmos inter ceteros libros transferentes, & in numerum redegerunt, & in ordinem collocaverunt, & diapsalmis distinxerunt, qui omnes secundum Hebræos confusi & habebantur, & habentur. Horum igitur translationes, Hebræis tum lingua tantum suæ utentibus, non erant necessariae. Ipsis tamen omnibus diligenti & religiosa custodia observatis, quibus postea, quam Dominus legem omnem sacramento & corporationis suæ, & passionis, & resurrectionis impleverat, cum his libris, quos regi iidem translatore ediderant collatis, & fideliter consonantibus comparatis, indissolubilis constituta est privilegio doctrinæ & ætatis auctoritas.

4. Hæc ergo Apostolus Paulus, secundum professionem suam Hebræus ex Hebræis, etiam secundum hebraicam cognitionem & fidem psalmum hunc primum esse dixit, translatorum distinctione non usque cui maximum hoc prædicandi ad synagoga principes studium erat, ut Dominum nostrum Jesum Christum Dei filium, natum, passum, resurgentem, regnare in æternum ex doctrina legis ostenderet. Tenuit itaque hunc modum, ut Hebræus ipse & Hebræis prædicans Hebræorum consuetudine uteretur. Sed nobis translatorum utendum auctoritate est, legem non ambiguitate litteræ, sed doctrinæ scientiæ transferendo.

5. Præstat autem nunc absolutissimam intelligentiam personæ, temporis, causæ, Apostolica auctoritas. Nam quid in libro Actuum suorum de hoc eodem psalmo iidem Apostoli senserint, verbis ipsorum loquemur. Scriptum namque est: „Et ipsis diebus, Domine, tu es, qui fecisti cælum & terram, & omnia, quæ in illis sunt, qui per os patris nostri David sancti pueri tui dixisti: *Quare fremuerunt gentes, & populi meditati sunt inania? Adstiterunt reges terra, & principes convenerunt in unum adversus Dominum, & adversus Christum ejus.* Con-
venerunt enim in veritate in civitate ista adversus sanctum tuum filium Jesum, quem unxisti, Herodes & Pontius Pilatus, & populus Israel, facere quanta manus tua & consilium præscripsit fieri. Et nunc Domine respice in minas illorum, & da servis tuis cum omni fiducia loqui verbum tuum.“ Non ergo ambiguum est, quid tanto anteriore tempore prophetiæ psalmus ostenderit. Nam permixtum sibi in Herode atque Pilato gentes frementes & populi vana meditantes, in unum cum ipsis suis principibus & regibus adstiterunt. Communi enim & Prætoris & Tetrarchæ judicio in Dominum confirmata damnationis est passio.

6. Et quidem diligenter secundum propheticam scientiam, unicuique generi, & nomini singulorum quorumque verborum est proprietas coaptata: ut gentes fremuerint, imperito scilicet motu inconditoque commotæ, Dei filium in corpore cernentes & odientes. Quæ usque adeo fremuerunt, ut corona spinea compunxerint, veste regia indutum salutatione atque honore regis illuserint, arundine caput contuderint, aceto ac felle potaverint, lancea latus foderint. Cohors enim militum Pilato subditorum ex fremitu iræ intemperantis hæc gessit.

7. *Populi autem inania meditati sunt*: id est, inani in doctrinis Dei meditatione versati, eum per meditationem legis non intellexerunt, qui prædicabatur in lege. Jam enim tum non tantum ex illa secundum carnem Abrahamæ generatione synagogæ populus abundabat: sed ex multis populis, in uno Israel populi nomine, multorum populorum diversitas continebatur. Et hoc in Actorum libro ita scribitur: „Erant
„ autem in Jerusalem habitantes Judæi, viri timen-
„ tes Dominum, ab omni gente, quæ sub cælo est.
„ Populi itaque isti meditati sunt inania, ex multis
„ populis in unum populum congregati.“

8. Reges quoque adstiterunt, Pilatus scilicet & Herodes, in quibus reges terræ intelliguntur: & uterque pro legum quibus præerant necessitate, præsentis suæ adhibuit officium. Qui autem impio irreligiosoque consilio multis conventibus adversus Dominum tractabant, hi principes conveniunt in unum: frequenter scilicet in domum Caiphæ omnibus sacerdotum principibus congregatis, Denique *reges terræ* cognominati sunt Herodes tetrarcha & Pilatus prætor: quia jure terreni imperii adstiterunt. Ceteri autem, qui in unum convenerunt, neque reges terræ sunt, neque principes sacerdotum: quia nec jus regni sui Prætori Romano & Tetrarchæ obtinebant subditi,
neque

neque ultra jam principes sacerdotum cognoscunt
merebantur, quia impii in Deum ac Dominum ipsius
sacerdotii extitissent.

9. Et quia non ambiguum est, ex persona Dei
patris secundum apostolicam auctoritatem psalmum
ceptum esse; quippe cum dixerint: Qui per os patris
nostri David sancti pueri tui dixisti: Idcirco ad intel-
ligendam personae demutationem ab interpretantibus
interjectam *diapsalma* est; licet in libris Hebræorum
non contineretur. Persona ergo, quae demutatur,
Apostolorum esse intelligenda est, dicentium: *Dis-
rumpimus vincula terræ; & abjiciamus a nobis jugum
asperum.* Detestari eos necesse est, quod arguunt.
Horum ergo, qui & fremuerunt, & inania meditati
sunt, vincula dirumpunt, & jugum abjiciunt. *Ex*
non ambiguum est, quin differat jugum abjicere, &
vincula rumpere, quod utrumque utrique superius
memorato & generi, & nomini convenit: ut vincula
quidem gentium rumpant, jugum autem populorum
abjiciant: quia gentes peccatorum suorum vinculis
colligantur, a quibus absolvere se per infidelitatem
non possunt, secundum id, quod dictum est: Fasciis
peccatorum suorum constrictus est peccator. Judæi
vero iugo legis onerantur, quod a se Apostoli abji-
ciunt, beato Petro dicente: Nunc vero quid tenta-
tis Dominum, ponere supra collum discipulorum ju-
gum, quod neque patres nostri, neque nos potuimus
portare? Hoc ergo populorum jugum a se abjiciunt,
quia subditi ei fuerunt: vincula autem non sibi, sed gen-
tibus dirumpunt. Et ita utriusque sermonis ratio serva-
ta est. Ubi vincula dirumpuntur, nullam personae suae
significantiā addunt: ubi vero abjiciunt jugum, illic
dicendo: *Abjiciamus a nobis*, non de aliis, quam de se-
metipsis locuti intelliguntur: ut gravi isto & intolle-
rabili abjecto, suavi illi & levi, ad quod invitati sunt,
evangelicae sanctificationis se iugo subderent; gentium
autem

autem vincula per libertatem prædicationis abrumperent, secundum illud, quod in ejusdem psalmi commemoratione dixerunt: Et nunc Domine respice in minas illorum, & da servis tuis cum omni fiducia loqui verbum tuum. Hæ enim apostolicæ doctrinæ omnium infidelitatem & peccatorum laqueos abrumpunt.

10. Et quia superius duplex persona servata est, cum ait: *adversus Dominum, & adversus Christum ejus*; gemina quoque nunc ridentis & subsannantis significatio consecuta est. Non enim discernitur contumelia alterius ab altero, neque discretus honor est religionis ad utrumque. Qui enim per genuinam patris & filii secundum se legitimamque naturam in gloria divinitatis unum sunt, unum etiam sunt vel in contemptus injuria, vel in honoris reverentia; & alter in altero aut honorificatur, aut spernitur. Atque id ipsum Dominus testatus est dicens: Sicut Pater suscitavit mortuos & vivificat; sic & Filius, quos vult, vivificat. Nec enim Pater judicat quemquam, sed omne judicium dedit Filio, ut omnes honorificent Filium, sicut honorificant Patrem. Qui non honorificat Filium, non honorificat Patrem, qui misit illum. Non distinguitur honor, non discernitur contumelia: æqua in utrumque religio expectatur, & injuria unius, contemptus utriusque est. Ita cum in uno uterque spernatur; qui unum sunt in divinitate ambo per gloriam, unum quoque sunt in religione ambo per honorem. Et hinc qui *adversus Dominum* convenerunt, convenerunt quoque *adversus Christum ejus*: & quos in cælo habitans irridet, hos & Dominus subsannat.

11. Non quod non & Dominus esset semper in cælo, quippe qui de se ipse testatus sit: Nemo ascendit in cælum, nisi qui descendit de cælo filius hominis, qui est in cælo. Non abest ergo a cælo, quia cum de cælo descenderit, filius hominis manens atque loquens,

loquens; est tamen, cum hæc loqueretur; in cœlo. Descenderat quidem filius hominis, sed per naturæ virtutem non aberat filius Dei, unde descenderat, neque se ex eo, quod ante erat, tum, cum homo est natus, absumserat; neque factus filius hominis, filius Dei esse defecerat. Sed adeo filius hominis, filius Dei est, ut descendens de cœlo filius Dei esset, & per virtutem suæ substantiæ idem filius hominis esset in cœlo.

12. Sed volens Propheta sub personæ distinctione significare Patrem, qui filio suo etiam in filio hominis consistente in terris, in illa æterna sua sede ac beata maneret, & sine descensionis alicujus dispensatione requiesceret, ait: *Qui habitat in cælis, irridebit eos, & Dominus subsannabit eos*: ut per eum, qui irridet habitans in cœlo, intelligeretur & Dominus, qui subsannaret e cœlo. Non differt autem subsannare & irridere: utrumque enim secundum voluntatis affectum officio oris efficitur. Namque secundum intelligentiam nostram per corporales species divinarum rerum sensus exponitur: ut subsannatio & risus in eludendis his, qui adversus Dominum & adversus Christum ejus convenerant, nominaretur; non quod in incorporalem Deum aut resolutio aut obductio oris incideret, sed ut ex naturæ nostræ consuetudine nosceremus, quali in impios esset iudicio divinæ voluntatis illusum. Subsannati ergo & irrisi sunt. Nam qui testes falsos concinnaverant, qui prodicionem mercati erant, qui super se ac filios suos sanguinem ejus receperant, qui Crucifige clamaverant, qui descende de cruce, si filius Dei es, dixerant, qui sepulcrum obsignaverant, qui resurrectionis silentium a militibus & famam furati corporis emerant, perdidit tantum impietatis suæ laborem. Deus est, quem cruci affixerant: æternus est, cujus sepulcrum obsignaverant. Irridetur impietas, dum ad illicita
niti-

nititur, dum inconcessa expetit, dum, quod obtinuisse se sperat, amittit, dum Deum esse, quem tamquam hominem condemnat, agnoscit.

13. Ob quod competenter hoc sequitur: *Tunc loquatur ad eos in ira sua, & in indignatione sua conturbabit eos.* Postea enim quam resurgente a mortuis Dei filio, in quem mors per speciem corporis, quod assumptum, inciderat, temeritas infructuosæ impietatis irrita est. Deus ad eos, quos subsannaverat, loquitur, eosque in indignatione conturbat. Ac prius quam quis iste iræ sermo, & quæ hæc indignationis perturbatio sit, ostendamus, admoneri legentes atque audientes oportet, ne aliquas demutationes passionum perturbationesque motuum cadere in Deum credant. Nihil enim in æternam illam & perfectam naturam novum incidit: neque qui ita est, ut qualis est, talis & semper sit, ne aliquando non idem sit, potest effici aliquid aliud esse, quam semper est. Terrenæ istud imperfectæque causæ habent generis, ut demutabiles fiant conversione naturæ, cum lætitiæ mærorum, placabilitatem ira, benevolentiam offensa, æquanimitem invidia, & securitatem sollicitudo perturbat: sumusque per hæc aliud aliquando, quam fuimus, cum eam, quæ præsens sit, mentis affectionem subrepens, per inconstantiam infirmitatemque nostram motus appetitionis alterius inquietet; & ex eo, quod fuimus, in id, quod sumus, conversio nos repentina demutat. Deus autem beatus atque perfectus profectu non eget, cui nihil deest: demutatione non novus est, qui origine caret. IPSE EST, qui, quod est, non aliunde est: in sese est, secum est, ad se est, suus sibi est, & ipse sibi omnia est, carens omni demutatione novitatis, qui nihil aliud, quod in se posset incidere, per id, quod ipse sibi totum totus est, reliquit.

14. Ex hujus igitur optima ac benevola beatitudine, per Dominum nostrum Jesum Christum profectus omnes sunt coelestium & invisibilium creationes, spiritualium & corporalium constitutiones; non ut profectum sibi aliquem ex his, quibus originem impetiebat, acquireret. Neque enim quisquam eo indiget, quod ex se tribuit; aut per id proficit, cui ad id, quod est, auctor est. Exteriora autem sunt, quae affertunt profectum; quia ea, quae inopiae medentur, aliena sunt. Deus igitur, ex quo omnia sunt, nullorum eorum indiget, quibus id, quod sunt, esse largitus est: omnia vero ad profectum eorum, quae gignerentur, creavit. Et quia longus erit sermo, si etiam de coelestibus & invisibilibus inchoetur; ex nobis ipsis, ad quos prophetia psalmi est, tractemus.

15. Hominem, non quod officio ejus in aliquo eguerit, instituit; sed quia bonus est, participem beatitudinis suae condidit, & rationale animal in usum largiendae suae aeternitatis vita sensuque perfecit: & hoc ex ipsius dictis absolute intelligitur. Ait enim: „ Et nunc Israel, quid Dominus Deus tuus poscit „ a te, nisi ut timeas Dominum Deum tuum, & amabules in omnibus viis ejus, & diligas eum, & servias Domino Deo tuo ex toto corde tuo. & ex „ tota anima tua, & ex tota virtute tua, & custodias „ praecepta Domini Dei, & justificationes ejus, quas „ ego praecipio tibi, ut bene sit tibi? “ Nullum a nobis, nisi innocentiae & religionis, & fidei obsequium Deus postulat. Amari se a nobis exigit; non utique amoris in se nostri fructum aliquem sui causa ipse percipiens, sed amore ipso nobis potius, qui eum amabimus, profuturo. Nam amari se, sibi que nos obsequi, idcirco ut nobis bene sit, expetit, ut digni beatitudinis suae ac bonitatis suae munere per meritum amoris sui & obsequii judicemur. Bonitatis autem usus, ut splendor solis, ut lumen ignis, ut odor succi, non

non præbenti proficit, sed utenti. Quod ergo sumus, profectus noster est potius, quam ejus, qui nos in id, quod sumus, instituit: quia Deus bonorum eorum, quæ in se sunt æterna. non invidens, in sensum nos atque usum beatæ suæ bonitatis assumit.

16. Sed qui perfectus ac bonus est, bonitate in nos ac beatitudine sua non sineracione ac modo usus est. Nam unicuique nostrum libertatem vitæ sensusque permittit, non necessitatem in alterutrum affigens, ut unumquemque ex natura bonum malumve esse lex cogeret: sed qui nos per benevolentiam utendæ beatitudinis suæ creasset, profectum nobis ad id per meritum vitæ innocentis honestæque constituit. Quid autem honoris ac præmii bonitatis necessitas mereretur, cum malos nos esse vis quædam nobis conferta non sineret? Voluntati ergo permissa bonitas est: ut præmium sibi voluntas bonitatis acquireret; & esset nobis æternæ hujus beatitudinis profectus atque usus ex merito, non necessitas indiscreta per legem. Et quamquam nos ad voluntatem bonitatis, id est, ad bene honesteque vivendum per spem promerendæ & utendæ suæ bonitatis illiceret, pœnam tamen devitatæ & contemptæ bonitatis adjecit: ut cum libertatem nobis voluntatis ad bonitatem promerendam reliquisset, quia meritum naturæ necessitas non haberet, libertatem ipsam quotidie propositus e contrario pœnæ terror argueret. Atque ita & per rationem æqui atque justî ad meritum præmii permissa libertas est, & per bonitatem Dei vis libertatis metu constitutionis artata est: ut benevelle meriti spes moneret, malum nolle propositæ ultionis pœna suaderet.

17. Itaque his, quibus ex voluntatis libertate malitia magis placuit, ultio constituta ira esse Dei creditur: non quia indemutabilis illa Dei & quieta natura motu impetus turbidi incalcescat, sed quod ille, qui per constitutionem pœnæ maneat in pœna, sentiat

sibi auctorem hujus constitutionis iratum. Pœna enim patientis, ira esse creditur decernentis. Atque ita irascitur Deus, cum per pœnæ dolorem iram decreti in se sentiant esse puniti: quæ non per demutationem naturæ in iram ex placabilitate commota est, sed ex constitutione pœnæ ira sit puniendis. Hanc autem pœnæ constitutionem iram nuncupari atque esse, Joannes in Evangelio ostendit, dicens: „Natio viperarum, „ quis monstravit vobis fugere a futura ira? Cum enim „ debitum illis esset, ob impietatem suam pœnæ constitutione puniri, iram tamen hanc futuram pœnitentiæ confessione fugiebant.“ Apostolus quoque iræ hujus ita meminit, dicens: Quia si cum adhuc peccatores essemus, Christus pro nobis mortuus est; multo magis justificati nunc per sanguinem ejus, liberabimur ab ira per illum: iram videlicet pœnam manentis constitutionis ostendens.

18. Non itaque ad demutationem Deus mobilis est, neque ad aliud ex alio transferendus: cum certæ ipse constantisque naturæ sit, maneatque, ut est, quippe qui dixerit: „Ego sum, qui sum, & non demutor.“ Beata illa & perfecta æternaque virtutis bonitas non patitur conversionem: nec demutatur ex alio in aliud motu accidentis instinctus. Et hoc idem hic sancto Spiritu loquens Propheta testatur, dicens: „Deus judex justus, fortis & magnanimus, „ numquid irascetur per singulos dies? Nisi conversi fueritis, gladium suum vibravit, & arcum suum tetendit, & paravit illum: & in eo paravit „ vasa mortis: sagittas suas arsuris operatus est.“ Non ergo ad iram magnanimus demutatur; sed potens judex pœnam decrevit ad culpam. Nam non convertentibus gladium vibravit, & arcum tetendit, & in eo paravit vasa mortis, & sagittas suas arsuris operatus est. Operatus autem est non ad motum repentinae iræ, quæ per cupiditatem ulciscendi subito accensa

cenſa ſit; ſed operatus arſuris eſt, qui per impœnitentem voluntatem ipſi ſe conſtituent urendos. Et his, qui non convertentur, gladius vibratus eſt, non ex demutatione iræ promendus ad ſingulos; (neque enim, qui magnanimus eſt, per dies ſingulos irasſcitur,) ſed quia iudicium decrevit, gladius ejus ex pœnæ conſtitutione jam promptus eſt. Ipſa autem pœnalis iudicii ſpiritualia miniſteria in gladio, arcu, ſagittisque memorantur, quia præparata habentur arſuris. Non ex motu iræ temporariæ præparantur, ſed ea ex decreti conſtitutione, temperatiſſima Deus bonitatis ſuæ æqualitate moderatus eſt: non occultam ſcilicet conſtitutionis ipſius hujus ſeveritatem & incognitam relinquendo, terroremque ejus denuntiationibus præmonendo, & ipſam illam, conſtitutam licet, longa tamen ad peccati pœnitentiam dilatione remorando.

19. Atque ideo poſteaquam fremuerunt gentes, & adſiterunt reges, poſteaquam inania meditantes populi in unum convenerunt adverſus Dominum Chriſtumque ejus, & poſtea quam irriſi ſubſannatique ſunt, ſubjectum eſt: *Tunc loquetur ad eos in ira ſua, & in indignatione ſua conturbabit eos* Qualiter autem loqui ſemper in ira ſua Dominus ſolitus ſit, unum propheticæ doctrinæ graviffimum & maximum afferemus exemplum, Eſaia dicente: „Audite verbum Domini principes Sodomorum, attendite verbum Domini populus Gomorrhæ. Quo mihi multitudinem hoſtiarum veſtrarum, dicit Dominus? Plenus ſum. Holocauſta arietum, & adipem agnorum, & ſanguinem taurorum & hiſcorum nolo; nec ſi veniatis apparere in conſpectu meo, (quis enim exquiſivit hæc de manibus veſtris?) calcare aulam meam non apponetis. Si afferatis ſimilaginem, vanum eſt: thymiama abominatio eſt mihi. Neomenias & ſabata veſtra & diem magnum non ſuſtineo. Jejunia & ferias & neomenias veſtras & feſtivities odit

„ anima mea. Facti enim mihi estis in abundantiam,
 „ jam non sustineo peccata vestra. Cum extenditis
 „ manus, avertam oculos meos a vobis: & si mul-
 „ tiplicetis precem, non exaudiam vos: manus enim
 „ vestræ sanguine plenæ sunt.“ Et hæc quidem atro-
 cia & plena iræ, principes Sodomorum generosam Abra-
 hæ familiam nuncupari, populum Gomorrhæ electum
 in hæreditatem Israel dici, improbables esse hostias,
 abominabiles solemnitates, pertæsa jejunia. Aver-
 tendi a conspectu adeuntium oculi, obstruendæ ab
 auditu precantium aures, quia manus sanguine plenæ
 sunt: quid hac comminatione gravius est? quid his
 minis severius? Sed videamus, qualiter in ira sua
 Deus loquatur.

20. Sequitur enim, (postea quam dictum est:
 „ Manus vestræ sanguine plenæ sunt,) Lavamini,
 „ mundi estote, auferite nequitias ab animis vestris,
 „ a conspectu oculorum meorum. Discite bonum
 „ facere, exquirite iudicium, liberate injuriam acci-
 „ pientem, judicate orphano, & justifyate viduam:
 „ & venite, arguamur, dicit Dominus. Et si fue-
 „ rint delicta vestra ut phœnicium, ut nivem dealba-
 „ bo: si autem fuerint ut coccum, ut lanam candi-
 „ dam efficiam. Et si volueritis & audieritis me,
 „ quæ bona sunt terræ, manducabitis: quod si no-
 „ lueritis, neque audieritis me, gladius vos come-
 „ det. Os enim Domini locutum est.“ Sequitur
 „ terrorem benignitas: & quibus jam ultio criminis
 debita est, his adhuc superest pœnitentis conscientiæ
 beata confessio. Non enim statim Deus in ira sua
 perimit, sed loquitur: & dissimulata adhuc pœna tan-
 tum in indignatione perturbat. Qui enim ut coccum
 & phœnicium erant, redundant in manus sanguine
 decolores, in nivem albescent, eruntque veste beati
 velleris candidati. Et hæc quidem ex auctoritate Te-
 stamen-

stamenti veteris præsumta sint: videamus, an etiam in novo Dei ira talis esse intelligatur, ut salvet.

21. Namque Joannes eos, quos esse nationem viperarum ob malitiam paternæ in se impietatis exprobrat, ita ad salutem monet! Facite dignum fructum poenitentiae. Et rursus ipse Dominus: Venite ad me omnes, qui laboratis & onerati estis, & ego vos reficiam. Frementibus autem adversus se, & non tantum in passione, sed etiam post passionem, non dico in unum convenientibus, sed persecutionem Ecclesiæ, Apostolorum fugam, cædem Martyrum spirantibus, Deus sic loquitur iratus: Saule, Saule, quid me persequeris? Ait autem: Qui es Domine? Dominus vero: Ego sum Jesus Nazarenus, quem tu persequeris. At ille tremens & pavens in eo, quod sibi acciderat, dixit: Domine, quid me vis facere? Sic loquitur iratus, sic in indignatione conturbat: cum quibus ob meritum impietatis poena decreta est, ipsis per admonitionem desinendi metus & terror affertur.

22. Sed ne ipsam quidem principalem & maximam loquendi in ira & in indignatione conturbandi prædicationem prætermisit Propheta. Namque post id, quod ait: *Tunc loquetur ad eos in ira sua, & in furore suo conturbabit eos*; ut ostenderet, qui ille iræ sermo esset, & quæ ex eo conturbatio gigneretur, adjecit: *Ego autem constitutus sum rex ab eo super Sion montem sanctum ejus, annuntians præceptum ejus. Dominus dixit ad me: Filius meus es tu, ego hodie genui te. Posce a me, & dabo tibi gentes hereditatem tuam, & possessionem tuam terminos terra. Reges eos in virga ferrea, & tamquam vas figuli confringes eos.* Iratus loquens atque in indignatione perturbans, & irascendi modum temperat & loquendi. Nam neque iram dissimulat potestate prælata, neque a bonitate sua excedit terrore præmisso; ut ab impietate nos metus ejus, cujus pote-

statem demonstrat, revocaret. Conturbantur ergo frementes & vana meditantes, cum regem sciunt, cum filium Dei audiunt, cum possessorem eum finium terræ, & hæredem esse gentium discunt, cum regendi jus in virga ferrea ejus esse cognoscunt, cum modo ac facilitate vasis figuli comminuendos populos intelligunt. Sic loquitur iratus, sic conturbat indignans; non puniens admissam impietatem, sed impœnitentem ad pœnitentiæ confessionem commemoratæ potestatis terrore perturbans.

23. Quamquam vero per spiritum prophetiæ, pro gerendis gesta memorantis, (quia solitus sit per non ambiguum providentiam gerendorum Deus futura pro præteritis significare) absolute intelligi possit, omnia hæc ex persona unigeniti filii Dei Domini nostri Jesu Christi dicta esse; & infidelitas maxima sit, trepidum ad hæc sensum ambiguae opinionis afferre: tamen etiam evangelicis atque apostolicis doctrinis ostendendum est, nihil eorum Prophetam, quæ gerenda prædicandaque essent, non antea prophétasse; maxime cum non exiguus ignorantibus atque simplicibus error oriatur in eo, quod dictum est: *Ego hodie genui te.* Cum enim ante tempora unigenitus Dei filius maneat; nec conveniens, nec consonans esse intelligitur, ut in die genitus sit, cum dies omnis in tempore sit. Tempora enim, secundum præscriptam nobis a Moyse cognitionem, in hunc suum motum atque cursum ab origine sæculi & constitutione dimensa sunt; cum per momenta & horas, & menses, & annum revolubili in se successione discreta sunt: institutumque est tempus ex tempore, quia omnia tempora mutua temporum substitutio & gignit, & terminat. Atque ob id dies in tempore est: per quem tempus universum & inchoatum desinit, & desinens inchoatur. Unigenitus vero Dei filius, ut Dei Verbum est, ita & Deus erat Verbum; non cum tem-

poribus est, sed ante tempora; non in aliquo, sed ante omnia est. Erat enim, cum tempora facta sunt, quippe qui ea fecerit. Erat ergo semper. Non enim est diffinitus in tempore, non subjectus in numerum; sed per quem est eorum omnium, quæ & sunt, & esse dici possunt, origo: ipse ille ex infinitæ æternitatis suæ ortu, ut ab æterno genitus, esse persistit. Ut igitur dicti prophetici, quo ait: *Ego hodie genui te*, ratio possit intelligi, adhibenda nobis est avangelica & apostolica atque prophetica auctoritas: ut vel Prophetam de Apostolo, vel Apostolum de Propheta intelligamus. Tenendus autem idem evangelicorum dictorum ordo, qui psalmi est.

24. Nam id primum est: *Ego autem constitutus sum rex ab eo super Sion montem sanctum ejus*. Et nescio, cui Christum regem esse ambigere sit tutum, latrone hoc ipso in crucis passione confitente: Memento mei Domine, cum veneris in regnum tuum. Sed non sufficit confessio latronis, regem esse profitentis. Testantur etiam adoraturi Magi, cum interrogant: Ubi est, qui natus est rex Judæorum? Testatur & Pilatus interrogans: Tu es rex Judæorum? Profitetur & Dominus respondens: Tu dixisti. Non negat interrogatus, nec gloriatur humiliandus ad mortem. Cum non sit nisi ex responsione confessio; ita neque se protulit professionis auctorem, neque interroganti cognitionis veritatem invidit.

25. Sed non sufficit respondisse, quod rex sit; audiamus etiam illud, & qui sit iste, qui rex est. Princeps namque sacerdotum etiam cum sacramento interrogat, dicens: Adjuro te per Deum vivum, ut dicas nobis; si tu es Christus filius Dei. Et dicit illis Jesus: Tu dixisti. Interrogatio nunc quoque non improbatur, sed & jactantia & gloriatio spontaneæ professionis effugitur; quæsitæ tamen veritas non negatur. Ac sic verecundia humilitatis & veritatis con-

fectio temperantur, ut sit & in responsione officium, & in interrogatione cognitio. Sed expectandum est, qui tandem sit responsionis hujus profectus, quod Christus filius Dei est, nempe quod sequitur ad id, quod dictum est: Tu dixisti: Verum dico vobis, a modo videbitis filium hominis sedentem a dextris virtutis Dei, & venientem in nubibus cœli. Qui filius hominis est, idem & filius Dei est: natura generositatis in filii hominis assumptione non deperit. Nam non idcirco non Dei filius, quia & hominis est filius. Non enim cum divinitatis decessione fit humilitatis accessio: nec per consortium infirmitatis contumeliam virtus excipit; quippe cum infirmitas honore sit donata virtutis. Nam hominis filius a dextris Dei assidet, veniens cum cœli nubibus contuendus. Quo dicto prophetia consummatur illa, quæ dixit: Dixit Dominus Domino meo, sede a dextris meis, donec ponam inimicos tuos scabellum pedum tuorum.

26. Hic ergo rex super Sion montem sanctum Dei constitutus est præceptum Domini annuntians: non super illum utique perditæ civitatis montem, comploratæ scilicet & homicidæ & parricidæ Jerusalem: sed Jerusalem ejus, quæ in cœlis est, quæ mater est nostra, quæ civitas regis magni est, cujus, ut existimo, hodieque incolæ sunt in passione Domini resurgentes. Dei itaque præceptum hic rex constitutus annuntiat: ut venturum eum cum cœli nubibus meminissent, adversus quem fremerent & convenirent, ut per cognitionem divini adventus conturbati super contumelia illusæ humilitatis corporeæ pœniterent.

27. Tenet autem ordinem prophetiæ evangelica doctrina. Nam in eo ipso dicti utriusque ratio continetur, hujus scilicet dicti: *Ego constitutus sum rex ab eo super Sion montem sanctum ejus, annuntians præceptum ejus. Dominus dixit ad me: Filius meus es tu, ego hodie*
genui

genui te. Cum enim ait: A modo videbitis filium hominis sedentem a dextris virtutis Dei, tempus, quo filius hominis, qui & Christus, & Dei filius est, confessu Dei dignandus esset ostendit: ut, quia antea Dei filius, tum quoque & hominis filius esset; & id, quod tum filius hominis est, ad perfectum Dei filium, id est, ad resumendam indulgentiamque corpori æternitatis suæ gloriam, per resurrectionis potentiam gigneretur: quam gloriam a patre corporeus reposcebat. Qui enim in forma Dei erat, formam servi acceperat. Et acceptæ huic formæ servi gloriam Dei, in qua mansit, postulat, dicens: Pater; glorifica me apud te ipsum ea claritate, quam habui prius, quam mundus esset, apud te. Non nova quærit, non aliena desiderat, esse talis, qualis fuerat, postulat: sed precatur, id se, quod antea erat, esse, gigni scilicet ad id, quod suum fuit. Non erat autem id ipsum tunc totus, quod, ut fieret, precabatur: fieri autem totus non aliud, quam quod fuerat, postulabat. Sed cum fit, quod fuit, &, quod non erat, est futurus: ad id, quod fuerat, id quod totum non erat, quodam novi ortus nascebatur exordio. Ergo hic resurrectionis suæ ad assumendam gloriam dies est, per quam ad id nascitur, quod ante tempora erat. Sed nascens ad id, quod ante tempora fuit, id tamen in tempore nascitur esse, quod non erat. Atque ideo filius hominis a modo assidens virtutis dextris est videndus, quia natura carnis post resurrectionem glorificata, ad profectum ejus, quam antea habuerat, claritatis provehebatur: cum hominis filius confessurus Patri, & in immortalitatem corruptione carnis absorpta, & in viventem tunc, & non moriturum amplius Dei filium nasceretur.

28. Tenuit autem beatus Apostolus novam hanc in eo temporariæ hujus nativitatis discretam, ab ea, quæ ante tempora est generatione, & subdivisam signifi-

ficationem. Nam cum de beata illa & nullis circumscripta temporibus natiuitate dixisset, Primogenitus omnis creaturæ, quia in ipso creata sunt omnia in cœlis & in terra, visibilia & invisibilia: primogenitum quoque etiam ex mortuis in resurrectione commemorat, dicens postea: Primogenitus ex mortuis, ut fieret ipse in omnibus primatum habens. Nascitur enim ad id, quod non erat, cum tamen id fieret, quod fuisset. Est enim primogenitus ex mortuis, qui erat primogenitus creaturæ: idcirco primogenitus ex mortuis, ut maneret primogenitus creaturæ. Idem enim est primogenitus ex mortuis, qui erat primogenitus creaturæ.

29. Non nunc aliud est, atque antea fuit, quamvis etiam aliud ipse fuerit ex alio: sed id, quod ex alio etiam aliud fuit, in idipsum tamen, unde antea exiit, aliud est reatum. Nam qui natus ex virgine homo est, erat & tum filius Dei: sed qui filius hominis est, idem erat & Dei filius. Natus autem rursus ex baptismo, & tum Dei filius: ut & in idipsum, & in aliud nasceretur. Scriptum est autem, cum ascendisset ex aqua: *Filius meus es tu, ego hodie genui te.* Sed secundum generationem hominis renascentis, tum quoque ipse Deo renascebatur in filium perfectum, ut hominis filio, ita & Dei filio in baptismo comparato.

30. Sed id, quod nunc in psalmo est: *Filius meus es tu, ego hodie genui te*, non ad virginis partum, neque ad lavacri generationem, sed ad primogenitum ex mortuis pertinere apostolica auctoritas est. Namque in libro Actuum Apostolorum ita dictum est: „ Nosque vobis evangelizamus eam, quæ ad patres „ facta est repromissio. Hanc Deus explevit filiis „ nostris, suscitans Dominum nostrum Jesum, sicut „ & in psalmo primo scriptum est: *Filius meus es tu, „ ego hodie genui te*, cum suscitavit eum a mortuis, „ amplius non regressurum in interitum.“ Vox

ergo

ergo hæc Dei patris secundum Apostolum in die resurrectionis extitit: & videamus an idipsum & Evangelistæ doceant. Namque Dominus resurgens tali ad Apostolos usus est voce: „Data est mihi potestas „ omnis in cælo & in terra. Euntes nunc docete „ omnes gentes, baptizantes eas in nomine Patris, „ & Filii, & Spiritus sancti.“ Resurgens enim, in cælo & in terra jus omne sortitus est. In eo autem, quod ait: Data est, poposcisse id, quod accepit, ostendit.

31. Sequitur enim: *Posce a me, & dabo tibi gentes hæreditatem tuam, & possessionem tuam terminos terræ.* Accepit ergo hæreditatem gentium, quam poposcit. Poposcit enim, cum ait: Pater, venit hora, honorifica filium tuum, ut filius tuus honorificet te. Sicut dedisti illi potestatem omnis carnis, ut omne, quod dedisti illi, det illi vitam æternam. Et rursum: Non pro his rogo tantum, sed & pro illis, qui credituri sunt per verbum eorum in me. Hæc ergo hæreditas ejus, ut omni carni det vitam æternam, ut omnes gentes baptizatæ atque doctæ regenerentur in vitam: non jam secundum illam divinam Moysei cantionem angelorum dominatui deditæ, neque secundum eorumdem numerum divisæ; sed in dominicam familiam susceptæ, & in domesticos Dei deputatæ; & ex injusto atque peccatore, & perverso jure dominantium, in regnum æternum divinumque translata. Neque enim adhuc tantum portio Domini Israel, neque funiculus hæreditatis ejus Jacob: sed gentes omnes, secundum numerum angelorum ante divisæ, nunc jam unius atque unus omnis hæc gentium universitas Dei populus est: & æterna hæc omnium ex mortuis resurgentium, primogeniti hujus ex mortuis æterni hæredis hæreditas est.

32. In eo autem, quod subjectum est: *Et possessionem tuam terminos terræ;* non est existimandum, quod idipsum

idipsum repetitus sermo significet, tamquam illi solæ gentium terras inhabitantium donata possessio sit. Non enim ait: *Et possessionem tuam* usque terminos terræ, sed *terminos terræ*. Ab eo autem, quod terminatur, id, quod terminat, differt. Neque idipsum est, finitum esse, atque finire. Neque unum est, modum sumere atque moderari: quorum aliud interius modum accipit, aliud exterius quodam ambitu suo objectuque moderatur. Non enim ita in profundum demersa est terra, aut in latitudinem extensa, aut prolata in altum est, ut non undique secus aut circumfusæ, aut subjacentis sibi naturæ contineatur objectu. Hanc enim infernæ vastitudinis demersa & immensa abyssus sustentat: hanc circumfusi & superni aeris spiritus inumbrat atque ambit. Quod autem subjecta sibi abyssu suspensa sit, Propheta testatur diēns: Ipse super maria fundavit eam, & super flumina præparavit illam. Et rursum: Qui firmavit terram super aquas. Et hanc immensam atque infinitam vastitatem abyssum Scriptura solita est nuncupare, cum Jona intra cetum orante dicitur: Abyssus multa circumfudit me. Atque hæc quidem infinita immensitas, quæ secundum verbi proprietatem in abyssu significari intelligitur, spiritali & divinæ substantiæ est circumscripta virtute, secundum illud Apostoli: Quoniam omnia in ipso, & per ipsum, ipsi gloria in secula seculorum. Esse autem hujus infernæ regionis vastæque abyssi incolas plures, beati Joannis Apocalypsi docemur: cum nullus neque in cælo, neque supra terram, neque infra terram obsignatum librum dignus est repertus aperire. Non utique de mortuis & in terram sepultis significare intelligitur, cum ad tertii incolatus demonstrationem, non qui intra terram, sed qui infra terram; neque qui mortui sunt, sed qui vivunt, ullum in se resignandi libri habuerint auctorem. Cum ergo possessio terræ finium Domino dona-

donatur, non tam terra donatur, quam ea, quibus terra finitur. Terræ enim terminos, quibus terra ipsa determinatur: accepit.

33. Cujus rei sacramentum omne beatus apostolus Paulus (quippe cujus ore Christus de se est locutus,) exposuit dicens: „Qui cum in forma Dei esset, „ non rapinam existimavit se esse æqualem Deo, sed „ se exinanivit formam servi accipiens, in similitudine hominis constitutus, & habitu repertus ut „ homo: humiliavit se factus obediens usque ad mortem, mortem autem crucis: propter quod & Deus „ illum exaltavit, & donavit illi nomen, quod est „ super omne nomen, ut in nomine Jesu omne genu „ flectatur, cœlestium, terrestrium & infernorum, „ & omnis lingua confiteatur, quia Dominus Jesus „ Christus in gloria est Dei patris.“ In forma itaque Dei manens, formam servi accepit, scilicet ex Deo homo natus. Et post mortem crucis in nomen, quod est super omne nomen, exaltatur: in Deum namque, quia nullum ultra Deum nomen est, provehitur; ei-que hoc petenti, id est, ut esset, quod fuerat ante, donatur. Formam enim servi in forma Dei manens sumserat. Accepit deinde possessionem finium terræ, id est, ut in nomine Jesu omne genu flectatur, cœlestium, terrestrium & infernorum: & omnis lingua confiteatur, quia Dominus Jesus in gloria Dei patris. Non terrena sola, sed superna etiam infernaque donantur, & ea, quibus terra concluditur. Et in gloria Dei patris hodie genitus nascitur, id est, in manentem antea Dei formam per præmium mortis formæ servilis assumptio honestatur. Fitque sub tempore nova, nec tamen inusitata nativitas: cum ad resumendam gloriam Dei patris, qui ex forma Dei forma servi erat repertus, primogenitus ex mortuis nasceretur.

34. Sequitur deinde: *Reges eos in virga ferrea, & tamquam vas figuli confringes eos.* Multis aut male opianti-

nantibus, aut virtutem & proprietatem dictorum divinorum ignorantibus, adversa hæc esse bonitati Dei videntur: ut gentes, quas filius Dei in possessionem poposcit, & in hæreditatem accepit, terrore virgæ ferreæ regat, & modo vasis figuli confringat. Neque enim boni cujusquam est, dare & accipere perdenda. Et qui magis vult peccatorum pœnitentiam, quam mortem, non existimatur secundum professionem naturæ suæ esse facturus, si virga ferrea confringat, quos dari sibi in hæreditatem poposcit.

35. Et primum ne quis temerariæ huic & impiæ præsumptioni locus pateat, proprietates ipsæ verborum in romanam linguam translatorum cognoscendæ sunt. Namque id, quod nobiscum est, *Reges eos in virga ferrea*, quamquam ipsum *reges* non tyrannicum, neque injustum sit, sed ex æquitatis ac moderationis arbitrio regimen rationale demonstret: tamen molliorem adhuc regentis affectum proprietatis græca significat. Quod enim nobiscum est, *reges eos*, cum illis est *τροιμανεῖς αὐτοῦς* id est, pastoraliter reges: regendi scilicet eos curam affectu pastoris habiturus. Ipse est enim pastor bonus, cujus nos oves sumus, pro quibus animam suam posuit. Ne autem jus tyrannicum significari arbitremur in virga, quæ in virgæ nuncupatione proprietatis sit, ex novo & veteri Testamento noscendum est.

36. Beatus Paulus ad Corinthios scribens, quos tum ex multis peccatis ad pœnitentiam moderata atque utili adhortatione revocabat, ait: Quid vultis? in virga veniam ad vos, an in charitate & spiritu mansuetudinis? Numquid Paulo jus prætorium erat, ut in virga comminaretur, & cum officio lictoris ad ecclesiam Christi adesset? Non utique ita opinandum est. Sed quia omnis Dei sermo, quo ex errore in veritatem Dei retrahimur, quo per comminationem terroremque judicii ad innocentis & sanctæ vitæ viam regi-

regimur, virga est nuncupatus, per quam intra disciplinam divini metus cohibiti, moderati ac providentis rectoris monitu coercemur: beatus Apostolus conditionem eligendi adventus sui his, quos monebat, adjecit, utrum mallent eum in severitate doctrinæ atque objurgationis adesse, an in spiritu lenitatis. Quod utrumque secundum modestiæ tenorem erat necessarium, ut obedientibus lenior, insolentibus vero severior adveniret. Et hoc quidem ex novi Testamenti auctoritate præsumtum est.

37. Hanc autem verbi doctrinam virgam nuncupari ex veteri ita cognitum est, cum dicitur: Virga directionis, virga regni tui. Quia hæc eadem est virgæ directio, qua per doctrinam in æquam viam utilemque dirigimur: & quæ virga regni est, necesse est ipsa illa doctrina sit regni. Ipsum autem Dominum nostrum ob doctrinæ suæ utilem ac moderatam prædicationem virgam nuncupatum ita accepimus dicente Esaia: Exiet, inquit, virga de radice Jesse. Ac ne tyrannicam in eo severitatem per virgæ nuncupationem auderet quisquam opinari, continuò propheticus sermo subjecit: Et flos de radice ejus ascendet, & requiescet super eum spiritus Domini: ut virgæ severitatem floris suavitas temperaret, cum unicuique nostrum doctrinæ terror regimen perfectæ beatitudinis admoveret. In hac ergo virga reget datas sibi gentes: non corruptibili, non caduca; non fragili, sed ferrea, id est, validissima, & pro naturæ suæ soliditate firmissima.

38. Hac ergo virga ferrea ut reget, ita confringat & conteret. Nam magis hoc secundum Septuaginta translatores græcitatatis proprietas enuntiat. Ita enim scriptum est: Ως σκευη κεραμειος συντριψει αυτους. Sed sive conterat, sive confringat, non idcirco existimandus est hæreditatem poscere, ut eam ad perdendum atque abolendum confringat & conterat: quippe

quippe cui cor contribulatum sacrificium sit optimum. Contritio ergo illa sive confractio est, quæ in nobis corporeas voluptates & secularium vitiorum incentiva comminuit, dignosque nos dignatione Domini præstabit secundum dictum Prophetæ: Cor contribulatum & humiliatum Deus non spernet. Comparata autem vasis figuli confractio, quantam absolutionem intelligentiæ hujus impertitur? Non enim sine causa, quos in hæreditatem poposcit, virga ferrea tamquam vas figuli confringet: nisi quod comparationis exemplo fragmenti istiusmodi damnum proficere in restaurationem ejusdem vasis ostendit.

39. Qualis autem a Deo secundum vas figuli nostra confractio sit, idem docuit per Jeremiam prophetam, dicens: „ Surge, & descende in domum figuli; „ & ibi audies verba mea. Et descendi in domum „ figuli: & ecce ipse faciebat opus super lapides. „ Et cecidit vas, quod faciebat in manibus ejus: & „ iterum ipse fecit vas aliud, secundum quod placuit „ in conspectu ejus, ut faceret. Et factum est verbum Domini ad me dicens. Si secundum figulum hunc non possum facere vos domus Isreal? Ecce „ sicut lutum figuli vos estis in manibus meis. In „ summa loquar super gentem aut super regnum, ut „ feriam eos & perdam: & si conversa fuerit gens „ illa a malis suis, pœnitebo de malis, quæ cogitabam facere illis. Et in summa loquar super gentem „ & regnum, ut reedificem & plantem. Et facient „ mala ante me, ut ne audiant vocem meam; & pœnitebo de bonis, quæ locutus sum facere illis. “ Sic petitas atque obtentas hæreditatis suæ gentes Deus confringet & conteret, ut reformat. Confringit enim Deus in omnibus omnes inexplēbiles cupiditates, & illecebrosas lascivias, & ferventes iras, & inanes superstitutiones, & tumentes fastus, & impias opiniones. Reformat autem nos ad rationabilem vitæ usum contentu

temtu pecuniæ, luxur pudore, iræ moderatione, veri scientia, communione vivendi, religionis officiis: cum per doctrinæ regimen terroremque iudicii in has virtutes post vitia illa reviviscimus. Non enim ait: Tamquam vas figulum confringes eos, ne per testæ fragmentum irreformabile vas posset intelligi: sed ait, *vas figuli*, quod in ipsa artificis molitione vas fieret, ut secundum prælatum exemplum prompta esset confracti ejusdem vasis ex artificis voluntate reparatio.

40. Sed hoc irrationabilis materiæ vas etiam sub alia intelligentia ad rationem humanæ voluntatis aptatum est: homines quidem per hæc vitia sua cadere; sed si in his pœniterent, id est, si ab his desinerent, se quoque Deus in his, quæ ad pœnam casus hujus constituerit, pœnitere: non quod hic motus mentis secundum humanam naturam in Deum caderet: sed quia homini gestorum pœnitentia modus est gerendorum. Pœnitentiam quoque suam Deus memorat ad pœnam: quia puniri desinerent, qui esse impii destitissent. Ut ergo figulo promptum est, amissum vas ad eandem, vel quam volet, speciem reformare: ita Deo facile est, post vitiorum casus volentes se erigi, per doctrinæ suæ institutionem ad pietatem ex impietate reparare.

41. Sed & illa *tamquam vas figuli* non ignoranda confractio est, tum cum his corporibus dissolutis, & casu mortis confractis, pro voluntate artificis restauratio afferetur. Quod utrumque propheticus sermo significasse eodem dicto videtur. Nam cum pœnitentiam utilem in his, quæ antea agebantur, ostendit; præsentis hujus vitæ & corporalis ex vitiis in virtutes novam quasi instaurationem docet esse oportere, ira in eos Dei licuti criminum voluntate cessante. Et quamquam id ex figuli comparatione protulerit: tamen cum de eodem figulo ait: Et ipse fecit vas aliud secundum quod placuit in conspectu ejus; significari

etiam intelligitur illa, quæ secundum Dei voluntatem resurgentium corporum instauration est futura. Pro-
ut enim ei placet, & in conspectu ejus dignum est,
contracta reparabit, non ex alia aliqua, sed ex ve-
teri atque ipsa originis suæ materie speciem illis com-
placiti sibi decoris impertiens: ut corruptibilium cor-
porum in incorruptionis gloriam resurrectio, non inte-
ritu naturam perimat, sed qualitatis conditione de-
mutet. Non enim aliud corpus, quamvis in aliud re-
surgat, Apostolo dicente: Seminatur in corruptela,
resurgat in incorruptione; seminatur in ignominia,
resurgat in gloria; seminatur in infirmitate, resurgat
in virtute; seminatur corpus animale, resurgat spiri-
tale. Fit ergo demutatio, sed non affertur abolitio.
Et cum id, quod fuit, in id, quod non fuit, surgit;
non amisit originem, sed profecit ad honorem.
Confringi itaque nos tamquam vas figuli, vel nunc,
vel tunc gaudeamus: ut & nunc, modo figuli vasis,
commortui & consepulti Domino in baptismo in no-
vitate vitæ ambulemus, & in novum Christi hominem
deposito vetere renascamur; & tunc per hunc novæ
nativitatis profectum in beatam illam ac Deo placentem
iteratæ reparationis nostræ speciem reformemur.

42. Cujus boni non ignarus Propheta, post hæc
hortatur & dicit: *Et nunc reges intelligite, erudimini,
qui judicatis terram. Servite Domino in timore, & exul-
tate ei cum tremore. Apprehendite disciplinam, ne forte
irascatur Dominus, & pereatis de via justa. Cum exar-
serit in brevi ira ejus, beati omnes, qui confidunt in eum.*
Doctrinæ hic ordo utilissimus est, ut eorum, in quæ
nos adhortatur, beatitudinem cognitam præstet: quia
difficile sit animum ac spem ad ignorata protendere.
Volens igitur Propheta ad eorum nos, quæ superius
commemoraverat, intelligentiam cohortari, intelli-
gentiæ ipsius, honorem ante memoravit, dicens:
*Et nunc reges intelligite, eos scilicet, qui intellectu-
ri essent, reges esse demonstrans. Sed quærendum est,*
quos

quos reges ad intelligentiam propheticae hujus adhortationis admoneat: ne quisquam forte eos significari intelligat, quorum nunc in corpora humana, & in bellorum ministeria, & in metum gentium regnum est. Non sunt autem hi æterni & beati apud Deum reges: quippe cum ipsi jam a mandatis Dei excidant, & diabolo in regnum sint deputati, dicente eodem, cum Dominum tentaret: Et duxit illum diabolus in montem altissimum, & ostendit illi omnia regna orbis terræ in momento temporis: & ait ad illum diabolus: Tibi dabo potestatem hanc & gloriam eorum, quia mihi tradita sunt. Alios autem nobis reges Evangelia demonstrant, scilicet in quos appropinquavit regnum Dei, & eos, qui regnans in se peccatum devicerint, qui sui ipsius corporis reges sunt, dominatui suo universa vitiorum incentiva subdentes: Hoc enim in nobis est regnum Dei. Sic iterum Christus regnat in nobis, cum per eum ipsi dominorum in nos jure regnamus, secundum quod dictum est: Non venit regnum Dei cum observatione, neque dicent: Ecce hic, & ecce illic. Ecce enim regnum Dei intra vos est. Hujus regni beatus Apostolus meminit Corinthiis scribens: Jam sine nobis regnatis, & utinam regnetis, ut & nos vobis conregnemus. Hoc itaque regnum Dei est, ubi peccatum vincitur, ubi mors perimitur, ubi non regnat hostis. Mors enim regnavit ab Adam usque ad Moysen. Et Apostolus ait: Jam non regnet peccatum in vobis. Per hoc regnum Dei regno peccati dissoluto, ipsisque jam nobis regibus regno adversante subverso, hoc nobis erit regnum Dei, cum omnibus vitiorum nostrorum aculeis contusis, labes erit corporeæ infirmitatis absorpta.

43. Hos itaque reges Propheta ad intelligendum cohortatur: ut sciant, adversus Dominum & Christum ejus fremuisse reges, & populos vana meditatores: intelligant quoque iridentem e cœlis, & in ira lo-

quentem, & super Sion montem sanctum regem constitutum, præcepta Dei patris annuntiantem: cognoscantque eum, qui sit genitus in filium, tempus quoque illud, quo qui tempora fecit, sit in tempore genitus. Intelligant, in quo hæreditatem gentium, & possessionem terræ finium postulavit: non ignorent etiam, quæ hæc virga sit ferrea, qua regens eos, modo vasis figuli confringat. Hæc enim intelligentes, sacramentum omne divinæ voluntatis agnoscent: & cum per obedientiam præceptorum hæredes Dei Patris, cohæredes autem Domini nostri Jesu Christi erunt; per id, quod æterno regi cohæredes sunt, id necesse est consequantur, ut reges sint.

44. Testantibus itaque Evangeliiis atque Apostolo de regibus, sequens est, ut cognoscamus, qui sint iudices terræ, quosque ut reges oporteat erudiri: maxime cum reges nudo tantum nomine sine regni alicujus designatione cognominet, ut eos suos atque in se esse reges doceret, iudices autem terræ dicat. Differre vero iudicem & regem, ipso usu terrenæ consuetudinis cognoscimus: quia non idem sit regnare, quod iudicare: quia regnum dominatio sit, iudicium vero sit modus æquitatis. Sancti ergo quique intelligendi sunt esse iudices terræ, quorum vita atque fides, infidelium iniquorumque iudicium sit. Et hoc Dominus in Evangeliiis ostendit dicens; Viri Ninivitæ surgent in iudicio, & iudicabunt generationem hanc: quia pœnitentiam egerunt in prædicatione Jonæ; & ecce major quam Jona hic. Regina Austri surget in iudicio, & iudicabit generationem hanc: quia venit ab ultimis partibus terræ obaudire sapientiam Salomonis; & ecce major hic Salomone. Tales erunt iudices terræ, quorum eomparatio fidei ac timoris, impœnitentes impiosque condemnet. Si enim pœnitentia Ninivitarum ex Jonæ prædicatione suscepta, fructum adepta est pœnitendi; necesse est obediens

diens eorum pœnitentia insolentem horum impœnitentiam judicet. Aut regina Austri ex ultimis partibus terræ desideratam Salomonis sapientiam audiens, nonne infidelitatem & incuriam præsentium auditione peregrina damnabit? Cum tamen inobedientiæ atque inaudientiæ judicium differens a Salomone atque Jona Christus auctor accumulet. Absolute autem hos esse judices terræ Apostolus demonstrat dicens: An nescitis, quia sancti mundum judicabunt, & in vobis judicabitur mundus? Cum per meritum adeptæ beatitudinis, criminorum vitam sanctitas comparata condemnet.

45. Intelligentiæ autem hujus atque eruditionis opus continuo Propheta subjecit, dicens: *Servite Domino in timore, & exultate ei cum tremore.* Non securum patitur aut negligens servitium: vult in omni servitutis officio admisceri timorem. Ut enim metuentes servi diligentius dominis carnalibus serviunt, cum voluntatem solertioris obsequii metus obsequelæ admixtus eliciat: ita & Deo servientes, si timeant per imminensem timorem, non negligentes in ea erunt, quam susceperint servitutum. Ac ne tyrannici terroris hic metus esse fidelium crederetur; ad id, quod dixerat: *Servite Domino in timore*, adjecit, *& exultate ei*; ut metum servitutis, gaudii exultatio temperaret, cum ipse timor causam lætitiæ per conscientiam servitii fidelis afferret. Porro autem ne libertas gaudii fines congruæ moderationis excederet, ita subdidit: *Exultate in tremore*; quia periculosa ad oblivionem timoris esset libera a tremore lætitia. Atque ita hæc prophetici eloquii ratio servata est, ut servitutum timor detineret, timorem exultatio moderaretur, & exultationem tremor consequens contineret.

46. Hujus autem servitii & timorem exultantem, & exultationem trementem, docuit in eo, quod sequitur, consistere, dicens: *Apprehendite disciplinam.* Virtute verbi significationem impatientis & velut præ-

properæ ad id voluntatis ostendit, non tam expetendam, quam apprehendendam potius disciplinam docens: non tepore fidei in hujus obedientiæ observatione contentus, sed ardorem spiritus in apprehendendi aviditate desiderans. Sic in rapiendo regno cœlorum raptore Dominus delectatus ait: A diebus autem Joannis regnum cœlorum vim patitur, & vim facientes diripiunt illud: quia cum regni cœlestis possessio Israel prædicaretur, fides tamen gentium possessionem hanc sibi Israel diffidente præriperet.

47. Sic & beatus Paulus currit, ut apprehendat, dicens: Sequor autem, ut apprehendam, in quo & apprehensus sum. Non lento gradu properat, neque otioso sequitur procurso; apprehensurus enim sequitur. Et satis quidem dixisse videretur, si consecuturus sequeretur: sed vim & ipse afferre optat, & apprehendere properat, & modo exempli corporalis invadere. Scit autem se eo ipso jam esse, quod apprehendere properat, apprehensum. Si enim nos per corporalem naturam Deus naturæ suæ dissidentis homo genitus apprehendit, factus ipse, quod sumus; nostrum est ad apprehendendum nunc id, quod est ipse, contendere, ut in eam gloriam, in quam naturam corporeæ hujus corruptionis eximit, festinatio nostra se misceat: atque ita apprehendemus id, in quo fuimus apprehensi, si naturam Dei consequamur, Deo ante naturam hominum consequente. Apprehendenda itaque disciplina, & invadenda est quodam amplexu & in vinculo corporali, ne elabatur aut excidat.

48. Causam autem diligentis hujus complexus ac vinculi Propheta subjecit, dicens: *Apprehendite disciplinam, ne quando irascatur Dominus, & pereatis de via justa. Cum exarserit in brevi ira ejus.* Adest enim pœnæ dies, qui in exardescente ira Domini significari intelligitur: in quo si non apprehensam a nobis disciplinam tenebimus, perdit de via justa erimus. Un-
cuique

cuique enim rei perit, quidquid aufertur: & quod deest, ei cui deest, jam videtur amissum. Nam tametsi per naturam suam maneat, ei tamen, cui abest, non manet. Et idcirco de via iusta impii pereunt, quia in ea non erunt. Pereunt autem de via iusta, *cum exarserit in brevi ira ejus*. Non morosa hæc ira est, per quam de iusta via pereunt: ne quis sibi interim in pænæ lucro inter moras iudicii blandiatur. In brevi namque exardescit ira. Excipit enim nos statim ultor infernus: & decedentes de corpore, si ita vixerimus, confestim de via recta perimus. Testes nobis evangelicus dives & pauper: quorum unum Angeli in sedibus beatorum & in Abraham sinu locaverunt, alium statim pænæ regio suscepit. Adeo autem statim pœna mortuum exceperit, ut etiam fratres ejus adhuc in supernis manerent. Nihil illic dilationis aut moræ est. Iudicii enim dies vel beatitudinis retributio est æterna, vel pænæ. Tempus vero mortis habet interim unumquemque suis legibus, dum ad iudicium unumquemque aut Abraham reservat, aut pœna.

49. Et idcirco copiosum hunc sacramentis cœlestibus psalmum sic Propheta conclusit: *Beati omnes, qui confidunt in eum*. Non trepidam spem, neque ambiguum perfectio beatitudinis exigit. Confidentia ad id opus est, firmæ opinionis scilicet; & indemutabili voluntate: quia plus sit confidere, quam sperare. Confidendum ergo est, ne nos a via recta exardescens brevi ira Dei deperdat. Fidelis enim est, qui ait: Qui credit in me, non iudicabitur, sed transiet de morte ad vitam, Dominus noster Iesus Christus, qui est benedictus in secula seculorum. Amen.

TRACTATUS

De titulo Psalmi IX.

In finem pro occultis filii. Psalmus David.

Nunc primum prodit ex codice Vaticano not. 251. ab annis circiter 500. scripto, in quo post expositionem II. psalmi subicitur: Explicit psalmus II. Incipit de titulo IX. psalmi feliciter. Nullas falsitatis, veritatis autem plurimas habet notas. Non leves sunt 1. familiares Hilario & amicæ voces, absolutio, absoluta intelligentia, &c. 2. explicatio verbi finis cum iis, quæ tum Prologo n. 18. tum lib. II. de Trin. n. 28. de eodem habentur consensu, 3. peculiaris quædam Christi ex Virgine nativitatis exprimens ratio, 4. doctrina de aditu ad regnum Dei Patris per regnum Christi. Demum Prologo n. 17. pollicetur se in singulis psalmis inscriptionum singularum causas præstaturum, & hoc, inquit num. 22. quia, ex quibus rebus psalmus consistat, ostendunt. Hic præsertim exsequitur, quod spondit, docens num. 2. titulum ad hoc adscriptum, ut, ex quibus psalmus ipse consisteret, nosceretur. Exoptandum esset, ut castigatius hoc opusculum una cum totius psalmi expositione, quam ei Hilarius subjecisse credendus est, ad nos pervenisset.

1. **Q**uorundam psalmorum absoluta intelligentia est, quorumdam obscurior sensus est; diversitatem utique affert diversitas prophetiæ. Per multa namque & varia genera sermonis ad agnitionem Dei hominem Spiritus sanctus instituit, nunc sacramentorum occulta per naturas & comparisonem hominum comprehendens, nunc fidei simplicitatem verborum absolute commendans, nunc vitæ ordinem præceptorum veritate confirmans, nunc quid providendum sit & cavendum per personam prophetæ, qui psalmum scribat.

scribat ostendens: ut per hanc multiplicem & divitem copiam doctrinæ, per quasdam partes & incrementa discendi, totius intelligentiæ ædificatio comparatur. Et erit nobis psalmus positus in exemplum, cujus superscriptio talis est: *In finem pro occulta filii psalmus David.* Itaque per naturam eorum, quæ & occulta & in finem sunt, quærenda est psalmi intelligentia.

2. Psalmus inscriptus non est: *In finem pro occulta filii*, nisi tantum in id, ut, ex quibus psalmus ipse consisteret, nosceretur. Omnia autem, quæ ad titulum sermonis adduntur, ex quibus sermo sit initus, testantur. Non enim convenit, ut in sermone aliud sit, aliud in titulo; quia titulus velut index eorum est, de quibus scribitur. Verbi igitur ejus, quod *in fine* dicitur, ratio est intelligenda. In fine est, ultra quod nihil est, in fine est, quod præsens tempus excedit; quia finis ex omnibus, non ex fine omnia; desinunt enim in eo cuncta, & est quoddam rei actæ dictæve postremum: & nisi in ea totius universitatis postremitas erit, non erit finis; quia necesse est non esse ultimum, quod ultra se habeat aliquid postremum. Ex quo intelligendum quotiens qui titulos habent *in fine*, non præsentia in his, sed ultima contineri. Occulta autem sunt, quæ abscondita & latentia sunt, quæque reconditis & inaccessibilibus & imperspicabilibus occultantur, in quo ei tantum, qui condiderit comperta, aut nisi cum aliquibus cognoscenda protulerint: Ergo psalmus inscribitur *in finem pro oculis*. Et quia ex natura rerum, quid intelligentiæ in nominibus *finis*, *occultorumque* sit, & deinde res ipsas, quæ in fine atque occultis sint, convenit explicari.

3. Et de his quidem testis est nobis beatus Apostolus, ita dicens: Prout legentes potestis intelligere intellectum meum in sacramento Christi, quod aliis temporibus non est cognitum filiis hominum, sicut nunc revelatum est. Et rursum: Mihi minimo omnium

sanctorum hæc gratia data est in gentibus, evangelizare investigabiles divitias Christi, & illuminare, quæ sit distributio sacramenti ejus, quod absconditum est a seculis in Deo. Hoc est ergo occultum, de quo & Dominus ait: Non est absconsum, quod non cognoscatur, neque opertum, quod non revelabitur. Sed Psalmus *occulta* continet, non occultum. Recte ita: nam consequentia docent plura fuisse, non unum. Est enim occultum, Deum salutis humanæ causa, non in cœlesti gloria & claritate nominis sui adfuisse, sed formam humani corporis induisse, Est & occultum, naturam in eo carnis humanæ, non ex communi originis genere induisse, sed extitisse ex virgine, & editam virgine fuisse, & absque nascendi initio procreatam. Est occultum, eum, qui mortuus sit, ex morte vixisse, gloriam immortalitatis ex corpore refulgentem. Sed non is quidem finis est.

4. Finem autem, non velut quemdam rerum occasum, sed decurrentium modum, consummationemque significat; neque ut in abolitionem desinatur, sed ut in quemdam manendi terminum ea, de quibus agitur, collocentur. Quis ergo hic finis sit, item quæ rerum omnium absoluta perfectio, & quam absconsa sit, beatus Apostolus ad Corinthios ita loquitur:
- „ Quomodo enim in Adam omnes moriuntur, sic & in
 - „ Christo omnes vivificantur. Unusquisque autem
 - „ suo ordine: primitiæ Christus, deinde qui sunt
 - „ Christi, qui in adventu ejus crediderunt; deinde
 - „ finis, cum tradiderit regnum Deo patri, cum eva-
 - „ cuaverit omnem principatum & potestatem. Opor-
 - „ tet enim illum regnare, donec ponat omnes ini-
 - „ micos sub pedibus suis. Deus enim omnia subje-
 - „ cit sub pedibus ejus. Novissima inimica devicta est
 - „ in eo mors. Cum vero dixerit: Omnia subjecta
 - „ sunt ei, absque eo, qui subjecit illi omnia, tunc ipse
 - „ subjectus erit illi, qui sibi subjecit omnia, ut sit Deus
- „ omnia

„omnia in omnibus.“ Hic igitur est finis occultis, mortuorum resurrectio, sanctorum glorificatio, malitiæ damnantis abolitio, mortis interitus; & per hoc Christi regnum, Patris quoque Dei & regnum. His enim gestis, postquam Filio erunt a Patre universa subiecta, non ut per subjectionem regni adimatur æternitas, sed ut nos clarificatos, & immortalitate coopertos, & in corporis sui gloria confirmatos, in regnum Patris inducat, jam cohæreditate sua dignos, jam in familiam patris assumptos, jam bonorum ejus gloriæque participes, ut Patri conregnet in nobis, sitque Deus omnia in omnibus, cum subjectionem obedientiæ, in divinam naturam humanæ assumptionis absorbeatur infirmitas. Æterna hæc igitur per Filium laus patri Deo debita est, suscitatis in omnibus, qui ab Adam usque ad regni tempus per fidem vixerunt, & cœlesti habitu a corpore transfiguratis, & iniquitate malitiæ omnis ablata, & diabolo in pœnam æterni ignis addicto, & de memoria hominum nomine ejus exempto; hæc in psalmo occulta cantantur, hæc consummato fine celebrantur. Et quia Filius futurorum omnium conscius est, hæc tamquam jam perfecta laudantur, quia in eo, & apud eum, & per eum omnia sunt: ipsi gloria in secula seculorum. Amen.

P S A L M U S XIII.

Dixit inspiens in corde suo: Non est Deus. Corrupti sunt, & abominabiles facti sunt in voluntatibus suis: non est, qui faciat bonum, non est usque ad unum. Dominus de cælo prospexit super filios hominum: ut videat, si est intelligens aut requirens Deum. Omnes declinaverunt, simul inutiles facti sunt: non est, qui faciat bonum, non est usque ad unum. Sepulcrum patens est guttur eorum, lingua suis dolose agebant, venenum aspidum sub labiis eorum.

rum. Quorum os maledictione & amaritudine plenum est, veloces pedes eorum ad effundendum sanguinem. Contritio & infelicitas in viis eorum, & viam pacis non cognoverunt: non est timor Dei ante oculos eorum. Nonne cognoscent omnes, qui operantur iniquitatem, qui devorant plebem meam sicut escam panis? Dominum non invocaverunt: illic trepidaverunt timore, ubi non erat timor. Quoniam Deus in generatione iusta est: consilium inopis confudistis: quoniam Dominus spes ejus est. Quis dabit ex Sion salutare Israel? Cum averterit Dominus captivitatem plebis sue, exultabit Jacob, & latabitur Israel.

TRACTATUS PSALMI.

In editione Parisiensi anni 1605. ex codice S. Maximi Micracensis primum vulgatus est hic Tractatus priore sua parte, a numero videlicet primo ad tertium usque truncatus. Integer modo exhibetur ex memorato codice Vaticano, in quo ad calcem opusculi superioris subnectitur. Explicit de titulo psalmi noni. Incipit psalmus xiii. Lege feliciter. Dixit insipiens in corde suo: Non est Deus, & reliqua. In multis nos erudiens, &c. Verba, doctrina, interpretandi ratio Hilarii venam & genium redolent. Longæ quippe periodi, totius psalmi argumenta per repetitam particulam ubi perstringendi modus, qua ratione omnes Ancyranæ synodi definitiones lib. de Synod. num. 27. perstringuntur, nec non hæc num. 3. in singulis verbis singulæ virtutes sunt explicandæ, & alia, quæ in notulis indicamus, ei conveniunt quam maxime. Quamquam concionem proxime post psalmi lectionem habitans iste ac subsequens Tractatus magis sapiunt, quam reliqui.

I. **D**ixit insipiens in corde suo: Non est Deus, & reliqua. In multis nos erudiens Apostolus, etiam inde docet cum omni reverentia verbum Dei esse tractandum, dicens: Qui loquitur, tamquam eloquia Dei. Non enim secundum sermonis nostri usum, promiscuam

miscuam in his esse oportet facilitatem; sed loquentibus nobis ea, quæ didicimus & legimus, per sollicitudinem sermocinandi honor est reddendus auctori. Et exemplum nobis cœlestis doctrinæ præstat humani officii consuetudo. Si enim quis verba regis interpretans, & præcepta ejus in aurem populi deducens, curat diligenter & caute per officii reverentiam regis satisfacere dignitati, ut cum honore ac religione omnia & relegantur & audiantur: quanto magis convenit Dei eloquia ad cognitionem humanam retractantes, dignos nos hoc officio præstare? Sumus enim quoddam sancti Spiritus organum, per quod vocis varietas, & doctrinæ diversitas audienda est. Vigilandum ergo & curandum est, ut nihil humile dicamus, metuentes hujus sententiæ legem: Maledictus omnis faciens opera Dei negligenter: proposito contra præmio curæ & diligentiae eorum, qui cum reverentia ac metu sanctas Scripturas sibi tamquam Dei verba commendent, & cum debita dignitate ea insinuent mentibus audientium, Domino dicente: Et super quem adspiciam, nisi super humilem & mitem, & timentem verba mea? Oportet igitur & prædicantes existimare non hominibus se loqui, & audientes scire non hominum sibi verba proferri; sed esse Dei voces, Dei constituta, Dei leges, & reverentiam maximam utriusque officio convenire. Maximi enim periculi res est, de thesauris Dei, de sacramentis reconditis, de testamento æterno aliquid aut supervacuum proferre, aut negligenter audire. Consignanda sunt omnia animis, commendanda sensibus; quia nihil est verborum Dei, quod non sit implendum; & omne, quod dictum est, habet quamdam jam efficiendi necessitatem, quia Dei verba decreta sunt.

2. Qui lectus est psalmus, *in finem* inscribitur. Si omnes ita inscriberentur, nihil esset difficultatis; excluderet enim omnem generalitas quæstionem. Sed
cum

cum alius aliam habeat inscriptionem, ex causis diversis tantum necesse est diversitates inscriptionum extitisse. Duplex autem in his, **qui** *in fine* superscripti sunt, intelligentia est: aut enim ea, quæ in consummatione erunt, continebunt, aut eorum, quæ in toto psalmo erunt dicta, absolutionem psalmi finis impertiet. Sunt autem in psalmo omnia aspera, horrenda, pertæsa, blasphemii plena, repleta sceleribus, querimoniis gravia. Non est confessio in Deum, non lætitia in gaudiis, non in choris canticum; sed accusatio in profanos, sed querela in contumaces, sed dolor in afflictos. Ait enim: *Dixit insipiens in corde suo: Non est Deus. Corrupti sunt, & abominabiles facti sunt in voluntatibus suis, non est, qui faciat bonum, non est usque ad unum, & reliqua. Sequitur in fine: Quis dabit ex Sion salutare Israel? Dum avertit Dominus captivitatem plebis suæ, latetur Jacob, & exultet Israel.*

3. Ut enim quis pestilentem urbem ingressus, omnes omnino inhabitantes morbo dissolutos, & febribus æstuentes, & diverso ægritudinum genere confectos contemplatus sit; & nullum illic medicum inveniens ingemiscat, & nihil auxilii, nihil remedii adesse tantis malis doleat, & desævire magis membrorum pestem quotidie sentiat, sciatque medicum in longinquo positum mederi posse, si adesset; quod solum superest, dolore desperationis exclamet, dicens: Quis est, qui eum præsentem efficeret, & salutare ejus afferret? Omnem scilicet sollicitudinem ad vota convertens: pari modo Spiritus sanctus cernens errorem generis humani, cernens mala seculi hujus ingravescencia, & morbum immedicabili morte grassantem, ubi Deus negatur a stulto, ubi abominandis voluptatum fallaciis corrupti sunt cuncti, ubi nullus bonum volens sit, ubi eorum guttura innocentium sint sepulcra, ubi lingua usi sint in officium fraudulentiae, ubi venenum aspidum labiis eorum verbisque suffusum sit,

fit, ubi os amaritudine & maledictione sit plenum, ubi velox pedum eorum ad effundendum sanguinem cursus sit; & per hæc non agnoscentibus viam pacis, in omnibus vitæ eorum viis infelicitas ingravescat: ubi in Deum nulla reverentia est, ubi devastatio plebis Dei persecutoribus tamquam cibus panis sit, & innocentium mortes, damna, supplicia fiet satietas iniquorum: ubi Deus non invocatur, & trepidatur in nullis; creaturam in idolis omisso Creatore reverentes: ubi Deus in generatione justa desperatur habitare, & consilium inopis confunditur, & spes patientiæ ejus illuditur: his igitur ita grassantibus malis, & toto orbe dominantibus, conscius Spiritus sanctus ejus, qui solus opem ferre possit, exclamat: *Quis dabit ex Sion salutare Israel?* Non enim Moyses dederat, non Elias, non Esaïas, non Prophetæ: omnia Legis opera adversus tantam morborum pestem infirmabantur. Opus erat medico, qui una atque eadem auxilii sui ope universa curaret, & tot ac varios in toto orbe languores, non arte, non opere, (quia quando opus & ars singulis adhibita profuisset?) sed verbi potestate sanaret. Hunc requirit Spiritus, hunc expectat, ad cujus adventum febris quiesceret, cæcitas desineret, paralyfis non esset, mors non occuparet; hunc expectat, hunc proclamat, hunc orat: *Quis dabit ex Sion salutare Israel?* Sed in singulis verbis singulæ virtutes sunt explicandæ.

4. Sion quæ sit, Apostolus docet, cum dicit: Accedamus ad Sion montem, ad sanctam Jerusalem civitatem; omnes enim currimus apprehendere, in quo apprehensi sumus a Christo, id est, inveniri in ejus corpore, quod ex nobis ipse præsumsit, in quo ante constitutionem mundi a Patre sumus electi, in quo reconciliati ex inimicis, & acquisiti sumus ex perditis, in quo Apostolus cum damno universorum optat inveniri dicens: Et omnia arbitror stercora, ut Christum

stum lucrifaciam, & inveniar in illo. Ergo quia non nisi ex assumptione carnis nostræ hi morbi essent nostri corporis auferendi, & ex assumptione carnis salutiferæ omnis in Domino est: idcirco ita ait: *Quis dabit ex Sion salutare Israel?*

5. Sed in eo, quod salutare est, virtus est nominis. Non nos aptamus aut fingimus: sed in veteris Testamenti libris *salutare* Dominum Deum nostrum nuncupari docemur, & proprie hoc nomen per pollicitationem gentibus semper indultum est. Ait enim Esaias: Revelavit Dominus brachium suum sanctum in conspectu omnium gentium, & cognoscent omnes fines terræ salutare Dei nostri. Omnibus igitur gentibus revelatum est, & ab omnibus cognitum est. Et rursus in psalmis Spiritus sanctus exclamat: Cantate Domino canticum novum, quia mirabilia fecit. Ostendit Dominus salutare suum, in conspectu gentium revelavit justitiam suam. Et rursus: Annuntiate in gentibus gloriam ejus, & in omnibus populis salutare ejus. Et rursus: Ostende nobis Domine misericordiam tuam & salutare tuum da nobis. Cujus spei desiderium Dominus in Evangelio ostendit, dicens: Multi Prophetæ & iusti curierunt videre, quæ vos videtis, & audire, quæ auditis. Hoc salutare Simeon expectavit diu, & cum in manibus accepisset, agnovit, & inter vagitus infantie & cunarum sordes per fidem Deum vidit. In talibus & agnoscens adoravit, dicens: Nunc dimitte servum tuum Domine secundum verbum tuum in pace: quoniam viderunt oculi mei salutare tuum, quod præparasti in conspectu universorum populorum, lumen in revelatione gentium. Ergo hoc salutare gentium annuntiatur, non carnali Israel, qui in monte Dominum majestatis expectavit, vidit, audivit; qui in prophetis lapidavit, cecidit, secuit, & occidit. Sed sermo iste *omnis ad gentes est, & gentium salutaris est.*

6. Ita ait: *Dum avertit Dominus captivitatem plebis sue.* Captivitas proprie gentium est, qui in corde suo dixerant: *Nam est Deus;* qui trepidaverant, ubi non erat timor, qui spem inopis confuderant & illuserant, quia Dominus spes ejus est, qui in generatione justa Dominum habitaturum negaverant, capti religionibus dæmonum, superstitionibus temporum, officiis creaturæ. Hæc captivitas appellitur, hoc servitium adimitur. Sed Israel erit ille, qui credit, Israel erit ille, qui Deum oculis cordis aspiciet: quia Israel Deum videns est, qui post captivitatem averfam hoc Dei salutare cognoscit. Lætatur Jacob, lætatur & Israel captivitate averfa, libertate concessa, Deo contemplato, Abraham & Jacob patribus per adoptionem familiæ nuncupatis. In his ergo lætemur, & in his exulemus, scientes per nostram redemptionem ob unius pœnitentis salutem esse in coelis gaudia Angelorum: & cum cœlestis lætitia pro nobis sit, oportet in Christo gaudia nostra esse perpetua, qui est benedictus in secula seculorum. Amen.

P S A L M U S XIV.

Domine, quis habitabit in tabernaculo tuo, aut quis requiescet in monte sancto tuo? Qui ingreditur sine macula, & operatur justitiam; qui loquitur veritatem in corde suo, qui non egit dolum in lingua sua, nec fecit proximo suo malum, & opprobrium non accepit adversus proximos suos. Ad nihilum deductus est in conspectu ejus malignus; timentes autem Dominum glorificat. Qui jurat proximo suo, & non decipit: qui pecuniam suam non dedit ad usuram, & munera super innocentes non accepit. Qui facit hæc, non movebitur in æternum.

TRACTATUS PSALMI.

Tractatum hunc percurrentibus non satis primum apparebat, unde illum Hilario certo assereremus. Immo ut ei abjudicarem, multum propendebat animus. Et quidem filius illius nonnihil est planior, quam solet. Videbatur quoque invictissimum fidei ac veritatis defensorem dedecere, mendacii officiosi fuisse predicatorem: praesertim cum Augustinus epist. 180. n. 3. librum ipsius 9. de Trin. ab huiusmodi suspitione vindicasset. Totum tamen tertio ac quarto perlustrantibus non defuerunt notæ, unde illius auctor internosceretur. Ac primo quidem occurrerunt voces ei familiares, puta sacramentum, & virtus contuenda verborum n. 2. virtus æternitatis n. 5. Deinde quod in eodem num. 5. habetur de Christi corpore, affine est innumeris prope Hilarii locis: quod vero n. 11. de fiducia sui & insolentia, rursus in Psalm. 52. num. 15. delibatur. Multa alia huiusmodi facilius est dispicientibus advertere, quam aliis demonstrare. Itaque cum etiam ei adscribatur non solum a Miciacensi codice, sed & a Vaticano; non est ullatio satis valida, ut ei abrogetur. Neque enim mirum, quod psalmi, in quo, ut in exordio dicitur, non prophetia est, non obscuritas, minus intricata, minus obscura sit expositio. Neque magis est stupendum, quod Hilarius Origenem, cui cum pluribus aliis mendacium officiosum non videbatur illicitum, legens ac nonnumquam excerpens re non multum discussa in illius abierit sententiam, quæ suæ ipsius indoli in beneficentiam propensissima plurimum faveret. Sed & si mendacium officiosum charitatis specie Hilario nostro imposuit, cum mendacium per se malum nullo obtentu queat approbari, ut optime & fuse Augustinus lib. contra mendacium demonstravit: multa & præclara complectitur iste Tractatus ad mores optimos spectantia præcepta adversus arrogantiam, usuram, de usu munerum, & alia Hilario dignissima. In his non est tacendum, quod quam libera, quam constans, quam, ut ita dicamus, superba ad-
versus

TRACTATUS IN XIV. PSALMUM. 215

versus potentes ac principes iniqua jubentes debeat esse Christiana humilitas, ut gestis ostendit, ita etiam hic, num. 12, & scriptis commendavit.

1. **P**salmus, qui lectus est, inscribitur *psalmus David*; quia per eum Spiritus sanctus hæc locutus est. Et recte ita competit psalmo; nihil enim in tempus alterum destinatur, nihil ex occultis profertur, sed omne opus ejus in præsens est. Denique ita incipit: *Domine, quis habitabit in tabernaculo tuo, aut quis requiescet in monte sancto tuo?* Oratio est simplex Dominum precantis, & optantis ab eo noscere, qui mores, quod studium, quæ voluntas sit cohabitaturi cum Deo, & in excelsis ejus & cœlestibus quieturi. Non est enim humilis cujusdam animi, nec mediocris operis admisceri Deo, mereri ejusdem domicilii communionem. Ergo de quibus quæritur, statim respondetur: ut, quia arduum est atque difficile hæc obtinere, quibus modis id consequendum sit, intelligatur.

2. Dicit enim ad id, quod quæsitum est: *Qui ingreditur sine macula, & operatur justitiam, & cetera* psalmo consequentia. Talibus præceptis formatur, talibus monitis instruitur, cui ad Deum iter est, cui ad sublimitatem ejus ascensus est, cui in æternis ejus est requies. Præceptum autem omne brevitate collectum est, ut memoriæ mandetur, ut hæreat animo, ut foris ac domi, publice privateque, die ac nocte retineatur, obtemperetur, instetur. Est enim hæc brevisitas locuples & infinita, & ex omnibus veteris ac novi Testamenti præceptis institutisque decerpta, infantibus, feminis, viris, senibus aptissima. Atque ut brevitatis ipsius commendabilior esse possit opulentia, quid in singulis verbis sacramenti sit, prosequimur. Non est hic prophetia, non obscuritas, non exemplum. Vox interrogantis est, bonitas respondentis, confirmatio audientis. Sed in his virtus est

contuenda verborum. Distinxit enim ita, habitationem in tabernaculo, requiem in monte: & prior est habitatio in tabernaculo, posterior requies in monte. Ut ergo habitationis & requiei distantia intelligatur, montis & tabernaculi proprietates explicanda est.

3. Et tabernacula, quæ prius fuisse legimus, fuerunt levia, caduca, arescentia, ad tempus ex frondibus testæ, qualia interdum a nobis effici solent vitandi æstus causa, ut infra umbram eorum ardorem solis æstumque vitemus. Istiusmodi enim tabernacula populo sunt per Moysen instituta. Sed hæc arefacta sunt & dissoluta. Erant enim imaginaria, & facta ad exemplum. Ait enim ita Deus Moyse: Vide, ut facias omnia secundum speciem, quam ostendi tibi in monte. David quoque templum ædificare optans, tabernaculum cognominavit, sicuti ait: Non dabo somnum oculis meis, donec inveniam locum Domino, tabernaculum Deo Jacob. Sed & Moyses & Salomon tabernaculum condidit; & deinceps Apostoli plurima tabernacula condiderunt, & per omnes orbis terrarum partes, quæcumque adiri possunt, quin etiam in Oceani insulis habitationes Deo plurimas paraverunt. De quorum gloria testatur Spiritus sanctus: Quam amabilia sunt tabernacula tua, Deus virtutum! concupiscit & deficit anima mea in atria Domini. Non ergo unum tabernaculum, vel per Moysen frondeum, vel per David exoptatum, vel per Salomonem omnibus humanis operibus ordinatum, Propheta desiderat, sed multa & innumerabilia: quia, etsi in orbe Ecclesia una sit, tamen unaquæque urbs ecclesiam suam obtinet; & una in omnibus est, cum tamen plures sint, quia una habetur in pluribus.

4. Primus itaque & maximus gradus est ad cœlestia ascendentibus, habitare in hoc tabernaculo, & *illic noctibus diebusque vitam ævi totius agere, amotum a seculi curis, & negotia mundi huius relinquentem,*

tem, sicut plures Sanctorum numquam a tabernaculo recesserunt, ut de Jesu Nave scriptum est: Et Jesus juvenis non egrediebatur tabernaculum; & Anna Prophetes non discedebat a templo, jejuniis & obsecrationibus serviens die ac nocte. Post quæ in monte Domini quiescendum est: hinc enim proficiscentibus eo iter est, & nonnisi per hanc habitationem iter ullum est. Ergo quærendum prius de habitatione tabernaculi fuit; quia ex eo in montem esset ascensus, deinde habitatio est temporis & laboris. Quies vero non interpellatur extrinsecus, sed otium est jube, perpetuum, molestia carens, quod in statu suo maneat: ceterum si inquietudo se misceat, otii & naturam & nomen amisit.

5. Sed mons Domini nullus in terra est: omnis enim terra jam pridem per vitia hominum maledictionibus obnoxia est. Nam & in Adæ operibus, & in Abel sanguine meruit offensam, & sub Noe habitantium peccatis fuit plena, & nunc quoque edita & excelsa quæque montium fanis, templis sacrisque maculantur. Ergo non in his talibus exspectandus hic mons est. Sed ut editissimæ humi partes montes nuncupantur, ita necesse est in his, quæ cœlestia sunt maxime atque sublimia sub montis nomine opinari. Et quid sublimius Christo? quidve excelsius Deo nostro? Mons autem ejus est illud, quod ex homine corpus assumfit, in quo nunc habitat & sublimis & excelsus super omnem principatum & potestatem, & omne nomen. Super hunc montem ædificata est civitas, quæ non possit abscondi: quia, sicut ait Apostolus: Non est aliud fundamentum, nisi Christus. Ergo quia, qui Christi sunt, in Christi corpore ante constitutionem mundi electi sunt, & Ecclesia corpus est Christi, & fundamentum ædificationis nostræ Christus est, & civitas super montem ædificata: hic ille mons est, in quo quæritur, quis possit esse requiescens. In alio

quidem psalmo de hoc eodem monte sic legimus: Quis ascendet montem Domini, aut quis stabit in loco sancto ejus? Et Esaias nobis erit testis: Et erit in novissimis diebus manifestus mons domus Domini, & dicent: Venite ascendamus in montem Domini, in ædem Dei Jacob. Et rursum Paulus: Vos accessistis ad Sion montem, & ad civitatem Dei viventis Jerusalem. Si ergo requiei nostræ spes omnis est in Christi corpore, & cum in monte sit quiescendum; montem non aliud possumus intelligere, quam corpus, quod suscepit ex nobis, ante quod Deus erat, & in quo Deus est, & per quod transfiguravit corpus humilitatis nostræ conformatum corpori gloriæ suæ; si tamen & nos vitia corporis nostri cruci ejus confiximus, ut in ejus corpore resurgamus. Ad illud enim post habitationem Ecclesiæ scanditur, in illo in Domini sublimitate requiescitur, in illo cum Angelorum choris, cum & nos simus Dei civitas, sociabimur. Quiescitur autem, quia nullus sit ex infirmitatibus dolor, nullus ex inopia metus; sed omnibus simplicitate sua per virtutem æternitatis utentibus, in his sit, extra quæ non indigeant quiescendum.

.. Ergo ad id, quod quæsitum est: Domine, quis habitabit in tabernaculo tuo? respondit Spiritus sanctus per Prophetam: Qui ingreditur sine macula, & operatur justitiam. Igitur impollutus ingrediens, & extra omnem peccati labem vivens, hic esse responsum est, cui post baptismi lavacrum nullæ adhæserint sordes, sed sit immaculatus & nitidus, sitque ei non corpus stupris contaminatum, non oculi spectaculis theatralibus sordidi, non mens vino ebria, non pecuniæ vita ancilla. Magnum est igitur his abstinere; sed non in his statim confecti itineris est requies: cœpta enim in his via est, non peracta. Nam sequitur: Et operatur justitiam. Bonum non tam cogitandum est, quam exequendum: & benevolentia non ineunda est, sed explenda. Ju-

sticiam

stitiam enim velle, hic erit fructus, ut fiat. Et quidem in his utilis est ad Dominum cursus; verum plura sunt reliqua.

7. Restat enim: *Qui ingreditur sine macula, & operatur justitiam. Qui loquitur veritatem in corde suo.* Superiora illa, licet magna atque præclara sint, solent tamen cum gentibus esse communia, ut vitium caveant, ut famam bonitatis acquirant. Sed hæc animalium, non spiritualium virtus est. Apostolus enim & carnalem hominem posuit, & animale, & spiritalem: carnalem, belluæ modo divina & humana negligentem, cujus vita corporis famula sit, negotiosa cibo, somno, libidine. Animalis autem, qui ex judicio sensus humani, quid decens honestumque sit, sentiat, atque ab omnibus vitiis animo suo auctore se referat, suo proprio sensu utilia & honesta dijudicans; ut pecuniam spernat, ut jejuniis parcus sit, ut ambitione careat, ut voluptatibus resistat, ut bonitate venerabilis sit. Sed præsens in his tantum & inter homines homini erit usus. De quibus ait gentium Doctor: Secundum doctrinas & præcepta hominum, quæ sunt rationem quidem habentia sapientiæ in superstitione & humilitate sensus, ad non parcendum corpori non in aliquo honore, ut ad saturitatem carnis. Spiritalis autem est, cui superiora illa ad Dominum studia sint, & hoc, quod agit, per scientiam Dei agat, intelligens & cognoscens, quæ sit voluntas ejus, arcana secreti consilii, & absconditi a temporibus seculi per revelationem ac donum Spiritus sancti intelligens, & sciens, quæ ratio sit a Deo carnis assumptæ, qui crucis triumphus, quæ mortis potestas, quæ in virtute resurrectionis operatio. Hæc, ut idem Apostolus docet, animalis homo non percipit, quæ sunt Spiritus Dei; stultitia est enim illi, nec potest intelligere, quoniam spiritualiter interrogatur. Qui autem spiritualis est, judicat omnia, ipse vero a nemine judicatur.

8. Conscius ergo Spiritus sanctus ea, quæ superiora sunt in vitæ innocentia, & in operibus justitiæ, & gentibus & hæreticis esse communia. Namque plures eorum & jejuniis corpora defatigant, & continentiam patrimoniorum largitione testantur, & pudicitiam virginitate consummant. Sed quia abundatura hæc & multa istiusmodi in ipsis essent, Dominus ad discipulos sic locutus est: Amen dico vobis, cum venerit filius hominis, putatis inveniet fidem super terram? Sciebat & virginitatem, & continentiam, & jejunia esse curanda; & quia hæc non proficiunt ad sanctitatem, nisi expleantur in Christo, id est, cum Christi veritate consentiant; ad id, quod superius dixerat, Propheta subiecit: *Et loquitur veritatem in corde suo*, superiora illa inutilia demonstrans, nisi in confessionis veritate suscepta sint. Et in his quidem conscendentibus ad requiem montis Domini gradus celsus est, in innocentia videlicet, & in operibus, & in confessione: sed licet provecti per plura simus, adhuc tamen alia sunt reliqua.

9. Solent enim plures gloriosam intelligentiæ verborum speciem præferre, & voluntatis ac judicii decus etiam verborum honestate mentiri: cum de Deo bene sentiant & loquantur, verbis autem ac sensui suo gestis atque operibus mentiantur. Hi sunt, qui, quæ loquuntur, oderunt, & his, quæ prædicant ipsis rebus inimici sunt. Ergo ad veritatem cordis adjunxit dicens: *Qui non egit dolum in lingua sua*; ut veritatem, quam sentit, non fallat in verbis; ut Catholicæ doctrinæ professionem, & ita sentiendi ac prædicandi judicium etiam operatio consequatur: quia secundum Apostoli testimonium, ut in corde creditur, ita in ore confessio fit ad salutem. Ergo ut fit in Dei requiem dignus ascensus, in verborum ac linguæ veritate vivendum est: ut per operationum fidem sensus nostri verba non falsa sint.

10. Sed

10. Sed artum hoc, & per seculi nequitias & vitia difficile iter est. Est enim necessarium plerumque mendacium, & nonnumquam falsitas utilis est, cum aut percussuro de latente mentimur, aut testimonium pro periclitante frustramur, aut fallimus de difficultate curationis ægrotum; & oportet secundum Apostoli doctrinam sermonem nostrum sale esse conditum. Idcirco nunc Spiritus sanctus falsitatis affectum mendacii conditionibus temperavit dicens: *Qui non egit dolum in lingua sua, nec fecit proximo suo malum*, ut crimen mendacii in incommodo haberetur alieno.

11. Sed licet, quæ superius diximus, expleantur, & ingrediatur innocens, opereturque justitiam, veritatem corde complectens, se ipsum in his, quæ locutus fuerat, non fallens, malum proximo non inferens, perfectus tamen in his non erit. Est adhuc aliquid in nobis edomandum, exspuendum, perimendum: & quid illud sit, idem, qui per superiorem confirmat Prophetam, dicens: *Et opprobrium non accepit adversum proximos suos*. Insolentiæ scilicet & fiducia vitia depellit, & commune illud superbiæ malum tollit. Quid enim tam inane, tam miserum, quam homo homini superbiens, quam de se aliquid fidens? Nonne videmus plures per opum insolentiam, cum exprobrassent inopum egestatem, amissis omnibus egere; & aliorum miseriam fastidientes, rursus eguisse miserantum? Plures etiam per præsumptionem vitæ diu innocentis ad crimina devolutos, & cum delicta aliis exprobrarent, ipsos vix ad pœnitentiæ veniam pertinere? Non est igitur opprobrium adversus proximos ineundum: sed si quid in iis incuriosum, si quid petulans, si quid negligens, si quid incontinens deprehenditur, sine exprobrationis amaritudine, blandimento emendationis est corrigendum. Hoc humilitas, hoc sui per metum diffidentia, quæ validissima fiducia custos est, curat, ne sit admonitio contumelia,

lia, ne sit emendatio opprobrium, ne sit doctrina convici-um. Sic fiduciam orantis Pharisei Dominus in Evangeliiis damnavit, tum cum in medio consistens ita sermocinaretur: Gratias tibi ago Domine, quod non sum sicut ceteri homines, adulteri, avari, sicut & hic publicanus. Erat autem publicanus in secreto orans: Domine miserere mei peccatoris. Huic orationi ejus Scriptura subjecit: Quia magis justificatus egressus est publicanus, quam Phariseus. Misericordiam Dei peccati confessione promeruit publicanus: Phariseus vero honorem eorum, quæ de se profe-rebat, per insolentiam opprobrii amisit.

12. Sed forte jam dignum se quis, si hæc universa adeptus sit, promissionibus Dei credit; cum se post innocentiam, post bonitatem, post prudentiæ modum, etiam humilitate moderatus sit. Sed plura adhuc restant. Nam ut significavit in eo mendacio esse peccatum, si alteri malum mentientis falsitas compararet; ita nunc, ubi opprobria adversus proximos non sumenda decernit, habendam tamen rationem ipsius humilitatis adjecit. Quæ autem hæc ratio sit, cohæret in versu: *Et opprobrium non accepit adversus proximos suos. Ad nihilum deductus est in conspectu ejus malignus.* Non oportet humilitatem carere constantia, & libertas Dei a nobis in ea, quam omnibus debemus, servitute retinenda est, ne ad potentium impetus terreamur, ne ad malevolorum arbitria cedamus. Interdum enim etiam regibus iniqua poscentibus turpi adulatione famulamur, & vitiis alienis conscientie nostræ infirmitate blandimur. Ergo si jam in professionem iniquitatis abruperit, ut in versu explicatur: *Ad nihilum deductus est in conspectu ejus malignus;* oportet istiusmodi hominem apud nos non alicujus, sed nullius esse judicii, ut sit nobis nullus, abolitus, inter-emptus. Spiritualia enim tractantem, & cœlestia con-tuentem decet humanæ nequitie despiciere momenta,

&

& animo sublimi & excelso istiusmodi malevolentiae hominem tamquam nullus sit opinari.

13. Sed magnitudinem fidei nostrae nimium forte erexisse Propheta adversus iniquos judicabitur. Sed spectandum est, quid sequatur: *Ad nihilum deductus est in conspectu ejus malignus: timentes autem Dominum magnificat.* Ergo ut sine personae exceptione nullus nobis, qui malignus est, debet esse; ita & sine exceptione personae omnis, qui Dominum timeat, honorandus est. Non nos moveat innocens pauper, non jejünans anus, non servus fidelis, non confidens in Ecclesiae habitatione peregrinus; sed omnes pari judicio revereamur, ut talis sit in eorum, qui timent Dominum, magnificatione humilitas, qualis esse debet in nihil aestimandis malevolis libertas.

14. Et quia in regenerationis nostrae nativitate in hæc sacramenta juramus, renuntiantes diabolo, seculo, peccatis, cum interrogantibus respondemus; retinendam usque in finem confessionis hujus fidem statuit dicens: *Qui jurat proximo suo, & non decipit.* Quamvis enim quis in mandatis Dei diu manserit, tamen si aliquando sefellerit, jam non manet, cum sefellit, & justitia anterior in injustitiæ tempore amittitur. In Evangelio: Beati, qui manserint usque in finem. Idcirco apud Salomonem omnis laus in exitu canitur; quia in his, quæ promissa sunt Deo, non est aliquando fallendum.

15. Sed tendit usque ad consummationem perfectam admonitio cœlestis. Nam cui vitium omne deterfit, cupiditatem quoque ei, quæ nimium nos detinet, pecuniæ avertit dicens: *Qui pecuniam suam non dedit ad usuram.* Fallax hoc beneficium, & humanitas fraudulenta, damnosa hæc benevolentia docetur. Quid enim tam intolerabile, quam ut indigenti ita beneficium tribuas, ut magis egeat; & miseriam inopis opem laturus accumules? Si Christianus es,
quid

quid a Deo præmii exspectas, ipse ab hominibus non beneficia exspectando, sed damna? Si Christianus es, quid otiosam pecuniam tuam in reditum componis, & fratris tui inopiam, pro quo Christus mortuus est, thesaurum tuum efficis? Si Christianus es, non quæro, ut largiaris, saltem debitum sic reposce, ne spolies; & memento eum, a quo usuram repetis, esse inopem & pauperem, propter quem Christus inops voluit esse & pauper. Itaque siue injuriam, siue beneficium cum pauperi præstas, Christo præstare te nosce; quia propter eum, cum Deus esset, indigentiam ejus est dignatus & nomen.

16. Sed ne durus sermo admonitionis istius crederetur, tamquam si penitus sub usurarum nomine habendi curam removisset: non igitur acquirendi sollicitudinem sustulit, quin etiam modestiam accipiendi muneris temperavit, dicens ad id, quod dixerat: *Qui pecuniam suam non dedit ad usuram; & munera super innocentes non accepit.* Est quædam munerum consuetudo, quæ honorem afferat largienti, ita ut maximi doloris sit oblata contemni, quam damni donasse, quæ sumpta sunt. Igitur ea munera, quæ in alterius operarentur injuriam, inhibuit. Nam si usum munerum omnino abstulisset, fatis fuerat dixisse: *Et munera non accepit.* Sed quia simplex donorum usus aut ex hominis, aut etiam ex Dei reverentia venit; ea vetuit munera, quæ integritatem judicii corrumpere, quæ innocentis injuriam emerent, quæ nullum se charitatis mutæ officium continerent. Ut enim quæ Deo offerimus, his quidem ille non eget, sed per nos debitæ reverentiæ explentur officio: ita eam in muneribus docet observandam esse rationem, ut ea sumantur a nobis, quæ sint grata & utilia offerentibus, non quæ nos faciant venales, nec insidiosa innocentibus sint, nec munerantibus sumptuosa, officio potius,

fario post quinquagesimum psalmum, (in quo peccatorum remissio secundum sanctificati hujus, ut in exordio psalmorum docuimus, numeri virtutem continetur,) psalmus iste tempore anterior, ordine posterior collocatur: ut id, quod *in finem intellectus* praescribitur, perfectis undique & absolutis sacramentorum generibus possit intelligi.

3. Abimelech, interpretatione verbi, fratris mei imperium significat. Quod enim nobiscum fratris mei imperium dicimus, id Hebraei Abimelech nuncupant. Cum ergo Sauli dicitur: *Venit David in domum Abimelech*; illi inimico David nuntiatur, quod domum ingressus sit fratris imperii. Domus autem imperii fratris quæ sit, Petrus apostolus docet, dicens: Et vos quasi lapides vivi ædificamini domus spiritalis, ad sacerdotium sanctum. Et infra: Vos autem genus electum, regale sacerdotium, genus sanctum, plebs ad possidendum. In hanc igitur spiritalem domum ædificandi in regale genus sumus, si per spiritalem corporum ædificationem conformes Deo facti, genus perfici regale mereamur. Hanc ergo Abimelech domum, id est, domum fraterni regni, David ille verus, sanctus, Rex, justus, oriens ingressus est; factus scilicet nostri corporis homo. Quæ domus fratris mei regnum est: quia in ejusdem corporis gloria cohæredes sumus regni ejus, ipso dicente: Venite benedicti Patris mei, possidete præparatum vobis regnum & constitutione mundi. Quod autem fratres ejus sint, quorum domum regiam fuerit ingressus, per Prophetam testatur in Psalmo dicens: Annuntiabo nomen tuum fratribus meis, in media ecclesia laudabo te. Concessa ergo secundum præcedentem psalmum peccatorum remissione, Verbum caro factum habitat in nobis, qui & fratres, & domus spiritalis, & regale genus sumus.

4. Populus autem impius & parricidalis, & proditor: qui in Doec persona significatur, regi suo inimicus, scilicet David, prodit, quod in Domo Abimelech sit. Et hoc fit, cum Pilato traditur, cum homo crucifigendus offertur, cum repudiato regeregem suum Cæsarem confitetur: prodens quidem eum in domo esse Abimelech, sed non intelligens eum, cum in domo Abimelech sit, in domo esse imperii fraterni, corpus scilicet, in quo ei sanctorum Ecclesia, quæ corpus est Christi, conformis conregnabit, ingressum, id est, in qua & desideratum sibi cibum sumferit, desiderio enim manducare pascha desideravit, & ex qua Goliæ, id est, diaboli arma sustulerit; fortis enim spolia ipse diripuit; post quod ab hoc eodem Doec, id est, populo proditore Apostoli occisi, Ecclesiæ subversæ sunt. Hinc ergo titulus psalmi, *in finem intellectus*; quia in Christo, qui David, oriens, justus, rex & æternus & pastor est, totius spei nostræ consummatio, & legis finis intelligitur esse: qui & secundum psalmi titulum & ordinem in ea corporis sui domo proditus est, quæ ei fraterni domus esse significatur imperii.

5. *Quid gloriatur in malitia, potens iniquitate tota die?* Querela Prophetæ est, gloriari cum in iniquitate tota die, qui in malitia potens sit. Et hæc quidem gloria iniquitatis arguitur. Ceterum est gloria & expetenda & confitenda, & affectu quodam exultantis gaudii eloquenda: quod utrumque sub iisdem dictis alius propheta demonstrat, dicens: Non gloriatur sapiens in sapientia sua, neque fortis in fortitudine sua, neque dives in divitiis suis: sed qui gloriatur, in Domino gloriatur. Vetitis enim primum improbabilis gloriæ causis, causam rursus gloriæ competentis ostendit. Quo exemplo beatus Apostolus scit, in nullo sibi, nisi in uno tantum esse gloriandum, cum ait: *Mihi autem absit gloriari, nisi in cruce Domini*

mini nostri Jesu Christi, per quem mihi mundus crucifixus est, & ego mundo. Non ergo gloria istiusmodi, sed gloria iniquitatis offendit, & ejus iniquitatis, quæ die tota sit. Diem pro ætate vel tempore hominis nuncupari solere meminimus, cum dicitur: Diem hominis non concupivi: vel rursum cum Abraham diem Domini desideravit: vel cum Apostolus Satanae tradit in interitum carnis, ut spiritus salvus sit in die Domini; non hunc diem ortu solis occasuque finitum, sed diem constituti temporis vel ætatis ostendens. Potens ergo in malitia, gloriatur in iniquitate tota die.

6. Sed absolute intelligitur, in Doec persona rationem querelæ hujus non convenire. Quid enim potentia habebat mulorum custos, & jus in animalia ventionis regiae fortitus, aut tantum nuntians David domum Abimelech ingressum? Numquid tota die in iniquitate gloriatur? Verum sub persona ejus populus, cui omnis in iniquitate ætas fuit, cui ex potentia malitiæ, gloria iniquitatis ipsius abundavit, significari intelligendus est. Potens enim fuit, cum serviens visitabatur a Domino, cum propter eum tot plagis percussa est Ægyptus, cum in trium dierum tenebris tenebras ipsas lumine secum manente non sensit, cum Ægyptum ipsam argento & omni ornatu despoliatam, gladii suæ reliquit, cum secundum diei noctisque tempora columna nunc nubila, nunc ignea usus est, cum rubrum mare pede transivit, cum Angelorum cibo vixit, cum majestatem descendantis ad montem Dei vidit, cum vocem de igne loquentis audivit, cum regna multa bellis gravibus evertit, cum Jordanem fluentem, ut sibi areret, spectavit, cum prophetas habuit, cum sacerdotibus ad emundationem peccatorum & redemptionem animæ suæ usus est, cum obtinere regnum suum meruit. Sed in his omnibus cum potens esset, tamen in malitia sua potens semper fuit,

cum cepas & allia Ægypti, & cum carnes desideravit, cum ob vitiorum consuetudinem servitutem impiam libertati piæ prætulit, cum vitulum adoravit, Moysi maledixit, Deum abominatus est, filios suos dæmonum hostias vovit, prophetas occidit, ipsum quoque Deum ac Dominum suum sui causa natum hominem, proditum Prætori in crucem sustulit. Ac sic toto vitæ suæ die in iniquitate glorians, cum potens esset, potens tamen in malitia esse permansit.

7. Post hanc ergo de eo prophetici doloris querelam, jam in ipsum sermo convertitur: *Injustitiam cogitavit lingua tua.* Linguae humanæ officium est, ut naturali impulsa ratione, motu vario eodemque moderato vocem in verba distinguat: extetque per eam ex confuso erumpentis spiritus sono dissonans ad rerum intelligentiam sermo. Et quamvis quidem hic ejus ad id efficiendum rationabilis motus sit; tamen ipsa subdita potius esse rationi intelligitur, quam sensu rationis intelligens. Quod vero caret sensu intelligentiæ, caret & rationis instinctu. Quidquid autem caret rationis instinctu, caret & meditatione consilii. Et quomodo recte a Propheta dictum intelligitur, linguam injustitiam cogitare, cum cogitatio ex rationabili sensu animæ viventis ineatur; lingua vero non ad naturam rationis incundæ, sed ad ministerium naturæ sit rationabilis instituta? Sed dicti hujus perfecti & prophetici auctoritatem & alius propheta demonstrat, dicens: In ore stultorum cor eorum est: quia nihil ex rationis consilio tractantes & cordis meditatione pendentes, temerario tantum motu linguæ inconsultæ res fortuitas & inconditas eloquantur. Atque ideo in ore stultorum cor eorum est, quia non, quod cogitaverint, loquentur, sed quod locuti fuerint, cogitabunt. Et hoc quidem de lingua stulti. At vero de lingua sapientis ita legimus: Lingua intelligentis meditabitur sapientiam; & rursum: Lingua mea

mea calamus scribæ velociter scribentis: quia intelligentis lingua ex meditatione sapientiæ fit; & eadem rursum tamquam calamus scribentis, nihil incompositum, nihil incertum agat: sed his, quæ aut cogitata aut lecta fuerint, obtemperans celeriter ex ratione consilii obsecundet.

8. Et quia ex ratione naturæ cogitatis potius famuletur lingua, quam cogitet; hæc lingua, quæ injustitiam cogitavit, non naturæ suæ usa esse docetur officiis. Sequitur enim: *Sicut novacula acuta fecisti dolum.* Novacula ad nitorem vultus acuitur, ut abradens hirsutam atque horrentem barbam, faciem leviget. Hæc si potius vulneret, dolum fecit: quippe cum præparata ad ornatum, ministerium suum præbuerit ad vulnus. Lingua hæc ergo hujus in malitia potentis iniquitatem cogitans, dolum fecit: id est, quam natura ad eloquendas rationabiles cogitationes consulti cordis præparaverat, ipsa potius irrationabiles cogitat iniquitates. Populus enim ille, qui in Doec significari intelligendus est, ad magnificandum Dei nomen electus, & ad celebrandas laudes ipsius præparatus, hunc inhonorat, hunc tradit, hunc, quantum in se est, morte crucis perimit: & hoc linguæ suæ novacula acuta, per quam clamavit: Crucifige, crucifige, consummat. Dolum itaque tamquam novacula acuta & iniquitatem cogitans fecit hæc lingua; & cujusmodi dolum consequentia docent.

9. Sequitur enim: *Dilexisti malitiam super benignitatem, iniquitatem, super quam loqui justitiam.* Doli hujus crimen ex comparatione fit gravius, cum malitia diligitur, bonitate neglecta; cum iniquitas agitur, prætermisso sermone justitiæ. Hunc propensæ malitiæ affectum Dominus in Evangeliiis condemnat, dicens: Hoc est autem judicium, quia lux venit in hunc mundum, & dilexerunt homines tenebras magis quam lumen. Populus itaque, cui ad redemptionem

peccatorum Verbum caro factum est, & Deus homo natus est, ut per fidei justificationem maledicto legis liber esset, cum in transgressione legis mavult servire maledicto, ipsum illum Deum suum tradidit pœnæ, sanguinem ejus, ut prætor esset innocens, in se ipso suscipiens. Et hæc agens, demutat naturæ suæ consuetudinem. Malitiam enim diligit super benignitatem, & ex bonis amorem convertit in pessima. Diligere quoque injustitiam, super quam loqui justitiam maluit.

10. Tenuit vero secundum Judaicam consuetudinem propheticus sermo in ipsa sermonum virtute rationem, cum ait: *Dilexisti malitiam super benignitatem, injustitiam, super quam loqui justitiam.* Nam ubi ait: *Dilexisti malitiam super benignitatem;* nihil ultra, quam dilectionem ipsam ex comparatione condemnat. Ubi vero ait: *Injustitiam, super quam loqui justitiam;* ibi coarguit non jam prælati amoris affectum, sed ipsum illud odium in loquendo, dicens: *Super quam loqui justitiam.* Possunt enim, & solent Judæi, licet non ament bonitatem, tamen eam vel loquendo simulare. At vero loqui de Domino nostro Jesu Christo, qui secundum beatum Apostolum Paulum factus est nobis justitia & sanctificatio, & redemptio, nullo modo possunt. Non continentur ad aliquam sermonis patientiam, si, cum quando ex prophetis auctoritatibus ostenditur a nobis unigenitus Deus, qui ante sæcula natus est, in homine & passus & crucifixus, & mortuus. Tum enim omne de eo eloquium evitant & fugiunt: & si discedenti quoquam locus nullus sit, vi quadam taciti doloris oppressi, aures manibus obstruunt, & auditum, ne in se penetret, excludunt; bonitatem quidem tantam non amantes, interdum tamen eam loquentes, ceterum justitiam nec diligentes, quæ Christus est, nec loquentes.

11. Intercessio diapsalmæ, etsi personæ non attulerit conversionem, tamen sensus fecisse intelligitur demutationem. Nam cum & ejus, cujus antea, & ad eum, ad quem antea, sermo sit, idem tamen sermo aliud nunc, quam ante significat. Et quidem superiora querelis gravia fuerunt, adeo, ut ex Prophætæ dolore ante, quam edicerentur, increpita sint: cum injustitiam lingua cogitat, cum tamquam novacula acuta dolum efficit, cum malitia super bonitatem diligitur, & injustitiæ super justitiæ eloquium est. Propter quæ quædam quasi Prophætæ accusatio apud Deum præmissa est arguentis: cum dicitur: *Quid gloriatur in malitia, potens iniquitate tota die?* Et ne inanis querelæ dolor reperiretur, ipsa querelæ causa subjecta est.

12. Nunc vero intercedente diapsalma, non præcessit querela, sed demonstrata ante causa peccati gravissima, tum hæc damnationis est subjecta sententia: *Dilexisti omnia verba præcipationis, linguam dolosam: propterea Deus destruet te in finem, evellat & emigret te de tabernaculo tuo, & radicem tuam de terra viventium.* Exemplo, quo in Genesi dictum legimus his verbis: Quia fecisti hoc, maledictus tu a terra; & rursum: Quia audisti vocem mulieris tuæ; sed & ab Apostolo, cum gravissima humanæ impietatis crimina percensuisset, ita dictum: Propter hoc tradidit eos Deus in sensum reprobum: ita & nunc: *Dilexisti verba præcipationis, linguam dolosam; propterea Deus destruet te in finem.* Verbi virtutem latinus sermo non tenuit, Quæ enim nobiscum *verba præcipationis* sunt, ea a Græcis *ἐνυατα κατὰ πονηρίαν* commemorata sunt: quo dicto significatur id, quod nobiscum præcipitatio est, cum illis esse demersio in profundum maris. Potest autem nobiscum secundum generalem sensum præcipitatio, non in mari tantum, sed ex editis aut ædium, aut rupium, aut quorumcumque generum locis decidentium casus intelligi. Ergo secundum demon-

stratam præcipationis rationem, quia verba præcipationis Doec dilexerit, severissimæ damnationi subiectus est.

13. Omnis etenim anima infidelis, in seculi huius tamquam maris profundo naufraga, incertu motu vagoque differtur, & diversarum cupiditatum æstu mobilis fluctuat, potestate diaboli seculum incolentis illusa, & nulla ad resistendum obnitendumque ei subiectæ soliditatis firmitate consistit: ex quo facile est, incentivis circumagentium cupiditatum pendulam vagamque jactari. Quod autem seculi huius motus atque fluctus undantis maris sit æstibus comparatus, qui dominantis sit diaboli incolatus, secundum propheticam & allegoricam intelligentiam, psalmus centesimus & tertius sub corporali tamen creaturarum significatione demonstrat: Hoc mare magnum & spatiosum, illic serpentes, quorum non est numerus. Animalia pusilla & magna: illic naves pertransibunt. Draco iste, quem formasti ad illudendum ei. Et rursus in sexagesimo octavo psalmo: Veni in altitudinem maris, & tempestas demersit me. Unigenitus itaque Dei filius, & Dei Verbum, & Deus Verbum, ad eruendos nos ex profundo seculi huius naufragio descendit. doctrinæ suæ reti, cui regnum cœlorum simile est, hæc universa piscium genera extracturus. Ab impio populo proditur & inhonoratur: seseque populus conformatus ad illudendum, draconi socium ipse demergit, & in hoc se profundum ad incolatus ejus consortium præcipitat. Sic & incredulus Moyse Ægyptiorum populus præcipitari demergique meruit, & impiam gentem refusi in se maris fluctus absorbuit, præcipationis verba tum cum Deo obstitit diligentem.

14. Quia ergo Judæus populus incredulus, & regem suum prodens, verba præcipitii dilexit, dicens: Regem non habeo nisi Cæsarem: Deo rege neglecto, ac rege homine confesso, in hoc se seculi profundum ipse

ipse demersit; ideo in finem destruitur; (usque in consummationem enim seculi regnum destructæ civitatis amisit), & de tabernaculo evulsus & transmigratus est, vagus nunc in toto orbe terrarum, & ubique peregrinus, consummatis omnibus suis in Domini passione peccatis.

15. Quia præcipationis verba dilexit, tabernaculo illo caret, in quo Propheta semper Dei spiritu plenus fuit, in quo sanctarum virtutum tremendæ contemplationes & salutares visiones extiterunt, in quo hostiarum ad redemptionem animæ utiles oblationes, in quo paschæ agnus in clade Ægypti fidelium custos, & in liminum sanguine potens signum, in quo æmulæ æternorum temporum temporariæ festivitates. Ab hoc itaque tabernaculo evulsi, his spiritualium donorum honoribus carent.

16. Evulsi autem sunt non ex hoc terreno tantum tabernaculo, sed ex illo, de quo dictum est: Elevabo tabernaculum David, quod cecidit; sanctum illud scilicet & venerabile nati ex Virgine Dei corpus & templum, in quo, qui crediderit, tamquam confors dominicæ carnis, habitabit. Omnis autem infidelis a cognatione hac non crediti corporis, id est, Dei tabernaculo evelletur & emigrabitur, spiritualis hujus tabernaculi indignus habitaculo: quod significare Dominus intelligitur, cum ait: Ego sum vitis vera, vos estis propagines, pater meus agricola est. Omnis propago in me non manens, neque ferens fructum, eradicabitur. Et omnem propaginem in me manentem emundabit pater meus, ut fructum amplio-rem ferat. Si qui igitur per fidem corporati Dei manere in natura assumti a Deo corporis merebuntur, hi emundantur in fructus æternos ex se afferendos: quia necesse est, ut naturam veræ vitis propago intra vitem manens teneat. At vero qui incredulus nati in corpore Dei fuerit, vel si, & credens maneat, fru-

etibus tamen fidei suæ careat, eradicabitur, aut ob infidelitatem, aut ob inutilitatem fructuum negatorum. Natus enim ex Virgine Dei filius, non tum primum Dei filius, cum filius hominis, sed in filio Dei etiam filius hominis, ut & filius hominis esset filius Dei, naturam in se universæ carnis assumpsit, per quam effectus vera vitis, genus in se universæ propagationis tenet. Si qua ergo propago infidelis aut infructuosa est, eradicandam ipsa se præbet; per naturam quidem manens, sed per infidelitatem aut inutilitatem evellitur. Ex hoc ergo tabernaculo, tamquam ex vera vite, hic impius Doec & evellitur & emigratur, manens per naturam & in tabernaculo & in vite, sed per infidelitatem dignus avelli.

17. Avulsus autem de tabernaculo, eradicabitur & de viventium terra. Qui enim non manebit in Christo, regni Christi incola non erit. Non erit autem, non quod sibi non patuerit incolatus; (universis enim patet, ut consortes sint corporis Dei atque regni; quia Verbum caro factum est, & habitavit in nobis; naturam scilicet in se totius humani generis assumens;) sed unusquisque pro merito & evellendum se de tabernaculo, & eradicandum de terra viventium præbet; non prohibitus umquam inesse, quia per naturæ assumptionem incola sit receptus; sed eradicatur ob infidelitatis crimen, naturæ consortio indignus existens. Eradicatur ergo de viventium terra, quæ in beata regione sanctis Domino conregnantibus præparatur: cujus ipse in Evangelio meminit, dicens: Beati mansueti, quoniam ipsi hæreditabunt terram: & hic idem propheta: Et placebo Domino in regione viventium: a qua proditor populus eradicari meruit, postquam destructus in finem, a tabernaculo & emigratus est & evulsus.

18. Vivorum autem idcirco terra est, quia omnis fidelis in Domino, licet mortuus sit, Deo tamen vi-

vīt, ut dictum est: Ego sum Deus Abrahāam, & Deus Isaac, & Deus Jacob; non est Deus mortuorum, sed vivorum. Et rursus per Jacob: Vivat Ruben, & non moriatur. Et illud: Ismael hic vivat in conspectu tuo. Sed & illud Apostoli; (si ita tamen legenti videbitur, quia duplicem sensus significationem habet:) Et nos, qui vivimus, qui residui erimus, rapiemur cum nubibus obviam Domino in aera: & sic semper cum Domino erimus. Interceptio quidem corporum affert temporarium mortis occasum: sed lex constituta moriendi, legem non adimit resurgendi: quia decernenti legem, lex non affert necessitatem: neque sibi Deus jus vivificandi adimit, legem nobis decernendo moriendi. Mors autem in eos tantum, in quos est decreta, legitima est. Vivunt autem Deo omnes, ex cujus lege sunt mortui. Neque mors, quæ non nisi per legem decernentis invaluit, potest per se in id invalescere, ne per decernentem renovandæ vitæ legem demutabilis sit: cum decernentis potestas constitutam ab exordio in Adam sub conditione decreti vitæ legem demutaverit lege moriendi. Vivunt itaque sancti quique & fideles Deo. Nam cum se Deum eorum, qui mortui fuerant, id est, Abrahæ, & Isaac, & Jacob esse dicat; & continuo testetur, non mortuorum se, sed vivorum Deum esse; docet per id eos, qui iudicio humanæ opinionis mortui existimentur, sibi legem decernenti non mortuos esse, sed vivos.

19. Intercessio diapysalmæ, etsi non personam, sensum tamen innovavit. Nam post prænuntiatam Doec damnationem, ad quem tamquam ad præsentem fuit sermo, nunc ad alterius expositionis significationem se retulit Propheta: *Videbunt iusti, & timebunt, & videbunt super eum, & dicent: Ecce homo, qui non posuit Deum adiutorem suum, sed speravit in multitudine divitiarum suarum, & prevaluit in vanitate sua.* Destruet Doec in finem, & evulso de tabernaculo atque

emigrato, & de terra viventium eradicato, sancti quique necesse est metuant, cum videant tot tantisque divinæ misericordiæ auxiliis populum adjutum atque usum, post ingentem illam & ultra humanas opes gloriosi regni dignitatem, maximum de se ac ultimum humanæ calamitatis exemplum præbuisse. Quis enim memoria recenseat antiquas gloriæ ejus & innumeras beatitudines, quas superius pro parte memoravimus, cum post Ægypti funera itineri eorum divisum mare cessit, cum ardorem diei columna nubis inumbravit, cum noctis tenebras ignis columna discussit, cum cibum cælum per angelos præbuit, cum fontem petra fluxit, cum Jordanis refluxit, cum civitas maxima ad solum arcæ testamenti circuitum concidit, cum sol de cursu suo inhibitus diem distulit, & divinæ legis ordo ex illo elementorum cœlestium indefesso imperturbatoque motu ad belli moram restitit: post illam deinde divinæ majestatis & conspectus & auditus familiaritatem, consumptos eos bellis, fame emortuos, & antea mortuorum cadaveribus ad mortem famis pastos, reliquos deinde in servitutem redactos, exules ubique esse, ubique degeneres, nusquam cognitos, semper novos, & demutatione incolatus semper ignobiles, semper alienos? Jam si spiritales quis oculos erigat, de quibus Dominus ait: Elevate oculos vestros, & videte regiones, quia albæ sunt ad messem; tum sciat avulsos esse ex consortio corporis Dei, & ex illo beatitudinis regno, ex illo resurrectionis honore, & esse sine Dei Spiritu, sine intelligentia prophetiæ, constitutosque gehennæ pabulum, quos immortalis vermis exesurus sit, & inextinguibilis ignis crematurus: quorum sciat legislationem, quorum testamenta, quorum patres, ex quibus Christus secundum carnem, qui est super omnia Deus. Quanto ergo has damnationes eorum & præsentis & æternæ calamitatis sancti quique metu contuebuntur, quia
puni-

punitorum contemplatio sit hoc terribilis exemplo? *Videbunt ergo iusti, & timebunt*; nihil non sibi metuendum, tanta horum calamitate intelligentes. Sed quia iusti sunt, licet timeant de exemplo, tamen de fructu propriæ justitiæ gaudebunt. *Ridebunt enim super eum*, ridentes igitur & timentes, quia Deo subditi sunt, punitorum severitate terribili. Temperat ergo metum risus: dum & metus de exemplo, & risus ex merito est. Moderatur autem rursus metus risum, dum ita gaudebunt in bonis, ne desit terror exempli: quia impiæ & diffidentis de se conscientiæ est, timere sine gaudio; & insolentis naturæ est, sine timore gaudere.

20. Sed qui timentes ridebunt, id quoque adjicient ad hunc moderatum in timore risum, ut dicant: *Ecce homo, qui non posuit Deum adiutorem suum*. Stultitiæ atque impietatis extremæ est, non intelligere se sub Deo & ex Deo vivere, sed in his, quæ gerit & expectat, sua magis velle confidere potestate; cum, si quid illud in se sit, ex Deo sit. Ad Deum itaque spes omnis nostra sit, & confessio omnis in Deo sit, exemplo Prophetæ dicentis: Domine adiutor meus, & redemptor meus; & rursus: Levavi oculos meos in montes, unde veniet adjutorium mihi. Auxilium meum a Domino, qui fecit cælum & terram. Metuamus itaque semper, ne quando nos æternus ille ignis exurat, & vermis immortalis absumat; cum audiamus, quid iusti timentes ridentesque dicant: *Ecce homo, qui non posuit Deum adiutorem suum; sed speravit in multitudine divitiarum suarum*.

21. Divites quosdam insolentes esse præstat opulentia, & maxime timorem Dei divitiarum fiducia inanis avertit: stulti, non intelligentes hoc se magis religiosos oportere esse, quod divites sunt; quia gratiam referre largitori bonorum sibi desiderabilium conveniat: & hoc magis inexcusabilis avaritiæ sit reatus, quia

quia avaritiæ necessitatem non excuset opulentia. Jam vero quam infelix fiducia est rei inanis: Deum contemnere habendo aurum, quasi aurum non ex Dei sit creaturis; aut aliquem per id, iudicio sanæ mentis, beatæ vitæ acquirat profectum, quod sibi aurum jaceat suffossum; & hinc fiat non generalis animæ & corporis homo, aliusque possit esse, quam natus est; aut cum vita excedat, auro suo sit usurus in morte? Utetur plane, si eo recte utetur in vita, si esurientem pane suo aluerit, si nudum veste sua texerit, aut ægrum sumtu suo refoverit, aut captivum libertati suæ reddiderit. Hæ sunt plane ambitiosæ apud Deum humani thesauri legationes, hæc potentia deprecandorum criminum & vera suffragia. Sic auro demutabimur, ut ex terrenis cælestes, & ex mortalibus simus æterni. Hæc infidelis ille populus non cogitans, & Dei mandata contemnens, putansque se per legem, quæ futurorum bonorum umbra est, esse divitem, & adeptis divitiis male usus, ex viventium terra, & tabernaculo eradicatus & emigratus, avulsus est: præpotentem se in vanitatibus credens, in regni scilicet sui gloria, in templi auro, in mandatis hominum, secundum prophetam dicentem: Sine causa colunt me, docentes doctrinas & præcepta hominum, Dei lege contumeliosa humanæ consuetudinis observatione mutata.

22. Propheta autem, quem necesse est justum esse intelligi, aliter de se fiducia spei suæ loquitur: *Ego autem sicut oliva fructifera in domo Dei, speravi in misericordia Dei in æternum, & in seculum seculi.* Differt quidem tempore ætas hominum: sed prophetiæ spiritus idem est. Propheta manere se in domo Dei sicut olivam fructiferam dicit, arborem semper virentem, & fructus optimi feracem. Apostolus huic oleæ præfractis ob infidelitatem ramis ejus, fideles gentes ex ignobili oleastro esse insitas prædicat: ut contra naturam
gene-

generis, naturam radicis acciperent. Sed Propheta in lege licet manens, evangelicus tamen & Propheta simul, & in lege & in Evangeliiis cum fructu suo in domo Dei esse persistit: non perfringendus in ramis, non relinquendus in truncum, non inutilis jam ipse inferendo sibi præbendus oleastro, ne radicis suæ virtutem arbori transfusus alienæ, sed totus integer, ut est fidei apostolicæ prædicator, non ex gentibus radici legis ad fidem evangelicam inferendus, sed etiam in gentium evangelica fide, propria radicis suæ ramorumque virtute totus ipse ex legis pingui conscientia fructuosus. Est autem Dei domus, secundum apostolum Petrum, Ecclesia & omnes fidei evangelicæ sectatores, sicut ait: *Ædificamini domus spiritalis, regnum sacerdotale.* Et Paulus: *Ut scias, quemadmodum te oporteat in domo Dei conversari, columna & firmamentum veritatis, quæ est Ecclesia Dei viventis.* In hac igitur Dei domo justus & sanctus Propheta, tamquam fructifera oliva consistens, propria sua usus fructuosa pinguique radice, speravit in misericordia Dei; non ad tempus, non in hujus corporalis tantum vitæ brevi seculo, sed *in seculum seculi*. Extendit enim spes suas ad infinitam perennitatis ætatem, nec concluditur mortis oceasu, cum sciat sibi in Abrahæ sinibus exemplo pauperis Lazari esse vivendum, sciat quoque gloriose resurrectionis demutatione coæternum se & conformem Deo esse mansurum: mansurum autem ob id, quod sequitur: *Confitebor tibi Domine in seculo, quia tu fecisti: & exspectabo nomen tuum, quoniam bonum ante conspectum sanctorum tuorum.*

23. Spes in misericordia Dei *in seculum, & in seculum seculi* est. Non enim ipsa illa justitiæ opera sufficient ad perfectæ beatitudinis meritum, nisi misericordia Dei etiam in hac justitiæ voluntate humanarum demutationum & motuum vitia non reputet.

Hinc

Hinc illud Prophetæ dictum est: Melior est misericordia tua super vitam: quia quamvis probabilis per justitiæ operationem vita justorum sit, tamen per misericordiam Dei plus meriti consequetur. Ex hac enim vita in vitam proficit æternam: & operationem justitiæ in tantum misericordia Dei muneratur, ut miserans justitiæ voluntatem, æternitatis quoque suæ justum quemque tribuat esse participem. Idcirco *in seculum, & in seculum seculi* misericordiæ spes est: sed confessio tantum *in seculo*, non etiam in seculum seculi. Non enim confessio peccatorum nisi in hujus seculi tempore est: dum voluntati suæ unusquisque permisus est, & per vitæ licentiam habet confessionis arbitrium. Decedentes namque de vita simul & de jure decedimus voluntatis. Tunc enim ex merito præteritæ voluntatis lex jam constituta, aut quietis aut pœnæ, excedentium ex corpore suscipit voluntatem. Cujus temporis non jam liberam, sed necessariam voluntatem ostendit Prophetæ, cum dicit: Non est mihi in diebus illis voluntas. Cessante enim voluntatis libertate, etiam voluntatis, si qua erit, cessabit effectus. Transire namque ad Abraham volens dives, chao medio non finitur: cum tamen per libertatem voluntatis in Abraham sinibus esse potuisset. Interclusa est ergo libertas voluntatis quia confessio nulla est mortuis, secundum id, quod dictum est: In inferno autem quis confitebitur tibi? Sperans ergo Prophetæ misericordiam *in seculum, & in seculum seculi*, confitetur tantum *in seculo*: temporaria confessionis officia seculi tempore gerens, spem vero æternam seculorum æternitate protendens. Confessionis autem causam addidit dicens: Quia fecisti; auctorem scilicet universitatis hujus Dominum esse confessus, nulli alii docens confitendum, quam qui fecit olivam fructiferam spei misericordia in seculum seculi.

24. Et quis hic sit, qui fecit ista, demonstrat, dicens: *Et expectabo nomen tuum, quoniam bonum est in conspectu sanctorum tuorum.* Expectabit ergo Dei nomen, cui confitetur, per quem facta sunt omnia, ut ait Paulus: Unus enim Deus pater, ex quo omnia, & nos in ipso: & unus Dominus noster Jesus Christus, per quem omnia, & nos per ipsum. Hujus ergo nomen expectat, Jesum scilicet videre, id est, salvatorem suum nosse, Angelo dicente: & cognominabis nomen ejus Jesum: ipse enim salvum faciet populum suum a peccatis. Christum conspiceret, ut per professionem generosæ familiæ sit Christianus, expectat. Bonum autem hoc nomen est, quod Angeli atque Archangeli adorant, quod dæmones tremunt & ferre non possunt, quod ad salutem homines assumunt: quia scriptum est: Et omnis, qui invoverit nomen ejus, hic salvus erit. Expectat autem non occulte, non trepidus, non solus; sed in conspectu sanctorum ejus, fide scilicet libera testimonium expectationis suæ vel sub sanctorum cœlestium conscientia non recusans, vel, Prophetæ exemplo, sanctis omnibus, qui in terra sunt, in se ipso præbens expectationis exemplum.

PSALMUS LII.

David in finem pro Abimelech intellectus David.

Dixit stultus in corde suo: Non est Deus. Corrupti sunt & abominabiles facti sunt in iniquitatibus suis: non est, qui faciat bonum, non est usque ad unum. Deus de cœlo prospexit super filios hominum, ut videret, si est intelligens aut requirens Deum. Omnes declinaverunt, simul inutiles facti sunt: non est, qui faciat bonum, non est usque ad unum. Nonne scient omnes, qui operantur iniquita-

quitatem, qui comedunt populum meum ut cibum panis? Deum non invocaverunt: ibi timuerunt, ubi non erat timor. Quoniam Deus dissipavit ossa hominibus placentium, confusi sunt; quoniam Deus sprexit eos. Quis dabit ex Sion salutare Israel? In avertendo Dominus captivitatem populi sui, exultabit Jacob, & letabitur Israel.

TRACTATUS PSALMI.

1. **P**ræsens psalmus tertio decimo psalmus pene conveniens est: sed habet in hac ipsa verborum similitudine non exiguum intelligentiæ discrimen. Primum virtute inscriptionis ipsius. Nam tertius decimus ita inscribitur: *In finem illius David*; quo titulo id significatur, psalmum illum a David prophetatum fuisse: hic vero: *In finem pro Macheath intellectus illi David*. Ubi enim est: *In finem intellectu*, adhortationis & admonitionis est significatio, qua jubemur secundum finis cognitionem intelligentiæ nostræ admoveere iudicium: ut ea in psalmo denuntiari intelligamus, quæ consummabuntur in fine; secundum illud Apostoli: Dehinc finis, cum tradiderit regnum Deo patri. Cum evacuaverit omnem principatum & potestatem, & virtutem, tunc & ipse subjiçitur subjiçienti sibi omnia. Novissima autem inimica evacuetur mors. Hic ergo finis est, qui intelligitur in psalmo. Illud autem, quod *illi David* psalmus inscribitur, ostenditur omnis de Christo, qui David verus est, prophetari: quia, ubi *illius* inscribitur, ibi eum, qui dixerit, significat; ubi vero *illi* est, ibi eum, ad quem dicatur, ostendit.

2. *Dixit interior in corde tuo: Non est Deus*. Vitii humani est, pudenda eloquia verbis oris non audere committere, sed instinctu nequitiae interioris urgente, ea intra cor eloqui: dum adversum publici pudoris necessitatem voluntatis iniquitate luctante, quod pudet dici, non pudet cogitare. Et ideo
stultus

stultus in corde suo dicit: *Non est Deus*: quia, si vellet verbis oris hoc eloqui, stultus esse, sicuti est, publici assensus iudicio argueretur. Quis enim mundum contuens, Deum esse non sentiat? Sed fit frequenter, ut cum nos veri necessitas ad confessionem Dei cogat, oblectatio tamen vitiorum Deum nobis non esse persuadeat: & quod contra fidem credimus, id tamen de consilio impii cordis eloquamur. Ex quo illud Dei dictum est per prophetam: Populus hic labiis me honorat, cor autem eorum longe est a me: quia nolunt credere, quod negare non possunt.

3. Causam vero huius stultissimi in corde eloqui ostendit, dicens: *Corrupti sunt, & abominabiles facti sunt in iniquitatibus suis*. Iniquum est, quidquid extra legem est. Et legem Dei excedentes, primum corruptioni subditi sunt, dehinc abominationi: quia iniquitas corruptionem affert, corruptio autem abominationem meretur. Cum enim quis transgredietur Dei legem, tum Deum negabit: & Deum negare, corruptio est. Dominus enim noster ad depellendam corruptionem Verbum caro factum est. Oportet enim, secundum Apostolum, corruptionem vestiri incorruptionem. Sed qui iniquus est, & qui Verbum Deum carnem factum esse non credit, & quia Deus non sit, loquitur in corde; corruptus & abominabilis permanebit. Tertius decimus psalmus pro eo, quod *abominabiles facti sunt in iniquitate*, ita ait; *Abominabiles facti sunt in adinventionibus suis*. Nec differt sensus & crimen: quia homines ea, quæ sibi sunt placita, sectantes, divinæ legis constituta transgressi sunt.

4. Consequitur deinde hæc querela: *Non est, qui faciat bonitatem*. Versum hunc, quia inferius etiam cum accessione subjectus est, suo loco tractabimus. Qui tamen nunc opportune & competenter adiectus est, corruptis omnibus & abominatis, neminem in operibus repertum esse bonitatis: quia, cum loqui,

quæ bona sunt, aliquando soleamus, factis tamen ipsis difficile, quæ bona sunt, exsequimur.

5. Ac ne indiligens Dei erga homines voluntas esse existimaretur, adjecit dicens: *Dominus de cælo prospexit super filios hominum, ut videret, si est intelligens, aut requirens Deum.* Prospectio Domini de cælo frequens fuisse cognoscitur: quotiens peccatis humani generis commotus, salutis nostræ causa aut Noe ante diluvium eligit, aut Abraham justificat per fidem, aut Isaac sponsonis suæ promittit hæredem, aut in Jacob posterioris populi primogenita præfigurat, aut Moysen prophetam & ducem præficit & latorem legis instituit, aut prophetas in omni tempore legis inspirat. Per has igitur virtutis tuæ istiusmodi efficientias ad filios hominum prospexit, ut videret, si quis esset intelligens & requirens Deum.

6. Non est autem facile illud, ob quod Deus prospicere dignatur, ut videat: magnumque illud est, quod tam studiose, an in aliquo reperiri possit, inspicitur. Prospicit enim e cælo Deus, ut videat, an se quisquam hominum intelligenter exquirat. Quotum enim quemque hominum invenies, qui secundum perfectam intelligentiam Deum velit exquirere? Qui primum causas creaturarum, & dehinc constitutionem humani generis pertractans, per rationem intelligentiæ, auctorem ac parentem tantæ universitatis exquirat? Dehinc cur mundus, cur homines, cur seculi tempora, cur patriarcha electus, cur lex constituta, cur propheta præmissus, & in quem profectum causarum omnium origo constiterit? Tum præterea, quem virtutes cælorum, & angelorum ministeria, & archangelorum potestates, & diaboli regnum, & sancti Spiritus donum, & Deus ex Deo unigenitus Dei filius, profectum nobis ex tam variis officiorum generibus impertiant? Hunc ergo exquirentem se per intelligentiam virum Deus videre prospectat.

7. Est enim intelligentiæ non exiguum meritum, Salomone dicente: Intelligentia enim bona omnibus, qui inveniunt eam; & rursus per alium prophetam: O Israel, quid Deus exquirat a te, nisi facere iudicium, & intelligere iustitiam? Proprium enim intelligentia humanæ rationis officium est: & idcirco nobis natura animæ spiritalis inserta est, ut per eam ad intelligentiæ sensum, qui solus rationis est particeps, tenderemus. Sed obruti vitiis, & per oblectamenta corporis natura corporeæ gravitatis oppressi, declinamus nos a studio intelligentis exquisitionis.

8. Declinamus autem posteaquam esse inutiles cœpimus: id enim propheticus sermo significat: *Omnes declinaverunt, simul inutiles facti sunt.* Non cum declinant, inutiles fiunt; sed cum inutiles cœperint esse, declinant. Et virtutem dicti facile est ex consuetudine humanæ demutationis intelligi. Namque cum ex bonis mali esse cœperimus, & ex prudentum familiaritate & publicæ famæ honestate per vitia nos & dedecora secreverimus, effecti per id inutiles, tum omnes probabiliū virorum declinamus occursum, sectantes devia, & præsentiam bonorum conscientie nostræ pudore vitamus. Denique Adam per peccatum inutilis factus tum Dei declinavit adventum. Vivens autem aliquandiu innocens, & per mandatorum observantiam utilis, familiarem sibi occursum antea Dei, simul atque inutilis cœpit esse, refugit.

9. Non repertis autem Deum intelligenter exquirentibus, & omnibus, simul atque inutiles facti, declinantibus, ex affectus dolore iteratur querela dicentis: *Non est, qui faciat bonum, non est usque ad unum.* Gravis Dei professio est, & indissolubile super humana vitia iudicium, cum bonitatem usque ad unum nemo facit. Et quæritur post hæc, quomodo Abel placuerit, Seth probatus sit, Isaac hæres sit, (Enoch translatus sit, Noe reservatus sit, Melchisedech sanctifica-

etificatus sit, Abraham electus sit,) Jacob Israel sit, Job inculpabilis sit, Moyseſ amicus sit, Aaron christus sit, David secundum cor Dei sit, Prophetæ spiritales sint, Apostoli cœlorum claves sortiti sint, si, excepto uno tantum, bonus nemo sit? Jam vero illud, quomodo dictum intelligitur: Bonus homo de bono thesauro profert bona; & illud: Serve bone, intra in gaudium Domini tui? Quomodo enim bonus aliquis nuncupabitur, nemine faciente bonitatem?

10. Ac primum ne etiam in hos, quos superius commemoravimus, iudicio Dei probatissimos viros, cadere tamquam generalis hujus sententiæ professionem existimemus, superiorum dictorum sensus obſiſtit. Omnis enim de stultis & corruptis & abominabilibus cœptus est sermo: & Deo prospiciente de cœlo, ut videret, si quis intelligenter exquirens eſſet, omnibus, postquam inutiles eſſe cœperant, declinantibus, nemo repertus est bonitatem faciens *usque ad unum*, id est, ex illis, qui & stulti & corrupti, & abominabiles, & postquam inutiles facti sunt, declinantes eſſe cœpiſſent; sententia in eos divini iudicii congruente, a quibus cœpit & sermo. Id autem, quod ait: *Usque ad unum*, non unum exceptit ex omnibus; sed omnibus inutilibus & declinantibus, cum usque ad unum bonitatem nemo faciat, ne unum quidem ſecre vit ex omnibus. Non enim ait, præter unum, sed *u.que ad unum*. Et in eo, quod præter unum est, exceptio ſignificatur unius: in eo vero, quod *usque ad unum* est, univerſitas generalis per ſpiciendiſ e cœlo ſcientis diligentiam, ſub quodam ſpeci ali & personali numero continetur.

11. Quamquam vero eam eſſe infirmitatem humanæ naturæ meminerimus, ut ex comparatione divinæ bonitatis bonus nemo ſit: ſed incomparabilis illa *divinitatis* exceptio non intercluſit bonitatis officium, *ut ſecundum comparationem humanam inter homines*
bonus

bonus nemo sit; Bonitas namque primum perfecta est, quæ indemutabilis naturæ virtute consistens, nescit aliquando aliud esse, quam fuerit, nec potest non id esse, quod semper est. Humani vero motus ipsa plerumque mutatione diversi sunt, & terrenæ legis imperfecta natura fit alia, ex alio instinctu se perturbante demutans: & ad id nos diversarum affectionum motus impellit, dum contumelia irascimur, dum damno movemur, dum ira accendimur, dum metu perturbamur, dum amore inflectimur, dum odio impellimur, dum gaudio efferimur, dum dolore stimulamur, dum iudicio dissidemus, dum ætate mutamur. His ergo subditi naturæ infirmis motibus, æquales esse non possumus, dum & affectu demutabiles sumus, & tempore. Et idcirco perfecta bonitas in nullo est, quia eam naturalium perturbationum incentiva demutant. Sed tamen, cum in bonitatis sumus vel voluntate, vel gestis, non possumus vel tunc non hoc esse, quod sumus. Et quamvis imperfecti ad id simus, ne semper id simus: quod tamen sumus in tempore, licet per naturæ infirmitatem demutationi bonitatis obnoxii, non adimitur nobis bonos nos vel tum esse, cum sumus.

12. Bonus autem solus per naturam indemutabilem suam semper Deus, non prædurus hujus demutationis nostræ arbiter fuit, indulgentiam infirmitati nostræ, qua non semper boni permanemus, ex merito voluntatis impertiens, qua bonos nos esse delectat: magisque his, quæ velimus, propitiatus est, quam his, quæ non possumus, iratus est. Namque cum Moyse, fideli utique amico suo, & quem in deum Pharaoni constituerat, dixisset: Quia non glorificasti me in aquis contradictionis, ascende in montem, & morere: hunc sibi postea, sepulturæ ejus loco a nemine cognito, una cum Elia ab Apostolis in monte conspectum beati, & æterni regni sui consortem &

martyrem reservavit. Et ne per Aaron & David, & Salomonem pluresque alios istiusmodi bonitatis Dei exempla percurram, quibus, increpitis demutationum offensis, ob fidei tamen meritum adfuit venia proclivis; conscius Dominus infirmitatis humanæ, cum Apostolis dixisset: Omnes vos scandalum patiemini in hac nocte; & beato Petro ter, non tam ad denuntiationem damnatæ negationis, sed quia per timorem carnis demutabilis homo, id quod negaturus esset admonito, & neganti quidem, claves tamen regni cœlorum non ademit: quia, cum per trepidationem obrepisset negatio, voluntatis tamen usque ad martyrium confitendi fides firma non deerat. Et aliud est nolle, aliud non posse. Territus enim Petrus, etsi per carnis sensum responsionis non potuit tenere constantiam; per fidem tamen animi statim flevit. Et cum decussum se ab eo, quod volebat, agnovit, lacrymarum dolore fidei suæ effudit affectum. Et ipsum illud fuit negationis tempus & fletus, scilicet secundum trepidationis demutationem, voluntatis firmitate potiore. Nam mox inconstantiam trepidationis, constans fides flevit, probatissimam deinceps apostolicæ constantiæ firmitatem martyrii confessione confirmans. Hæc idcirco in præsentī loco commemoravimus, ne generaliter dictum existimaremus: *Non est, qui faciat bonitatem, non est usque ad unum*; cum hi tot & tanti placentes Deo viri, etiamsi per naturæ demutationem de proposito fidei aliquantulum decidissent, tamen maximis ac pulcherrimis bonitatis operibus gloriam sint cœlestis de se iudicii consecuti.

13. Atque hanc quidem intelligentiæ nostræ rationem ea, quæ consequuntur, absolvunt. *Nonne scient omnes, qui operantur iniquitatem, qui comedunt populum meum ut cibum panis? Deum non invocaverunt: sibi imuerunt, ubi non fuit timor. Quoniam Deus dissipavit ossa hominibus placentium, confusi sunt; quoniam Deus*

Deus spreuit illos. Si enim usque ad unum bonitatem nemo facit, quomodo populus Dei est, qui ut cibus panis manducetur ab operantibus iniquitatem? Generalitas ergo sententiæ amota est, cum a Dei populo, quem in bonitatis operationibus non ambiguum est permanere, iniquitatem secernuntur operantes. Comedunt itaque operarii iniquitatis populum Dei ut cibus panis, qui sanctorum injuriis vivunt, quos vexatio prophetarum, & vastatio Ecclesiæ, & omnis iniquitatis delectat operatio. Comedunt quoque etiam illi ut cibus panis Dei populum, qui eum obtreccionis morfu, & laniatu invidiæ dilacerant, secundum illud Apostoli: Si autem invicem mordetis & comeditis, videte, ne consumamini ab invicem. Sed sunt comedentes populum Dei ut cibus panis, quibus, ut idem beatus Apostolus ait, Deus venter est, qui ministerium deputant ad negotiationem, collationibus se plebis & muneribus ditando: dum convivia sub obtentu religionis sumtuosa sectantur, dum apothecas suas inutili religiosorum obsequio distendunt; (cum consuetudo ab Apostolis necessariæ hujus collationis ad diurnam tantum seculo renuntiantium, aut per inopiam indigentium, alimoniam fuerit instituta;) de quibus scriptum est: Comedentes domos viduarum, & oratione longa orantes. Hi ergo ut cibus panis Dei populum comedunt, & Dominum non invocaverunt. Stulti enim in corde dixerunt: *Non est Deus.* Non invocant ergo, quem negant. Vel certe si qui in Ecclesia positi; Dei plebem in obtreccatione, insectatione & sumtu comedunt ut cibus panis, etiam si Dominum invocare se credunt, audient dictum in Evangelio fuisse: Scimus enim, quia peccatores Deus non audit. Hi ergo Dominum non invocaverunt: quia oratio non verborum sit professio, sed fidei.

14. Sed qui Deum non invocant, & illud impietati suæ addunt; ut timeant non timenda: (illic enim trepidarunt, ubi non erat timor,) saxa, metalla, robora, ignem, aquam, æthera, reges mortuos atque morituros, vel cetera religionum superstitiosa commenta venerantes: & hoc ipso impio inanium metu, contemtuque necessarij timoris ex comparatione condemnandi; cum non tam oblivisci timorem Dei impium sit, quam impietate præcellat, timori ejus metum inanium prætulisse. Docuit autem Dominus, solum in nobis metum eorum, quæ vere timenda sunt, oportere esse, cum dicit: Nolite timere eos, qui possunt corpus occidere, animam autem non possunt occidere. Timete autem magis eum, qui potest & animam & corpus perdere in gehenna. Impius ergo timor est, cum, quæ non timenda sunt, timentur, & quæ timenda sunt, non timentur. Et plerumque nos tamquam pro debita officij religione pie adulari regibus existimamus, quia in corpus nostrum sit his aliquid potestatis: quibus nihil ultra de nobis licet, quam latroni, quam feбри, quam incendio, quam naufragio, quam ruinæ. His enim casibus corporum pro summa potestate deserviunt: & propter brevem dolorem libertatem Ecclesiæ, spei nostræ fiduciam, confessionem Dei addicimus; punitorem, perditoremque in igne judicii & corporis & animæ nostræ Deum non timentes, & æternis divinæ ultionis pœnis momentanea atque abolenda supplicia præferentes; dum placere nos ipsis, & in eorum gratia permanere famulatu impio gloriamur.

15. Hoc ipsum decreto gravissimo sententia divina condemnat. Namque ad illud, quod dixerat: *Nonne scient, qui operantur iniquitatem, qui comedunt populum meum ut cibum panis: Deum non invocaverunt, ibi trepidaverunt, ubi non erat timor*; id ad summam cœpti sermonis adjecit: *Quoniam Deus dissipavit esset ho-*

minibus placentium, confusi sunt; quoniam Deus sprevit illos. Hi ergo, qui operantur iniquitatem, & populum comedunt ut cibum panis, & Deum non invocaverunt, & in non timendis trepidaverunt, nonne cognoscent, quia ossa eorum, qui hominibus placere velint, Deus dissipavit? Timuit hujus prophetici dicti sententiam sanctus ille gentium doctor, dicens: Ego si adhuc hominibus placerem, Christi servus non essem. Inutilis est humanæ gratiæ & irreligiosa sectatio. Nam ex Deo magis, quam in contumeliam Dei hominibus est placendum: ut per divina instituta, & probitatem fidelis vitæ innocentisque placeatur. Ceterum placere tantum hominibus velle, Deo est displicere. Non avocat autem ab hominum gratia Deus justorum mentes, & fidelium rationabilem sanctitatem. Et audiamus eum per Paulum loquentem: Sine offensione estote Judæis & Græcis, & Ecclesiæ Dei, sicuti & ego omnia omnibus placeo, non quærens, quod mihi utile sit, sed quod multorum est, ut salventur. Hoc est non hominibus, sed Deo placere, cum per id, quod Deo placetur, & hominibus sit placendum. Ex causa enim placendi Deo, causa etiam hominibus probabilis fit placendi. Ceterum studium, quod, ut hominibus tantum placeatur, impenditur, ad id, quod Deo placendum est, non refertur: quia tantum eorum causa, quibus placetur, adhibetur. Non est autem majus vinculum hominibus placendi, quam ut nemo sui causa velit iis placere, quibus placeat: quia quod in profectum propriæ utilitatis efficitur, non potest non aliquam interdum offensionem ex causis accedentibus excitare: cum, quod alii utile est, alteri sæpe fiat incommodum. At vero qui nihil sui causa velit, & omnia in profectum alienæ utilitatis exerceat, necesse est, ut causam sibi inoffensæ placibilitatis acquirat; quia & ex alienis utilitatibus placeat, nec offendant ex propriis. Et hanc sibi esse causam probabilem

bilem placendi cunctis Apostolus docuit, quia utilitatis suæ negligens, utilitati se dedisset alienæ.

16. Dissipavit ergo ossa Deus hominibus placentium. Et ossa non hæc corporalia dissipari intelligenda sunt; sed quia spes æternitatis in ossibus significari solet, ex quo dictum est: Hoc nunc os de ossibus meis. Quod beatus Apostolus, quia magnum mysterium est, ad Christum & ad Ecclesiam refert, quæ ex Adæ sui æternitate æternitatis substantiam mutuatur. Quod in Domini vulnerato licet corpore confixoque non frangitur. Os, inquit, ejus non conteretur: quia, cum fuerit iniquis jus passionis in carnem, in æternam tamen divinitatis & impassibilem naturam nihil licuit passioni. Integram autem & incorruptam spem æternitatis significari in ossibus etiam illic meminimus, ubi dicitur: Custodit Dominus omnia ossa justorum, unum ex his non conteretur: quia secundum demonstratam Ezechieli resurrectionem, sacramentum ejus sub ossium significatione sit revelatum. Ergo ut custodit Deus ossa justorum, ita & hominibus placentium dissipavit: & dissipavit non ita, ut eo, quod essent, carerent, sed ut per contemptum Dei tamquam deperdita & abjecta vilescerent.

17. Id enim sequitur: *Confusi sunt, quia Deus sprevit illos.* Confunditur quisque, & pudore dedecoris sui, & comparatione honoris alieni. Et hic illud est, quod Apostolus significat dicens: Omnes quidem **resurgemus**, sed non omnes immutabimur. Sed & **propheta & confusionem resurrectionis & honorem discernit**, ita dicens. Et resurgent alii quidem in vitam, alii autem in confusionem æternam. Confundentur ergo, quorum ossa dispersa sunt, quos sprevit Deus, quos tamquam indignos, ne conformes essent gloriæ suæ & resurrectionis, abjecit. **Resurrecturi** adeo, ut confundantur: non immutabuntur **vero, & ex eo confundentur.** Hæc enim resurrectio-

nis statuta conditio est: & idcirco tamquam ex præterito pro decreti definitione fit sermo, quia id, ut ita maneat, sit statutum.

18. Commemoratis vero humanis & insolentiæ, & iniquitatis impietatibus, ut is, qui titulo præfertur, intellectus in finem possit intelligi: tali Propheta spem beatorum finis ipsius adhortatione confirmat, dicens: *Quis dabit ex Sion salutare Israel? dum overit Dominus captivitatem plebis suæ, exultabit Jacob, & lætabitur Israel.* Una enim hæc spes reliqua fuit humanæ infirmitati & fidei, per quam inter tantas præsentis vitæ calamitates æternorum bonorum expectatione requiesceret. Et idcirco certus hujus beatitudinis Propheta, tamquam ex vasto humanarum miserationum proclamat profundo, dicens: *Quis dabit ex Sion salutare Israel?* Namque secundum alium Prophetam: Ex Sion exiet lex, & verbum Domini ex Jerusalem. Hoc Verbum Domini caro factum est. Hæc caro & Sion & Jerusalem est, civitas novæ pacis, & speculatorium nostrum. Hinc salutaris, hinc Jesus. Jesus enim, ut sæpe diximus, ipso nomine salutaris est: Lex autem ex Sion non fuit salutaris, opere quidem vivificans, sed non justificans ex fide.

19. Hic vero expectatus est salutaris, & datus est Israel: sed non carnali illi Israel. Non enim, qui filii carnis, filii Dei sunt, sed filii promissionis deputantur in semen. Testatur & Joannes, non esse secundum carnem Abraham filios, cum & filii viperarum sunt: & potens est Deus Abraham filios de lapidibus excitare. Dominus autem ipse docuit, ex fidei operibus proprietatem successionis existere, nec secundum carnis generationem filiorum originem deputari, cum ait: Si filii Abraham essetis, opera Abraham faceretis. Sed & Daniel presbyteros condemnans, ita dicit: Non semen Abraham, sed semen Chanaan, & non Juda. Ezechiel quoque increpitis populi iniquitatibus

tatibus ait: Pater tuus Chananæus, mater tua Chethæa, radix tua & generatio tua de terra Chanaan. Non est ergo Israel iste ex successione corporea, cui ob infidelitatem origo profanissimi generis deputatur. Neque huic data salus est, qui non suscepit oblatam, sed ei, qui averfa captivitate populus Dei factus est.

20. Captas autem imperitarum gentium mentes, & impiissimis vitiis ac religionibus subditas, in libertatem fidei & nomen familiæ cœlestis absolvit. Qui enim erant dæmonum servitus, facti sunt Dei populus. Et quis hic sit captivitatem avertens, de se ipse testatus est. Hanc enim non lex, non Patriarcha, non Propheta, non angelus, non aliqua alia cœlestium, vel dominatum, vel potestatum, vel thronorum, vel virtutum virtus avertit; sed ille, qui accepto libro in synagoga cum ista legisset: Spiritus Domini super me, propter quod unxit me, prædicare captivis remissionem, & cæcis visionem, dimittere confractos in remissionem, prædicare annum Domini acceptum; fidem & auctoritatem consummatæ significans prophetiæ, ait: Quia hodie impleta est prophetia hæc in auribus vestris. Hoc igitur populi Dei averfa captivitas est, cum oculi intelligentia panduntur, cum præfracta peccatis corda in requiem relaxantur, cum annus Domini acceptabilis nuntiatur, quo pœnitentiæ nostræ Deo accepta est confessio, cum nihil præteritorum reputatur ad crimen, cum nova omnia sunt, nova libertas est, novi filii, & æterna lætitia est.

21. *Exultabit Jacob, & lætabitur Israel*: idem namque ipse Patriarcha utrumque nomen sortitus ex merito est. Nam quia manu calcem fratris continuisset in partu, Jacob nuncupatus est: supplantaturus deinceps & emendo primogenita, & benedictiones occupando. Et interpretationis virtutem Genesis exposuit, *Jacob eum*, quia supplantator fratris sit, nuncupa-

cupatum. Per agnitionem autem confessi Dei tum, cum se ab eo homine, cujus in lucta dominabatur, benedici poposcit, quia Deum, adversus quem generis sui populus secundum futuræ passionis sacramentum in lucta carnis invaluit, fidei oculis conspexisset in corpore; Israel, quia Israel Deum videns sit, meruit nominari. Et secundum ipsius Genesis prophetiam, in Jacob juniorem populum, qui esset ex gentibus crediturus, significari absolutum est. Hoc ergo *exultabit Jacob, & lætabitur Israel.* Secundum Ecclesiæ ordinem hic unus est populus, duplicis & professionis & honoris: neque enim geminatis sententiis id ipsum cœlestis sermo significat. Sed quia fides prima, quo quis invocari super se Dei nomen precatur; fide anteriorem populum supplantat, cum Judæo infideli fidelem se optat esse gentilis. Hic ergo Jacob est, spe præoccupatæ benedictionis exultans. Jam vero ubi baptismo renatus, & fide consummatus, Deum intelligentiæ oculis & mente adspexerit; tunc jam Israel lætabitur, quia jam supplantato seniore Deum fide videat, visurus veriore conspectu, secundum illam beatitudinis sponsonem: Beati mundo corde, quoniam ipsi Deum videbunt, Domini & Dei nostri Jesu Christi, qui est benedictus in secula seculorum. Amen.

P S A L M U S LIII.

In finem in hymnis, intellectus David, cum venerunt Ziphai, & dixerunt ad Saul: Nomen ecce David absconditus est apud nos?

Deus in nomine tuo saluum me fac, & in virtute tua judica me. Deus exaudi orationem meam, auribus percipe verba oris mei: quoniam alieni insurrexerunt super me, & fortes quaeserunt animam meam, & non proposuerunt

runt Deum ante conspectum suum. DIAPSALMA. Ecce enim Deus adjuvat me, & Dominus susceptor est anima mea. Averte mala inimicis meis, in veritate tua disperde illos. Voluntarie sacrificabo tibi, & confitebor nomini tuo Domine, quoniam bonum est: quoniam ex omni tribulatione eripuisti me, & super inimicos meos respexit oculus meus.

TRACTATUS PSALMI.

I. Sanctus & beatus David non ignarus, sed ut Propheta, evangelicæ doctrinæ, & in tempore licet Legis hanc corporalem agens vitam, tamen, quantum in se est, apostolici mandati præcepta consummat, testimonio de se Dei fidem præstans, cum dictum est: Inveni virum secundum cor meum David, qui filius Jesse est. Non enim inimicos suos bello persequitur, neque insidiantibus sibi decertando armis resistit: sed exemplo Domini, cujus & nomen & lenitatem præfigurabat, proditus orat, periclitans psallit, patiens odia gratulatur; & ideo secundum Domini cor repertus est. Quia cum Domino duodecim millia legionum angelorum possent in tempore passionis assistere: tamen ad omne officium humilitatis explendum, passioni se & infirmitati ipse permisit, orans tantum, & dicens: Pater commendo in manus tuas spiritum meum. Quo exemplo hic idem, per similitudinem passionum futuræ ejus passionis Propheta, non contradicit, non resistit inimicis, malum pro malo ex præcepto evangelico non reddens: sed dominicæ mansuetudinis æmulator, cum tribulatur, cum proditur, cum fugatur, Dominum, cujus tantum adversus impios armis utitur, deprecatur.

2. Psalmo autem huic titulus ex historia præscribitur: sed ante historiam, quatenus, & quando, & in quem ea, quæ sub historia dicuntur, a nobis sint intelligenda, monstrantur. Est enim primum: *In finem intellectus illi David.* Tum deinde sequitur: *cum*
vene-

venerunt Ziphæi, & dixerunt Saul: Nonne ecce David absconditus est nobiscum? Ergo hoc, quod a Ziphæis David proditur, in finem est intelligendum. Per quod ostenduntur ea, quæ in præsens tum erga David gerebantur, præformationem in se futuri temporis continere: cum innocens insectatione vexatur, cum propheta contumeliis illuditur, cum Deo placens ad mortem requiritur, cum rex inimico suo, ut Dominus Herodi atque Pilato, ab his proditur, cum quibus tutus esse debebat. Psalmus ergo intelligentiæ in finem est, & in David illo intellectus, in quo finis est legis, & qui David habet claves, aditum intelligentiæ tum aperiens, cum, quæ de se a David sunt, prophetata consummat.

3. Ipsa autem secundum hebræam proprietatem interpretatio nominis affert non exiguum nobis ad intelligendum profectum. Ziphæi namque significantur, quæ nobiscum sunt oris aspersiones: hæ ab Hebræis Ziphæi nuncupantur. Aspergio autem secundum legem emundatio peccatorum erat, per fidem populum sanguinis aspersione purificans (cujus aspersiois hic idem beatus David ita meminit: Asperges me hyssopo, & mundabor); sacramentum futuræ ex Domini sanguine aspersiois, fide interim legis sanguine holocaustotum repensante. Sed hic populus, ut populus Ziphæi, ore potius, quam fide aspersus, & emundationem aspersiois labiis magis, quam corde suscipiens, infidelis in David suum & proditor extitit, quod ante per Prophetam dixerat: Populus hic labiis me honorat, cor autem ejus longe est a me; ad prodendum David ob id pronus; quia cessante fide cordis, omnia per oris fraudulentiam legis sacramenta gessisset.

4. *Deus in nomine tuo saluum me fac, & in virtute tua judica me. Deus exaudi orationem meam, auribus percipe verba oris mei. Secundum demonstratam tituli rationem.*

tionem, passio David Prophetæ, Dei ac Domini nostri Jesu Christi passionis exemplum est. Et idcirco oratio quoque ejus, etiam ad intelligentiam orationis ejus, qui Verbum caro factum est, temperatur: ut, qui omnia secundum hominem passus est, idem omnia secundum hominem & loquatur; & quorum infirmitates portavit, & peccata suscepit, eorum ad Deum deprecetur obsequio. Proprietates autem virtutesque verborum, etiam invitis licet & cunctantibus nobis, intelligentiæ hujus exigunt sensum: ut omnia ex persona ejus dici non ambigamus in psalmo. Ait enim: *Deus in nomine tuo saluum me fac.* In humilitate corporis unigenitus Dei filius sub prophetæ sui dictis hæc precatur, qui & gloriam, quam ante secula habuerat, reposcebat. Salvificari se in Dei nomine rogat, in quo est & nuncupatus & natus: ut se in eo corpore, in quo erat natus, idipsum, quod naturæ anteriori suæ & generi erat proprium, salvum faceret Dei nomine.

5. Et quia omnis hæc ex persona formæ servilis oratio est, cui formæ servili usque ad crucem mortis assumptæ, salutem ejus nominis, quod Dei est, deprecatur; & salvandus ex Dei nomine id continuo subjecit: *Et in virtute tua judicor.* Namque ob meritum humilitatis, quia se exinasset formam servi accipiens, formam nunc rursus Dei consortem in ea, quam assumerat, humilitate repetebat: in Dei nomine homine ipso, in quo Deus nasci obedierat, salvato. Et ut hujus nominis, in quo se salvari orabat, honorem non nudæ tantum nuncupationis decerere esse, judicari se in virtute Dei precatur. Primum enim ex judicio est, quod meretur: (Factus, inquit, obediens usque ad mortem, mortem autem crucis. Propter quod exaltavit illum Deus, & donavit illi nomen, quod est super omne nomen:) ut ei nomen, quod super omne nomen est, donetur. Tum deinde hoc ipsum judicium sit in virtute judicii: quia per virtutem

tutem Dei is, qui ex Deo homo mortuus fuerat, idem rursus in Deum ex homine mortuo resurrexit, secundum illud Apostoli: Crucifixus ex infirmitate, resurrexit ex virtute; & rursus: Non enim erubescit Evangelium: virtus enim Dei est in salutem omni credenti. Per iudicii enim virtutem infirmitatis corporalis in Dei nomen naturamque salvatur; atque ita ob meritum obedientiæ, in salutem nominis Dei ex iudicii virtute provehitur, ut in eo Dei & nomen & virtus sit. Ceterum si ex consuetudine humana sermo iste cœpisset; in misericordia potius, vel æquitate, quam in virtute iudicari se Propheta poposcisset. Sed virtutis illic opus fuerat iudicio, ubi Dei filio in filium hominis ex partu virginis nato, rursus ipsi hominis filio per iudicii virtutem Dei filii & nomen redhibendum esset & virtus.

6. Sequitur dehinc: *Deus exaudi orationem meam, inaurire verba oris mei.* Promptum Prophetæ fuerat dixisse: Deus exaudi me. Sed quia ex persona ejus loquitur, qui solus sciret orare, idcirco constans postulatio exaudiendæ orationis ostenditur. Paulus beatus neminem hominum, qualiter orare oporteat, scire docet dicens: Quod enim, quid oremus, qualiter oporteat, nescimus. Non est ergo infirmitatis humanæ, exaudiri orationem suam postulare, cum Doctor gentium, post constitutam licet jam a Domino formam orandi, quid & quatenus oret, ignoret. Sed ejus ista fiducia est, qui solus Patrem videt, qui solus Patrem scit, qui solus potest orare pernoctans, (secundum Evangelium enim Dominus pernoctavit orans,) qui per speculum verborum formam ipsam occultissimi sacramenti sub communibus verbis, dum oraremus, ostendit. Et qui orationem suam poposcit audiri, ut peculiare hoc fiduciæ suæ doceret esse, subiecit: *Inaurire verba oris mei.* Et quisquam hoc humanæ fiduciæ esse existimabit, ut verba oris sui
S. Hilarii Tom. II. R. velit

velit audiri? An illa, quibus motus animi nostri & impetus pronuntiamus, tum, cum de ira exardescimus, tum, cum de odio obtrectamus, tum, cum de dolore querimur, tum, cum de adulatione blandimur, tum, cum aut pro spe lucri, aut de veritatis pudore mentimur, aut de contumeliæ offensione maledicimus? Et quis usquam vitæ ita emendatæ & patientis ad omnia fuit, ut his humanæ demutationis vitiis non esset obnoxius? Solus hoc potuit cum fiducia velle, qui peccatum non fecit, in cuius ore dolus non fuit, qui flagellis dorsum præbuit, maxillas ab alapis non deflexit, sputamentorum contumeliam non exprobravit, & in nullo voluntatem ejus, cuius ad hæc voluntati in omnibus volehs obediebat, offendit.

7. Causam deinde, cur verba sua audiri oret, adjecit: *Quoniam alieni insurrexerunt adversus me, & fortes quasierunt animam meam, & non proposuerunt Deum ante conspectum suum.* Unigenitus Dei filius, Dei Verbum, & Deus Verbum, (cum utique omnia, quæ Pater posset, omnia ea & ipse posset, sicuti ait: Quæcumque enim Pater facit, eadem & Filius facit similiter, ut indiscreto Deitatis naturæque nomine indiscreta quoque esset & virtus) ut absolutissimum nobis humanæ humilitatis esset exemplum, omnia, quæ hominum sunt, & oravit, & passus est. Et ex communi nostra infirmitate salutem sibi est deprecatus a Patre: ut nativitatem nostram cum ipsis infirmitatis nostræ iniisse intelligeretur officiis. Hinc illud est, quod esurivit, sitivit, dormivit, lassatus fuit, impiorum cœtus fugit, mæstus fuit, & flevit, & passus, & mortuus est. Et ut his omnibus non natura, sed ex assumptione subjectus esse posset intelligi, perfunctus his omnibus resurrexit. Omnis ergo ejus in psalmis ex naturæ nostræ affectu querela est. Nec mirum, si ita nos intelligamus dicta psalmorum: cum ipse Dominus

minus secundum evangelicam fidem passionis suæ sacramenta scripta esse fuerit testatus in psalmis.

8. *Alieni* igitur super eum *insurrexerunt*. Non enim jam filii Abrahæ sunt, neque filii Dei: sed natio viperarum, sed servi peccati, sed semen Chanaan, patre Amorrhæo, matre Chethæa, & diabolo patre, filii diabolicæ voluntatis. Quærunt quoque & animam suam *fortes*: cum Herodes principes sacerdotum, ubi nasci habebat Christus, interrogat, cum omnis Synagoga adversus eum testis falsa conjurat. Sed animam hanc humanæ naturæ & infirmitatis esse existimantes, *non proposuerunt Deum ante conspectum suum*: quia Deus ex eo, quod Deus manebat, usque ad originem nascendi se hominis humiliasset, id est, ut hominis filius esset, qui erat antea Dei filius. Non enim alius filius Dei, quam qui filius hominis; & filius hominis non ex parte, sed natus; forma enim se Dei ex eo, quod erat ad id, quod non erat, id est, ut nasci posset, in animam suam corpusque evacuante, (& idcirco & filius Dei, & filius hominis, idcirco & Deus & homo, id est, Dei filius habitu humanæ originis natus est) usque ad naturam scilicet hominis nascendi, qui totus ex anima & carne formabilis est, Dei se humiliante substantia. Ob quod cum insurgunt adversus eum alieni, cum potentes animam ejus exquirunt, quæ frequenter in Evangeliiis tristes & mæstæ est; Deum ante conspectum suum non proposuerunt, quia Deus Dei filius, ante secula manens, humanæ naturæ habitu, id est, nostri corporis atque animæ homo ex partu virginis natus esset: per operum magnificentiam non intelligentes, quia hominis filius, cujus animam quærebant, ad id, quod homo esse cœperat, ex Dei filio, quod semper manserat, extitisset.

9. Interventu diapsalmæ, non dicentis, sed cui dicebatur, demutata persona est. Nunc enim gene-

ralis sermo est prophetiæ. Nam post eam orationem, quæ ad Deum fuerat, ut fiducia orantis posset intelligi, in eo ipso precationis tempore, quod poposcerat impetrantis, continuo subiecit: *Ecce enim Deus adjuvat me, & Dominus susceptor est animæ meæ. Convertit mala inimicis meis.* Effectus proprios propriis reddidit postulatis, docens non negligentem orationis nostræ Deum esse, neque irrationabilem præstationem misericordiæ suæ existimandam, cum nos secundum quod precaremur, audiret. Namque ad id, quod ait: *Quoniam alieni insurrexerunt super me,* proprium illud est: *Deus adjuvat me;* ad id autem: *Et fortes quæsierunt animam meam;* in eo exauditiæ orationis peculiaris effectus est, quod ait: *Et Dominus susceptor est animæ meæ;* ad id vero, quod ait: *Et non proposuerunt Deum ante conspectum suum;* hoc competenter adjecit: *Convertit mala inimicis meis.* Deus ergo & adversus insurgentes adjuvat, & quæsitam a fortibus animam Sancti sui suscipit, & non propositus ante oculos, neque ab impiis cogitatus, ad inimicos mala ipsa convertit: ut dum Deum non cogitant, iusti animam quærendo, & adversum eum insurgendo, adjuto eo atque suscepto, eum, quem inter iniquitatum opera non cogitabant, ultorem malitiæ ipsius retributione sentirent.

- 10, Habeat itaque hanc innocens religio fiduciam, ut inter humanas insectationes & animæ pericula adiutorem sibi Deum esse non ambigat: & si quando injustæ mortis vis afferatur, excedentem habitaculo corporis animam sciat in Dei susceptione requiescere. Habeat ultionis quoque certissimam securitatem, cum mala omnia in eos, qui inferant, revertantur. Non potest iniquitatis argui Deus, nec perfectæ bonitati, malignæ voluntatis instinctus ac motus admixtus est. Mala enim non malevolus excitat, sed ultor retorquet: neque ea ex malitia sua affert,

fert, sed in merita nostra convertit. Statuta enim in omnes sunt, ad ultionum ministeria, mala ista cum lege vivendi, iusti id iudicii severa æquitate moderante. Sed hæc & averfa a iustis sunt lege iustitiæ, & convertuntur in iniquos æquitate iudicii. Utrumque iustum, ut & iustis ad metum prompta sint nec admixta, quia iusti sunt: & in injustos ad pœnam sint convertenda, quia meriti sunt: nec iustis admixta, cum prompta sint, nec injustis defutura, quia prompta sunt.

11. Dehinc rursum fit ad personam Dei, ad quem primum deprecatio erat cœpta, conversio: *In veritate tua disperde illos.* Veritas mendacium confutat, & perimitur falsitas veritate. Omnem autem superiorem orationem esse ejus hominis, in quo filius Dei natus est, docuimus, etiam hoc quoque nunc a Deo patre deprecantis, ut inimicos suos in veritate disperdat. Et quæ sit veritas, non ambigitur; nempe ille ipse, qui dixit: Ego sum vita, via, veritas. Disperduntur ergo in veritate inimici, cum falsis testibus damnationem Christo comparantes, resurrexisse eum a mortuis audiunt, & in Dei veritate gloriam suam resumisse cognoscunt. Nam postea ob pœnam Dei in crucem acti, fame & bello absumti, ac perditii sunt: vitæ auctorem morte damnantes, neque Deum in veritate per operum magnificentiam cogitantes. Hos igitur disperdit Dei veritas, cum ad resumendam gloriæ paternæ majestatem resurgens, absolutæ in se divinitatis probaverit veritatem.

12. Quod autem & in crucem actum unigenitum Dei filium, & morte damnatum eum, qui nativitate, quæ sibi ex æterno Patre est naturalis, æternus sit, frequenter, immo semper prædicamus, non ex naturæ necessitate potius, quam ex sacramento humanæ salutis passioni fuisse subditum, & voluisse se magis passioni subijci, quam coactum. Et quamquam passio

illa non fuerit conditionis & generis, quia indemutabilem Dei naturam nulla vis injuriosæ perturbationis offenderet: tamen suscepta voluntarie est, officio quidem ipsa satisfactura pœnali, non tamen pœnæ sensu læsura patientem: non quod illa lædendi non haberet pro ipsa passionis qualitate naturam; sed quod dolorem divinitatis natura non sentit. Passus ergo est Deus; quia se subjecit voluntarius passioni: sed suscipiens naturales ingruentium in se passionum (quibus dolorem patientibus necesse est inferri) virtutes, ipse tamen a naturæ suæ virtute non excidit, ut doleret.

13. Sequitur enim: *Voluntarie sacrificabo tibi*. Legis sacrificia, quæ in holocaustis & oblationibus hircorum atque taurorum sunt, non habent in se voluntatis professionem: quia maledicti sententia legem sit decreta violantibus. Quisquis enim a sacrificio destitisset, ipse obnoxium se efficiebat esse maledicto. Necesse ergo erat effici, quod fiebat: quia sacrificii negligentiam maledicti non admittebat adjectio. A quo maledicto nos Dominus noster Jesus Christus exemit, Apostolo dicente: Christus nos redemit de maledicto legis, factus pro nobis ipse maledictum, quia scriptum est: Maledictus omnis, qui pendet in ligno. Maledictorum se ergo obtulit morti, ut maledictum legis dissolveret, hostiam se ipse Deo patri voluntarie offerendo: ut per hostiam voluntariam maledictum, quod ob hostiæ necessariæ & intermissæ reatum erat additum, solveretur. Cujus sacrificii alio loco meminit in psalmis. Hostiam & oblationem noluisti, perfecisti autem mihi corpus; Deo patri legis sacrificia respuenti, hostiam placentem suscepti corporis offerendo. Cujus oblationis beatus Apostolus ita meminit: Hoc enim fecit semel se ipsum offerens hostiam Deo; omnem humani generis salutem oblatione sanctæ hujus & perfectæ hostiæ redempturus.

14. Ob quæ omnia ita gesta, laudem Deo patri refert: *Confitebor nomini tuo Domine, quoniam bonum est; quoniam ex omni tribulatione eripuisti me.* Reddit singulis propositionibus proprias absolutiones. Nam in exordio dixerat: *In nomine tuo saluum me fac.* Post precum vero satisfactionem, congruam gratulationis esse oportuit professionem, ut ejus nomini confiteretur, in cujus nomine salvari sese fuerat deprecatus: & quia auxilium contra alienos insurgentes in se poposcerat, idipsum adeptum sese fuisse professus, per hoc gaudii exultationem memoraret: *Quia ex omni tribulatione eripuisti me.* Ad id vero, quod dum fortes quæsierunt animam ejus, Deum non proposuerunt in conspectu suo, præclare indemutabilis divinitatis suæ docuit æternitatem in eo, quod dictum est: *Et super inimicos meos respexit oculus meus.* Morte enim non interceptus est unigenitus Dei filius. Ad explendam quidem hominis naturam, etiam morti se, id est, discessioni se tamquam animæ corporisque subjecit, & ad infernas sedes, id quod homini debitum videtur esse, penetravit: sed manet resurgens, & inimicos suos immortalis oculo despicit, glorificatus in Deum, & ex hominis filio in Dei filium, ex quo etiam hominis filius esse cœperat, per resurrectionis gloriam jam renatus. Inimicos suos despicit, quibus dixerat: *Solvite templum hoc, & post triduum reedificabo illud.* Edificato igitur hoc corporis sui templo, eos, qui quæsierant animam suam, ex edito videt, & ultra humanæ mortis legem auctores mortis suæ sublimis ipse despectat, mortem perpetuens, sed mori nesciens, Deus homo Dominus noster Jesus Christus, qui est benedictus in secula seculorum. Amen.

PSALMUS LIV.

In finem in carminibus intellectus David.

Inauire Deus orationem meam, & ne despexeris deprecationem meam: intende mihi, & exaudi me. Contristatus sum in exercitatione mea, conturbatus sum a voce inimici, & a tribulatione peccatoris: quoniam declinaverunt in me iniquitates, & in ira molesti erant mihi. Cor meum conturbatum est in me: & formido mortis cecidit super me. Timor & tremor venerunt super me: & contexerunt me tenebra, Et dixi: Quis dabit mihi pennas sicut columba? & volabo, & requiescam. Ecce elongavi fugiens: & mansi in solitudine. DIAPSALMA. Expectabam eum, qui saluum me fecit a pusillanimitate spiritus & tempestate. Precipita Domine, divide linguas eorum: quia vidi iniquitatem & contradictionem in civitate. Die ac nocte circumdabit eam super muros ejus iniquitas, & labor in medio ejus & injustitia: & non defecit de plateis ejus usura & dolus. Quoniam si inimicus meus maledixisset mihi, supportassem utique. Et si is, qui oderat me, super me magna locutus fuisset, abscondissem me utique ab eo. Tu vero homo unanims, dux meus & notus meus, qui simul mecum dulces capiebas cibos: in domo Dei ambulavimus cum consensu. Veniat mors super illos: descendant in infernum viventes: quoniam nequitia in hospitibus eorum, in medio eorum. Ego autem ad Deum clamavi: & Dominus exaudivit me. Vespere, & mane, & meridie narrabo, & renuntiabo: & exaudiet vocem meam. Liberabit in pace animam meam ab his, qui appropiant mihi: quoniam inter multos erant mecum. Et exaudiet me Deus, & humiliabit eos, qui est ante secula. DIAPSALMA. Non enim est illis commutatio, & non timuerunt Deum: extendit manum suam in retribuendo. Contaminaverunt testamentum ejus, divisi sunt ab ira vultus ejus, & appropriavit cor ejus.

ejus. Mollierunt sermones ejus super oleum, & ipsi sunt jacula. Jacta in Deum cogitatum tuum: & ipse te enutriet, & non dabit in aeternum fluctuationem justo. Tu vero Deus deduces eos in puteum interitus. Viri sanguinum & dolositatis non dimidiabunt dies suos: ego autem sperabo in te.

TRACTATUS PSALMI.

I. *Superfcriptio psalmi sine historia est, tantum in finem in hymnis intellectus est.* Hymnos aliqui translatores nostri carmina nuncupaverunt: plerique autem hymnos ex ipsa græcitatibus usurpatione posuerunt. De nomine nihil differt, dummodo res una esse, quæ vel in hymnis, vel in carminibus significabitur, intelligatur. Hoc ergo de psalmo sentiendum est, quod, quæ hymno ejus, vel carmine continentur, in finem intelligenda sunt: omni intellectu scilicet nostro ad Dominum nostrum Jesum Christum, quem Apostolus finem legis docuit esse, referendo.

2. Frequenter autem admonuimus, eam in psal-morum cognitione sensus nostri temperandam esse rationem, ut eum, de quo, & per quem omnis prophetia est, ex Dei filio hominis filium natum meminerimus, & Dei naturam omnibus ante seculis manentem in naturam hominis esse ex partu virginis genitam: ita ut naturæ posterioris adjectio nullam defectionem naturæ anterioris afferret; neque, qui etiam homo esse cœperat, id, quod ante hominem manebat, Deus scilicet, esse desineret. Hic ergo assumens carnis nostræ fragilitatem, & manens suus atque noster, ita agit, orat, profitetur, exspectat omnia illa, quæ nostra sunt, ut in his admisceat etiam illa, quæ sua sunt: loquaturque interdum ex persona hominis, quia & homo, & natus, & passus, & mortuus est; interdum autem omnis ei secundum Deum sermo sit, quia ex Deo homo, & ex Dei filio hominis filius extitisset:

naturæ scilicet ejus confidentiam non oblitus in verbis, qua in assumptione licet hominis non carebat; & ita ex nobis atque ex infirmitate nostra humani sermonis consuetudine usuque loquens, ut ex se atque ex virtute sua, quæ Deo sunt propria & digna, loqueretur, ut in præsentī psalmo cognosci potest, qui ita cœptus est.

3. *Inaurire Deus orationem meam, & ne despexeris deprecationem meam: intende mihi, & exaudi me. Contristatus sum in exercitatione mea, & conturbatus sum a voce inimici, & a tribulatione peccatoris: quoniam declinauerunt in me iniquitatem, & in ira molesti erant mihi. Cor meum conturbatum est in me, & formida mortis cecidit super me. Timor & tremor venit super me, & contexit me tenebra. Et dixi: Quis dabit mihi pennas sicut columba? & volabo, & requiescam. Ecce elongavi fugiens: & mansi in solitudine.* In exordio psalmi etsi humilitatis voce usus sit, cum ait: *Inaurire Deus orationem meam*, non tamen sine aliqua propria conscientia altioris fiduciæ intelligitur hæc locutus. Non enim cujuscumque est innocentia, id postulare, ut orationem suam Deus inauriat. Promptæ namque semper precationi hominum Dei aures sunt: quia, qui naturam audiendi humano generi impertit, ipse extra auditus non potest esse naturam; & qui ubique hunc in nobis sensum auditionis operatur, non potest non ubique in ipso esse, quod præstat. Deus itaque ubique & semper audit: sed non omnium meriti est, ut, quod audit, & inauriat: auditum quidem ejus orantis voce penetrante, sed dignationem eorum, quæ audiantur inauriendi sola orationis innocentia promerente.

4. Triplex autem in exordio oratio precationis est edita. Prima enim ea est, ut inauriatur oratio. *Sequens est*, ne despiciatur deprecatio. Tertia est, *ut intendat sibi, seque exaudiat.* Et necesse est discre-
tam

tam esse uniuscujusque generis naturam: ut non idem sit inaurire, & non despicere; rursusque differat ab utroque intendere, & exaudire. Et quia de inaurienda oratione quid intelligi posset, ostendimus; quid illud sit: *Ne despexeris deprecationem meam*, tractandum est. Despiciuntur orationes leves, diffidentes, inutiles, seculi euri anxie, & rerum corporalium desiderii implicatae, bonorum operum fructibus infecundae. Hæ igitur despicabiles sunt orationes, Dei dignatione non dignæ, de quibus per Esaiam Prophetam ait: Et cum extenderitis manus vestras ad me, avertam oculos meos a vobis. Et causam despiciendæ orationis continuo subjecit, dicens: Manus vestræ sanguine plenæ sunt. Ubi ergo operatio iniquitatis extabit, illic despicitur oratio deprecantis. At vero tum in eum, qui sperat, intenditur, cum tacitæ spei fides, piæ conscientiæ religione cohibetur. Et est nobis hoc absolutissimum uniuscujusque proprietatis exemplum. Inaurivit Dominus verba Chananae sæpe clamantis: Despexit orationem adolescentis illius, qui ab æternitatis largitore divisionem patrimonii postulabat: intendit autem in eam femina, quæ fidei silentio salutem sibi etiam a vestis fimbria expetebat.

5. His ergo totius precatiois suæ generibus distinctis, nunc causam ipsam exposuit deprecandi: quia in exercitatione sua conturbaretur a voce inimici, & a tribulatione peccatoris. Et quidem exercitatio nunquam nisi ad res utiles salutaesque suscipitur: quæ quia in sancto quoque impii ferre non possunt, omnibus eum injuriis afficere, & usque ad formidinem mortis defatigare contendunt. Sed hæc in Domino Jesu Christo exercitatio nostræ salutis operatio est, quam diversarum sanationum, dehinc passionis ipsius exercitatio provehebat. In hoc quoque se mundo confortio nostræ infirmitatis exercens, (quam exercitatio-

nem

nem egressu suo Isaac in campum præfiguravit, cum invectæ camelo Rebecca, tamquam sponsæ ex gentibus exercens se in hoc mundo Christus, occurrit,) a voce inimici etiam turbatur, cum Samaritanus dæmonium habens dicitur; cum, quia se a cruce non eruat, negatur esse ceteris salus. Declinantes in eum iniquitatem falsorum testimoniorum, & sententiæ mortis, in ira quoque molesti sunt ei; dum flagellis, dum colaphis, dum alapis desæviunt.

6. Sed inter hæc habens potestatem duodecim millia legionum cœlestium evocare, non ad iram commovetur, neque ad ultionem exacerbatur. Sequitur enim: *Cor meum conturbatum est in me.* Pati omnia in se ipso constituit, dummodo humanæ salutis sacramenta perficeret. Difficillimum autem hominis infirmitati est, intra se ipsum perturbationes mentis commotionesque cohibere, ut non etiam usque ad ipsam vultus demutationem, tacito licet motu, significatio anxietatis vel indignationis erumpat. Verum unigenito Deo, quamvis infirmitas nostra suscepta sit, tamen divinitatis suæ non est abolita natura, ut non his omnibus, quæ infirma sunt, salva majestatis suæ dignitate perfundus sit, dum universa, quæ mortis nostræ sunt ac timoris, ita pertulit, ut in eum inciderent hæc potius, quam inessent, dum infirmitas nostra magis est, quam naturalis in Deo est. Denique idipsum sequens sermo connexuit, cum dicit, *Et feruido mortis cecidit super me. Timor & tremor venit super me, & contexit me tenebra.* Et hæc quidem in eum omnia, quæ nostræ necessitatis sunt, irruerunt; sed ab eo naturæ suæ virtute suscepta sunt, dum mortem nostram, potens non mori, etiam timorem in se mortis ingruentem non renuat.

7. Et cum hæc eadem tamquam in hominem imbecillitati ejus dominatura cecidissent: tamen ut non subiectum se his, quæ ingruerent, edoceret, subjecit:

cit: *Et dixi: Quis dabit mihi pennas sicut columba? & volabo, & requiescam.* Non infirmus est, cui ad evolandum de contegentibus se tenebris metuque mortis pennæ non aliunde sumendæ sunt. Cum enim dicit: *Quis dabit mihi?* non poscentis ab aliquo, sed non aliunde sperantis est. Evolare autem ut columba festinat, id est, in spiritalem redire naturam. Nam & in columbæ specie Spiritus in eum volando requievit, habitatione aliquando in eo homine, qui tum de Jordanis aquis ascendebat, inventa. Et hæc quidem precationis est causa, quia infirmitate corporis degravatus, hoc, quod nobis est mortale, susceperat, ut caro factus in spiritum evolaret. Et harum quidem pennarum suarum in psalmo alio ita meminit: Si sumfero pennas meas ante lucem, & habitavero in postremis maris. Etenim illuc manus tua deducet me. **Suas itaque sumet, ut intelligatur eas ex his evacuatæ assumere.**

8. Sed sumtis pennis ut volando requiescat, quo sit quieturus ostendit, dicens: *Ecce elongavi fugiens, & mansi in deserto.* Ceciderunt quidem super lucem tenebræ, sed tenebræ eam non comprehenderunt. Elongavit enim fugiens, qui ne a contegentibus quidem potuit comprehendi. Fugit ergo etiam eos, qui se persequabantur, & ab his longe factus habitat in deserto. Et quod desertum hoc, vel quæ solitudo sit, (nam eodem verbo utrumque græcitas elocuta est), & ita alius Propheta declarat: **Lætare desertum sitiens, exultet desertum, & floreat tamquam lilium: & floreant & exultent deserta Jordanis. Invalescite manus invalidæ & genua dissoluta: consolamini modici animi, sensu invalescite, & nolite timere. Ecce Deus noster iudicium reddet, ipse veniet, & salvabit nos. Tunc aperientur oculi cæcorum, & aures surdorum audient, erudietur lingua mutorum. Tunc saliet claudus tamquam cervus. Venerat quidem ad oves**

oves perditas domus Israel; sed ab his fugatus hæc deserta lætificat. In his enim manet: & manet postquam volando requievit. Est enim Dei requies, quæ impiis denegatur, cum dicitur: Si intrabunt in requiem meam. Resumpta spiritali gloria, unigenitus Deus in his, tamquam in templo digno se corporibus, quæ erant antea deserta, requiescit, quia plures jam filii desertæ magis, quam ejus, quæ habet virum.

9. Non sum autem nescius, plerosque solum verborum sonum & litteram contuentes, nihil de omnibus fere psalmis congruum personæ Domini nostri Jesu Christi existimare, putentque totum querelis Prophetæ increpari. Sed nos litem non movemus. Neque enim destruimus, sed adstruimus, addentes potius de obscuris intelligentiam, quam simplicibus detrahentes: quia, quæcumque David aut passus aut questus est, etiam passionibus ejus, qui universitatis nostræ caro est factus, impleta sunt. Et, ut arbitror, ea, quæ sequuntur intelligentiæ nostræ cursum. probabunt.

10. Intercedens vero diapalma demutavit & sensum. Nam omnis rursus adversum eos, de quibus est querela, fit sermo, honore tamen ejus, ad quem omnia est referre solitus, antelato. Sequitur enim: *Exspectabam salvificantem me a pusillanimitate & tempestate.* Non nova hæc ejus expectatio est: nam & in eo psalmo, quem ex persona ejus esse non dubium est, sic precatus est: Salva me Deus, quoniam intraverunt aquæ usque ad animam meam. Infixus sum in limo profundi, & non est substantia. Veni in altitudinem maris, & tempestas demersit me. Ab hac igitur tempestate atque ab hac pusillanimitate; (humiliatus enim erat usque ad mortem crucis) salvari expectat ab eo, ad quem precatus est, dicens: Pater, clarifica me apud te ipsum claritate, quam habui apud te, priusquam mundus esset.

11. Sed exspectans salvari se, plus jam quam spem salutis exspectat. Sequitur enim: *Præcipita Domine, & divide linguas eorum.* Proprietatem verbi sive hebraici, sive græci latinitas, uti in multis, non elocuta est. Nam id, quod *præcipita* dicitur, cum illis *καταπορευτισον* enuntiatur: quo sermone non ut præcipitentur, sed ut in profundum demergantur, oratur. Demergi ergo eos, linguasque eorum dividi rogat. Quorum aliud sub Noe, aliud post ædificationem turris scimus effectum: cum illos diluvio submersos consumpsit profundum, hos vero linguarum divisio ad causam æternæ inter se concertationis discrevit; ut conspirationem adversus Deum initam, dum se invicem & nesciunt & metuunt, non tenerent. Non dispar ergo nunc in hos pœna deposcitur, scilicet ut jure gentium, quas in aquis significari meminimus, absumpti, & in omnes linguas, cum quibus nunc habitant, & quibus loquuntur divisi, amitterent vitæ ac regni sui dignitatem.

12. Ut autem ob vitia civitatis, contradictionemque præceptorum suorum hæc consecutura nosceremus, adjecit: *Quia vidi iniquitatem & contradictionem in civitate. Die ac nocte circumdabit eam super muros ejus, & iniquitas, & labor in medio ejus: & non defecit de plateis ejus usura & dolus.* Ob hæc igitur vitia & crimina futuræ captivitatis & dispersionis pœna deposcitur: sed potissima inter crimina sunt iniquitas & contradictio. Nam eum, quem lex & Prophetæ nuntiaverant, rejicientes contradictione impia respuerunt. Quæ contradictio nocte & die circumdans muros civitatis ipsius supergressa est, quia & ipsa passionis suæ nocte, cum se videndum in confessu & a dextris virtutis profiteretur, discissa veste etiam cum blasphemie invidia contradixerunt. In muris autem tuitionem salutis significari meminimus: sicut cum novæ Jerusalem ædificatio & munitio, id est, constructio & custo-

custodia Ecclesiæ cœlestis optatur, ita scriptum est: Benigne fac Domine in bona voluntate tua Sion, & ædificentur muri Jerusalem. Erat ergo tum in eo populo custodia spiritalis: & dispositæ per angelos legis administratio communiebatur. Sed ubi ipso Mediatore legis rejecto, hos muros & hanc custodiam circumdans iniquitas supergressa est: tum cœpit majus esse ipsa munitione peccatum, ut iniquitas vinceret custodiæ voluntatem, usura & dolo, ceterisque, quæ in lege sunt vetita, redundantibus.

13. Et indignitatem tantæ hujus iniquitatis ostendens, subjecit: *Quoniam si inimicus meus improperasset mihi, supportassem utique; & si odiens me super me magna locutus fuisset, absconderem me utique ab eo. Tu autem homo unanims, dux meus & notus meus, qui simul mecum dulces capiebas cibos, in domo Dei ingressi sumus cum concordia.* Querela non de passione est, sed de Apostolo proditore. Nam cum salutem generi humano suscepta crucis morte donaret, non potest videri sacramentum hoc magnæ pietatis arguere. Nam utique si inimicus esset, querelæ causâ non esset: cum id in se consummaretur, quod ad salutem nostram perpeti ipse voluisset. Et sicuti, si odiens se locutus super se magna esset, absconsus ab eo fuisset: quia ei non cognitus in homine Deus esset, & ob hoc minus esset criminis nescienti; (Non enim gentes Verbum carnem factum prænuntia sibi lege didicerunt, quod utique his, qui sub lege sunt, etiam ipsis gestis ad speciem futuræ veritatis aptatum est, cum & hominem Abraham adoravit, & Jacob in homine Deum vidit) portasse se utique hæc opprobria gentium, quod, cum esset homo, Deum se faceret, quod dæmonium habens populum seduceret; quia ignorassent hæc omnia in lege, quæ ad Israel lata est, contineri. Verumtamen cum unanims & dux & notus hæc faciat: unanims, cum electus in Apostolum est; dux, cum de-
morante

morante Domino ipse ad prædicationem adventus sui ad castella præmissus est, futuri regni dux ab eo ac princeps est constitutus; notus autem, cum omnes ingressus ejus egressusque didicisset, cognosceretque in hominis filio & Dei filium, qui & particeps in demutando ex aqua vino, & dulcificando in populi cibum hordeo extitisset, convivioque eodem usus esset, secumque Dei domum semper esset ingressus: majorem de se querelam in hoc consortium divini ministerii assumptus exhibuit.

14. Sed quamquam specialia hæc in impietatem ejus dicta essent, tamen pœnæ decretum refertur ad plures: *Veniat mors super eos, & descendant in infernum viventes, quoniam nequitia in hospitiiis eorum, in medio eorum*, ita super eos morte ventura, ut ad pœnæ sensum viventes descendant in infernum, cum *in hospitiiis eorum, & in medio eorum*; id est, totos ipsos intra extraque nequitiae opera circumdant.

15. Verum ille hæc his agentibus atque meditantibus, ad quem spes & precatio sua esset, ostendit, dicens: *Ego ad Deum clamavi, & Dominus exaudivit me. Vespere, & mane, & meridie narrabo & renuntiabo; & exaudiet vocem meam. Liberabit in pace animam meam ab his, qui appropiant mihi, quoniam inter multi erant tecum. Et exaudiet me Deus, & humiliabit eos, qui est ante secula.* Clamore fidelem mox Dominus exaudit, & hanc ipsam exauditi clamoris sui gratulationem vespere, & mane, & meridie narrabit, diem omnem in his diei partibus, per quas dies continetur, ostendens. Talis autem temporum ordo non nisi ex prophetica scientia distributus est, ut *vespere, & mane, & meridie* nuntiet: quia secundum legem & observantiam legis a vespere dies cœpta eadem ipsa usque in meridiem deputatur, cum inchoationem diei non mane lux reddita, sed vespere nox facta perficiat. Narrat ergo & renuntiat ea, quæ psalmo continentur, quod
S. Hilarii Tom. II. S vocem

vocem ejus audiat, & in pace animam suam liberet; (Pacificavit enim omnia in cœlo & in terra) & liberet ab appropiantibus sibi. Superior enim querela de proximis, cum etiam unanimis & dux, & notus hæc ageret, cum Apostolis ceteris & ipse electus in Apostolum. Deus ergo, qui est ante secula, id est, per quem omnia sunt, quia ante omnia sit, exaudiet eum, & humiliabit eos; cum indigni gloria æternæ resurrectionis effecti sint.

16. Nam interjecto diapsalma omnem his ob impœnitentem impietatis professionem spem recidit, dicens: *Non enim est illis commutatio, & non timuerunt Deum.* Omnes secundum Apostolum resurgent, sed non omnes commutabuntur, quia non timuerunt Deum. Fas enim fuerat ignorantes in homine Deum, resurgentem tamen Deum ex mortuis credidisse; patiente his etiam post passionis piaculum pœnitentia & indulgentia. Non enim solum non timuerunt Deum; sed cum ad retribuendum his manum extendisset, id est, auxilium obtulisset; contaminaverunt testamentum ejus: cum eum, qui testamento legis ad salutem prænuntiatus est, repulerunt. Sequitur enim: *Extendit manum suam in retribuendo. Contaminaverunt testamentum ejus: divisi sunt ab ira vultus ejus.* Et idcirco demutatio his non relicta est, quia pro peccato semel mortuus est, & resurgens eos tantum demutatione donavit, qui secum per fidem & commortui sunt, & resurgent. Hos autem ab ira vultus sui eversa civitate divisit, partemque eorum cum infidelibus ponens, eos vel dispersit in omnia, vel divisit a sanctis.

17. Dehinc de generali querela ad significationem ejus, qui ei & dux, & unanimis, & notus fuerat, sermo se retulit: *Et appropriavit cor ejus. Mollierunt sermones ejus super oleum, & ipsi sunt jacula. Admixtus Apostolis, & curam pauperum agens, maximum scilicet ministerii opus curans, appropriavit cor*
suum.

suum: (ab appropiantibus enim liberari animam suam gratulatus est) non utique ministerio fidei appropians, sed iræ Dei & contaminationi testamenti ejus. Ceterum ipse blandiloquus, emollito super oleum sermone curam agere se pauperum fallens, etiam tum, cum pretiosi unguenti effuso alabaastro conquestus est; tamquam id magis venire in sumptum inopum debuisset. Sed ille occasionem furti de pecuniæ collatione quærebat. Et istiusmodi forte blandiloquii oleum psalmo alio evitat Propheta, cum dicit: Oleum peccatoris non impinguet caput meum; quia sub specie boni operis malitiæ arma commoveat. Sunt autem etiam in verbis jacula, sicuti dentes scutum & sagittæ sunt, & lingua machæra acuta est. Hæc igitur sermonum jacula detestatur, quæ magis sub blandimento & adulatione nocitura sunt.

18. Sed inter ista inimici jacula imperterritus manet, nobisque portum securitatis fidum tutumque demonstrat. Sequitur enim: *Jacta in Dominum cogitationem tuam, & ipse te enutriet: non dabit in æternum fluctuationem justo.* Ademit nobis etiam in Evangeliiis Dominus sollicitudinis necessitatem, dicens: Nolite solliciti esse de crastino: sufficit enim diei malitia sua. Quærite primum regnum Dei & justitiam ejus, & omnia præstabuntur vobis: omnem scilicet curam in promerendo Dei regno & justitia collocandam. Jactanda ergo super eum cura est: ipse enim enutriet, secundum illud: Super aquam refectionis enutrivit me. Enutriens autem non relinquet in fluctibus istius seculi, sicuti enutritus Jacob omnem tempestatem & odiorum & duræ servitutis evasit, dicens: Deus, qui enutrivit me a juventute mea. Ipse enim vitæ auctor est, ipse cibi largitor, non terreni tantum, sed etiam spiritualis.

19. Sed illo super aquam refectionis educato, & a procellæ fluctibus liberato, digna impios pœna

consequitur, cum dicit: *Tu vero Deus deduces illos in puteum interitus. Viri sanguinum & dolositatis non dimidiabunt dies suos: ego autem sperabo in te Domine.* Est quidem puteus aquæ vivæ; sed est & puteus interitus, secundum illud: Non me demergat tempestas aquæ, neque absorbeat me profundum, neque contineat super me puteus os suum. Non relicto igitur in fluctuationem iusto: illi in puteum interitus deducuntur; cuius os clausum resurgenti ex inferis unigenito Deo esse non potuit. Ceterum post passionem Domini statim eos belli victoria cum excidio civitatis absumsit: omni promiscua ætate ad satisfactionem vincentium interemta, non dimidiatis vitæ diebus juventute prostrata. Dies autem pleni sanctis & fidelibus reservantur, secundum illud: Et dies pleni invenientur his, quorum spes semper in Domino est; qui est benedictus in secula seculorum. Amen.

P S A L M U S LV.

In finem pro populo, qui a Sanctis longe factus est. David in tituli inscriptionem, cum tenuerunt eum Allophylæ in Geth.

Miserere mei Domine, quoniam conculcavit me homo, tota die pugnans tribulavit me, conculcaverunt me inimici mei tota die. Ab altitudine diei non timebo: quoniam multi, qui debellabant me, timebant: ego vero in te sperabo. In Domino laudabo sermones meos tota die: in Deo sperabo, non timebo, quid faciat mihi caro. Tota die verba mea execrabantur: adversus me omnia consilia eorum in malum. Habitabunt & abscondent: ipsi calcaneum meum observabunt: Sicut expectaverunt animam meam, pro nihilo salvos facies illos, in ira populos confringes. Deus vitam meam nuntiavit tibi: posuisti lacrymas meas in

in conspectu tuo, sicut in promissione tua. Convertantur inimici mei retrorsum, in quacumque die invocavero te. Ecce cognovi, quia Deus meus es tu. In Domino laudabo sermonem, in Domino sperabo: non timebo, quid faciat mihi homo. In me sunt Deus vota tua, quæ reddam laudationes tibi: quoniam eruiisti animam meam de morte, & pedes meos de lapsu: ut placeam coram Deo in lumine viventium.

TRACTATUS PSALMI.

1. **M**ulta psalmi superscriptio comprehendit, quæ præter rerum gestarum notionem alterius intelligentiæ intimant sensum: cum *pro populo, qui a sanctis longe est*, psalmus est, cum *tituli inscriptio* præfertur, cum postremo exordium ipsum *in fine* præscribitur. Si enim eam solam querelam præsens sermo concineret, quod cum fugeret ab Allophylis, in Geth David teneretur; totum se circa id tantum hic iniquitatis increpitæ motus exfereret. At vero cum hæc ante rei gestæ significationem ad imbuendum legentium sensum dirigendumque prælata sint, sine dubio intelligimus, per rerum gestarum, quæ in David gerebantur effectus, imprimi nobis, secundum spiritum prophetiæ earum rerum, quæ sub his præscriptionibus significata sunt notionem: ut, quod David passus est, præfiguratio fuerit passionum D. N. J. C., ut, quod *tituli inscriptio* est, ejus, qui moriendo vicerit, significata videatur æternitas, quia tituli inscriptio, quam stelographiam sermo græcitatis enuntiat, his maxime, qui probabilem vitam degentes etiam pro salute patriæ mori in bello non timuerunt, ad æternitatis gloriam deferatur. *Populo autem, qui longe sit factus a sanctis*, Israel indignus factus sanctificatione gentium, longèque ab ea discedens esse noscendus est. Quod autem *in finem* est, proprium ei esse, qui finis legis est, intelligatur: quod idipsum psalmi fine noscetur,

scetur, cum hujus ipsius intelligentiæ nostræ absolutionem is maxime, quo psalmi finis concluditur, sermo declaret.

2. Per hæc ergo, quæ superscriptioni præter rerum gesta connexa sunt, psalmum etiam ex persona Domini tractabimus, non tamen a Propheta ipsius dissidentes querelis. Neque eum in his, quæ pertulit, non etiam non genuisse existimandum est: quia idcirco his ipsis, quæ spiritalem sensum intimant, rerum gesta connexa sunt, ut per actionem Prophetæ sensus ac sermo notesceret prophetiæ; cum Propheta non tam spiritu, quam passionibus prophetarit. Erit ergo sermo inter David ipsum & hominem Jesum Christum temperatus: ut, quia infirmitates omnium portavit, & peccatorum nostrorum frequenter & voce sit usus & lacrymis, extra contumeliam Dei sit & affectus & sermo, qui hominis est.

3. *Miserere mei Domine, quoniam conculcavit me homo, tota die pugnans tribulavit me, conculcaverunt me inimici mei tota die.* Diem frequenter significari proptate cognovimus: ut, ubi dies tota est, illic omne vitæ tempus ostensum sit. Neque enim vel David, vel Dominus unius tantum diei insectatione vexatus est. Sed qui misericordiam Dei postulat, seseque conculcatum esse conqueritur, habet securitatis & virtutis suæ arma, quibus non solum terrena odia, sed & spiritualium nequitiarum bella sustentat, adversum quas potius, quam adversum carnem & sanguinem, pugnam nobis Apostolus docet esse. Ministeriis enim impiorum utuntur ad vexationes tribulationesque Sanctorum: cum eorum corda penetrantes in omnem eos impetum turbulentæ mentis instigant.

4. Hanc igitur supereminentem in hoc seculo efferentemque se altitudinem Propheta non pertimescens, ait: *Ab altitudine dierum non timebo, quia multi, qui debellant me, timebunt.* Scit æterni judicii diem, novit

novit etiam æternum ignem pœnis æternis præparatum: atque ideo magis illi, qui eum debellare tentant, timebunt; quia hoc sancto non timente, in eos magis iudicii terror incumbit. Pro fiducia vero securitatis suæ subiecit: *Ego vero in te sperabo. In Domino laudabo sermones meos tota die.* Spes omnes in Deo collocat, sermonesque suos toto tempore vitæ suæ laudat. Neque obscurum est, quid in loquente se laudet.

5. Vox enim hæc Sancto est digna, quæ sequitur: *In Deo sperabo, non timebo, quid faciat mihi caro.* Non hunc frangit seculi terror, neque conspirantium adversus se odia perturbant. Spes enim, quæ in Deo est, terrores humanorum non pertimescit odiorum. Carnem autem pro significatione hominum, per quam in corpore continentur, frequenter accipimus; vel cum hic de impiis dicit: Non habitabit spiritus meus in hominibus istis, quoniam caro sunt; vel illud Apostoli: Videbit omnis caro salutare Dei; vel illud Apostoli: Nonne estis carnales, & secundum hominem ambulatis? Manet itaque imperterritus sub misericordia Dei: atque ideo in eo sperans, omnes carnis impetus infestationesque non metuit. Sed digna plane etiam hæc unigenito Deo vox est, cui exinanienti se ex Dei forma, virtutem Dei atque naturam servilis forma non abstulit. Factus enim caro Deus, etiam in assumptione carnis Deus esse permansit, utens virtutis suæ sub consortio nostri corporis potestate. Non enim carne est degravatus, ne super undas ambularet, neque non ut usque ad fimbrias vestis virtus divinæ potestatis exiret, neque ut non peccata dimitteret, & spuito suo naturam vivendi cæcis ab utero oculis accenderet, & aure producta de vulnere abscissæ auris vulnus obduceret, neque ut non solida parietum, corpore interlabente, penetraret. Non ergo metuit a carne, vel in Deo sperans Propheta, vel sub assumptione carnis Deus opera divina consummans.

6. In his etiam, quæ consequuntur, relin eo quoque gestæ significatio continetur. Ait enim: *Tota die verba mea execrabantur: adversus me omnia consilia eorum in malum. Habitabunt & abscondent: ipsi calcaneum meum observabunt.* Nusquam enim nisi occultis consiliis adversum eum testimonia falsa, & captiosæ interrogationes sunt comparatæ: in commune habitantes, & consilia malitiæ occultentes. Sed & increpationem verborum ejus, quibus impietatem eorum exprobrare non destitit, non tulerunt: egressus quoque omnes ipsius in calcaneo contuentes, dum in ejus supplantationem fraudulenta conspiratione consentiunt: ob quod eos digna hæc judicis sententia comprehendit.

7. Sequitur enim: *Sicut expectaverunt animam meam, pro nihilo salvos facies illos, in ira populos deduces.* Novus hic Prophetæ sermo est, ut eos, qui expectant animam suam, ad nihilum Deus salvet: & cum aliud sit in nihilum, aliud salvari, nunc salus, quæ in eos fiet, in nihilum sit. Est ergo, quod salvetur in nihilum? Est plane, quidquid resurrectione concessa demutatione non dignum est. Nam cum omnis caro redempta in Christo sit, ut resurgat, & omnem assistere ante tribunal ejus necesse sit; non tamen omnibus gloria & honor est promiscuus resurgendi. Quibus ergo tantum resurrectio, non etiam demutatio est tributa, hi salvantur in nihilum. In ira enim deducuntur hi populi, quibus ad pœnæ sensum salus resurrectionis est constituta: a qua ira eripiendos nos Apostolus pollicetur, dicens: Quoniam si cum adhuc peccatores essemus, Christus pro nobis mortuus est, multo magis justificati in sanguine ejus salvabimur per eum ab ira. Pro peccatoribus igitur ad salutem resurrectionis est mortuus, sed sanctificatos in sanguine suo salvabit ab ira.

8. Denique pro nihilo populis salvatis, & in ira deductis, spem vitæ suæ sanctus hic nuntiat, dicens:
Deus

Deus, vitam meam nuntiavi tibi, posuisti lacrymas meas in conspectu tuo, sicut in promissione tua. Dignus promissione Dei est ob constantiam prædicandi, & ob meritum non tacendi; lacrymæ enim suæ, quas vel pro se Propheta, vel pro nobis Dominus profudit, in Dei sunt conspectu, legatione earum ad obtinenda, quæ Deus promisit usus.

9. Sed se gratiam æternæ promissionis inituro, inimici ejus convertentur retrorsum, ut, quo in ira deducerentur, ostenderet. Idem enim sequitur: *Convertentur inimici mei retrorsum, in qua die invocavero te.* Illo Deum invocante, illi eo, unde processerint, convertentur: deducente eos Dei ira, & resumto ad pœnas corpore puniendos.

10. Sed illis ad æternitatem pœnæ in infernum post resurrectionem reversis, hic officio gratulationis suæ fungitur, dum ait: *Ecce cognovi, quia Deus meus es tu, & in Deo laudabo verbum.* Hoc ergo verbum suum in Deo laudat, quod Deum suum esse cognovit.

11. Neque id tantum laudat, sed etiam illud, quod speravit in eo, non metuens, quid homo sibi faciat. Hæc plane digna Sanctis omnibus vox est, constantem inter insectationes humanas fidem tenere, & metu terrenæ turbulentiae non moveri, speque certissimæ, quod aliquid adversum animæ æternitatem homo effecturus sit, non timere. cum post intercessionem mortis istius, in immortalem gloriam & corruptio & infirmitas nostra mutetur. Atque ob id sermones suos, quibus se sperantem in Domino humanam vim protestatur non metuere, collaudat dicens: *In Domino laudabo sermonem, in Domino sperabo: non timebo, quid faciat mihi homo.* Ob hoc ergo sermonem suum laudat in Domino, quia sperans in eo hominem non timebit.

12. Sed ut doceret, ideirco se nihil ab hominibus pertimescere, quia, si quid potestatis suæ exseruerit

in corpore, id rursum resurrectionis gloria sine corporum labe redhiberet; subjecit: *In me sunt Deus, vota, quæ reddam laudationis tibi: quoniam eruiſti animam meam a morte, & pedes meos de lapſu; ut placeam coram Deo in lumine viventium.* Non extra ſe ſunt iſta quæ ſperat: nec laudationis vota, quæ reddet, ſunt extrinſecus capeſſenda. Ipſe enim ſibi reſurrectionis eſt dominus, ipſe huic emortuo & intra ſepulcrum relictæ corpori divinæ naturæ ſuæ tribuit conſortium. Neque enim reſurrecturis omnibus ab exteriori materia corpus acquiritur, neque peregrinæ originis externarumque cauſarum natura redhibetur: ſed ipſum in proſectum æternæ claritatis emergit, fitque in eo demutatione potius, quam creatione, quod novum ſit. Sunt ergo in ſe vota, quæ reddet, tum, cum infirmitas corporum detrahetur, id eſt, lapſus & lacrymæ: tum, cum corruptionem incorruptio devorabit, tum, cum mortem poteſtas immortalis abſorbet, tum, cum ſit Deus omnia in omnibus, tum, cum lumen viventium ſit in eodem viventium lumine Deo ipſe placiturus. Nam ſi ſibi in creatione mundi, ſecundum Sapientiæ profeſſionem, ſuper filios hominum adgaudebat Pater, longe magis in reconciliatione mundi intelligendus eſt Patri eſſe placiturus. Eſt enim lux vera mundi, illuminans omnem hominem venientem in hunc mundum, Dominus noſter Jeſus Chriſtus, qui eſt benedictus in ſecula ſeculorum. Amen.

PSALMUS LVI.

In ſinem, ne diſperdas, David in tituli inſcriptionem, cum fugeret David a facie Saul in ſpeluncam.

M*iſere mei Deus, miſere mei; quoniam in te conſidit anima mea. Et in umbra alarum tuarum ſperabo,*

rabo, donec transeat iniquitas. Clamabo ad Deum altissimum, Deum, qui bene fecit mihi. Misit me e cælo, & liberavit me: dedit in opprobrium conculcantes me. Misit Deus misericordiam suam, & veritatem suam: & eripuit animam meam de medio catulorum leonum; dormivi conturbatus. Filii hominum dentes eorum arma & sagittæ, & lingua eorum machæra acuta. Exaltare super cælos Deus, super omnem terram gloria tua. Laqueos paraverunt pedibus meis, & incurvaverunt animam meam. Foderunt ante faciem meam foveam, & inciderunt in eam. Paratum cor meum, Deus, præparatum cor meum: cantabo & psalmum dicam tibi. Exsurge gloria mea, exsurge psalterium in cithara: exsurgam diluculo. Et confitebor tibi in populis Domine, psallam tibi in gentibus; quia magnificata est usque ad cælos misericordia tua, & veritas tua usque ad nubes. Exaltare super cælos Deus, & super omnem terram gloria tua.

TRACTATUS PSALMI.

I. **D**e superioris psalmi superscriptione id tantum demutatum in consequenti est, quod, ubi pro populo longe a sanctis facto, ænigmatum est, nunc, ne corrumpas vel disperdas, præscribitur: quod uno verbo το μὴ διαφθεῖνῃς utrumque græcus sermo complexus est. Consequens enim erat, ut, quia corruptio eos, qui longe a sanctis discederent, mansura esset, ne huic sanctus subderetur, oraret. Nam in psalmo alio gratulationem averſæ huius a se corruptionis ostendit: Nec dabis Sanctum tuum videre corruptionem. Neque ambiguum est, psalmum hunc secundum Apostolorum professionem ex persona esse Domini intelligendum.

2. Itaque David ad humanæ carnis gloriam resurrectionis dominicæ tempus exspectans, nunc & non corrumpi se rogat, & averſam a se corruptionem in eo, in quo primitiæ resurrectionis sunt, Prophetæ præsci-

præscientia gratulatur. Ideo autem *in finem tituli inscriptio* est, quia & gloriosa ad æternitatis honorem vita suscepta, & mors plurimis salutaris virorum fortium inscribatur sepulturis; & hæc omnia ad eum referri oporteat, qui vel finis est legis, vel quem psalmi ipsius finis ostendat. Id autem, quod in spelunca clausus hæc loquitur, tempus est prophetiæ, quo psalmum intelligitur scripsisse ipsa illa speluncæ habitatione mansuro in corpore Domini humilitatem prophetans. Ceterum videri non potest, ut, qui ob metum erat intra speluncam reconditus, psalterio & cithara, ut testatur in psalmo, id est, totius artis musicæ perstreperet apparatu.

3. Cœpit autem ita: *Miserere mei Deus, miserere mei: quoniam in te confidit anima mea.* Misericordiam rogat; quia confidit in Deo, docens ab his misericordiam Dei sperandam esse, qui crederent. Et misericordiæ Dei, quod momentum, quive sit effectus, ostendit dicens: *Et in umbra alarum tuarum sperabo, donec transeat iniquitas.* Avibus naturæ est infirmitatem pullorum alis in-
 umbrare, eosque a prætervolantium vi atque impro-
 bitate defendere. Quod & in gallinis maxime nosci-
 mus, cum collectos intra pennas fetus suos aut opa-
 cant, aut tuentur. Quarum consuetudinem ad ex-
 emplum sollicitudinis suæ Dominus commemorat, di-
 cens ad Jerusalem interfetricem prophetarum: Quo-
 ties volui colligere filios tuos, sicut gallina, quæ con-
 gregat pullos suos sub alis suis, & noluisti. Sperat
 ergo in umbra alarum Dei Sanctus, *donec iniquitas*
transeat, id est, dum aut seculi scandala, aut iniqui-
 tates impiorum, aut terrenæ humilitatis infirmitatem,
 dum hanc ipsam quasi speluncam habitaculi & corpo-
 ris sui David, quæ nunc est clausus, evadit.

4. Sperans sub umbra alarum Dei, officio spei
 suæ semper intentus est, dicens: *Clamabo ad Deum al-*
tissimum, Deus, qui bene fecit mihi. Clamat fide po-
 tius,

tius, quam voce, qui fugiens & latens clamat. Porro autem non est in sermone sperantis gratulatio adeptorum: sed prophetica scientia ac fidei est, gerendis non aliter gaudere, quam gestis, & idcirco ad eum, qui sub indemutabili constitutione bonitatis jam sibi bene fecerit, clamat. Et quatenus bene fecerit Dominus, consequentibus docet, dicens: *Misit e caelo, & liberavit me, dedit in opprobrium conculcantes me. Misit Deus misericordiam suam & veritatem suam, eripuit animam meam de medio catulorum leonum; dormivi conturbatus.* Dignum fuit, etiamsi nulla demutatio personae esset ac sensus, diapalma intervenire: quia ad intelligentiam dictorum sensus esset credentium erigendus. Bene fecit Deus sancto suo, mittendo de caelo: ut liberato eo, in opprobrium hi, qui eum conculcabant, darentur. Et misit misericordiam suam ac veritatem ad eripiendam de catulorum medio animam ipsius, tum, cum conturbatus dormisset. Si mors significatur in somno, vel cum dormiturus David cum patribus suis est, vel cum dormiens Lazarus excitandus est, vel cum Centurionis illius non est mortua puella, sed dormit, vel cum eos, qui dormierunt, non praeveniemus in resurrectione: si conturbatio dormientis significatio est passionis, cum dicitur: Nunc anima mea turbata est valde; quam tamen eripi de manu canis ita antea est deprecatus: Libera me de ore leonis, & de manu canis unicum meum: & non alii canum vel leonum catuli intelligi possunt, quam qui sunt & natio viperarum, de quorum medio anima eripitur, & eripitur per misericordiam e caelo misericordiam & veritatem; secundum illud: Misericordia & veritas obviaverunt: & si misericordia & veritas Dominus Jesus Christus est: non ambigitur, quin illi in opprobrium dedantur, qui conculcantes Dominum in passione ista non credunt; quibus utique opprobrium, unigeniti Dei adventum & peccatorum indulgentiam perdidisse.

autem diluculo, cum gloria sua spei evangelicæ gloriam cantat, congruenti diluculi & orationis tempore & salutis. Nam id sequitur: *Et confitebor tibi in populis Domine, psalmum dicam tibi inter gentes.* Laudaturus in populis & in gentibus Deum, necesse est, ut in eo salutem gentium laudet: quia jam non in uno Israel funiculus hæreditatis artatus sit, neque Jacob portio, sed terræ plenitudo jam Dei sit; neque simus jam imago terreni, sed imago cœlestis.

9. Quid autem confitendum in populis, psallendumque inter gentes esset, ostendit: *Quia magnificata est usque ad cœlos misericordia tua, & veritas tua usque ad nubes.* Hæc est ergo in populis gentibusque confessio, quia magnificata usque ad cœlos sit misericordia, & veritas usque ad nubes. Nam cum Domino obviam Sancti rapiuntur in nubibus, ipso illo nube in resurrectionis corpore elati; & creatura omnis secundum Apostolum a corruptione sit liberanda, pacificataque omnia per eum, quæ & in cœlo sint & in terra: merito, & usque ad nubes veritas nostra in eo resurrectionis effertur, & magnificatur usque ad cœlos misericordia ejus, congemiscantis creaturæ corruptione depulsa. Sed horum quidem usque ad nubes, & usque ad cœlos significatur elatio: verum illi proprium est, cœlos transgredi, & omnem sensum existimatæ sublimitatis evadere.

10. Repetita itaque spei suæ precatione Propheta sic clausit: *Exaltare cœlis Deus, & super omnem terram gloria tua,* Nullus exaltando Deo modus est; nam super cœlos ejus elatio est. Dominus enim creaturarum ultra creaturas intelligendus. Et cum nobis non aliud sit in cognitione, quam cœlum; ultra omnem sensum est, qui super cœlos exaltatus sensum notationis excedit. Misericordia quidem ejus usque in nos redundavit: sed magnificata usque ad cœlos in cœlestibus mox futuris. Et cum usque ad nubes ve-

ritas

ritas ejus elata sit, nobis obviam in nube rapiendis, sed cœlos omnes tamen confessus a Dei dextris ipse transcendit, gloria quoque ejus in terris, id est, nobiscum mansura, cum dicit: Ecce ego vobiscum sum omnibus diebus vitæ usque in consummationem seculi, Dominus noster Jesus Christus, qui est benedictus in secula seculorum. Amen.

PSALMUS LVII.

In finem, ne disperdas, David in tituli inscriptionem.

Si vere utique justitiam loquimini, justa judicate filii hominum. Etenim in corde iniquitates operamini, in terra iniquitatem complectantur manus vestra. Alienati sunt peccatores ab utero: erraverunt a ventre, locuti sunt falsa. Indignatio illis secundum similitudinem serpentis, sicut aspidis surdæ, & obturantis aures suas, quæ non exaudiet vocem incantantium, & veneficii, quod medetur a sapiente. Deus contrivit dentes eorum in ore ipsorum: molas leonum confregit Dominus. Ad nihilum devenient velut aqua decurrens: intendet arcum suum, donec infirmementur. Sicut cera liquefacta auferentur: supercecidit ignis, & non viderunt solem. Prius quam producat spinas vestras rhamnus: sicut viventes, sic in ira absorbebit eos. Latabitur justus, cum viderit vindictam: manus suas lavabit in sanguine peccatoris. Et dicet: si utique erit fructus justo. Utique est, Deus judicas eos in terra.

TRACTATUS PSALMI.

- 1.** De superioris psalmi superscriptione sola deest significatio aliqua gestorum. Nam & *in finem*, & *ne disperdas*, & *tituli inscriptio* est. Neque enim psalmus quidquam per rerum gesta continet prophetiæ; ut sicut in ceteris, sanctus David & dictis prophetet,
S. Hilarii Tm. II.

†

&

& gestis: sed increpatio in impios, & denuntiatio iudicii Dei in peccatores, & retributio lætitiæ in sanctos, & fructus homini justitiæ continetur. Hic ergo finis in psalmo est, hæc depellendæ corruptionis fiducia, hæc ei, qui nos per mortem redemit, tituli inscriptio est.

2. Et quidem talem totus psalmus ipse se profert: *Si vere utique justitiam loquimini directa judicate filii hominum. Etenim in corde iniquitates operamini, in terra iniquitatem complectuntur manus vestra.* Justitiæ sermo communis est; sed æqui iudicii studium & consuetudo paucorum est. Sed plane tum vere quis loqui justitiam existimandus est, cum iudicium retineat veritatis; Deo ob id non eloquia humana; sed cordis opera, id est, cogitationum molitiones judicante. Solet autem iniquitas sub publicæ conscientie pudore non peragi: & ideo licet complexæ manus non sint iniquitatem, tamen iniquitatem Deo cor operatur in terra. Hinc adulterium solo conceptum corde jam crimen est: hinc secundum Pauli Evangelium secreta hominum Deus iudicat, voluntates hominum Deo in ipsis humanæ nativitatis exordiis contuente. Nam cum naturæ potentis virtus non tam viscerum fibras, quam appetitus mentis introeat; necesse est non per motus sensuum perspicendi sumat exordium, sed per naturæ scientiam etiam futuros motus sensuum præsciens apprehendat.

3. Et idcirco de his, qui complexas manibus iniquitates corde perficiunt, continuo subjecit: *Alienati sunt peccatores ab utero, e raverunt a ventre, locuti sunt falsa.* Sic Esau alienatus ab utero est, cum major minori serviturus, etiam ante, quam existeret, nuntiatur. Deo futuræ non nescio voluntatis, cum & sermonis falsitas, & vitæ error a ventre est: ipso potius hoc sciente, quam aliquo ad necessitatem genito naturamque peccati. Ac ne vitium referri posset

ad

ad originem; præduratæ in his ad obediendum voluntatis crimen exprobrat, dicens: *Furor illis secundum similitudinem serpentis, sicut aspidis surdæ & obturantis aures suas: quæ non exaudiet vocem incantantium, medicamenti medicati a sapiente.* Non excusatur quædam necessitas naturalis in crimine. Nam serpens innocens esse potuisset, cui aures per se, ut surdæ sint, obstruuntur: vocemque incantantis non audit, cum medicata medicamina a sapiente non percipit. Neque hic Marforum cantus & consopita viperarum sibila memorat, quia hæc eadem majore cum inertia per fidem nominis Dei virtutemque torpescunt: sed illam contumacem atque insolentem antiqui serpentis inobedientiam docet adversum Sanctorum cantus & medicata a sapiente medicamina obsurdescentis; cum ei quotidie, ne fallat, ne subrepat, ne mordeat, etiam sub divini nominis denuntiatione mandetur, & tamen obstructo desævit auditu; ex quo non obedientes Evangelio, natio viperarum sunt.

4. Sed quia potestas ejus suorumque conteritur, & omnia in his sævitie arma franguntur, hæc subdita sunt: *Deus contrivit dentes eorum in ore ipsorum, molas leonum confregit Dominus. Spernentur velut aqua decurrens: intendet arcum suum, donec infirmetur. Sicut cera liquefacta auferentur: supercecidit ignis, & non viderunt solem.* De peccatorum dentibus & molis leonum frequenter nobis fuit sermo, quia in his desævientis malignitatis significatur instinctus. His ergo confractis contritisque, velut decurrens aqua spernentur. Omnis enim superfluentium aquarum cursus est otiosus, cum unusquisque ex his id tantum, quod sibi utile putet esse, derivet, ceteris meatu transcurrente perituris, cum ad solam sui abolitionem usque ad maria deferantur. Atque hujus quidem in his naturæ atque contemptus in psalmo alio meminit, cum dicitur: *Effusus sum tamquam aqua, & dispersa sunt*

ossa mea. Factum est cor meum tamquam cera liquefiens in medio ventris mei. Et multa quidem, quæ ex solidis in liquida solvuntur, demutant habitum sine abolitione naturæ, ut ex rigentibus fluant: cera autem solo suscepta igni sic liquefcit, ut pereat. Eodem nunc modo creationis utriusque in perdendis peccatoribus posuit exemplum: *Spernentur velut aqua decurrens, intendet arcum suum, donec infirmentur: sicut cera liquefacta auferentur.* Primum ergo spernentur sine consistendi spe & manendi, inutiliter defluentes: dehinc arcus Domini erit, donec infirmentur intentus: infirmati autem liquefacti ceræ modo auferentur. Et in arcu severitatem iudicii Dei significari frequenter ostendimus, peccatorum hunc semper pœnis his, qui puniuntur, intentum. Et sane intento arcu, igne iudicii eos, ut liquefactam ceram auferendos sequens sermo declarat: *Supercecidit ignis, & non viderunt solem.* Superiectus ergo ignis eos auferet, ne solem iustitiæ contemplantur; indigni enim sunt, qui sint coheredes æterni luminis.

5. Ac ne id, quod tamquam cera liquefacta auferentur, igne super eos, ne solem videant, decedente, abolitionem eorum potius, quam pœnam significaret, adjecit: *Prius quam producat spinas vestras rhamnus, sicut viventes, sic in ira absorbet vos.* Rhamnus sentium genus est, quod plures ex se condensasque spinas modo rubi effert; florescit autem cum ceteris vere confotum. Ergo antequam rhamnus peccatorum spinas producat, ut viventes eos ignis in ira absorbet. Neque enim suspenso adhuc iudicii tempore quiescere peccatores sine pœna erat dignum: viventes itaque eos, cum pœnæ scilicet sensu, absorbet ignis, etiam antequam resurgant. Corporum enim resurrectio significatur in rhamno, quæ ipsa in se spinas, quibus compungenda sunt, exhibebunt: aliis fructus æterni floris habituris, his vero tantum ad efferendos

dos in se modo rhamnorum spinarum aculeos excitandis. Peccatorum autem vim & dolorem significari meminimus in spina, cum dicitur: In ærumnam incidi, dum configitur spina: quia usque ad mortem humiliatus de peccato condemnavit peccatum in carne, velut cum configens spina configitur. Et unusquisque, secundum Apostolum, sive bona sive mala percipiet in carne: cum ipsam materiam ac sensum, in qua compungatur, habiturus sit peccator. Ante resurrectionem carnis, id est, antequam spinas suas rhamnus emittat, vivens absorbetur ad pœnam anima ejus, secundum divitem evangelicum punienda, quæ vivens sit.

6. Sed inter hæc (justi cujusque, tamquam Lazari in sinu Abrahæ requiescentis,) lætitia monstratur. Sequitur enim: *Lætabitur justus, cum viderit vindictam, manus suas lavabit in sanguine peccatoris. Et dicet: Si utique erit fructus justo? Utique est Deus judicans eos in terra.* Lætitia justi est, cum viderit vindictam; quia peccatoribus puniendis deductum se per Angelos in æternam requiem lætatur: manus suas non peccatorum sanguine abluens; sed cum peccatores in sanguine sint, quia rei sanguinum sunt, manus ille ab omni reatu sanguinis ablutas continebit. Id ipsum psalmo alio testatus est, cum dicit: Odio habui congregationem malignorum, & cum impiis non sedebo: lavabo inter innocentes manus meas. Et commemoratis innocentis officiis, adjecit: Ne perdas cum impiis animam meam, & cum viris sanguinum vitam meam. In peccatorum scilicet sanguine manus ille abluet inter innocentes. Adeo autem hi viri sanguinum sunt, ut omnium ab Abel usque ad Zachariam interfectorum ab his sanguis sit reposcendus, & ablutente manus suas Pilato, super se suosque esse justī sanguinem sint professi.

7. Sed manus suas lavante iusto atque lætante, dicit homo: *An fructus erit iusto?* Et utique eum esse dicit, quia Deus sit in terra eos iudicans. Dicens ergo homo, *an fructus sit iusto*, non ambigitur expectare iudicium; iusto tamen jam in terris, quia per Angelos in Abrahæ sinum deductus sit, iudicato, secundum illud: Qui credit in me, non iudicatur, sed transit de morte in vitam: qui autem non credit, jam iudicatus est. Cum ergo sanctus non iudicandus sit, qui in vitam sit transiturus ex morte, & infidelis jam iudicatus ad pœnam sit: intelligitur in eos reliquum esse iudicium, qui pro gestorum qualitate inter peccata fidemque sint iudicandi, per Dominum nostrum Jesum Christum, qui est benedictus in secula seculorum. Amen.

PSALMUS LVIII.

In finem, ne disperdas, David in tituli inscriptione, quando misit Saul, & custodivit domum ejus, ut interficeret eum.

Eripe me de inimicis meis, & ab insurgentibus in me libera me. Eripe me de operantibus iniquitatem, & de viris sanguinum libera me: quia ecce captaverunt animam meam, & intruerunt in me fortes. Neque iniquitas mea, neque peccatum meum Domine, sine iniquitate cucurri, & direxi. Exsurge in occursum mihi, & vide, & tu Domine Deus virtutum, Deus Israel. Intende ad visitandas omnes gentes: non miserearis omnibus, qui operantur iniquitatem. **DIAPSALMA.** Convertentur ad vesperam, & famem patientur ut canes, circumibunt civitatem. Ecce loquentur in ore suo, & gladius in ore eorum: quoniam quis audivit? Et tu Domine deridebis eos, pro nihilo habebis omnes gentes. Fortitudinem meam ad te custodiam, quia Deus susceptor meus: Deus meus misericordia ejus præveniet me, Deus

TRACTATUS IN LVIII. PSALMUM. 295

Deus ostendit mihi inter inimicos meos, ne occideris eos: quæ quando obliviscantur legis tuæ. Disperge illos in virtute tua, & destrue eos, protector meus Domine. Dilata oris eorum, sermonem labiorum ipsorum; & comprehendantur in superbia sua. Et de execratione & mendacio convellantur consummatione? in ira consummationis, & non erunt. Et scient, quoniam Deus dominabitur Jacob: & finium terra. DIAPSALMA. Et convertentur in vesperum: & famem patientur ut canes, & circumibunt civitatem. Ipsi dispergentur ad manducandum: si vero non saturabuntur, & marmurabunt. Ego autem cantabo virtuti tuæ, exaltabo mane misericordiam tuam: quia factus es susceptor meus & refugium meum in die tribulationis meæ. Adjutor meus tibi psallam: quia Deus susceptor meus, Deus meus misericordia mea.

TRACTATUS PSALMI.

1. **S**uperscriptio psalmi a superiore non differt: sed psalmus eo differt, quod quædam ex his, quæ in David ipsum gesta sunt, præferuntur, cum Saul misit & custodivit ad interficiendum eum domum ejus. Verum si ob id dirigenda ad Deum esset oratio; superiora illa, id est, *in finem*, & *ne disperdas vel corrumpas*, & in tituli inscriptione, non necesse fuerat anteferri. Hæc autem maxime, quamquam spiritall sint distributa ratione, cum & finis legis sit Christus, & corruptioni subjecta non fuerit ejus æternitas, & gloriøsæ mortis ipsius titulus in salute sit gentium: tamen etiam ipsa, quæ de gestis ejus præscripta sunt, prophetica esse declarant, cum passionis dominicæ Propheta non nescius, sub occasione ac tempore eorum, quæ perpetiebatur odiorum, & patiendò prophetam se docuerit & loquendo. Tractabimus autem psalmum, ut eorum, qui secundum litteram sapiunt, intelligentiam non gravemus: sed & ut, quod a Saul custoditus ad interficiendum est, non minus ejus sit

temporis prophetia, quam a populo, & in Jerusalem tamquam in domo sua conclusus, & custoditus sit ad mortem.

2. *Eripe me de inimicis meis Deus, & ab insurgentibus in me libera me. Eripe me de operantibus iniquitatem, & de viris sanguinum libera me.* Vitiorum humanorum causas profectusque complexus est: ut, unde orta est, & quo evaderet impietas, nosceremus. Et idcirco iras & simultates, & inimicitias Evangelium compressit, (cum irasci sine causa fratri reatus gehennæ sit, & oblatio muneris nisi post reconciliationem non concessa sit simultatis, & inimicos non solum diligendos, sed & pro his orandum esse decernit;) quia ex his ad virum sanguinum pervenitur. Nam primum inimici sunt: dehinc insurgunt in eum, cujus inimici sunt: insurgentes autem, iniquitatis operarii sunt: postremo iniquitatis operarii usque ad viros sanguinum profecerunt. Viros autem sanguinum non solum admissa cædes, sed & cogitata consumat.

3. Sequitur enim: *Quia captaverunt animam meam, irruerunt in me fortes. Neque iniquitas mea, neque peccatum meum, Domine, sine iniquitate cucurri, & direxi.* Captata anima David est, cum ad interficiendum domo clausus est. Et quamquam erutus de Saul manibus sit: tamen viri sanguinum sunt sanguinem ejus optantes. Sed secundum psalmi præscriptionem adversum unum esse precationem convenerat, regem utique hæc volentem. Sed orationi propheticæ fuit sermo moderandus: ut querela referretur ad populum, cum captant animam fortes irruentes: quippe quos fortis armavit, qui & cor Judæ ad ministerium prodicionis ingressus est. Hi ergo fortes captant animam, & ejus animam, in quo neque iniquitas, neque peccatum est, qui currens sine iniquitate direxit.

4. Et nescio, si anterior psalmus referri in David ita patitur, quo dicitur: *Ecce iniquitatem meam*
ego

ego agnosco, & peccatum meum contra me est semper. Non convenit psalmorem ordini tanta diversitas, ut ab eodem dictum esse utrumque intelligendum sit. Sed si quia anterior confessi peccati psalmus posterior in tempore est, videatur David ante peccatum, ut peccati nescius hæc locutus: meminerimus eum sub eodem peccato de humanæ necessitatis confessione dixisse: Ecce enim in iniquitatibus conceptus sum, & in delictis peperit me mater mea; secundum illud: Quis enim gloriabitur castum se habere cor coram Deo, nec si unius diei fuerit infans? Manente in nobis etiam secundum Apostolum & origine & lege peccati. Non ergo conscientiae humanæ vox ista conveniet.

5. Sed videamus, ne forte ejus querelis hic abnegatæ de se iniquitatis competat sermo, qui peccatum non fecit, & in quo inventus dolus non est, qui & dixerit: Ecce veniet princeps mundi, & non inveniet in me quidquam, peccati scilicet in se calumniam non reperiendam; per quod de peccato peccatum condemnaturus esset in carne. Ergo hic intelligendus est conqueri captatam animam suam, & intrasse in se fortes, qui & habuit hanc querelæ securitatem, ut in se neque iniquitatem, neque peccatum esse profiteretur, & qui sine iniquitate cucurrisse se dixerit, secundum illud: Exultabit ut gigas ad currentiam viam: a summo cœli egressio ejus, & occursum ejus usque ad summum ejus.

6. Hic ergo solus currens direxit, qui infirmitatis nostræ humilitate suscepta egressus cœlos, regressus ad cœlos: qui revehens nos secum, oblaturusque Deo munus precatus sit: *Exsurge in occursum mihi, & vide tu Domine Deus virtutum, Deus Israel. Intende ad visitandas omnes gentes: ne miserearis omnibus, qui operantur iniquitatem.* Exsurgere enim sibi in occursum Deum virtutum ad visitandas omnes gentes precatur: in eo namque coexcitatæ & collocatæ a dextris ejus.

in cœlestibus gentes sunt. Et dignum fuit, reditum ejus ambitione occursum cœlestis ornari; ne ingressuro cœlos dignatio paterna de cœlo deesset. Neque id mirum: cum primo nominis sui martyri Stephano velut in primoribus cœli in occursum a Deo Patre descensum sit. Visitari itaque in occursum suo omnes gentes precatur, secundum illud: Neque enim misit Deus filium suum in hunc mundum, ut judicet mundum; sed ut salvus fiat mundus per eum. Descensum namque ejus in carnem, & ex Maria nativitatem, lætantes Angeli & patentes cœli honoraverunt. Non impudens ergo hæc occursum sui oratio est, cui ad salutem gentium, sicuti & psalmo alio & apostolico testimonio continetur, primogenito ex mortuis vox occurrentis hæc fuerit: Filius meus es tu, ego hodie genui te. Hanc itaque occursum sui significationem visitandis in se gentibus deprecatur; non tamen iudicii severitate præterita, cum misericordia ab omnibus, qui iniquitatem operantur, avertitur, omnibus quidem in eo, quia caro factus est: gentibus visitatis; sed æque omnibus iniqua operantibus iudicatis.

7. Interjecto enim diapsalma, quæ in impietatem populi essent mansura declarat. Mox namque & templi desolatio, & civitatis everio, & ipsos illos captivitas consecuta est. Quin etiam nunc ingressu civitatis ejusdem, edicto Romani regis inhihentur. Et cum deserta sanctorum sancta, & prophetias filere, & placationum hostias deesse, & dignitatem omnem deformatam ministerii levitici recordantur; conversi nunc, & fame verbi Dei, & cibi salutaris affecti, ad solatium præsentium miseriarum circumire sunt soliti civitatem. Id enim sequitur: *Convertentur ad vespervam, & famem patientur ut canes, & circumibunt civitatem.* Famem hujus temporis per Prophetam alium denuntians dicit: Ecce induco famem super terram: non famem panis, neque sitim aquæ, sed famem verbi,

ut

ut audiat verbum Dei: impudentiam eorum acrius in nuncupatione canum arguens, secundum illud: Libera me de ore leonis, & de manu canis unicam meam. Et hunc quidem habent interioris conscientiae suae dolorem, cum se dispersos, cum captivos, cum tributarios congemiscunt, sine templo, sine sacerdote, sine regno: & hoc posteaquam in maiestatis Dominum salvatoremque mundi manus impias intulerunt.

8. Sed ubi de peccato crucifixi Unigeniti Dei arguuntur, impii esse non desinunt: & dolore translatae ad gentes divinae cognitionis accensi, ore adhuc verbisque defœviunt. Sequitur enim: *Ecce loquentur in ore suo, & gladius in labiis eorum.*

9. Sed hanc obrectandi atque infectandi impietatem, non solum in his, sed etiam in gentibus, quae audire detrectant, ita divinus sermo condemnat: *Quoniam quis audivit? Et tu Domine deridebis eos, pro nihilo habebis omnes gentes.* Nemine audiente irridentur a Deo; quia, ubi dicitur, *quis?* ibi aut rarus significatur, aut nullus: nullus, secundum illud: Quis similis tibi in Diis Domine? Rarus autem, in eo, cum dicitur: Quis dabit ex Sion salutare Israel? Irridentur igitur non audientes, & in quorum ore labiisque fit gladius: quia in cœlis habitans Deus subsannabit adversus Deum & Christum ejus reges ac principes congregatos. Gentes etiam omnes spernet, visitas & non obediens, quia, quamvis ex his sit portio quantulacumque credentium, tamen universitas reputatur in plurimis, secundum illud Domini dictum: Numquid, cum venerit filius hominis, inveniet fidem super terram? Non, quod non in aliquibus reperietur, quibus & dicetur: Venite benedicti patris mei, possidete præparatum vobis regnum a constitutione mundi: sed cum pauci ex omnibus gentibus sint fideles, non per paucos efficitur, ne non omnes gentes sint

sint infideles. Irridendarum autem gentium ea maxime causa est, quod dum crucifixum, dum mortuum, dum sepultum stultitia prudentiæ secularis exprobrant, magnæ pietatis sacramentum non intelligentes, filium Dei resurgentem ex mortuis, & majestatis esse Dominum non credunt.

10. Sed habens ille potestatem animæ ponendæ, & animæ resumendæ, quia hoc mandatum accepit a Patre, irrisis spretisque gentibus, subjecit: *Fortitudinem meam ad te custodiam, quia Deus susceptor meus es: Deus meus misericordia ejus præveniet me. Deus meus ostendit mihi inter inimicos meos.* Fortitudinem suam ad Deum custodiet, animam suam scilicet, quam deposuit resumendo; nemo enim aufert eam ab eo; & quia virtus sua & refugium suum sit, in cujus manibus commendaverit spiritum suum. Cujus misericordia eum præveniet, ut etiam ante resurrectionem Dei filius intelligatur, cum moriente eo, obscurato sole lux deperit, cum pendente eo in cruce tremit terra, cum descendente eo ad inferos, sanctos ejus inferi non tenent, cum emittente eo spiritum, velum templi tamquam custodia illinc spiritali erumpente discinditur, cum postremo Centurio proclamat: Vere Dei filius erat iste. Custodita igitur ad Deum fortitudine sua, quia lux lucet in tenebris, & tenebræ eam non comprehenderunt, & præveniente eum misericordia sua, ostendit ei inter inimicos ejus, quia susceptor ejus esset, cum id etiam inimici confessione patuisset; vere enim eum Dei filium esse Centurio proclamat. Et hæc quidem tum ita cognita sunt.

11. Sed quia secundum illud: Et videbunt, in quem compunxerunt, etiam in futurum inter inimicos ejus ostendet Deus, quod ejus sit susceptor: quippe cum secundum Apostolum introgressa gentium plenitudine, id, quod Israel sit reliquum, salvabitur; *ut, quod scriptum est, impleatur: Veniet ex Sion,*
qui

qui liberabit & avertet impietates ab Jacob. Et hoc illis a me testamentum, cum auferam impietates eorum. Ad significationem itaque repositæ hujus misericordiæ speique, subjecit: *Ne occideris eos: ne quando obliuiscantur legis tuæ. Disperge illos in virtute tua, & destrue eos, protector meus Domine. Delicta oris eorum, sermonem labiorum ipsorum, & comprehendentur in superbia sua, & de execratione & mendacia corruellentur in consummatione. Consummatio in ira consummationis, & non erunt, & scient, quoniam Deus Jacob dominatur finium terræ.* Inimici quidem propter nos, sed dilecti propter patres; misericordiæ id, quod eorum est reliquum, reservatur. Dispersi quidem interim circum omnes fere gentes, sed conspersione eorum sancta æque radice liberabuntur. Destruentur ergo secundum prophetiam non occisi, sed dispersi: & destruentur in delictis oris eorum, & sermone labiorum, cum ex Sion veniat liberator, de quo clamaverunt: Crucifige, crucifige; & cui dixerunt: Nos patrem habemus Abraham; & rursus: Quis tibi dedit hanc potestatem? &: In qua potestate hæc agis? In hac igitur superbia comprehendentur, cum Salvatori suo hæc a se ingesta esse non cognoscant: aversaque impietate de execratione ac mendacio avellentur, & hoc in consummatione; quia cum intraverit gentium plenitudo, tum, quod Israel est reliquum, salvabitur. *In ira autem consummationis non erunt:* quia impietates ex Sion veniens avertet. Non autem non erunt, qui & sunt cognituri, cognoscentque, quia Deus Jacob dominetur finium terræ: non jam in funiculo hæreditatis & in Jacob portione noscendus; sed *Deus Jacob*, id est, qui in homine Jacob Deus intellectus & visus est, dominator sit terræ finium, quorum & creator est confitendus.

12. Sed illos interim desolationis ac dispersionis suæ manet pœna. Nam etsi consummationi temporum propter

propter patres & electos hæc dispensatio misericordiæ reservetur: interjecto tamen diaplasma, quid in eos interim repetita significatione constitutum fuerit, ostenditur. Sequitur enim: *Et convertentur in vespertum, & famem patientur ut canes, & circumibunt civitatem. Ipsi dispergentur ad manducandum: si autem non saturabuntur, & murmurabunt.* Amissa civitate, temploque deserto, & secundum Romani regis edicta circumeuntes tantum, non etiam ineuntes civitatem, fames eos non hujus panis & cibi, sed oblationum, hostiarum, visionum, quibus omnibus saturabuntur, afficiet: adversum custodem suum canum improbitate latrantes. *Et dispergentur ad manducandum:* quia per diversa speciem sacerdotii illius legitimi, & holocausti, & circumcisionis imitantur: cum hæc tantum nonnisi intra Jerosolymam sint legitima constituta. Sed ad manducandum dispersi non saturantur. Non enim nisi sanctis & Deo placitis, & loci ipsius ac templi constitutione religiosis solemnitatibus explebuntur. Sed adhuc *murmurabunt*: ne hac quidem fame festivitatum suarum edomiti, ut secundum murmur, quo in deserto Deum exacerbaverunt, pœnitentiæ quiete resipiscant.

13. Sed inter hæc spes omnes suas & gratulationes psalmi fine concludit, dicens: *Ego autem cantabo virtuti tuæ, exultabo mane misericordiam tuam: quia factus es susceptor meus, & refugium meum in die tribulationis meæ. Adjutor meus tibi psallam; quia Deus susceptor meus, Deus meus misericordia mea.* Et ista omnia possunt ad prophetæ gratulationem referri; sed neque a Domini sunt confessione diversa. Hæc enim eorum dispersio passionis impietatem est consecuta. Sed quod in misericordia Dei mane, quia susceptor & refugium ejus factus est, exultaturus est; videtur id ad resurrectionis tempus esse referendum: quia, cum omni tempore laus Dei cantanda sit a Propheta, resurgenti tamen

tamen ex mortuis diluculo, in cœlosque redituro, exultatio matutinæ gratulationis est propria Domino Jesu Christo, qui est benedictus in omnia secula seculorum. Amen.

PSALMUS LIX.

In finem: pro his, qui immutabuntur, in tituli inscriptione, David in doctrinam, cum succendit Mesopotamiam & Syriam Sobal, & convertit Joab, & percussit in valle Salinarum duodecim millia.

Deus repulisti nos, & destruxisti nos, iratus es, & misertus es nobis. Commovisti terram, & conturbasti eam: sana contritiones ejus, quia mota est. Ostendisti populo tuo dura, potasti nos vino compunctionis, dedisti metuentibus te significationem, ut fugiant a facie arcus. DIAPSALMA. Ut liberentur dilecti tui, salvum fac dextera tua, & exaudi me. Deus locutus est in sancto suo. Latabor & partibor Sichimam, & convallē tabernaculorum dimetibor. Meus est Galaad, & meus est Manasses, & Ephraim fortitudo capitis mei, Juda rex meus, Moab olla spei meæ. In Idumæam extendam calciamentum meum: mihi Allophylī subditi sunt. Quis deducet me in civitatem circumstantiæ? quis deducet me usque in Idumæam? Nonne tu Deus, qui repulisti nos? & non egredieris Deus in virtutibus nostris. Da nobis auxilium de tribulatione, & vana salus hominis. In Deo faciemus virtutem: & ipse ad nihilum deducet tribulantes nos.

TRACTATUS PSALMI.

I. **M**ulta in psalmo ante rerum gesta præscripta sunt, quæ necesse est ad alicujus intelligentiæ significationem his, quæ effecta sunt, anteferri: cum in finem, cum pro his, qui demutabuntur, cum tituli inscriptione,

ptio, cum in doctrinam David superscriptio comprehendit. Post quæ gestorum tempus adscribitur: Succendit Mesopotamiam, & Syriam Sobal: & convertit Joab, & percussit in valle Salinarum duodecim millia. Quo psalmus omnis ab historia dissentit. Nam cum Sobal percussus cum Mesopotamia & Syria, quæ ab eodem ad bellum commota & accensa capta est; hanc maximi belli victoriam ingens gratulationis lætitia consecuta est. Psalmus autem totus tristis & mæstus est: cum super repulso destructoque populo dolor est, cum commotæ turbatæque terræ querela est, cum sanandæ contritionis ejus oratio est. Deinde id, quod in Salinarum valle memoratum est, neque in historia, neque in aliquorum translatorum intelligentia est. Nam secundum Aquilam, qui translator legis Judæis post passionem Domini fuit, ita scribitur: Cum percussit valles. Sed hic secundum litteram scribens, & extra spiritalem intelligentiam manens, belli locum edidit. Translatio autem illa seniorum septuaginta & legitima & spiritalis, ante passionem Domini gesta que suscepta, per nominum naturarumque species nunc quoque, ut in omnibus psalmis, causam sensumque manifestat, in commemoratione gestorum non argumentum psalmi, sed tempus ostendens; ne ob id, quod continetur in gestis, sed ut tum, cum ea gesta sunt, scriptus esse noscatur.

2. Sed ante quam de tempore loquamur prophetiæ, quia multum ad intelligentiam psalmi proficit scire, quando sit scriptus, de superscriptione tractemus, quæ intelligenda refertur *ad finem*, & *his, qui immutabuntur*: qui ex impietate scilicet ac vitiis desinentes, ad religionem atque innocentiam transferentur, & ex peccatis Synagogæ ad Ecclesiæ gratiam demutabuntur: sicut in eo psalmo, qui primus *pro his, qui immutabuntur*, est scriptus, ostendimus, cum dicitur: Audi filia & vide, & inclina aurem tuam, & obliviscere popu-

populum tuum, & domum patris tui; quoniam concupivit rex speciem tuam; & rursus in eodem: Pro patribus tuis nati sunt tibi filii, constitues eos principes super omnem terram. Filiorum itaque demutatione facta pro patribus, paternam domum obliviscitur, Deo regi magis regina placitura, cujus morte renovatur ad vitam. Et idcirco *tituli inscriptio pro his, qui immutabuntur*, adscribitur gloriæ mortis ejus, qui pro omnibus mortuus est, tituli inscriptione testante: & testante *ad doctrinam David*, ut omnes eum David, qui & oriens, & justus, & rex, & æternus est, noverimus; qui inimicas nobis infestasque virtutes cum duce suo peremit, omnibus his, qui adversum nos vitiorum bella accendere erant soliti, extinctis: non in valle planctus, neque in valle tabernaculorum, sed *in valle salium*; id enim magis, quam *salinarum* græcus sermo declarat: cum ex se jam non flebiles habitationes, nec lamentanda tabernacula, sed *salem* potius hæc mundi hujus vallis exhibeat, eos scilicet, eorumque similes, quibus dictum est: Vos estis sal terræ, in quibus maxime antiquus ille nosque incensens hostis extinctus est. Pro his igitur in fine commutandis, & sub testimonio ac tituli inscriptione ad David edocendis psalmus hic scribitur: non alio tempore, quam cum Nathan Propheta throni æterni regem ex David semine esse nuntiavit. In eo enim tempore hæc, quæ in rebus gestis præscribuntur, effecta sunt, in quo prophetia æterni regis ostensa est. Intelligendus ergo psalmus pro his est, qui immutabuntur, in David æternum regem edocendis, & qui pro amissis patribus erunt ex commutatione jam filii. Ita enim cœpit.

3. *Deus repulisti nos, & destruxisti nos: iratus es nobis, & misertus es nobis. Commovisti terram, & conturbasti eam: sana contritiones ejus, quia commota est. Ostendisti populo tuo dura, potasti nos vino compunctionis.*
S. Hilarii Tom. II. U Dedi-

Dedisti metuentibus te significationem, ut fugiant a facie arcus. Secundum communem seculi sensum iræ miserationique non convenit: neque ipsius in eosdem uterque hic conveniet affectus, ut ultionis voluntati voluntas miserationis admixta sit. Solis autem hoc patribus pie irascentibus congruit, ut misericors eorum ira in peccatis sit filiorum, secundum etiam illud beati Pauli, cum ita Satanæ in interitum carnis tradit, ut spiritus salvus sit in die Domini, vindictæ præsentis severitatem ad salutem spiritus proficere demonstrans. Æternus ergo ille cœlestis omnibus pater, qui & dixit: Ego occidam, & ego sanabo, sic repellit & destruit suos, ut misereatur iratus. Destruxit enim Jerusalem templum, sed cœlestem Sanctis reddidit civitatem: repulit ab operationibus legis, sed justificationem fidei justificans ex fide impium tribuit: dissolvit terrestre regnum, sed reges constituit cœlorum. Ita iram misericordia consecuta est, dum damno terrenorum præsentium, ingens æternorum bonorum retributio repensatur.

4. Et hæc quidem non magis ad Israel, quam ad universitatem humani generis aptata sunt: quia ex uno in omnes sententia mortis & vitæ labor exiit, cum dictum est: Maledicta terra in operibus tuis; nunc autem per unum in omnes donum vitæ & justificationis gratia abundavit: ut, quorum terra maledicta est, horum nunc conformia Deo corpora sint; & quæ commota metu, & ignorance turbata, & labore contrita est, & ipso illo lætificantis vini compuncta potu, nunc susceptæ significationis secura virtute, futuræ iræ defugiat potestatem. In arcu enim, ut frequenter tractavimus, præparatæ ad pœnam impiis iræ terror ostenditur, secundum illud: Numquid irascetur per singulos dies? Arcum suum tetendit, & paravit in eo vasa mortis, sagittas suas arsuris operatus est. Metuentibus igitur significationem dedit, vel
signi

signi in frontibus, vel fidei in cordibus, vel testimonii in operibus, vel gloriæ in confessionibus, vel victoriæ in martyriis: ut a facie arcus iræque fugiatur, ut dictum est: Natio viperarum, quis monstravit vobis fugere ab ira ventura? Gratulantis igitur humani generis hæc vox est, post regnum mortis, post diaboli terrores, post laborum peccatorumque onera, post infelicis lætitiæ dolorem; quia vitiorum gaudia cum sint intellecta, compungunt. In vino etenim secundum Apostolum lascivia est. Et sicut est vipum cor hominis lætificans, ita & vinum est cor hominis compungens. Nam & calix iræ est, sicuti & calix vitæ est.

5. Post hæc ergo, & post hoc compunctionis vinum, significatione fugiendi arcus iræque concessa, universitas fidelium æternis spebus exultat. Id enim mox diapsalma interveniente declarat: *Ut liberentur dilecti tui, salva dextera tua, & exaudi me.* Dextera Domini fecit virtutem, & a dextera Deo Virtus Dei, coexcitata secum humilitatis nostræ carne, confedit. Data ergo significatione fugiendi a facie arcus, liberantur dilecti, & per Dei dexteram salvantur. Et a qua facie arcus liberentur salventurque, Apostolus docuit, dicens: Qui liberavit nos de potestate tenebrarum, & transtulit in regnum filii dilectionis suæ. Liberandi ergo dilecti salvandique per dexteram Dei sunt.

6. Sed salutis hujus ad fidei firmitatem noscenda est prophetia. Sequitur enim: *Deus locutus est in sancto suo. Latabor & partibor Sichimam, & convallum tabernaculorum dimetiar. Meus est Galaad, & meus est Manasses, & Ephraim fortitudo capitis mei, Juda rex meus, Moab olla spei mea. In Idumeam extendam calciamentum meum: mihi Allophyli subditi sunt.* In sancto Deus locutus est, in eo nempe, cui etiam dæmones clamant: Scimus, quia tu sanctus Dei es; & de quo Angelus

evangelizat: Et quod ex te nascetur sanctum, vocabitur filius Dei. In hoc itaque sancto locutus est, cum dicit: Pater, qui in me loquitur, ipse facit opera sua. Locutus ergo Deus in sancto, in principio sermonis exultat. Exultabit enim ut gigas ad currendam viam, & exultabit in Sichima partienda. Sichima Samaria est, quæ eadem & Sichem est, quam Jacob Joseph filio suo sub benedictione spiritus deputavit. Hæc cum omnibus antea legis temporibus in impietate mansisset, Evangelium Domini ex parte suscepit. Nam hodieque pars ejus irreligiosis studiis de studio vetere detinetur. Illic enim vaccæ adoratæ, illic mons relicto sacrario electus, illic regnum adversum Judam excitatum. Sed eo primum Dominus accedens, etiam credente Samaritana, & aquæ vivæ potum precante, fidem intulit: mox etiam Apostolis prædicantibus participes sancti Spiritus facti sunt. Partita ergo Sichima est, cum fideles ab infidelibus separantur. Et est futuri judicii certa divisio, sicut scriptum est: Veniet Dominus servi illius in die, qua non sperat, & hora, qua ignorat: & dividet eum, partemque ejus ponet cum hypocritis. Divisa ergo Samaria est, vel judicio, vel fide, secundum illud: Non veni pacem mittere in terram, sed divisionem.

7. Neque solum loquens in sancto Deus Sichimam partitus est, sed etiam convallem tabernaculorum dimensus est: hanc siquidem habitationis humanæ demersam humilemque sedem, quam & alio loco ob ægritudines vitæ ac lamentationes calamitatum, vallem planctus esse commemorat, dicens: Deposuerunt in valle plorationis. Dimensus ergo hanc est, quia gentium plenitudo expectatur. Et ubi modus est credentium futurus, illic dimensionis examen est: partem intra Ecclesiam congregandis, parte alia in eadem valle residentibus.

8. Quisquis autem aliqua metitur, necesse est, ut ea, quæ sua sunt, metiatur. Suus enim est Galaad, & suus est Manasses. Mons iste Phœnicum est, Arabiæ Mesopotamiæque contiguus, ex parte Manassæ in possessionem deputatus: & ideo suus est Manasses, sub Manassis nomine terræ plenitudinem, sicuti & sub Galaad omnem orbem suum esse demonstrans. Sed in his usurpandis nihil præter jus proprietatis ostensum est.

9. Ephræm autem assumptio capitis ejus, & Juda rex ejus est. Hæc sanctus loquente in se Deo loquitur, qui & per Jacob Ephræm conversa manuum sanctificatione benedixerit, & regem ex Juda, qui & expectatio gentium futurus esset, ostenderit. Assumptio ergo Ephræm est, non etiam Manasses: cum Joseph uterque sit filius. Sed cum in capite significatio contineatur & corporis, secundum illud: De torrente in via bibet, propterea exaltabit caput; & omnis sanctus caput est corporis Christi: idcirco assumptio capitis ejus Ephræm est, quia contra generationum ordinem, ad præferendam Ecclesiæ sanctificationem in prælato Ephræm & postposito Manasse, minor majori est antelatus. Assumptio itaque capitis sui est Ephræm, id est, populi, quem in Ephræm præfiguravit: vel potius Ecclesia in corpus assumitur.

10. *Juda etiam rex meus* est, id est, a se dispositus & electus. Non utique vel David ipsi rex Juda est, (cum ex Juda rex ipse sit primus,) vel loquenti in sancto suo Deo rex est: sed loqui hæc sanctus iste ei, in quo Deus loquitur, intelligendus est, qui & spiritu Jacob repleverit ad æterni regis istius prophetiam; cum ait: Non deficiet princeps de Juda, nec dux de femoribus ejus, donec veniat, cui repositum est: & ipse est expectatio gentium.

11. Et quia non solum ex hac generatione sanctorum, sed etiam ex peccatorum origine huic Dei

Sancto carnis esset ineunda susceptio; quia in similitudine carnis peccati Deus filium suum misit, ideo etiam Moab olla spei ejus est. Et hæc quidem Moab generatio secundum eam, quæ in Genesi sententia est, divinæ maledictionis suscepit opprobrium. Sed post decem generationes per gradus successionis sancto digna fit genere: Sanctusque hic ex Juda & ex Moab originem sumens, decocta tamquam per ollam carnis cruditate, in speciem cibi significatur æterni, cum caro ejus vere cibus vitæ sit. Est & olla secundum Jeremiam urens peccata atque tollens: sicuti & Dominus ipse mittere ignem venit super terram: & multi secundum Apostolum tamquam per ignem erunt salvi: cum defæcatis & perustis vitiis, ut argentum ignitum probabiles judicentur. Hinc ergo Moab spei suæ olla est, cui etiam ex Moab, cruda utique atque vitiosa, jam cœlestis illa ad cibum vitæ sanctificatio carnis in spe est.

12. Quin etiam usque in Idumæam calciamentum suum extensurum esse se dicit, scilicet usque ad defectionem Esau; quia Idumæa Esau sedes est, & prædicationis apostolicæ dirigat gressus: Speciosi enim pedes evangelizantium sunt: & in calciamento pedes, in pedibus autem gressus ostenditur. Neque solum in Idumæam cursum prædicationis extendit, sed etiam *allophylis subditi sunt*; secundum illud: Exaudi orationem, ad te omnis caro veniet: quia Deo dignum sit gentes ei omnes esse subiectas, & universitatem carnis ad confessionem æternæ hujus misericordiæ erudiri.

13. Sed cognitis his, qui immutabuntur, secundum tituli inscriptionem, & doctrina ejus, qui David est æternus, accepta, æternam illam primitivorum in cœlis Jerusalem & circumstantium Deo sanctorum civitatem ingredi Propheta festinat, ducem, qui se eo deducat expectans. Sequitur enim: *Quis deducet me in civitatem circumstantia? quis deducet me usque in Idumæam.*

Idumæam? Nonne tu Deus, qui repulisti nos, & non egredieris in virtutibus nostris? Esau defectio est: & Edom secundam Genesim deficiens est: & secundum Apostolum, quod est reliquum Israel, salvandum est. Optans ergo Propheta in civitatem circumstantiæ deduci, scit se ante usque in Idumæam esse venturum, id est, in illam defectionem populi anterioris, qua major serviet minori. Et ultima prædicatio convertet corda patrum ad filios, cum veniens ex Sion peccata & impietates ab Jacob auferat. Sed hic idem deducet, quia & ob impietatem ante destruxit & repulit: quia capta Jerusalem, destitutoque regno indignos spretoque deseruit, solitus ante eos spiritualibus auxiliis confovere, & cœlesti militia adversum inimicorum bella tutari. Nunc autem deserente eos custodia Spiritus sancti, nullum in virtutibus eorum, id est, in exercitiis, divina propugnationis auxilium est. Et ideo, quia destruxit, non egredietur in virtutibus eorum.

14. *Se reposita spei, quia, quod Israel est, reliquum salvabit, misericordiam Propheta non tacuit dicens: Du nobis auxilium de tribulatione, & vana salus hominis. In Deo faciemus virtutem, & ipse ad nihilum deducet tribulantes nos.* Scit vanam salutem esse, quæ ab hominibus speratur: quia & vitæ hujus sine misericordia Dei nullus sit usus, secundum illud: Melior est misericordia tua super vitam: quia nisi ad profectum æternitatis vita suscepta sit, miseriarum in nobis potius erit origo, non vitæ. Auxilium itaque a Deo in tribulationibus sperat, quia hominum salus vana sit. Postulat ergo de tribulatione auxilium, in Deo virtutes concesso auxilio facturum: cum liberati omnes a lege peccati, in Dei potius justificatione maneamus: cum pugnam non adversus carnem & sanguinem, sed adversus spirituales nequitias, & mundipotentis, Satanam ipso spiritu oris sui Deo interficiente, peragamus;

cum non regnet jam in immortali corpore nostro tribulans nos ante peccatum, cum absorbeatur mors a vita in contentionem victoriæ, per Dominum nostrum Jesum Christum, qui est benedictus in secula seculorum. Amen.

PSALMUS LX.

In finem Hymnus David.

Exaudi Domine deprecationem meam, intende orationem meam. A finibus terræ ad te clamavi, dum anxietur cor meum. In petra exaltasti me. Deduxisti me; quia factus es spes mea, turris fortitudinis a facie inimici. Inhabitabo in tabernaculo tuo in secula. **DIAPSALMA.** Protegar in velamento alarum tuarum, quoniam tu Deus exaudisti orationem meam, dedisti hæreditatem timentibus nomen tuum. Dies super dies regis adjicies: annos ejusque in dies generationis & generationum. Permanet in æternum in conspectu Dei: misericordiam & veritatem ejus quis requireret eorum? Sic psallam nomini tuo Deus in seculum seculi, ut reddam vota mea de die in diem.

TRACTATUS PSALMI.

1. Simplex est psalmus, æternæ gratulationis continens prophetiam. Nam neque res gestas, neque significationis alicujus cognomenta subscriptio comprehendit. Tantum *hymnus in finem* est: ut id, quod a Propheta cantatum est, in fine vel psalmi, vel temporum explicandum esse noscatur. Oratio autem est justî æterna sperantis, seseque in Christo coexcitatum in cœlestibus gratulantis. Cœpit enim ita.

2. *Exaudi Deus orationem meam, intende preceationi meæ. A finibus terræ ad te clamavi, dum anxietur cor meum. Exaudiri preceationem suam sanctus hic postulat,*

lat, cujus & ea fiducia est, ut in orationem suam velit intendi, utrum sit innocens, casta & fidelis, & ex intimo conscientiae atque cordis metu profecta: quia secundum Paulum & corde credendum, & ore confitendum sit ad salutem. Intendendae autem orationis hinc precatio est, quod, dum corde anxio est, a terrae finibus clamaverit. Non hic extrema solitudinum aut contigua Oceani incolebat, qui a terrae finibus anxio corde clamabat. Sed sciens se in carne quidem, quae terra est, degentem, jam in fine carnis habitare, dum secundum Apostolum habitans in corpore peregrinatur a corpore, dum vivens jam non sibi vivit; neque ipse vivit, sed vivit in eo Christus: congemiscens tamen in hoc suo habitaculo, supervestirique festinans, & ideo anxio corde a terrae finibus clamat, quia & necessitatem habeat in carne vivendi, & spem teneat a carnis vitiis desinendi, dicens.

3. *In petra exaltasti me. Eduxisti me; quia factus es spes mea, turris fortitudinis a facie inimici. Habitabo in tabernaculo tuo in secula.* Hinc itaque jam sanctus a terrae finibus clamat, quia exaltatus in petra sit. Petra autem secundum Apostolum Christus est, quem exaltavit Deus, & donavit illi nomen, quod est super omne nomen. In quo & elegit nos ante mundi constitutionem in caelestibus. Per eum enim sumus in spem aeternitatis deducti, & in hac spe non confundimur; quia ab inimici facie haec eadem spes nobis fortitudinis turris est facta. Nam cum in muris sit valida & firma munitio: murorum tamen ipsorum firmitas in turribus omnis est. Et idcirco turris fortitudinis exaltans nos in petra Deus factus est, quia per hanc spem vim diaboli ejusque insidias sustinemus, tutissima adversus eum spiritualesque ejus nequitias fidei munitione consepti; cum in tabernaculo Dei habitaturi simus in saecula, sine ullo scilicet aetatis modo in aeternum fluentibus seculis temporibusque mansuri.

4. Sed quia hæc, quamvis spe reposita, jam sanctis sint, tamen adhuc sub dispensatione temporum differantur; qua munitione interim tutus sit, interjecto diaplasma demonstrat, dicens: *Protegar in velamento alarum tuarum, quoniam tu Deus exaudisti orationem meam.* Protectionem misericordiæ Dei sub velamento alarum divinus sermo significat: de quo, quia superioribus psalmis tractatum est, superfluous nunc & otiosus erit sermo. Sed protectionis meritum ex fide orationis indultum est, secundum illud: *Petite, & dabitur vobis.*

5. Quin etiam, ad quam spem protectione alarum Dei inumbrandus esset, ostendit dicens: *Dedisti hæreditatem timentibus nomen tuum. Dies super dies regis adjicies, annos ejus usque in dies generationis & generationis. Permanet in æternum in conspectu Dei.* Hæc enim hæreditas sancti est, vita & incorruptio, & regnum, & coæterna Deo habitatio. Non Israeli tantum hæc hæreditas scripta est, sed timentibus Dei nomen. Dies enim æterni sunt *regis*: sive quia sancti, qui peccati servi non erunt, reges sunt, secundum illud Apostoli: Jam sine nobis regnatis, & utinam regnaretis, ut & nos vobiscum conregnaremus: sive quia hic idem etiam rex sit Propheta: sive quia in æterno regno consedentem a dextris oportet regnare, donec ponat inimicos suos sub pedibus suis, non ut rex ipse tum non sit, sed cum tradiderit regnum Deo patri, conregnabit his ipse, qui reges sunt. Ex quo mihi videtur hæc nunc ratio servata, ut *usque in dies generationis & generationis* adjicerentur super dies dierum anni ejus; in conspectu autem Dei maneat in æternum: ut tempus illud, quo eum regnare, donec ponat inimicos suos sub pedibus suis, oportet, a generatione usque in generationem sit comprehensum; quia generationem hanc spiritualis nativitatis generatio ex mortuis consequatur: æternitatis autem suæ exceptio

ptio, dum in æternum in conspectu Dei est, prædicetur. Est autem ipse primogenitus ex mortuis. Sed hujus regenerationis Dominus ad Apostolos ita meminit: Amen dico vobis, quod vos, qui secuti estis me, in regeneratione cum sederit filius hominis in sede majestatis suæ, & vos sedebitis super duodecim thronos judicantes duodecim tribus Israel. Hujus igitur generationis tempus ostendit, & usque in hanc super dies dierum anni regis augentur. Ceterum ipse in conspectu Dei manebit æternus, jam omnibus, quos redemit, in reges cœlorum & cohæredes æternitatis assumptis, tradens eos regnum Deo Patri.

6. Et quia participes & concorporales & conformes ejus effecti sint, jam in his nec corruptione, nec morte dominante, cum in omnem plenitudinem Dei repleantur; subjecit spiritus prophetiæ: *Misericordiam & veritatem ejus quis requireret eorum?* Non inopes jam misericordiæ veritatisque ejus hæ scilicet generationes erunt, quas in se ex mortuis regenerabit ad vitam, quæque in spe gloriæ Dei manserint: tum, cum in regnum traditæ Deo patri suscipientur in reges, consummata in omnes ejus misericordia ac veritate, per quem redemptos se gratulentur ad vitam, sitque omnibus accessus ad Patrem. Post quod misericordiæ ac veritatis nihil requiratur a Domino, cum in Dei plenitudinem impleantur. Simile autem huic Prophetæ dictum est id, quod ad Apostolos Dominus ita locutus est: Nunc quidem tristitiam habetis; rursum autem videbo vos, & lætabitur cor vestrum, & gaudium vestrum nemo tollet a vobis. In illa die me non rogabitis quidquam: quia jam gaudium nemo ablaturus ab his sit.

7. In hanc igitur æternitatis spem sese Prophetæ confirmat, dicens: *Sic psallam nomini tuo in seculum seculi, ut reddam vota mea de die in diem.* Psalles in seculum seculi, & vota de die in diem reddet,
nullo

nullo temporum fine conclusus, hymnis æternis æternorum votorum gaudia redditurus: cum absoluta omni terrenorum corporum infirmitate cœlestem atque Angelorum agat vitam, de die in diem vota reddendo, secundum illud: Vota mea Domino reddam in atriis domus Domini, in conspectu omnis populi ejus, in medio tui Jerusalem, cœlestis utique matris, & liberæ per Deum ac Dominum nostrum Jesum Christum, qui est benedictus in secula seculorum. Amen.

PSALMUS LXI.

In finem pro Idithum Psalmus David.

Nonne Deo subdita erit anima mea? Ab ipso enim salutare meum. Etenim ipse Deus meus & salutaris meus, adjutor meus: non movebor amplius. Quo usque irrueis in hominem, interficis universi tamquam parieti inclinato, & maceria impulsæ? Verumtamen honorem meum cogitaverint repellere: cucurri in siti: ore suo benedicebant, & corde suo maledicebant. Verumtamen Deo subdita erit anima mea: quoniam ab ipso est patientia mea. Quia ipse Deus meus & salutaris meus, adjutor meus, non emigrabo. In Deo salutare meum est, & gloria mea, Deus auxilium meum: spes mea in Deo est. Sperate in eum omnis conventus plebis, effundite coram eo corda vestra; quia Deus adjutor noster est. DIAPSALMA. Verumtamen vani filii hominum, mendaces filii hominum in stateris: ut decipiant ipsi de vanitate in idipsum. Nolite sperare in iniquitate: & in rapinas nolite concupiscere. Divitia si affluant, nolite cor apponere. Semel locutus est Deus: duo hæc audiivi, quia potestas Dei est, & tibi Domine misericordia; quia tu reddes singulis secundum opera eorum.

TRACTATUS PSALMI.

1. **P**rophetiæ fermo non nisi ad aliquem profectum audientium scriptus est, ut aut ad scientiam doceat, aut ad voluntatis innocentiam confirmet: ut nunc hic psalmus *pro Idithum* a David cantatur, in quo ad Dei timorem, ad humanarum sive spiritualium nequitiarum constantem tolerantiam eruditur, & ad contemptum opum, quia avaritia malorum omnium radix est, firmatur. In his enim beatæ æternæque vitæ status certus est, si & pietas in Deum sit, & patientia in adversis, & contemptus opulentiae. A Dei itaque confessione cœptus est psalmus.

2. *Nonne Deo subdita erit anima mea? Ab ipso enim salutare meum. Et ipse Deus meus, & salutaris meus, susceptor meus; non movebor amplius.* Confessio Dei communi hominum affectu a Propheta ita cœpta est, ut, cum post multam inscientiæ noctem, post ambiguum humanarum sententiarum incertamque doctrinam, post diversarum religionum variam opinionem, cum diu erratum quæsitumque de Deo sit, an unus, an plures, & sexus an unius, an duplicis, & potestatis an æqualis, an disparis, & ætatis an uniformis, an variæ, & naturæ an innascibilis omnium, an aliquorum aliquando generatæ: tum deinde, cum ab aliquibus magna ætate & longo labore certatum sit, aut nullos omnino esse, aut a cura humanæ vitæ abesse: jam porro cum a plerisque tractatum sit, vel solem astraque cetera Deos esse, vel mundum ipsum in æternitatis specie hujus ac mutationum manentem cum omnibus suis, quæ ex se efferat Deum esse: jam vero ut plerique ignem, vel aquas, vel spiritum divino nomine atque honore donaverint: alii quoque ligna, lapides, metalla sub specie hominum, volucrum, ferarum adoraverint: postremo cum jam fessis omnium destitutisque studiis plerique eorum, maximeque

meque prudentes, unum hoc se scire, id est, nihil horum hominem scire, docuissent: tum post hanc quasi necessariæ confessionis inscientiam prudens quisque conversus ad Prophetas atque Apostolos, Dei legem omnem sub sacramento æternæ dispositionis perceperit, in qua rationem deductæ in hoc corpus animæ connexæque tractaverit, in qua divisionem gentium secundum angelorum numerum acceperit, in qua & esse principem mundi, & unius electionem gentis audierit, in qua humanæ mortis auctorem non ignoraverit, & habitare in carne sua peccati legem obnitentem legi mentis suæ senserit & congemuert; postea quam Dei spiritum, Dei Virtutem, Dei Sapientiam, Dei Filium, & unigenitum Deum ad remissionem peccati condemnationemque peccati legis, hominem natum esse cognoverit, qui humanarum passionum forte perfunctus, ad condemnanda in se cœlestium nequitiarum impia tentamenta sit mortuus, ut æternitatem omnibus, qui per habitantem in carne nostra peccati legem moriebamur, inveheret; ac tum hoc sacramento pietatis accepto, post ignorationis noctem in scientiæ lumine collocatus, ita dixit: *Nonne Deo subdita erit anima mea? Ab ipso enim salutare meum. Etenim ipse Deus meus est, salvator meus, susceptor meus: non movebor amplius.* Reperta itaque fidei sede post vagos errores impietatisque sententiam, quia susceptorem suum salvatoremque cognoverit, amplius non movetur. Quid enim ultra ignorationi anxietatique hominum est relictum, cum æternitas animæ & corporis, id est, totius hominis prædicetur, cum assumptio atque susceptio terrenæ nostræ carnis a Deo sub sacramento magnæ hujus pietatis ostensa sit, cum peccatorum remissio condemnata peccati lege sit præstita, cum homini nostro a dextris Dei confessus in cœlis sit?

3. Sed hanc humanæ beatitudinis spem gentilium impietatum studia comminuunt, prudentiæ secularis inanitate profectum homini ad Deum denegantes, & Deo consortium assumpti corporis detrahentes, arbitri moderatoresque divinæ potestatis: quasi difficilior Deo sit assumpsisse hominem, quam eum in tanta naturæ ac vitæ suæ ratione formasse. Hanc itaque impiam eorum obtrectationem Propheta mox arguit, dicens: *Quo usque irruitis in hominem? interficitis universi, tamquam parieti inclinato, & maceræ impulsæ?* Impellunt enim hæc ignorantes atque impiæ disputationes hominem ad vitia proclivem, & quassum jam cadentemque demergunt, consiliis adhortationum fallacium noxiarumque perimentes: quasi parva sibi ipsa conciliatrix vitiorum voluntas sit, quam adhuc desperatio iudicii æterni retributionisque in usum tantum præsentium & corporalium adhortetur.

4. Sed hunc corporis sui parietem, quem ante libido, ebrietas, avaritia, ira perfoderat, jam in se in domum Dei vivis lapidibus exstructum esse non nescit, & in imaginem Dei creatum esse recolit: certusque conformem se Dei gloriæ præparari, subiecit: *Verumtamen honorem meum cogitaverunt repellere, cucurrit in siti.* Illis honorem suum detrahere cogitantibus, ille in siti cucurrit. Est enim sitis bonorum æternorum & spiritalis esuries in sanctis, de qua dictum est: Beati, qui esuriunt & sitiunt iustitiam. Cursum ergo iustitiæ suæ sitiens tenuit, omnem vitam integram etiam ab ipsa contradicentium sibi obtrectatione conservans. Nam & a Domino suo didicit, ut opera omnia sua etiam gentilis testimonii iudicio laudentur, cum dicitur: Sic luceant opera vestra coram hominibus, ut magnificent Patrem vestrum, qui est in cœlis. Sic & Paulus placens omnia in omnibus, neque Judæis, neque Græcis, neque Ecclesiæ scandalum est; ne habeat adversarius male de se quid loqui, illo qui-
dem

dem obtrectandi studium voluntatemque retinente, quamvis se ille liberum ab omni obtrectationis occasione præstaret; quod & in hoc sancto insiti corrente cognoscimus. Sequitur enim: *Ore suo benedicebant, & corde suo maledicebant*; cum & conservantes honorem suum probabilis vitæ confessione benedicerent, & interioris odii malignitate maledicerent.

5. Sed id, quod sibi maxime salutare est, sanctus iste etiam diapsalma interveniente congeminat, indefessæ in nobis confessionis perseverantiam oportere esse demonstrans. Sequitur enim: *Verumtamen Deo subjecta est anima mea, quoniam ab ipso est patientia mea. Quia ipse est Deus & salvator meus, adjutor meus, non emigrabo. In Deo salutare meum, & gloria mea, Deus auxilii mei, & spes mea in Deo meo.* Impellant quidem isti inclinatum parietem, maceriamque jam quassam, & benedicente licet ore, corde maledicant: scit tamen subjectam animam suam Deo esse oportere, quia ab ipso patientia sua sit. Didicit enim ab eo non avertere faciem a sputamentis, nec subtrahere alapis maxillas, nec potandum cum felle acetum renuere, nec post colaphos & flagella maledicere. Ipse enim Deus suus atque salvator, ipse etiam adjutor, ne de patientiæ hujus perseverantia speique suæ fiducia motus emigret. In eo enim est salus & gloria ejus & spes, qui se coexcitatum sibi, conformem sit cœlesti suæ gloriæ redditurus.

6. Et quia spei hujus ipse etiam ceteris, ut Propheta, sit prædicator, subjecit: *Sperate in eum omnis cœtus plebis: & effundite coram illo corda vestra; quia Deus adjutor noster est.* Nihil occultum, nihil clausum, nihil obligatum sub Dei confessione in corde retinendum est. Effundendus coram eo omnis affectus est: ut nihil de nobismetipsis fiduciæ sit, sed ut per eum, ante quem nos tamquam pro peccato effundimus, adjuvemur. Effundenda autem coram eo corda nostra

stra lacrymis & fletibus sunt, secundum illud: Fuerunt mihi lacrymæ meæ panis die ac nocte, dum dicitur mihi quotidie: Ubi est Deus tuus? Hæc recordatus sum, & effudi in me animam meam; effusionem animæ in lacrymarum profusione esse demonstrans; quia per eas rogandus est, qui est solus fidelis adiutor.

7. Sed officio suo functus Propheta, admonitionem suam parvi apud impios scit esse momenti, nam continuo diapalma intercedente subiecit: *Verumtamen vani filii hominum, mendaces filii hominum in stateris; ut decipiant ipsi de vanitate in idipsum.* Vani homines, quia aut ipsi vana sperent, aut in eos sperare sit vanum. Mendaces quoque; quia impietatis suæ sensu aut falluntur, aut fallunt: & in eo mendaces, ut decipiant in stateris, sub iustitiæ scilicet nomine injusta peragentes. Nam ubi examen de se moderatæ prudentiæ pollicentur, ibi studia immoderatæ impietatis exercent, errore se ipsos, quem a ceteris depellere se professi sunt, implicantes. Et idcirco *ipsi de vanitate in idipsum*, illo scilicet recidentes, ex quo se excedere gloriantur.

8. Sed radix maxime iniquitatum in pecuniæ cupiditate est: quam qui appetit, gravissimæ tempestatis naufragio mergitur. Sequitur enim: *Nolite sperare in iniquitate, & in rapinas nolite concupiscere. Divitia si fluant, nolite cor apponere.* Magnæ enim in hisce desiderii sui & amoris illecebræ sunt: rapiunt ingenia, mentesque pendulas apprehendunt. Non solum itaque non concupiscendæ earum rapinæ sunt, verum ab his voluptas nostra, etiam si præbeantur fluantque, referenda est, ne desideratæ cupitæque dominantur. Non enim hæc spebus nostris bona sunt cœterna, neque nobiscum aut condescendunt in infernum, aut conresurgunt de inferno. Fides, pietas, continentia, benignitas expetenda est, & maxime Dei cognitio sectanda est. Ceterum hæc vana, &

per naturam sui ad omnem iniquitatum necessitatem captiosa vitanda sunt.

9. Et quod illud magis ad spem æternitatis expetendum esset, Propheta subjecit, dicens: *Semel loquutus est Deus, duo hæc audiui, quia potestas Dei est, & tibi Domine misericordia, quia tu reddes unicuique secundum opera ejus.* Semel Deo loquente duo audiuit, & necesse est ea sibi esse connexa, quæ sub unius sermonis significatione sunt cognita. Ad Deum namque in exordio psalmi propheticam confessionem retulerat, dicens: *Nonne Deo subdita erit anima mea? Ab ipso enim salutare meum.* Depellendus itaque absolute fuit Judaicæ impietatis furor: ut in Deo patre significari doceretur & Filius, ut nunc in uno etiam alter ostenditur. Eam enim fidem subdendæ Deo animæ suæ esse testatus est, quia ab ipso esset salutare ejus. Et salutarem Jesum esse sæpe tractatum est. Semel autem Deo loquente duo intellecta sunt & audita; sicut illud: Pater, manifestavi nomen tuum hominibus; in Patre significavit & filium, uti nunc semel loquente Domino Deo duo hæc audiuit: *Quia potestas Dei est, & tibi Domine misericordia, quia tu reddes unicuique secundum opera ejus.* Novit Paulus in uno utrumque, id est, neutrum sine altero confiteri, dicens: Unus Deus est, & unus Dominus: quia & in Deo Dominus, & Deus significetur in Domino. Semel itaque loquente Deo hæc duo audiuntur: *Quia potestas Dei est, & tibi Domine misericordia.* Ab ipso enim Salutare ejus est; & Filius omnia accepit a Patre: & idcirco in eo Dei potestas vel accepta, vel nata est. Pater enim non judicat quemquam, sed omne judicium dedit Filio. Retributor ergo uniuscujusque est ille, qui judex est. Sed potestas ejus est, a quo unigenitus Deus est natus in judicem; & potestas ejus a Deo est, qui judicium accepit a Patre: atque ita nec caret potestate, qui judex est, nec miseratione, qui Deus est. Certe necesse

TRACTATUS IN LXII. PSALMUM. 323

cesse est æterni iudicii reus maneat in uno utrumque non confitens, cum tamen non unus intelligendus sit esse, qui uterque sit, dicens: Pater in me, & ego in Patre, Dominus noster Jesus Christus, qui est benedictus in secula seculorum. Amen.

PSALMUS LXII.

Psalmus David, cum isset in desertum Idumææ.

Deus, Deus meus, ad te diluculo video: sivit in te anima mea, quam simpliciter cavo mea. In deserto & invio, & inaquoso, sic in sancto apparui tibi, ut viderem virtutem tuam, & gloriam tuam. Quia melior misericordia tua super vitam, labia mea laudabunt te. Sic benedicam te in vita mea: in nomine tuo levabo manus meas. Sicut adipe & pinguedine repleatur anima mea; & labia mea exultationis laudabunt nomen tuum. Si memor fui tui supra stratum meum, in matutinis meditabor in te, quia fuisti adjutor meus. Et in velamento alarum tuarum exultabo: adhasit anima mea post te, me suscepit dextera tua. Ipsi vero in vanum quæsierunt animam meam, introibunt in inferiora terra, tradentur in manus gladii, partes vulpium erunt. Rex vero letabitur in Domino: laudabitur omnis, qui jurat in eo, quia obstructum est os loquentium iniqua.

TRACTATUS PSALMI.

1. **D**avid in deserto habitasse libro Regnorum continetur: ut, qui passiones Domini præfigurabat, etiam tum eas, cum desertum habitat, prophetaret, unigenito Deo æque in deserto moraturo. Sed ut sancto viro congruum, & tanto Propheta erat dignum, cum declinans odia impiorum solitudini se dedisset,

disset, maximis rerum cœlestium sacramentis occupatur, & ab omni humanæ aut impietatis, aut ignorantis cœtu remotus, animum ad ea, quibus æternitatis cognitio ac meritum acquirebatur, intendit. Non occupatus, non impeditus communium rerum ac seculi curis, sed in illo solitudinis suæ quieto otiosoque secreto, cum nihil in oculos & in mentem offensionis incurreret, solis est divinis studiis negotiosus. Et videamus, unde psalmi sermo sit cœptus.

2. *Deus, Deus meus, ad te de luce vigilo.* Hinc plane ad gratulationem cognitionemque Dei dies cœpta est, cui idipsum orandi ad Deum initium, quod lucis est. Deum quidem universitatis, sed tamen per cognitionis scientiam Deum suum deprecatur.

3. Oratio autem non tam verborum est, quam affectus, & idcirco subjecit: *Sitivit tibi anima mea, quam simpliciter caro mea. In terra deserta, & in invia, & inaquosa.* Deo igitur, penes quem fons vitæ est, anima ipsius sitit, desiderio intenta potandi. Et quidem uniuscujusque mens ad cognitionem spemque æternitatis naturali quodam fertur instinctu: quia veluti insitum impressumque omnibus sit, divinam inesse nobis animarum originem opinari, cum non exiguam cœlestis in se generis cognationem mens ipsa cognoscit. Porro autem terrena hæc corpora, quæ ad vitiorum concreta materiam sunt, dum his, quibus quasi naturaliter delectantur, infecta sunt, desperant se consequi posse consortium munusque cœleste: quasi non & animæ naturam vitia corporis, quibus oblectatur, inficiant; aut cum delectatio corporis redundet ad mentem, non & mentem secum corpus retrahat ad oblectationis affectum. Necesse est autem, ut in eadem condemnatione sit voluptatis, quod in eadem est voluptate. Sed nos spiritualibus doctrinis eruditi, scimus & animæ & corpori salutem a Deo esse datam, si modo post regenerationis gratiam mentis gau-

gaudiis sensus corporis imbuatur, id est: si non secundum carnem, sed secundum spiritum vixerimus: quia spiritus carnisque opera, secundum Apostolum, vitiorum & continentiae studiis distinguantur. Arduum autem, sed maxime verum est, æternitatem ita corporis, ut animæ sperare. Et ideo ad sitim animæ Propheta subjecit: *Sitivit tibi anima mea, quam simpliciter caro mea*, nihil in se sub infidelitatis ambiguitate retinens incertum: sed tam simpliciter, quam anima Deo sitiens, & caro sua sitiat. Sitit enim non corpori, sed Deo sitiens. Nam quamvis eum in deserto, & in invio, & in aquoso manentem necessitas ipsa naturæ ad sitim corporis detineret: tamen etiam per has inediæ & sitis passionis scit fidem probandam esse credentium; ut magis anima Deo, quam corpori sitiat, sitiens & corpori: quia neque fames, neque angustia, neque ulla genera passionum a charitate Dei, quæ est in Christo, sint Apostolum separatura. Sitit ergo Deo Sanctus. Et quid sitiat, psalmo alio testatus est, cum dicit: *Sitivit anima mea ad Deum vivum, quando veniam, & parebo ante faciem tuam.* Hoc animæ desiderium, hæc sitis spei ejus est, ut Dei sibi proveniat aspectus, ut quam primum raptus in nubibus, Deo Christo obviam elevatus appareat.

4. Et desiderii hujus affectum nunc quoque Propheta declarat. Nam post sitis protestationem, post deserti, & invii, & in aquosi inopiam, quia in his veluti militia & victoria sit fidei, subjecit: *Sic in sancto apparui tibi, ut viderem virtutem tuam, & gloriam tuam: quia melior misericordia tua super vitam.* Prophetiæ scientia est pro gerendis gesta memorare. Et hinc frequens auctoritas est, cum aceto potaverunt adhuc in passione potandum, cum disciderunt vestem, quæ discindenda post esset. Ut nunc in siti corporis Deo sitiens, ei in Sancto suo talis apparet, in simplicitate carnis, in siti animæ, in oratione diluculi: quia non

9. Verum hæc non tam verborum officia, quam mentis sunt, ut sacrificium laudis ex operum sanctitate descendat. Itaque continuo subiecit: *Si memoratus sum tui supra stratum meum, in matutinis meditabor in te.* Meditationem matutinam recordatio nocturna consummat: & idcirco de luce ad Deum vigilat, quia ex strati, id est, ex lectuli puritate, & fiducia & conscientia orationis est matutinæ. Obrepentes itaque sub secreto noctis cogitationes Dei recordatione compressit: seseque adversum carnis incentiva luctantem metus nominis Dei sui juvit. Sequitur enim: *Quia fuisti adjutor meus, & in velamento alarum tuarum sperabo.* Dei se meditatione, per quam sibi adjutor est, protegente. Non enim ei alia, quam placendi Deo, cura est, cujus tantum in strato meminit. In eo quoque in matutinis ex nocturna recordatione meditatur, quia adjutor suus est: & sub velamento alarum ejus exultat, id est, tegmine protegentis est tutus.

10. Sed horum omnium hinc profectus, hinc causa est, quia sequitur: *Adhæsit anima mea post te, me suscepit dextera tua.* Amoris hæc vis est, ut his, quos amamus, etiam si absentes sint, hæreamus: dum affectum insitum nequaquam aut locus divellit, aut tempus. Adhæsit ergo Deo Propheta, non blandimentis seculi, non corporis vitiis amorem suum ab eo charitatemque retrahentibus: quia, secundum Apostolum, adhærenti Deo unus est spiritus; & Dominus pro discipulis oravit: Pater, sicut nos unum sumus, ut & illi unum sint in nobis. Adhærens ergo Deo, susceptus a Dei dextera est: id est, per virtutem Dei, quæ significatur in dextera, ab eo, qui Dei & Virtus, & Sapientia, & Verbum caro est factus, assumptum est, conformis gloriæ corporis jam futurus.

11. Et qui susceptus est a Dei dextera, metum omnem a se, qui ab inimicis suis esse possit, abiecit, & fiduciæ suæ non tacuit securitatem, neque justii
judicii

dicii Dei ignorat severitatem, dicens: *Ipsi autem in vanum quæsierunt animam meam, introibunt in inferiora terræ: tradentur in manus gladii, partes vulpium erunt.* In vanum itaque animam suam quæsierunt. Secundum enim Evangelium homo cum corpore animam non perimit, & misericordia Dei melior super vitas est, & hic jam susceptus a dextera Dei est. Terræ autem inferiora introibunt, quia chao invio separantur a sanctis: & in manus gladii tradentur, quia secundum divitem potestas pœnæ, quæ in ore gladii significatur, in impios exferetur. Partes etiam vulpium erunt, fallacium bestiarum sortem adepturi: quia & Herodes est vulpes, & vineam sponsi exterminant vulpes, & foveam sibi filio hominis caput suum nusquam reclinante in impiorum cordibus condiderunt, & dæmonum in his significatas esse nequicias non dubium est, quibus cum Principe eorum præparatus ignis gehennæ est.

12. Sed inter hæc lætitiâ ejus, qui ob humanæ salutis gaudium frequenter ad Patrem exultavit, ostendit: *Rex autem lætabitur in Deo, & laudabitur omnis, quia jurat in eo: quoniam obstruendum est os loquentium iniqua.* Causam, cur rex lætetur, significat, quia quisquis in eo jurabit, in Deo sacramenti hujus religione laudabitur: qui sciat scilicet regem Christum Jesum, qui etiam Deum super omnia, qui secundum Paulum testetur magni Dei salvatoris adventum, qui secundum Esaiam jurans juravit in Deum verum. *Obstruendum enim est os loquentium iniqua;* quia prædicetur ex Lege, & ex Prophetis; atque ab Apostolo in eo nos ante constitutionem mundi, & elegisse Pater, & benedixisse doceatur, & ipse nos coexcitaverit & collocaverit a dextris Dei in cœlestibus, & cum videbunt eum in majestate sua judicare de vivis & mortuis. Per hæc itaque obstruetur os loquentium iniqua. Ipse enim est rex in æternum, & in nomine Domini Jesu

ut per passionem ejus redempti, ita eidem per doctrinæ suæ instituta placituri.

4. Esse autem in præsentī psalmo quædam intelligo, quæ ei homini, quem Dominus asumpsit, aptari posse videantur, ubi dicitur: *Perscrutati sunt iniquitates, defecerunt scrutantes scrutinio*. Significari enim forte in eo existimabitur Judæorum conspiratio: cum testimonia, quibus argui posset, quærentur, nec reperiuntur, & omnia scrutantium ingenia deficiunt: dehinc quod sagittis parvulorum, id est, doctrinis Apostolorum vulnerentur, adversum quos nullam causam justæ persecutionis invenerint, & ideo defecerint contra ipsos linguæ eorum. Hæc quidem non tamquam improbabilia prætermittimus: sed quædam alia in psalmo sunt, quæ ordinem intelligentiæ hujus impediunt. Non longe tamen ab his sermo expositionis nostræ dissentiet.

5. Existimamus enim non modo Apostolorum, qui primi fuerunt, sed cujusque sancti in Domino sperantis confessionem præsentī psalmo contineri. Inter maximas enim sæculi tempestates, & gravissimas humani generis in Deum impietates sumus constituti: cujus per nos fidelem & veram confessionem nunc philosophia irrideat, nunc hæreticorum furor incurset, nunc avaritiæ studia condemnent, nunc ambitionis favor inquietet. Quibus omnibus dissimulandis, tolerandis, vitandis & coarguendis, mens nostra nisi per Deum, prædita non sufficit. Quantis enim & quam molestis disputationum aculeis Dei providentiam, & principalem atque inimitabilem in creato ab eo mundo dominatum ejus, philosophia impugnat: nunc aquis, nunc terræ, nunc ætomia, nunc cælo Dei nomen indulgens? Quam vero ingenioso calliditatis usu fidei doctrinam hæreticus mentitur? Quanto deinde audientium periculo opum gloriam avarus affirmat? Quanto quoque continentiae excidio gaudia corporis volu-

voluptatum assertor exsequitur? Quam pestifera autem ambitioforum in honoris adhortatione facundia est? Quibus omnibus pervigil cura, pernox oratio, & æterna ad Deum confessio repugnabit. Ob hæc igitur fidei nostræ & æternæ salutis excidia, Propheta orare intelligitur in psalmo, ex persona sua quatenus in Deum sperare nos conveniat ostendens.

6. Ait enim: *Exaudi Deus orationem meam, cum tribulor: a timore inimici eripe animam meam.* Ingruentibus his, quæ superius memoravimus, per quæ fides nostra & spes periclitatur, ad eum, qui solus mederi his potest, refertur oratio. Metus est enim, ne infirmam per naturam, & consortium carnis animam, undique subrepentium illecebrarum æstus absorbeat. Adfunt namque quotidie, & pugnant blandimentis fallacibus, quasdam machinas excidii admoventes. Itaque per doctrinam cœlestis eruditionis, pervigilem curam fidei impendere admonemur, timere insidiantem semper hostem, ne incautam securitatem nostram ipse in speculis positus incurset. Vigilandum ergo in oratione Dei est, & semper orandum: ut, cum fatigari anima & affligi subrepentium illecebrarum aculeis cœperit, Deus semper oratus exaudiat, nosque ab his, quæ timemus, eripiat. Ait enim: *A timore inimici eripe animam meam.* Deus enim non tum tantum orandus est, cum, quæ timentur, ingruerint; sed timenda ea sunt, quæ, cum cœperint adesse, dominantur: & semper atque indefessis precibus orandus est, ut nos a timore eorum, quorum dominatum timemus, eripiat. Scriptum est enim in Proverbiis: Cum vocarem, non exaudistis; & cum extenderem verba, non intendistis: sed inania fecistis consilia mea, & consiliis meis non intendistis. Et ego perditionem vestram irridebo. Erit ergo, cum invocabitis me, & ego non exaudiam. Propheta ergo, licet prior tempore, non tamen eorum, quæ postea dicerentur, ignarus est: sed impen-

denti-

dentibus semper tribulationibus anxius, & ad omnem timorem inimici sollicitus, Deum orat ob ea, quæ timet: & ut secum in tribulatione sit, & ut exaudiat, deprecatur. Neque enim Dei misericordiam metus noster, sed fides promeretur: & longæ præparationis documento opus est, ut mereamur audiri. Meminit ergo Propheta ab his se omnibus precatu liberari: & docet orationem suam non ex dominatu eorum, quæ timuerit, sed ex metu esse dominatus.

7. Ait enim: *Protexisti me a conventu malignantium, a multitudine operantium iniquitatem, qui exacuerunt ut gladium linguas suas, intenderunt arcum rem amaram, ut sagittent in obscuro immaculatum.* Non hic Propheta arma bellica, nec enses, aut jacula, aut tormenta arcuum pertimescit. Omnis enim ei in lingua timor est: hujus gladios, hujus spicula metuit. Ab his quidem fide sua tutus est; ait enim: *Protexisti me a conventu malignantium;* sed arcus homicidæ linguæ semper intentus est, & acumen gladii in lingua ejus præsto est. Volant autem lethales ejus sagittæ, & non ambiguum est, quid efficient: scilicet *ut sagittent in obscuro immaculatum.* Et proprietas verbi intelligenda est. Non sanctum, non fidelem, non justum, sed *immaculatum* sagittant, eum, cui per sacramentum Baptismi fordes & maculæ veterum criminum recens ablutæ sunt, nondum tamen firmatæ fidei, nondum doctrinis spiritalibus eruditum, nondum contra hæc pugnacis linguæ arma certantem, sed simplicem, & ex novæ nativitatis infantia tenerum. Hunc ergo sine metu contradictionis alicujus, intento jam pridem arcu, per rerum ignorantiam in obscuro positum vulnerabunt. Ait enim: *Subito sagittabunt eum, & non timebunt:* naturam simplicem, & immaculati novitate imperitam. Hanc enim fallunt, huic occultos laqueos prætendunt, insidiarum secretis latentibus glorian-
tes.

8. Sequitur enim: *Firmaverunt sibi verbum malum, disputaverunt, ut absconderent laqueos; dixerunt: Quis videbit eos?* Tempus discernitur, & inferendi vulneris, & consilii firmati. Nam cum dicitur: *Subito sagittabunt*, futuri temporis opus docetur; cum autem: *Firmaverunt verbum malum*, jam ex præterito consilium firmatæ pridem voluntatis ostenditur. Semper enim excidia adversus fidem præsto sunt, & occultis ac fallentibus insidiis pestiferæ adhortationis doli adjacent, quos a raris quibusque conspici opinantur. Et ideo dictum est: *Absconderunt laqueos, & dixerunt: Quis videbit eos?* Si enim hæreticus pervertere fidem tentet, incredibile est, quantis eam dolis subvertere contendat; si spem æternitatis nostræ philosophus impugnet, mirum in modum omne bonum præsentis vitæ ponet in corpore; omni ingenii sui alacritate ea, quibus doctrinæ cœlestis institutio subrui possit, uterque scrutantes.

9. Sed quid ad Deum humana perversitas? quid adversus opificem operis ingenium? Exquirant licet omnibus argumentationis suæ quæstiunculis excidium veritatis; deficiet tamen in veritatis destructione falsitatis assertio: atque ideo subsequitur: *Perscrutati sunt iniquitates, defecerunt scrutantes scrutinio.* Defectio scrutantium, defectionem supervacuæ contra Deum adhortationis ostendit. Quæ enim non labefactabuntur ingenia, contradictioni veritatis intenta? Rimentur licet omnia naturalium causarum secreta, pervicacique studiorum suorum vigore ipsa cœlestium motuum interna scrutentur: in ipsa tamen operis sui intentione deficient, doctrinis spiritalibus refutati. Qui enim fortuitis motibus agi omnia docent, audient a nobis æternæ virtutis Deum non in fortuitis manere, sed esse mundi creatorem, indefinitæ ut essentiæ, ita & virtutis; ipsum a nemine, sed ex eo omnia, moderantem ea ipsa omnia, & continentem. Qui verò prædi-

INCIPIT
PSALMUS LXIII.
EX CODICE VERONENSI.

In finem Psalmus David.

Exaudi Deus orationem meam, dum deprecor ad te: a timore inimici erue animam meam.

Scrutati sunt iniquitates, defecerunt scrutantes scrutinio. Spiritus enim Prophetalis, qui per David loquebatur, audiens omnia, & sciens universa, hoc in loco non solum Judæorum malignam conspirationem, verum etiam Philosophorum inanem scientiam, & Hæreticorum perversam contumaciam pronuntiat aliquando deficere: in hoc capitulo ostenditur, cum dicit:

*Perscrutati sunt iniquitates,
Defecerunt scrutantes scrutinio.*

Omnium ergo malorum hominum ingenia deficiunt, ut ostendit Propheta. Philosophus enim mundi dominatum impugnat, nunc aquis, nunc terræ, nunc cœlo Dei nomen indulgens. Hæreticus autem doctrinam fidei mentitur: contra quos omnes pervigili cura, & assidua ad Dominum oratione pugnavit. Ob hoc igitur Propheta dixit: *Exaudi Deus orationem meam, dum deprecor ad te.*

Vigilandum ergo in oratione Dei est, ut, cum fatigari anima in pressuris cœperit, Deus semper oratus exaudiat, nosque ab his, quæ timemus, eripiat, in sequenti enim ait:

A timore inimici eripe animam meam.

Deus enim non tunc tantum orandus est, cum, quæ timentur, evenerint. Semper itaque indefessis precibus orandus est, ut nos a timore eorum, quorum

rum dominatum timemus, eripiat. Propheta ergo non ignarus, quæ eventura sint, imminentibus semper tribulationibus anxius, & ad omnem timorem inimici sollicitus, Deum orat ob ea, quæ timet, ut, cum in tribulatione fuerit, exaudiatur; neque enim Dei misericordiam metus noster, sed fides promeretur; & adjecit:

Protexisti me a conventu malignantium, a multitudine operantium iniquitatem; qui exacuerunt ut gladium linguas suas, intenderunt arcum, rem amaram, ut sagittent in obscuro immaculatum.

Sed arcus homicidæ lingua semper intentus est, & acumen gladii linguæ ejus præsto est, volant enim letales ejus sagittæ, & non dubium est, quid efficiant, hoc enim quærunt, ut sagittent in obscuro immaculatum: hunc enim quærit malignus interficere immaculatum, cui per Baptismum facta remissio est veterum criminum, nondum tamen doctrinis spiritalibus eruditum, sed simplicem, & ex novæ nativitatibus infantia tenerum, quærit intento arcu per rerum ignorantiam vulnerare; ait enim:

Subito sagittabunt eum, & non timebunt.

Naturam simplicem & immaculatam, hanc enim fallere quærunt, huic occultos laqueos prætendunt, ut per latentes insidias interficiant innocentem; sequitur enim:

Firmaverunt sibi verbum malum, disputaverunt, ut absconderent laqueos, dixerunt: Quis videbit eos?

Semper enim ex se adversus fidem præsto sunt; & ideo dictum est: *Absconderunt laqueos, & dixerunt: Quis videbit eos?* Si Hæreticus pervertere fidem tentet, incredibile est, quantis eam ingeniis subvertere contendat. Si spem æternitatis nostræ philosophia impugnet, mirum in modum omne bonum præsentis vitæ ponit in corpore; ita, ut ingenii sui virtute celestis institutio subruì possit. Uterque ergo scrutantes

tes deficiunt pro eodem Propheta: *Defecerunt scrutantes scrutinio.* Sed quid ad Deum humana perversitas? quid adversus opificem operis ingenium? licet omnibus argumentis ad evertendam veritatem ingenium suum ostendat, deficiet tamen adversus veritatem assertio falsitatis: atque ideo subsequitur.

Perscrutati sunt iniquitates, defecerunt scrutantes scrutinio.

Exquirant licet omnia naturalium causarum secreta, in ipsa tamen operis sui intentione deficiunt, doctrinis spiritalibus refutati. Qui enim omnia docent, audient a nobis æternæ virtutis Deum. Jam si fidem Hæreticus destruere tentet, Dei filium semper fuisse cognoscet, nullo a Patre intervallo temporis separatum. Cognoscet ipsum esse virtutem, sapientiam Dei, hominis conditorem; hunc prima mundi crimina diluvio abluisse, hunc Moyseo legem dedisse, hunc in Prophetis fuisse, hunc per carnis infirmitatem carnis gloriam renovasse. Deficient igitur adversum ista scrutantes. Post hæc ait:

Accedet homo, & cor altum, & exaltabitur Deus.

Per virtutem enim doctrina Dei eruditur, & cui in altum cor sit, ad Deum, hæc divinæ operationis præconia proferentur; ita, ut eorum ipsorum, qui hæc audiant, confessione laudetur: hoc est ergo: *Accedet homo, & cor altum, & exaltabitur Deus.* Cognita enim scrutantium defectione, & accedente homine cordis alti, magnificentia Dei agnoscitur: nam quis non magnificabit Deum, quem mundi hujus cognoverit conditorem? quis non metuet, quem judicet, sciet? quis non renasci in innocentiam cupiat, cum peccati remissionem per novam nativitatem accipiat? quis jam renatus peccare non desinat, & in innocentia parvuli permanere, cum talium sciat regnum esse cælorum? Hæc professio nostra scrutantium ingenia debilitat; hæc doctrinæ specula, quæ parvulorum sa-

gittæ sunt, stultas disputationes vulnerant; annuntiat-
tis enim operibus Dei, tunc incipient facta ejus in-
telligi, tunc in his lætabitur Justus, tunc eum omnes
recti corde laudabunt. In his est lætitia Sanctorum, in
his spes firmissima: ob hæc Deum, qui recto sunt corde,
laudabunt, scientes esse remissorem peccatorum, mor-
tis peremptorem, diaboli debellatorem, Deum, & Do-
minum nostrum Jesum Christum, qui est benedictus
in secula seculorum.

EXPLICIT PSALMUS LXIII.

PSALMUS LXIV.

In finem Psalmus David.

Te decet hymnus Deus in Sion, & tibi reddetur votum
in Jerusalem. Exaudi orationem, ad te omnis caro
veniet. Verba iniquorum prævaluerunt super nos, & im-
pietatibus nostris tu propitiaberis. Beatus, quem elegisti,
& assumpsisti: inhabitabit in tabernaculis tuis. Replebimur
in bonis domus tua, sanctum est templum tuum, mirabile
in aequitate. Exaudi nos Deus salutaris noster, spes omni-
um finium terra, & in mari longe. Præparans montes in
virtute tua accinctus potentia, qui conturbas profundum
maris, sonum fluctuum ejus. Turbabuntur gentes, & ti-
mebunt omnes, qui habitant fines a signis tuis: exitus ma-
tutini & vespera delectationes. Visitaſti terram, & in-
ebriaſti eam, multiplicasti locupletare eam. Flumen Dei
repletum est aquis, paraſti cibum illorum, quoniam ita est
præparatio ejus. Rivos ejus inebria, multiplica generatio-
nes ejus: in ſilicidiis ejus lætabitur exorienz. Benedices
coronam anni benignitatis tua, & campi tui replebuntur
ubertate. Pingueſcent fines deſerti, & exultatione colles
accingentur. Induti ſunt arietes ovium, & convalles abun-
dabunt frumento; etenim clamabunt, & hymnum dicent.

TRACTATUS PSALMI.

1. **O**pportune superiorem psalmum hic, qui subja-
cet, consecutus est. Est autem & ipse *in fi-*
nem: & congregationem gentium, quæ Dominum lau-
daturæ sunt, nuntiat. Ipse hujus interpretationis no-
stræ fidem reddet.

2. In exordio autem ejus, secundum consuetu-
dinem suam, Propheta orationem omnem ad Deum
dirigit. Omnis enim nobis res atque sermo cum con-
fessione Dei ineundus est. Sed sciens Propheta plu-
res pro diversitate rerum ac studiorum in supervacuis
demorari, specialem & proprium Dei a nobis hono-
rem requirit, dicens: *Tibi decet hymnus Deus in Sion.*
Sion mons quidem Jerusalem adjacens est, sed mon-
tem hunc ejusque nomen, atque etiam urbis ipsius,
Ecclesiam, quæ corpus est Christi, nuncupatam, sem-
per accepimus, Domino in psalmis dicente: Ego au-
tem constitutus sum rex ab eo super Sion montem
sanctum ejus. Et ne in regno eum collis hujus con-
stitutum arbitraremur, in Prophetis, atque etiam in
Evangeliiis dictum est: Gaude valde filia Sion, præ-
dica filia Jerusalem: ecce rex tuus venit tibi. Et
Apostolus: Ea autem, quæ sursum est Jerusalem,
libera est, quæ est mater nostra. Hymnus ergo hic
Deo condecet, qui sit in Sion spiritali & ecclesiastico
canto innocens, & Dei laudibus dulcis.

3. Omnia autem superstitionum genera, quæ
extra religionem Dei sint, condemnat. Plures enim
sunt in demersissimo erroris profundo locati, qui do-
ctrinæ suæ perversitatem quadam inanis laboris pro-
bitate commendent. Cernimus namque nudis philoso-
phos corporibus algere: ipso etiam conjugiorum usu
magistri abstinere: hæretici sicco panis cibo vivunt.
Sed qui tandem otiosi hujus propositi profectus est?
Totum hoc innane atque ridiculum est, & cum ipsis
super-

superstitionis causis miserabile. Deo ergo vovenda sunt contemptus corporis, castitatis custodia, jejunii tolerantia. Atque ideo: *Et tibi reddetur votum in Jerusalem.* Vota enim tantum ecclesiasticæ religionis utilia sunt. Quæ cum & dignis Deo cantionibus, & propositæ in Ecclesiæ observantiæ studio probabuntur, tum digni erimus, pro quibus Deum sanctus Spiritus interpellat. Idem namque per Prophetam loquitur, & docet. Ipse autem, secundum Apostolum, pro nobis inenarrabilibus gemitibus interpellat: atque ideo hic ita dictum est; *Exaudi orationem;* non enim subsequitur, *meam;* ut dicentis persona possit intelligi. Licet enim multi, tamquam hoc deesset, addiderint, non tamen in authenticis extat. Propheta enim non suo sensu, sed inspiratus hæc loquitur: *Exaudi orationem.*

4. Sequitur, ut, quorum oratio sit exaudienda, demonstret. Nec longe expectationem nostram differt, subjecit enim: *Omnis caro ad te veniet.* Humani generis universitatem Scriptura sub carnis nomine designat, ut in Lege. Et dixit Deus: Non permanebit spiritus meus in hominibus istis, quoniam caro sunt; & in eadem: Quoniam corrumpit omnis caro viam ejus; & in Propheta Dominus: Et effundam de spiritu meo super omnem carnem; & in Evangelio: Et Verbum caro factum est, & inhabitavit in nobis. Hujus igitur humani generis orationem exaudiet Deus, quod vanis infeliciū superstitionum doctrinis tenebatur, cum præcepta gentilia omnes eos ad studium impietatis imbuerent, Deum in linguis & saxis & metallis prædicando, & mundi opificem, atque animæ nostræ parentem intra inanimem materiam collocando. Hunc igitur errorem gentes fatentur, quod eos philosophiæ facundia detinuerit in errore: scientes tandem vetera delicta sua, & antiquæ impietatis crimina Deo propitianda esse per Christum. Ipse enim secundum Apostolum nostra placatio est; ait namque:

Quem proposuit Deus placationem per fidem in suo sanguine; & iterum: Ipse est placatio pro peccatis nostris. Veniet ergo ad eum omnis caro, dicens: *Verba iniquorum invaluerunt super nos, & impietates nostras tu propitiaberis.*

5. Sed qui tandem propitiationis effectus est? Vel quid proderit errorem gentilem reliquisse, & doctrinam impiam sprevisse? Et id ipsum non dissimulavit, dicens: *Beatus, quem elegisti & assumpsisti, ut inhabitet in tabernaculis tuis.* Omnis quidem caro veniet, id est, ex omni hominum genere congregamur: sed beatus est, quisquis fuerit electus. Multi enim secundum Evangelium vocati sunt, sed pauci electi. Electi autem sunt nuptiali veste conspicui, puro atque integro novæ nativitatis corpore splendidi. Itaque non res indiscreti iudicii electio est, sed ex meriti delectu facta discretio est. Beatus ergo, quem elegit Deus, beatus ob id, quia electione sit dignus. Scire autem nos convenit, hic beatus, in quam rem fuerit electus, scilicet ad id, quod sequitur: *Inhabitabit in tabernaculis tuis.* Omnis perfectio bonorum, inhabitationis cœlestis est requies. Multas mansiones Dominus in cœlis esse testatur: sed Patrem orat, ut Apostoli, ubi & ipse sit, maneant, dicens: Pater, quos mihi dedisti, volo, ut, ubi ego sum, ibi & illi sint mecum. Ex plurimis ergo mansionibus, Apostolis suis eam, quæ sibi est propria, communicat. Scit Propheta, quanta beatitudo sit in tabernaculis Dei esse, alio loco dicens: Concupiscit & deficit anima mea in atria Domini. Sed non ob id bonorum cœlestium spes adimitur, si non omnes ad cohabitationem Dei eligentur. Plures enim mansiones diversæ dignitati habitantium præperantur. Sed licet diversa sit dignitas, differt enim stella stellæ in gloria: tamen quotquot habitationibus, variis licet, digni habebuntur, fidei fructum & honorem cœlestis gloriæ continentur.

6. Post

6. Post enim beatitudinem ejus, qui ad habitandum in tabernaculis Dei fuerit electus, hoc sequitur: *Replebimur in bonis domus tua: sanctum est templum tuum, mirabile in æquitate.* His ergo bonis Domus Dei replebimur; quia in tabernaculis Dei beatus habitabit. Et quidem interim bona domus, quæ sint, possumus existimare, Ecclesiæ scilicet munera, quæ ei secundum multiplicem fructum Christus indulgit; quia & ipsa secundum Apostolum domus Dei est: Ut scias, inquit, quemadmodum oporteat te in domo Dei diversari, quæ est Ecclesia Dei vivi, columna & firmamentum veritatis. Hæc ergo habet tricesimum, sexagesimum, centesimumque fructum. His ergo bonis domus Dei fides credentium explebitur, quæ interim donorum divisionibus adornatur, sicut scriptum est: Huic enim datur sermo sapientiæ, alii sermo scientiæ, alii fides in eodem Spiritu, alii dona sanationum, alii genera linguarum, alii interpretatio linguarum. Verum sunt & alia plena & perfecta domus Dei munera, nequaquam naturis carnalium sensuum æstimanda. Novit hæc usque ad tertium cælum Apostolus raptus, & prædicat dicens: Quod oculus non vidit, nec auris audivit, nec in cor hominis ascendit, quæ præparavit Deus his, qui diligunt eum. His igitur domus Dei bonis replebimur. Et meritum percipientium horum fructuum docet, dicens: *Sanctum est templum tuum, mirabile in æquitate.* Omnia namque credentium corpora templum Dei esse Apostolus docet, dicens: An nescitis, quod templum Dei estis, & Spiritus Dei habitat in vobis? Si quis templum Dei corruperit, corrumpet eum Deus. Templum enim Dei sanctum est. Ornandum ergo hoc Dei templum est sanctitate atque justitia: ut bonis domus Dei repleatur, ut æquitatis ac fidei operibus mirabile sit. Domum autem Dei etiam ipsum assumptum a Dei filio hominem intelligere erit promptum: quia in eo inha-

bitet omnis plenitudo divinitatis, & per naturæ proprietatem in eo Pater habitet; bonis itaque ejus, id est, virtutis, gloriæ, æternitatis, unoquoque eo replendo, qui se templum Deo sanctum & mirabile in æquitate servaverit. Omnium itaque nostrum spes ista est, ut bonis domus Dei repleamur, ut sanctum & mirabile templum illius simus. Beati quidem sunt, qui jam a Deo ad habitandum in tabernaculis ejus electi sunt: sed festinare nos in consortium hujus beatitudinis congruum est, operationibus id atque orationibus expetentes.

7. Ob quod ita sequitur: *Exaudi nos Deus salutaris noster, spes omnium finium terræ, & in mari longe.* Non competit hæc oratio Judæo. Et quamquam hic liber Legis sit, prophetia tamen non est gentis unius. Spes enim hæc omnium finium terræ est: & quacumque se habitabilis mundi hujus temperies extendit, omnibus Christus in spe est. Quin etiam interni atque externi maris insulæ in hujus nominis virtute requiescunt. Spes enim omnium finium terræ, & in mari longe est. Sed spem oportet non ex inani esse præsumtam: nemagis sit incertorum præsumptio, quam expectatio cognitorum.

8. Itaque cur in eo spes omnium sit, in consequentibus docet, dicens: *Præparans montes in virtute tua accinctus potentia, qui conturbas fundum maris, Jonam fluctuum ejus.* Ad terrenorum montium naturam sermo iste non pertinet: firmati enim sunt, non præparati; præparatio autem futuræ operationis est cœptum. Dehinc memoratorum montium præparatio in accinctu potentiæ atque virtute est: terra autem omnis ex nihilo est jussa subsistere; resque ea potentiæ non eguit accinctu, quæ ex jubendi facilitate pendebat. Utile est autem cognoscere, sicubi in Scripturis montium facta sit mentio. Ait namque Propheta: Audite populi omnes, & attendat terra, & omnes habitantes

in ea. Et erit vobis Dominus Deus in testimonium: Dominus de domo sancta sua. Propter quod ecce Dominus descendet de loco suo, descendet super excelsa terræ, & conteret montes subtus se, & valles liquefcent tamquam cera a facie ignis propter impietatem Jacob. Hæc omnia propter peccata domus Israel. Et rursus: Et commota est, & intremuit terra, & fundamenta montium conturbata sunt, & commota sunt, quoniam iratus est his. Ascendit fumus ab ira ejus, & ignis a facie ejus exardescet, carbonem accensi sunt ab eo. Inclinauit cælum, & descendit, & caligo sub pedibus ejus. Et in consequentibus est: Misit sagittas suas, & dispersit eos; & fulgura multiplicavit, & conturbavit eos: Et in his, quantum lectio docet, descensionem Domini de cælo per Prophetam Spiritus sanctus ostendit, metum terræ, montium trepidationem; ob id, quia his Dominus iratus sit, fumo de ira ejus exorto, igne deinceps de conspectu ejus accendendo. In fumo qui ascendit, præteriti temporis res est: in igne autem accendendo, futuri significatio continetur. Dehinc ne quidquam de natura hebeti & immobili dictum existimaretur, hos montes sagittæ missæ dispergunt, & fulgura multiplicata conturbant.

9. Hoc igitur montium nomine omnem supereminentem virtutem intelligi oportet: quæ se contra Deum exaltans atque efferens, iræ Dei subdidit. Descendens igitur Deus Verbum, assumptum sibi hominem potentia accingens, primum hæc cacumina montium depreffit, diaboli scilicet & suorum contumacem excellentiam protrivit, quos per hanc primæ obtritionis potestatem, pœnæ æterni judicii præparavit. Servavit autem hanc eandem Prophetarationem, dicens: Ascendit fumus ab ira ejus, & ignis a conspectu ejus ardescet. Fumus enim eos interim arsure ignis involvit: atque ob id in præsentis psalmo ita scriptum est:

est: *Præparans montes in virtute tua accinctus potentia.* Accinctio potentia ei, quod indigebat, corpori coaptatur. Non enim Virtus accingitur: sed in virtute Dei potentia homo, quem Dominus assumpsit, accingitur.

10. Contemplandum autem est, quid præparationem montium consequatur. *Qui conturbat fundum maris, sonum fluctuum ejus.* Conturbat non mare, sed *maris fundum*: neque fluctus ejus, sed *sonum fluctuum*. Mare autem, ut prophetia sermo edocet, pro seculo nuncupatur, ut ait: Superinducet Dominus machæram terribilem & magnam, super draconem serpentem pravum, & perimet draconem, qui in mari est. Et iterum: Mare hoc magnum & latum; ibi requiescet draco, quem figurasti ad illudendum ipsum. Vel certe illud absolutius: Veni in altitudinem maris, & tempestas demersit me. Montes igitur, id est, adversariae omnes supereminentesque virtutes pœnæ iudicii præparantur, & maris fundamenta turbantur. In harum enim inimicarum virtutum fiducia seculum consistebat, & hæc in invisibilibus seculi hujus profundis latebant. Sonus autem fluctuum cum fundo maris perturbatur. Turbato enim diabolo, omnia terroris sui ministeria turbantur: & ipse, quo gentes pavebant, adversantium potestatum sonus trepidat. Recordemur vatum murmura, & inconditos bachantium fremitus, & nonnumquam confuso audientium sensu incertum, nescio, quid simulacrorum æra sonuisse, omnem denique profano cerimoniarum cantu mundum resultantem. Nunc vero Domino Christo prædicato, filere omnia confutata & trepida, cum hi templorum & gentium Dii virtute fidelium subjiciuntur ad pœnam: cum credentium verbis torquentur, laniantur, uruntur, & invisibiles nobis atque incomprehensibiles naturæ verbo continentur, puniuntur, abiguntur, cum vates silent, cum muta sunt templa.

Per

TRACTATUS IN LXXXII. PSALMUM.

Per hæc itaque jam iudicio præparantur. Et præparatio ista quid proficit? profecit namque: *Turbabuntur gentes, & timebunt*; cernentes scilicet Deos suos mutos, & tantum ad impositionem manuum nostrarum pænæ suæ vocibus ingemiscetes. Sed posturbationem gentium alii timebunt; timorem enim erit illatura turbatio. Numquid omnes, qui & turbabuntur, & timebunt? Non utique omnes, qui & turbabuntur, & timebunt.

II. Qui ergo timebunt? Qui inhabitant fines. Non subiecit Scriptura, ut assolet, fines terræ, non enim hic de terræ finibus loquebatur. Dehinc ergo sermonis ratio non patitur, ut id adjectum existimemus. Ait enim: *Qui inhabitant fines*. Numquid & gentes, quæ intra fines sunt, non timebunt; & terrarum tantum extrema Deum metuent, ab ejus metu ceteris, quæ in medio habentur alienis? Finis autem est, non res ipsa, sed rei extimum. Extimum vero est, in quo res ipsa deficit. Qui ergo fines inhabitant? Scilicet qui in carne positi, neque in totum adhuc secundum carnem agunt, neque jam omnino finem peccati per desinendi a peccatis consuetudinem tenent: sed volentes desinere, nec penitus desinentes, & finem etiamnum, id est, quamdam proximam defectionem peccati carnis habitantes, nec a carne absunt, nec in totum interna carnis exercent. Apostolus autem, cum in corpore sit, peregrinatur a corpore. Apostolus, cum in vita sit, quotidie tamen moritur: vivit autem jam non ipse, vivit vero in eo Christus. Omnes ille fines ambiguae voluntatis excessit, etiam extra fines corporis peccatique habitat, peregrinando a corpore, dum in corpore est, & quotidie moriendo, dum vivit, & jam non ipse in se vivendo, sed Christus. Ceterum timentium trepidatio ex ambiguae habitationis incerto est: dum adhuc habitando fines timent, nondum penitus, quod jam habitant transendo,

undo, & tamen desinendi voluntate finem jam habent desinendi.

12. Sed videamus, hi, qui fines habitant, cur timebunt, & unde illis metus ingruat. Neque id occultum est; sequitur namque: *Et timebunt, qui inhabitant fines a signis tuis.* Metus ergo omnis a signis est. Sed quæ hæc erunt signa? *Exitus matutini & vespere delectationes. Visitaſti terram, & inebriaſti eam, multiplicaaſti locupletare eam. Flumen Dei repletum eſt aqua, paraſti cibum illorum, quoniam ita eſt præparatio tua.* Ab his igitur signis metus ortus est. Est enim magnum in ſingulis quibusque eorum ſignum. Nam poſt præparationes montium in accinctu potentie, & conturbationem maris fundi & ſonitus fluctuum ejus, progreſſus Eccleſie in matutinorum & vespertinorum hymnorum delectationes maximum miſericordie Dei ſignum eſt. Dies in orationibus Dei inchoatur, dies in hymnis Dei clauditur, ſecundum quod dictum eſt: *Suavis ei ſit laudatio mea; & ruruſum: Elevatio manuum mearum ſacrificium vespertinum.*

13. Succedit igitur & hoc ſequens ſignum: *Viſitaſti terram, & inebriaſti eam, multiplicaaſti locupletare eam.* Terra hæc, qua utimur, non locupletatur, ſed ex fruſtuum ſuorum ubertate locupletat. Non ergo in eam ſermo conveniet, quæ & locupletandi ſe caret ſenſu, & cujus, id eſt, ut locupletet officium. Viſitavit autem Deus terram, id eſt, humani generis nativitatem: eaque viſitata a Deo multiplicatis gratiarum muneribus ditescit, Apoſtolo dicente: *In omnibus ditati eſtiſ in ipſo, in omni verbo & ſcientia.* His enim bonis replemur, & ſine ceſſatione potandi quotidie celeſtium bonorum munus haurimus, pleni divinis copiis atque ebrii. Locupletatio enim oſtenſa eſt eſſe ea, quæ ſuperius nuncupabatur ebrietas.

14. Et locupletationis atque ebrietatis huius fruſtus eſt contuendus. Et qui hic tandem ſit, non taceatur:

TRACTATUS IN LXIV. PSALMUM. 351

cetur: *Flumen Dei repletum est aqua, parasti cibum illorum, quoniam ita est preparatio tua.* Et de flumine ambigendi locus nullus est. Ait enim Propheta: Fluminis impetus lætificat civitatem Dei. Et ipse Dominus in Evangeliiis ait: Qui biberit ex aqua, quam ego dederò, flumina de ventre ejus fluent aquæ vivæ salientis in vitam æternam. Et iterum: Qui crediderit in me, sicut scriptum est: Flumina de ventre ejus exient. Hoc autem dicebat de Spiritu sancto, quem accepturi erant credentes in eum. Hoc ergo flumen Dei aqua repletur. Spiritus enim sancti muneribus inundamur, & in nos ex illo vitæ fonte fluvius Dei aqua repletus infunditur. Habemus etiam & cibum paratum. Et quis hic cibus est? Ille scilicet, in quo ad Dei consortium præparamur, per communionem sancti Corporis in communione deinceps sancti Corporis collocandi. Id enim præsens psalmus significat, dicens: *Parasti cibum illorum, quoniam ita est preparatio tua;* quia cibo illo, quamvis in præsens salvamur, tamen in posterum præparamur.

15. Servat autem consuetudinem suam Propheta, ut tempora, de quibus loquitur, distinguat. Superior namque sermo tamquam de præterito fuit: quæ autem adhuc gerenda erant, gerendorum fide & scientia tamquam jam gesta memoravit. Ut autem ea omnia futuri temporis doceret esse, ait: *Rivos ejus inebria, multiplica generationes ejus: in stillicidiis ejus latabitur, cum exorietur.* Omnis hic orantis est sermo, & ut ea, quæ commemorata sunt, Deus expleat deprecantis. Terra autem visitata, inebriata est: & quomodo nunc rivi ejus inebriantur? Sed meminisse debemus, quod si quis ex aqua Domini potaverit, flumina de ventre ejus effluent: ergo potatione aquæ opus est, ut flumina fluant. Inebriamur autem ipsi, cum Spiritum sanctum, qui fluvius est nuncupatus, accipimus. Dehinc, quia ex nobis diversi gratiarum
rivi

rivi emanant, orat Propheta, ut hos eosdem Dominus inebriet: ut his inebriatis, & dono divini muneris perfusis, generationes nostræ multiplicentur; terra scilicet bona, secundum evangelicam comparisonem, verbi semen excipiens, fructu tricesimo & sexagesimo & centesimo ditefcat. Est autem nobis per sacramentum baptismi renatis maximum gaudium, cum quædam in nobis Spiritus sancti initia sentimus, cum subeat nos sacramentorum intelligentia, prophetiæ scientia, sermo sapientiæ, spei firmitas, sanationum charismata, & in dæmonia subiecta dominatus. Hæc enim tamquam stillicidia nos penetrant, quæ paulatim cæpta fructu multiplici exuberant. In his ergo stillicidiis, cum exorietur, terra lætabitur. Sed stillicidia multiplicantur, ut rivi sint; rivi autem inebriantur, ut flumina sint.

16. Consequens autem est, ut omnem expectationem nostram Propheta confirmet, & doceat, quid montium præparatio, fundi maris turbatio, terræ visitatio, & ejus inebriatio, & fluminis plenitudo consummationis habitura sint. Docet itaque in his, quæ consequuntur, dicens: *Benedices coronam anni benignitatis tuæ, & campi tui replebuntur ubertate. Pinguescent fines deserti, & exultatione colles accingentur. Induti sunt arietes ovium, & convalles abundabunt frumento; etenim clamabunt, & hymnum dicent.* Annum benignitatis Dei ex prophetis atque apostolicis doctrinis cognovimus. Dictum enim est ex persona Domini: Spiritus Domini super me, propterea unxit me, evangelizare pauperibus misit me, prædicare captivis remissionem, & cæcis visionem, vocare annum Domini acceptum, & diem retributionis: annum æterni & beati illius sæculi sine dubio declarat. Namque bonitatis Domini hic annus est, quo erunt indefessa illa benignæ retributionis tempora auspicienda. Hujus igitur anni Dei benedicet coronam jucundissimus & suavissimus visitatæ

tatæ terræ inebriatque fructus. Hæc enim Christi est, depulsa corporum nostrorum corruptione & perempta mortis potestate, victoria. Hæc coronæ sanctificatæ terræ nostræ flore benedicta est Dominus sanctorum suorum choro atque ambitu gloriosus. Tunc libertate campi replebuntur, tunc deserti fines pinguescent, tunc colles exultatione accingentur, tunc arietes ovium induentur. Illud enim retributionis est tempus.

17. Sed discrimen ipsius retributionis est contuendum. In campis enim, quorum in cultura usus est, ea quæ sub lege & cultura Dei fuerint, opera ubertatem consequentur. Ubi autem fines deserti pinguescent, Ecclesiæ, quæ deserta diu fuit, populus repromissionis bonis opimatur. In collibus vero exultatione accinctis; gloriosa martyrum gaudia nuntiuntur; hi enim sunt terris ceteris celsiores. Cum autem arietes ovium induentur, æterna illa & beata Patriarcharum & Prophetarum, & Apostolorum, qui duces gregis sancti sunt, vestis ostenditur; de qua ait beatus Apostolus Paulus: Oportet enim corruptibile hoc induere incorruptionem; & iterum: In quo nolumus dispoliari, sed superindui, ut absorbeatur hoc mortale a vita. Hoc ergo indumento arietes ovium induuntur, & hoc gloriosæ immortalitatis habitu vestiuntur.

18. Sed quamquam diversa retributionum dona monstrata sint, spem tamen præter hæc non exiguanı misericordiæ suæ Deus tribuit, dicens per Prophetam: *Et convallēs abundabunt frumento*; humiliores scilicet, sed tamen non impiæ fidei atque operis homines fructum vitæ sortientur. Non enim ubertate replebuntur ut campi, neque ex deserto pinguescent, neque exultatione accingentur ut montes, neque tamquam arietes ovium induentur, in quibus omnibus definitæ gloriæ munus ostenditur: sed frumento abundabunt, vivendi scilicet substantia non carebunt, quia per in-

firmitatem fidei humiles sunt, & editis circum se collibus vallium more depressi.

19. Ac ne propheticus sermo hos campos, hæc deserta, hos colles, hos arietes, hæc convallia, quæ aspectui nostro subjacent, voce & sensu carentia significare existimaretur, adjecit: *Etenim clamabunt, & hymnum dicent*, Dei scilicet laudes ob hæc diversa retributionum præmia indefessis & maximis vocibus continentes.

I N C I P I T

P S A L M U S LXIV.

E X C O D I C E V E R O N E N S I.

In finem Psalmus David.

Te decet hymnus Deus in Sion, & tibi reddetur votum in Jerusalem.

Hic psalmus proprie in finem, & congregationem gentium, quæ Deum laudaturæ sunt, dictus est: in exordio autem ejus secundum consuetudinem suam Propheta orationem omnem ad Dominum dirigit.

Te decet, Domine, hymnus, Deus in Sion, & tibi reddetur votum in Jerusalem.

Sion quidem mons est adjacens Jerusalem: sed hoc loco montis nomen & urbis Ecclesiam significat, quæ corpus est Christi Domini nostri, ipso dicente: *Ego autem constitutus sum Rex ab eo super Sion montem sanctum ejus.* Hymnus ergo hic Deo condecet, qui fit in Ecclesia, spiritali cantico innocens, & Dei laudibus dulcis; quia subsequitur:

Exaudi orationem meam; ad te omnis caro veniet.

Non enim dicit *meam*, ut dicentis persona posset intelligi: licet enim multi hoc, tamquam deesset, ad-

dide-

diderunt, non tamen in authenticis extat. Propheta enim non suo sensu, sed inspiratus hæc loquitur, & subjecit: *Omnis caro ad te veniet.* Ecclesia enim nondum Christi adventu illuminata, fuit aliquando vanis superstitionibus obnoxia, cum præcepta gentilia omnes homines ad studium impietatis imbuerent, Deum in lignis, & lapidibus prædicando. Sciens autem antiqua crimina sua Deo propitianda, *veniet ergo omnis caro ad eum;* ait dicens:

Verba iniquorum pravaluerunt super nos, & impietatibus nostris tu propitiaberis.

Nam quantum profit, errorem gentilem reliquisse, doctrinam impiam sprevisse, ostendit inferius, dicens:

Beatus, quem elegisti, & assumpsisti, ut inhabitet in tabernaculis tuis.

Omnis siquidem caro veniet ad Deum, id est, ex omni hominum genere congregabuntur. Sed beatus est ille, quisque fuerit electus; multi enim secundum Evangelium vocati sunt, sed pauci electi. Electi autem sunt nuptiali veste, sed & puro atque integro novæ nativitatis corpore splendidi. Qui autem electus est, scire nos convenit, ob quam rem fuerit electus, ad id scilicet, quod insequitur: *Ut inhabitet in tabernaculis Dei.* Omnis ergo perfectio bonorum in requie cœlestis est: multas enim mansiones Dominus in cœlis esse testatur; sed Patrem orat in Evangelio, ut Apostoli, ubi & ipse sit, maneant, dicens: *Pater, quos mihi dedisti, volo, ut, ubi ego sum, ibi sint mecum.* Ex plurimis ergo mansionibus, Apostolis suis eam, quæ sibi est propria, communicat. Scit autem Propheta, quanta beatitudo sit in tabernaculis Dei. Alio loco dicit: *Concupivit & deficit anima mea in atria Domini:* postea autem, cum fuerit electus, hoc sequitur:

Replebimur in bonis domus tua; sanctum est templum tuum, mirabile in aequitate.

Quæ autem sint bona domus, possumus agnoscere; Ecclesiæ scilicet munera, quæ & secundum multitudinem fructus Christus indulgit, quia & ipsa secundum Apostolum domus Dei est. Hæc ergo Ecclesia habet tricenum, sexagenum, centum fructum. His ergo bonis domus Dei replebitur, quæ interim per divisionem bonorum adornatur, sicut scriptum est: *Huic ergo dabitur sermo sapientiæ, alii sermo scientiæ, alii fides in eodem spiritu, alii dona curationum, alii genera linguarum, alii interpretatio linguarum.* Verum sunt & alia plena domus Dei munera, quæ *oculus non vidit, nec auris audivit, nec in cor hominis ascendit, quæ præparavit Deus his, qui diligunt eum.* Ideo insequitur Psalmus dicendo: *Sanctum est templum tuum, mirabile in aqutate.* Omnium namque credentium corpora templum Dei esse, Apostolus docet dicens: *An nescitis, quod templum Dei estis, & spiritus Dei habitat in vobis? Si quis templum Dei corruperit, corrumpet & hunc Deus.* *Templum enim Dei sanctum est, quod estis vos.* Ornandum est ergo hoc Dei templum in sanctitate, atque iustitia, orationibus, atque operationibus, ut bonis domus Dei repleatur, ut sanctum & mirabile templum illius simus. Insequitur post hæc Psalmus dicens:

Exaudi nos Deus salutaris noster, spes omnium finium terra, & in mari longe.

Omnium itaque spes Christus est in mari, atque in terris. Itaque cur in eo omnium spes sit, in consequentibus docet dicens:

Præparans montes in virtute tua accinctus potentia, & conturbans fundum maris, sonum fluctuum ejus.

Hoc loco non ad terrenorum montium naturam sermo iste extenditur, sed qui isti sint montes, alius Propheta ostendit: „Audite populi omnes, & attendat terra, & omnes habitantes in ea: & erit vobis „*Dominus Deus in testimonio, Dominus Deus de „domo*

„ domo sancta sua. Propter quod ecce Deus descen-
 „ det de loco suo, & descendet super excelsa terræ,
 „ & conteret montes subtus se, & valles liquefcent
 „ tamquam cera a facie ignis, propter impietatem
 „ Jacob.“

Nam & in alio Psalmo ita scriptum ostenditur:
 „ Commota est, & contremuit terra, & fundamenta
 „ montium conturbata sunt, & commota sunt, quo-
 „ niam iratus est eis Deus. Ascendit fumus ab ira
 „ ejus, & ignis a facie ejus exardescet, & carbones
 „ accensi sunt ab eo, & inclinavit cælum & descen-
 „ dit, & caligo sub pedibus ejus. Misit sagittas, &
 „ dissipavit eos, & fulgura multiplicavit, & contur-
 „ bavite eos.“ In his, quantum lectio docet, adven-
 tum Domini de cælo per Prophetam Spiritus sanctus
 ostendit, metum terræ, montium trepidationem, ob
 id, quia iratus sit eis Deus, fumo de ira ejus exorto,
 ignem deinceps de conspectu ejus accendendo. Fu-
 mus, qui ascendit, præteriti temporis res est: in igne,
 quia facie ejus exardescit, futuri temporis significatio
 continetur. Hos ergo montes sagittæ dissipabunt,
 & fulgura multiplicata conturbant; omnem scilicet
 supereminentem virtutem. Quicumque se contra
 Deum exaltatus efferet, iræ Dei subditus erit; de-
 scendens igitur Deus Verbum assumptum sibi hominem
 potentia accingens, primum hæc summa montium de-
 pressit, diaboli scilicet excellentiam protrivit, quem
 pænæ judicii præparavit. Servavit ideo hanc Pro-
 pheta rationem, dicens:

Præparans montes in virtute tua accinctus potentia.
 Non enim virtus accingitur, sed in virtute Dei po-
 tentia hominis; id est, ei corporis, quod deerat, co-
 aptatur. Ejus ergo hominis potentia, quem Deus
 asumpsit, accingitur in virtute. Dehinc ait:

Qui conturbat fundum maris, sonum fluctuum ejus.
 Conturbat autem non mare, sed maris fundum: mare

autem, ut est in alio Psalmo, Prophetiæ sermo incurrit, & seculum nuncupatur; sicut ait: *Hoc mare magnum, & spatiosum: ibi requiescet Draco, quem figurasti ad illudendum illum.* Montes igitur, id est, adversarii omnes, pœnæ judicii præparantur, & maris fundamenta turbabuntur. In horum enim fiducia seculum consistebat; turbato enim diabolo omnia erroris sui ministeria turbabuntur. Recordemur autem murmura, & baccantium fremitus, omnium denique profanorum cæremoniorum cantu mundum aliquando sonuisse: nunc vero Domino Christo prædicando, silere omnia, & trepidare, cum Antistites templorum insanientes fidelium virtuti subjiciuntur; cum justorum verbis torquentur, laniantur, uruntur, puniuntur. Per hæc itaque jam judicio præparantur; & præparatio ista quid proficiat, agnosce.

Turbabuntur, inquit, gentes, & timebunt: videntes itaque Deos suos mutos, & ad impositionem manuum nostrarum vocibus ingementes: sed posturbationem gentium, & hi timebunt, qui inhabitant fines. Finis autem postremum tempus est, in quo res ipsa deficit: videamus ergo, hi, qui fines habitant, cur timebunt, & unde illis metus ingruat; sequitur namque: *Et timebunt a signis tuis.* Metus ergo omnis a signis est: sed quæ hæc erunt signa? *Exitus matutini & vespere delectabis;* nam post conturbati maris fundum maximum Dei signum est dies in orationibus. Inchoatur hymnis Dei dies: clauditur, secundum quod dictum est. *Elevatio manuum sacrificium vespertinum.* Succedit & hoc sequens signum.

Visitasti terram, & inebriasti eam. Visitavit autem Deus terram, id est, humani generis nativitatem; eamque visitatam per Spiritum sanctum inebriavit. Multiplicata muneribus Dei, dives efficitur, Apostolo dicente: *In omnibus ditati estis in ipso omni verbo & scientia.* His enim bonis replemur quotidie:
atque

atque ebrii sumus; & unde sit iste ebrietatis fructus, in sequentibus ait:

Flumen Dei repletum est aqua. Nam in Evangelio sic ait: *Qui crediderit in me, sicut scriptum est, flumina de ventre ejus exient.* Hoc ergo dicebat de Spiritu sancto, quem accepturi erant credentes eum. Hoc ergo flumen Dei aqua repletur, Spiritus enim sancti muneribus inunđatur, & in nos ex illo vitæ fonte fluvius Dei aqua repletus infunditur. Habemus etiam & cibum paratum: quis hic cibus est, videamus. Ut autem hæc omnia futuri temporis doceret esse, ait:

Rivos ejus inebria, multiplica generationes ejus: in stillicidiis ejus lætabitur, cum exoriatur.

Terra autem visitata inebriata est; & quomodo nunc rivi ejus inebriantur? Inebriamur autem ipsi cum Spiritum sanctum accipimus. Dehinc orat Propheta, ut hos eosdem rivos inebriet, ut generationes nostræ multiplicentur, ut terra scilicet bona secundum Evangelii comparisonem verbi semen excipiens, fructu tricesimo, & sexagesimo, & centesimo ditescat: id est, ut post Baptismi gaudium subeat in nos Sacramenti intelligentia, Prophetiæ scientia, sermo Sapientiæ, sanationum Charismata, & dæmonia subjecta sint nobis. Hæcenim nos tamquam stillicidia penetrant, quæ paulatim cœpta fructum multiplicem exuberant: in his igitur stillicidiis cum exoriatur terra, lætābimur, sed stillicidia multiplicantur, ut rivi sint, rivi autem inebriantur, ut flumina sint. Post ista insequitur Psalmus dicendo:

Benedices Domino coronam anni benignitatis tue.

Annum æterni & beati illius seculi sine dubio declarat, quia bonitatis Domini hic annus est. Hujus anni benedicitur corona, visitata enim terra jucundissimus annus & suavissimus erit: hæc enim Christi est potestate victoria; hæc corona Domini flore benedicta est, Sanctorum suorum choro gloriosus. Tunc
uber-

ubertate campi replebuntur, tunc deserti fines pinguescent, tunc colles exultatione accingentur, tunc arietes ovium induentur: tunc enim retributionis est tempus; in campis enim, quorum culturæ usus est, ea, quæ sub lege & cultura Dei fuerint opera, ubertatem consequentur. Ubi autem fines deserti pinguescent, Ecclesiæ, quæ deserta fuit, populus repositionis fructu iterum ditatur. In collibus vero exultatione accinctis gloriosa Martyrum gaudia nuntiantur; hi enim sunt hominibus ceteris altiores. Cum autem arietes ovium induentur, Patriarcharum & Prophetarum, & Apostolorum æterna illa & beata vestis, qui duces sancti gregis sunt, ostenditur. Hoc ergo indumento arietis ovium induentur, & hoc gloriosæ immortalitatis habitu vestiuntur.

Et convalles, inquit, *abundabunt frumento*: humiliores scilicet, atque operis boni homines fructum vitæ sortientur, non enim ubertate replebuntur, ut campi, neque exultatione accingentur, ut montes, sed frumento tantum abundabunt; id est, vivendi substantia non carebunt: hi enim campi, hæc deserta, hi colles, isti arietes, hæc convallia *clamabunt*, & *hymnum dicent*, & ob hæc diversa retributionum præmia indefessis maximis vocibus Dei potentiam prædicabunt.

EXPLICIT PSALMUS LXIV.

PSALMUS LXV.

In finem, Canticum psalmi.

Jubilare Deo omnis terra, psalmum dicite nomini ejus, date gloriam laudationi ejus. Dicite Deo, quam terribilia sunt opera tua Domine, in multitudine virtutis tue mentientur tibi inimici tui. Omnes terra adorent te, & psallant

lant tibi: psalmum dicant nomini tuo. **DIAPSALMA.** Venite & videte opera Dei, terribilis in consiliis super filios hominum. Qui convertit mare in aridam, in flumine perambulabunt pede: ibi latabimur in ipso, qui dominatur in virtute sua in aeternum. Oculi ejus super gentes respiciunt: qui in iram provocant, non exaltentur in se. **DIAPSALMA.** Benedicite gentes Deum nostrum, & obaudite vocem laudis ejus. Qui posuit animam meam ad vitam, & non dedit commoveri pedes meos. Quoniam probasti nos Deus, igne nos examinasti, sicut examinatur argentum. Induxisti nos in laqueum, posuisti tribulationes in dorsum nostrum, imposuisti homines super capita nostra. Transivimus per ignem & aquam, & induxisti nos in refrigerium. Et introibo in domum tuam in holocaustis, reddam tibi vota mea, quæ distinxerunt labia mea. Et locutum est os meum in tribulatione mea. Holocausta medullata offeram tibi cum incensu arietum, offeram tibi boves cum hircis. **DIAPSALMA.** Venite & audite, & narrabo vobis omnes, qui timent Deum, quanta fecit anima mea. Ad ipsum ore meo clamavi, & exultavi sub lingua mea. Iniquitatem si conspexi in corde meo, non exaudiet Deus. Propterea exaudivit Deus, & intendit voci orationis mea. Benedictus Deus, qui non amovit deprecationem meam, & misericordiam suam a me.

TRACTATUS PSALMI.

I. **S**uper scriptio psalmi a superiore eo distat, quod in se habet *Canticum psalmi*, cum in anteriore *Psalmus cantici* editus sit. Ceterum æqualiter præscribuntur in finem. Itaque secundum illam, quam in exordio attulimus de titulorum inscriptione rationem, perspicuum est psalmum hunc ob adepta per meritum boni operis spiritualis doctrinæ instituta cantari: quia, quando in super scriptione *Psalmus cantici* est, per cognitionum cælestium prædicationem gesta boni operis continentur in psalmo; cum autem *Canticum psalmi* est,

est, ex operationis obedientia adeptæ spiritualis scientiæ hymnus ostenditur. Canticum enim vocis officium est: psalmus autem ex coaptatione, quam harmoniam nuncupant, organi comparatur, fitque ex imparibus ac dissimilibus modis artificis ingenio apta & consonans & amœna modulatio. Quo exemplo, variis officii nostri & scientiæ ministeriis, gratum Deo opus & sibi consonans comparamus. Et hujus quidem intelligentiæ ipsi nobis psalmi auctores erunt; cum quando sit in Psalmo cantici per scientiæ & cognitionis doctrinam boni operis prædicatio, in Cantico vero psalmi per gestorum meritum gratulatio adeptæ scientiæ intelligatur. Ob eam igitur causam in psalmo præsentī, spiritus prophetiæ a gratulationis doctrina cœpit. Psalmum autem ex persona Prophetarum consistere, res ipsa & ratio demonstrat.

2. *Jubilate Deo omnis terra, psalmum dicite nomini ejus, date gloriam laudationi ejus. Dicite Deo: Quam terribilia opera tua! in multitudine virtutis tuæ mentientur tibi inimici tui.* Primum ergo jubilandum Deo præmonet, secundo psallendum nomini ejus, dehinc gloriam dandam laudationi ejus, tum dicendum Deo: *Quam terribilia opera tua!* postremo id confitendum: *In multitudine virtutis tuæ mentientur tibi inimici tui.* Sed ut rationem atque ordinem ita dispositi hujus sermonis intelligamus, necessarium est id, quod difficultatem affert, paucis absolvere.

3. In latinis codicibus ita legimus: *Jubilate Deo omnis terra.* Et quantum ad eloquii nostri consuetudinem pertinet, jubilum pastoralis agrestisque vocis sonum nuncupamus, cum in solitudinibus aut respondens, aut requirens, per significantiam ductæ in longum & expressæ in nifum sonus vocis auditur. In græcis vero libris, qui ex hebræo proximi sunt, non eadem significantia scribitur. Namque ita se habent: *ἀλαλαξατε τῷ Θεῷ πᾶσα ἡ γῆ, & cum illis ἀλαλαγ-*

μῆς, quem latine jubilum ponunt, significat vocem exercitus præliantis, aut in concursu proterentis hostem, aut successum victoriæ exultationis voce testantis. Quam rem ubi ita se translationis ratio temperavit, absolutius in psalmo altero intelligimus, cum dicit: Omnes gentes plaudite manibus, jubilate Deo in voce exultationis. Vox autem exultationis dissentit ab jubilo; sed pro translationis conditione, quia propria exultantis vocis nuncupatio non reperta est, per id, quod jubilum dicitur, vox exultantis ostenditur.

4. Positi igitur in vitæ istius præliis, & in hoc carnis & sanguinis nostri certamine adversum diabolum exercitusque ejus armis spiritalibus dimicantes, Deo monemur in voce exultationis jubilare. Et ne ad inanimem hanc terræ molem esset sermo referendus, universitas nostra ex terra in primo Adam parente genitorum sub plurali numero monstratur, cum dicitur: *Jubilare Deo omnis terra*. Simul enim & officium omnium docetur, & origo. Terrendus ergo est confessionis nostræ sermone omnis profanus auditor: & adversum diabolum armaque ejus orationum nostrarum sonitu certandum est, & belli nostri victoriæ exultationis voce monstranda est. Audiat orantis populi consistens, quis extra ecclesiam vocem, spectet celebres hymnorum sonitus, & inter divinorum quoque sacramentorum officia responsionem devotæ confessionis accipiat. Necesse est terreri omnem adversantem, & bellari adversus diabolum, vincique resurrectionis fide mortem, tali exultantis vocis nostræ, ut dictum est, jubilo. Sciat hoc Deo placitum esse, hoc spei nostræ testimonium, publicas victricesque exultationis nostræ voces personare: quarum Propheta non negligens est, loco alio memorans: Circuivi & immolavi in tabernaculo ejus hostiam jubilationis: Et ne inanem jubilationis hujus doctrinam atque observantiam crederemus, alibi protestatur: Be-

atus populus, qui scit jubilationem. Necessarium ergo id fidei nostræ est, in cujus scientia beatitudo est.

5. Nam primum in admonitionum ordine Propheta disposuit, ut jubilet Deo omnis terra, secundo ut psalmum dicat nomini ejus. Deo itaque jubilandum est, quia debitum ei a nobis exultantis vocis officium est. Psallendum autem nomini ejus est; quia, ut per organum psalmus est, ita & corporis nostri, quod animæ & affectionis, & negotiorum omnium organum est, artificiosis operibus est placendum. Digne ergo Dei nomine agendum est, ut, in quantum effici licet, dictis Domini obsecundemus dicentis: Sic luceat lumen vestrum coram hominibus, ut videant opera vestra bona, & magnificent Patrem vestrum, qui in cœlis est. Vitæ enim nostræ honestas ad ejus laudem erit referenda, cui vivimus. Denique id ipsum ex subjectis docetur. Sequitur enim: *Pfallite nomini ejus, date gloriam laudationi ejus*; quia ex organi nostri psalterio, id est, corporis animæ famulantis effectibus, præbetur per nos Deo gloriosa laudatio; cum gentes opera nostra contuentes, Patrem nostrum, qui in cœlis est, magnificent. Et dabitur laudi ejus gloria, si digne nomini ejus, organi, id est, corporis nostri operatione psallamus.

6. Docemur etiam consequentibus monitis ad ordinem obsequiæ: Propheta vel Spiritu per Prophetam ita admonente: *Dicite Deo: Quam terribilia sunt opera tua!* Quis enim non trepidet ad majestatem ejus, qui secula instituerit, mundum condiderit, tempora revolubili vicissitudine cursuque dimensus sit, cœlum astris ornaverit, terram fructibus repleverit, mare obicibus concluderit, hominem, ut his aut uteretur, aut dominaretur, elegerit? Per hæc enim omnia virtutis ac potestatis ejus æternitas noscitur, Apostolo dicente: Quæ enim invisibilia ejus, a creatura mundi *ipso factis intellecta* aspiciuntur, æterna quoque vir-
tus

tus ejus & divinitas. Hæc terribile nomen conditoris efficiunt: & operum dignitas majestatem ejus, qui ea sit operatus, ostendit. Horum igitur operum conditor esse Deus & a nobis prædicandus est, & a ceteris confitendus: non hæc omnia esse Dii mentienda sunt.

7. Alii enim fortuitu hæc extitisse commemorant, alii æterna mansisse confirmant. Et idcirco mundum ipsum Deum esse contendunt: dum autem suapte, cum voluit, potestate constiterit, aut dum initio caret, careat dominantis arbitrio. Alii autem solum cælum, quia igneum sit, alii aera, quia motu ac natura indifsecabili circumferatur, alii aquas, quia indefessæ effluant, Deum nuncupant. Plures terræ metalla, robora, scopulos, herbas, Deos adoraverunt. Nonnulli Deos esse aut putrefactorum corporum ossa, aut deflagrantium rogorum busta mentiti sunt: horum omnium conditorem Deum nescientes. Et idcirco talem confessionis nostræ ordinem Propheta esse docuit oportere: *Dicite Deo: Quam terribilia sunt opera tua! in multitudine virtutis tuæ mentientur tibi inimici tui; ex multitudine scilicet virtutum Dei, venerationem falsorum in Diis nominum mentientes.*

8. Sed quia mentiuntur inimici, quid a cunctis fieri oporteat, docetur ita: *Omnis terra adoret te, & psallat tibi: psalmum dicat nomini tuo Altissime:* Mendaciorum inimicorum in nuncupatis Diis demonstrato, salutis nostræ instituta præbentur: ut terrena omnis origo nostra adoret & psallat Altissimo, verum Deum & universorum conditorem relictis impietatum mendaciis recognoscens.

9. Sensum diapsalma distinxit. Sermo enim ad Deum cum oratione directus, ad homines nunc refertur: quos tamquam longe a cognitione Dei consistentes, Propheta ad proximum advocat, dicens: *Venite, & videte opera Dei.* Docuit autem & Apostolus

stolus esse plures longe a Deo positos, quos doctrinæ adhortatio tamquam in vicinia collocaverit, cum ait: Et cum venisset, evangelizavit pacem vobis, qui longe, & pacem his, qui prope. Ex lege enim multi tamquam de prope manentes crediderunt, gentibus longe advocatis.

10. Prophetica igitur prædicatio omnes ad Dei opera contuenda advocavit: sed non ea opera, quæ cunctorum aspectui subjecta sunt, cæli, aeris, terræ ac maris; (hæc enim omnes contuentur;) sed ea, quæ fidelium tantum studiis comperta sunt, quibusque salutem humanam cum ingenti admirabilium virtutum terrore consultum est, Pharaone impietatis suæ pœnis in exemplum humani timoris coercito, ut terror damnationis irreligiosorum metu religionem inchoaret; cum in terræ iter mare aruit, & aquæ in aridam conversæ sunt, cum Jordanem pedibus populus egressus est, & ingressuro repromissionis terram Israel fluens stare iussis, reliquus ad gradiendi securitatem fluminis alveus decucurrit. Ad hujus igitur legis & prophetarum Dei opera contuenda Propheta gentes advocat, dicens: *Venite, & videte opera Dei, terribilis in consiliis super filios hominum. Qui convertit mare in aridam, in flumine pertransibunt pede.* Ipse enim Deus esse intelligendus est, ex cujus terribilibus consiliis humanæ salutem per hæc opera consultum est: ut opinionem de Deo (quia nemo cælum contuens Deum esse non sentiat) scientia nos & cognitio talium operum de auctore confirmet.

11. Verum hæc quamvis virtutum Dei opera sint, non tamen spei & salutem satisfaciunt universorum. Populo enim tantum Legis mare in terram demutatum est, ejusque itineri Jordanis aruit. Sed quid hoc ad universam terræ salutem proficit? Omnibus enim hoc, quod *Venite* dictum est, competit, quia de universis præscriptum erat: *Omnis terra adoret te.* Quid ergo

ergo mihi ad salutem tanto postea genito Jordanis tum arefactus impertit? Impertit plane. Hujus enim primum aquis, peccatorum ablutio Joanne pœnitentiam prædicante donata est: & per quem populo in repromissionis terram iter fuerat, per eum via nobis cœlestis regni, & novæ generationis lavacro possessio æternorum corporum inchoatur, aquis ipsis baptismo Domini consecratis. Ob quod ad id, quod dictum erat: *Venite & videte opera Domini, quam terribilis in consiliis super filios hominum, qui convertit mare in aridam: in flumine pertransibunt pede*, ne ab his, quæ gesta sunt antea, spei nostræ esset intercisa securitas, cum de futuro *transibunt* dixisset, ideo subjectum est: *Ibi lætabimur in ipso*. Per has enim Jordanis aquas, in illa, quæ a Prophetis promissa sunt terræ bona, gressu abluendorum corporum transitum est atque transitur: & ibi cœlestis sacramenti lætamur exordiis. Cujus lætitiæ & tempus & causam alius Propheta testatur, dicens: Lætare desertum sitiens, & exultet desertum, & floreat tamquam lilium, & effloreat, & exultent deserta Jordanis. Invalescite manus invalidæ & genua dissoluta, consolamini modici animi, sensu invalescite, nolite timere. Ecce Deus noster judicium reddet, ipse veniet, & salvabit nos. Tunc aperientur oculi cæcorum, & aures surdorum audient, & audietur lingua mutorum. Tunc saliet claudus tamquam cervus. Hoc ergo illud est, quod significatur: *Ibi lætabimur in ipso*. Quæ in adventu Domini & Jordanis baptismo, & infirmitatum omnium curatione expleta sunt. Quod autem, *ibi lætabimur*, ad Jordanem pertinet. Ita enim dictum est: *In flumine pertransibunt pede, ibi lætabimur*.

12. Quod autem *in ipso*, quis iste sit, in quo lætabimur in ipso, Propheta subjecit, dicens: *Qui dominabitur in potentia sua in æternum*. Non ambigimus, quis iste erit, si dicti hujus evangelicæ recordemur.

Data

Data est mihi omnis potestas in cœlo & in terra: euntes nunc docete omnes gentes; & Apostoli dicentis: Propter quod exaltavit eum Deus, & donavit illi nomen, quod est super omne nomen; ut in nomine Jesu omne genu flectatur, cœlestium, & terrestrium, & infernorum, & omnis lingua confiteatur, quia Dominus Jesus in gloria est Dei patris. Et hæc non de divinitatis suæ dicta sunt potestate. Illa enim ut semper est dominans, ita & dominabitur semper: sed in æternam gloriam ejus assumptæ ex Virgine carnis natura transfertur. Jesus enim ejus hominis, qui ex Maria natus est, nuncupatio est: & Jesu nomen, quod super omne nomen, est donatum. Non enim hic, ut in ceteris, Jesu Christo, sed Jesu tantum. Ei enim a cœlestibus, & terrestribus, & infernis adorato, & per omnem linguam in Dei patris gloria esse confesso, æterni regni donatur arbitrium. Sed ut in pluribus, nunc quoque latinitas nostra non satis proprie significationem dicti græci elocuta est. Quod enim nobiscum scribitur: *Qui dominabitur in virtute sua in æternum*, in græcis ita legitur: τῷ δεσποζοντί ἐν δυνάσει αὐτοῦ τοῦ αἰῶνος. Quod nobiscum *in æternum*, id simplex & in omne tempus sine definitionis alicujus proprietate commune est: quod cum illis τοῦ αἰῶνος, id certi & designati seculi significationem habet.

13. Unigenitus enim Dei filius etsi regnavit semper, non tamen semper regnavit in corpore. Ergo ubi designati & tamquam demonstrati seculi dominatio, per id, quod τοῦ αἰῶνος dicitur, virtute verbi ipsius continetur; tempus illud ostenditur, quo glorificato in gloriam Dei corpori & nomen Dei donatur & regnum. Et hujus quidem dominandi seculi tempus absolute Apostolus docet, dicens: Cum evacuaverit omnem principatum & potestatem, & virtutem, novissima inimica devincetur mors: tunc solus in virtute sua seculo dominabitur. Nunc enim quamvis

vis regnet, tamen princeps hujus seculi petiit, ut modo tritici Apostolos cerneret: & sunt spirituales nequitiæ in celestibus, adversum quas spiritalibus non armis beatus Paulus instruxit, adversus quas militantes nos fidei nostræ Angeli, qui secundum Evangelia quotidie in cælis Deum patrem vident, prosequuntur, & misericordia Dei protegit.

14. Atque ob id consequitur: *Oculi ejus super gentes respiciunt.* Ab omni enim in peccatis morante, vultus Domini aversus est. Hæc namque indemutabilia Dei significata conversio est: non quod tamquam per naturam corporalem se quoquam aut avertat, aut referat; sed quod par-atque idem æqualiter semper manens, uniuscujusque auxilio pro meritum diversitate aut desit, aut adsit. Ex persona enim peccatorum ita scriptum est: Averte faciem tuam a peccatis eorum; & iterum: Quare avertis faciem tuam & dexteram tuam? Et rursum: Avertisti faciem tuam, & factus sum conturbatus. Ubi autem justorum persona tractatur, hæc dicta sunt: Oculi Domini super justos, & aures ejus in preces eorum; & iterum: Oculi tui videant æquitates; & deinceps: Designatum est super nos lumen vultus tui Domine. Ergo incorporalis Deus misericordiæ suæ oculis, tamquam ministerio famulantium Angelorum protegit gentes; & in omnes credentes donum se divinæ miserationis effundit.

15. Hoc Judæi denegant, his operibus Dei infidelis populus contradicit, gloriam sibi in Abraham electi generis usurpans. Et consequentibus istud dictis Propheta demonstrat, ad id, quod dixerat: *Oculi ejus super gentes respiciunt*, connectens illud: *Qui iram provocant, non exaltentur in se.* Hoc quod in se exaltantur, Dominus in Evangeliiis condemnat, dicens: Nolite proferre inter vos, dicentes: Patrem habemus Abraham; potens est enim Deus ex lapidibus istis su-

scitare filios Abrahæ. Quod autem in iram provocant, omnifariam Prophetæ loquuntur. Esaias: In iracundiam provocastis sanctum Israel; ad Ezechiel quoque Spiritus loquitur: Fili hominis, mitto te ego ad domum Israel, qui exacerbaverunt me; & in Psalmis: Exacerbaverunt spiritum ejus; & rursus: Frequenter liberavi eos, ipsi vero me exacerbaverunt. Omnes ergo operationem & misericordiam Dei in salutem gentium denegantes, in iram provocant misericordiæ & salutis auctorem: quia in se gloriosi & exaltati, iram ejus, qui solus gloriosos potest efficere, exacerbant.

16. Interjectio rursus diapsalmi, & sensus & personæ demutationem docet. Nam sub hac significatione frequenter alterum, nonnumquam utrumque distinguitur. Superior enim sermo ex Prophetæ persona omnis fuit, dicentis: *Venite, & videte opera Dei, quam terribilis in consiliis super filios hominum*; sequentem vero apostolicum esse oportebat: ut his invitantibus, istis prædicantibus, eadem doctrina veteris ac novi Testamenti prædicatio contineretur.

17. Horum igitur adhortatio refertur ad gentes, cum dicitur: *Benedicite gentes Deum nostrum*. Non ex inani *nostrum* Prophetæ sermo subjecit. Non utique illos, quos Deos putabatis, heroum nomina, vel elementorum creationes, vel materiem metallorum, sed *nostrum*, & eum, cujus opera recensentur, qui terribilis in consiliis super filios hominum, qui convertit mare in aridam, qui dominatur in virtute sua in æternum. Hoc enim proprium apostolicæ doctrinæ est, Deum ex Lege ac Prophetis in Evangeliiis prædicare.

18. Sed id, quod consequitur: *Et obaudite vocem laudis ejus*, intelligentiam confundit. Nam vox laudis, non ejus, qui laudatur, sed ejus, qui laudet, auditur. Et quomodo gentes, ut vocem laudis obaudiant,

diant, admonentur? Verum & hic latinitas nostra proprietatem dicti in translatione non reddidit. Nam hoc, quod nobiscum scribitur, *Obaudite vocem laudis ejus*, a Græcis ita dictum est: *καὶ ἀκυστάτε τὴν φωνὴν τῆς αἰνεσεως αὐτοῦ*. Quo verbo id significatur, ut obaudiri posse efficiant vocem laudis ejus: quod plenius intelliget, qui meminerit Dominum in Evangeliiis dixisse: Quod dico vobis in tenebris, dicite in lumine; & quod in aure auditis, prædicate super tecta. Deus namque constanti & publica prædicatione laudandus est: neque debet in commemorandis virtutibus ejus fides nostra trepidare.

19. Sed quæ tandem vox laudis ejus audiri efficienda est? Nempe ea, quod credentium animam posuerit in vitam, quod apostolicæ prædicationi & Martyrum confessioni constantiam, & perseverantiam largitus sit confitendi, quorum discursibus orbem terræ quibusdam quasi pedibus cœlestis regni prædicationis transcurrit. In omnem enim terram exiit sonus eorum. Et alibi spiritalis discursus gloriam clamat Spiritus sanctus: Quam speciosi pedes evangelizantium bona, evangelizantium pacem! Hæc ergo vox laudis Dei prædicantium audienda præconio est, Propheta testante: *Qui posuit animam meam ad vitam, & non dedit commoveri pedes meos*. Non enim humanarum comminationum terriculis a cursu prædicationis suæ Apostoli deflexi sunt: neque firmitas pedum insistentium a fidei gressu commota est, quin semper judicii & regni æterni Dominum prædicarent.

20. Locutus autem ex unius persona Spiritus prophetiæ, rem ipsam non uni tantum nomini competere significat. Nam cum dixisset: *Et non dedit commoveri pedes meos*, subjecit: *Quoniam probasti nos Deus, igne nos examinasti, sicut examinatur argentum*. Sermo itaque cœptus ex uno refertur ad plures. Est namque unus spiritus, & una credentium fides; se-

cundum quod in gestis Apostolorum est: Erat credentium anima & cor unum. Atque ita, cum ab uno cœptum designatur in plures, unanimitas docetur in pluribus. Sed quæ tandem comparationis similitudo est, examinatos eos igni, sicut examinatur argentum? Et, ut arbitror, examinandi argenti illa sola ratio est, ut sordes, quæ ex prima terræ materie adhæserint, decoquantur, ut, quæ fraudulentè ex alterius metalli natura admixta fuerint, purgentur. Deus itaque credentes in se non tamquam fidei eorum ignarus examinat, sed quia etiam secundum Apostolum tentatio probationem affert, examinantur credentes non ad cognitionem Dei, sed ad sui probationem: ut igne purgati, & ab admixtione vitiorum carnalium defæcati, splendeant examinatæ innocentiae claritate.

21. Tentationum autem genera & diversas Martyrum victorias contuentes scimus, quibus modis anima ponatur in vitam, cujus contemptu defævientibus pœnarum ingeniis, a fidei gressu & testimonio non moventur. Alii enim in vinculis carcerum gloriantur, alii cæsi in verberibus gratulantur, alii potestati irreligiosorum defecanda feliciū caputū colla submittunt: plures in exstructos rogos currunt, & trepidantibus pœnæ ministris, ignem saltu devotæ festinationis insiliunt: alii in profundum demergendi, non in aquas necaturas, sed in refrigerium æternæ beatitudinis decidunt, toto ipso se corpore Deo hostiam tamquam holocausta præbentes.

22. Percurrit ergo per hæc passionum genera ex persona Apostolorum, Evangelistarum, Martyrum propheticus sermo, dicens: *Ignem nos examinasti, sicut igne examinatur argentum. Induxisti nos in laqueum, id est, in custodiæ catenas. Posuisti tribulationes in dorsum nostrum, pœnas scilicet verberum, quibus cum Apostolis Petrus gaudet, & Paulus exultat. Imposuisti homines super capita nostra. Transivimus per ignem & aquam*

aquam. Gloriosas videlicet Martyrum mortes commemorat, gladii, ignis, profundus. Sed qui transit per ignem & aquam, non in his aboletur, sed in aliud per illa transducitur. Et quo transducatur Propheta, non nescit, dicens: *Et eduxisti nos in refrigerium.* Hujus refrigerii & in alio loco meminit, dicens: Convertere anima mea in requiem tuam, quia Dominus benefecit mihi. Eripuit animam meam de morte, oculos meos de lacrymis, pedes meos de lapsu. Bene placebo Domino in regione viventium: animam videlicet suam in requiem beatæ illius resurrectionis hortatus, in qua post mortis istius tempus omni humanarum calamitatum labe deterfa, non doletur, non fletur, non peccatur, sed vivitur. In hujus igitur beatitudinis per ignem & aquam refrigerium educti sunt,

23. Et ne aut pertranseuntis aquas natatus, aut transilientis ignem saltus, aut introductio in refrigerium communis alicujus & terreni loci requies significari existimaretur, adjecit: *Introibo in domum tuam in holocaustis.* Holocausta sunt integra hostiarum corpora, quæ, quia tota ad ignem sacrificii deferebantur, holocausta sunt nuncupata. Per hæc igitur genera poenarum, Martyres in fidei testimonium corpora sua holocausta voverunt: ut in Dei domum, id est, in cælestis domicilii habitationem consummatis hostiarum suarum sacrificiis introirent.

24. Sed quid tandem in hac corporum suorum oblatione voverunt? Scilicet ut per hæc martyrii sui exempla gentes ad spem regni æterni erudirent. Qui enim tum Christum prædicabant, non sibi, quibus tum erat cognitus, sed nobis, qui futuri adhuc eramus, vel quibus tum erat incognitus, prædicabant. Quæ eorum prædicatio omnis posteritatis fidem ad martyrii desiderium accendit. Non enim causa alia prædicabant, nisi ut fidei suæ & martyrii exemplo plures martyres erudirent. Quod Paulus docuit, dicens:

Ego Paulus vinctus Christi Jesu pro vobis gentibus. Atque ob id in hujus prædicationis fructu Deo se vota reddere confitentur, dicentes: *Reddam tibi vota mea, quæ distinxerunt labia mea. Et locutum est os meum in tribulatione mea. Holocausta medullata offeram tibi cum incenso & arietibus, offeram tibi boves cum hircis.* An ignorat Propheta ex persona Dei in spiritu se locutum: Non accipiam de domo tua vitulos, neque de gregibus tuis hircos? &: Numquid manducabo carnes taurorum, aut sanguinem hircorum potabo? & rursum: Quoniam si voluisses sacrificium, dedissem utique, holocaustis non delectaberis. Cesset igitur opinionis nostræ error, ut hæc vovisse Martyres existimemus. Sed in martyriis posteriorum reddunt Deo, quæ locuti sunt vota, ipsi quidem se primum Deo voventes, & se ipsos holocausta præbentes: quia in his domum Dei introibunt, in passionum suarum tribulationibus Pauli voce clamantes: Quis nos separabit a charitate Dei? tribulatio, an angustia, an persecutio, an fames, an nuditas, an periculum? &: Confido, quod neque mors, neque vita, neque præsentia, neque futura, neque creatura alia poterit nos separare a charitate Dei, quæ est in Christo Jesu. Hæc ergo in tribulatione primum beatorum Martyrum vota sunt, quæ in tribulationibus suis loquuntur & spondent: tum deinde, ut ex nobis holocausta medullata consumment. *Medullata* ob id, quia fides animæ & cordis officium est, resque hæc voluntatis internæ est. *Cum incenso* quoque arietes offeruntur. Quid autem sit incensum, ita hoc eodem psalmorum libro docemur: Fiat oratio mea tamquam incensum in conspectu tuo; in incenso, orationes intelligendas esse significans. Qui vero sub arietum nomine ostendantur, anterior psalmus ostendit, cum ait: Induti sunt arietes ovium: in his enim tamquam in principibus gregum significat sacerdotes, quos doctrinæ apostolicæ eruditio cum orationum odore (Bo-
nus

nus enim, secundum Apostolum, in Christo odor fumus) ad martyrii studium prosequitur. Non solum autem arietes cum incenso offeruntur, sed etiam boves offeruntur, id est, contumacis naturæ pecora in culturam Dei mitigantur, in hoc martyrium Christi nominis doctrinis apostolicis edomita.

25. In eo autem quod dicitur: *Offeram tibi boves cum hircis*, virtutem verbi ex hebræo in græcum demutati latinus sermo non tenuit. Nam quod nobiscum est, *offeram tibi boves cum hircis*; cum illis ita habetur: *αγοισιν βοας μετὰ χειμαρρῶν*. *Χειμαρρῶν* cum Græcis non proprium, sed appellativum nomen hircorum est, & eorum maxime, qui in ipso hiemis tempore editi sunt. Et Scriptura hoc in loco tantum *χειμαρρῶν* nuncupavit; ceteris autem locis *τράγους*, quos nos hircos dicimus, posuit. Confirmat autem spiritualis intelligentiæ sensum aliorum consonans sibi & concors translatio, qui pro *χειμαρρῶν*, *τράγους* transtulerunt. *Τράγοι χειμῶν* autem significantur, qui ex ipso tempore editi sunt; *χειμαρρῶν* autem, quos hiems genuit, unde & torrentes eodem vocabulo græcitas nuncupat, quos ex nihilo in fluvios hiems auxerit.

26. Ergo cum ait *βοας μετὰ χειμῶν*, non de pecudibus se loqui propheticus sermo demonstrat, sed in bobus Ecclesiæ se homines ostendere, in *χειμαρρῶν* autem eos, quos ipsa persecutionis tempestas in martyrii gloria genuerit. Scimus enim plures sacramentorum divinorum ignaros, exemplo Martyrum ad martyrium cucurrisse: & extra scientiam fidei anteviventes, facto fidei præsentis edoctos, ipsam illam consummatæ in martyrio fidei gloriam consecutos. Qualis fuit ille, qui Dominum in ipsa sua damnatione confessus est, dicens: Memento mei Domine, cum veneris in regnum tuum: Qui mox tale martyrii huius a Domino munus accepit: Amen dico tibi, hodie me-

cum eris in paradiso. Hujus igitur similes apostolicæ doctrinæ eruditio Deo offert, cum hominibus diurnæ frugiferæque culturæ, sub ipsa defævientis hiemis tempestate progenitos: Dicente autem Deo: Quo mihi multitudinem hostiarum vestrarum? Plenus sum: Holocausta arietum & adipem agnorum, & sanguinem taurorum & hircorum nolo: Quis enim hæc exquisivit de manibus vestris? Superfluum est existimare, in bobus & hircis tamquam perfecta solemniorum vota placuisse.

27. Demutat ut in ceteris interjectio diapsalmæ personam atque sensum, doctrinæ tamen ordine non dissidente. Postea enim quam ex persona Apostolorum, Evangelistarum, Martyrum, Prophetarum ostenderat, quibus modis anima ejus posita esset in vitam, id est, per passionum pœnas atque mortes, per quas in locum beatitudinis transisset, reddens in holocaustis Deo vota: post hunc ergo sermonem, quem omnem ad Deum habuerat, eos nunc, quos ad holocaustorum solemnia erudierat, affatur, dicens: *Venite, & audite, & enarrabo vobis omnes, qui timetis Deum.* Advocat non incertos, neque ad incerta. Nam qui sint, quos advocet, docet: *Omnes, qui timetis Deum;* irreligiosis enim neque adeundi, neque audiendi voluntas est. Dehinc quid enarraturus sit, significat: *Quanta fecit anima mea.* Hanc enim posuit in vitam, hanc in refrigerium induxit, hæc in holocaustis domum Dei introibit.

28. Sed ut hæc animæ fierent, ex causis meruit, ut fierent. Quibus vero causis meruit, edicit: *Ad ipsum clamavi ore meo.* Meruit ergo bona animæ, quia ad eum ore clamavit. Sed clamor oris plerumque mendax est: & non semper verborum sonus affectum mentis enuntiat. Sequi ergo clamorem oris debet & sensus, & secutus est. Nam Propheta connexuit: *Et exaltavi sub lingua mea; non in lingua, sed sub lingua;*

que; in occultis scilicet linguis, & quodam intra se tacite voluntatis eloquio. Quod idipsum in Evangeliiis Domino placuit dicenti: Intra in cubiculum tuum, & claude ostium tuum, & ora: & Pater tuus, qui videt in abscondito, reddet tibi. Ergo nunc, qui ore clamatus est, exaltatur sub lingua Deus.

29. Sed qui sub lingua exaltatur, omni cordis puritate venerandus est: nec sufficit non egisse aliquid impium, si mentis oblitatur impietas. Ab eo autem, qui sub lingua exaltet Deum, hanc impietatis cogitationem abesse oportere Propheta docuit, dicens: *Iniquitatem si confpexit in corde meo, non exaudiat Deus. Propter hoc exaudivit me Deus, & intendit voci orationis mee.* Iniquitatem non modo re non effecit, sed nec corde conspexit. Vel certe iniquitatem non conspexit in corde, nullum scilicet vitium iniquæ suæ voluntatis in corde suo contuens: & ob id dignus audiri. In vitam enim ejus anima posita est, pedesque ejus non commoti sunt, & in refrigerium inductus est, & domum Dei introibit, & quæ distinxerat labilis vota persolvit Deo. Honoris & gloriæ confessione subnixus, ait: *Benedictus Deus, qui non amovit deprecationem meam, & misericordiam suam a me,* laudem Dei cœptam in exordio psalmi, in fine confessus, cui gloria est in secula seculorum: Amen.

I N C I P I T

P S A L M U S LXV.

E X C O D I C E V E R O N E N S I.

Jubilate Deo omnis terra, Psalmum dicite nomini ejus.

Primum ergo jubilandum Deo præmonet, secundum psallendum nomini ejus, dehinc dandam gloriam

laudationi ejus; tunc dices Domino Deo: *Quam terribilia sunt opera tua*: postremo confitendum: *In multitudine virtutis tuæ mentientur tibi inimici tui*. Sed ad rationem, atque ordinem hujus sermonis necessarium est id, quod difficulatem affert, paucis absolvere. In latinis codicibus ita legimus:

Jubilare Deo omnis terra.

Sed quantum ad eloquii nostri consuetudinem pertinent, jubilum pastoralis agrestisque vocis sonum nuncupamus, cum in solitudinibus aut respondens, aut requirens ductæ in longum sonus vocis auditur. In Græcis vero libris, qui ex Hebraico proximi sunt, significationem ejusmodi habet ALALAGMUS, quem Latini jubilum ponunt: significat vocem exercitus præliantis, aut in concursu *propter rem* hostem, aut successum victoriæ exultationis voce testantis. Vox autem exultationis dissentit a jubilo. Positi igitur & nos sumus in vitæ istius præliis, & in hoc carnis, & sanguinis nostri certamine, adversum Diabolum, exercitusque ejus armis spiritalibus dimicantes, propter quod monemur: Deo in voce exultationis jubulare. Feriendus est ergo confessionis nostræ sermone omnis profanus auditor, & adversum diabolum armaque ejus orationum nostrarum sonitu certandum est, & belli nostri victoria exultationis voce monstranda est.

Audiat orantis populi vocem, quis extra Ecclesiam spectans, celebres hymnorum sonitus cum devota responsione confessionis accipiat: necesse est terreri omnem adversantem, cum audiat victrices voces nostras exultationis gloria personare: *Date gloriam laudationis ejus*; tali enim laudatione cum gentes opera nostra contuentur, Patrem nostrum, qui in cælis est, magnificabunt, & dabunt nomini ejus gloriam.

Dicite Deo, quam terribilia sunt opera tua!

Quis

Quis enim non trepidet ad maiestatem ejus, qui secula instituerit, mundum condiderit, tempora per vices dimensus sit, cœlum astris ornaverit, terram fructibus repleverit, mare obicibus concluderit, hominem, ut his aut uteretur, aut dominaretur, elegerit. Per hæc omnia virtutis signa potestatis ejus aeternitas noscitur, ista enim terribile nomen conditoris efficiunt: horum igitur operum conditor esse Deus, a nobis prædicandus est, & a ceteris confitendus.

In multitudine virtutis tuæ mystentur tibi inimici tui.

Ex multitudine scilicet virtutis Dei falsorum scilicet Diis nomina vana efficiuntur, & quia mententur inimici, quid a cunctis fieri oporteat, docetur ita:

Omnes terræ adorent tibi, & psallant tibi; Psalmum dicant nomini tuo Altissime. Venite, inquit, & videte opera Dei.

Invitantis verbum est; doctrinam enim Dei tamquam in vicinio collocatam posuit. *Est cum venisset*, inquit, *evangelizavit pacem his, qui de longe, & pacem his, qui de prope.* Ex lege enim multi tamquam de propemanes crediderunt; ex gentibus autem longe positæ Prophetæ prædicatio omnes ad Dei opera contuenda advocat: sed non ea opera, quæ cunctorum oculis subjecta sunt, cœli, aeris, terræ ac maris; hæc enim omnes contuentur; sed ea, quæ fidelium tantum studio comperta sunt, cum ingenti & admirabili virtute Pharaonem pro impietatis suæ meritis in exemplum humani timoris oppressit; cum mare siccatum est; cum Jordane populus pedibus egressus est: ad hujus igitur Dei opera contuenda Prophetæ gentes advocat, dicens:

Venite, & videte opera Domini, terribilis in consiliis super filios hominum. Qui convertit mare in aridam, in flumine pertransibunt pede. Sed quid ad universæ terræ salutem proficit? Videamus, quid nobis tanto postea

postea gentis Jordanes tunc arefactus impertit, hujus enim aquis primum peccatorum ablutio Joanne pœnitentiam prædicante donata est: per hunc enim fluvium in repromissionis terram populo iter fuerat; nunc quoque per eum via nobis cœlestis regni demonstratur, aquis ipsius Baptismo Domini consecratis. Ubi *latabimur in ipso*, Propheta subjecit, dicens:

Qui dominabitur in potentia sua in æternum.

Unigenitus enim Dei filius, & si regnavit semper, non tamen semper regnavit in corpore: nam hoc loco tempus illud ostenditur, quo glorificato in gloriam Dei corpori & nomen Dei donatur, & regnum.

Quoniam probasti nos Deus, igne nos examinasti, sicut igne examinatur argentum.

Comparisonis similitudo est: examinandi argenti illa sola ratio est, ut sordes, quæ ex prima terræ materie adhæserint, decoquantur; & si ex alterius metalli natura admixta fuerint, purgentur.

Deus itaque credentes in se, non tamquam ignarus examinat, sed secundum Apostolum tentationibus probationem affert. Sic itaque examinantur credentes, ut igne purgati, & admixtione vitiorum carnalium defæcati, splendeant, examinante innocentiae claritate. Tentationum autem genera, & diversas Martyrum victorias contuentes scimus, quibus modis animæ ponantur in vitam. Alii in vinculis carceris gloriantur, alii cæsi in verberibus gratulantur, alii potestati defecanda feliciū capitum colla submitunt; plures in exstructos rogos currunt, & trepidantibus pene ministris ignem saltu devotæ festinationis insiliunt, alii in profundum demergentes, non in aquas necaturas, sed in refrigerium æternum beatitudinis decidunt, toto ipso corpore Deo hostiam tamquam holocausta præbentes.

Percurrit ergo per hæc passionum genera ex persona Apostolorum, & Martyrum propheticus sermo *dicens:*

Ignem

TRACTATUS IN LXV. PSALMUM. 381

Igne nos examinasti, sicut igne examinatur argentum: induxisti nos in laqueum, id est, in custodiæ catenas: Posuisti tribulationes in dorsum nostrum, pœnas scilicet verberum, quibus Apostolus Petrus gaudet, & Paulus exultat: Imposuisti homines super capita nostra: transivimus per ignem & aquam. Non in his dissolvitur, sed in aliud per illa transducitur, cum dicit: *Transivimus per ignem & aquam; & ubi transducatur, Propheta non ignorat. dicens: Induxisti nos in refrigerium.* Resurrectionis scilicet diem significat, in qua post mortis istius tempus non fletur, non peccatur, & vivitur.

Introibo in domum tuam in holocaustis; reddam tibi vota mea, quæ distinxerunt labia mea.

Hæc ergo sunt in tribulatione primum Martyrum vota; tunc deinde, ut ex nobis *holocausta meditata* consumment. Induti sunt arietes ovium: hic enim arietes cum incenso ovium Martyres intelliguntur, tamquam principes gregum. Non solum autem arietes cum incenso offerentur, sed etiam boves offerentur cum hircis; id est, contumacis naturæ pecora ad culturam Dei domantur, qui sub momento temporis eruditi sint. Non ergo de pecudibus hæc loquitur, sub in bobus Ecclesiæ hominis figura monstratur: illos scilicet, quos persecutionis tempestas in Martyrum gloriam generavit. Scimus enim plures per ignorantiam exemplo Martyrum ad martyrium concurrisse, fidei martyrio gloriam consecutos; qualis fuit ille unus de latronibus, qui cum Domino crucifixus in ipsa sua damnatione Deum confessus est, dicens: *Memento mei Domine, cum veneris in regnum tuum.* Cum ita responsum a Deo est: *Amen dico tibi, hodie mecum eris in Paradiso.* Postea enim, quam personam Apostolorum, Martyrum, Prophetarum spiritus prophetalis ostenderat, quibus modis animæ essent in vita, eloquitur dicens:

Quanta

Quanta fecit anima mea.

Hanc enim animam posuit in vitam, hanc in refrigerium induxit, hæc in holocaustis domum Dei introiuit. Meruit ergo bona anima, quæ ad Deum ore clamavit, non in lingua, sed *sub lingua*: in occultis scilicet lingua Deum confessa est, propter quod ex Martyrum persona dictum est:

Injustitiam si conspexi in corde meo, non exaudiat Deus: Propterea exaudivit me Deus, intendit voci orationis meæ.

In corde suo nullum scilicet vitium contrahens; hic enim dignus fuit audiri. In vita ejus anima posita est: pedes ejus non commoti sunt, & in refrigerium inductus est, & domum Dei introiuit, & quæ distinxerat labiis vota, persolvit, dicendo:

Benedictus Deus, qui non amovit deprecationem meam, & misericordiam suam a me. Laudem Deo cœptam in exordio Psalmi, in fine confessus est Deum, cui gloria est in secula seculorum.

EXPLICIT PSALMUS LXV.

PSALMUS LXVI.

In finem hymnus Psalmus cantici David.

Deus misereatur nobis, & benedicat nos: illuminet vultum suum super nos, & misereatur nobis. DIAPSALMA. Ut cognoscamus in terra viam tuam, in omnibus gentibus salutare tuum. Confiteantur tibi populi, Deus, confiteantur tibi populi omnes. Latentur & exultent gentes: quoniam iudicas populos in equitate, & gentes in terra deduces. DIAPSALMA. Confiteantur tibi populi, Deus, confiteantur tibi populi omnes: terra dedit fructum suum: Benedicat nos Deus noster, benedicat nos Deus, & mesuant eum omnes fines terræ.

TRA.

TRACTATUS PSALMI.

1. **P**salms brevis est, & evangelica prædicatione absolutus. Nam & *in finem* est, & *Psalms cantici* est: per quod confessio per scientiam gerendorum, & per doctrinam proficiencia gesta cantantur. Et principium ejus, unde oportuit, sumtum est. Est autem omnis in eo sermo vel Prophetarum, vel Apostolorum: quorum alii venturum in corpore unigenitum Deum, alii venisse docuerunt, sancto Spiritu illuminati, & honore gloriæ cœlestis expleti. Oratio ergo eorum in psalmi exordio esse noscenda est.

2. *Deus misereatur nobis, & benedicat nos; illuminet vultum suum super nos, & misereatur nobis.* Secundum doctrinæ ordinem, primum misericordia Dei poscitur. Ex copia enim bonitatis suæ misericordiam in peccatorum remissione largitur: & peccatorum remissio non probitatis est meritum, sed spontaneæ indulgentiæ voluntas, ex bonitatis divitiis ad miserandi munus exuberans. Ergo qui misericors est, ut benedicat, oratur. Et benedictionis quidem fructum jam in exordio formati hominis cognovimus, cum talis ad Adam tum adhuc peccati nescium sermo est. Crescite, & multiplicamini, & replete terram, & dominamini ejus. Ista quidem quamvis corporaliter tantum dicta plerique arbitrentur, tamen spiritali doctrina eruditus plus de se virtutis præbuerunt. Hæc enim benedictio non creationis tantum corporaliū successionum Adæ largita est. Quamvis enim fecundæ ejus soboles futuræ essent, tamen terram implere non poterant: quæ pro copia hominum licet habitetur, non tamen adimpletur. Verum terram corporis nostri impleri doctrinis spiritalibus voluit, & multiplicari & crescere scientia Dei. Per Adam enim atque in ipso Adam, qui primus opus Dei fuerat, oportuerat cognitionem Dei inchoari: sed eo
pecca-

peccatis coinquinato, benedictionis istius fructum Prophetæ sibi atque Apostoli deprecantur. Quem beatus Apostolus consecutus, ita de se gloriatur: Benedictus Deus, qui benedixit nos in omni benedictione spiritali in cœlestibus in Christo. Hi ergo crescunt, multiplicantur, replentur, qui in Christo cœlestes sunt: & benedicti sunt, qui spiritali benedictione in cœlestibus benedicuntur. Et videamus, an benedictionis istius fructum præsentis psalmi oratio deprecetur.

3. Post misericordiam enim & benedictionem id sequitur: *Illuminet vultum suum super nos, & misereatur nobis.* Benedictione Dei opus est, ut nos vultus ejus illuminet, ut tenebrosa corda nostra cognitionis suæ lumen irradiet, ut majestatis suæ spiritus lucem obscuratis intelligentiæ nostræ sensibus tribuat; & gloriari deinceps liceat, dicentes: Designatum est super nos læmen vultus tui Domine. Hanc autem illuminationem vultus sui super nos misericordia ipsius, quæ in peccati remissione in nobis est cœpta, largitur. In quem autem profectum illuminationem vultus Dei super se precentur, sermo consequens docet.

4. Diapsalma. *Ut cognoscamus in terra viam tuam, in omnibus gentibus salutare tuum.* Interjectio diapsalmi, etsi conversionem personæ non attulit, sensum tamen demutavit. Nunc enim sermo est ad eum, qui nunc usque fuerat in votis. Quod autem in latinis libris ita scribitur: *Ut cognoscamus in terra viam tuam*, in græcis ita est: *τε γνωαι εν τη γη την οδον σε.* Inter *γνωαι* & *cognoscamus*, id differt, quod sine personæ definitione est *γνωαι*, *cognoscamus* autem, ipsos eos, qui hæc loquuntur, ostendit. Ergo secundum veram illam græcitatæ translationem illuminari se Dei vultu ob id deprecantur, ut cognita fiat in terra Dei via, quæ est doctrina vitæ religiosæ. Per eam enim ad Deum pergitur. Religiosæ autem viæ doctrina Christus est: quam se esse in Evangeliiis ostendit, dicens:
Ego

Ego sum veritas, via & vita; & rursus: Nemo ad Patrem vadit, nisi per me. Et hunc esse viam, ipse ille connexus sibi psalmi sermo testatur. Quæ in terra, id est, vel ex terra ortis, vel terram inhabitantibus cognoscibilis, & nota præstanda est. *Ut cognoscamus in terra viam tuam, in omnibus gentibus salutare tuum.* Jesum salutarem dici, ipse ille proprietatis sermo loquitur. Nam quod nobiscum salutare est, id apud Hebræum Jesus est. Confirmat autem istud Angelus ad Joseph de Maria loquens: Pariet autem filium, & vocabis nomen ejus Jesum: quia ipse salvum faciet populum suum a peccatis. Jesum itaque ostendit Angelus idcirco, quia salutaris esset populo, nuncupandum. Tantæ ergo prædicationi se impares esse, nisi illuminentur, ostendunt: nisi quodam vultus Domini splendore luceant. Sunt enim & ipsi secundum Evangelium lumen mundi (Dominus autem ipse lux vera est) a luce illuminati, ut lumen essent Apostoli & Prophetæ. Ceterum superfluum est ideo illuminari se velle, ut cognoscant ea, de quibus quasi cognitiss prædicabant.

5. Hanc autem omnem propheticeam atque apostolicam doctrinam necesse est confessio populorum, & remissorum peccatorum lætitia consequatur. Neque solum peccatorum remissorum, sed quod eum, qui peccata remiserit, æquitatis futurum judicem scient, quod per eum in viam vitæ omnes gentes terram inhabitantes dirigantur, relicto idolorum errore ad cognitionem Dei eruditæ. Idcirco hæc sequuntur: *Confiteantur tibi populi Deus, confiteantur tibi populi omnes. Latentur & exultent gentes; quoniam judicabis populos in aequitate, & gentes in terra diriges.* Cum confitentur populi, designari videntur ex tribubus duodecim vel credentes, vel credituri. Cum confitentur omnes populi, exceptio nulla fit gentium. Cum lætantur & exultant gentes, quoniam judicabit

populos in æquitate, & gentes in terram dirigit, causa lætitiæ ex spe iudicii æterni, & directarum in viam vitæ gentium prædicatur.

6. Interjectio diapsalmi videtur hic nihil innovasse, cum præsertim sub iisdem verbis sensus iteratus sit: *Confiteantur tibi populi Deus, confiteantur tibi populi omnes.* Sed cum adjicitur: *Terra dedit fructum suum*, intelligitur non ex nihilo eorundem verborum facta esse repetitio; si tamen idipsum sub iisdem verbis significatum intelligere debeamus. Invenimus enim confessionem duplici ratione tractandam esse: unam confessionem peccatorum, ubi in deserto Jordanis confitebantur peccata sua esse: aliam laudationis Dei, ubi Dominus loquitur ad Patrem: *Confiteor tibi Domine pater cœli & terræ, quoniam abscondisti hæc a sapientibus, & revelasti ea parvulis.* Prima ergo illa & superior confessio peccatorum esse credenda est, maxime quæ prædicationi propheticæ atque apostolicæ connectitur: sequens hæc laudationis Dei intelligenda est populorum, deinde omnium, id est, gentium universalium; & ob id, quia terra fructum suum dederit.

7. Sed quærendum est, quem fructum terra dedit, ob quem populi omnes Deum laudent. Causa quidem Deo debitæ laudationis æterna est, quod corporales hos, & nobis necessarios fructus terra suppetet: sed terræ non sunt. Aut enim nostri sunt, quibus præbentur, aut Dei sunt, per quem ministrantur. Requiritur ergo, quos fructus terra & habuerit, & amiserit. Per id autem, quod amisit, ostendamus habuisse. Adæ terram meminimus post peccatum datarum sibi benedictionum honore fuisse spoliata. Ipsi enim dictum est: „Quoniam terra es, & „ in terram ibis. Ergo quia terra est, hac post peccatum maledictione damnatur: *Maledicta terra in „ operibus tuis, in doloribus ades eam omnibus die- „ bus*

bus vitæ tuæ, spinas & tribulos generabit tibi. "Terre elementum extra crimen fuit: caret ergo maledictione, quod carebat & crimine. Verum hic Adæ terra, quæ per illecebram cibi erat criminosa, maledicitur. Hæc ergo ab eo omnibus præsentis vitæ mæroribus consumitur, & ægritudinum doloribus editur omnibus, in spinis & tribulis vitiorum & cupiditatum aculeis compuncta. Omnis ergo terreno Adæ similis, hos maledictos fructus terræ suæ reddit. Ceterum qui jam coelesti Adæ configuratur, habet innocentem terræ suæ fructum, primum Dei cognitione locupletem, dehinc castitatis, iustitiæ, misericordiæ operibus gloriosum, vetere homine cum vitiis & concupiscentiis ejus exuto. Ob id ergo Deo est reddenda confessio, quod terra fructum suum dederit. Sumus: quia eum Adæ cum habuisset, amiserat. Dedit ergo, quod suum est, id est, fructum, qui ei & in cognitione Dei est, exhibuit in ipso illo primum Domino nostro, qui terrenum corpus assumpsit, nihil peccans.

8. Ob quæ demonstranda & docenda, rursum benedictionis Dei munus oratur, cum dicitur: *Benedicat nos Deus*. Ac ne de incerto & incognito Deo sperari benedictio existimaretur, adjectum est: *Deus noster*; Patriarcharum scilicet & Prophetarum, & Apostolis ipsis tamquam successionis hæreditate jam proprius: in quibus fructum suum dedit terra, continentie & fidei, & iustitiæ & misericordiæ, quin etiam inter ipsos sævissimarum persecutionum cruciatus atque mortes, ipso jam divini nominis devota martyrio.

9. Repetitur deinde benedictionis oratio, cum dicitur: *Benedicat nos Deus*. Non ex nihilo iterantur hæc vota: sed ut per benedictionem Dei augescere doctrina Deum omnes terræ fines timeant. Ait enim: *Et metuant eum omnes fines terra*. Metuant ergo omnes fines terræ Deum, sed Deum nostrum,

sed Deum benedicentem. Non est minimum officium fidei, metus. Nam inter præcipua spiritalium gratiarum dona numeratur, cum dicitur per Esaiam: Et replevit eum spiritus timoris Dei. Et per Salomonem: Initium sapientiæ timor Domini est. Beatus, cui provenerit timere non ex naturæ humanæ trepidatione, sed ex cognitione rationis. Qui enim ex infirmitate in rebus trepidis metuit, hic in secundis rebus rursus ex naturæ vitio insolescit. At qui ex scientia timet, semper timet, neque minus secunda, quam adversa formidat. Sumit igitur originem sapientia ex timore, res utiles atque probabiles exequendo, quæ propriæ peculiâresque sapientiæ sunt. Hunc ergo Dei timorem omnibus terræ finibus Propheta optat: ut nulla gens terram incolens extra metum ejus sit, Apostolo voti ipsius summam explicante, cum dicit: Et omnis lingua confiteatur, quia Dominus Jesus in gloria est Dei patris, qui est benedictus in secula seculorum, Amen.

PSALMUS LXVII.

In finem ipsi David Psalmus cantici.

Exurgat Deus, & dissipentur inimici ejus: & fugiant odientes eum a facie ejus. Sicut deficit fumus, deficient; sicut liquefit cera a facie ignis, sic pereant peccatores a facie Dei. Et justi latentur latitia: exultent in conspectu Dei, epulentur in latitia. Cantate Deo, psallite nomini ejus, iter facite ei, qui ascendit super occasum. Dominus nomen est illi; & exultate in conspectu ejus. Turbabuntur a facie ejus, patris orphanorum & judicis viduarum. Deus in loco sancto suo: Deus inhabitare facit unimores in domo. Educens vincit in fortitudine, similiter eos, qui exacerbant, qui inhabitant in sepulchris. Deus
dum

dum egredereris coram populo tuo, dum transgredereris in desertum, terra mota est. Lacrimae oculi distillerunt a facie Dei, super Sinam a facie Dei Israel. Pluviam voluntariam segregabis deus hereditati tuae: Confirmata est, tu vero perfecisti eam. Animalia tua habitabunt in ea: parasti in dulcedinem tuam pauperi Deus. Dominus Deus dabit verbum evangelizantibus virtutibus multis: rex virtutum dilecti: O pulchritudini domus dividere spolia. Si dormiatis inter medietates cleros, penna columba deargentata: O posteriora dorsum vestri in viriditate auri. Dum discernit celestis reges super eam, neve dealbabantur in Selaen: mons Dei, mons uber, mons consecratus, mons pinguis: ut quid suscipitis montes caesatos? Mons, in quo beneplacitum est Deo habitare: in eo etenim Dominus habitabit usque in finem. Carrus Dei decem milium multiplex, millia latantium: Dominus in illis in Sina in sancto, ascendit in altum, cepit captivitatem, dedit dona in hominibus. Etenim non credentes inhabitare Dominum Deum. Dominus Deus benedictus de die in diem, prosperum iter faciet nobis Deus salutarium nostrorum. Deus noster Deus saluos faciendi: O Domini Domini exitus mortis. Veruntamen conquassabit capita inimicorum suorum: verticem capilli deambulant in deliciis suis. Dixit Dominus: Ex Basan convertar in profundum maris: ut intinguatur pes tuus in sanguine: lingua canum tuorum ex inimicis ab ipso. Visa sunt itinera tua, Deus, itinera Dei mei, regis, qui est in sancto. Praevenueunt principes conjuncti psallentibus: in medio juvenum tympanistriarum. In ecclesiis benedicite Dominum Deum de fontibus Israel. Ibi Benjamin junior in pavore, principes Juda duces eorum, principes Zabulon, principes Nephtalim. Magna Deus virtutis tua: confirma Deus, quod operatus es in nobis. A templo tuo in Jerusalem tibi offerent reges munera. Increpa feras silvae, concilium taurorum inter vaccas populorum, ut excludantur hi, qui probati sunt argento. Dissipa gentes, quae bella volunt. Venient legati ex Aegypto, Aethiopia praeveniet manus ejus Deo. Regna terra cantate

Domino, & psallite Domino. Psallite Deo nostro, qui ascendit super cælum cæli ad Orientem. Ecce dabit vocem suam vocem virtutis: date gloriam Deo. Super Israel magnificentia ejus, & virtus ejus in nubibus. Mirabilis Deus in sanctis suis, Deus Israel ipse dabit virtutem & fortitudinem plebi suæ: benedictus Deus est.

TRACTATUS PSALMI.

I. *Psalmus non a David, sed illi David in finem præscribitur. Deinde non Canticum psalmi, sed Psalmus est cantici: ut in eo cognitionis & scientiæ prophetiæ enuntiatio doceretur. Est autem totus ipse sacramentis Legis Evangeliorumque contextus, magnæque & ex præteritis, & ex futuris allegoricorum dictorum interpretatione confertus: qui & legis latæ in se doctrinam contineat, & assumptæ a Domino carnis afferat notionem, & impietatem populi anterioris exprobret, & futuræ cognitionis nostræ fidem nuntiet, & Domini super cælos complectatur ascensum, & futuri regni ejus gloriam comprehendat. Initium autem ex eo sumit Propheta, in quo salutis nostræ consistit effectus. Cœpit enim ita.*

2. Exurgat Deus, & dissipentur inimici ejus, & fugiant odientes eum a facie ejus. Sermo votorum est, non ex incerto poscentis, sed ex cognitione scientiæque sperantis. Resurrectionis enim nunc in Deo tempus optatur: cum de peccato peccatum in carne condemnans, potestates hujus mundi ostentui fecit, cum fiducia triumphatis his in semetipso. Venit enim mundum vincere, & principem mundi cum peccati lege configere, & decretum mortis, peccati remissione delere. Hanc igitur Propheta fugam horum inimicorum ejus exspectat. Neque enim resurgentis ex mortuis occursum ejus potuit hæc odientium eum turba dæmonum ferre; cum ad primam apostolicæ fidei post subiectas his spirituales nequitias potestatem cecidisse
de

de cœlo Satanam, modo sit fulguris prædicatum, & princeps mundi in passione sit judicatus. Sed fugientes a facie Dei, trepidationem suam quidem, dum fugiunt, ostendunt; evadere tamen faciem Dei, quamquam fugiant, non possunt. Nam & trepidationem earundem nequitiarum spiritualium psalmo anteriore declarat, dicens: Misit sagittas suas, & dissipavit eos; & fulgura multiplicavit, & conturbavit eos. Conturbantur itaque, & fugiunt dissipati. Verum Dei vultus non effugiant potestatem, secundum illud: Ascendit fumus in ira ejus, & ignis a facie ejus exardescet, carbonem succensum sunt ab eo. Horum itaque inimicorum fugam, hæc & interitus, & judicii potestas consequitur.

3. Et sine idem nunt, qui in anteriore psalmo prophetie ordo distinguitur. Sequitur enim: *Sicut deficit fumus, deficient; sicut liquescit cera a facie ignis, sic pereant peccatores a facie Dei.* Fumus cum emergerit, licet globosus & crassus, tamen paulatim ita deficit aboleturque, ne extet; sicut in conspectu ignis cera sic liquefit, ut non sit: fumo quidem in igne per levitatem sui tenuitatemque dilapso, cera autem vi & calore ignis absumpta; quia infirmis ipsa per sese, naturæ potioris diripiatur ardore: quem in modum omnis iniquorum potestas a facie Dei, id est, Dei iudicio, deliquescit.

4. Et hunc peccatorum a facie Dei interitum, necesse est, ut justorum lætitia consequatur. Nam & continuo subiectum est: *Et iusti latentur lætitia.* Æqua enim iudicii cœlestis & iusta moderatio est, ut peccatores morte conficere, ita & iustos lætitia munerari. Idipsum autem ad ostendendum iudicii examen est consecutum: *Exultent in conspectu Dei, exultent in lætitia.* Mundo enim corde, secundum evangelicæ benedictionis merita, conspectu Dei digni sunt. Verum lætari in lætitia significationis est altioris, cau-

sam scilicet perfectæ lætitiæ ostendens. Plerique enim in his, quæ sibi sunt nocitura, lætantur, ut gaudet lascivus in scortis, ut fur lætatur in furtis, ut unumquemque pro vitiis suis ea, quæ exercet, oblectant. Verum qui in lætitia lætatur, causam lætitiæ ex ipsius lætitiæ honesta utilique veritate suscipit. Et ideo ait: *In lætitia lætentur*, quia in conspectu Dei exultabunt: eam veræ exultationis docens esse lætitiā, quæ conspectus Dei jucunditate perfecta sit. Exultationis autem hujus ante epulantium gaudia, ex quibus est lætitia justorum, sanctus Moyses in divina illa Deuteronomii cantione ita meminit, dicens: Jucundamini cœli simul cum eo, & adorent eum omnes angeli Dei. Jucundamini gentes cum populo ejus, & confortent eos omnes filii Dei. In hac itaque lætitia lætabuntur & justī, cœlesti gaudio unanimēs, exultationis divinæ societate lætantes.

5. Ad cujus nos temporis gratulationem sub fidei evangelicæ confessione nunc Propheta advocat dicens: *Cantate Deo, psallite nomini ejus, iter facite ei, qui ascendit super occasum; Dominus nomen est illi, & exultate in conspectu ejus.* Adhortatio omnis licet multum ad quemdam impulsū & voluntatis nostræ proficiat & mentis, cum ad aliquid optandum agendumque conciliante casu, vel illicite deducimur: tamen si maxime adhortationis ipsius causa proposita sit, jam ratione animus ac via tamquam certissimo duce nititur. Ut nunc Propheta nos ad cantandum Deo psallendumque nomini ejus hortatus, ne quid forte ambiguitatis relinqueret; & cui Deo, & cujus nomini psallendum esset, ostendit: ut jam non adhortatio adhibita, sed cognitio percepta in Dei nos exultatione & cantico collocaret.

6. Psallendum itaque ei, iterque ejus parandum est, *qui ascendit super occasum.* Occasū autem universa, quæ veniunt in vitam, intelliguntur aboleri. Abolito

litio autem omnium occidentium, secundum humanam communemque opinionem, existimatur in morte. Ei ergo psallendum, ejusque iter nobis est præparandum, qui occasum mortis ascenderit, id est, qui occasum omnem occasu ipso non detentus excefferit. Huic autem nomen est Domino, qui se ex forma Dei exinaniens, & formam servi suscipiens, obedientem se usque ad mortem crucis egit. Propter quod eum exaltavit Deus, nomenque ei super omne nomen donavit, ut in ejus nomine genu cœlestia ac terrestria flecterent, & inferna: linguaque omnis confiteatur Dominum Jesum in gloria Dei Patris. Ascendit ergo super occasum, cui nomen est Domino: idque quo occidunt universa transgrediens, legem mortis ex

mortuis æternus egressus est. Huic itaque iter parandum est, secundum illud: Parate vias Domini, rectas facite semitas ejus. Omnis vallis implebitur, & omnis collis humiliabitur. Parato itinere nostro, id est, vitiorum infidelitatisque nostræ vel compressis tumoribus, vel elevata humilitate terrenæ labis, initurus cum rectis æquitatis vitæque semitis in corda nostra descendet. In hujus itaque conspectu exultabimus, cui iter exæquatis & insolentiæ tumoribus & libidinum voraginibus sit parandum, & in quo nos resurgentes ex mortuis contuebimur. Super occasum enim nostræ mortis ascendit, qui vitam nobis ex mortuis in se resurgente quæsit. Hæc illa Apostolorum est lætitia, cum eum post resurrectionem contemplantēs contrectantesque viderunt.

7. Sed hanc sanctorum lætitiam, trepidatio eorum, quos cum mundo vicit, insequitur: id enim ait: *Turbabuntur a facie ejus, patris orphanorum & judicis viduarum.* Causam turbationis hanc docuit etiam, quod pater orphanorum sit judexque viduarum, (a facie enim patris orphanorum viduarumque judicis fugient,) non relinquens eos orphanos, qui agnoscentes

scantes patrem in cœlis, diabolo patri renuntiaverint, easque viduas, quæ legi mortuæ sponsum sese secutæ sunt judicans. Viduam enim, quæ a lege sit libera, beatus Paulus transire ad nuptias alterius sine adulterii crimine docuit: idque exemplum omne ad Ecclesiam, quæ legi se mortua Christo postea sociasset, aptavit. Est autem etiam secundum hujus sæculi sortem sensus aptissimus, ut Deus, qui advocatum nobis a Patre alium dedit, ne orphani essemus in seculo, orbatorum pater sit judexque viduarum: quia & desolatæ a parentibus misereatur infantie, viduarumque, quæ in se acquieverint, judex sit. Judex autem ideo, quia sub nomine viduarum pleræque non viduæ sunt, vel deliciatæ in Christo nubere volunt, vel fallunt humana judicia: & quia dignitas nominis in conservato proposito sit voluntatis; scrutans corda & renes Deus idcirco sit judex, quia solus earum mentem sensumque dijudicet. Et quidem hæc, ut dixi, secundum desolationem conditionis humanæ, de orphanis viduisque sint dicta.

8. Ceterum ut ad Ecclesiæ totius demonstrationem hæc ita significata esse possint intelligi, continuo subjecit: *Deus in loco sancto suo, Deus inhabitare facit animos in domo, educens vinclos in fortitudine, similiter eos, qui exacerbabant, qui inhabitant in sepulchris.* Hic ergo locus Deo sanctus est, ubi sit vidua ex lege, ubi orphanus ex seculo, ubi unitus moris ac voluntatis pacificus unanimesque conventus: (Erat enim secundum Actus Apostolorum credentium anima & cor unum,) ubi, qui vincti sunt, educuntur in fortitudine. Ligato enim prius intra domum suam forti, eos, qui peccatis suis vinciebantur, absolvit: ut Abrahæ filiam septem & decem annis ligatam, in libertatem verbo virtutis eduxit. Eduxit autem etiam eos, qui ante exacerbabant, id est, qui transgressione legis iram in se Dei judicis incitabant, vel adversus

nomina.

nomen ejus gentili eloquio differebant, ad doctrinam divinæ cognitionis instituit: ut ex persecutore Paulum gentium Apostolum doctoremque præfecit. Hos itaque exacerbantes, inhabitantes antea in sepulchris, id est, intra corporum suorum emortui domicilia conscriptos in cœlestem vitam spiritalemque deduxit. Sunt enim multi in viventibus mortui. Nam & in Evangeliiis mortui non putati non differre docentur a mortuis, Domino dicente: Sinite mortuos sepelire mortuos suos; & Apostolus scit quasdam mortuas vivere, id est, dum vivunt esse jam mortuas. Sed hos omnes de sepulchris Dominus, qui in filios Dei regenerantur, eduxit.

9. Verum hæc, qui in nobis Deus super occasum ascendens per virtutem resurrectionis operatus est, idem omnia ad hujus spei nostræ præparationem adumbrata gessit in lege, ut non alius Prophetarum, alius Evangeliorum Deus possit intelligi. Atque ideo erga nos quoque paribus hæc momentis, quibus ex Ægypto populum eduxit, implevit. Nam & patres nostri sub nube fuerunt, & in Moysen in mari baptizati sunt, & in similitudinem cœlestis panis manna e cœlis decedente saturati sunt, & Christo aquam petra præbente potati sunt: quæ quidem in illis salutariter gesta, figuram quoque nostræ in se salutis habuerunt, ut sequens prophetiæ sermo declarat, dicens: *Deus dum egredieris coram populo tuo, dum transgredieris in desertum, terra mota est. Etenim cæli distillaverunt a facie Dei, mons Sina a facie Dei Israel.* Præisse Deum iter populi sui, dum desertum transgreditur, in columna nubis ignisque cognovimus, & usque ad populi errorem de cœlis stillasse manna. Sed cum superiora omnia, quæ Ecclesiæ propria sunt atque apta, memorasset, scilicet cum super occasum ascendit Dominus, cum orphanorum pater est iudexque viduarum: cum in loco sancto suo, id est, in domo congregat

gregat unimores, & victos in fortitudine, & exacerbantes extrahit e sepulchris: hæc tamen coram populo egrediens, & in desertum transiens consummare memoratus est, ut nunc ex præterito motam esse terram, distillasse cœlos, & hoc a facie Dei Israel in Sina refertur effectum. Hoc ideo, ut cum illa, quæ Legis sunt, gessit, in his quoque ea, quæ Evangeliorum sunt, præformasse sciretur. Egressus enim coram populo suo in desertum transgressus est: in illud videlicet desertum Jordanis, in quo lilia floruerunt, in quo fons aquæ vitalis desolatos & aridos irrigavit. Funiculus namque ante erat hæreditatis Jacob: desertæque gentes elementorum subditæ fuerunt potestati. At nunc inspectante eo, qui fuit Dei populus: Deus ad ea, quæ ante erant desolata, transivit; & jam irrigata ab eo finium deserta pinguescunt. Et hic idem est, qui manna de cœlis dedit populo. Si enim lex disposita est per angelos, panemque Angelorum manducavit homo, cœlique stillasse in Sina scribuntur; profecto ministerium hoc a cœlis, id est, ab Angelis expletum esse non dubium est. Estque idem largitor ejus, qui de cœlis est panis, qui in Sina mannae fuerat indultor.

10. Sed transiens ad desertum Deus, id est, ad gentium arida & desolata quondam corda transcendens, felicem illam bonæ voluntatis pluviam segregavit. Segregavit enim ipse ex utero matris Paulum in apostolum: quia, quos & præcivit, hos & prædestinavit. Hanc etiam eloquii prædicationisque pluviam, & in psalmo Salomon terræ ad spei securitatem nuntiavit, dicens: Et descendet sicut pluvia in vellus, & sicut stillicidia stillantia super terram. Et aliquibus nubibus, ne super vineam pluerent, meminimus esse præceptum. Sanctus quoque Moyse, qui sub velamento verborum communium ingentia cœlestis spei sacramenta condebat, verba sua excipi ut pluviam

viam imbremque cantavit, pluviam irrigantem deserta & arida, & præparatam Dei hereditatem. Atque hæc sequitur: *Pluviam voluntariam segregavit Deus hereditati tuæ, & infirmata est, ut non posses illam; animalia tuæ habitabunt in ea, parasti in dulcedine tuæ pauperi.* Providus enim voluntatum Deus, segregavit voluntariam pluviam præsciendo. Quæ infirmata est, cum iudicium in se mortis habuit Paulus, cum Petrus scandalo crucis motus est, cum ter denegat admonitus, ne negaret, cum Apostoli timent, fugiunt, dissident. Sed quis in his bonæ voluntatis esset affectus, perfecti ita sunt, ut & fundamenta ecclesiarum scilicet rent & columnæ. Hæc ergo hereditati Dei pluvia segregatur.

II. Quæ autem hereditas sit, non obsecramus, sed ea scilicet, quæ data est poscenti, cum dicitur: *Pescce a me, & dabo tibi gentes hereditatem tuam.* Gentes itaque animalium & pecorum ritu non intelligentes (& ideo cum cura pecorum Deo nulla sit, hereditas illa in hac segregata voluntaria pluvia est) in ea habitare monstrantur. Sequitur enim: *Animalia tuæ habitabunt in ea, parasti in dulcedine tuæ pauperi.* Habitabunt ergo animalia vel in hereditate Dei, vel in pluvia voluntaria: & hæc in dulcedine pauperi vel hereditas, vel pluvia est parata. Eloquia enim Dei Sanctorum faucibus dulcia sunt; &, beati sunt pauperes spiritu, quia ipsorum est regnum cælorum. Animalia autem cum essent, facta sunt spiritualia. Hæc ergo omnia in usum hereditatis, vel voluntariæ pluviae ministerium sunt segregata.

12. Atque ut secundum præparatam dulcedinem pauperi, vel Ecclesiæ congregatio, quæ hereditas Deo est, vel apostolicæ prædicationis significatum esse intelligeretur eloquium, subiecit: *Deus Dominus dabit verbum evangelizantibus virtutibus multis: rex virtutum dilecti, & pulchritudini domus dividere spolia.* Segregata

gregatæ itaque pluviae ad Evangelium irrigandum Dominus dabit verbum, idipsum in sensum nostrum & ora diffundens, secundum illud: Non enim vos estis, qui loquimini, sed Spiritus patris vestri, qui loquitur in vobis. Sed virtutes multæ evangelizantes sunt, quibus dabit verbum, ut sit in Paulo virtus, in Petro virtus, & in Joanne virtus, & in ceteris virtus, multasque ob id Evangelii prædicandi significet esse virtutes: quibus quamvis Deus & Dominus, & rex dabit verbum, virtutes tamen istæ *dilecti* sunt, id est, ejus, qui Regi & Domino, & Deo sit dilectus. Laboriosius autem id & obscurius, dum collocationes verborum non demutat; translatio latina declarat: ceterum absolutius totum hoc sermo e græco enuntiatus eloquitur, hunc scilicet Deum & Dominum regem earum, quæ dilecti sint, esse virtutum: ut *virtutes* ad Apostolos, *dilectus* vero referatur ad Christum, cujus vel in his, vel hi omnes intelligantur esse virtutes. Oportuit autem propter ea, quæ sequuntur, licet in omnibus unus atque idem esset Spiritus, numerosarum tamen virtutum fieri mentionem: quia ad pulchritudinem domus ipse virtutis spolia divideret. Ad Ecclesiæ enim decus detracta ab his diabolo gentium spolia dividuntur, atque etiam ex his spoliis domus pulchritudo perficitur, cum in sacerdotes Dei ad ministerii sanctificationem ab aris templisque demonum abstrahuntur, sanctoque Spiritu irrigati, evangelizantes effectæ sunt dilecti esse virtutes.

13. Ad has enim easdem virtutes, quæ ad pulchritudinem domus vel spolia dividunt, vel ipsæ sunt spolia, divinus sermo se retulit, dicens: *Si dormiatis inter medios clericos, pennæ columbæ deargentata, & posteriora dorsi ejus in viriditate auri.* Prophetæ vota sunt, quibus manere in mediis clericis hæc ad pulchritudinem domus divisa spolia exoptat: ut usque ad consummationis suæ diem (quia significari mors soleat in somno)

in

in domus pulchritudine perseverent. Qui quidem sunt in usum prædicationis, tamquam deargentatæ pennæ columbæ, id est, sancti Spiritus munere ornatæque pretiosi. In his autem, quæ post eos sunt, in auri viriditate consistent: ut his post prædicationem Evangelii honor regius & indefessa æternitas ex conscientia suæ fructu in auri viriditate reddatur: dum & aurum refertur ad honorem, & viriditate vigor æternus ostenditur. *Posteriora itaque dorfi*, quæ *interscaplia* magis græcus sermo significat, id est, quæ bonæ conscientiaæ atque honoris posteriora sint tempore, ultra prædicationis hujus honorem sunt honoranda: cum interim deargentatæ pennæ sub munere sancti Spiritus permanentes, post etiam ad conscientiaæ suæ fructum auri viriditatem, id est, florem honoris perpetui consequentur.

14. Ut autem hæc ad pulchritudinem domus spolia divisa, quibus ut inter medios cleros dormirent, id est, ut morte tales consummarentur, optatum est, ad principes ecclesiarum, per quos pulchritudo domus consistit, relatum possit intelligi, continuo subjecit: *Dum discernit cœlestis reges super eam, nive dealbabitur in Selmon: mons Dei, mons uber, mons consecratus, mons pinguis.* Dum itaque hos cœlestis super eam reges discernet, id est, dum Dominus de cœlis descendens, eos, qui spolia fuerint, constituit in reges, super eam domum, quæ per eos pulcherrima est, unumquemque disponit; *in Selmon nive dealbabitur*, in pace scilicet, quia Selmon interpretatio pacis est, gloriam æternitatis accipient. Hic enim Dei mons, in quo pax Dei, nominis ipsius est significata virtute, & uber & consecratus, & pinguis est. Reges autem esse eos non obscurum est, de quibus dictum est: Jam sine nobis regnatis, & utinam regnaretis: ut & nos vobiscum conregnemus. Dominus ergo cœlestis (quia qualis cœlestis, tales & cœlestes) hos in Selmon re-

ges

ges super domum suam, per quos divisis spoliis ornabitur, exalbatos nive disponet in reges. Factus est enim in pace locus ejus: & phœnicium, secundum Esaiam, ut nix dealbabitur. Sed reges necesse est, penes quos sit domus pulchritudo, ultra candorem nivis esse præstari. Lux enim mundi sunt: & quisquis dignus erit cum Domino montem regni cœlestis ascendere, super nivem dealbabitur: quia, cum se Apostolis in habitu, quo cum Sanctis conregnaturus esset, ostendit, vestimenta ejus super nivem alba sunt visa. Hic ergo mons, & hoc regnum Deo pacis est.

15. Sed plerique sunt, qui Ecclesiæ pacem sub hæreticorum consortio mentiuntur, dissolventes novam ac veteris Testamenti connexam sibi conjunctamque rationem: dum plerique alium Evangeliorum, alium Deum Legis effingunt. Nonnulli vero adversum Unigeniti Dei naturam nomenque venientes, ex tempore natum solum hominem constituent: neque ex forma Dei in formam servi esse deductum, sed ex forma servi tantum esse cœpisse confingunt. Plures autem non veræ divinitatis Deum, neque ex paternæ majestatis naturæque proprietate subsistere differunt; sed externæ substantiæ, Deoque diversæ, quæ in adoptionem filii electa sit, modo creaturarum ex nihilo, quibus nulla origo anterior sit, constiterit. Plures etiam in corpus atque ex se protensum permanentemque patrem loquuntur: ut assumptio illa carnis ex Virgine filii nomen acceperit, non qui ante erat Dei filius, idem hominis filius sit natus in corpore. Et quidem omnia hæc ad speciem humanæ prudentiæ coaptantur, post quam rationem cœlestis sapientiæ non comprehenderunt: quibus, ut spero, aliis locis uberius copiosiusque responsum est.

16. Quia ergo veræ fidei una hæc sedes est, Deo quæ sit placita, & hic æterni regni mons unus in pace sit; de susceptis plurimis arguit nos Propheta, dicens:

Ut

Ut quid suscepisti montes caseatos? Lac cum corrumpitur, densatur, & ex vitio in coaguli caseique speciem concrevit. Nam utrumque id unus græcitatis sermo complectitur. Ergo sicuti ex natura sua lac ipsum vitio accedente degenerat, & quadam sui corruptione coalescit: ita hæc genera doctrinarum, quæ initia cognitionis ex innoxio sincerique lacte deducant, corrumpuntur in vitia, fiuntque corruptione sui coagulata vel caseata, ne lac sint. Quod idipsum loco alio ita meminit: Coagulavit sicut lac cor eorum; ego vero legem tuam meditatus sum: quia consiliis gestisque impietatis cor infectum, cum per infantie simplicitatem naturam lactis habuisset, vitiorum postea corruptione degenerans, in coagulum densatum esset atque concretum. Referendus ergo ab his omnibus & sensus, & studium est: neque quisquam alius magis, quam hic mons pacis, habitandus est. Nam post exprobrationem caseatorum coagulatorumque montium, continuo subiecit: *Mons, in quo beneplacitum est Deo habitare: in eo etenim Dominus habitabit usque in finem:* in eo monte æternæ habitationis sedem Deo ostendens esse complacitam, qui ad sedem pacis esset electus.

17. Sed quia post legis tempora, circumcisionisque præscripta, sacrificiorumque præcepta, per evangelicæ confessionis fidem ab his, qui gloriantur in lege, id est, a carnali Israel, quædam per nos videtur pacis Dei facta esse mutatio, cognitionisque alterius, quam in lege præscripta est, introducta confessio; cum nos omnia per Dominum Jesum Christum, quæcumque præcepta sunt lege, in spem evangelicam adumbrata esse doceamus, illis contra Deum Patrem secum locutum, ac legem dedisse jactantibus, respondendum est, hac ipsa psalmi prophetia per Angelos potius legem in manu Mediatoris esse dispositam, neque a nobis quidquam esse mutatum, sed in his manere, quæ sola sunt, id est, unam eandemque sedem

Dei pacis incolere: cum quando eundem prædicatorem Evangelii Dominum Jesum Christum, quem & latorem legis habeamus. Post unius enim complaciti Deo montis sedem, quam usque in finem cœlestis habitabit, ut sedes hæc evangelicæ pacis præformata per Mediatorem legis intelligeretur in lege; continuo subjecit: *Currus Dei decem millium multiplex, millia lætantium: Dominus in illis in Sina in sancto ascendit in altum, cepit captivitatem, dedit dona in hominibus, etenim non credentes inhabitare.*

18. Fidem omnem brevia hæc quidem verba significant, sed quæ virtutibus suis magna & infinita complexa sunt. Hanc autem currus sive sedis Dei dignitatem, haud dissimiliter Daniel Propheta descripsit, dicens: Sedes ejus flamma ignis ardens, rotas ejus flumen ingens ducebat ante eum: millia millium serviebant ei, & dena millia denum millium adstabant ei. Atque in his quidem, sive sub specie talis ornatus, sive sub significationis exemplo, nobis in curru opinio & sensus comitatus cœlestis offertur: ut sub concordii jugo millibus lætantium obsequelam cœlestem intelligamus. Et hoc illæ in Sina ardentes faces, colucentesque ignes, ingravescentiaque tonitrua, & totius Domini adventus terror ostendit, ministeria scilicet Angelorum, legem in manu Mediatoris disponentium, adstitisse. Hic ergo currus Dei decem millium multiplex est, milliaque lætantium sunt. Et quia Mediator Dei hominumque sit Dominus, in cujus manu per Angelos, ut dictum est, lata lex fuerit, sequens sermo subjecit: *Dominus in illis in Sina, in illis scilicet lætantibus millibus: currusque numero multiplici decem millium, id est, infinitorum intelligentia sub decem millium multiplicatione subiecta.* In his itaque Deus in Sina est.

19. Sed ne forte Evangelia non supplementa Legis aliquatenus viderentur, qui in illis in Sina est
Domi-

TRACTATUS. LXVII. PSALMUM. 408

Dominus, hic rursus in sancto ascendit in altum, captivamque cepit captivitatem, in eo scilicet sancto, cujus formam ex forma Dei evacuatus accepit. Quod autem sanctus sit, cum plures prophetie, tum Gabriel angelus ad Mariam testatur, dicens: Et quod ex te nascetur sanctum, vocabitur filius Dei; & demones clamant: Scimus, qui sis, sanctus Dei. In sancto ergo ascendit in altum. Et quid illud sit ascendere in altum, sub hujus ipsius dicti significatione Paulus docuit, dicens: Ascendit autem, quid est, nisi quia & descendit in inferiora terræ? Qui descendit, ipse est, qui ascendit super omnes cælos. Ascendens ergo in altum, & sese hominem ex mortuis in cælestibus revehens, accepit eos, qui a diabolo erant capti, quos & ad pulchritudinem domus spolia divisit. Dehinc dona in hominibus accepit; cum primogenitus ex mortuis de se ipse testatur, dicens: Dominus dixit ad me, Filius meus es tu, ego hodie genui te. Posce a me, & dabo tibi gentes hæreditatem tuam, & possessionem tuam terminos terræ. Accepit ergo dona in hominibus, gentes scilicet in hæreditatem: in quibus in sancto in altum primogenitus ex mortuis capta captivitate conscendit. Et quia ultra humanæ spei fidem sit, eum terrenæ carnis corruptionem in cælestem gloriam transtulisse, gentesque impias, & ante vitiorum ac superstitionum furore pervasas, ad cognitionem Dei consortiumque esse deductas: ob hoc in his dona hominibus accepit, qui se cum Deo habitaturos esse non crederent. Atque ita hujus Mediatoris ex lege consummata cognitio est: ut qui in lætantium millibus in Sina fuisset, hic idem in sancto rursus in altum captiva captivitate conscendens, dona nos, qui secum cohabituros diffidebamus, acciperet.

20. Post hanc itaque contra spei nostræ diffidentiam acceptorum in hominibus donorum hæreditatem,

digna hæc ad Deum Prophetæ subiecta confessio est. *Dominus Deus benedictus de die in diem, prosperum iter faciet nobis Deus salutarium nostrorum.* Benedictus itaque Dominus & Deus est, ascendens in altum, capiens captivitatem, in hominibus dona percipiens, eos scilicet, qui inhabitaturos se esse non crederent. Quotidie autem per populi credentis accessionem, benedictionis multiplicatur augeturque confessio, cum gentiles superstitiones, impiæque de Diis fabulæ, cum aræ dæmonum, cum idolorum inania relinquuntur, & iter omnibus ac profectus dirigitur in salutem. Hic igitur salutarium nostrorum Dominus ac Deus est, cujus de die in diem benedictionum significatur æternitas. In eo enim, quod quotidie est, continuatur & semper; cum tanta ævi protendatur infinitas, quanta & dierum post dies successio consequatur.

21. Cautissime autem semper propheticus sermo, ne qui per gentiles fabulas philosophiæque doctrinam notionem nostram de divinæ veritatis scientia perturbaret, admonuit: quia variæ eorum impiissimæque sententiæ multa de Deo stulte profaneque complexæ sunt. Nos vero ad cognitionem Dei patris & Dei filii instituti, sacramentum sumus veræ cœlestisque prudentiæ, in eo, quod Verbum caro factum est, consecuti. Ipsum enim nobis, quod Judæis scandalum, gentibus vero stultitia est, id est Dei passio, crux, mors, sepultura, sive per rationem divinæ voluntatis perfecta cœlestisque sapientia est, sive per resurrectionis potestatem virtutis æternitas. Ad hujus igitur nos Prophetæ scientiam Dei, qui nobis & passus, & mortuus est, & resurrexit, & Dominus est, instituit dicens: *Deus noster Deus salvos faciendi, & Domini exitus mortis*: cum nobis Deum intimans, qui, cum esset Deus, omnia ad salutis nostræ incrementa suscepit. Et idcirco hic Deus *noster* est: quia Deus *eorum* sit, qui *fient* salvi. Salvos autem nos per id
Deus

Deus noster effecit, quod exitus sit mortis egressus: id enim his verbis, quæ latine minus expressæ atque absolute translata sunt, continetur. Admonui enim superius, plerumque interpretes cunctos, dum collocationem ordinemque verborum demutare ac temperare non audent, minus dilucide proprietatem declarasse dictorum. Verumtamen in his, quæ dicta sunt: *Deus noster Deus salvos faciendi, & Domini exitus mortis*; & salutis nostræ Deus, & exitus ejus ultra exitum mortis ostenditur. Qui mortis exitus *Domini* sint. Omnibus enim, qui veniunt in vitam, ingressus in mortem est: sed primogenito ex mortuis tantum proprius fuit egressus ex morte. Atque ideo proprius exitus mortis est Domini, quia assumptæ ab eo carnis hæc virtus sit, ut naturæ nostræ corruptionem in gloriam cœlestem post exitus mortis efferret. Verum hæc susceptæ mortis ipsius non fuit occultanda vel causa, vel ratio: & quid nobis unigenitus Deus ex forma Dei exinanitus, & formam servi assumens afferret auxilii, oportuit ad fidei nostræ & securitatem, & scientiam revelari.

22. Et primum quidem non alienum a Dei misericordia & bonitate videri potest, ut vitam omnibus in se ipso restitueret ex mortuis: namque qui primum animam nobis ad flatum respirationemque vivendi, cum hominem secundum imaginem sui similitudinemque constituit, de thesauris potestatis suæ divinitatisque diffuderit. Secundum Apostolum enim ipsius genus sumus; & secundum eundem: Omnia ex ipso, & per ipsum, & in ipso sunt: scilicet ut *in ipso* habitatio nostra atque incolatus ostensa sit sedes, dum omnia immensa virtutis potestate complexus est; *per ipsum* vero originis inchoatæ opus effectusque monstretur, cum in nobis id ipsum, quod sumus, operatus sit; *ex ipso* autem initia vitæ ad exordia spiritus indulta notescerent. Non fuit ergo a beneficentia

divinæ bonitatis alienum, ut, qui ex se ipso nobis, qui ejus genus sumus, vitæ ac spiritus elementa tribuisset, in se ipso quoque nobis per unigenitum Deum æternitatis nostræ inchoaret exordia: vereque nunc & ex ipso, & per ipsum, & in ipso maneremus; cum, quando nos in hac ipsa habitatione ac sede mundi hujus, qui omnia in omnibus est, collocatus, rursus plenius jam atque perfectius in se, ac per se, atque ex se inita carnis nostræ societate post exitus mortis jam collocaret æternos. Hæc quidem ad significationem divinæ bonitatis ita dicta sint.

23. Sed suscipiendæ ab unigenito Deo carnis, adeundæque mortis, & per Apostolum, & nunc per Prophetam grandior profundiorque ratio tractatur. Ac primum quid in crucis sacramento atque mortis ab unigenito Deo & Domino majestatis effectum sit, per Apostolum intelligamus: ut duce eo docti, prophetiæ scientiam consequamur. Ait enim ita: Et vos cum essetis mortui in peccatis & præputio corporis vestri, convivificavit cum illo donans nobis omnia peccata, delens, quod adversum nos fuit chirographum in sententiis, quod erat contrarium nobis tollens illud de medio, & affigens illud cruci, spolians se carne, & principatus, & potestates ostentui fecit, cum fiducia triumphans eos in semetipso. Sacramentum itaque salutis nostræ primum resurgens ipse ex mortuis, decretumque mortis nostræ, quo ante detinebamur, absolvens, in se ipso, qui ex mortuis æternus jam maneret, implevit. Sed in eo ipso, quod nobis vitæ auctor in se est, dum per assumptionem corporis homo natus & mortuus, jam rursus æternus ex mortuis est: omnes quoque inimicas virtutes, mundiue potestates, principesque aeris hujus ostentui reddidit, id est, vel nostræ spei, vel suæ damnationis fecit ostenta, & ipsos quædam quasi ex Diis seculi portenta constituit: his ipsis in se cum fiducia triumphatis, dum
&

& per securitatem æternitatis mors ipsa in Deo moriente fiducia est, & auctores mortis humanæ, dum etiam in se ipso per occupatum a satana cor Judæ auctores sunt mortis, triumphat ex mortuis: ut neque a pœna mortis abessent, cum se usque ad mortis infirmitatem subjecisset æternus, & omnem pœnam humanæ mortis exciperent ut auctores, cum in æternitatis Dominum auctores mortis, per id, quod Verbum caro factum est, extitissent. Hæc quidem ita Apostolus.

24. Sed Propheta, brevibus licet, eandem intelligentiam verbis significantibus, eadem ista complexus est. Nam ubi Dominum in exitum mortis ostenderat, subjecit: *Verumtamen conquassabit capita inimicorum suorum, verticem capilli deambulantium in delictis suis.* Principatus enim ac potestates, in quibus capita inimicorum significantur, fecit ostentui. Hæc igitur in mortis exitu conquassat, quorum spiritalem nequitiam atque naturam in eo, quod capilli verticem perambulēt, docet: dum & tamquam dominantes hominum capitibus insistent, & tamquam nequitiae spiritales, sine sensu eorum, quibus insistent, ipsum illum capilli verticem proculcent: quia & ipsa scilicet corpora usque ad animæ mentisque sedem sine sensu adeundi interlabantur, & penetrent. Aeris enim hujus sunt potestates, & ideo capilli verticem perambulant, vel insistenti levitate, vel potestate dominandi, & toto in orbe per momenta singula commeantes. Sed hæc in delictis suis peragunt, dum unicuique in eo, quod delinquat, auctores sunt, secundum illud Apostoli: Deus filium suum misit in similitudinem carnis peccati, & de peccato condemnavit peccatum in carne: cum causam in his exordiumque peccati ex eo ipso, quod in carne sua per instinctum proditiōis peccant, id est, de peccato carnis, peccatum in carne condemnat.

25. Tenet itaque divinæ dispensationis ordinem propheticus sermo: & Evangeliorum opera adumbrata esse per legem, ipsis illis legis operibus declarat. Multa enim plerumque per nominum proprietates ita expressa atque absoluta sunt, ut non magis gerendis in præsens potius, quam in futurum significandis rebus impensa sint: ut nunc post tantas ac tam manifestas evangelicæ spei prædicationes, altius quiddam nobis & ultra aurium sensum affert subjectus ordo dictorum: *Dixit Dominus: Ex Basan convertar, convertar in profundum maris.* Videtur enim hic sermo Domini fuisse, cum ad dividendum ad iter mare, exerendamque in Pharaon iram est conversus. Sed numquid ex Basan conversum eum esse lex docuit? Non utique. Basan vero est civitas hostilis quondam regni, quæ fuit Og regis habitatio: sed interpretatio nominis pudorem confusionemque significat. Potest quidem videri, ut ex pudore populi in Ægypto fervientis, cum depressus a Pharaon ipsam illam conservandi educandique generis libertatem perdidisset, in profundum maris, id est, ad liberandi populi sui magnificentiam Deus sit conversus. Sed qui secundum proximum huic psalmum dixerit: *Salva me Deus, quoniam intraverunt aquæ usque ad animam meam; infixus sum in limum profundi, & non est substantia; veni in altitudinem maris, & tempestas demersit me:* non ambigendus est post humani corporis pudorem (quia ipsæ illæ corporum atque elementorum nostrorum origines sint pudendæ) in hoc mare, id est, in hanc seculi tempestatem esse conversus: ut usque ad ultimæ confusionis verecundiam subjectus crucis morti, per eam in se inimicorum capita conquassaret, spirituales scilicet nequitias potestatesque omnes & principatus aeris hujus reddens ostentui triumpharet: cum eos æternitati pœnæ, postquam ipse & passus & mortuus est, destinaret. Ob id ergo conversus in profundum

TRACTATUS IN LXVII. PSALMUM. 404

fundum maris intelligendus est, id est, usque ad ultimas descendisse seculi passionēs, ut conculcans capita inimicorum, ultionem divinæ potestatis exsereret.

26. Quod ipsum videtur sequens sermo completi, cum dicitur: *Ut tinguatur pes tuus in sanguine; lingua canum tuorum ex inimicis ab ipso.* Divinæ autem ultionis ira sub humanæ vindictæ significatur exemplo. Ex Bafan enim in profundum maris conversus ob id est, uti pes tinguatur in sanguine: atque ab ipso sanguine, qui ex inimicis est, canum quoque lingua tinguatur. Hæc vero accidere solent omnibus bello consumtis, & captivitate deletis, & pro victorum arbitrio atque ultione punitis. Per humanæ itaque, ut dixi, consuetudinis morem, cum gladius, cum arcus, cum sagitta, cum framea, cum reliqua pœnarum ac mortium arma memorantur, divinæ severitatis significantur officia. Et hæc quidem Judæis post crucem & mortem Domini omnia acciderunt, cum a Romanis capti universa suppliciorum ac miseriarum genera perpeffi sunt: ut peremptorum sanguine & incedentium pedes tincti sint, & canum lingua satiata sit. Sed id non minus ad eorum pœnam damnationemque referendum est, qui ostentui redditi cum fiducia triumphantur.

27. Et quia sub his, quæ in Judæorum populo temporibus legis expleta sunt, universalium fere gentium ad speciem futuræ misericordiæ salus est inchoata; ut per id, quod tum gestum est, id quoque, quod postea gerendum esset, doceretur: cum ipsos illos, in quos illa tum gerebantur, & inumbratio nubis, & iter maris, & mannæ spiritalis cibus, & spiritalis potus ex petra in spe evangelica fideque concluderet: nunc quoque, ut & semper, in his ipsis novi ac veteris Testamenti per Prophetam facta connexio est, cum dicit; *Visa sunt itinera tua, Deus, itinera Dei mei, regis, qui est in sancto.* Prævenere

principes conjunctis psallentibus, in medio juvenum tympanistiarum. In ecclesiis benedicite Dominum Deum de fontibus Israel. Ibi Benjamin junior in pavore, principes Juda duces eorum, principes Zabulon, principes Nephtalim. Dei quidem itinera sunt visa, cum coactis in glaciem aquis, præeunte eo in columna ignis & nubis, iter populo siccatum est, cum in medio tympanistiarum juvenes psallentes gloriose glorificatum Dominum cantaverunt. Sed novimus itinera & alia regis in sancto, cum virtutibus cœlestibus animisque sanctorum iter ejus præeuntibus, in eo, qui primæ sabbati psalmus est, cantatur: Tollite portas principis vestri, & elevamini portæ æternales, & introibit rex gloriæ. Quis est iste rex gloriæ? Dominus virtutum ipse est rex gloriæ. Et hæc itaque Dei nostri & regis in sancto itinera sunt visa, cum ingressum ejus tanta cœlestium cœtuum gaudia præeunt.

28. Sed quia, quæ ante præformata in Pharaö & in Israel fuerant, in diaboli suorumque clade & populorum omnium salute perfecta sunt; non ad synagogæ confessionem, sed ad Ecclesiæ benedictionem nos cohortatur Propheta, quibus Dei & regis in sancto itinera esse visa firmaret, dicens: *In ecclesiis benedicite Dominum Deum de fontibus Israel:* ex initiis scilicet legis atque adumbratione gestorum doctrinam Ecclesiæ defluxisse commemorans. Ac ne quid benedicientibus ecclesiis ambiguitatis existeret; quis hic maximus evangelicæ spei prædicator futurus esset, ostendit dicens: *Ibi Benjamin junior in pavore;* in Ecclesiæ scilicet fontibus Benjamin junior in pavore mansurus: post consternationem enim pavoris in Evangelium Christi de tribu Benjamin Paulus electus est, matutino devoratas carnes ad vesperum dividens in salutem. Ceteros quoque principes Juda ne ignorentur, ostendit: id est, qui ab eo, qui de Judæ frutice expectatio gentium futurus erat, eligendi essent, revelans:

velans: *Principes Zabulon, principes Nephtalim.* Ex his enim, ut Evangelia declarant, Apostolorum est cœpta delectio, hos principes eorum, qui in ecclesiis congregarentur, ostendens. Nam cum ex omnibus tribubus, singulis quibusque populis secundum legem sint principes instituti: nunc tamen ubi evangelicæ dispensationis principes declarabantur, earum tantum tribuum, ex quibus vocandi essent, commemorata sunt nomina. Orta enim in finibus Zabulon & Nephtalim luce magna post umbram mortis, piscatores ex his sunt hominum constituti. Solum ergo id sub prophetiæ significatione ex illa principum universitate memoratum est, quod ad Evangelii confirmationem ipsis rerum effectibus & Apostolorum electione esset explendum.

29. Et quia tantæ expectationis spe detinerentur; (quia non ambiguum est omnes sanctos & prophetas cœlesti desiderio evangelicæ beatitudinis tempus optasse, Domino dicente: Amen dico vobis, quia multi prophetæ & iusti cupierunt videre, quæ vos videtis, & audire, quæ vos auditis,) consummari id, quod tantopere concupiscit, precatur, dicens: *Manda Deus virtuti tuæ, confirma Deus, quod operatus es in nobis. A templo tuo in Jerusalem tibi offerent reges munera.* Distinguit intelligentiæ significationem, ne quid confusum ambiguumque subrepat in eo, quod ait: *Manda Deus virtuti tuæ;* quod utique contra humanum sensum & usum naturalis consuetudinis est locutus. Mandare enim quisquam virtuti suæ aliquid non videtur, quia per eam internæ potestatis insit effectus: & cum omnia virtute fiant, non existimatur virtuti ipsi aliquid mandari solere faciendum. Sed enim Dei virtus Deique sapientia est Dominus Jesus Christus, qui & ponendæ animæ ac resumendæ mandatum accepit a Patre. Idcirco non contra intelligentiæ communis sensum dictum videtur, quod tamen propheticæ scientiæ

entiæ proprietate memoratum est, ut virtuti suæ mandaret Deus, unigenito scilicet Deo, qui & Dei virtus est. Dehinc quia rerum subitarum in Deum non cadit nova repensque molitio, cujus scientiam non subterfugiant, quæ gerenda sunt, quia natura ejus universa, quæ erunt, virtutis suæ potestate complexa est; id nunc confirmari Propheta postulat, quod jam sit idem Deus operatus in nobis, secundum illud Apostoli: Benedictus Deus & Pater Domini nostri Jesu Christi, qui benedixit nos in omni benedictione spiritali in cœlestibus: in quo & elegit nos ante mundi constitutionem, ut essemus sancti & immaculati in ipso. Deus itaque, qui secundum Prophetam fecit, quæ ventura sunt, ea, quæ jam ante constitutionem mundi per definitionem gerendorum operatus in nobis est, confirmavit in Domino.

30. Et quid illud sit, mox continuat ordo dictorum: *A templo tuo in Jerusalem tibi afferent reges munera.* Templum in Jerusalem est, in quo hostiarum legitima offerebantur: nunc autem a templo in Jerusalem a regibus sunt munera afferenda. Quod utique contra locorum significationem rationemque gestorum est: ut illinc, quo inferri magis oporteret, id est, de templo, offerenda sint munera. Sed quia est cœlestis illa nobis mater Jerusalem, & primitivorum conscriptorum, & frequentantium cœtus; omnisque in Christo renatus Dei templum est, maxime in quo non mors magis sit regnatura, sed vita; & qui ipse rex sit ejus, cujus servus fuerat ante, peccati, hostiam se ipsum vivam & rationabilem, & placentem Deo offerens: tum ergo ab hoc templo, id est, ab hac sancta corporis sui habitatione, in illo conventu Angelorum frequentantium, id est, in illa cœlesti Jerusalem, si qui reges sint, id est, qui peccato ultra non serviant, offerent se ipsos Deo munus.

31. Quod

TRACTATUS IN LXVII. PSALMUM. 413

31. Quod quia carnalis Israel, dum sibi tantum peculiarem Dei misericordiam usurpat, videtur tamquam soli ei sit proprium defendere; mox Propheta subjecit: *Increpa feras silvæ, concilium taurorum inter vaccas populorum; ut non excludantur hi, qui probati sunt argento: dissipa gentes, bellum quæ volunt.* Vaccas in Samaria adoratas esse, cognitio ex libris est. Principes vero populi istius, jam non populi, sed gregum duces esse propheticus sermo est, cum dicitur ex Domini persona: Tauri pingues obsederunt me. Feras autem silvæ, nequitiarum spiritualium supra verticem capilli in peccatis suis deambulantium significatio intelligenda est, secundum illud: Devastavit eam aper de silva, & singularis ferus depastus est eam. Quo in loco ipsius principis mundi, id est, Satanæ, & immanitas significatur & virtus. Id ergo non poscit Propheta, ut vel in has feras silvarum, vel in hoc concilium taurorum inter populorum increpet vaccas: ne hi, qui probati argento sunt, excludantur. Probati autem argento hi sunt, qui secundum argentum defæcati, & passionum omnium igne decocti, immaculati & sine terrenæ fordis admixtione jam splendent.

32. Cum enim propheticus sermo fidem gentium prædicet, populi que hujus exacerbantis improbam voluntatem sæpissime increpet, jamque salus a Deo in omnes per omnesque sit cognita, idque ex scientia dispositionis Dei notum sit: cum impietate populi exprobrata, Sancti quique in spem regni cælestis vocantur: (Non enim Judæorum Deus tantum est, & non gentium: immo & gentium. Unus enim Deus est, qui justificat circumcisionem ex fide, & præputium per fidem) postea ergo quam increpitis his, qui principes Sodomorum, & principes Gomorrhæorum esse meruerunt, tum ad gentes cognitio Dei scientiaque defluxit, & jam non intra errorem, neque con-
tradi-

traditionem inscientiæ detinentur. Increpitis autem silvarum feris, taurorumque conciliis vaccisque populorum, eos, qui adhuc perpetuis adversum gentium spem ac salutem infidelitatis odiis persistunt decertare, condemnat dicens: *Dissipa gentes, bellum quæ volunt.* Pacificavit enim omnia Dominus in cœlo & in terra: & secundum Apostolum, Deus in Christo erat, mundum reconcilians sibi. Earum ergo gentium dissipationem, quæ cœlestis pacis fœdus abnuant, magisque dissensionum volent bella, sub diversarum tamen gentium congregatione denuntiat.

33. Nam ad conservationem conjunctionemque totius sensus, increpitis taurorum conciliis ferisque silvarum, gentibusque bellum volentibus dissipatis, ne quid sibi ultra arrogans Israel impiusque præsumeret, subiecit: *Venient legati ex Ægypto, Æthiopia præveniet manus ejus. Deo regna terræ: cantate Deo, psallite Domino.* Expleta enim hæc eadem sunt, vel Magis ex Oriente venientibus, vel tunc, cum in Apostolos Spiritus sanctus divisi ignis modo venit. Nam illic ad prædicationis evangelicæ cognitionem etiam ex Ægypto convenisse scribuntur, quibus magnitudinem divini muneris, tamquam legatis renuntiantibus, Ægyptus prope universa est jam fidelis. Æthiopia vero in Candacis Eunuchio fidei confessione prævenit: manu autem sua, dum ipse baptismi gratiam sibi postulat, dicens: Ecce aqua, quis prohibet me baptizari? Sacramentum ipsum baptismi adeo impatientis desiderii cupiditate præveniens: ut a Diacono ministerium apostolici officii salutis suæ cupidus exigeret. Et quia exinde per omnes fere gentes prædicationis divinæ cognitionis illuxit; (quia & omnia regna Dominum Christum Deum intellectura, licet sero, sint, & omnis lingua confitebitur, quia Dominus Jesus in gloria Dei patris sit) consummationem temporis hujus exoptat, dicens: *Deo regna terræ: cantate Deo, psallite Domino.*

Omnes

Omnes scilicet ad canendum Deo ac psallendum adhortatur, vel quia salutem omnium prophetica sollicitudo letatur, vel quia regnis omnibus Deum congratulantis regni cœlestis succedit eternitas.

34. Atque ut in cæteris solet, nunc quoque, cum Deo Dominoque cantandum psallendumque esset, ostendit dicens: *Psallite Deo, qui ascendit super calum cœli ad Orientem; ecce dabit vocem suam vocem virtutis.* Competenter nunc ascendetis *super calum cœli ad Orientem.* Dei honor poscitur: ut, quia superius significata humilitas ejus fuisset, cum vel super occasum ascendit, vel exitum mortis egreditur; nunc ubi non cœlum, sed *calum cœli* transgressus esse notescitur, divinitatis ac magnificentiae ejus non ignoraretur eternitas. *Ad Orientem* vero idcirco, quia ipse, secundum Prophetam: *Oriens ex alto* sit; ut regressus eo, unde descenderat, nosceretur, ipseque sit hominibus in hunc cœlestis sedis ascensum rursus auctor oriundi.

35. Nam idipsum sequens sermo significat, cum dicitur: *Ecce dabit vocem suam vocem virtutis.* In omnibus quidem, quaecumque in corpore manens gessit, virtutis vocem dedit; cum Paralytico dicit: *Surge & ambula*; cum Lazarum vocat e sepulchro; cum Petro ceterisque Apostolis ait: *Quaecumque ligaveritis super terram, ligata erunt & in cœlis; & quaecumque solveritis super terram, soluta erunt & in cœlis.* Vox plane est ista virtutis humanæ infirmitati tantum posse concedere. Sed scimus adhuc aliam vocem superesse virtutis, de qua ipse testatus est, dicens: *Amen amen dico vobis, quoniam venit hora, & nunc est, in qua audient mortui vocem filii Dei: & qui audierint, vivent.* Numquid alia vox potest major esse virtutis, quam dissolutorum corporum pulverem in formam coagere soliditatemque membrorum, & vitam rursus in homines animasque revocare, & corruptionem naturæ imbecillis naturæ cœlestis incorruptione mutare.

Hæc

Hæc humanæ spei vera & perfecta constantia est, hæc divinæ magnificentiæ bonitas absoluta. Ob quod universos ad honorem hujus tantæ virtutis hortatur dicens: *Date honorem Deo*; ut perceptæ immortalitatis laudem ad honorem ejus, qui tanti nobis muneris parens est, referamus.

36. Dehinc ne quid sibi vel carnalis Israel, vel universitas gentium impiarum ex his pietatis scientiæque Dei meritis præsumeret, a quibus hic honor Deo reddendus esset, ostendit dicens: *Super Israel magnificentia ejus, & virtus ejus in nubibus*; super eum scilicet Israel magnificentiam futuram esse demonstrans, qui jam ex comparatione nubium spiritalis existeret; vel qui secundum Apostolum rapi obviam Christo in nubibus mereretur. Et idcirco *virtus ejus in nubibus* est: quia his, qui ultra terrenam originem mortalemque degentes, se in sensum cœlestem & vitam, ut ita dicam, aeream extulissent, obviamque elati in nubibus adstitissent, his esset proprium virtute Dei magnificentiaque lætari. (Frequenter autem memini his ipsis nubibus, tamquam ratione scientiaque perfectis, ne super impiam Israel vineam pluerent, esse præceptum: quia indigni sancto eloquio, quos jam spinæ & tribuli, id est, terrena vitia obsederant, extitissent.) Namque cum omnibus sit ad novam resurrectionis originem vocē virtutis utendum, non universis tamen gloriosus, id est, resurrectionis honor est præparatus, Domino dicente: Nolite mirari ista, quoniam venit hora, in qua omnes, qui sunt in monumentis, audient vocem ejus: & prodient, qui bona gesserunt, in resurrectionem vitæ, qui autem iniqua gesserunt, in resurrectionem judicii. Et idcirco super eum Israel magnificentia & virtus Dei est, qui esset in nubibus: quia pro discrimine vitæ innocentis atque impiæ, resurrectionis sit aut in vitam, aut in judicium distincta diversitas.

37. Deinde id ipsum sequens sermo designat, dicens: *Mirabilis Deus in Sanctis suis*. In eis scilicet mirabilis, quos in vitæ resurrectionem excitabit æternos. Mirabilis autem est, cum omnem beneficentiæ suæ in eos conferet voluntatem, cum ipsos intra perfectionem cœlestis gloriæ collocabit: sicuti ad Patrem pro his precatus est, dicens: Pater, volo, ut, ubi ego sum, & hi mecum sint; vel illud: Ut omnes unum sint, ego in illis, & tu in me. Mirabilis ergo in Sanctis Deus est, quos cum conformes gloriæ corporis sui fecerit, per se, qui mediator est, etiam in unitatem paternæ majestatis assumet; dum & in eo per naturam Pater est, & ille rursus per societatem carnis in nobis est: quos in regnum præparatum illis ante constitutionem mundi obtinendum locaverit, quibus absorpta morte immortalem vitam æternamque reddiderit. Non enim jam incrementis corporum, escarumque alimentis, infirmitatumque casibus vitæ humanæ demutatio laborque tolerabitur: sed æternitas cunctis, quæ naturæ suæ virtute ipsa se continens, id est, quæ se ipsam alat conservetque, donabitur: certique omnes fore se sempiternos, quod non aliunde jam, id est, non extrinsecus contineantur ad vitam, sed ex Deo, per quem resurrexerint, & immortales maneant, & æterni. Et ideo hæc humanæ spei sacramenta tali confessionis fide Propheta conclusit: *Mirabilis Deus in Sanctis suis, Deus Israel ipse dabit virtutem & fortitudinem plebi suæ, benedictus Deus est*. Dat itaque virtutem plebi suæ, & fortitudinem Deus, quæ immortalis effecta intra vitam virtutemque contineatur, dispoliatoque corpore superinduta sit honore cœlesti: ut omni corruptione & infirmitate depulsa, Deum æternitatis suæ laude benedicat, per unigenitum & primogenitum suum Deum ac Dominum nostrum Jesum Christum, qui est benedictus in secula seculorum. Amen.

PSALMUS LXVIII.

*In finem pro his, qui vel immutabuntur,
Psalmus ipsi David.*

Salvum me fac Deus, quoniam intraverunt aqua usque ad animam meam. Infixus sum in limo profundi, & non est substantia. Veni in altitudinem maris, & tempestas demersit me. Laboravi clamans, rauca facta sunt fauces meae: defecerunt oculi mei, dum spero in Deum meum. Multiplicati sunt super capillos capitis mei, qui oderunt me gratis. Convaluerunt, qui persequuntur me inimici mei iniuste: quia non rapui, tum exsolvere repetebar. Deus tu scis insipientiam meam, & delicta mea a te non sunt absconsa. Non confundantur in me, qui expectant te, Domine virtutum: non vereantur super me, qui quaerunt te, Deus Israel. Quoniam propter te sustinui improperium, operuit reverentia faciem meam. Exter factus sum fratribus meis, & hospes filiis matris meae: quoniam zelus domus tua comedit me, & opprobria exprobrantium te ceciderunt super me. Et operui in jejunio animam meam, factum est mihi in opprobrium. Et posui vestimentum meum saccum, & factus sum illis in parabolam. Adversum me detrahebant, qui sedebant in porta, & in me psallebant, qui bibebant vinum. Ego vero orationem meam ad te Domine, tempus beneplaciti Deus. In multitudine misericordiae tuae exaudi me, in veritate salutis tuae. Eripe me de luto, ut non haream: & de profundo aquarum. Non me demergat tempestas aqua, neque absorbeat me profundum, neque contineat puteus super me os suum. Exaudi me Domine, quoniam suavis est mihi misericordia tua: secundum multitudinem misericordiae tuae conspice in me. Ne avertas faciem tuam a puero tuo: quoniam tribulor, velociter exaudi me. Intende anima mea, & libera eam: propter inimicos meos eripe me. Tu enim scis improperium; & confuso-

TRACTATUS IN LXVIII PSALMUM. 419

fussilant, & vererundiam meam; in conspectu tuo sunt omnes tribulationes meae: improprium expectavit cor meum, & miseriam. Et sustinui commarentem, & non fuit: & consolentem, & non inveni. Et dederunt in escam meam fel, & in siti mea potaverunt me aceto. Fiat mensa eorum coram ipsis in laqueum, & in retributionem, & in scandalum. Obscurentur oculi eorum, ne videant, & dorsum eorum perpetuo incurva. Effunde super eos iram tuam, & animatio irae tuae comprehendat eos. Fiat habitatio eorum deserta, & in tabernaculis eorum non sit, qui inhabitet: quoniam, quatenus tu percussisti, persecuti sunt, & super dolorem vulnerum meorum addiderunt. Appone iniquitatem super iniquitatem ipsorum: & non intrent in iustitiam tuam. Deleantur de libro viventium, & tunc iustis non scribantur. Pauper & dolens sum ego; & salus vultus tui Deus suscepit me. Laudabo nomen Dei in cantico, & magnificabo eum in laude: & placebit Deus super vitulum novellum, cornua producentem & ungulas. Videant pauperes, & latentur; quare Deum, & vivet anima vestra: quoniam exaudivit pauperem Dominus, & victos suos non despoxit. Laudent eum caeli & terra, mare & omnia repentina in eis: quoniam Dominus salvificavit Sion, & edificabuntur civitates Iudae: & inhabitabunt in ea, & hereditabunt terram. Et semen servorum ejus possidebit eam: & qui diligunt nomen ejus, inhabitabunt eam.

TRACTATUS PSALMI.

I. Tertius hic pro his, qui immutabuntur, est psalmus: qui, etli nihil sub historiae commemoratione complexus est, ut in quinquagesimo & nono inesse tractavimus, neque ut in quadragesimo quarto aliquid proprium in superscriptione praetulerit, ubi pro dilecto canticum praenotatur, in eo tamen, quod non illius David, sed illi David psalmus in finem praescribitur; in illum potius David, qui & oriens, & justus, & finis est legis, convenire intelligenda prophetia est.

Per id enim non ab illo, sed in illum psalmus docetur esse cantatus. In his autem, *qui immutabuntur*, evangelicæ spei fideles significari docuimus, qui aut ex legis observatione, aut ex gentili impietate ad cognitionem Dei demutati, tamquam renascentes incorruptæ æternitatis candore florerent; quod idipsum psalmi fine tractabitur. Non ambigitur autem psalmus ipse sacramentum passionis Domini continere. Nam præter Joannem Apostolum, qui in potatione aceti consistere consummationem Scripturarum testatus est, cum etiam dictum hoc ab eodem sub Apostolorum recordatione præsumtum sit: *Zelus domus tua comedit me*, adimit ambiguitatem, confirmatque omnia ad eum dicta gesta que esse referenda. Universarum itaque humanarum passionum sorte perfunctus, secundum susceptas infirmitates nostras loquitur: & dolet ipse quidem extra necessitatem & timoris positus & doloris, sed his se tamen, quæ suscepit, accommodans: ut, qui carnis nostræ homo natus esset, & dolorum nostrorum querelis & infirmitatis precatione loqueretur. Cœpit itaque ita:

2. *Salva me Deus, quoniam intraverunt aquæ usque ad animam meam. Infixus sum in limum profundi, & non est substantia.* Vivendi omnibus finem mors in cunctos constituta præscribit. Et quid sibi nunc oratio ista vult, quæ se salvari deprecatur; cum lex mortis in omnes sit constituta? Dehinc nunc orandæ salutis hæc causa est, quia intraverint aquæ usque ad animam; introeundi autem aquis ad animam hinc facultas sit, quod infixus sit in limum profundi; defixi vero in limum profundi nulla substantia sit. Ergo quia nemo, nisi quod sperat, precatur; (sperat autem nemo se non mori;) talis hæc ejus merito oratio est, qui, moriturus licet, morte non erat obtinendus. Assumta ergo infirmitas habuit officium deprecandæ salutis, divinitatis vero conscientia spem tenuit

tenuit salutis in morte sperandæ. Salvari se ergo orat, qui & dixerit: Deus Deus meus, quare me dereliquisti?

3. Introeuntibus enim aquis usque ad animam, subjectus morti crucis fiebat, cum passionum universalium impetus usque ad mortem animæ perumperet. In aquis autem insectationes populi motusque gentium significari solere non dubium est, cum dicitur: Torrentem pertransivit anima mea; vel illud: Et pertransivit anima mea aquam immensam. Sunt & aquæ arenosam domum subluentes, eamque in casum ruinamque pellentes. Hæ ergo nunc aquæ usque ad animam intrantes, ad precem eum orandæ salutis coegerunt.

4. Verum ineuntium harum passionum, non aliunde, quam ex assumptione carnis, & virtus est, & potestas. Non enim incidere in Deum hic infirmitatum nostrarum terror valebat, aut exserere se nisi in carne corporis nostri, tamquam in subjacente materia, potuerant passionēs. Porro autem haurienda fuit natura cœlestis, ut exinaniens se ex Dei forma in formam servi hominisque decideret. Et ideo usque ad animam aquæ penetrant: quia substantia ei non sit, infixio in limo profundi. Non utique substantia ea non erat, quæ assumpta habebatur, sed quæ se ipsam inaniens hauserat. Nullo autem modo se caruit, qui se ipsum exinanivit evacuans: nec tamen id ipsum videbatur extare, quod jam in aliud se evacuando concesserat. Non est ergo substantia, per id, quod infixus est in limo profundi. Primus enim homo de terræ limo: & secundus Adam in hujus limi profundum de cœlis descendens, se ipsum tamquam ex alto veniens defixit. Evacuans ergo se, quippe cui substantia non erat, non jam usque ad carnis, verum etiam usque ad mortis profunda descendit, & omnis in eum terror defævientis in nos tempestatis incubuit. Cum enim se, contra naturæ cœlestis terrenæque di-

versitatem, in hunc limum potestatis suæ virtute defixit; quia ea, quæ natura dissident, ad quamdam connexionis suæ soliditatem non generis ipsius propinquitate conveniunt, sed potiore vi tamquam confixa sociantur: tunc & pati cœpit, & mori posse, per occasum mortis in inferna descendens.

5. Sequitur enim: *Veni in altitudinem maris, & tempestas demersit me.* Imitator ille & dominicæ mortis & temporis Jonas, mari merfus cetoque susceptus, non tam in mari se, quam in inferno positum, testatur: Clamavi in pressura mea ad Dominum meum, & exaudivit de ventre inferorum clamores meos. Et quamvis eum cetus ad speciem infernæ mortis hausisset, ait: Introivit caput meum in scissuras petrarum, descendi in terram, cujus seræ tenaces & æternæ. Sancto etiam Job post illud universarum passionum gloriosissimum bellum, cum dignus jam esset eloquio divino scientiaque naturæ, post contracti intra se maris portas, rugientesque ejus in matris suæ ventre terrores, rursus quid etiam mari significaretur, Dominus revelavit, dicens: Venisti autem super fontes abyssi, aut in vestigiis maris ambulasti? Aperiantur autem tibi præ timore portæ mortis: in vestigiis utique maris, tamquam in profundo, vel altitudine maris, portas mortis esse significans. Nam cum profunda maris inferiora sint terræ; necesse est in profundo maris, id est, inferioribus sedem mortis ostendi. Veniens ergo in hoc profundum maris, tempestate demersus est, cujus in anteriore psalmo ita meminit, dicens: Omnia excelsa tua, & fluctus tui super me transierunt. Sed & ille, ut dixi, dominicæ mortis imitator, quem ex tenacibus æternisque terræ seris immanissimus ille maris istius cetus evomuit, haud dissimilia conquestus est. Omnes suspensiones tuæ & fluctus tui super me transibant. Usque ad mortis igitur veniens profundum, mortis ipsius tempestate demersus

meritas est, adversariarumque virtutum depressus procellis est.

6. Non tamen tacitus eorum, qui se ipsos diabolo præbituri erant velut ministerii arma peccato, (quippe qui & nonnumquam consilia inite mortis sue exprobraverit, & stans in templo sæpe clamaverit, & elevatis ad Deum frequenter oculis intenderit, ut ad unumquodque divinitatis sue opus maximum aspe-ctarent) intelligitur ad Patrem, ob quod sequitur: *Labravi clamans, rauca facta sunt fauces meæ: defecerunt oculi mei, dum spero in Deum meum.* Infirmities nostras suscipiens, portansque peccata, usu & consuetudine humanæ defatigationis locutus est: namque qui se somno & lassitudini sæpe commiserit, etiam usque ad sitis & esuritionis necessitatem. Fauces itaque ejus rauræ sunt, oculique defecti. Causam vero maximi clamoris & intentionis oculorum hanc esse docuit, quia speraret in Deum, vel cum clamat dicens: Qui credit in me, non in me credit, sed in eum, qui me misit: vel cum clamaturus Lazarum voce magna, elevatis sursum oculis ait: Pater, gratias tibi ago, quoniam audisti me.

7. Sed illo vel paterni nominis magnificentiam testante, vel humanæ salutis opus moliente, odia in eum multiplicantur in cassum. Sequitur enim: *Multiplicati sunt super capillos capitis mei, qui oderunt me gratis. Convaluerunt, qui persequuntur me, inimici mei iniuste, quia non rapui, tunc exsolvere repetebar.* Numerus odientium ultra capillos capitis est multiplex: sive ob impiorum copiosam multitudinem, sive quia indigni sint Dei cura, (nam Apostolorum capillos, quia tanta eorum Deo cura est, scimus esse numeratos) sive quia infidelium numerus ultra numerum sit fidelium. Nam cum decus capitis in capillis sit, & Ecclesiæ, quæ corpus est Christi, in Apostolorum decore omnis ornatus est, super hoc capitis sui de-

cus, odientium est multitudo. Oderunt autem eum *gratis*, id est, causam odii non habentes. Et convalescentes inimici, injuste sunt persecuti. Non enim peccatum egerat, nec dolum habuerat: & ideo, quæ non rapuerat, tunc repetebatur exsolvere. Cum enim debitor mortis peccatique non esset, tamquam peccati & mortis debitor tenebatur, ab his scilicet, qui in eo peccati legem, quæ in membris nostris est, exferrebant. De peccato enim condemnavit peccatum in carne.

8. In quo quia magnum divinæ sapientiæ explebat consilium, crucisque mors in Deo stultitia gentibus videbatur, magnaue in eo cœlestis terrenæque spei exspectatio inerat, subiecit: *Deus tu scis insipientiam meam, & delicta mea a te non sunt abscondita. Non confundantur in me, qui exspectant te, Domine virtutum: non vereantur super me, qui quarunt te, Deus Israel.* Insipientiæ suæ Deus conscius est, & delicta sua abscondita ab eo non sunt: pœnas scilicet insipientiæ & delictorum, quas non rapuerat, repetebatur exsolvere. Usque ad crucis autem stultitiam (id est, quia stultum sit gentibus peccata nostra sic suscipi,) ut peccator & stultus gratis injusteque vexatur. Sed quia stultitiam atque delicta propter sapientiam nostram vitamque susceperat, ut principem seculi judicaret, & de peccato condemnaret in carne peccatum: (cum quando in se, in carne scilicet corporis sui, in qua nihil inveniri poterat peccati, secundum quod ait: Ecce veniet princeps mundi, & non inveniet in me quidquam, veniens hic mundi princeps, nihilque inveniens, peccati tamen pœnam, id est, jus mortis, exseruit; per quod humanæ mortis auctor, quia in auctorem vitæ peccati nescium mortem molitus sit, judicatur: & hæc Sanctorum exspectatio fuit, ut omnis caro redimeretur in Christo, ut in eo æternæ resurrectionis primitiæ existerent:) non confundi in se eos rogat, qui expectent Dominum, neque quærentes

TRACTATUS IN LXXVIII. PSALMUM. 225

rentes Deum Israel super se vereri aut pudere: quia suscipiendæ ab eo carnis tempus desideratum sit, secundum illud: Multi prophetæ & iusti cupierunt videre, quæ vos videtis, & audire, quæ vos auditis. Ne quid ergo in se imbecillum infirmumque maneat, deprecatur: ne spem expectantium infirmitas corporis carnisque confundat. Per eum enim, & in eo expectatio nobis omnis ad Deum est. Veniens ergo in corpus, ne in se Sanctorum spes confundatur, orat.

9. Quod autem infirmitates nostras ad salutem generis humani ex paterna voluntate suscepit, quia non voluntatem suam facturum venerit, sed voluntatem ejus, qui se miserit Patris, nunc quoque per subjecta declarat: *Quoniam propter te sustinui improprium, operuit reverentia faciem meam. Exter factus sum fratribus meis, & hospes filiis matris meæ: quoniam zelus domus tuæ comedit me.* Non fuit ergo in unigenito Deo naturalis infirmitas, sed assumpta: quia propter eum hæc impropria suscepit passionum. Quamquam ne in naturis quidem hominum inest necessitas aliqua peccati; sed ex appetitu voluntatis & oblectatione vitiorum, peccati usus arripitur. Et ideo Dominus non se rapuisse, quæ, ut solveret, repetebatur, ostendit: quia ea, quæ contra naturam sint desiderata, rapiantur, soluturis omnibus quadrantem novissimum talium debitorum: & ob hoc orationis dominicæ præscripto, redditi nobis debita deprecamur. Sustinuit ergo improprium propter Deum, dum alienum a natura sua corpus assumit, dum, secundum Apostolum, peccati nescium Pater facit esse peccatum, dum fit obediens usque ad mortem crucis, dum ipsi exprobratur, quod ceteros salvans se ipse non salvet, dum contumelias sputorum alaparumque perpetitur.

10. Hoc igitur pudore coopertus ob Deum, fit alienus a fratribus suis, & filiis matris suæ hospes efficitur, a vitiis scilicet eorum, qui sibi secundum

carnem consanguinei habebantur, alienus; dum nummulariorum mensas templum ingressus evertit, dum nundinas ovium ac boum prohibet, dum vendentibus columbas, cur domum Patris sui domum fecerint negotiationis, exprobrat. Zelo enim domus Dei pervasus hæc egit. Est autem hæc amoris pii indignatio, ut eorum, quos diligimus, contumeliis, tamquam zelo effervescente moveamur. Hoc enim pollutæ domus zelo, ut Evangelium (sicut superius docui) testatum est, turbam omnem ementium ac vendentium templum ingressus ejecit. Zelo autem Dei etiam usque ad mortis severitatem & finem placuisse, laudabile est.

11. Per hanc igitur exprobratarum his cupiditatum indignationem, omnium in eum maledictorum congesta convicia sunt. Quæcumque autem in impios dirigi solent, hæc in eum opprobria sunt relata: cum blasphemus, cum Samaritanus, cum Beelzebub, cum dæmonium habens dicitur. Id enim subjecit: *Et opprobria exprobrantium te ceciderunt super me.* Blasphemix opprobrium ei potius, qui Deo contumeliam exprobrat, ingeritur; sicuti dæmonii infamia ei magis, qui a Deo sit alienus, est propria. Quæ cum omnia ei exprobrata sint propter domus Dei zelum, eorum, qui Deum exprobrant, super eum opprobria congeruntur. Et hujus dicti ad Romanos Apostolus scribens, sub hujus significationis meminit intelligenda.

12. Ipsa etiam jejunii continentia recidit in opprobrium, cum a Diabolo tentatur, cum in templi pinna locatur, cum supra montem fertur, cum postremo ad adorandum satanam totius mundi ambitione tentatur. Flet interdum, & ingemiscit, & tristis est: & id ipsum ad infirmitatis tribuitur exemplum. Omni denique generi hominum & obrectatio efficitur & canticum. Ipsi enim, qui in portis orandi victus causa sedeant, obloquuntur, & detrahunt, & in eo ebrii
psal-

TRACTATUS IN LXVIII. PSALMUM. 427

psallunt. Hæc autem omnia vel secundum gestorum fidem, vel secundum humanæ consuetudinis modum in se ita gesta esse conqueritur. *Et operui in jejuniis animam meam, & factum est mihi in opprobrium. Et posui vestimentum meum saccum, & factus sum illis in parabolam. Adversum me detrahebant, qui sedebant in porta, & in me psallebant, qui bibebant vinum.* Fuit itaque jejunium ei in opprobrium: quia per esuriendi opprobrium usque ad adorandi satanæ contumeliam tentatus est. Vestis autem de sacco, habitus est luctus. Luctus vero omnis affectus in fletu est. Et cum Lazarum excitaturus illacrymat, infidelitatem humani generis lugebat: in habitu enim luctus, flendi significatur affectus. Quod autem non Lazarum, cujus & morte lætatur, quem & ex mortuis excitaturus erat, fleverit, omnis ipse Evangelii sermo declarat. Sed cum resurrectionis fidem nullam futuram, in ipso resurrectionis opere flevisset; fletus ejus in parabolam profecit, ut & tum documentum amoris sui in Lazarum flendo dictus sit præbuisse: & a plerisque hodie, qui fleverit, arguatur infirmus. In ebriis autem psallentibus, & his, qui in porta sederent, detrahentibus, omnium etiam infirmorum in eum contumeliæ per hanc consuetudinem vulgi docentur. Adeo autem nullum genus hominum de eo tacuisse manifestum est, ut Cleophas ei, qui tamquam rerum ignarus causam sermonis interrogaret, respondisse ita scribatur: Tu solus peregrinus es in Jerusalem, & non cognovisti, quæ facta sunt in ea in diebus his? Stupor enim est de ignoratione unius in cognitione universorum.

13. Sed inter has omnium de se & obtreptiones & contumelias, humanæ salutis sacramenta peragebat: & salutem a Deo homini, quem assumserat, deprecatur. Id enim sequitur: *Ego vero orationem meam ad te Domine, tempus beneplaciti Deus. In multitudine misericordiarum tuarum exaudi me, in veritate salutis tue.* Eripe me
de

de luto, uti non hāream, & libera me ex odientibus me, & de profundo aquarum. Non me demergat tempestas aquarū, neque absorbeat me profundum, neque contineat puteus super me os suum. Cateris in contumelias & opprobria ejus intentis, ipse oratione sua totus ad Deum est; susceptas quidem infirmitates nostras in se habens, sed in his, quibus afficitur, cœlestis erga nos misericordiæ munus exequitur: neque invitus hæc sumens, in multitudine misericordiæ beneplacitum Deo esse tempus ostendit. In hoc ergo beneplacito tempore rogat: quia non ignorat hanc Patris de se prophetiam etiam ab Apostolo Paulo recognitam: Tempore accepto exaudi vi te.

14. Omnia quidem Deo pro magnificentia operum intelligenda sunt placere, quæ gesta sunt: & cum in Genesi scribitur: Et vidit Deus, quia bona sunt, vitium nullum in rerum relinquitur creaturis. Nam etsi quædam humani ingenii corrupta nequitiiis sunt, ut ex remediis venena, ut ex ferro ensis, ut ex igni conflagratio, ut ex cibis cruditas, ut ebrietas ex vino, ut postremo partes ipsæ & membra corporum ad naturales utique usus utilesque formatæ, vitiorum se ac criminum ministeria præbuerunt; & cum Deo cuncta sint placita, beneplacitum tamen tempus hoc est, quo unigenitus Deus in sanguine corporis nostri, tamquam inimica ac dissidentia, reconciliaturus omnia in cœlis & in terra Deo esset: cum multiformis illa Dei Sapientia aliis occulta temporibus, nullisque principibus ac magistratibus seculi cognita, ad laudem claritatis Dei esset revelanda; cum cohæredes & concorporales, & participes Christo gentes fierent; cum in eo omnes adversæ Deo virtutes dehonestarentur; cum mors, postquam in Deo esset, grassata desineret; cum lex peccati, quæ in carne nostra est, tolleretur; cum revelationem filiorum Dei congemiscens omnis creatura speraret; cum in passione unigeniti Dei

TRACTATUS DE LXXXII. PSALMUM. 439

Dei omnium ante constitutionem mundi causarum & originum consummaretur effectus, principem seculi iudicando, hominem ex peccati lege redimendo, creaturis a corruptionis vanitate, qui servierant, liberandis, nequitis spiritalibus Domini morte damnandis, Deo in omnibus & per omnes eternitatis munera, & immortalitatis nostræ claritate laudando. Omnia autem hæc virtus resurrectionis implevit: quia per permittas ex mortuis ab hominum genere morte depulsa, in auctores mortis eternæ mortis poena decreta est. In se enim ipso principatus & potestates debonestatas cum fiducia triumphavit.

15. Et ideo post beneplaciti temporis significationem, omnis tribuendæ veræ salutis oratio est: ut ea ipsa salutis veritas intelligeretur, quæ ex resurrectione speratur. Dehinc qui infixus esset in limo profundi, ut luto non inhæreretur, rogat; secundum illud: Quoniam non derelinques animam meam in inferno, nec dabis Sanctum tuum videre corruptionem. Qui enim de terra est, & in terram, ex qua acceptus est, revertetur, luto & limo, quo infixus est, inhærebit, in naturæ suæ, id est, corporis originem dissolutus. Liberari se etiam ex odientibus se deprecatur, & de profundo aquarum: quia usque ad animam suam, id est, usque ad passionem insectantium odia proruperint. Veniens quoque in altitudinem maris, ac tempestate demersus, nunc ne demergatur, orat: ut superius assumptæ infirmitatis nostræ professio sit, cum se demersum esse profitetur: nunc vero consciæ in se salutis fiducia est, cum, ne se aquæ tempestas demergat, precatur. Nam ejusdem naturæ non est, & demersam jam esse, &, ne demergatur, orare: sed ejus, quæ per corpus licet merfa, non tamen sit detinenda per spiritum. Et ideo nunc ne absorbeatur profundo, neve super se puteus os suum claudat, precatur. In puteo enim infernæ mortis sedem significari, & psalmus

mus alius testis est, cum dicitur: Tu vero Domine deduces eos in puteum interitus; demersum hoc profundumque puteorum inferna terræ significari demonstrans. Ne contineat ergo super eum puteus os suum, postulat. Impossibile enim est Deum vitæ portis inferni detineri.

16. Ac ne in eo, quod mortem nostræ infirmitatis assumsit, secundum humanam necessitatem aliquid ex mortis acerbitate mæreret, ideo subiecit: *Exaudi me Domine, quoniam suavis est mihi misericordia tua: secundum multitudinem misericordiæ tuæ conspice in me.* Hoc enim in multitudine misericordiæ beneplacitum est tempus, cum in se universorum hominum vitam Deus miserans, ut miserator Deus vitam esset largiturus ex mortuis. Sed quia suavem hanc sibi esse Dei misericordiam testabatur, susceptæ tamen infirmitatis nostræ sollicitudinem non relaxat, dicens: *Ne avertas faciem tuam a puero tuo: quoniam tribulor, velociter exaudi me. Intende anima mea, & libera eam: propter inimicos meos eripe me.* Omnia ut homo & patitur, & loquitur. Nam ex susceptione carnis & puer est, secundum illud: Ecce puer meus, quem elegi, dilectus meus, in quo complacuit animæ meæ; & citum auxilium tribulationi suæ orat, & intendi in animam suam rogat: ut per id, quod in eam intendit Deus, digna sit liberari. Et hæc quidem, ut homo noster, obediens usque ad mortem crucis precatur. Sed cum eripi se propter inimicos suos rogat, consuetudinem humanæ & spei, & moris excedit. Nemo enim salvus aliqua magis, quam salutis suæ causa vult esse: & a malis quis eripi se ob id necesse est, ne malis afficiatur, optabit. At vero nunc eripi se non sua causa, sed *propter inimicos suos* ex his, quibus afficitur, deponcit: quia hi inimici dehonestandi in se patiente, & triumphandi cum fiducia in se ex mortuis resurgente mox essent.

TRACTATUS IN LXVIII. PSALMUM. 432

17. Denique nihil se sua causa agere ac pati consequentibus docet, dicens: *Tu enim scis improperium & confusionem, & verecundiam meam: in conspectu tuo sunt omnes tribulantes me. Improperium expectavit cor meum & miseriam.* Superior non dispar professio est, cum dicit: *Deus tu scis insipientiam meam, & delicta mea a te non sunt absconsa.* Contra humanæ enim opinionis errorem, soli Deo assumpta magis hæc ab eo infirmitas, quam naturalis esse, erat nota. Et quia propter inimicos suos hæc perpetienda sibi fuerant, per quæ humanæ saluti atque æternitati consulebat, hujus beneplaciti temporis testatur affectum, dicens: *Improperium expectavit cor meum & miseriam; desideratas sibi esse hujus temporis significans passiones, secundum illud divinæ Communionis Sacramentum: Desiderio cupivi hoc manducare: quia in his passionis suæ desideriis beneplaciti temporis consistebat effectus.*

18. Sed pati ad profectum nostræ salutis expectans, alterius quoque expectationis desiderio detentus est. Sequitur enim: *Et sustinui commarentem, & non fuit; & consolantem, & non inveni.* Commarentis & consolantis non solatium, sed fidem quærit: ut si quis veniens ex lege, & harum omnium passionum intelligens prophetiam, secum tamquam in consummatione ipsius legis assisteret; ut postea Paulus adimplens passiones Jesu Christi, & consepultus in baptismo, Christum finem esse scit legis. Nam ad consummationem humanarum passionum prophetiarumque dictorum, qui gestorum futurus finis erat, idem est & querelarum. Id enim sequitur: *Et dederunt in escam meam fel; & in siti mea potaverunt me aceto,* Hæc enim ita, ut scripta leguntur, expleta sunt. Nam & fel ingestum ei, & aceto potatum Evangelia testantur. Oblatum quidem secundum Matthæum fel renuens: sed secundum Joannem, ut acetum potaret, sitivit. Locus autem ipse his verbis est dictus: Post hæc Jesus sciens,

sciens, quoniam omnia consummata sunt, ut imple-
retur Scriptura, ait: Sitio; & erat concha posita aceto
plena. Spongiam igitur plenam aceto hysopo admi-
scentes, obtulerunt ori ejus. Cum ergo accepisset
Jesús acetum, dixit: Consummatum est. Venerat
ad oves perditas domus Israel, & exspectans conso-
lantem commærentemque non habuit: non quod con-
solatione eguit volens pati atque mori, sed qui secum
super totius populi impietate mæreret, & qui se ipsum
ipsa mærentis secum salute consolaretur: ut omnibus
tanto scelere perfunctis, solatium in his saltem, qui
salvi fierent, acciperet, secundum illud: Et in ser-
vis suis consolabitur: quia non credente Israel, gen-
tes in eum essent credituræ. Verum prophetice non
fuisse scribitur, sed ut implerentur omnia, sitisse se
dixit: quia cunctæ nostræ, quæ in eo fuerunt, infir-
mitates, non naturales sunt, sed assumptæ. Dehinc
ut satisfecisse Scripturæ propheticæ nosceretur, po-
tato aceto omnia consummata esse testatus est: ut ple-
nitude legis & prophetarum, qui legem & prophetas
consummabat, existeret.

19. Jam vero quia intra consummationem oblatis
fellis & potandi aceti, consummanda quoque erat pas-
sionis totius prophetia, ad ea, quæ postea impieta-
tem tanti facinoris consecuta sunt, sermo se retulit,
dicens: *Fiat mensa eorum coram in laqueum, & in ca-
ptionem, & in retributionem, & in scandalum. Obscu-
rentur oculi eorum, ne videant, & dorsum eorum perpetuo
incurva.* Esse mensam sacrificiorum, ut de lege, quæ
in se futuri est speciem complexa, taceamus, Apo-
stolus testatus est, dicens: Non potestis mensæ Do-
mini participes esse, & mensæ dæmoniorum. Sed
esse mensam scientiæ, cum nonnullis locis cognitum
sit, tum etiam in his ipsis dictis intelligi oportere,
idem beatus Apostolus ad Romanos scribens interpret
est: cum eos obcæcatos esse, ne quid intelligerent,
testa-

testatur. Hæc ergo mensa, unde cibus vitæ spiritualis accipitur, *coram ipsis in laqueum & in captionem, & in retributionem, & in scandalum* facta est: cum vel præscripta legis vel prophetarum voces ab Ecclesiæ viris ad revelationem divini consilii tractantur, cum ad assumendæ carnis fidem unigenitus Deus in hominis specie & ab Abraham adoratus, & cum Jacob colluctatus ostenditur, cum ex Juda princeps veniens idem expectatio gentium nuntiatur, cum in Abraham semine omnes patriæ gentium benedicendæ sunt, cum ex David utero æterni regni Dominus prædicatur, cum, secundum Esaïam: Dominus tamquam ovis ad occisionem ductus, nec maxillas ab alapis, nec faciem avertit a sputis, cum, secundum Jeremiam, hic Deus noster est, qui disciplinis omnibus Israel dilecto suo traditis, postea in terris visus sit, & inter homines conversatus sit, cum denique de adventu ejus omnium prophetarum dicta conveniunt. Hæc itaque doctrinæ mensa, vel hic vitalis cibi sermo, & laqueus & captio, & retributio & scandalum est; cum a nobis Deus Jacob esse, qui ab his sit crucifixus, ostenditur. Hæc enim est retributio tantæ impietatis, ut, quod nobis est Dei virtus, his scandalum sit. Nam cum illaqueati captique sint scriptis, intelligentiæ tamen carent sensu: & ideo obscurati sunt oculis, *ne videant*, id est, ne lumen intelligentiæ contuerentur; (quia secundum Evangelium: Omni habenti dabitur; qui autem non habet, etiam quod habet, auferetur ab eo:) indigni videlicet, qui intelligentiæ sensum ac lumen acciperent, & ideo evangelicæ libertatis scientiam non adepti, perpetuo adhuc legis onere deprimuntur, ut ferant, quod sustinere non possunt. Id enim in incurvando dorso per corporalium operum speciem significatur.

20. Sed hanc eorum obcæcati cordis inscientiam alia etiam debitæ ultionis pœna consequitur: *Effunde*

S. Hilarii Tom. II.

E e

Super

super eos iram tuam, & animatio iræ tuæ comprehendat eos. Fiat habitatio eorum deserta, & in tabernaculis eorum non sit, qui inhabitet. In ira Dei pænæ constitutionem, non motum animi ad ultionis voluntatem exardescantis significari sæpe tractavimus: quam non subito puniturus intenderet, sed in quam pœna dignus incideret. Mansit autem hæc a prophetis omnibus huic genti impiæ denuntiata damnatio. Nam eversa mox ac diruta civitate deleti sunt, gloriosissimo illo templi cultu deleto, ornatuque detracto. Et ideo habitatione deserta, in tabernaculis eorum nullus habitavit.

21. Verum adhuc, secundum impietatis incrementa, prophetia quoque pænæ & ultionis extenditur: *Quoniam, quem tu percussisti, persecuti sunt, & super dolorem vulnerum meorum addiderunt. Appone iniquitatem super iniquitatem ipsorum, & non intrent in justitiam tuam. Deleantur de libro viventium, & cum justis non scribantur.* Causam apponendæ iniquitatis super iniquitatem ipsorum, & repellendi eos, ne in justitiam intrarent, & delendis de viventium libro, non scribendisque cum justis, eam esse demonstrans, quod, quem Deus percusserit, hi persecuti sunt, & super dolorem vulnerum suorum addiderunt, quod doleret.

22. Et forte non injuste, quem Deus percussisset, persecuti esse videantur. Ac de his, quæ percussa a Deo sint, quid sentiri oporteat, ante tractandum est: ut quatenus & hæc percussio salutaris, & illa percussi persecutio impia sit, possit intelligi. Percussit Dominus Sodomam & Gomorrhæ ultimis sceleribus pollutas & abominatas; & invenio his ad misericordiæ reconciliationem id, quod percussæ sunt, profecisse; cum tolerabilius his in die judicii sit futurum, quam his civitatibus, in quibus de Apostolorum pedibus pulvis excussus sit. Percussam quoque synagogam Dathan & Abiron plaga dignissima cognitum

tum est: sed in animis eorum ea, quibus maxime peccaverant, sanctificata sunt opera. Et ne per singula, quæ sunt multa, discurram, cum & Apostolus in interitum carnis ad salutem spiritus tradat, Dominus ipse, quid percutions proficiat, ostendit, dicens: Videte, videte, quia ego sum, & non est Deus præter me. Ego interimam, & ego vivificabo; percutiam, & ego sanabo; ut percutiendi causam profici sci ex causa sanationis ostenderet.

23. Percussus ergo est Dominus, peccata nostra suscipiens, & pro nobis dolens: ut in eo usque ad infirmitatem crucis mortisque percusso, sanitas nobis per resurrectionem ex mortuis redderetur. Percussus autem se ipse testatus est, commune faciens discipulos dicti hujus: Percutiam pastorem, & dispergentur oves gregis. Sed & Apostolus dicti hujus significationem haud dissimiliter confirmat, dicens: Qui filio suo dilecto non pepercit. Non pepercit itaque dilecto filio suo: quem & colonis vineæ, non ignarus, quod occisuri eum essent, destinavit. Non pepercerat autem primo illi de terræ limo Adæ, quem de paradiso post culpam, ne lignum vitæ attingens in æternitatem pœnæ maneret, eiecit: ut naturam corporis ejus Adam e cœlis secundus assumens, parique morte percussus, eam rursus in vitam æternam jam sine pœnæ æternitate revocaret. Hunc igitur ita a Deo percussus persecuti sunt, super dolorem vulnerum dolorem persecutionis hujus addentes. Pro nobis enim secundum Prophetam dolet; & idcirco est esse in doloribus æstimatus. Quod enim postea nominis sui odium susceperint, quatenus silentium resurrectionis pecunia emerint, quibus Apostolos terroribus injuriisque vexaverint, cognitum est. Et quia hæc super dolorem vulnerum addiderunt, apponetur super iniquitatem iniquitas.

24. Appositæ autem iniquitatis pœna est, ne intrent in justitiam Dei, id est, ne concorporales & participes Christo fiant, qui nobis secundum Apostolum justitia & sanctificatio, & redemptio a Deo factus est. Exclusi vero a justitiæ ingressu, necesse est a libro viventium deleantur. Scripti enim erant in Abrahamæ benedictionibus, cujus semen sicut stellæ cœli & sicut arena maris ad oram littoris abundaret. A quo libro cum omnem populum deleri Moyses metueret, se primum deleri deprecatus est: optans, ut opinor, secundum Apostolum anathema pro fratribus suis esse. Et quia super dolorem vulnerum dolorem persecutionis addentes, recursum pœnitentiæ perdiderunt, deleti de viventium libro, ne postea quidem scribi cum justis meruerunt: ut intelligi possit alius viventium, alius liber esse justorum. Nec ambiguum est eos in viventium libro esse, qui antea sine ulla Christi cognitione pie in lege versati omnia præscripta legis impleverint: de quibus secundum legem apostolus Paulus ita docuit: Quia qui fecerit ea, vivet in illis. Scribuntur autem in libro justorum, quibus justitia Christus est factus. Justus enim ex fide vivit. Quo de libro ad Apostolos Dominus ita loquitur, dicens: Gaudete & exultate, quia nomina vestra scripta sunt in cœlo. Et idcirco duplex significatio delendorum de libro viventium, & non scribendorum in libro justorum fuit: quia post librum viventium, liber esset reliquus justorum. Apostolis autem hinc magnæ gratulationis causa suggeritur, quia plus sit in libro scriptos esse justorum, quam de viventium libro esse deletos.

25. Tenet autem in se eum confessionis modum, quem in nobis esse oportet fidei, ut in eo tam natura hominis, quam natura Dei cognita sit. In forma enim servi veniens, evacuavit se a Dei forma. Nam in forma hominis existere, manens in Dei forma, qui potuit?

potuit? Aboleri autem Dei forma, ut tantum servi esset forma, non potuit. Ipse enim est & se ex forma Dei inaniens, & formam hominis assumens: quia neque evacuatio illa ex Dei forma naturæ cœlestis interitus est, neque formæ serviliæ assumptio tamquam genuinæ originis conditionisque natura est: cum id, quod assumptum est, non proprietas interior sit, sed exterior accessio: quod ipsum consequentibus docet, dicens: *Pauper & dolens sum ego; & salus vultus tui Deus suscepit me.* Pauper est, qui, secundum Apostolum, cum esset omnium dives, se ipsum, ut nos ditesceremus, paupertavit: dolens est, qui secundum Prophetam pro nobis dolet. Sed hunc pauperem ac dolentem salus ea, quæ vultus Dei est, suscepit. Forma & vultus, & facies & imago non differunt. Idipsum enim in utro horum significari communis est sensus. Hunc igitur pauperem in salutem vultus Dei, qui forma Dei est, suscepit, id est, assumptum ab se hominem unigenitus Deus, qui imago invisibilis Dei est, in æternitatis suæ vita, quæ in Deo salus esse intelligitur, collocavit. Omnis enim lingua confitebitur, quia Dominus Jesus in gloria Dei Patris est, id est, susceptus homo in naturam divinitatis acceptus.

26. Esse autem in eo finem legis & sacrificium laudis evangelica confessio est: ita ut hostiarum sanguine & oblatione cessante sacrificium gratiæ laudisque prælatum sit. Hoc enim isto paupere & dolente in salutem vultus Dei formæque suscepto continuatur, & sequitur: *Laudabo nomen tuum cum cantico, magnificabo eum in laude. Et placebit Deo super vitulum novellum cornua producentem & ungulas.* Hæc itaque laudatio nominis Dei, laudisque ipsius magnificatio, super vitulum novellum placebit. Talis enim ante in lege pro peccato offerebatur, cujus ætatem per tenera ungularum & cornuum incrementa significat. Placebit ergo super vitulum peccati honor laudis; se-

cundum illud: Sacrificium laudis honorificabit me, & illic iter, in quo ostendam illi salutare Dei. Iter igitur ostendendi salutaris Dei in laudis est sacrificio.

27. Et ipsum in consequentibus psalmus ostendit. Nam post placituram magnificentiam laudis super vitulum novellum; subiecit: *Videant pauperes & latentur. Quarite Deum, & vivet anima vestra: quoniam exaudivit pauperem Dominus, & vinctos suos non sprexit.* Hoc scilicet tempus latentur videntes, cuius sacrificium in laude sit, quia illic ostendetur salutare Dei. Et ideo Deus ab his ad vitam animæ quæretur. Carnis enim & corporis timeri iudicem vetuit: quia animam in gehennam mittere solus potens sit Deus. Quærendi autem Dei ad vitam animæ ea causa est, quia exaudivit Deus pauperem, eum scilicet, qui se paupertavit, ut nos ditefceremus, quem in salutem vultus sui suscepit, in quo nobis peccata donavit; non spernens vinctos suos, sive qui vincti sunt Christi, ut Paulus in vinculis gloriatur, sive quos Satanas peccatis vinctos ut armatus & præpotens obtinebat; secundum illud: Disrupisti vincula mea, tibi sacrificabo hostiam laudis. Latentur ergo in his, quæ vident, pauperes: quia scriptum est: *Beati pauperes spiritu, quoniam ipsorum est regnum cælorum.*

28. Et quia his, qui pauperes spiritu sunt, in cælorum regno constitutis, creatura omnis congemiscens & dolens in gloria filiorum Dei liberanda est, vanitati non sua sponte subiecta, nunc quoque ob lætantes pauperes vitamque quærentes, exauditumque pauperem, vinctosque non spreto, ipsa illa ad laudem Dei expectans revelationem pauperum gloriæ creatura advocatur: *Laudent eum cæli & terra, mare & omnia repentia in eo.* Sub horum elementorum commemoratione creaturarum omnium liberandarum sensum mentemque significans: ut, dum cælum & terra,
&

TRACTATUS DE LXXVIII. PSALMUM. 439

& mare dicitur, cognoscantur Domino Jesu Christo cœlestia & terrestria, & inferna genu flectere. In his enim, quæ in mari repunt, (cum tamen in aquatilibus natatura magis sit ex natura, quam reptio,) ea, quæ in infernis degunt, docentur, cum profundum maris sedem intelligamus inferni.

29. Causam autem, cur adhuc cœlum & terra, & mare Deum laudent, ostendit dicens: *Quoniam Deus salvificabit Sion, & ædificabuntur civitates Juda. Et inhabitabunt in ea, & hæreditabunt terram. Et semen servorum ejus possidebunt eam, & qui diligunt nomen ejus, inhabitabunt eam.* Laus universa ex rerum admirabilitate profiscitur. Tunc enim aliquid laude dignum videtur, cum opus ipsum ita magnificum atque præclarum est, ut & prudentiam ac virtutem gerentis, & gestorum decus usumque contineat. Quod itaque sensum atque opinionem ingenii communis excellat, id per admirationem sui meretur & laudem. Cœlum ergo, quod tanto ornatu distinctum impletumque est, tantosque motus atque cursus incredibili constantia ac varietate conservat, ut annum inter hiemem caloremque æstatis temperatis autumnis & veris temporibus moderetur & finiat. Terra autem, quæ supernis inumbrata naturis, vel complexa in sese, vel suscepta sinu semina & contineat, & alat, & fecundet, & secundum uniuscujusque generis naturam usu ac maturitate consolidet. Mare autem, quod vitæ nostræ modo, nunc hausto spiritu, nunc refuso animetur & maneat, motumque in tanta sui varietate rationibus se lunaris incrementi detrimentique moderetur, & profunda infinitaque sui obice mentem humanæ opinionis excedat, ut, neque quid extra se, neque quid intra sit, sensu persequente capiamus. In his tamen tantis tamque admirabilibus rerum naturarumque virtutibus in Deo hoc, quod Sion salva sit, civitatesque Judææ ædificandæ sint, cœli, terra, maria laudabunt?

Humana utique opera & caduca, & ipso tempore ac vetustate solvenda. Quod si exstructas eas esse, ut sint, laude sit dignum; nonne magis conservatas esse eas, ne destruerentur, proficeret ad laudem?

30. Non ergo hæ maximæ utique præstantissimæque rerum omnium, vel magis, quibus universæ res contineantur, alanturque, naturæ maris, terræ & cœli ad inanum penè ac levium operum laudem advocantur: id est, quia Sion salvificata sit, exstructæque Judææ civitates, quas post Babyloniorum Antiochique victoriam, bellum quoque Romani regis absumeret. Dehinc ipsam hanc inopem impiamque sententiam, rei quoque communis scientia & ratio condemnat. Nam ob id ædificari civitates Judææ propheticus sermo declarat, ut in ea, quæ salva facta sit, Sion inhabitet. Et quid hic secundum humanas exstructiones civitatumque fabricas intelligentiæ loci est? Cum neque in ædificandis his laus ulla sit, quæ sint postea destruendæ; neque ratio & natura patiatur ædificari ob id civitates, ut inhabitent civitatem.

31. Est autem digna plane Deo laus, cœli, terræ, ac maris confessione tribuenda, quod illa filia Sion, quæ invecta in Jerusalem tanto præeuntium sequentiumque comitatu, salva per Deum sit: in quam Angeli concupiscunt, in quam creatura omnis gemens dolensque prospectat, in qua æternitatis nostræ gloriam laudemque speculamur, in qua ædificatæ ecclesiarum civitates manebunt. Sion enim, licet colliculus templo, quod in Jerusalem fuit, junctus sit, tamen secundum interpretationem ex hebræo in latinum græcumque sermonem speculatio dicitur. In hoc ergo corpore Domini, quod resurrexit ex mortuis, quod a dextris virtutis confedit, quod in gloria Dei patris est, spem nostram vitamque speculamur. Et quia revelationem nostræ in eo claritatis, & ipsa in eandem liberanda creatura omnis exspectat, salutem hujus
Sion

TRACTATUS DE LKVIII. PSALMUM. 442

Sion sub significatione cœli & terræ, & maris laudat: quia omnia in cœlis & in terra pacificata & reconciliata per eam Deo sint, quia in resurrectionis gloriam, cujus spem in ipso ex mortuis resurgente speculamur, peccatum, mors, corruptio a vita & immortalitate devorata sint & exhausta. Nam si super unius peccatoris poenitentiam magnum in cœlis gaudium est Angelorum, quanto major in totius mundi reconciliatione lætitia sit?

32. Et quia *in finem pro his, qui immutabuntur, est psalmus*: Judææ etiam civitates, ut in Sion inhabitarent, ædificandæ esse laudantur. Et civitates ipsas conventus hominum esse quis dubitet? Ecclesiam vero ex conventu plebium effici notum est. In hac ergo Sion, quæ in se etiam illam primitivorum conscriptorum in cœlis complexa sit civitatem, habitatio nostra perficitur, qui ut semen Abrahæ, ita & semen Judæ manemus. Non enim qui in carne Judæus, sed qui in spiritu; ob quod in his nostris conventibus civitates quoque Judæ sumus.

33. Ac ne sibi Israël impius civitatis Judææ gloriam, eo quod secundum carnem servorum Dei semen est, vindicaret, eorum hæreditatem, eorum habitationem in Sion esse demonstrat, qui nomen Domini diligant, ut pietatis magis sit, non generis electio: quia præstet omnibus charitas Dei, quæ in Christo est; & Petrum nihil aliud, quam utrum se amaret, interrogat Dominus noster Jesus Christus Dei filius, qui est benedictus in omnia secula seculorum. Amen.

PSALMUS LXIX.

*In finem Psalmus David in rememoratione, eo quod
salvum me fecit Dominus.*

Domine Deus in adiutorium meum intende, Domine ad
adjuvandum me festina. Confundantur & revereantur,
qui quærunt animam meam. Avertantur retrorsum,
& erubescant, qui volunt mihi mala. Avertantur statim
erubescer, qui dicunt mihi: Euge, euge. Exultent &
latent in te omnes, qui quærunt te, Domine, & dicant
semper; Magnificetur Dominus, qui diligunt salutare tuum.
Ego vero egenus & pauper sum: Deus adjuva me. Ad-
jutor meus & liberator meus esto, Domine, ne tardaveris.

TRACTATUS PSALMI.

I. **A**lius hic in rememoratione psalmus est: nam trige-
simo & septimo eadem inscriptio est. Ex ipsa
autem verbi hujus significatione usuque communi,
quid in rememoratione præscribi intelligendum sit, edo-
cemur. Nam rememorationis precatio ei competit,
qui se incidere in oblivionem ejus, a quo vel auxi-
lium, vel veniam expetat, pertimescit: & aut sui ad
salutem commemorationem fieri desideret; aut eorum
ad pœnam, qui sibi semper infesti sunt. Et quidem
in anteriore superscriptionis ipsius psalmo de venia &
salute tractatum est, qui totus ex persona dolentis
Domini pro nobis, portantisque peccata nostra con-
sistit. In hoc vero necessitas poscendæ veniæ non re-
lieta est: quia jam superior & contiguus huic psalmus
in salvificatæ Sion, ædificatarumque civitatum Judæ
laude conclusus est. Sed est in eo rememoratio in im-
pios ultionis, & retributionis in sanctos. Et quia
non illi David, sed in illum David psalmus in finem est;
secundum editam in anterioribus ex nominis proprie-
tate

TRACTATUS LXXIX. PSALMUM. 343

tate rationem, ex persona Domini tractabitur, ut ipso psalmi fine noscetur.

2. *Domine Deus in adjutorium meum intende.* P^{re} confessionis hæc vox est, adjutorium a Domino & Deo sperare: sed plus hic nunc, quam in deprecationibus sperandi auxilii solet, sermo significat. Videri enim id potest, qui in adjutorium positus sit super potentem, nunc in adjutorium, in quod positus est, ut intendatur, orare. Et quis hic sit, non ambigitur ex psalmo, in quo inest scriptum: Posui adjutorium super potentem, & exaltavi electum de plebe mea. Inveni David servum meum. Et ne sit quid in illum David Jesse referri posset, adjecit: Et ego primogenitum ponam eum, excelsum super reges terræ. Ac ne, quod primogenitus est, ad primitias indulti ei a Deo regni trahi posset; id quod soli Domino Jesu Christo proprium esse ostendit, dicens: Et sedes ejus sicut sol in conspectu meo, & sicut luna perfecta manet in æternum, & testis in cælo fidelis.

3. Nunc ergo qui adversum potentem positus sit adjutor, & qui intendi in adjutorium suum precatur, pœnam in eos, qui sibi adversantur, expostulat, dicens: *Confundantur & revereantur, qui quærunt animam meam: Avertantur retrorsum, & erubescant, qui cogitant mihi mala: Avertantur statim erubescences, qui dicunt mihi: Euge, euge.* Ex verbis loquelæ sermonisque nostri divinus sermo pendendus est. Pudor & confusio ex dedecore est, aversio ex repulsa est; reditus vero non in alia loca magis, quam in ea est, unde digressio est. Qui quærunt ergo animam Sancti hujus, qui in adjutorium suum orat intendi, primum confundentur, post etiam avertentur, dehinc avertentur, non in alia, sed *retrorsum*. Et idem est dictorum ordo, qui & rerum. Confundentur enim ejus animam quærendo, quem cum peremerint, scient eum

eum vivere: quia Deus vitæ & resurrectionis est dominus. Dehinc postea avertentur, ne occurrant cum Sanctis obviam Christo in nubibus rapti. Postremo averſi non in alia quam retrorsum. Resurgentes enim ex mortuis, rursus ad pœnæ ultionisque judicium in infima terræ, unde emerſerant, revertentur. Omnis enim caro resurget, sed non omnis demutabitur: & unumquemque in carne sive bona sive mala, prout gessit, recipere constitutum est. Ergo & quærentes animam justî & mala cogitantes, & euge euge dicentes, & confundentur & avertentur, & revertentur resurrectione confusi, ab occurſu repulsi, in inferna revocati. *Euge euge* autem irridentium vox est, eorum scilicet, qui dixerint: Salvos fecit alios, se ipsum salvum facere non potest.

4. Sed post hanc de impiis precationem, quia rememorationis erat psalmus, pro Sanctorum quoque fuit spebus orandum. Sequitur enim: *Exultent & lætentur in te omnes, qui quærunt te, & dicam semper: Magnificetur Dominus, qui diligunt salutare tuum.* Ut confusio & reverentia justî animam quærentibus, ita exultatio & lætitia quærentibus Deum est: quia secundum Prophetam resurgent alii in confusionem, alii in lætitiâ. Et ut retrorsum erubescences avertentur, qui mala cogitant, qui dicunt: Euge, euge; ita qui salutare Dei diligunt, ad confessionem magnificentiae Dei proficiunt: ut ex gratia indultæ sibi a Deo exultationis, laudis confessio augeatur. Non enim aliquid Deus, qui idem atque æternus est, indiget, aut quidquam in rerum naturis & mentium opinionibus est, quod exspectet. Quod enim incremento demutabile est, id detrimento sæpe demutatur. Deus autem, qui idem origo & causa gignentibus est, ad æternæ beatitudinis naturam sibi ipse sufficiens, nihil extra quod sibi desit, ne aliunde exspectet, derelinquit. Magnificatur autem per beneficiorum suorum incre-

TRACTATUS IN LXXVIII. PSALMUM. 445

incrementa nobiscum, cum magnificentia ejus & commodorum nostrorum sensu ac jucunditate, & referendæ gratiæ laude cumuletur. Ergo quotiescunque magnificetur dicimus, totiens aut optandi nobis a Deo muneris vota sunt, aut sumti perceptique confessio est, magnificentiæ ejus laude nobiscum per commodorum nostrorum incrementa nascente.

5: Oportuit autem psalmum, qui rememorationis in finem est, digno rememorationis ipsius fine concludi. Sequitur enim: *Ego autem egenus & pauper sum: Deus adjutor me. Adjutor meus & liberator meus tu Domine, ne tardaveris.* Neque regis dignitati, neque regni opulentis, paupertatis atque inopiæ professio congruit; sed ejus vox est, qui, ut nos ditesceremus, pauperem se præstitit, cui ne ad paschæ quidem cœnam nisi quæsita & aliena domus fuerit. Adjuvare se itaque rogat. In forma enim servi obediens usque ad crucis mortem factus est. Citum quoque auxilium ut liberetur, orat; ne qua rememorationis tarditas sit, qui & ipsas illas passionis moras non ferens, proditori dixerit: Fac, quod facis, cito; dum liberari in se susceptæ carnis infirmitatem maturatæ resurrectionis virtute festinat Dominus noster Jesus Christus, qui est benedictus in secula. Amen.

TRACTATUS.

DE TITULO PSALMI XCI.

Psalmus Cantici in die Sabbati.

Ex bibliotheca Vaticana, in qua hætenus latuerat, prædit in lucem ex eo ipso codice, qui & superiorem Tractatum de titulo Psal. IX. suppeditavit, & Tract. Psalmi XIII. redintegrandi materiam præbuit. Vel ex locutione Operis hujus agnoscere est auctorem. Quem enim alium præter

ter Hilarium animo sistunt hæ voces cum quando, dehinc, concorporales, cohæredes & comparticipes, genus sacramentum, incrementa, subsistit ac manet, auctor, indulta æternitas &c. Huc accedit quod, sicut in Psal. 67. §. 22. dicuntur animæ de thesauris potestatis Dei diffusæ; ita hic §. 4. asseritur Deus de thesauris in se conditis secundum arbitrium potestatis æternæ singula quæque protulisse. Alios hujusmodi locos cum aliis Tractatibus consentientes notulis indicabimus. Præterea §. 2. ea prorsus methodo, qua in aliis solet, attendit psalmi litteram non sibi cohærere, ut hinc ad intelligentiam spiritalem exquirendam moneamur. Neque hic omittit, quod valde ipsi solemne est, ut, quoties de sabbato incidit sermo, ad unum & idem Patris & Filii opus asserendum latius excurret. His aliisque permoti, huic Tractatui inter genuinos locum negare nefas ducimus, quamvis librarium, qui in aliis quoque nonnulla ressecando aut demutando sibi permisit, neque in hoc sibi temperasse suspicemur. Quidni hujus negligentia totius psalmi explanationem, quæ ad calcem promittitur, nobis ereptam doleamus? Hic igitur si cui minus aliis elaboratus videatur, id vel librarii incuriæ licebit attribuere, vel etiam opinari eum ad nos pervenisse, qualem Hilarius fuderit ex tempore, & ex cathedra, non qualem ex secretiori cella politum ediderit.

I. **B**onum est confiteri Domino, & psallere nomini tuo, Altissime, & reliqua. Post Legis tempora & cognitionem veritatis, conveniet corpus ipsum potius, quam umbram corporis contueri. Lex enim eorum, quæ in Domino nostro Jesu Christo implenda erant, speciem complectitur. Non ipsa veritas, sed in ea meditatio veritatis, utilis fide potius, quam effectû, imitatione, quam genere. Ea enim, quæ observari præcepta sunt, non virtute efficientiæ ipsius utilia erant, sed observantium fide salutaria, ut sacrificiorum diversitates, & holocaustorum religiones
&

& circumcisionis cura, & sabbati otium. Hæc enim omnia & prætermissa culpam habebant, & gesta sub futurorum fide proderant, sicut ait beatus Apostolus: „Prius autem, quam veniret fides, sub lege conclusi custodiebamur in ea fide, quæ incipiebat revelari. Itaque lex pædagogus nostra facta est in Christo, uti ex fide justificamur. At ubi venit fides, jam non sumus sub pædago; omnes enim filii æstis fidei.“ Ergo quotiescumque aliquid ex lege relegitur, in opere præsentium mandatorum, speculum futurorum est contuendum. Et erat quidem congruum de singulis superius comprehensis afferre rationem; ut secundum Apostoli doctrinam universa intelligerentur, fide futurorum potius, quam virtute ipsius efficientia profuisse: tamen in unum congesta omnia audientibus ne non tam cognitionem potius, quam onus afferant, unam ex superioribus partem retractemus, & eam scilicet, quæ tempori necessaria est, id est, sabbati diei, quia ita psalmus inscribitur: *Psalmus cantici in die sabbati*; ut, cum per Scripturarum cœlestium auctoritatem, quæ ratio in sabbati requie contineatur, cognoverimus, parem ceterarum quoque rerum, quæ in lege sunt, efficientiam sentiamus.

2. Et de otio quidem diei hujus multa præcepta sunt. Nam & in ea Dominus perfecta mundi hujus soliditate requievit: scriptum est enim: *Et requievit Deus in die septima ab omnibus operibus suis*, quæ inchoavit facere. Et rursus hæc eadem significatur in lege, adeo, ut omne opus agi vetitum sit, sicut scribitur in Exodo: „In mente habeto diem sabbatorum sanctificare eum: sex diebus operaberis, & facies omnia opera tua; septimo autem die sabbatum Domini Dei tui: non facies in illa die ullum opus.“ Ergo sabbato & quies Dei est, & hominum otium. Sed quid hoc proficiet ad psalmum, in quo factura Dei gaudium est, & profundæ cogitationes ejus, & exorien-

oriendus peccator ut fœnum, & justus ut palma flo-
rescens, & multiplicans ut cedrus? Nulla hic diei se-
ptimi requies, nullum humanorum operum otium de-
cantatur. Ergo quia nihil in psalmo de requie hujus
sabbati continetur, proprietates requietionis & sabbati,
quod in lege præscribitur, requirenda est in psalmis.
Legimus itaque de impiis dictum: Sicut juravi in ira
mea, si intrabunt in requiem meam. Deus in sacra-
menti religione confirmat, non adituros requiem suam:
non, ut opinor, hujus sabbati requiem significat, in
qua post mundi ædificationem scribitur quievisse. Nam
solemnitatem ac lætitiā diei hujus omnes Judæi in
eam gloriantes introeunt, ex quibus necesse est plures
in peccatis agere ac vivere: hanc enim diem ad quod-
dam testimonium dignationis in se Dei honorant. Si
hæc ergo Dei est requietionis dies; quod cum venia
dictum sit, jam Deus mendax est, cum in se *contu-*
maces, in Filium parricidæ, requiem diei hujus ob-
tineant.

3. Dehinc cum omnibus omnino, sine exceptione
aliqua, nihil operis agere, sed in otio quiescere jus-
sum sit; quomodo rursus Dominus sabbatum solvit
dicens: Nescitis, quia sacerdotes in templo sabbatum
violant, & sine crimine sunt? Ergo non hæc quies est
sabbati, nec hoc ejus otium est; cum quando non
quiescentes in sabbato maledicti sint

.
.
sub Legem firmitatis accipiens. Si sol signaque ce-
tera cursus suos obeunt, & habent ab eo permanendi
in his, in quibus sunt substantiam, a quo in hos cursus
atque in hæc officia composita sunt: si terra fructus
suos profert, materiem fecunditatis in dies sumens,
per quam ei secundum temporum vicem quædam fer-
tilitatis natura subiecta est: si quotidie animarum ori-
gines, & corporum figurationes occulta & incognita
nobis

nobis divinæ virtutis molitione procedunt: & magnum est muneris tanti dona sentire, cum tamen eorum institutio nesciatur. Sed hæc etsi opus Dei sunt, verum in his labor est nullus. Et quamquam habeant ex auctore suo ac donante, quod talia sunt; non tamen eum, a quo orta, & per quem quotidie talia sunt, defatigant.

4. Et quidem hæc magna Dei opera sunt, cælum continere, solem cum astris ceteris luminare, seminis terræ incrementa sufficere, hominem firmare, animam reprovehere; sed longe his majora opera perfecta sunt. Moyses enim tantum visibilium rerum creationes enarravit rudibus hominum animis, ea ad cognitionem Dei proferens, quæ possent intelligi & videri: ut per hanc conspicabilium operum magnitudinem, virtus ejus, qui operatus est, cognosceretur: ut Creatoris potestas per creaturæ admirationem posset intelligi. Sed Paulus Testamenti interpres, non jam lactis, sed panis cibum ingerens, ita de Domino tradidit: Qui est imago Dei, primogenitus omnis creaturæ, quia in ipso constituta sunt omnia in cælis & in terra visibilia & invisibilia, sive Throni, sive Dominationes, sive Principatus, sive Potestates, omnia in ipso, & per ipsum facta sunt, & ipse est ante omnes, & omnia ipsi constant. Pertrahit ergo nos Doctor gentium de cognoscibili materia, in invisibilium intelligentiam, & nos ad cognoscendos principatus, & potestates, & thronos, & dominationes de terrenis atque humilibus educit. Verum hæc ex nutu Dei patris & in cælis, & in terra manent, atque existunt: & licet per Filium omnia, tamen a Deo omnia. Ipse est etenim caput & principium universorum, & in ipso universa sunt condita; licet postea de thesauris in se conditis, secundum arbitrium potestatis æternæ, singula quæque protulerit. Verum cum in omnibus Christus operetur, ejus tamen opus est, qui operatur.

ratur in Christo; & ideo, Pater meus, ait, quotidie operatur, & ego operor; quia opus Patris est, quidquid manente in se Deo patre filius Dei Christus operatur; atque ita per filium quotidie omnia, quia omnia Pater operatur in Filio. Igitur quotidie Christus operatur: &, ut arbitror, animarum initia, configurationes corporum, profectus & incrementum viventium opus ejus ostendunt.

5. Ut autem absolutius intelligere possimus, quæ operatio Dei sit, & quomodo operans Pater operatur & Filius, originem dicti hujus nosse debemus. Inter ceteras enim curationes, quibus se Dominus in carne hominis Deum docebat, sub visibili materie potestatem invisibilis virtutis ostendens, paralyticum triginta octo annorum in natatoria porticus Salomonis invenit expectantem alicujus auxilium, per quem ad motum aquæ per Angelum incitatæ devehi posset. Erat autem hoc & in tempore, & in homine virtutis, ut, cum fons piscinæ commotus esset, ille, qui primus aquas esset ingressus, omnem infirmitatem, qua affligeretur, evaderet. Erant autem hæc & præsentium effectibus utilia, & futurorum speculo imaginata, cum angelo ad aquas vocante omnium ægritudinum prompta esset abolitio. Hunc ergo paralyticum die sabbati Dominus ubi vidit, verbo curat, præcepto salutem infirmantis efficiens. Dicit ergo paralytico: Surge, tolle grabatum tuum, & ambula. Jam non solum sanus paralyticus, sed etiam oneri utilis factus est. Judæi paralyticum violati sabbati arguunt, dicentes: Sabbatum est, non licet tibi tollere grabatum tuum. Quibus respondit: Qui me fecit sanum, ille mihi dixit: Tolle grabatum tuum, & ambula; eundem auctorem facti sui proferens, quem salutis; ut non existimaretur ab eo culpa violati sabbati posse proficisci, cujus in verbo humani corporis instauratio constitisset. Ergo quia paralyticum
Domi-

Dominus curasset in sabbato, ubi facti veneratio consequi debuisset, illic Judæorum omnium odium commovetur. Quibus Dominus respondit: Pater meus usque modo operatur, & ego operor.

6. Sed surgit hic ad violati, ut putabant, sabbati gravior indignatio, quod patrem suum Deum dixerit, æqualem se faciens Deo. Sed unde hic Judæis dolor est? Non enim ita locutus est: Deus pater meus est. Sed vim attulit veritas, & confessionem invitis ratio extorsit; Deo enim esse æqualem opera loquebantur. Illi irascuntur, quod non audiunt, & pati nolunt, quod ignorare non possunt; & hoc in Christo oderunt, quod eos intelligere est necesse. Opus ergo Patris in quo est? In eo scilicet, quod agit filius; ait enim: Non potest Filius a se facere quidquam, nisi quod viderit Patrem facientem. Non utique virtutem sibi ademit, sed obsequio se paterno devinxit arbitrio. Non enim nudo sermone significat: Non potest Filius facere, sed adjecit, ab se quidquam, nisi quod viderit Patrem facientem. Ergo quod facit ille, famulatus est: quia non a se quidquam, sed id, quod viderit, facit; ministerium veniens de exemplo, non operis, sed voluntatis; quia opus Patris in voluntate est. Id enim Dominus ait: Non veni voluntatem meam facere, sed ejus, qui me misit: docens non aliud velle se, quam quod vellet ille, qui eum miserat. Ergo voluntatem Patris Filius tamquam exemplum operationis introspicit; quia omnia intra paternarum cogitationum providentiam quadam futurarum rerum prædestinatione formantur. Introspicit autem per mutuam charitatem atque naturam: ait enim: Pater diligit Filium, & omnia demonstrat ei, quæ ipse facit. Ita & huic Dei, ex quo ipse Deus natus est, voluntatem nosse pervium est; & illi, quod voluntatis suæ cognitionem filio congenuerit, est benignum.

7. Ergo ad sabbati diem, ex quo odium commovebatur, responsum est: Pater meus usque modo operatur, & ego operor. Est ergo opus Dei sabbato? Est plane: nam nisi esset, cælum dilaberetur, lumen solis occideret, terra non staret, fructuum omnium incrementa deficerent, vitæ hominum interirent, si sabbati lege virtutum omnium constitutio otia retur. Sed requies nulla est, & cursus idem est, & ut sex diebus, ita & sabbato elementorum omnium continentur officia. Ergo omni in tempore per hæc Pater operatur, operatur autem in Filio, quia ex eo est: & per quem omnia hæc opus ejus sunt, qui ista in se operetur operante: & ministerii opus in opus referatur auctoris. Itaque Filius in paralytico, ut in ceteris, operatus in sabbato est: & per Filium opus Patris in sabbato est: atque ita non est in die Dei requies, cum dies Deo nulla sine opere sit.

8. Quia ergo opera Dei extant, quæ sit ejus, querenda est. Dei itaque opus, opus Christi est: quia ita omnia, quæ Dei sunt, in eo vera sunt, ut his Pater quiescat. Perfectus enim a perfecto est, quia, ut Apostolus ait, omnia ipsi constant. Et sicut de se ipso testatus est: Sicut habet Pater vitam in semetipso, ita & Filio dedit habere vitam in semetipso; & rursum Apostolus ait: Quia in ipso inhabitat omnis plenitudo divinitatis corporaliter. Itaque quod in eo est, vel quod ipso perfectum est, neque jam quod subsistit ac manet, eget atque expectat aliunde, sed charitate Patris atque virtute. Ita & in filio vita est, ut licet sit natus ex Patre, tamen in ea vita, in qua & Pater vivit, existat. Nam & in eo universorum, quæ deinceps crearentur, principia constiterunt; & in eo universa contemplan, consummatis per eum omnibus, delectatus est: cum & in Filio creatore quiesceret, & in his, quæ digna dilectionis filio essent
creata,

creata, gauderet. Hinc illud est in Proverbiis: Cum pararet cœlum, aderam illic. Et: Ego eram apud eum disponens: mihi aggaudebat, cum lætaretur opere perfecto. Hæc requies, in qua lætatur Pater, quam etiam per sacramenti confirmationem impii non adibunt. Est etiam intelligenda Domino Jesu Christo requies eorum, quæ invisibilia sunt, Throni, Dominationes, Principatus, Potestates: hæc enim omnia manent incorrupta, indefessa, perpetua. Et idcirco in his requies existimanda est, quia indulta æternitate jam in eorum perfectis creationibus quiescat.

9. Oportet autem cognoscere quidem, quomodo in requiem, quam impii non adibunt, pii & Deo subiecti poterunt introire: necesse est enim spem, quæ malis negata est, bonis relinqui. Sed si Christus Dei requies est, ergo hi, qui in Christo erunt, erunt in Dei requie. In Christo autem velle esse se Apostolus clamat, dicens: Sequor autem, si apprehendam, in quo & apprehensus sum; & rursus: Omnia autem detrimenta esse duxi, & arbitror stercora, ut Christum lucrifaciam; & rursus: Benedictus Pater Domini nostri Jesu Christi, qui benedixit nos in omni benedictione spiritali in cœlestibus in Christo, in quo elegit nos ante mundi constitutionem in ipso, ut simus sancti & immaculati in conspectu ejus in charitate: qui ante prædestinavit nos in adoptionem per Christum in ipso; quia Verbum caro factum est; quia cum aliquando essemus alienati, & inimici sensus ejus in factis malis, nunc autem reconciliati sumus corpore carnis ejus. Ergo per conjunctionem carnis assumptæ sumus in Christo: & hoc est Sacramentum Dei absconditum a seculis & generationibus in Deo, quod nunc revelatum est sanctis ejus, esse nos cohæredes, & concorporales, & participes pollicitationis ejus in Christo. Patet ergo universis aditus in Christo per conjunctionem carnis, si exuant veterem hominem,

& cruci ejus affigant, & ab his, quæ ante gesserunt, in baptismo ejus conspeliuntur ad vitam; & ut in consortium Christi carnis introeant, carnem cum vitiis & concupiscentiis affigant. Istiusmodi enim corpora configurabit in transformatione corporis sui, & horum humilitatem in gloriam carnis suæ transferet, qui contundentes omnes cupiditatum aculeos, & voluptatum sordes abluentes per novæ nativitatis sacramentum, meminerint se non suam carnem habere, sed Christi.

10. Est autem hoc perfectum sabbatum, hæc vera requies, cui more sabbati secularis omnia vitæ necessaria pridie præparare præcipimur. Judæi enim secundum præceptum legis, die, quæ anterior sabbato erit, omnia, quæ sabbato sunt necessaria, parant, & cibus omnis ac potus ante providendus, parandus, recondendus est; non intelligentes in eo umbram futuræ veritatis ostendi. Ut enim ad otium sabbati obtinendum superioris diei geminanda officia sunt; (nam & quod ipsi diei & sabbato necessarium est, curandum est) ita & nobis æterna sabbata expectantibus, quibus illic possimus uti, præsentis vitæ negotiis sunt præparanda; & nunc quidem necessaria, sed requiem sabbati redemptura. Ut igitur ab hujus sabbati requie, id est, ut superius ostendimus, a consortio Christi Angelorumque, non etiam sacramento Dei arceamur, operandum & promerendum est, & per sollicitudinem operum anteriorum, æternitatis est requies præparanda, orationum vigiliis, lectionum frequentia, jejunii voluntate, humilitatis tranquillitate, bonitatis operibus, castitatis nitore, virtute patientiæ. Hæc pridie in otium æterni sabbati sunt paranda; ut corruptionis nostræ infirmitate in cœlestem gloriam transformata, nec vitium voluntas, nec ambitio gloriam, nec honorem superbia, nec otium labor, nec cibus corpus, nec somnum noctis diæ lassitudo desideret: sed

sed sit nobis æterna lux pervigil communis usus bonorum, cœlestis satiatus sermo Dei, laudum Deo & cum Angelorum choris hymnus æternus. Hoc fidei est præmium, hæc corporeæ resurrectionis est gloria, in qua nihil desiderandum est, quia nullo egendum est; non per invidiam æmulandum, quia in communionem vivendum; non aut infirmitate aliqua dolendum, aut ætate crescendum, quia immortalitate durandum est. Sed urendus potius diabolus, & malum omne perimendum, & æternitatis nostræ flos obtinendus. Pro hujus igitur sabbati requie Deo patri Filius confitetur. Hoc ex persona ejus in fine cantatur, hoc, sicuti singulorum versuum interpretatione noscimus, acquisita hominum immortalitate celebratur.

TRACTATUS PSALMI XCVIII.

P R O L O G U S.

Qui ad doctrinam rationabilis & perfectæ prudentiæ præparantur, ab ipsis statim litterarum elementis docendi sunt: ut perfectam veramque rationem tamquam ab exordio primæ institutionis consequantur. Sciens istud sanctus Paulus apostolus, eam solum veram atque utilis doctrinæ esse prudentiam, quæ ab ætatis initiis atque ab infantia ipsius inchoaretur exordiis, hæc ad Timotheum inter magna atque præclara fidei studii præconia in secunda epistola scribit: Tu vero permane in his, quæ didicisti & credidisti, sciens, a quo didicisti, & quod ab infantia sacras litteras nosti, quæ te possint instruere in salutem. Hoc propter præsentem psalmum ita dictum sit, in quo cum cognitio veritatis ad eruditionem humanæ ignorantia esset edenda, per ipsa litterarum atque elementorum initia doctrinæ ordo est distributus. Se-

cundum enim Hebræorum litteras in singulis octonis versibus singulæ litteræ perferuntur. Est autem omnis numerus versuum in centum septuaginta sex versibus. Nam cum ex viginti duabus litteris omnis hebræus sermo conveniat, & octonos versus litteræ singulæ explicant; numerus iste versuum octonis partibus multiplicatus expletur. Hanc igitur extitisse causam existimo, ut per litteras totius istius psalmi ordo decurreret; ut sicut parvuli & imperiti, & ad legendum imbuendi hæc primum, per quæ sibi verba contexta sunt litterarum elementa, cognoscerent; ita & humana ignoratio ad mores, ad disciplinam, ad cognitionem Dei per hunc singularum litterarum octonarium numerum ipsis velut infantilis doctrinæ initiis erudiretur.

2. Arduum enim & difficillimum homini est, per se ipsum vel per seculi doctores rationem præceptorum cœlestium consequi: nec naturæ nostræ recipit infirmitas, divinis institutis, nisi per ejus gratiam, qui hæc ipsa dederit, erudiri. Namque qui simpliciter ea, quæ inter manus sibi inciderint, legunt, existimant nihil differentiæ in verbis, nihil in nominibus, nihil in rebus existere. Sed si istud communis colloquii sermo non patitur, ut sub diversis rerum nuncupationibus non diversa significata esse intelligantur; numquid Dei eloquia tam imperita, tam confusa esse credimus, ut aut inopia verborum, quibus uterentur, laboraverint, aut distinctionum genera nescierint?

3. Plures enim cum audiunt legem, justificationem, præcepta, testimonia, judicia, quæ omnia Moyses sub diversa uniuscujusque generis virtute disposuit, unum atque idem esse existimant: ignorantes aliud legem, aliud justificationem, aliud præceptum, aliud testimonium, aliud esse judicium: quæ multum a se differre & discrepare, testis nobis est octavus decimus psalmus, quo continetur proprietas uniuscujusque

&

TRACTATUS IN XCVIII PSALMUM. 457

& nuncupationis & generis. Lex enim Domini immaculata, convertens animas. Testimonium Domini fidele, erudiens parvulos. Justitiæ Domini rectæ; lætificantes corda. Præceptum Domini lucidum, illuminans oculos. Timor Domini sanctus, permanens in seculum seculi. Judicia Domini vera, justificata in ipsum. Sunt ergo distantie in singulis quibusque rebus: & prudentis atque intelligentis viri est, in his, quæ scripta sunt, discernere, ubi lex, ubi præceptum, ubi testimonium, ubi justificationes, ubi judicia constituta sint: ne illa, quæ sermo propheticus mirabili uniuscujusque rei proprietate distinxit, ea ignorantie nostræ infirmitas indocta imperitiæ opinione confundat. Itaque per litteras singulas hæc omnia maximus, & ultra ceteros copiosissimus psalmus iste discrevit: ut per hæc verborum elementa, credendi & vivendi, & erudiendi in Dominum doctrinæ ratio & distinctio doceretur.

4. Plures autem arbitrantur, simplicitatem fidei ad absolutam æternitatis spem posse sufficere: tamquam innocentia secundum judicium seculi, doctrinæ celestis institutis non egeat. Et quia aliter se res habeat, idcirco nunc vivendi in Deo innocenter, & in innocentia religiose manendi cognitio multa cum copia prophetici sermonis exposita est; quia difficile est quæquam per semetipsum, id est, per seculi instituta hanc innocentie religiosæ cognitionem, & verum usum vitæ piæ & innocentis adipisci. Novit etiam infirmam per se esse humanam naturam Apostolus, ad hanc vivendi scientiam capeffendam. Nam cum de charismatum & munerum Dei donis doceret, cum primum sermonem sapientie prætulisset, statim sermonem scientie subjecit; hoc enim scientie post sapientie sequens a Deo donum est: quia usus sapientie in usu scientie perfectus est.

5. Occurrit autem in præsentī psalmo etiam ea nobis difficultas, quod cum duos tantum psalmos acceperimus per litteras hebræas conscriptos, id est, centesimum decimum atque undecimum; ita ut a prima usque vigesimam secundam litteram secundum Hebræos versusum numerus conveniret, versusque singuli a singulorum elementorum initiis inchoarentur, in hoc nunc psalmo octonos versus elementa singula obtinerent. Sed cum omnia vivendi, credendi & placendi Deo præcepta contineantur in psalmo; in eo numero omnia litterarum initia continentur, qui maxime secundum plenam & religiosam ejusdem numeri virtutem primus omnium convenientium in se undique partium æqualitate perfectus est. Primum etenim per duas in se partes ex partibus coequalis, tum deinde per quatuor æque partes convenit: ut virtutes psalmorum, qui in hoc numero vel singulari, vel multiplicato collocati sunt, doceant numeri hujus esse sanctam & religiosam plenitudinem. Hic autem numerus, etiam in lege sanctus est. Jussu enim est, ut, qui natus esset, in octavo signum circumcisionis acciperet. Hæc etiam in circumcisione Domini ratio servata est: & in hoc dierum numero, cum ipse circumcisione non egeret, oblatus in templo est, ut in corpore ejus humanæ carnis recideretur infirmitas. Hic etiam numerus omnia genera pecudum, ut digna sacrificiis habeantur, emundat; octava enim die jubentur offerri. Et in hoc numero diluvii diebus origo rursus humanæ generationis eligitur. Consummatio igitur nunc doctrinæ & eruditionis nostræ sub perfecti hujus numeri absolute per singula elementa concluditur: ante quem neque munda Deo hostia fuit, neque in generis familia quis cessante circumcisione susceptus est, & ex quo rursus iterandæ generationis cœpit exordium. Primæ igitur litteræ hi versus sunt.

L I T T E R A I.

N Aleph.

B *Beati immaculati in via, qui ambulant in lege Domini. Beati, qui scrutantur testimonia ejus, in toto corde exquirunt eum. Non enim, qui operantur iniquitatem, in viis ejus ambulaverunt. Tu mandasti mandata tua custodiri nimis. Utinam dirigantur via mea ad custodiendas justificationes tuas. Tunc non confundantur, cum perspexero in omnia mandata. Confitebor tibi in directione cordis, in eo, quod didici justitiam tuam. Justificationes tuas custodiam: non me derelinquas usquequaque nimis.*

I. **B** *Beati immaculati in via, qui ambulant in lege Domini. Beati, qui scrutantur testimonia ejus, in toto corde exquirunt eum.* Dictorum ordo non negligendus est: qui si non diligenter a nobis cognoscitur, ne dispositæ quidem beatitudinis ordinem consequimur. Non enim primum: *Beati scrutantes testimonia Dei*; sed primum: *Beati immaculati in via*. Prius enim est, confirmatis moribus & in innocentiae studium ex communi probitatis honestate compositis, viam veritatis ingredi; sequens deinde est scrutari Dei testimonia, & expurgato emundatoque animo ad investiganda adesse. Ordinis autem hujus & alius propheta non immemor est, dicens: *Serite in justitia vosmetipsos, & metite vos in fructu vitæ, & illuminate vos in lumine scientiæ. Non illuminatio primum, sed satio nostra præcepta est: ut cum antea nosmetipsos, id est, vitæ nostræ usum in spem fructuum severimus, deinde cum, quæ fata sunt, messuerimus, tunc nos lumine scientiæ illuminemus. Tenendus igitur hic ordo est, sationis, messis, & illuminationis. Plures enim nostrum illuminari se prius, quam serere ac metere festinant; cum*
satio

fatio atque messis quædam consequendi luminis præparatio sit.

2. Prima igitur hæc beatitudo est, beatos esse, qui immaculati in via sint: sed non in via fortuita, & in incerta, & in erratica, sed in via, in qua in lege Domini ambulatur. Plures etenim utilem & necessariam viam sese ingressos existimant: sed immaculati in via non erunt, quia non in lege Domini ambulant. Sed via hæc non solum ineunda est, sed etiam peragenda. Nemo enim, dum in via est, id, ad quod per viam tendit, obtinuit; secundum quod beatus Paulus ait: Non quod aliquid acceperim, aut jam perfectus sim: sequor autem, si apprehendam, in quo & apprehensus sum a Christo. Ergo adhuc ille pergebat: sed pergebat ea, quæ retro sunt, obliviscens, his autem, quæ in priora sunt, se extendens. Itaque viam hanc agens beatus est, qui cum oblivione præteritorum in futurorum spem extenditur. Et quæ via sit, in qua unusquisque ambulans beatus sit, Dominus docet dicens: Ego sum via. Quisquis igitur in præceptis ejus institerit, hic beatus est: dum vitia carnis coercet, dum animi petulantiam edomat, dum avaritiæ famem vincit, dum terrenorum honorum gloriam evitat. Qui in his ergo manserit, hic est immaculatus in via, & in lege Domini ambulans.

3. Adjectio autem ea, qua dictum est, *in lege Domini*, non est otiosa. Est enim & peccati lex, de qua ait beatus Apostolus: Video aliam legem in membris meis contramilitantem legi mentis meæ, & captivum me ducentem in legem peccati. Ergo quia & lex peccati esset, idcirco lex Domini dicta est. Nisi enim & lex esset exterior, non cum adjectione proprietatis legem Domini propheticus sermo dixisset.

4. Sequens deinde versus est primæ litteræ: *Beati, qui scrutantur testimonia ejus, & in toto corde exquirunt eum.* In primo versu est: *Qui ambulant in lege Domini-*

Domini; in secundo: Qui scrutantur testimonia ejus; in quarto, quia tertius supplementum dedit secundo, de mandatis ait dicens: Tu mandasti mandata tua custodiri nimis; in quinto de justificatione: Utinam dirigantur via mea ad custodiendas justificationes tuas; in sexto rursum de mandatorum effectibus: Non confundar, cum respicio in omnia mandata tua; in septimo de judiciis: Confitebor tibi Domine in directione cordis, in eo, quod didici judicia tua; in octavo de justificatione: Justificationes tuas custodiam, non me derelinquas usquequaque nimis. Si ergo aliud lex, aliud præceptum, aliud iudicium, aliud justificatio, aliud testimonium, necessarium est ab eo, qui hæc omnia constituit & condidit, intelligentiæ gratiam nos & munus orare. Totum hoc autem in commune lex dicitur. Sed est quiddam in his speciale, quod propriam in se habet legis nuncupationem.

5. Quid ergo est lex? Umbra scilicet, ut Apostolus ait, futurorum: quod de ceteris scriptum nusquam est, scilicet ut futurorum umbra sit aut justificatio, aut testimonia, aut mandata: sed tantum id legi proprium est, ut Apostolus in plurimis docet, non secundum litteræ intelligentiam Legem esse tractandam, sed secundum spiritalem doctrinam futurorum in ea umbram esse noscendam. Ait enim: Non obturbabis os bovis triturantis. Et adjecit: Numquid pecudum Deo cura est? An non propter nos dicta scriptaque sunt? Et rursum: Legem legentes non audistis, quod Abraham duos filios habuit, unum ex ancilla, & unum ex libera? Sed qui ex ancilla, secundum carnem natus est; qui autem ex libera, secundum repromissionem. Et quia lex futurorum umbra esset; adjecit: Quæ sunt allegorumenæ; hæc enim sunt duo Testamenta. Ergo quæcumque doctrinarum spiritualium umbram complexa sunt, hæc lex esse dicenda est; quia lex & spiritalis est, & umbra futurorum.

6. Man-

6. Mandatum autem Domini est, in quo observatio præceptorum & custodia continetur; ut illud: Non occides, non mæchaberis, & cetera horum similia. Et quia hæc simplicia & splendida sunt, nosque in verum lumen per observantiam sui dirigentia; idcirco ita dictum est: Præceptum Domini lucidum, illuminans oculos. De lege autem non convenerat ista dixisse, quæ per umbram futurorum sancta est, & animas per futurorum cognitionem convertens; **MANDATUM** autem per observantiam sui illuminans.

7. Ergo quia beati sunt scrutantes testimonia Dei, & aliud legem, aliud mandatum, aliud testimonium esse sicut cetera diximus; quæ hæc Dei sint testimonia, noscendum est. Legis enim totius liber sub testimoniis datus est. Cælum namque & terram Moyses librum Testamenti traditurus in testimonium advocavit. Et sunt plurima in causam testimoniorum constituta, cum Jacob ait: Testimonium erit vobis collis iste, & testimonium erit lapis iste. Et in Jesu scriptum est; Duodecim lapides efferte, ut sint hi in testimonium filiis vestris. Curato etiam leproso Dominus ait: Offer munus tuum in testimonium, quod constituit Moyses illis. Apostolus plura ad Timotheum per epistolam loquens denuntiat sub testibus, dicens: In conspectu multorum testium denuntio tibi, & in conspectu Dei vivificantis omnia, & Jesu Christi, & electorum Angelorum, ut hæc custodias. Plura igitur & innumerabilia sunt Dei testimonia, quæ si quis scrutari per cognitionem Legis, Prophetarum, Evangeliorum, Apostolorum vellet, in beatitudine permaneret; neque velut vacuo & solitario orbe vivens, sciret se nisi sub teste peccare. Plena sunt enim omnia divinis testimoniis: & omne hoc, vacuum quod putatur, repletum est angelis Dei, nihilque est, quod non hæc divinatorum ministeriorum frequentia incolat.

8. Horum itaque cognitionem per doctrinam quis adeptus, scit se sub testibus vivere. Et cum natura humanæ infirmitatis proclivis ad vitia est, refugit tamen vel sub teste peccare: quod ipsum docet nos communis consuetudinis ratio. Quis enim furari sub teste non metuit? Quis ad scelus nisi secretum elegit? Quis ad adulterium non aut solitudinem, aut noctem optavit? Et si quando incalescentibus vitiis jam ad crimen animus promptus est, tamen furor insanientis voluntatis occurfu testis coercetur: & in sese abruptam humanæ petulantiae naturam nonnumquam intercessio repentina revocavit. Si ergo metus intercessionis jam præsumtum animo facinus demoratur; quid CHRISTIANUM hominem agere conveniet, scientem se tot undique spiritalium virtutum testimoniis, non dico operum suorum, sed ipsius tantum voluntatis obsessum? Nonne cum in aliquam turbidæ affectionis voluntatem infirmitatis nostræ aculeis commovemur, metuimus assistentes undique nobis choros Angelorum, & plenum ministeriis cœlestibus mundum? Si enim Angeli parvulorum patrem nostrum quotidie vident, qui in cœlis est; possumus testimonia eorum metuere, quos & nobiscum manere, & Deo quotidie scimus assistere. Quin etiam ipsum illum diabolum, per quem ipsa illa vitiorum nostrorum incentiva præbentur, suosque omnes testes metuere debemus, puncto temporis omnem amplitudinem mundi hujus obeuntem: cui dulce est peccare nos, ut peccatorum nostrorum testimonio gloriatur. Est enim ejus hæc propria calliditas, instigare ad peccandum, & arguere peccantes. Dictum est enim: Aut nescis, quia adest diabolus accusator fratrum vestrorum?

9. Et quia essent adversariæ nobis virtutes in testimonio cum ceteris permanentes, de sanctis tantum Prophetam meminisse dignum fuit dicentem: *Beati scr-*
utantes

tantes testimonia ejus; non aliena scilicet, sed illa, quæ Dei sunt. Non negligentem autem testimoniorum Dei oportet esse scrutationem; ob quod dictum est: In toto corde exquirunt eum. Non pro parte studium cœlesti doctrinæ adhibendum est; sed toto corde Dei testimonia inquirenda sunt: ut, quia sunt & alia, quæ Dei non sunt, ea, quæ Dei discimus esse, non avvocato in alia negotia corde scrutemur.

10. Succedit deinde hic versus: *Non enim qui operantur iniquitatem, in viis ejus ambulaverunt.* In primo versu singulariter via commemoratur, viæ in hoc tertio plures. Ex quo intelligendum est, per multas vias ad unam perveniri; in qua quisque immaculatus si sit, hic beatus est. De plurimis autem viis atque una Jeremias paria testatus est, dicens: *Stâte in viis, & interrogate vias Domini æternales: & quærite, quæ sit via bona.* In plurimis ergo viis standum est, & plurimæ interrogandæ sunt: & hæ quidem plures & Domini sunt, & æternales, & in his cernendum est, quæ sit via optima. Viæ plures sunt, & plura Dei mandata, plures prophetæ, per quos omnes in unam viam pergitur: sed in his operarii iniquitatis non ambulaverunt. Nam si in lege mansissent, usque ad optimam illam novi Testamenti viam pervenirent. Est via per Moysen, est per Jesum, est per David, est per Esaiam, est per Jeremiam, est per Apostolos; & per has omnes ad eum necesse est pervenire, qui dixit: *Ego sum via; &: Nemo vadit ad Patrem, nisi per me.* Simile quiddam sub margaritæ nomine dictum esse intelligendum est. Multarum enim margaritarum negotiatorem esse oportet, ut unam margaritam multi pretii consequatur. De margaritis cum sit sermo, sufficit ad honorem earum, quod margaritæ sunt nuncupatæ; una autem illa margarita, quæ reperta est, magni esse pretii dicitur: ita & cum de viis plurimis prophetatur, quod & Domini, & æternales sint,

sint, dictum est; cum autem in his viis quæritur, quæ sit utilis via, ea, quæ reperta est, optima prædicatur. Ergo quamvis vel illæ viæ æternales sint, vel margaritæ ipso suo nomine honorabiles sint; in multis viis standum est, ut bona via reperiatur; & vendendæ omnes margaritæ sunt, ut ea, quæ multi pretii est reperta, coematur.

11. Dehinc consequitur hic versus: *Tu mandasti mandata tua custodiri nimis.* Superius commemoravimus, aliud significare mandata, aliud legem. Et de lege, quantum arbitror, Apostolus nobis testis fuit, quia umbra sit futurorum, in qua species veritatis tamquam corpus in umbra describitur. Mandatum vero est, quod per observantiam implendum est; ut illud: Non mœchaberis, non occides. Non enim in eo species futuræ imaginis continetur, sed præsentem habet operationis effectum. *Tu mandasti mandata tua custodiri valde.* Nihil igitur dissoluto animo, nihil incurioso agendum est, sed sollicitos atque anxios curam mandatorum Dei exequi nos oportet: ut id, quod agimus, in profectum fidei nostræ, cum reverentia ejus, cui agimus, exequamur. Ceterum si aliquid remissa voluntate & occupata in res alias cogitatione egerimus; officia quidem corporis in agendo occupabuntur, sed devotionis meritum per negligentiam non consequemur.

12. *Utinam dirigantur viæ meæ, ad custodiendas justificationes tuas.* Habemus nunc post mandatorum custodiam, etiam justificationum observantiam. Et mandata jam superius, quæ esse existimaremus, ostendimus. Justificationes autem sunt plures atque diversæ in observandis singulis officiorum generibus temperandæ: ad quorum custodiam, nisi a Deo dirigamur, infirmes per naturam nostram erimus. Adjuvandi igitur per gratiam ejus, dirigendique sumus, ut præceptorum justificationum ordinem consequamur. Est

nobis justificatio circa servum distributa, est circa filium, est circa patrem, est circa fratres, est circa fideles viros, est circa Ecclesiæ principes, est circa Angelos, est circa Deum ac Dominum nostrum unigenitum Dei Verbum. In singulis ergo quibusque generibus atque nominibus justificationis ratio servanda est: quia nisi hæc omnia ex comparibus devotæ voluntatis officiis retineantur, justificationem Dei non tenebimus. Religiosus in patrem, si oderit filium, modum justificationis amisit. Religiosus in fratrem, si oderit servum, perdidit justificationis Dei ordinem. Religiosus in Dominum, si oderit sacerdotem, nequaquam justificationis observantiam in religione Dei explevit, odia in ipsa ministeria divinæ justificationis exercens. Jam vero in ipsa fidei veritate, id est, de Dei patris & Domini intelligentia, per quam maxime justificatio nobis erit probata, quanta opus est nobis Dei gratia, ut recta sapiamus, ut ex prophetis atque evangelicis auctoritatibus unum idemque teneamus, ne in uno aut altero opinio nostra & sermo diffideat, sed ad universas Dei justificationes æqua ac pari operum ac doctrinæ observantia dirigamur.

13. Quod cum consequemur, tum dicere id, quod consequenti versu continetur, licebit: *Tunc non confundar, cum respicio in omnia mandata tua.* Nisi enim attentis in omnibus mandatis ejus erimus, ac diversabimur, eruntque alia præterita, alia pro voluntate observata, justificationis ordinem non tenebimus. Ceterum si directis viis nostris erit par in omnibus æqualisque custodia, nullo oblivionis vel negligentiae pudore confusi, confidenter omnium mandatorum observatione gaudebimus.

14. Sequitur deinde hic septimus versus: *Confitebor tibi in directione cordis, in eo, quod didici judicia justitiæ tuæ. Justificationes tuas custodiam.* Abjicienda ergo est omnis animæ perversitas, & directo atque in nullam

nullo aliam partem deflexo corde est confitendum: ne decedat animus in seculi curam, ne ex illis doctrinæ Dei semitis in devia evagetur. Sed directæ hujus confessionis ea causa est, quæ consequenti versu continetur: *In eo, quod didici judicia justitiæ tuæ.* Primum igitur oravit, ut ad custodiendas justificationes directæ viæ ipsius fierent. Secundo in nullo confundendum se esse subjecit, cum in omnia Dei mandata respiceret. Tertiò quoque in directione cordis Deo se confessorum spondit ob id, quia judicia justitiæ ejus didicisset; per doctrinam scilicet directi cordis cognitæque justitiæ, laudem Deo reddens. Sed justitiæ cognitæ hic fructus est, ut justificationes Dei retineantur, & idcirco subjecit: *Justificationes tuas custodiam.* Qui enim didicisse judicia Dei fructus est, nisi cognitionem nostram justificationum observantia consequatur?

15. Sed meminisse debemus, licet cognitio præstanda a Deo sit, tamen esse semper orandum, ut his, quæ in custodiendis justificationibus suis custodire volumus, faveat: scientes quidem frequenter nos ab eo ob tentationes derelinqui, ut per eas fides nostra probabilis fiat. Verumtamen secundum Prophetam, ne nos penitus derelinquat, deprecandus est: ait enim: *Non me derelinquas usquequaque nimis.* Quod & in dominicæ orationis ordine continetur, cum dicitur: Non derelinquas nos in tentatione, quam ferre non possumus. Scit Apostolus derelinqui nos ad tentandum: sed novit & mensuram infirmitatis nostræ Deum nosse, dicens: Fidelis est Deus, qui non permittat nos tentari super, quam possumus. Job Deus tentationi permittens, a jure diaboli potestatem animæ ejus excerpfit, & secundum modum infirmitatis humanæ tentandi jus dereliquit. Infirmitatis suæ igitur Propheta conscius orat, ne valde derelinquatur: ut imbecillitatem ejus, tamquam Petri demergendi fluctibus,

bus, Dominus assumat: ut quamquam ad tentandum sese relicturus sit, non tamen *usquequaque* & valde, scilicet ne usque ad animæ & fidei periculum derelinquat.

LITTERA II.

□ Beth.

In quo corrigit junior viam suam? In custodiendo sermones tuos. In toto corde meo exquisivi te: ne repellas me a mandatis tuis. In corde meo abscondi eloquia tua, ut non peccem tibi. Benedictus es Domine: doce me justificationes tuas. In labiis meis pronuntiabo omnia judicia oris tui. In via testimoniorum tuorum delectatus sum, sicut in omnibus divitiis. In mandatis tuis me exercebo, & considerabo vias tuas. In justificationibus tuis meditabor.

I. In secunda consequentium octo versuum littera ipse sibi Propheta his, quibus responsurus sit, proposuit, dicens: *In quo corrigit adolescens viam suam?* Hæc ex proponentis persona dicta sunt. Dehinc nunc tamquam respondentis confessio subditur: *In custodiendo sermones tuos.* Contuendum autem est, secundum eum, quem in exordio habuimus sermonem, vera atque perfecta timoris Dei instituta sub his elementis litterarum contineri, quibus quasi ad usum confessionis Dei per ipsa infantiae rudimenta formamur. Ergo intelligendus est Propheta non otiose locutus esse: *In quo corrigit adolescens viam suam?* Omnem quidem ætatem optabile est ex his corporis sui vitiis ad innocentiae studium transferri: quia & sera licet emendatio utilis sit oblivione vitiorum. Sed placitum Deo virum Propheta conformans, non expectat post longam ac diuturnam criminum consuetudinem doctrina

TRACTATUS IN XCVIII. PSALMUM. 469

Strina Dei & præceptis timoris institui: sed rudes a peccatis annos, & ætatem adhuc criminum nesciam, vult non modo studiis aliquando innocentiae, sed etiam ipsa adolescentiae consuetudine imbui. **DIFFICILE** est enim ab usitatis desinere, difficile est a familiaribus abstrahi, magnum in se consuetudo habet vinculum: & idcirco optimus ille fuerit cultor, quem non modo delictorum remissio sine crimine constituerit, sed ipsa illa præstiterit vitiorum ignoratio innocentem.

2. Novit Jeremias propheta ætatis hujus beatitudinem, dicens: Bonum, inquit, est juveni viro, cum auferet jugum grave in juventute sua, sedebit singulariter, & tacebit. Non exspectat frigescentes senectute annos, nec emortuam jam per ætatem vitiorum consuetudinem. Vult longi prælii militem: vult eum Christi servum, quem ne ipsa quidem præteritorum criminum recordatio polluat. Nam in his, qui jam provectionis ætatis crediderunt, inest quidem per donum gratiae præteritorum indulgentia, sed non abest per conscientiae naturam gestorum recordatio. Bonum, inquit, juveni auferre jugum grave. **ONUS** istud rudes ad obediendum anni ægre ferunt: ceterum ætas tenera gravis oneris molestiam per virtutis incrementa non sentit. Sed suscepto in juventute onere quid faciet? Sedebit, inquit, singulariter & tacebit. **RARUS** iste est, cum quo perfectio timoris Dei per annorum augmenta concreseat: & idcirco singularis sedebit, lascivos adolescentiae cœtus derelinquens, & ab ipso senum nuper credentium confessu remotus: quia ei non competit dicere: Delicta juventutis meae Domine ne memineris. Silebit etiam, congruam fidei & juventuti existimans taciturnitatem: non tumultibus negotiorum secularium admixtus, sed per modestiam tacens, sola divina sacramentorum cognitione occupatus, & sermones Dei tacita rerum atque operum observatione custodiens.

3. Redit deinde ad personam suam Propheta, ut id, quod superius dixerat, significasse de se noscetur, dicens: *In toto corde meo exquisivi te: ne repellas me a mandatis tuis.* Competere bonitati Dei non videtur, ut a mandatis suis quemquam repellat: sed sermonum adjectio & virtus verborum, quæ ex perfecta cœlestis doctrinæ ratione disposita est, nihil dubium, nihil contrarium in se habet. Qui ergo, secundum Prophetam, mavult peccatorum pœnitentiam, quam mortem, numquid existimandus est a mandatis suis quemquam repellere? Procul sit istud existimare. Sed neque hoc nunc Propheta sentit, maxime, qui in toto corde Deum perquisierit.

4. Sed absolutio difficultatum in his ipsis requirenda est, e quibus videtur existere. Propheta enim quid senserit, in promptu est noscere. Legimus scriptum in Jeremia: *Maledictus, qui facit opera Domini negligenter.* Legimus & in Evangeliiis scriptum: *Omni enim habenti dabitur, & abundabit: & qui non habet, etiam quod habet, auferetur ab eo.* Ergo habens abundabit; non habens vero ipso illo, quod habet, indigebit. Propheta non est obnoxius maledictionis conditioni; quia non negligenter opera Dei egit, eum toto corde perquirens. Deinde confidenter petit, ne a mandatis Dei repellatur; quia eum toto corde perquirat. Secundum Evangelia enim habenti dabitur, & ei, qui non habet, etiam, quod habet, auferetur. Deus igitur non auferet, nisi non habenti, secundum quod neque repellet, nisi negligentem. Adeo autem bonitate plenus est, ut habentem abundantia muneretur: adeo vero non vult quemquam non habere, ut non habenti ipsum, quod habet, adimat.

5. Neminem igitur nisi obnitentem repellit, neminem nisi negligentem rejicit. Hanc enim Propheta prætulit causam, cur se non repelli a mandatis Dei
preca-

TRACTATUS IN XCVIII. PSALMUM. 471

precatur, quia non ex parte, neque per desidiam Deum, sed toto corde quaesisset: per quod intelligimus eum a mandatis repelli, qui per multam incuriam fuerit indignus admitti: & extra inhihentis invidiam est, quod de culpa proficiscitur non merentis.

6. Tertius iste secundæ litteræ versus est: *In corde meo abscondi eloquia tua, ut non peccarem tibi.* Meminimus simile huic dicto legi solere, ubi dicitur: *Mysterium regis bonum est abscondere.* Meminimus & Paulum ad Corinthios adhuc in fide parvulos scribentem, quædam Dei eloquia occuluisse, cum dicit: *Lacte vos potavi, non cibo; nondum enim poteratis, sed neque adhuc potestis.* Legimus & in Evangelio in agro uberi atque secundo repertum thesaurum, eundemque emto agro occultari. Novimus neque margaritas ante porcos projiciendas esse, neque sanctum canibus dare oportere. Ergo intelligimus quædam nos cordis nostri secreto continere, quæ divulgata in expiabilis peccati culpam comparabunt. Ita enim dixit: *In corde meo abscondi eloquia tua, ut non peccarem tibi;* quia cum cetera peccata secundum differentias rerum aut in nos ipsos, aut in alios exferrentur; tamen tum fierent in Deum propria, cum quæ occultorum cordium essent condenda secreto, hæc in profanæ cognitionis scientiam proderentur.

7. Contuendus autem est in quarto hoc, qui consequitur, versu ordo doctrinæ. Primus versus de custodiendis ab adolescente mandatis Dei constitit: sequens, quia in toto corde Deum exquisierit, ne a mandatis Dei repellatur: dehinc quod sacramenta absconsa sapientiæ & occulta Dei mysteria mentis suæ secreto continuerit. Quarto nunc id deprecatur, ut justificationes suas eidem ostendat: & deprecatur confessionis honore prælatæ, dicens: *Benedictus es Domine, doce me justificationes tuas.* De justificationibus nonnulla aliqua anteriori sermone complexi sumus, & su-

perfluum est eadem frequenter iterare. Maximus igitur ac præcipuus labor est, hanc justificationum Dei scientiam consequi, & humanæ naturæ infirmitas difficulter tot tantarumque rerum cognitionem consequitur: atque ob id, ut doceatur, orat, quia divinæ bonitatis munus est, animi humani imperitiam ad congruam atque unicuique generi competentem officiorum observantiam temperare.

8. Succedit deinde etiam de judiciis Dei sermo, quo dicit: *In labiis meis pronuntiavi omnia judicia oris tui.* Quanta rerum, & nuncupationum differentia est. Primum a juventute mandata Dei custodiuntur, dehinc Deus toto corde inquiritur, tum Dei eloquia occuluntur, & justificationes disci desiderantur, nunc judicia prædicantur. Sed Propheta forte existimabitur a se excidisse, & vel suorum, vel alienorum dictorum immemor fuisse. In hoc enim psalmorum libro legimus: *Judicia tua sicut abyssus multa.* Paulus Apostolus ait: *Inscrutabilia sunt judicia Dei;* & rursum Propheta: *Magna enim sunt judicia tua, & inenarrabilia: & quomodo audebit Propheta dicere: In labiis meis pronuntiavi omnia judicia oris tui?* Sed nihil neque contra se, neque contra alium ejusdem spiritus Propheta nunc elocutus est. Non enim ait: *In labiis meis pronuntiavi omnia judicia tua;* sed ait: *Omnia judicia oris tui;* sciens nonnullam differentiam esse judiciorum Dei, & judiciorum oris Dei. Numquid cum ait: *Judicia tua sicut abyssus multa;* dixit: *Judicia oris tui sicut abyssus multa?* Nunc autem ait: *Judicia oris tui annuntiavi.* Ea ergo, quæ cognita esse per prophetas vel ex Dei verbis judicia esse potuerunt, & Propheta non tacuit: quæ idcirco prædicata sunt, ut docerentur.

9. Post judiciorum autem oris Dei publicam & constantem prædicationem id sequitur: *In via testimoniorum tuorum delectatus sum, sicut in omnibus divitiis.*
Non

Non timet Propheta vitæ suæ testes, sed in his delectatur: & ei conscientia spectantium se & contuentium jucunda est. Trepidat enim ad omnem intercessionem, pollutæ conscientiae metus: ceterum ubi constans innocentis vitæ fiducia est, plurium testium interventio grata est. Sed non de communis consuetudine gaudii jucundus Propheta est: delectatur enim *sicut in divitiis omnibus*; non tantum in divitiis, sed *in divitiis omnibus*. Sunt opes in auro, sunt in argento, sunt in pecuniis, sunt in vestibis, sunt in domibus, sunt in agris; eorumque aut vitibus, aut oleis, aut frugibus: sed Domini Propheta doctrinarum fruge perfectus est, & legis ac prophetarum institutionum facultatibus dives est: & anteriore licet tempore, non tamen evangelicorum & apostolicorum præceptorum ignarus est. Novit enim & has divitias Paulus ad Corinthios loquens: Gratias ago Deo meo semper pro vobis super gratiam Dei, quæ data est vobis in Christo Jesu: quoniam in omnibus ditati estis in ipso, in omni verbo & in omni scientia. In his ergo dives est, & in his delectatur Propheta. Ceterum non est existimandus secularium opum comparatione delectatus esse, qui nisi cum CONTEMPTU atque inopia seculi dives in Domino esse non potuit.

10. Delectatus autem in viis testimoniorum Dei, opus delectationis suæ agere debebat; & non ambiguum est, quin agat. Ait enim septimo versu: *In mandatis tuis exercebor, & considerabo vias tuas*. Exercitatione igitur & assiduitate opus est, ut usus rerum necessariorum retineatur; quia periculosa est humanarum mentium & molesta desidia: ac ne otii consuetudo subrepat, assiduitas exercitationis adhibenda est. Sed retentus etiam hic ordo rationis est. Nam prius exercendum est in mandatis Dei; tum deinde viæ ejus considerandæ: quia nisi fidelium operum usus præceperit, doctrinæ cognitio non apprehendetur, & agendum

dum a nobis antea fideliter est, ut scientiam consequamur. Vias ergo, secundum superiorem expositionem, legem, prophetas, omnia Evangelia, & Apostolos esse existimamus: quos in mandatis Dei se exercens Propheta consideravit, ut noverit.

II. Conclufit autem octavum numerum hoc verfu: *In justificationibus tuis meditabor, non oblivifcar sermonum tuorum.* A doctrinæ perfectæ ordine Propheta non excedit. In justificationibus Dei, quas doceri se oravit, exercetur, ficut meditatur in mandatis. Mandatorum enim hæc est ratio, quia nos ad observantiam atque opus innocentiae instituunt: ut illud est: Non occides, non mœchaberis, & cetera his fimilia. In his ergo exercetur (quia in his operationis est ufus,) per præfentium fe exercitationem ad futura confirmans. Justificationes autem funt, quibus hebræus puer fex annis fervus, liber deinceps anno feptimo fiet; & poft fex annorum fructus, ager otiofus relinquendus eft, & cetera in justificationum observantiam conftituta, quæ ingentem in fe habent futuræ fpei meditationem per negotii præfentis effectum. Atque ideo in his meditatur, ut in mandatis exercetur: quia exercitatio ufum retinet confuetudinis inftitutæ; meditatio autem fe in id, quod nondum obtinuit, extendit; ut per meditationem id, quod expetit, confequatur: ne fermonum & promiffionum fubrepat oblivio.

L I T T E R A III.

2 Gimel.

Retribue fervo tuo, & vivam: & custodiam sermones tuos.
Revela oculos meos, & confiderabo mirabilia de lege tua.

TRACTATUS IN XCVIII. PSALMUM. 475

tua. Incola ego sum in terra: non descendat a me mandata tua. Concupivit anima mea cupere justificationes tuas in omni tempore. Insuperasti superbos: maledicti, qui delinant a mandatis tuis. Aufer a me opprobrium & contentum: quia testimonia tua exquisivi. Etenim sederunt principes, & adversum me loquebantur: servus autem tuus exercebatur in tuis justificationibus. Non & testimonia tua meditatio mea est, & consolatio mea justificationes tue sunt.

I. **Q**uibus non est constans emundati cordis conscientia, precari ista Prophetae voce non possunt: *Retribue servo tuo.* Si enim digna secundum opera nostra retributio aderit, in peccatorum ac delictorum nostrorum poenis manebimus. Satis est autem, si cui vel hæc saltem fiducia gratulandi ad Dominum fuerit. Non secundum peccata nostra fecit nobis, neque secundum injustitias nostras reddidit nobis: quia secundum altitudinem cœli a terra longavit iniquitates nostras a nobis; quia ipse cognovit figurationem nostram. Magnum est tantam in se Dei misericordiam recognoscere, & scire consuetudinem criminum procul a se abesse, & dignum Dei misericordia se esse cœpisse. Propheta autem hic, in cujus scilicet corpore habitatio Dei digna est, quia sancto Spiritu plenus non communia, nec terrena cogitat, & effatur, libertatis ejus est, ut oret: *Retribue servo tuo.*

2. Sed forte insolentis istud audaciæ est, sine aliqua confessionis modestia meritum retributionis optasse, nec se in corpore situm, id est, in vili atque in humili sorte esse, meminisse. Excluserat autem Propheta omnem de se vanitatis ac jactantiæ opinionem. Nam cum dixisset *Retribue* ex fiducia innocentiae; *servo tuo* ex servitutis officio, & ex conditionis suæ confessione subjecit. Constanter igitur hæc postulat, qui se Dei servum, non peccati esse meminit: quia omnis, qui peccat, servus est peccati.

3. *Vivam*, inquit, & *observabo sermones tuos*. *Vivam* atque *observabo* non præsentis temporis res est; sed significatio sermonis hujus in futurum se tempus extendit. Scit enim Propheta, quando beata illa & vera viventium vita sit. Nunc enim & in pulvere mortis manemus, & in mortis corpore fumus, a quo se liberari Apostolus orat, dicens: Miser ego homo, quis me liberabit a corpore mortis hujus? Habemus autem etiam nunc admixtam nobis materiam, quæ mortis legi & peccati obnoxia est; & in hujus caducæ carnis infirmisque domicilio corruptionis labem ex ejus consortio mutuamur: ac nisi glorificato in naturam spiritus corpore, vitæ veræ in nobis non potest esse natura. Audiamus eum, qui se meminit in corpore mortis habitare, dicentem: Quia vita nostra absconsa est cum Christo in Deo. Cum autem Christus apparuerit vita nostra, tunc & vos apparebitis cum ipso in gloria. Hanc ergo retributionem sibi Propheta orat, ut vivat: futuræ hujus vitæ tempus in loco altero docens, quo ait: Et placebo Domino in regione viventium. Scit hanc mundi istius sedem regionem non esse viventium. Scit nos adhuc secundum præfigurationem legis emundandos esse. Nunc enim admiscemur morticinæ: & in lege quisquis mortuum contrectat, immundus est.

4. Sed absit istud, ut quidquam horum in lege corporaliter intelligatur, tamquam per contrectationem mortui quisquam fiat immundus. Joseph ossa egrediens Ægyptum Moyses ipse lator legis abstulit; Eliseus mortuo, ut eum vivificaret, incubuit; Dominus ipse mortuos manu apprehensos in vitam retraxit: & contrectatio mortui, si immundum effectura fuisset, nequaquam a tantis viris, neque a Domino violata lex esset, ipso dicente: Non veni legem solvere, sed adimplere. Sed quia lex umbra est futurorum bonorum, idcirco per hanc præformatam significan-

scientiam docuit nos in hoc carnis & mortuini corporis habitaculo mundos esse non posse, nisi per ablationem celestis misericordie emundationem consequamur, post deputationem resurrectionis, terreni corporis nostri effecta gloriosiore natura.

5. Et forte si quis existimet sibi in Sacramento baptismi perfectam illam innocentie, & celesti vite dignam redditam puritatem, Joannem Baptistam dixisse recolat: Ego quidem baptizo vos in aqua poenitentiae; qui autem post me venit, fortior me est: ipse vos baptizabit in Spiritu sancto, & igni: ipsum autem Dominum baptizatum a Joanne, cum adhuc esset in corpore, meminerit locutum: Adhuc habeo alio baptismo baptizari. Est ergo, quantum licet existimare, perfecta illius emundatio puritatis etiam post baptismi aquas reposita: quæ nos sancti Spiritus sanctificet adventu, quæ judicii igni nos decoquat, quæ per mortis injuriam a labe morticinæ & societate purgabit, quæ martyrii passione devota ac fidei sanguine abluet.

6. Et idcirco sanctus Propheta victurum se dicit esse, cum vivat, per hanc scilicet umbram vite ad veram illam regionem viventium transferendum. Secundum quod exemplum, ut dixit *vivam*, ita & *custodiam sermones tuos*. Custodiuntur interim secundum apostolum Paulum pro parte & per speculum. Sunt enim multa seculi scandala, quæ prohibent perfectam in nobis mandatorum esse custodiam. Taceo de naturis corporum, quæ nos interim aut per infirmitatem, aut per incentiva vitiorum imperfectos esse compellunt. At vero morte victa, & aculeo ejus obtuso, & cum facie ad faciem audiemus atque cernemus, tunc vere & vivemus, & mandata Dei servabimus.

7. Ordo intelligentiæ, qui primo versu continetur, hic idem in consequentibus est. Ait enim: *Re-*
vela

vela oculos meos, & considerabo mirabilia de lege tua. Scit mortalibus oculis atque corporeis nubem obscuritatis obsistere. Scit ea, quæ corporaliter in lege præcepta sunt, umbram esse & speculum futurorum. Legem quidem legit: sed optat legis mirabilia contueri. Meminit sancta esse sabbata: sed in æternorum sabbatorum requie esse desiderat. Utitur quidem azymis panibus: sed fermentum ejicere naturæ veteris festinat. Immolat paschæ ovem: sed assistere ei, qui per Joannem revelatur, Agno concupiscit. Septimi anni legi satisfacit: sed ipse exactis septem millibus, sæculi esse liber expostulat. Jubilei quinquagesimi anni legem explet: sed pentecostes remissionem ac renovationem obtinere festinat. Scit ex præcepto Dei secundum cœleste exemplar, & altarium a Moyse institutum, & Aarøn sacerdotali habitu ornatuque vestitum: sed Principis sacerdotum, in cujus exemplum hæc fiebant, interesse ministeriis properat. Induci quoque in terram sanctam, terram fluentem lacte & melle, tamquam totius hujus orbis peregrinus orat. Universa quidem ista Judæi corporaliter gerunt: sed hæc Paulus aliter intelligit, dicens: Scimus enim, quia lex spiritalis est. Hæc igitur legis mirabilia, quæ velatis oculis adumbrantur, Propheta orat, ut cernat: scilicet ut caduco atque infirmo corpore absolutus, hæc, quæ per corporalem observantiam legis magna & mirabilia in cœlis præfigurantur, adspiciat.

3. Non demutatur affectus orantis; post hæc enim ait: *Accola ego sum in terra; ne abscondas a me mandata tua.* Accola non juris sui terram incolit, sed alienam: neque peregrinus fructum ex ea temporariæ operationis exspectat. Novit incolatus hujus Apostolus ordinem, dicens peregrinandum a corpore, & cum Christo manendum esse. Propheta itaque quasdam imagines cœlestium conversationum fide cernens, licet corpus incolat, tamen rem non suam incolit,

ocu-

TRACTATUS IN XCVIII. PSALMUM. 479

oculis mentis in cœlum erectis. Scit in cœlo thesauros collocandos; quia, ubi thesaurus sit, illic & cor futurum sit. Non erat illo sensu suæ terræ accola, qui in evangelica comparatione horrea exstruit capacia ingentium fructuum, & animam suam per præsentium copiam ad delicias adhortatur, stultus anima ipsa eadem nocte privandus.

9. Ergo accolam se Propheta confitens, orat, ne mandata Dei a se occulantur. Nemo enim nisi peregrinus corporis sui, cognitione mandatorum Dei dignus est. Quod mandatum Dei cum lucidum sit, & illuminans oculos, absurde nunc videbitur dixisse, ne sibi mandata Dei occulantur, quæ hoc naturæ in se habent, ut & lucida sint, & illuminent. Sed negligentia aurium affert sensus difficultatem. Illic enim mandatum lucidum & illuminans est, hic mandata absconsa sunt. Lucidum mandatum est, per quod ad contuendum lumen mandatorum illuminamur. Per mandatum, quod in lege primum est, quo Deum ex tota anima, & ex tota virtute amare præcipimur, digni illuminatione cognitionis efficimur. Et sicut de gloria in gloriam transibimus; sic & in lumine videbimus lumen, sic & per speculum faciem ipsam aliquando cernemus. Per hoc enim nunc corporalis vitæ mandatum, sacramento baptismi & præcepto Dei illuminamur, & lumine utimur, & in gloria manemus. Per hoc rursum ex mandato mandata cernemus, per hoc ex lumine lumen videbimus, per hoc ex gloria in gloriam transferemur.

10. Scit autem in cœlis Propheta plura Dei esse mandata, scit per diversitatem ministeriorum diversas esse præceptorum observantias, Angelorum, Archangelorum, Thronorum, Dominationum, Potestatum, & Principatum. Quos utique necesse est, ut nominibus, ita & officiis esse diversos, perpetuam tamen mandatorum custodiam pro naturæ suæ firmitate reti-

retinentes. Atque ob id revelari sibi cœlestium mandatorum sacramenta orat, quia sciat se in terræ hujus corpore esse peregrinum.

11. Quartus hic tertiæ litteræ versus est: *Concupivit anima mea, ut desiderem judicia tua in omni tempore.* Non est Prophetæ hujus cum ceteris communis vel seculi sermo: altius sub significatione familiarium verborum intelligentiæ suæ extulit sensum, dicens: *Concupivit anima mea desiderare justificationes tuas in omni tempore.* Multis enim videbitur rectius dictum fuisse: *Desiderat anima mea judicia tua in omni tempore.* Et forte quidam existimant idipsum sub his dictis contineri.

12. Sed meminît Propheta, arduum esse & naturæ humanæ periculosissimum, Dei desiderare judicia. Cum enim nemo vivens in conspectu ipsius mundus sit; quomodo desiderabile iudicium ejus potest esse? An cum ex omni otioso verbo rationem simus præstituri, diem iudicii concupiscemus, in quo nobis est ille indefessus ignis subeundus, in quo subeunda sunt gravia illa expiandæ a peccatis animæ supplicia? Beatæ Mariæ animam gladius pertransibit, ut revelentur multorum cordium cogitationes. Si in iudicii severitatem capax illa Dei Virgo ventura est, desiderare quis audebit a Deo iudicari? Job omnium humanarum calamitatum militia & victoria perfunctus, qui cum tentaretur, ait: Dominus dedit, Dominus abstulit, sit nomen ejus benedictum in secula, cinerem se esse confessus, audita de nube Dei voce non loquendum sibi ultra esse decrevit. Et quis erit ausus Dei desiderare judicia, cujus vocem de cœlis nec tantus Propheta sustinuit, neque Apostoli consistentes in monte cum Domino ferre potuerunt?

13. Tenuit itaque Propheta humanæ & naturæ, & conscientiæ modum, dicens: *Concupivit anima mea, ut desiderem judicia tua in omni tempore.* Non enim iudicium

dictum desiderat, sed ut desideret, concupiscit: desiderii eum cupiditas, non iudicii continebat. Concupiscit enim desiderare, scilicet ut in tanta innocentia maneat, ut tuto jam & sine metu iudicii terrorem desideret: rem ipsam nondum per conscientiam humanæ conditionis desiderans; sed ejus desiderium, & conscientia perfectæ ut proveniat innocentie concupiscens. Scit vero continentem & indefessam desiderii hujus concupiscentiam esse oportere: atque ideo adjecit: *In omni tempore*, nullum scilicet docens otium nobis esse debere, quin semper desiderii hujus cupiditate teneamur.

14. Deinde sequitur: *Increpasti superbos: maledisti, qui declinant a mandatis tuis.* O infelix superbia, quæ dedignatur sub præceptis celestibus vivere, quæ mandata divina animi infidelis tumore fastidit! Plurima sunt humanorum vitiorum crimina, & diversæ atque innumerabiles peccatorum operationes: sed nulla magis provocandæ in nos iræ Dei, quam superbiæ causa est. *Increpasti* enim non avaros, non lascivos, quibus utique increpatio debita sed, sed *superbos*: quia plures per superbiam, qua humana contemnunt, etiam Deo obsequi spernunt.

15. Sed sint licet præclara cetera fidei operâ, & in omni divinorum præceptorum custodia devotio immoretur: tamen subrepente superbia, memoria eorum, quæ recte operamur, abolebitur. Quanto evangelicus ille Phariseus labore se in vitæ viam statuit, ne in alienam rem rapax esset, ne in quemquam injuriosus existeret, ne adulteriis dissolveretur? Laboravit bis in sabbato jejunans, suumque corpus per abstinentiam cibi ingenti patientiæ virtute confecit. Quanto deinde labore avaritiæ vincendæ, decimas substantiæ suæ in usum egentium intulit? Quid his præclarius? quid eorum opere difficilius? Sed incidit in superbiæ laqueum, dicens: Quia non sum sicut peccator

cator iste & publicanus; & infelix hoc vitio ex ingentibus operibus cecidit in crimen; & insolens per hanc virtutum suarum gloriam factus, justificato magis Publicano recessit.

16. Sed quid de Phariseo dicimus? Apostolus non ab hominibus, neque per hominem, sed per Jesum Christum, adversus quem diabolus omni virtutis suæ arte luctatus est angelum satanæ, qui se colaphizaret, accepit: ut per passionum omnium indefessas molestias, nulla superbiendi occasio per otium temporis posset irrepere. Ipse quoque eligendi & constituendi sacerdotis quamdam legem ferens, cum jam eum in his, quibus episcopum dignum est, virtutibus collocasset, neophytum eligi vetuit, ne superbiret, dicens: Non neophytum, ne inflatus incidat in iudicium diaboli: id est, ne per recens adeptam regenerationis gratiam insolescat, vult illum multo passionum bello ante tentari, vult multis humilitatis & fidei stipendiis provehi. Cor enim humiliatum Deus non spernit, & sacrificium optimum cor contribulatum: quia, qui se exaltat, humiliabitur; &, qui se humiliat, exaltabitur.

17. Et idcirco *maledicti, qui declinant a mandatis tuis*, quia increpantur superbi: quia per superbiam animi insolentis, & humana despiciamus, & divina negligimus. Sed virtus verbi hic collocati non negligenter est audienda. Promptum enim fuerat dicere: Maledicti, qui non obtemperant mandatis tuis. (De uno & de plurimis mandatis in superiore versu competentia diximus.) Maledicti autem sunt, qui per hanc prophetiæ doctrinam eruditi a mandatis Dei declinant, id est, per vitiorum præsentium desideria ab spe æternorum mandatorum decidunt. Qui enim declinat, id est, in quo est, devitat, & ex alia parte in aliam deducitur, & deflexu quodam de itinere decedit. Vel leviter ergo declinantem a mandatis Dei
male-

maledictionis sententia comprehendit: ut intelligeremus, quanti periculi res esset, ea omnino ignorare nos, a quibus declinare maledictum est.

18. *Aufer a me opprobrium & contemptum, quia testimonia tua exquisivi.* Peccata opprobrio sunt digna: & idcirco peccatores exsurgent in opprobrium æternum. Quod autem peccata omnia opprobrio sint digna, in Evangeliiis discamus, tum cum Dominus exprobrare civitatibus illis cœpit, in quibus plures virtutes ejus effectæ essent, nec pœnituisent, Corozaim & Bethsaidæ. Quod ab illis cœptum, necesse est, ut in omnes ejusdem criminis pares fiat; & tunc humano generi exprobrat non pœnitenti, neque in viam evangelicam pergenti, id quod psalmo continetur. Quæ utilitas in sanguine meo, dum descendo in corruptionem? Exprobrat enim superbis atque maledictis, cur nihil in sacramento sanguinis sui atque mortis utilitatis suæ esse existimaverint; cum ille nostri causa & natus, & passus, & mortuus sit.

19. Tenuit etiam Propheta rationem infirmitatis humanæ. Scit inesse quædam, quæ per Dei misericordiam auferenda a nobis sint. Scit Deum tali peccatorum nostrorum confessione orandum, ut, etsi digna arguitione habeamus, non tamen arguamur: confitendum enim crimen est, ut obtineatur & venia. Scit deinde post arguitionem in contemptum, id est, in nihilum gentes æstimari: quia scriptum sit: Omnes gentes nihil sunt, & omnia, quæ a malitia sunt, in nihilum æstimata sunt. Sed secundum Prophetæ exemplum auferri a nobis opprobrium & contemptum hac spe ac fiducia deprecari nos oportet: ut addamus ad id, quod dicitur: *Aufer a me opprobrium & contemptum*, & id, quod sequitur: *Quia testimonia tua exquisivi.* Et testimonia Dei exquirat, ut argui non debeat; & auferri a se opprobrium contemptumque precatur, ut verecundiam non derelinquat: esse quidem

in natura sua confessus argutionis & opprobrii causam, quam a se deprecatur auferri, sed per devotionem exquisitorum testimoniorum eam sperat auferri.

20. Exquirat autem testimonia Dei Propheta, non in otio, neque in insolentia rerum secundarum: sed exquirat multis adversus se residentibus, multis adversus se colloquentibus, dicens: *Etenim sederunt principes, & adversum me detrahebant.* Scit omnem prophetiæ fidem mundi hujus perosam esse principibus: scit Apostolos cunctis futuros propter Christianum nomen odiosos. Sedent adversus Prophetam principes, & detrahunt tunc, cum audiunt etiam dicentem: Audite verbum Domini principes Sodomorum, attendite legem Dei populi Gomorrhæ. Ex consilio enim talium Esaias sectus est, Jeremias quoque carcere clauditur: Daniel leonibus fame ad sævitiam incitatus objicitur: Zacharias inter templum & altare occiditur: Apostoli cæduntur, desecantur, crucifiguntur: ut prædicatio Dei auferatur, ut doctrina prophetiæ inhibeatur, ut vitæ æternæ via obsepiatur. Sed hos principum confessus, & hæc obtrectionum eloquia sprexit fides constans. Consequitur enim: *Servus autem tuus exercebatur in justificationibus tuis.* Obstrepentibus illis videlicet, & totis pœnarum armis inhibentibus, in exercitationibus justificationum Dei spiritus perseverat.

21. Sed, ut jam superius tractavimus, exercitatio justificationum, & meditatio testimoniorum illa est, qua cum legis opera per corporales efficientias exerceantur; exercitatione justificationum tamen & testimoniorum meditatione, bonorum æternorum per præsentium meditationem quædam præparatio comparatur. Sed testimoniorum meditatio unde oriatur, ostendit. Adjecit enim: *Et consilia mea justificationes tuæ;* omnem scilicet vitæ curam, omnes consiliorum varios diversosque motus intentos esse justificationibus

TRACTATUS IN XCVIII. PSALMUM. 485

bus confitens Dei in Christo Jesu, cui gloria & honor in secula seculorum. Amen.

L I T T E R A IV.

7 Daleth.

Adhaesit pavimento anima mea: vivifica me secundum verbum tuum. Vias meas enuntiavi, & exaudisti me: doce me justificationes tuas. Viam justificationum tuarum instrue me: & exercebor in mirabilibus tuis. Dormitavit anima mea praetadio: confirma me in verbis tuis. Viam iniquitatis amove a me: & in lege tua miserere mei. Viam veritatis elegi: justitiam tuam non sum oblitus. Adhaesi testimoniis tuis, Domine: noli me confundere. Viam mandatorum tuorum cucurri, cum dilatasti cor meum.

1. **M**ultiplex intelligentia non potest in se habere dictorum difficultatem, cum amota omni obscuritate, intelligendi magis abundet electio: ut in primo quartæ litteræ versu contuemur. Ait enim: *Adhaesit pavimento anima mea: vivifica me secundum verbum tuum.* Potest istud & de assiduitate orationis intelligi, tamquam ex peccatorum confessione in terram Propheta prostratus adhæserit pavimento. Sed ut alius aliquid sub his dictis intelligamus, perspecta diligentius verborum virtute, necessarium ducimus. Non enim ait: Adhæsi pavimento; sed: *Adhaesit pavimento anima mea.* & admonemur intelligere hic eum esse de angelorum societate conquestum. Et multa quædam sunt, ut hoc probabilis existit. De apostolo, corpus humilia: Humiliata anima mea in pulverem: Et in pulverem quia in terram hujus

hujus solo commoramur, vel quia ex terra instituti conformatique sumus, anima, quæ alterius originis est, terræ corporis adhæsisse creditur: maximum ipsa certamen suscipiens, ut se, etsi manens in eo, ab ejus societate divellat, ut tamquam peregrina incolatu ejus utatur.

2. Non ignarus est autem Propheta, licet anterior ætate, apostolici tamen dicti, quia, qui adhærent Domino, in uno spiritu sunt. Scit etiam a se esse prædicatum: Adhæsit post te anima mea. Quin etiam legit in lege: Post Dominum Deum tuum ambulabis, & adhærebis ipsi. Adhærere igitur huic magis, quam illi, concupiscit. Sed quia meminit ex consortio ejus nonnullam se labem contraxisse peccati; orat, ut per verbum Dei, quamvis admixta terrenæ mortalique naturæ anima ejus sit, ipse tamen in vitam vitæ cœlestis animetur. Scit enim *se nunc* pavimento adhærere; non vivere: sed secundum verbum Dei, cui mortui vivunt, orat, ut vivificetur in vitam.

3. Dehinc sequitur: *Vias meas pronuntiavi, & exaudisti me; doce me justificationes tuas.* Qui secundum voluptates corporis vitam agunt, in viis suis ambulant. Qui autem omni vitiorum carnalium consuetudine derelicta in præceptis Dei vivunt, jam illis non in sua, sed in via Dei iter est. Et hæc audiamus in Deuteronomii præcepto: Sed nunc Israel, quid Dominus Deus tuus poscit a te, nisi ut timeas Dominum Deum tuum, & ambules in omnibus viis ejus, & diligas eum, & servias Domino Deo tuo ex toto corde tuo, & ex tota anima tua, & custodias præcepta Domini Dei tui, & justificationes ejus, quæ ego præcipio tibi hodie, ut bene sit tibi? Ergo Deo adhærens, in Dei via est.

4. Et qua ratione Prophetam hic locutum existimabimus dicentem: *Vias meas pronuntiavi, & exaudisti me;*

me; doce me justificationes tuas? Si enim vias suas prædicat, necesse est peccati vias prædicet: quia in via peccati sit, quisquis in via Dei non sit. Sed huic præsentī dicto consentiens illud videtur, quod dictum est: Pronuntiabo adversum me injustitias meas Domino; & rursus: Justus in exordio sermonis sui ipse sibi accusator est. Ergo hic pronuntiatio, quæ dicitur, non laudatio est, sed confessio viarum suarum, id est, peccatorum suorum pœnitens professio. Et Propheta ut esset dignus spiritu prophetiæ, vias suas, id est, peccata sua ante confessus est: ut post hanc pronuntiationem eorum, doctrinæ justificationum Dei capax esset. Quod utrumque absolute docetur. Nam cum dicit: *Pronuntiavi*, confessionem hanc præteriti temporis esse demonstrat; cum dicit: *Doce me*, oratio est ex futuro: quia confitendum ante est de peccatis, & exacta confessione discendum.

5. Manens autem Propheta in lege, non ex his doceri se postulat, quæ corporali tunc ministerio gerebantur; sed ex his, quæ per speciem præsentium futuri erant sacramenta complexa. *Viam justificationum tuarum, fac, ut intelligam; & exercebor in mirabilibus tuis.* Sermo præsens discrevisse cognoscitur justificationes a via earum. Et quantum re ipsa intelligitur, omne quidem, ad quod per viam tenditur, non idem est, quod & via ipsa, quæ pergitur. Quærenda igitur causa est, cur Propheta præstari sibi, ut viam justificationum intelligat potius, quam ut ipsas justificationes cognoscat, oraverit. Meminit enim omnes justificationes legis, umbram in se sanctarum justificationum continere: cum post sexennii servitutem hebræus puer liber est, cum septimi anni fructus indigentibus & pecoribus terræ relinquuntur, cum post quinquagesimum annum omnia in jus familiæ ejus, unde decesserint, revertuntur. Et quia hæc, quæ in lege sunt constituta, via est eorum, quo-

rum in his præformatur exemplum; ut viam harum justificationum intelligens in mirabilibus Dei exerceatur, orat, id est, in legis operibus versetur: quia lex sit ad futurorum bonorum speculum constituta.

6. De consequenti versu comperi multos varia sensisse, eo quod non eadem proprietate a ceteris translatoribus ex hebræo demutatus esset, ut ab his Septuaginta interpretantibus conscriptus est. Nonnulli enim pro eo, quod ab illis dictum est ἐνυσάξεν ἡ ψυχὴ μου, posuerunt ἐσαξεν ἡ ψυχὴ μου. Quidam autem ex illis non ἐνυσάξεν, sed κατεσαξεν transtulit. Et aliud ἐνυσάξεν, aliud ἐσαξεν, aliud κατεσαξεν significare intelligitur. Sed nobis neque tutum est translationem Septuaginta interpretum transgredi: & sane ratio & sensus dictorum ita admonet, ut recte ac probabiliter versum translatum intelligamus. Est enim cum illis & nobiscum ita: *Dormitavit anima mea præ tædio.* Et superior omnis sermo & consequens humilitatis & infirmitatis confessionem in se habet, cum pavimento anima adhæsit, cum peccatorum viæ confitentur, cum intelligentiam viæ justificationum orat. Consequens ergo est, ut nunc animam suam præ tædio mortalis habitaculi dormire conquestus sit, quæ nondum justificationum viam intelligat, quæ etiam nunc pavimento adhæserit. Atque ob id in viis Dei confirmandum sese orat, quia præ tædio dormitet.

7. Sed hic ea ratio servata est, ut dormire se, non dormire dicat: quia, qui dormit, in ipso somni opere est; qui autem dormitat, dormitat ante, quam dormiat. Quæ & in alio loco ratio servata est, cum dicit: *Ecce non dormit, neque dormitabit, qui custodit Israel.* Sed & illic, ubi meminit: *Si dederò somnum oculis meis, & palpebris meis dormitationem; dormitationem palpebrarum, somnum vero esse dixit oculorum, quia palpebrarum officium est, ut somnum ex dormitatione concilient.* Propheta igitur etsi dormi-

tat, non tamen dormit: atque ob id, ne dormitans obdormiat, subiecit: *Confirma me in verbis tuis*; id est, ut per omnium justificationum, quas superius memoravit, intelligentiam confirmatus, non modo non dormiat, sed etiam sine aliqua dormitatione pervigilet.

8. Ait autem post hæc: *Viam iniquitatis amove a me, & lege tua miserere mei.* Promptum fuerat dicere: Iniquitatem amove a me: sed licet infirmitatis suæ conscius, cum meminit in corpore suo viam inesse peccandi, tamen per timorem Dei a peractione peccati omnis alienus est. Viam igitur peccati, qua ad peccatum pergere promptum est, amoveri a se deprecatur, id est, omnia corporalium voluptatum desideria auferri, nec tentationem aliquam concupiscentiæ aut ignorantiae, qua tamquam per viam ad peccatum itur, ingruere. Nec solum id orat Deum, sed etiam, ut per legem suam misereatur ejus. Per legem autem hoc modo misericordiam consequitur: quia, ut superius ostendi, ita in lege sit scriptum: Et nunc Israel, quid Dominus Deus tuus poscit a te, nisi ut timeas Dominum Deum tuum, & ambules in omnibus viis ejus, & diligas eum, & servias Domino Deo tuo ex toto corde tuo, & ex tota anima tua, & custodias præcepta Domini Dei tui, & justificationes ejus, quæ ego præcipio tibi hodie, ut bene sit tibi? Ergo cum lex doceat in viis Dei ambulandum, ut ambulanti in his bene in posterum sit; & nunc Propheta oret vias injustitiæ a se amoveri, sibi que ut Deus misereatur ex lege: id orat, quod lege conclusum est, ut in viis Dei ambulans in beatitudine collocetur.

9. Dehinc sequitur: *Viam veritatis dilexi, & judicia tua non sum oblitus.* Viam multi diligunt: sed non omnes diligunt viam veritatis. Et quicumque aut voluptatum, aut divitiarum, aut honorum viam ineunt, sed & qui hæreticorum doctrinis vagi & incerti, & im-

prii differuntur, in via quidem sunt, sed non sunt in via veritatis. Sed Propheta ex spiritu ejus loquitur, qui assumpto corpore dicturus postea erat: Ego sum via, veritas & vita. Et quia hoc judicium est, secundum quod in Evangeliiis continetur: Hoc enim judicium est, ut, qui credit in me, habeat vitam æternam, merito Propheta ait: *Viam veritatis dilexi, & judicia tua non sum oblitus.* Nobis enim hæc ad cognitionem posterius dicta sunt; sed Propheta in his & vivit, & loquitur.

10. Cohæret autem sibi doctrinæ & confessionis propheticae sermo; ait enim: *Adhæsi testimoniis tuis, Domine, noli me confundere;* quia veterum & anteriorum peccatorum veniam testimoniis Domini adhærendo sit meritus. Scit enim verbis Dei dictum esse: Ecce deeam ut nubem injustitias tuas, & tamquam nebulam peccata tua. Dominus potens est omnia ea, quæ nobis pudori & confusione sunt, amovere, si & nos dicere cum libertate possimus: *Adhæsi testimoniis tuis.* His enim adhærentes, a confusione pudendorum & anteriorum criminum liberamur.

11. Sed concluduntur omnia suo ordine, suis rebus. Superius enim ait: *Viam injustitiæ amove a me;* deinde subjecit: *Viam veritatis dilexi;* tertium id sequitur: *Adhæsi testimoniis tuis;* nunc deinde ita finit: *In via praeceptorum tuorum cucurri, cum dilatasti cor meum.* Per gradus ad id ventum est. Viæ iniquitatis amotæ, viæ veritatis dilectæ, testimoniorum indivisibili societate, ut in via mandatorum Dei curreretur. Sed via, quæ ad vitam ducit, & angusta, & tribulata est; angusta, quia diligenter & caute in ea ingrediendum est; tribulata, quia per multas tribulationes & passiones aditur. Et insolens Propheta existimabitur, qui se viam hanc currere gloriatur?

12. Meminit autem inter innocentiae studium, & humilitatis confessionem sermonum suorum moderandam

TRACTATUS IN XCVIII. PSALMUM. 491

randam esse virtutem. Idcirco postea, quam dixerat: *In via mandatorum tuorum cucurri*; hoc addidit: *Cum dilatasti cor meum*. Dilatum est cor, quod per fidem capax doctrinæ Dei panditur. Et hoc de credentibus dictum est: Et inhabitabo, & inambulabo in eis. Cor igitur dilatatur, in quo sacramentum Patris & Filii residet, in quo capaci habitatione Spiritus sanctus delectatur. Meminit & Salomon dicens: Sapientia in exitibus canitur, in plateis cum libertate agit. Verbi utriusque hujus latinitas nostra vel obscuritatem nobis affert, vel alterius intelligentiæ opinionem præbet. Nam quod nos in exitibus dicimus, græcitas ex hebræo *in igdodac* transfudit. Et exodus proprie est, ubi ex multis angustis viis in unam patentem viam coitur. Quod vero nos plateas nuncupamus, eodem nomine græcitas nuncupavit. Sed plateas latitudines esse græcus sermo designat; & nos putamus has esse urbium vias. Ergo Sapientia, quæ Christus est, in via illa, in qua nobis ex multis egressus est, canitur: in latitudinibus autem cum libertate agit, in quibus non solum habitare, sed etiam deambulaturam se esse promisit. Ergo viam Domini Propheta libere currit, postea quam dilatato corde esse cœpit. Non enim ante potuit viam Dei currere, quam ipse ille digna & ampla Deo efficeretur habitatio. Amen.

L I T T E R A V.

¶ He,

Legem statuo mihi, Domine, viam justificationum tuarum: & exquiram eam semper. Da mihi intellectum, & scrutaber legem tuam: & custodiam illam in toto corde meo. Deduc me in semitam mandatorum tuorum: quia ipsam volui. Inclina cor meum in testimonia tua, & non in utilitatem.

litem. Averte oculos meos, ne videant vanitatem: in via tua vivifica me. Statue servo tuo eloquium tuum in timore tuo. Amputa opprobrium meum, quod suspicatus sum, quia judicia tua jucunda. Ecce concupiivi praecepta tua: in aequitate tua vivifica me.

1. **I**nusitatam ac novam deprecationem Prophetæ in primo quintæ litteræ versu invenimus. Ita enim cœpit: *Legem statue mihi, Domine, viæ justificationum tuarum.* Sed rationem consequi versus hujus ex latina interpretatione difficile est. Per conditionem enim sermonis nostri communis non ita absolute potuit virtus verbi & hebraici & græci explicari. Græci namque ex hebræo transfulerunt: νομοθετησον με, κυριε, την οδον των δικαιωµατων σε. Orat enim in hoc versu, ut sibi lex statuatur justificationum: & quod græce est νομοθετησον, ad ejusdem sensus intelligentiam latinitas explicare non potuit. Propheta ergo orat, ut viæ justificationum suarum legem sibi Dominus constituat, id est, ut qua lege viam justificationum Dei adeat, intelligat & sciat. Non enim viæ tantum ait, sed *justificationum viæ* postulat *legem*.

2. Et quæ tandem justificationum viæ lex erit? Nam in communibus & terrenis viis legem meminimus esse in spatiis mensuras: cum passuum mille intervallo quædam legis viæ signa statuuntur, cum mansionum requies disponitur, cum usque ad urbem refectio viantium congrua rursus mansionum intervalla dimensa sunt. Sed etiam tum, cum ex Ægypto populus per rubrum mare pedes transiit, legem quamdam viæ fuisse meminimus ei non humani arbitrii iudicio, sed divini, constitutam in columna ignis & nubis. Nam cum oporteret populum iter agere, columna ignis nocturno tempore anteibat, de die vero **columna nubis**. At cum placitum Deo fuisset diu in **iisdem castris** populum contineri, columna neque ignis
noctua

noctu provehebatur, neque nubis de die anteibat. Legem itaque hanc viæ statuit. Et si diligenter stationes eas, mansionesque castrorum, & conditiones locorum, quæ Exodo continentur, retractemus; magna in ipsis cœlestis itineris mirabilia cernemus. Ob quod frequenter Propheta oravit, dicens: Considerabo mirabilia de lege tua. Sed non jam istis se viæ legibus contineri Propheta orat: non enim viæ legem, sed *via justificationum* poscit.

3. Scit esse viam testimoniorum, cum dicit: *In via testimoniorum tuorum delectatus sum.* Scit esse viam præceptorum, cum ait: *Viam præceptorum tuorum cucurri.* Novit esse viam legis, cum *Beati sunt, qui ambulant in lege Domini.* Scit esse hanc viam justificationum, de qua nunc deprecatur. Scit etiam esse viam in Prophetis, scit esse viam in Evangeliiis, scit esse viam in Apostolis, de quibus sæpe testatus est. Vult ergo per legem viæ hujus, usque in perfectam illam vitæ viam tendere. Plures enim sunt hæreticorum, qui viam legis probant, plures, qui Prophetarum, multi, qui Evangeliorum, multi, qui Apostolorum. Scimus etiam quosdam non omnibus his viis esse contentos. Sed scribe doctus novit divitis patrisfamilias exemplo de thesauris proferre vetera & nova. Hanc igitur justificationum viæ legem Propheta desiderat: Lex enim justificationum quibusdam religiosi cordis disciplinis continetur, & intra fines nos constitutionis suæ, quibus se uteremur, artavit: ne excedentes eos, ad opiniones hæreticæ intelligentiæ evagaremur. Non vult igitur ab ea lege excedere, quam constitui sibi orat.

4. Sed in quam causam hanc legem orat institui? Scilicet ut exquirat eam. Lex erat justificationum per Moysen scripta: & hanc Propheta operibus exercebat. Non ergo hanc statui sibi orat, quæ jam statuta erat, & ab eo religiose agebatur; sed eam, quam

quam optat, inquirere. Quid ergo optat inquirere? Finem scilicet legis. Et quis erit finis legis? Apostolum audiamus: Finis enim legis Christus est. Sed per has justificationum vias, quibus statuta lex fuerit, finem legis optat exquirere: neque solum exquirere, sed semper exquirere. Ita enim ait: *Et exquiram eam semper*. Officium exquirendi non suffecerat per voluntatem, nisi etiam indefessa ab eo temporis continuatione gereretur.

5. *Da mihi intellectum, & scrutabor legem tuam, & servabo eam in toto corde meo.* In proverbii Salomonis scriptum meminimus: In intelligendo sapientiam interroganti sapientia deputatur. Quo sensu id ostendi videtur, quod qui non intelligat, & sapienter interroget, sapere credatur. Hoc itaque eo proficit, quia Propheta in lege manens, & secundum Apostolum Hebræus ex Hebræis octava die circumcissus, & secundum genus ex tribu Juda, & secundum gratiam corporeæ unctionis & rex electus, & christus, & secundum sacramentum dominicæ nativitatis dignus, cujus filius Jesus Christus esset, tamquam Peregrinus legis orat: *Da mihi intellectum, & scrutabor legem tuam, & servabo eam in toto corde meo*; Nondum ergo servat, nondum scrutatus est, nondum intelligit. Non ergo de ea lege loquitur, in qua natus est, eruditus est, operatus est Propheta. Sciens itaque primam partem esse prudentiæ, ut quis, quod non intelligit, sapienter interroget; & quod ignorat, intelligat: idcirco intellectum ut accipiat, rogat. Sciens vero adepto spiritu intelligendi, studio opus esse scrutandi, ait: *Et scrutabor legem tuam*. Scrutationis autem fructum repertæ rei custodiam esse cognoscens, dixit: *Et servabo eam*. Intelligens vero perfectam custodiæ diligentiam in toto esse cordis officio, consummavit omnem sermonis sui ordinem, dicens: *Da mihi intellectum, & scrutabor legem tuam, & servabo eam in toto corde meo.*

6. Sed

6. Sed quid tandem istud est, quod intelligere optat, quod scrutaturum se & servaturum toto corde promittit? Meminit namque non otiosos dies sex Moyfi libro in mundi hujus operatione monstrari. Scit non superfluum esse diei septimi requiem. Recordatur in mensis novi religione sacramentum festivitatis cœlestis tamquam in speculo figurari. Novit annum illum, quo post sex annorum servitutem liber Hebræus est, quo post multam operationem terra requiescit, fructibus ejus relictis profelyto pauperi, & bestiis terræ, quo & debita universa Hebræis omnibus remittuntur. Quinquagesimi quoque anni leges concupiscit scrutari. Vult, quæ sit in primo mense decimi diei usque in quartam decimam, & deinde usque in vigesimam primam religio. Illam quoque septimi mensis cogitat solemnitatem, cujus memoriale in tubis est: decimi quoque diei in eo placationem, & post quintam decimam in tabernaculis dierum octo lætitiā: quomodo ex his & sancta prima, & octava sit sancta. Scit circumcisionem primam fuisse, scit & iteratam per Jesum esse gestam. Azyma sancta desiderat, litare pascha concupiscit, de quo in agni ipsius immolatione scriptum est: Hoc est pascha Domini. Terram repromissionis, terram fluentem lac & mel scit nondum vere a populo, qui secundo est circumcissus, obtentam. Ob hæc igitur intellectum orat; hæc intelligens, scrutaturum se pollicetur; hæc scrutatus, servaturum se professus est; hæc servans, in toto corde custodiet.

7. Post quæ sequitur: *Deduc me in semita mandatorum tuorum; quia ipsam volui.* Et in hoc nunc versu, sermonis virtus non proprie per conditionem translationis expressa est. Nam id, quod nostri ita dixere: *Deduc me in semita*, græcitas sic locuta est: ὁδηγῶν με ἐν τῇ τριβῶ. Et id, quod cum illis τριβὴ dicitur, trita & frequentata discursibus semita intelligitur: nobis-

nobiscum autem semita dici potest, & esse semita, & esse non trita. Ergo quia græcitas utrumque eadem nuncupatione complexa est, nos quoque ita sentiamus; & semitam eandem sciamus esse, quæ trita est.

8. Et observandum est, quod hic non legis, sed *mandatorum* semitam esse dicat. Via enim legis a Moyse gradientes, post quam ipsa constituta est, habuit. Ceterum mandatorum idcirco semita est, quia in mandatis Dei jam a seculi institutione perfectum sit. In hac enim semita & Abel cucurrit, & Seth institit, & Enoc placuit, & Noe reservari meruit, & Melchisedech & benedicere potuit, & decimas accepit, & Abraham amicus Dei est, & Isaac hæres est, & Jacob Israel est, & ex Juda expectatio gentium est, & Joseph in testimonium positus est, Job a Lege libere de hoste legis triumphat, & Hebræum Moyses vindicat, & Jesus secundo Israel circumcidit, & Samuel dignus in unguendo rege deligitur.

9. Et nunc in hac orat se hic & unctus, & rex & propheta deduci. Scit enim imbecillam sibi esse naturam, neque se posse hanc semitam sine duce aggre-
di. Dux enim est omnibus hac semita pergentibus Deus. Dux enim est, cum dicitur: Retro post Dominum Deum tuum ambula, & ad eum adhæreto; & rursus: Retro post eum ambula, quoniam ipse te deducet. Deducit autem, cum ait: Qui non tulerit crucem suam, & secutus me fuerit, non est me dignus. Deducit etiam, cum prior omnem evangelicarum passionum semitam trivit. Si Apostoli docent, prior ille docuit; constituit enim Sapientia amicos Dei & prophetas. Si iuste nunc aliquid geritur a nobis, princeps iustitiæ nostræ est; est enim ipse iustitia. Si ob fidem ad terrorem flagellamur; flagellis ille dorsum suum præbuit. Si alapis ad injuriam cædimur, has ille suscepit. Si in contumeliam conspui-
mur, faciem suam ille non avertit a sputis.

10. Dux

10. Dux in omnibus ille est: sed dux est diligentibus legem, quam superius se toto in corde custoditurum Propheta professus est. Non enim hic secundum sermonem græcitatis, cum dicitur: *Quia ipsam volui*, ad semitam mandatorum referri potest: quia in græco, ubi feminino genere semita scripta est, id, quod vellet, masculino genere pronuntiat, dicens: ὁδηγήσου με ἐν τῇ τριβῇ τῶν ἐντολῶν σου, ὅτι αὐτὸν ἠθέλησα. Lex enim a nobis feminino genere nuncupatur, quæ græce νόμος dicta est, quod ab his genere masculino enuntiatur. Et cum illic feminino genere semita nuncupetur; id, quod voluit, ad id refertur, quod per masculinum genus græcitatis proprietate memoratum est.

11. Sequitur nunc: *Inclina cor meum in testimonia tua, & non in utilitatem*. Omnia Propheta ad munus Dei retulit: sive ut lex viæ justificationum sibi statuatur a Domino, sive ut sibi intelligentia præstetur, sive ut deducatur in semita, sive ut cor ejus in testimonia inclinetur, id est, in ea, quæ sub testibus scripta sunt. Teste enim cælo & terra lex tradita est.

12. Sed forte per hanc Prophetæ religiosam modestiam quisquam impie loqui ita audebit: Si, inquit, omnia a Deo sunt, humana ergo ignorantia caret culpa; cum nihil obtinere possit, nisi quod donatum a Deo sumserit. Et primum hoc impietatis est voluntas, existimare idcirco se ea, quæ sunt credentium propria, non consequi, quod sibi a Deo indulta non fuerint. Sed omnem occasionem hujus impiæ excusationis Propheta submovit. Primum enim cum orat, conveniens infirmitati suæ egit officium: dehinc Dei numeribus humanæ devotionis studia connexuit. Cum enim ait: *Legem mihi statue Domine viam justificationum mearum*; quid secundum orationis nostræ humilitatem Dei esset ostendit. Cum autem subjecit: *Et exquisiram semper*; officium devotionis suæ protulit. Et in

ceteris quoque utrumque quodam complexu sibi invicem colligavit: cum deduci se in semita postulavit, & cum id ipsum voluit. Prius enim, quæ a Deo sunt, cum honore præposuit: & tunc, quæ hominis sunt, cum humilitatis atque officii sui confessione subjecit. Orat igitur, ut Deus tribuat. Est ergo a nobis, cum oramus, exordium, ut munus ab eo sit: dehinc quia de exordio nostro munus ejus est, ex nostro rursum est, ut exquiratur, & obtineatur, & maneat.

13. In eo autem, quod ita se habet: *Inclina cor meum in justificationes tuas, & non in utilitatem*; quidam transtulerunt: *Inclina cor meum in testimonia tua, & non in avaritiam*. Id quod in hebræis codicibus continetur, ambigua in definitione utrique intelligentiæ opportunum est. Sed nos, sicut oportet, sequimur Septuaginta interpretum religiosam & antiquam auctoritatem, ex judicio tamen ceterorum *translato*-rum proprietatem intelligentiæ cujusque desiderio coaptantes. Cum enim hi dixerint, *in utilitatem*, illi dixerint, *in avaritiam*; per idipsum quomodo utilitas hic nunc sit subjecta, noscetur. Nam seculi homines pecuniam, argentum, aurum, & cetera opum instrumenta utilitatem vocant. Ergo cum in Dei testimonia inclinari cor suum, & non in utilitatem Propheta orat, inclinatum in Dei testimonia cor ab his sine dubio refert, quæ humano judicio existimantur utilia. Et quidem intelligentiæ nostræ sensum versus, qui consequitur, confirmat.

14. Ait enim: *Averte oculos meos, ne videant vanitatem, & in via tua vivifica me*; vanitatem eorum docens, quæ ab hominibus existimantur utilia. Et quærendum est, quos oculos, & a qua vanitate oret averti. Orat autem & animi & corporis oculos, eos scilicet, qui theatralibus ludis captivi incubant, eos, qui Circensium certaminibus serviunt, eos, qui vestium pretia mirantur, eos, quos auri splendor, & gem-

TRACTATUS IN XCVIII. PSALMUM. 499

gemmarum varietas occupat. Nisi forte non magis equorum cursu astrorum cursus est gratior; & obscenis illis spectaculorum turpium fabulis, non amœnius divina illa humanæ spei eloquia cantantur. Nisi forte huic terrenorum metallorum usui, non magis æternitatis repositæ divitiæ, honor & gloria præferetur: & blandior mihi erit auri species, quam hominis, & terræ, & lucis, & cæli. Ab eorum igitur vanitatibus averti oculos, & hos corporis sui, & illos animæ deprecatur: de quibus obcæcatis beatus Apostolus docet, cum ait: In vanitate sensus eorum intenebrati, alienati a vita Dei.

15. Et averforum oculorum a vanitate quod præmium sit, non longe requirendum est. Sequitur enim: *Et in via tus vivam.* Declinandi enim a vanitate sunt oculi, ut nobis in via Dei vita sit: non ea vita, quæ nunc est, sed ea, quæ in cælis reposita est, & in Christo absconsa. Ita enim in omni hoc psalmo locutus est, tamquam victurus sit, non modo vivat. Erigendi igitur oculi sunt, quibus Christi potius gloria, quam mundi hujus inania & vana cernantur. In via enim Dei, referentes oculos a vanitate, vivemus.

16. Dehinc sequitur: *Statue servo tuo eloquium tuum in timore tuo.* Novit a plurimis Propheta eloquia Dei sine metu suscipi. Plures enim auditas cœlestis eloquii Scripturas tamquam fabulam rerum inanium negligunt, & Dei verba, quæ præterire cælo & terra prætereunte non possunt, magno cum periculo irreligiosæ temeritatis irrident. Novit initium sapientiæ esse Dei timorem. Novit in illa septiformis Spiritus gratia timorem in postremo tamquam firmamentum eorum, quæ superius sunt dicta, numerari. Constitui ergo in se Dei eloquia in timore Dei deprecatur: quia scit ea nobis eloquia futura esse, quæ tamquam Dei timebuntur utilia. Dehinc adjecit: *Circumcide opprobrium meum, quod suspicatus sum: quia judicia tua jucunda.*

tenus est; sed quia id per infirmitatem carnem
se suspicatur habitare. Non enim ait: **Cir-**
opprobrium, quod in me est; sed ait: *Circu-*
probrium meum, quod suspicatus sum, suspicio
probrii ex conscientia propriæ infirmitatis oritur.
In judiciis enim multi ad opprobrium resurgunt
quia his jucunda sint, in quibus peccati non
opprobrium, ipsam illam, quæ in se est, suspi-
cio a se circumcidi orat opprobrii, ut sibi Dei sint
judicia.

17. Ac ne de admissi peccati conscientia
tutus esse existimaretur, orationem omnem, quæ
singulis octonis versibus defert, hac libertate
sit: *Ecce concupiui præcepta tua, in æquitate tu-*
me. Superius oravit, ut in Dei timore Dei
tuerentur eloquia; dehinc ut a se suspicio ce-
deretur opprobrii; nunc concupiscentiam a-
nimum suum erga Dei præcepta demonstrat,
æquitate Dei vivificetur, orat; sciens prop-
riæ æquitatis esse munus, ut vivificet eum
præcepta Dei desideraverit, cui & circumcis-
sionis susceptione jucunda iudicia sint. & in timore

L I T T E R A VI

1 Vau.

Veniat super me misericordia tua Domine, salutare tuum secundum eloquium tuum. Et respondebo improptantibus mihi verbum, quia speravi in sermonibus tuis. Et ne auferas de ore meo verbum veritatis usquequaque, quia in judiciis tuis spero. Et custodiam legem tuam semper in seculum seculi. Et ambulabam in dilatatione: quia mandata tua exquisivi. Et loquebar in testimoniis tuis in conspectu regum, & non confundebar. Et meditabar in mandatis tuis, quæ dilexi vehementer. Et erexi manus meas ad mandata tua, quæ dilexi: & exercebar in justificationibus tuis.

1. **P**lures secundum Apostolum sunt, qui sapientiam seculi sequentes, sapientiam Dei reprobaverunt: ob quod stultam fecit Deus seculi sapientiam. Quid enim infidelibus stultius est, qui præter illum communem irreligiosorum errorem etiam hoc adjiciunt piaculi, ut divina Scripturarum eloquia putent perfectæ doctrinæ carere ratione? Et quia pro impietate ingenii sui divinorum dictorum capaces esse non possunt, ad contumeliam cœlestium verborum pro excusatione hebetudinis suæ prorumpunt, dicentes, nihil in his rationabile, nihil esse perfectum: volentes ea, quæ a se dicantur, sola esse erudita, & doctrinis veræ prudentiæ expolita; stulti Deo negantes, quæ assumere ipsi sibi audent. Nec mirum est, si irreligiose de eis opinantur, quorum pecudæ hebetudinis modo, intelligentiam non consequuntur. Verum quamvis in eo sermone, quem superius habuimus, his, qui sapientiam Dei sequuntur, cognitam dictorum cœlestium perfectionem existimem, nihilque

eorum esse, quod non consummatum, atque omni ex parte perfectum sit: tamen id quoque etiam in his sextæ litteræ versibus absolutius licebit intelligi.

2. Post superiorem enim sensum ita loquitur: *Et veniat super me misericordia tua Domine, salutare tuum secundum verbum tuum.* Misericordiam itaque primum deprecatus est, dehinc salutare. Salus enim nostra ex misericordia Dei est, & bonitatis suæ hoc munus in nobis est: & inde cœpit oratio, unde & salus inchoat deprecantis. Dehinc ne ex incerta & ex inopinata spe precari Propheta existimaretur, primum misericordiam, dehinc salutare commemorat, tum tertio subiecit, *secundum verbum tuum*: ut hanc orandi fiduciam proficisci secundum verbum Dei, id est, secundum doctrinam legis ostenderet.

3. Post hunc itaque perfectæ orationis ordinem id sequitur: *Et respondebo exprobrantibus mihi verbum, quia speravi in verbis tuis.* Tenet ordinem ratio perfecta. Si, inquit, in me venerit misericordia tua, & salutare tuum secundum verbum tuum, & a te fuero misericordiam consecutus, & a te conservatus, ut spondidisti; consequens erit, ut his, qui insipientiam mihi, & errorem spei, & verbum hoc, quod in te spero, exprobrant, respondeam. Quid itaque adversus hanc Prophetæ responsionem exprobrare irreligiosa mens poterit? Misericordia primum oratur a Deo, salus etiam expectatur a Deo: & deinde eam spondidisse per verbum suum Deus ostenditur. Concluditur itaque exprobrantium impietas ab his, qui in Dei verbis sperant: cum quando Deus precatur, & misericordiam, & salutem ab eo credentium fides sperat, & doctrina hæc spei nostræ sit, ut oratus & misereatur, & salvet.

4. Dehinc sequitur: *Et ne auferas de ore meo verbum veritatis usquequaque nimis; quia in judiciis tuis speravi.* Accipiat humana insolentia humilitatis modestiæque

stella in claritate. Scit esse leges Angelorum, cum alii assistentes Deum indefessa voce collaudant, alii ante conspectum invisibilis nobis Dei tamquam lege officii prioris assistunt. Novit & pusillorum Angelos faciem Dei quotidie ex quadam lege conspiceret. Scit utique esse æternas leges, & eas omnes se in illo seculi seculo custoditurum esse confidit: quia ea, quæ per umbram sunt constituta, in hoc nunc seculo semper observet.

9. *Et ingrediebar in dilatatione: quia mandata tua exquisivi.* Non est angustus Propheta; & superius jam dixerat: *Viam præceptorum tuorum cucurri, cum dilatasti cor meum.* Scit inter humanarum tribulationum passionem semper ad Deum patulo esse se corde oportere. Quod ipsum Apostolus docet, dicens: In omnibus tribulati, sed non angustati. Novit hæc ipsa amplitudine cordis de se idem Apostolus gloriari, cum ad Corinthios ait: Non angustiamini in nobis, sed angustiamini in vobis. Patet etiam hic quoque Propheta, dicente Deo: Et inhabitabo in his, & inambulabo in ipsis. Angusta igitur sunt peccantium corda, & hospitio Deum mens polluta non recipit. Patulum enim domicilium inconceptibili Deo opus est: & idcirco in amplitudine Propheta ambulat, quia in eo Dei in se loquentis habitatio est. Causam vero amplitudinis suæ docet, dicens: *Quia mandata tua exquisivi.* Naturæ nostræ consuetudinem recordemur, quotiescumque lectioni vacantes mandata Dei & præcepta scrutamur, in quantam amplitudinem intelligentiæ mentium nostrarum dilatantur angustiae, & quam patulus nostræ humilitatis in desideria divina fit sensus. Per peccatorum autem nostrorum conscientiam coartatur nobis omnis animæ amplitudo: ac DIFFICILIA OMNIA & angusta sunt, cum divini verbi habitatione sumus indigni.

10. Sed ambulans in latitudine Propheta, versari in officio digno adeptæ amplitudinis debet: & versatur plane. Sequitur enim: *Et loquebar de testimoniis tuis in conspectu regum, & non confundebar.* Hoc officium dilatati cordis est, ut ex eo in abundantia divinæ doctrinæ verba procedant. Loquitur enim Propheta constanter adversus Principes terræ Deum prædicans. Et quidem duplex significatio sensus hujus est, quia secundum dominica præcepta oporteat a nobis Christum coram regibus & potestatibus prædicari: neque nos terrenarum potestatum fas est jure terreri, quo minus omni confusione rejecta, constanti & publica fide Deum, qui negantes se negaturus sit, non negemus. Potest & sermo ad eos referri, de quibus & Apostolus ait: Jam sine nobis regnatis, & utinam regnetis: id est, tamquam in conspectu Sanctorum, qui utique frequenter reges terræ sunt nuncupati. Propheta Dei testimonia sit locutus, neque confusus sit per prædicationem suam doctrinæ cœlestis instituta præbere. Geminam autem lectio intelligentiam ex se præstat: ut quia utrumque ex testimoniis Scripturarum intelligi promptum est, aut utrumque significatum existimetur, aut, quod magis videbitur probabile, eligatur.

11. *Et meditabar in mandatis tuis, quæ dilexi vehementer.* Non solum igitur loqui nos in testimoniis Dei convenit: sed legis mandata omnia diuturna meditatione percensere. Neque tantum meditatio utilis est, nisi lex ipsa, quæ in meditatione est, diligatur: neque diligere communi dilectione sufficiet, nisi etiam vehementer id, quod diligitur, diligatur. Atque ideo hunc omnem perfectæ rationis ordinem sermo propheticus percurrit, dicens: *Et meditabar in mandatis tuis, quæ dilexi vehementer.*

12. Sed neque meditatio legis, neque ipsa dilectio impensa sufficiet, nisi fructum operum & voluntatis

tatis efficientia consequatur. Neque in hoc Propheta cessavit; ait enim: *Et erexi manus meas ad mandata tua, quæ dilexi valde.* Manus ad mandata ea, quæ diligebat, erexit; non utique contumeliosas aut procaces, sed mandatis humilitatis servientes, sed operibus misericordiæ insistentes, sed fidei præcepta peragentes. Operis vero officium semper oportet esse intentum, & nulla interdum negligentis otii dissimulatione cessare. In hoc quoque se manere Propheta testatur, dicens: *Et exercebar in justificationibus tuis.* Exercitatio assiduitatem operationis ostendit. Frequentem itaque sibi esse, & semper intentam præceptorum observantiam docet ad illas, de quibus superius memoravimus, cœlestium justificationum efficientias, nunc se in justificationibus præsentis, & ex futuris adumbratæ legis exercens.

L I T T E R A VII.

† Zain.

Memor esto verbi tui servo tuo, in quo mihi spem dedisti. Hac me consolata est in humilitate mea: quia eloquium tuum vivificabit me. Superbi inique agebant usquequaque: a lege autem tua non declinavi. Memor fui iudiciorum tuorum a seculo Domine: & consolatus sum. Defectio animi tenuit me pro peccatoribus derelinquentibus legem tuam, Cantabiles mihi erant justificationes tuæ in loco incolatus mei. Memor fui in morte nominis tui Domine: & custodiui legem tuam. Hac mihi facta est, quia justificationes tuas exquisivi.

I. **O**mnis Dei sermo, qui Scripturis divinis continetur, in spem nos bonorum cœlestium vocat. Atque ob id Propheta in omnibus se Dei præceptis

man-

mansisse confidens, constanter ait: *Memorare verbum
num servo tuo.* Numquid promissi sui Deus immemor
est? Absit istud, ut aliqua subrepere in æternam at-
que indefessam Virtutem humanarum infirmitatum ge-
nera credantur. Sed Propheta, qui promissis Dei
credidit, qui desiderio cœlestium detentus est, qui
contemptu præsentium futura speravit, non ad memo-
riam verbi sui Deum admonet; sed ut verbi sui in se
servo suo memor sit, deprecatur, id est, ut ita di-
gnus habeatur, in quo Deus verbi sui memor esse di-
gnetur, quo in verbo spem dederit. Et spem non
vanam esse oportet, neque verbis tantummodo præ-
dicari, sed rebus ipsis doceri: ut, si quando incidant
infirmitates, persecutiones, damna; orbitates, con-
tumeliæ; has præsentis seculi minas ac potestates,
spe æternorum promissorum consolemur.

2. Et ad hæc quidem omnia nos docemur: sed
jam ipsis omnibus Propheta perfunctus est, dicens:
*Hac me consolata est in humilitate mea: quia eloquium
tuum vivificavit me.* Hæc ad spem refertur, quam spe-
rare eum Deus fecit. Consolata vero est eum *in hu-
militate*: id est, cum contemnitur, cum irridetur,
cum injuriis vexatur, cum contumeliis inhonestatur;
sciens hanc sibi tentationum præsentium esse militiam.
Sed se inter hæc infirmitatis suæ bella spes a Domino
præstita consolatur: vivificatur autem per eloquiis
Dei. Scit in his excellentem esse in cœlis humilita-
tis suæ gloriam: scit animam eloquiis Dei refectam,
tamquam pabulum aliquod vitæ in se æternæ conti-
nere. Non movetur in eloquiis Dei vivens, inani
superbientium gloria. Novit enim indigentiam suam
eorum esse opulentia ditiozem. Scit jejunia suæ cœ-
lesti atque Evangelica benedictione saturari: scit hu-
militatem suam glorioso esse honoris præmio mune-
randam. Atque ideo subjecit: *Superbi inique agebat:
usquequaque: a lege autem tua non declinavi.* Inter ni-
mias

miss & consummatas superborum iniquitates (*valde enim inique agunt*) nullo Propheta deflexu a lege Dei declinat.

3. Sed non declinantem a Dei lege, oportet esse eum memorem iudiciorum Dei. In omni enim vitæ nostræ genere memoria nobis divini iudicii inferenda & continenda est; ut, cum aliquid agimus, residente in nobis iudicii memoria, vel nunquam potius abeunte, præceptis Dei opera nostra famulentur. Beatus erit, quisquis non sine memoria divini iudicii omnia gesserit. Quod de se profitetur Propheta, dicens: *Memoratus sum iudiciorum tuorum a seculo, & exhortatus sum.* Hæc nunc a seculo tantum, non etiam a seculo seculi: quia omnia in nos iudicia Dei ex seculi hujus ac mundi temporibus instituta sunt. In his autem se cohortatus est, inter hos scilicet mundi turbines, & inter hæc passionum corporalium prælia, ad tolerantiam ac victoriam infestantium malorum humilitatem suam iudiciorum Dei memoria adhortatus.

4. Deinde sequitur: *Defectio animi tenuit me a peccatoribus delevinentibus legem tuam.* Virtutes propriæ suæ Prophetæ huic ad spem vitæ æternæ non sufficiunt, neque quod spem in verbo Dei habuit, neque quod in spe eadem consolatus est, neque quod Dei vivificatur eloquio, neque quod non declinat a lege, neque quod semper memoria iudiciorum Dei adhortatur: quin etiam dolore humanæ impietatis fatigatur, & ob irreligiosas hominum impietates exanimis est. Sanctus enim quisque cum cæditur, non humilitatis suæ, qui cæsus est, sed insolentiæ ejus, qui cædit, miseretur: ut a vesano filio pater, ut ab amente ægroto medicus contumeliam passus, dolorem non ex eo, quod perpeffus erit, sentit, sed ob id, quod ille, quem sanum esse cuperet; injuriam sibi vesanus intulerit. Membro autem uno aliquid patiente, secundum Apostolum, compatiuntur & cetera

mem.

membra. Defectio itaque secundum hæc tenet Prophetam super peccatores derelinqentes Dei legem: affectu miserantis scilicet & dolentis, & tamquam membris suis pro parte ægrotis, iniquorum & irreligiosorum periculo fatigatur.

5. Manet autem ipse, quantum ad se, justificationibus Dei semper intentus, & in omni quacumque sede habitat, nequaquam ex ore ejus religiosæ confessionis hymnus abscedit. Ait enim: *Cantabiles mihi erant justificationes tuæ in loco incolatus mei.* Exemplo suo docet, suscepta semel in aures psalmorum cantica in corde esse continenda: & semper ea officio oris iteranda. Non negligenter, ut ipse prædicat, legit atque audit: neque irreligiositatis nostræ modo, divina eloquia aut occupatis in aliud, aut incuriosis oculis legit, aut mox obliuiosis auribus excipit: sed cantabiles ei sunt, id est, sine intermissione cantatæ. In omni autem cujusque generis loco nequaquam a se abesse psallendi consuetudinem docet, cum ait: *In loco incolatus mei.* Non enim ait: In incolatu meo; sed ita ait: *In loco incolatus mei,* in quacumque scilicet sede mansisset: intelligens se mundi hujus esse peregrinum: Dei tamen sibi semper justificationes esse cantabiles.

6. Sed quam cantabiles sint justificationes Dei, ostendit; cum nullum omittat tempus, quo non in illo cœlestium sacramentorum opere versetur. Ait enim: *Memor fui nocte nominis tui Domine, & custodi legem tuam.* Scit præcipue nocturno tempore divini esse a nobis nominis recordandum. Scit tum maxime custodiam Dei legis a nobis esse retinendam, cum subrepunt animo impuræ cupiditates. Cum vitiorum stimuli per recens sumtum cibum corpus exagitant, tum Dei nomen recordandum est, tum custodienda lex ejus est, pudicitiam, continentiam, timorem Dei statuens. Novit hoc præcipue tempore Deum orandum,

dum, deprecandum, premerendum, dicens in loco alio: Lavabo per singulas noctes lectum meum, lacrymis meis stratum meum rigabo. Non est periculoso nocturnarum vigiliarum otio animus relaxandus: sed in orationibus, in deprecationibus, in confessionibus peccatorum occupandus est: ut, cum maxime corporis vitis opportunitas datur, tum precipue eadem vitia divine legis recordatione frangantur.

7. Sequitur deinde: *Hæc mihi facta est, quia justificationes tuas exquisivi.* Hæc ad memoriam refertur, per quam memor fuit noctibus nominis Dei. Quod autem ait: *Mihi facta est*, id est, non subito recurrens, neque temporarie assumpta: sed semper in se manens, & intra se quodam fidei opere instituta: & ob id ei facta, quia justificationes exquisierit. Utile igitur est, justificationes Dei sine aliqua temporis intermissione scrutari: quia per exquisitionem earum, ejus memoriam nos perpetem continemus in Christo Jesu, cui est gloria in secula seculorum. Amen.

L I T T E R A VIII.

¶ Heth.

Portio mea Dominus. Dixi custodire legem tuam. Deprecatus sum faciem tuam in toto corde meo: miserere mei secundum eloquium tuum. Quia cogitavi vias meas, & averte pedes meos in testimonia tua; paratus sum, & non sum turbatus, ut custodiam mandata tua. Funes peccatorum circumplexi sunt me, & legem tuam non sum oblitus. Media nocte surgebam ad consistendum tibi super judicia justificationis tue. Particeps sum ego omnium timentium te, & custodientium mandata tua. Misericordia Domini plena est terra: justificationes tuas doce me.

1. Plus.

1. **P**lures psalmorum codices legentes & nos ita opinabamur, versum, qui octavæ litteræ primus est, id est hunc: *Portio mea Dominus*, in superioribus septimæ litteræ octo versibus contineri: quia ita in latinis codicibus, atque etiam in nonnullis græcis scriptum continebatur: & sane absolutior ita sensus videbatur. Sed secundum Hebræos emendatum apud Græcos Psalmorum librum legentes, invenimus hunc versum non septimæ litteræ novissimum esse, sed octavæ primum. Itaque secundum hanc cognitionem nos quoque tractare de eo aggressi sumus,

2. Cœpit enim ita: *Portio mea Dominus*. Dixi, *ut custodiam legem tuam*. Rarus quisque est, cui ista fiducia est, ut portionem suam esse Deum audeat dicere. Renuntiandum est seculo omnibusque rebus ejus, ut nobis Deus portio sit. Ceterum si nos ambitio detineat, si cura pecuniæ occupet, si illecebræ libidinum capiant, si negotia rerum familiarium demorentur; portio nobis Deus non erit, secularium curarum atque vitiorum possessione detentis.

3. Moyse cum jussu esset portiones incolatus distribuere duodecim gentibus filiorum Israel, ita e de tribu levitica præceptum est: Filiis Levi non erit portio, neque sors in medio fratrum suorum; quia Dominus Deus est pars eorum. Et rursum scriptum meminimus: Ego Dominus pars eorum. Nullam ergo Deo servientibus lex data terrenam esse voluit portionem: quia pars eorum Deus est.

4. Meminit & Evangelii prædicator ille Petrus nullam sibi esse portionem possessionis humanæ, cum oranti alimoniam respondit: Aurum & argentum non est mihi; quod autem habeo, hoc tibi do. Quid est istud Petre, quod possides? Renuntiaveras omnibus Domino tuo dicens: Ecce nos reliquimus omnia, & secuti sumus te, quid erit nobis? Et tibi ille responderat: Amen dico vobis, quod vos, qui secuti estis me,

TRACTATUS IN XCVIII. PSALMUM. 513

me, in regeneratione sedebitis super duodecim thronos judicantes duodecim tribus Israel. Et exemplo vestro ceteris relinquentibus cuncta sponponderat. quod & centuplum acciperent, & dehinc vitam æternam possessuri essent. Quid est igitur istud Petre, quod habes? Habes plane, & non audeo dicerè, plus te centuplum obtinere: dico tamen te sine multiplicatione calculi possidere. Dicis enim: Quod habeo, hoc tibi do: in nomine Domini nostri Jesu Christi surge & ambula. O felix possessio, o perfecta Dei portio! Non terrena largiris, sed naturæ opes rependis, & vitiosi partus damna restauras. Claudum natum ingredi jubes, & multæ ætatis virum incessu rudi incitas. Has opes tribuit, cujus Deus portio est. Novit & Paulus divitiarum suarum gloriam, dicens: Mihi autem absit gloriari, nisi in cruce Domini mei Jesu Christi, per quem mihi mundus crucifixus est, & ego mundo. Talis Apostolo gloria, talis est portio.

5. Humanarum igitur hæreditatum modo, portionem, quæ melior est, & quæ utilior, eligamus. Si circa terrena patrimonia sua in cohæredum divisione quis nititur sortem commodioris portionis appetere, quanto propensiore cura partem cælestis hæreditatis deligemus? Centuplum Dominus promittit: & centuplum non in æternum, sed in præsens. Æternorum autem bonorum immensa & infinita retributio est: ceterum sub definitione centupli, præsentium mensura concluditur. Ego autem ambigo, utrum hoc centuplum Petri exceßerit portio. Certe secundum Domini præceptum, sperandum nunc in hoc seculo, relictis omnibus seculi rebus, centuplum munus est. Est enim nobis portio, qui ait: Et inhabitabo in eis. Nunc ergo centupli præmium est, ut in hoc terreno corpusculo nostro Deus habitet. Sed quid dico habitet? Ait & ipse: Et inambulabo in eis. PATENS DEO est fidelis pectoris & ampla possessio:

ut inhabitet & inambulet. Sed qui inhabitat, qui inambulat, quid tertium addidit? Et ego ero illorum Deus. Ecce promissam nobis ab eo portionem, ut simus Deo habitatio; & dum in nobis ambulat, sit nobis ipse possessio, si seculum relinquamus, si possessionis terrenæ lābi renuntiemus, si hæreditatem caducorum respuamus, si viventes de seculo exeamus. Quæ enim merces est, emortuis corporibus, & ex eunte anima dissolutis, seculum reliquisse? Carendum est eo per contemptum ejus. Nesciendum est ignorance voluptatum suarum. Moriendum nobis in eo est, dum non ei vivimus. Scit Paulus jam non se sibi vivere, dicens: Quod enim vivo, jam non ego vivo, vivit autem in me Christus.

6. Propheta itaque, secundum Apostolum, non seculo vivens constanter & libere ait: *Portio mea Dominus. Dixi, ut custodiam legem tuam. Tenuit hunc,* quem in superioribus modum, cum quando se custoditurum legem Dei spondit. Non enim de ea, quam corporaliter agebat, loqui intelligitur, cum custoditurum se potius, quam custodire fateatur.

7. Sequitur deinde: *Deprecatus sum faciem tuam in toto corde meo: miserere mei secundum eloquium tuum.* Moysen deprecatum esse meminimus, ut Deum videret. Et forte cognata precii ejus Prophetæ hujus oratio existimabitur. Sed a Deo meminit dictum: Nemo hominum videbit faciem meam, & vivet. Ergo quod negatum Moyse meminert, id concedi sibi postulat? Sed licet rursum dicto evangelico anterior sit, meminit tamen hanc fidei beatitudinem reservari, qua dicitur: Beati mundo corde, quoniam ipsi Deum videbunt. Itaque cum in lege sciat dictum, quod nemo faciem Dei videat, & vivat; & ex evangelica beatitudine non ambigat, omnes mundo corde Deum esse visuros; perfectæ modestiæ temperamento cupiditatem desiderii sui elocutus est, dicens: *Deprecatus sum faciem*

faciem tuam in toto corde meo. Scit nunc impossibile sibi esse, quod nec oculus vidit, nec auris audivit, nec in cor hominis ascendit, ut videat. Scit invisibilem esse carnalibus oculis gloriam Dei. Meminit, non dico ad Angelorum claritates hoc humanæ visionis lumen hebetari, sed ipsam gloriam vultus Moyfi humani corporis oculos non tulisse.

8. Sed nos ex desideriis humanis Prophetæ desideria metiamur. Ad egressus regum quanta expectationis sollicitudine curritur? & quod videntibus gaudium est, cum se præbuerint contuendos? Quid illum cœlestis spiritus capacem virum existimabimus velle? quanto desiderii ardore cupere, ut Deum cernat, qui ipsam illam invisibilem majestatem per has Angelorum claritates, & per hanc Moyfi gloriam metiatur; & sciat etiam eos, qui digni sunt conspectu Dei, gloriam ex conspectu gloriæ esse sumturos, quod eos visio tantum & dignatio contemplatæ majestatis illuminet? Quod sanctus Apostolus ita intelligens loquitur: Nos, inquit, omnes revelata facie gloriam Dei expectantes, in eandem ipsam transferemur imaginem a gloria in gloriam, sicut a Domini spiritu. Et nunc, quia id impossibile istis corporis oculis sciat esse, toto istud corde desiderat. Et cui est portio Deus, confidenter faciem ejus deprecatur: quia quamvis nemo hominum videat faciem Dei, & vivat; tamen Deum omnes mundo corde visuri sunt. Ergo misericordiam hanc a Deo postulat, ut sibi videndæ faciei ejus beatitudo contingat: & postulat non sine ratione modoque præstandi.

9. Ait enim: *Miserere mei secundum eloquium tuum.* Fidei modestæ vox est, misericordiam Dei non secundum peccatorum suorum conscientiam, sed secundum ejusdem Dei eloquia deprecari. Scit Deum etiam peccatoribus esse ignem consumentem. Moyses enim ait: Deus noster ignis consumens est. Novit eundem

esse fidelibus lucem, de quo & alibi Propheta ipse dicit: Illuminans tu mirabiliter de montibus sanctis. Discernit & hanc Apostolus bonitatis & severitatis Dei consuetudinem, cum ait: Vide ergo bonitatem & severitatem Dei; in eos quidem, qui ceciderunt severitatem, in te vero bonitatem; & rursus: Tu nisi permaneas in bonitate, excideris: illi vero si non permaneant in infidelitate, inferentur. Bonitatem Dei Propheta exspectat, cum ait: *Miserere mei.* Scit enim neminem sine peccato esse, qui vivat, & omnes in carne sitos misericordia Dei egere. Officii autem sui devotionisque non immemor est, cum ait: *Secundum eloquium tuum;* ejus scilicet eloquii, quo & peccatoribus pœnam denuntiat, & in se credentibus vitæ æternæ beatitudinem pollicetur.

10. Dehinc sequitur: *Quia cogitavi vias meas, & converti pedes meos in testimonia tua.* Ex his, quæ Propheta se gerere, vel gessisse commemorat, quid nos quoque facere oporteat, docet. Vias enim suas cogitat, & cogitatis his pedem in testimonia Dei refert. Nihil egit, quod non antea cogitatione pervolverit. Non linguam in officium suum movit, non pedem in aliquod, quod acturus esset, opus protulit, non manum ad agendum aliquid exseruit, nisi antea super his omnibus cogitasset, & cum operationem atque effectum cogitatio rebus attulerit. Vidit igitur antea omnes vitæ suæ vias: & cum placentem sibi ac probabilem reperit, tunc in eam pedem contulit: scilicet perspectis omnibus humanæ operationis viis, postquam, quid esset sibi utile, cogitavit, fidei suæ pedem in testimonia divina detorsit. Cogitatio enim nihil potest subitum, nihil novum, nihil inopinatum pertimescere, cum de consilii sententia omnia, quæ accidere solent, sperantur, præfiniuntur, adeuntur. Et id consequenti versu docetur.

TRACTATUS IN XCVIII. PSALMUM. 517

II. Postea enim quam vias suas Propheta cogitaverat, & pedem ad testimonia Dei converterat, libere loquitur: *Paratus sum, & non sum turbatus, ut custodiam mandata tua.* Qui ad aliquid præparatur, longo usu ad id, in quo ei est meditatio, præparatur: ne eum de propositi sui sententia negligentem & incautum vis aliqua repentinæ turbationis excutiat. Propheta itaque novit esse plurima seculi scandala. Novit insidiantes esse humanæ naturæ, adversantesque virtutes. Scit periculose dulcem esse opinionem ambitionemque gloriæ secularis. Novit occursum lascivientium feminarum esse continentium oculis captiosos. Scit turpes corporum cupiditates affectu blandæ voluptatis irreperere. Scit cetera vitiorum genera illecebrosis aditibus ingruere. Novit etiam plurimis se irreligiosorum odiis subjacere, & ob prædicationem Dei pietatisque doctrinam, variis persequentium contumeliis esse vexandum. Ne igitur turbari tot & tantis insidiis ingruentibus posset, contra omnia se hæc fidei excidia præparavit, dicens: *Paratus sum, & non sum turbatus, ut custodiam mandata tua.*

12. Habet parem beatus Apostolus hujus præparationis suæ fiduciam, dicens: Quis nos separabit a charitate Christi? Tribulatio, an angustia, aut passio, aut fames, aut nuditas, aut periculum, aut gladius? (Sicut scriptum est: Quia propter te mortificamur tota die, deputati sumus tamquam oves occisionis. Sed in his omnibus superamus & vincimus, propter eum, qui dilexit nos). Et quia adversum horum tolerantiam, ne per hæc a charitate separari posset, sese præparasset, adjecit: Confido enim, quia neque mors, neque vita, neque angeli, neque potestates, neque præsentia, neque futura, neque virtutes, neque altitudo, neque profundum, neque creatura alia poterit nos separare a charitate Dei, quæ est in Christo Jesu Domino nostro. Nulla Aposto-

lum rerum earum, quæ accidere possunt, genera, tali spe præparatum firmatumque perturbant.

13. Scit ergo in nobis & fiducia hæc & vox, ut, cum subrepunt cupiditates, cum passiones ingruunt, cum pericula fatigant, cum supplicia cruciant, dicere audeamus: *Paratus sum, & non sum turbatus, ut custodiam mandata tua.* Dominus noster unigenitus Dei filius inter cetera præcepta discipulis suis mandat, dicens: Non turbetur cor vestrum, neque trepidet: Adversum turbationem, quæcumque ex accidentibus erit, longæ præparationis opus est firmitate: ut robusta fides atque firmata Dei mandata custodiat.

14. In quem autem se profectum, quamve in causam Propheta præparaverit, neque turbatus sit, quo minus custodiret mandata Dei, continuo subjecit, dicens: *Funes peccatorum circumplexi sunt me; & legem tuam non sum oblitus.* Esse peccatorum funes per Esaiam docemur dicentem: Væ, qui ligant peccata tamquam funem longum, modo funis ex plurimis minimis crescentis in multum, peccata semper tamquam longum funem tendentibus. Sunt etiam hæc delictorum vincula, quibus humanæ mentes illigantur, de quibus in Proverbiis scriptum est: Fasciis peccatorum suorum unusquisque constringitur. Stringit enim nos atque alligat, & his vitiorum funibus implicat diabolus, in omni vitæ nostræ cursu laqueos prætendens. Quod autem liget, in Evangeliiis cognovimus, cum dicitur: Hanc autem filiam Abrahamæ ligavit satanas annis decem & octo. Ligat igitur omni vitiorum genere, ebrietatis consuetudine, voluptatum desideriis, infidelitatis piaculo. Sed inter hos funium laqueos non est admittenda legis oblivio. Præparatos enim nos esse convenit, ut ab his laqueis, si quando circumligent, exuamur: ut legis Dei omni tempore recordemur.

15. Et recordatur plane Propheta, dicens: *Media nocte surgebam ad confitendum tibi super iudicia justificationis tuæ.* Non vacat totis noctibus somno, nec otiosus lecto continetur: ad confitendum Deo non solum nocte, sed etiam *media nocte* confurgit. Meminit hoc esse tempus, quo primitiæ Ægyptiorum meritißima impiæ obstinationis clade percussæ sunt: his ergo horis non laxatur in somnum, ne cladi Ægypti admisceatur. Hoc noctis tempore introeunte sponso, sapientes virgines in nuptias cum lampadibus introibunt: vigilat ergo, ne cum stultis mereatur excludi. Hoc tempore psallentibus Paulo & Silæ apostolis catenæ & vincula resolvuntur: non dormit itaque, ne vinctus sit. Nec habet eum totus nocturni temporis somnus, nec ei oblivio officii sui requie mediæ noctis obrepit; surgit enim ad confitendum Deo. Confessio vero non semper ad peccata referenda est: verum etiam in Dei laudibus intelligenda est. Nunc ergo confitetur Deo super iudicia justificationum ejus. Laudat igitur Deum, quod nihil nisi in iudiciorum justificatione decreverit.

16. Sequitur deinde: *Particeps sum ego omnium timentium te, & custodientium mandata tua.* Apostolum dixisse meminimus: Participes Christi facti sumus. Sed & in quadagesimo quarto psalmo quosdam participes Dei significatos esse meminimus, cum dicitur: Unxit te Deus, Deus tuus oleo lætitiæ præ confortibus tuis. Sunt ergo secundum Apostolum, & secundum Prophetam plures Domini nostri Jesu Christi participes. Et particeps ejus erit, quisquis in iustitia manet; quia ipse iustitia est: & particeps ejus erit, quisquis in veritate persistit; ipse est enim veritas: & quisquis in iuvitate vitæ ambulabit, erit particeps ejus; quia ipse est resurrectio. Ergo cum sciat Propheta plures Dei esse participes, nunc per verecundam ac modestam de se prædicationem, cum se, quia & ipse Chri-

stus & factus, & dictus sit, Christi meminerit esse participem; tamen omnium timentium Deum potius se confessus est esse participem. Est autem tunc etiam timentium Deum particeps, cum patientibus compatitur, cum plorantibus complorat, cum tamquam ejusdem corporis membrum in dolore membri alterius dolet. Hac igitur passionum communione timentium Deum particeps fit. Ceterum quisquis per insolentiam suam credentem in Christum & redemptum a Christo dedignatur, exacerbat, inhonorat; non est ille timentium Deum particeps, quibus non sit in compatendis passionibus consors.

17. Non nudum autem hoc, neque solitarium Propheta posuit, cum dicit: *Particeps sum ego omnium timentium te.* Plures sunt timentes Deum, & tamen inobedientes: plures sunt timentes Deum, & tamen infideles; quos naturæ suæ conditio timori quidem Dei subdit, sed voluntatis suæ perversitas ab obsequiis Dei avocatur. Atque ob id non suffecisset Propheta dixisse ita: *Particeps sum ego omnium timentium te*; nisi addidisset, & *custodientium mandata tua.* TIMOR enim FIDEI in sola obedientia est, & metus religionis in obsequela est. Horum itaque particeps est, qui timorem suum in mandatorum Dei custodia comprobabunt.

18. Dehinc sequitur: *Misericordia tua, Domine, plena est terra, justificationes tuas doce me.* Terra misericordia Dei plena est, quæ contaminata, quæ corrupta, quæ irreligiosa, quæ infida, quæ perdita est. Et si quis forte audebit impio ore Prophetam mendacii arguere, tamquam non in omnem terram Dei misericordiam putet esse diffusam, Dominum in Evangeliiis recolat dixisse: Estote boni, sicut pater vester, qui solem suum oriri facit super bonos & malos, & pluit super justos & injustos. Patiens enim & misericors Deus, dum mavult pœnitentiam peccatorum, quam mortem, dona sua justis injustisque largitur,

TRACTATUS IN XCVIII. PSALMUM. §21

unicuique per patientiam longæ æquanimittatis pœnitendi tempus impertiens.

19. Et quia hanc bonitatem patientiæ Dei & perfectionem, quæ sub illis justificationibus legis corporaliter adumbratur, meminit semper sibi Propheta sperandum ait, *Justificationes tuas doce me.* Justificationes omnes in lege legerat: sed quia cœlestes sperabat, quæ in terrenis præformabantur, non eget doctore terreno. Doceri enim se ab eo orat, qui ait: Petite, & dabitur vobis; quærite, & invenietis; pulsate, & aperietur vobis. Aperiri sibi & dari clavem a doctore legis dedignatur Propheta, scientiæ cœlestis exspectans magistrum Dominum nostrum Jesum Christum, cui est gloria in secula seculorum. Amen.

L I T T E R A IX.

Ⲛ Teth.

Bonitatem fecisti cum servo tuo, Domine, secundum verbum tuum. Bonitatem & disciplinam, & scientiam doce me; quia mandatis tuis credidi. Prius quam humiliarer, ego deliqui: propterea eloquium tuum custodi vi. Bonus es tu, Domine: & in bonitate tua doce me justificationes tuas. Multiplicata est super me iniquitas superborum: ego autem in toto corde meo scrutabor mandata tua. Coagulatum est sicut lac cor eorum: ego vero legem tuam meditatus sum. Bonum mihi, quod humiliasti me, ut discerem justificationes tuas. Bonum mihi lex oris tui, super millia auri & argenti.

x. **J**am in exordio psalmi commemoravimus, nihil aliud in eo, quam doctrinam humanæ vitæ contineri, per quam ad cognitionem Dei, ipsis tamquam parvuli litterarum elementis erudiremur. Ex persona

K k 5

enim

enim sua nos Propheta confirmat, qualiter in omni genere divini officii versari nos oporteret, ut per disciplinam adeptæ institutionis, fidei ordinem teneremus, ut ipso illo primo nonæ litteræ versu doceretur. Ita enim dicitur: *Bonitatem fecisti cum servo tuo, Domine, secundum verbum tuum.* Et forte quidam existimabunt, de secundis rebus Prophetam locutum: Deoque gratiam ob ea, quæ sibi prospere acciderint, retulisse. Sed novit etiam in adversis rebus gratiam Deo esse referendam: scit in omni passione ac tribulatione eum, cujus iudicio hæc ingruunt, gratulationibus honorandum. Scit diligentem esse medicum, putribus vulnere sinibus non parcentem. Meminit piam esse patrum in filios severitatem. Argui se per tentationes, ac probari per patientiam Deo optat: & in his, quæ adversa existimantur, agit gratiam.

2. Atque hanc nostram intelligentiam, ut id Prophetam orasse credamus, versus, qui subiectus est, docet dicens: *Bonitatem fecisti cum servo tuo, Domine, secundum verbum tuum. Bonitatem & disciplinam, & scientiam doce me: quia mandatis tuis credidi.* Quidquid ergo Deus in servum suum facit, bonum est, secundum enim verbum suum facit. Et quidquid secundum verbum ejus est, non potest malum existimari: quia ei, qui solus bonus est, voluntas sit plena bonitatis.

3. Versus itaque, ut diximus, secundus Prophetæ exponit affectum, cum orat dicens: *Bonitatem & disciplinam, & scientiam doce me.* Bonitatem superius confessus est erga se factam: quomodo hanc quasi ignorans doceri se precatur? Nisi quod tunc fuit ex fidei confessione gratulatio, cum, quidquid illud fieret in se, id esse bonum credidit: nunc vero est per naturam humanam ignorantiae causa, cum, ut doceatur, orat. Sed eam bonitatem vult discere, cui disciplina sit juncta. Disciplina enim necessarium est severitatis officium, peccata arguentis, & vitia cor-
rigen-

TRACTATUS IN XCVIII PSALMUM. 523

rigentis. Correctio vero vitiorum magnum affert in bonitate profectum. Bona ergo est severitatis disciplina: sed adhuc eam Propheta ignorat. Non enim tantum *bonitatem & disciplinam*, sed etiam *scientiam* vult doceri: affectum in eo fidei suæ ostendens, cum bonitatem & disciplinam, quam nondum sciat, tamen bonam sibi a Deo esse fateatur. De scientia autem locis plurimis admonuimus, hanc & Apostolum, hanc & Prophetam inter præcipua gratiarum spiritualium dona numerasse. Ergo ut bonitatem & disciplinam, ita & scientiam doceri orat: & doceri ob id, quia mandatis Dei credat; ostendens non nisi fideles atque credentes scientiæ consequi posse doctrinam.

4. Manet autem etiam in tertio versu ejusdem intelligentiæ sensus. Ait enim: *Prius quam humiliarer, ego deliqui; propterea eloquium tuum custodiui.* Non prius tribulatio passionum ingruit, quam delicta præcedant: neque per passionem ante humiliamur, quam per peccatorum iniquitatem digni passionibus simus. Docet itaque Propheta humiliationem suam emendationem esse delicti: atque ob id bonum scit esse sibi, quidquid a Deo est, quia pati meruit, quod pati cœpit. Et scit disciplinam emendationem esse vitiorum. Prius ergo deliquit, secundo autem humiliatus est, & per humilitatis disciplinam oportet eum, ne delinquat doceri, & in eloquiis Dei manere; quia jam sit delinquens humiliatus, & in mandatis Dei, ne ultra possit peccare, mansurus sit.

5. *Bonus es, Domine, & in bonitate tua doce me justificationes tuas.* Scit justificationes Dei Propheta bonas esse; quia bonus sit, qui eas statuit. Scit sibi nihil, nisi ex justificatione Dei accidere; quia profectus sit prius se deliquisse, dehinc postea esse humiliatum. Et quia superius orasset, ut bonitatem & disciplinam, & scientiam doceretur; nunc orat, ut justificationes Dei in bonitate doceatur: quia justificatio

opus

opus sit rei justæ, quæ sibi ignorabilis sit; quia justificationes, quæ in lege sunt constitutæ, umbram in se justificationum cœlestium continerent.

6. Deinde adjecit: *Multiplicata est super me iniquitas superborum: ego autem in toto corde meo scrutabor mandata tua.* Patienter omnia & æquanimiter Propheta tolerans, in opprobrium superborum atque iniquorum deductus est. Si quis enim objurgationes trium regum in Job recolat; intelliget, quanto illudentium exacerbetur opprobrio. Namque cum irreligiosi quique per passiones aliquas emendari Dei servos contuentur, exprobrare hæc ita solent: Ubi fides? ubi spes in Deum? ubi auxiliantis virtus? ubi boni Dei misericordia est? Contra quæ firmo animo fidelique opus est, & in mandatis Dei intento atque occupato: ne multiplicatis tot in se superborum iniquitatibus cedat, sed semper dicat: *Bonitatem fecisti cum servo tuo Domine;* ut ait ille passionum humanarum gloriosus & beatus victor: Dominus dedit, Dominus abstulit, sit nomen Domini benedictum.

7. Deinde sequitur: *Coagulatum est sicut lac cor eorum: ego vero legem tuam meditatus sum.* Cor superborum ait sicut lac coagulatum. Lac specie & sapore blandissimum est, quod vitio aliquo corruptum coagulari solet, & ex naturæ suæ suavitate decedens, inutili sapore amaroque corrumpitur. Ergo antea iniqui, cum in secundis rebus esse Prophetam contuerentur, feliciū rerum amici, simplicitatis specie blandientes, tamquam lac fuerunt. At ubi eos, ex hac humilitate sancti viri, superbia & fastidium tenuit; & ex lacte coagulati sunt, & ex blandis ac suavibus adulationibus in vitiosi ac coacescentis saporis amaritudinem sunt redacti. His vero sicut lac coagulatis, legem tamen Dei Propheta meditatus est: meditatus autem in id, ut diceret, quod sequenti versu continetur.

TRACTATUS IN XCVIII. PSALMUM. 525

8. *Bonum mihi, quod humiliasti me.* Iniquitas licet superborum multiplicetur, & cor eorum sicut lac coaguletur; scit humiliationem tamen suam sibi Propheta bonam esse: novit secundum Apostolum virtutem in infirmitatibus perfici. Bona omnis passio, bonæ omnes tribulationes, per quas justificationes Dei cognoscuntur: ut peccantes humilitate emendet, ut delinquentes severitate coerceat, ut ignorantes doctrina doceat. Idcirco enim bonum sibi, quod humiliatus est, quia per humiliationem justificationes Dei disceret. Deliquit enim prius, quam humiliaretur: & humilitas ei bonum est, quia per eam justificatio Dei discitur.

9. Conclufit autem hoc modo: *Bonum mihi lex oris tui super millia auri & argenti.* Non est simplex conclusionis istius sermo. Suffecerat enim ad Prophetæ gratulationem dixisse: Bonum mihi est lex tua. Sed cum ait, *lex oris tui*, plus voluit intelligi. Locutus est Deus per Moysen legem, locutus est per Prophetas: sed hæc lex Dei est, non etiam lex oris Dei. Os autem Dei est ille, qui & virtus Dei est, qui & sapientia Dei est, qui & brachium Dei est, qui & imago Dei est, Deus scilicet & Dominus noster Iesus Christus, dicens: Beati pauperes spiritu, quoniam ipsorum est regnum cælorum; dicens: Beati lugentes, quia ipsi consolabuntur; dicens: Benedicite, qui vos persequuntur, & orate pro calumniantibus vos ac persequentibus vos. Hanc legem oris Dei, bonum sibi esse Propheta confessus est: & bonum non cum comparationis & definitionis & modi numero, sed *super millia auri & argenti.* Indefinitus hic sermo est, cum dicitur *millia*: quia indefinite bona est lex oris Dei. Ex comparatione vero rerum maxime in terris pretiosarum, utilitatem bonorum eorum, quæ a Deo sunt statuta, significat in Christo. Amen.

*viaeunt me, & latraverunt: quia in verba tua spe-
gnovi, Domine, quia aequitas judicia tua, & in
tua humiliasti me. Fiat misericordia tua, ut ex
me secundum eloquium tuum servo tuo. Veniant
servationes tuae, & vivam: quia lex tua meditatio
Confundantur superbi, quia injuste iniquitatem feci
me: ego autem exercebor in mandatis tuis. Contra
mihi, qui timent te, & qui noverunt testimonia tua
cor meum immaculatum in justificationibus tuis, ut
fundar.*

I. **C**ommune judicium est, inter omnia terre
opera nihil homine utilius, nihil esse
sius: quia, etsi sint aliqua pulchra & ornata,
tudinem quidem ejus, qui ea tam decora ge-
testantur, verum speciei & ornatus, & insti-
sue fructum ipsa non sentiunt. Loquimur
his, quæ humano subjecta conspectui sunt,
de creatis in terra & mari, & aere, & quæ
quibusque generibus naturisque permixta sunt
chra hæc; sed quod tandem in Oceano, aut
aut cælo, aut aere bonum, quæ in his creat
eo quod talia creata sint, consequentur? In

TRACTATUS IN XCVIII. PSALMUM. 527

e eum, qui tantorum in se bonorum auctor & reus sit.

2. Ex quo magnum illud atque mirabile Salomoni dictum esse intelligitur, quod tale est: Grande mo, & pretiosum vir misericors: virum vero fidei opus est invenire. Quid enim tam difficile est, idve tam ardui operis est, quam invenire eum, qui eminerit se secundum imaginem & similitudinem Dei factum, qui divinorum eloquiorum studio intentus, rationem animæ suæ corporisque cognoverit, & imaginem utriusque generis naturamque perceperit; ad eum denique finem hæc institutio sua ortusque condant? Atque ob id magnum quiddam est homo. Hoc im nomen, ubi rerum superius commemoratarum cognitione neglecta, in vitia deciderit, amittit; ignus scilicet jam judicatus homo nuncupari. Et si secundum imaginem & similitudinem Dei factus sit, secundum exprobrationes propheticas & evangelicas, ut serpens, aut progenies viperarum, aut equus, aut mulus, aut vulpes ei nomen est: & proprietas ei hominis sui, ubi de innocentia exciderit, aufertur.

3. Verum qui studiosa fide doctrinam Dei & præcepta scrutatus sit, & per innocentiae studium dignum æstare se velit, qui secundum imaginem & similitudinem Dei factus sit, uti & ipse Prophetæ voce potest, dicentis: *Manus tuæ fecerunt me, & præparaverunt me.* Et in aliquibus codicibus ita scriptum deprehendimus: *Manus tuæ fecerunt me, & finxerunt me: dabo mihi intellectum, ut discam mandata tua.* Et sine dubio non otiosum esse existimandum est, quod non satis apte Prophetam dixisse: *Manus tuæ fecerunt me*; nisi adiecerisset, *finxerunt*, vel, *præparaverunt*. Sed hoc nomen conditionis suæ Prophetæ intelligens, speciatim originis suæ in hoc significare voluit dignitatem, cum dixisset: *Manus tuæ fecerunt me.*

4. In creatione mundi omnia verbo effecta esse accepimus, cum dicitur: Fiat lux; cum dicitur: Fiat firmamentum; cum dicitur: Et pareat arida; cum dicitur: Germinet terra herbam pabuli seminantem semen secundum suum genus; cum dicitur: Fiant luminaria in firmamento; cum dicitur: Ejiciant aquae reptilia animarum vivarum. Ergo omne, ex quo, vel in quo mundi totius corpus creatum est, originem sumit ex dicto, & subsistere in id, quod est, ex verbo Dei coepit. Verum de homine ita Deus locutus est: Faciamus hominem ad imaginem & similitudinem nostram. Differt itaque natura & origo hominis ab institutione universae creationis: & proprie de eo ante & tractatur, & confirmatur, ut fiat, cum cetera sine quadam consilii sententia esse sint iussa. Habet ergo primum hanc origo hominis dignitatem, quod ei proprium fuit de se ante tractari.

5. Verum & in hoc praesenti prophetico dicto ingens humanae originis privilegium continetur. Non enim manus Domini pecora & aquatilia, & volatilia fecerunt; nusquam istud Scripturae tradidere. Egregium hoc itaque & praclarum in homine est, quia a ceteris dignitate operationis excipitur. De confirmatione autem caeli ita quodam in loco legimus: Ego manu mea firmavi caelum. Ergo exaequatur operationi hominis istud elementum, cum idipsum manu Dei firmatum esse memoratur? Sed quamquam caelum manu; homo tamen manibus. Praestat ergo officio unius manus, duarum operatio: & id, quod ad confirmationem caeli satis est, in hominis conditione non sufficit. Intelligendum autem est, cur manibus Propheta se factum esse dicat: neque solum factum, sed etiam figuratum vel praeparatum.

6. Ceterorum omnium elementorum creatio eo ipso tempore & instituta, & effecta est, quo subsistere jubebatur: neque inchoationem eorum & perfectionem

tionem tempus aliquod discernit; nam consummationem inchoatio in eo, quod est cœpta, percepit. Homo vero, cum internam & externam in se naturam, dissonantem aliam ab alia contineat, & ex duobus generibus in unum sit animal rationis particeps constitutus, duplici est institutus exordio. Primum enim dictum est: *Faciamus hominem ad imaginem & similitudinem nostram.* Dehinc secundo: *Et accepit Deus pulverem de terra, & finxit hominem.*

7. Primum opus non habet in se assumptæ aliunde alterius naturæ originem. Incorporale est, quidquid illud tum de consilii sententia inchoatur: sit enim ad imaginem Dei. Non Dei imago; quia imago Dei est primogenitus omnis creaturæ, sed ad imaginem Dei, id est, secundum imaginis & similitudinis speciem. Divinum in eo & incorporale condendum, quod secundum imaginem Dei & similitudinem tum fiebat: exemplum scilicet quoddam in nobis imaginis Dei est, & similitudinis institutum. Est ergo in hac rationali & incorporali animæ nostræ substantia primum, quod ad imaginem Dei factum sit. Secundi vero operis efficientia quanto differt ab institutione prima? Deus terræ pulverem accipit. Nam sumitur pulvis, & terrena materies formatur in hominem, vel præparatur: & ex alio in aliud opere ac studio artificis expolitur. Primum ergo non accepit, sed fecit: secundum non et primum fecit, sed accepit; & tunc formavit, vel præparavit.

8. Utrumque autem intelligi recte potest, quia utrumque scriptum deprehendimus: ut formaverit in id, quod est, corporis scilicet speciem; vel præparaverit in id, quod dicitur: *Et inspiravit in eum spiritum vitæ, & factus est homo in animam viventem.* Inspirationi ergo huic præparatus sive formatus est: per quam natura animæ & corporis in vitæ perfectionem quodam inspirati spiritus fœdere contineretur.

Scit in se duplicem beatus Paulus esse naturam, cum secundum interiorem hominem delectatur in lege, & cum aliam in membris suis videt legem, quæ se captivum ducat in lege peccati. Quod ergo fit secundum imaginem Dei, ad animi pertinet dignitatem. Quod autem formatur ex terra, speciei corporis naturæque primordium est. Et quia vel locutus ad alterum Deus intelligitur, cum dicit: Faciamus hominem; vel triplex cognoscitur hominis facti præformatique perfectio: cum & fit ad imaginem Dei, & formatur e terra, & inspiratione spiritus in viventem animam commovetur: idcirco manibus se factum & formatum, non manu tantum Propheta testatur, quia in constitutione sua non solitarii tantum, & eadem triplex fuisse docetur operatio.

9. Et quia istud sciat Propheta valde esse occultum atque reconditum, quatenus scilicet manibus Dei formatus sit: tamèn ut plenam atque absolutam intelligentiæ hujus rationem consequatur, ait: *Da mihi intellectum, ut discam mandata tua.* Tamquam ignorans hæc loquitur, & tamquam nondum intelligentiam adeptus, dari sibi intelligentiam deprecatur: & audent, non dico, Ecclesiæ homines, sed gentium sophistæ, quædam de naturæ humanæ institutione velle tractare; audemus etiam gloriari, rectæ ac perfectæ nos vitæ esse scientiam consecutos. Sed doceri nos oportet Prophetæ hujus exemplo, ut vel divinarum rerum ignorantiam confiteamur, vel ignoratarum intelligentiam deprecemur. Optimum est autem cælestium mandatorum scientiam a Deo per precem postulare, infirmitatem ingenii nostri paupertatemque cognoscere. Primum enim, secundum Apostolum, munus est gratiarum sapientiæ donum, sequens scientiæ: & idcirco hunc ordinem etiam hic Propheta servavit, dicens: *Da mihi intellectum, ut discam mandata tua.* Primum intelligentiam, post etiam scientiam deprecatus est.

TRACTATUS IN XCVIII. PSALMUM. 531

10. Sequitur deinde: *Qui timent te, videbunt me, & lætabuntur, quia in verba tua speravi.* Consuetudo impiorum est, ut conspectis religiosis viris tristes sint. Oderit enim necesse est ebriosus sobrium, continentem impudicus, justum iniquus: & tamquam conscientiae onus, praesentiam Sancti cujusque non sustinet. Contra vero ad conspectum viri fidelis, religiosi omnes, quibus timor Dei est, lætantur, & vel solo corporeae contemplationis visu gratulantur, modo avium herbarumque quarundam, quæ visæ tantum & conspectæ morbis aliquibus aut infirmitatibus medentur. Utilis ergo est & Sancti praesentia timentibus Deum: quia necesse est profectum aliquem ex contemplatione ipsius consequantur. Sed Propheta non hoc in se solum contuendum putat, quod caducis ac promiscuis oculis subjectum est. Vult ille probitatem vitae suæ conspici, vult justitiam suam & religionem, & continentiam cerni. Non enim tantum, quia vident eum, timentes Deum lætabuntur; sed quia vident eum in verba Dei sperantem, & sperantem non mediocriter, neque confuso humanæ opinionis errore; sed dicentem cum libertate id, quod consequitur.

11. *Cognovi, Domine, quia aequitas judicia tua, & vere humiliasti me.* In locis ceteris meminimus, ita Prophetam dicere solitum: Da mihi intellectum, & doce me, & observabo praecepta tua. Nunc autem tamquam de adeptis profitetur, dicens: *Cognovi, Domine, quia aequitas judicia tua.* Sed hic non de judiciis illis æternis, sed de praesentibus sermo est. Judicia enim illa æterna secundum eundem Prophetam, sicut abyssi multa, & secundum Apostolum: Judicia Dei investigabilia & inscrutabilia. Scit autem in his iudiciis, quæ nunc sunt, quidquid in se geratur, ex iudicio Dei fieri: omnes tribulationes, omnes pressuras, omnia infestationum odia, omnes persecutionum infestationes, ex iudicio in se Dei adesse, ut per

hæc probabilis, ut per hæc emendatus, & tamquam per ignem examinatus atque purgatus sit.

12. Plus est autem, nescio, quid in cognitione, quam in fide, operis: & idcirco hic non credidit, sed cognovit: quia fides habet obedientiæ meritum, non habet autem cognitæ veritatis fiduciam. Distinxit Apostolus plurimum inter cognitionem fidemque differre, posteriore eam loco inter gratiarum dona connumerans. Primo enim sapientiam, sequenti cognitionem, tertio fidem prædicavit: quia qui credit, potest ignorare, quod credit; qui autem jam cognovit, non potest id, quod cognovit, adepta cognitione non credere.

13. Ergo ambiguitatem hic non admittit Propheta, quin sciat iusta esse Dei judicia, id est, humiliationis suæ & tribulationis, & contemptus, & injuriæ, & doloris. Ita enim ait: *Cognovi, Domine, quia æquitas judiciorum tua, & vere humiliasti me*; non sine causa se scilicet esse tribulationibus subditum, non sine causa passionibus permissum, non sine causa injuriis humiliatum; sed ad humanorum vitiorum expianda peccata, ex iustis se ac veris Dei judiciis humiliationi esse subiectum.

14. Sed quia in his passionibus ex æquitate divini judicii versetur: exhortationem præsentium humiliationum ex misericordia Dei deprecatur; quia humana infirmitas impar sit tolerantiae passionum, dicens: *Fiat misericordia tua, ut exhortetur me secundum eloquium tuum, servus tuo*. Sed meminit bonum sibi esse humiliari, bonum sibi esse passionibus subdi, & ea omnia, a quibus vexatur, purgationem sibi terrenorum esse vitiorum. Non enim, ut humilitas ac tribulatio a se auferatur, orat; sed ut sibi ex misericordia Dei adhortatio in tribulatione præstetur. Optat ergo diutino prælio in his corporis sui infirmitatibus militare: optat longo certamine adversus mundi hujus
requi-

nequitas consistere. Sed adhortationem ex misericordia Dei sperat: ut tribulatus licet & afflictus, divinæ adhortationis auxilio firmetur. Scit & beatus apostolus Paulus, omni ipse tentationum genere perfunctus, uti se divinæ misericordiæ adhortatione, dicens: Benedictus Deus pater Domini nostri Jesu Christi, pater miserationum, & Deus omnis exhortationis, qui exhortatur nos in omni tribulatione. Et adhortationem hanc seit sibi Propheta promissam a Deo patre & Domino miserationum, qui per tentationes eum, qui in se credat, examinet: atque ideo subjecit: *Secundum verbum tuum servo tuo*; id est, secundum eam promissionem, qua sponderit se tribulatos in passionibus non relicturum. Dixit enim in Evangeliiis: Cum ergo tradent vos, nolite cogitare, quomodo, aut quid loquamini; dabitur enim vobis in illa hora, quid loquamini. Non enim vos estis, qui loquimini, sed Spiritus patris vestri, qui loquitur in vobis. Et hoc quidem, quantum ad præsens pertinet tempus.

15. Futuræ autem spei Propheta non immemor est, dicens: *Veniant mihi miserationes tuæ, & vivam: quia lex tua meditatio mea est.* Naturæ corporalis infirmitas eget miserationibus Dei. Neque enim beatæ illius vitæ æternitatem consequi merito suo poterit, nisi miserationibus ejus, qui pater miserationum est, provehatur. Scit Propheta nondum se ea vivere vitam, quæ vita sit: nemo enim nostrum hoc, quod nunc vivit, vitam audebit existimare. Nunc enim in corpore mortis sumus, Paulo dicente: Quis me liberabit de corpore mortis hujus? Et hoc ipsum eodem hoc Propheta testante ita: Et in pulverem mortis deduxisti me. Vera enim vita nostra cum Christo absconsa est in Deo. Sed neque hæc, in qua nunc agimus, regio viventium est: ea autem est, de qua hic idem Propheta ait, Et complacebo Deo in regione vivorum. Atque ideo *vivam* dixit: quia non usu vitæ

istius vivit, sed in Dei sit miseratione victurus. Sed sperat istud, quia lex Dei meditatio ejus est. Vacemus igitur divinæ lectioni, vacemus præceptis Dei, & opera legis, vitæ nostræ officiis exequamur: quia propter meditationem legis veniente in se Domini miseratione, sperat se Propheta victurum.

16. Non est vero sufficiens huic Prophetæ, ut sibi tantum sollicitus sit, ac solum sui memor sit. Oportet eum curam humani generis sumere, & publicæ sollicitudinis affectum subire, & orare pro his, qui in peccatis & irreligiositate versantur. Hujus itaque affectus sui sollicitudinem consequenti versu docet, dicens: *Confundantur superbi, quia injuste iniquitatem fecerunt super me.* Non est hic maledicti oratio, neque retributionem injuriæ sibi illatæ precatur. Et absit, ut Propheta Evangelii prædicator rationem evangelicæ charitatis excefferit. Domino enim dicente: Diligite inimicos vestros, & orate pro calumniantibus vós, ac persequentibus vos: ratio non patitur, ut nunc vindictam in superbos atque injuriosos precetur. Sed quia a peccatis, qui desinit, in his erubescit; & qui vitia derelinquit, necesse est ea idcirco, quia oderit, derelinquat: orat Propheta, ut, qui in se superbi injuste fuerint, hi per cognitionem vitiorum suorum in his, quæ gesserint, erubescant. Quamdiu enim quis peccat, in his, quæ peccat, non confunditur, consuetudine & voluntate peccandi. Ubi vero peccare destiterit, finem peccandi habet ex pudore peccati. Ipse autem exercetur in mandatis Dei, vivendo juste, religiose prædicando, injurias non retribuendo, & tolerando patienter. Ob id enim multorum in se superborum contradictiones iniquitatesque sustinuit.

17. Absolute autem consequenti versu id, quod de confusione superborum tractamus, significasse intelligitur. Sequitur enim: *Convertantur mihi, qui tim-*
ment

TRACTATUS IN XCVIII. PSALMUM. 535

ment te, & qui noverunt testimonia tua. Vult ergo eos, qui Deum timere cœperunt, ad se Propheta converti, ut per doctrinam suam in vitiis suis & criminibus erubescant: cognitis scilicet testimoniis Dei, de quibus multa jam diximus, & confusi de veteribus delictis ad institutionem Prophetæ doctrinamque se referant; quorum ex superbia atque peccatis ad pietatem modestiamque conversio est.

18. Conclufit autem verecundiæ suæ more, dicens: *Fiat cor meum immaculatum in justificationibus tuis, ut non confundar.* Exercetur in mandatis, meditatur in lege, justitiam judiciorum Dei cognovit, timentes Dominum conspectu ejus lætantur, manibus Dei factus atque formatus est; & non audet dicere immaculatum cor sibi esse: & audemus interdum præferre innocentiam nostram, jactare vitiorum abstinentiam, & puros nos a peccatis atque iniquitatibus gloriari? Sed ut fidem, ita & humilitatem ac modestiam discere a Propheta nos convenit, orante, ut sibi immaculatum cor fiat. Scit enim ex eo progredi, secundum id, quod dictum est: De corde enim exeunt cogitationes malæ, cædes, lasciviæ, fornicationes, furta, falsitates, blasphemiæ, & horum similia. Hoc igitur immaculatum fieri deprecatur, unde tot tantorumque vitiorum, quasi ex quodam fomite, initia suggeruntur. Immaculatum autem hoc modo sciens fieri, si in justificationibus Dei maneat: justificationum autem hunc fructum esse intelligit, ne in his manens confundatur. Confusio enim ex peccatorum conscientia est, & ex opprobrio delictorum. Ubi ergo confusio non erit, nec peccatum erit. Peccatum vero ubi non erit, in justificationibus Dei manebitur. Justificationes autem Dei, immaculatum cor esse præstabunt.

LITTERA XI.

2 Caph.

Defecit in salutare tuum anima mea, & in verbum tuum spero. Defecerunt oculi mei in eloquium tuum, dicentes: Quando consolaberis me? Quia factus sum sicut uter in pruina, justificationes tuas non sum oblitus. Quot sunt dies servi tui? quando facies de persequentibus me iudicium? Narraverunt mihi iniqui exercitationes; sed non ut lex tua. Omnia mandata tua veritas: iniqui persecuti sunt me, adjuva me. Paulo minus consummaverunt me in terra: ego vero non dereliqui mandata tua. Secundum misericordiam tuam vivifica me, & custodiam testimonia oris tui.

1. **N**aturæ humanæ est, ut, cum id, quod desiderat, non potest obtinere, per desiderii jugem cupiditatem animi defectione teneatur. Et hoc nosse ex ipsis affectionis nostræ motibus promptum est, in quantum animi defectionem eorum, quos desideramus, expectatione redigamur. Propheta itaque, cui expectatio omnis ad Deum est, cui omne in mandatis ejus desiderium est, loquitur & dicit: *Defecit in salutare tuum anima mea, & in verbum tuum spero.* Non habet alia, quæ desiderium suum occupent: & sancti cupiditas non vacat seculi rebus. Deficit igitur in desiderio salutaris: & deficit ob id, quia in verbum Dei speret; finis enim legis Christus Jesus est, & hic est, de quo scripserunt Moyses & prophetæ. Est autem salutaris ipso illo nomine, quod Jesus nuncupatur. Jesus enim secundum hebraicam linguam salutaris est: & idipsum Angelus ad Joseph loquens docet, cum dicit: Et vocabis nomen ejus Jesum: ipse enim salvum faciet populum suum a peccatis. Causa itaque defectionis est desiderium salutaris. Desiderii autem hinc

hinc origo est, quod in verbum Dei sperat. Salutaris enim noster Jesus est, qui & desideratus, & natus est. Sed defectionem animæ desiderantis intelligendum est, quid sequatur.

2. Ait: *Defecerunt oculi mei in eloquium tuum, dicentes: Quando exhortaberis me?* Sequitur ergo defectionem animæ defectio oculorum. Sed ut de natura defectionis animæ tractavimus, videamus, qualis oculorum soleat esse defectio. Pone igitur in expectatione aut peregrinantis viri conjugem, aut jam diu absentis filii patrem, quem in omni tempore existimet reverfurum: nonne ei itineri, quo venturum opinabitur, semper intendet? Nonne intentio ac visus oculorum contuitionis ipsius expectatione deficiet? Desideria hæc in se prophetarum Dominus testatur, cum dicit: Amen dico vobis, multi prophætæ & justi quæsierunt videre, quæ vos videtis, & audire, quæ auditis. Propheta itaque & animo & oculis deficit.

3. Sed hi nunc oculi Prophætæ, licet Dominum videre desideraverint, non sunt tamen corporis oculi; loquuntur enim & expectant: & mentis potius est contuitio ista, & loquela, non corporis. Dicunt enim: *Quando exhortaberis me?* Scit exhortationem hanc sanctos quiescentes in inferno desiderare. Scit, testante apostolo Petro, descendente in inferna Domino, etiam his, qui in carcere erant, & increduli quondam fuerunt in diebus Noe, exhortationem prædicatam fuisse. In hæc igitur Dei eloquia oculis loquentibus deficit: non tam visu corporeo Dominum ex eloquiis Dei nuntiatum, quam contemplatione animæ & mentis expectans.

4. Dehinc sequitur: *Quia factus sum sicut uter in pruina, justificationes tuas non sum oblitus.* Novi generis hæc causa est, ut ideo justificationes Dei non oblitus sit, quia factus sit sicut uter in pruina. Et si enim solis auribus metiamur, inanis & ridiculus Prophætæ

sermo existimabitur. Sed meminit utrem pro humanis corporibus nuncupari, Domino in Evangeliiis dicente: Nemo, inquit, mittit vinum novum in utres veteres. Et non ambigitur eum in utribus corpora in peccatis suis vetera memorasse. Per continentie autem studium frigent fidelium corpora: & calorenaturæ interioris extincto, utres erunt frigidi: quæ cum intrinsecus per naturam vitiorum efferventium incallescant, extrinsecus tamen continentie patientia tamquam pruina frigore obrigescant. Ergo in hoc corporum frigore justificationum Dei immemores esse non possumus. Quisquis autem per vitiorum ardorem utre pleno caluerit, neque per metum Dei religionemque frigescat, necesse est justificationum Dei obliviscatur. Quæ oblivisci sanctus non poterit, cum utris in pruina modo obrigescens extrinsecus, internarum cupiditatum omnium instigatione sit frigidus.

5. Dehinc sequitur: *Quot sunt dies servi tui? quando facies de persequentibus me iudicium?* Iudicium post consummationem seculi Propheta esse non ignorat, cum ait: Propterea non resurgunt impii in iudicio, neque peccatores in consilio iustorum: quod ergo nunc orat de persequentibus se fieri iudicium? Non illud utique, quod in resurrectionis seculo meminit futurum, cum se paucorum nunc dierum secundum corporalem vitam sciat esse. Ita enim ait: *Quot sunt dies servi tui?* Cum dicit *quot*, scit esse non plures. Et superius dixerat, esse se tamquam utrem in pruina. Ergo quia se paucorum dierum scit, fieri iudicium ab his, qui se persequuntur, desiderat, a diabolo scilicet, ministrisque ejus. Sunt enim spirituales nequitie in cœlestibus. Sed scit & diabolus in resurrectionis seculo iudicandum. Paucorum itaque dierum ipse cum sit, fieri hoc iudicium desiderat: scilicet ut consummate sanctus & perfecte Deo placens conterat intra se diabolus, conterat adversantes sibi inimicas.

que virtutes, & fidei suæ animæ subdat nequitias spiritales. Nondum igitur de naturæ suæ firmitate confidit, licet jam ut uter frigeat: sed ut per misericordiam Dei iudicium in inimicos suos sit, deprecatur. Hanc potestatem iudicii Dominus Apostolis suis dedit, dicens: Ecce dedi vobis potestatem calcare super serpentes & scorpiones, & super omnem virtutem inimici. Vocem hanc quidem nondum Propheta Domini in corpore manentis audivit: sed dari sibi id potestatis orat, ut constituatur sibi in persequentes se tale iudicium. Tentatur enim undique, cum ei per naturam corporis vitiorum inest connata materies: eamque diabolus conatur ardore geminæ cupiditatis accendere, cum impiis irreligiosorum vocibus læditur, cum profanas gentium contra Deum disputationes, & eloquia vesana perpetitur.

6. Ideo in consequenti ait: *Narraverunt mihi iniqui exercitationes, sed non ita, ut lex tua.* Quanti enim sunt, qui quædam humanæ vitæ instituta docere se asferant, cum ad virtutes seculi studiis animam nostram Deo rectius servientem accendunt? Quanti etiam sunt, qui cognitionem se habere divinarum Scripturarum mentientes, hæretica & perversa dogmata prædicant? Sed sciens Propheta perfectam humanæ doctrinæ eruditionem in Dei lege esse, ait: *Narraverunt mihi iniqui exercitationes; sed non ita, ut lex tua.* Iniqui enim sunt hæc prædicantes. Et ideo vox Dei vetuit peccatorem eloquia sancta narrare; quia iniquitas, doctrinæ cœlestis non recipit veritatem. Peccatori enim dixit Deus: Quare tu enarras iustitias meas, & assumis testamentum meum per os tuum? Tu autem rejecisti sermones meos retro. Et has igitur exercitationes Propheta non fert, sciens nihil narrationi legis æquandum.

7. Denique adjecit: *Omnia mandata tua veritas: inique persecuti sunt me, adjuva me.*

Iustum

Justum qui persequitur, necesse est, ut inique persequatur: quia iniquitas injustæ operationis effectus est. Scit & hanc Apostolus persecutionum iniquitatem, cum dicit: Omnes volentes religiose vivere in Christo, persecutionem patientur. Multæ enim tribulationes justorum sunt. Nunc satanas infestatur, nunc ministeria ejus impugnant, nunc falsorum fratrum simulatio ad nocendum arte fraudulentæ infestationis irrepit. Sed Propheta, qui veritatem esse mandata Dei meminerit, injustæ iniquitatis persecutionem fidei animo sustinet. Et quia persecutionem sciat fidei esse documentum, non orat eam a se removeri: sed adjuvari se in ea postulat, & opem atque auxilium misericordiæ Dei precatur, evangelici hujus præcepti non ignarus: Qui non accipit crucem suam, & sequitur me, non est me dignus.

8. Veritas ergo est in præceptis Dei. Veritas nihil falsum, nihil incertum, nihil imperfectum habet. Persecutio autem justo intentata, iniqua est. INIQUITAS enim prædicatorem necesse est oderit veritatis: sed AUXILIUM a Deo est veritatis prædicatori. Graves enim meminit has esse persecutorum molestias: & quia justo utiles sint, non putat amovendas. PERICULOSA namque otiosæ fidei pax est, & faciles securis excubiis insidiæ sunt. Bellis autem exercitatum virum non cito doli capient: & glorioso certamine opus est, ut corona victoriæ deferatur. Ob quod non orat sibi adimi causam certandi, sed tribui auxilium vincendi.

9. Meminit autem non in levi se tentationum esse pugna. Sequitur enim: *Paulo minus consummaverunt me in terra: ego autem non dereliqui mandata tua.* Propè usque ad finem fidei, injustæ persecutiones Prophetam redegerunt, illæ scilicet, de quibus superius diximus, spirituales nequitiae in cœlestibus, quæ nos ad corporalia vitia ingestis cupiditatum illecebris instigant.

Pæne

TRACTATUS IN XCVIII. PSALMUM. 541

Pene igitur est Propheta consummatus in terra, id est, in corporum vitia & peccata dejectus. Ut enim consummatio bonorum, ita & malorum est. Sed ingruentibus licet his perniciosissimis inimicis ac persecuentibus se, mandata Dei non derelinquit: & infirmata licet naturæ suæ imbecillitate, in præceptis Dei permanet; HOC GLORIOSIUS in mandatis Dei permanens, quod pene naturæ suæ infirmitas sit subacta.

10. Concludit deinde modestiæ & spei suæ more, dicens: *Secundum misericordiam tuam vivifica me, & custodiam testimonia oris tui.* Vivificari se tamquam nondum vivens precatur: & custoditurum se testimonia oris Dei, tamquam nunc non custodiat, pollicetur. Sed cum vivat in corpore, vitam ille non hujus seculi concupiscit: & cum testimonia Dei in lege custodiat, tamen testimonia oris Dei custoditurum se pollicetur: quæ evangelicis innovata præceptis, non ad ulterio tantum, sed etiam desiderio adulterii abstinentes, sola fidei sanctificatione consummant: per Dominum nostrum Jesum Christum, qui & os, & dextera, & virtus, & sapientia Dei est, benedictus in secula seculorum. Amen.

L I T T E R A XII.

↳ Lamed.

In aeternum, Domine, permanet verbum tuum in caelo. In generatione & generationem veritas tua: fundasti terram, & permanet. Ordinatione tua perseverat dies: quoniam omnia serviunt tibi. Nisi quod lex tua meditatio mihi est, tunc periissem in exprobratione mea. In aeternum non obliviscar justificationes tuas; quia in ipsis vivificasti me Domine. Tuus sum ego, salva me: quoniam justificationes tuas exquisivi. Me expectaverunt peccatores,
ut

ut perderent me: testimonia tua intellexi. Omni consummationi vidi finem: latum mandatum tuum nimis.

I. **S**ERMONEM Prophetæ non in humilibus, aut per vulgatis demorari decet, sed semper excelsa & Deo digna tractare: atque ita, ut, dum nos ad innocentis vitæ observantiam imbuat, ingenii quoque nostri humilitatem ad intelligentiam divinorum & invisibilium sacramentorum extollat. Nec sane humana infirmitas in cœlestem scientiam se ipsa proveheret, nisi Deo donum scientiæ per doctrinam Spiritus largiente ad cognitionem divinæ & imperspicabilis naturæ erudiretur. Volens igitur Propheta præstare nos ac perficere Deo dignos, & sciens repositum humanæ spei esse, ut in cœlestem gloriam, si disciplinam cœlestis obedientiæ consecraretur, ascenderet, ita cœpit: *In seculum, Domine, permanet verbum tuum in cœlo.*

2. *In cœlo* ait, quia scit in terris propter falsitatem hominum non manere. Et quomodo in cœlo maneat, ipsa veluti corporalis contemplationis fide cernitur. Non est illic transgressio, non demutatio, non infirmitas, non otium. Contueamur solis annum cursum, & menstruum lunæ recursum, astrotum quoque aut stationes, aut conversiones, aut demutationes: numquid non finibus suis & constitutis terminis ac decretis vicissitudinibus continentur? Nihil illic demutatur, nihil differtur, nihil negligitur: sed in constitutionis suæ manet lege, & in indefessis obedientiæ ministeriis perseverat.

3. Sed servavit hanc desinendorum & præteritorum officiorum Prophetarationem, dicens: *In seculum, Domine, permanet verbum tuum in cœlo.* Latini quidem interpretes ambigua id significatione, & minus propria transtulerunt. Nam quod græcitas habet, *εἰς τὸν αἰῶνα κυρίου*, id nobiscum est *in æternum Domine* translatum. Accipi autem *æternum* ita potest, ut in-

telli-

telligatur nullo id, quod æternum est, fine desinere. Seculum vero, quod αἰών græce est, intra spatium definiti temporis continetur. Non enim ait, in seculum seculi; neque, in secula seculorum: sed, *in seculum verbum tuum permanet*. Scit post hoc seculum cælum & terram præterire: Domino dicente: Amen dico vobis, cælum & terra præterient, verba autem mea non transient. Meminit etiam hoc seculum præteriturum esse, ut sit cælum novum, & terra nova. Idcirco ait: *In seculum, Domine, permanet verbum tuum in cælo*; quia post hoc seculum transeunte cælo, verbum hoc obedientiæ constitutæ in creaturis, quæ revelationem filiorum Dei expectant, necesse sit permanere.

4. Sed non idcirco non & in terris aliquando Dei verbum est, licet id tantum in cælo Propheta prædicet manere. Nemo enim nostrum est, qui non interdum donum spiritalis gratiæ sentiat, qui non aliquando in se habeat Dei verbum, cum sobrius, cum tranquillus est, cum continens est, cum benevolus est, cum misericors est, (in his enim cum sumus, manet in nobis Dei verbum,) cum præceptis ejus bonarum rerum obeditione famulamur. Sed subrepentibus turbidarum affectionum motibus, cum subit pecuniæ cura, cum æstus turpis ac lascivæ cupiditatis accenditur, cum iræ impetus commovetur, cum ebrietas desideratur; iam non est in nobis manens Dei verbum. Est autem in his, qui secundum Apostolum exuti veterem hominem cum peccatis suis, novum induerunt; qui conmortui Christo & confepulti, jam in novitatem vitæ resurrexerunt, & collocati sunt in cœlestibus: qui terrestris imagine derelicta, cœlestis imaginem portant. In his enim tamquam in cælo verbum Dei permanet, in quibus hoc verbum non offenditur ira, ebrietas, odio, infidelitate, lascivia. Nam etsi aliquando manet in nobis: tamen has habitationis suæ con-

contumelias non fert, ut semper inesse permaneat. Si vero hæc commemorata vitia semper in nobis erunt, ne introire quidem polluta corporum domicilia dignabitur.

5. Adest autem unicuique proximum, ut dictum est: stat enim ad ostium verbum Dei, & pulsat ostium animæ nostræ, & dicit: Ecce stans ante ostium pulso; si quis aperiet mihi ostium, ingrediar ad eum. Vult ergo semper introire: sed a nobis, ne introeat, excluditur. Claudimus enim per hæc corporis vitia animæ nostræ aditum. Quæ si cæperit emundatis omnibus patere, illico introibit, modo solis, qui clausæ fenestræ valvis introire prohibetur, patentibus vero totus immittitur. Ipse quidem semper, ut illuminet, promptus est, sed lumen sibi domus ipsa obseratis aditibus excludit. Est enim verbum Dei sol iustitiæ, assistens unicuique, ut introeat: nec moratur lucem suam repertis aditibus infundere. Manet igitur hoc verbum Dei in cœlis per indefessam cœlestium obedientiam: quo exemplo in Sanctis quoque, qui cœlestes secundum cœlestis imaginem sunt, Dei verbum manere credendum est.

6. Sequitur dehinc: *In generatione & generatione veritas tua.* Duplicem hanc sensus nostri intelligentiam, qua Verbum Dei manere ut in cœlo, ita & in sanctis hominibus existimamus, versus hic, qui consequitur, confirmat. Non enim ait: In generatione generationis, aut generationibus generationum; sed: *In generatione & generatione veritas tua.* Utramque generationem simplici significatione commemorat. Duas igitur generationes in duobus populis cognovimus: quorum unus est legis & Prophetarum, alius est Evangeliorum & Apostolorum. Veritas ergo Dei in solis his duabus generationibus manet. Sed cum prior generatio veritatem Dei intra se haberet, nulla alia tum habuit. Erant enim plures generationes gentium atque

que populorum. Et nunc, cum hæc eadem generatio indigna extitit, in qua veritas Dei esset; hanc eandem Dei veritatem, præter eam, quæ Evangeliiis credidit, non habet alia ulla generatio.

7. Sequitur vero: *Fundasti terram, & permanebit.* Convenerat ordini, ut post cælum dehinc terra nuncuparetur: sed hoc, quod medium est, id est, *in generatione & generatione veritas tua*, ob eam causam intervenisse existimo, ut duplex illa de cælo, in quo Verbum Dei manet, intelligentia confirmaretur. Nunc ergo tamquam integer ordo servatus est: cum post cælum, in quo permanet Dei Verbum, fundata terra mansura est. Et quidem hoc etiam de hac terra forte dictum intelligetur, quæ fundata permanet, quam secundum Salomonem Deus per sapientiam fundavit: quæ cum fluidæ sit aquarum naturæ superjecta, & inconstanti innatet substrata elemento, ita tamen sapientia & virtute, & spiritu Dei fundata fuerit, ut permaneat. Sed mihi propheticus sermo etiam de terræ humani corporis videtur locutus: quæ ita fundata sit, ut in ea, tamquam in cælo, verbum Dei maneat. Cælum enim & terra præteribit: & quomodo hæc terra fundata mansura est? nisi forte fundata in hoc sæculo tantum mansura sit, id est, secundum sæculi huius constitutionem & ipsa mansura. Sed si permanens est, (quo verbo significatur in perpetuum mansura) earum necesse est generationum terra fundata & mansura esse credenda est, quibus ob veritatem in eis Dei manentem, cælestis horum, nunc terrenorum, corporum gloria præparatur. Et absolutius id ita consequenti versu poterit intelligi.

8. Ait enim: *Ordinatione tua perseverat dies, quoniam omnia serviunt tibi.* Dies iste, qui nunc est, non perseverat, interventu noctis exemptus. Aut si de huius diei temporibus locutus esset, mentionem etiam noctis fieri convenerat, quæ pari, ut dies, Dei ordinis. *S. Hilarii Tom. II. M m natio-*

natione persistit. Sed quia dies lux est, & Sanctus quisque mundi istius lumen est; hujus ergo luminis dies non ambigue ordinatione Dei perseverare creditur: & perseveraturus, quia omnia Deo serviant. Nunc enim non omnia Deo serviunt. Numquid & peccatores Deo serviunt? Numquid & hi serviunt, qui adhuc scabello Domini pedum subdendi sunt? Dixit autem David: Dixit Dominus Domino meo: Sede a dextris meis, donec ponam inimicos tuos scabellum pedum tuorum. Et secundum Apostolum: Oportet eum regnare, donec ponat inimicos suos sub pedibus suis. Ergo tunc dies, id est, sanctorum lumen permanebit, cum Deo cœperint universa servire.

9. Et hæc quidem a nobis secundum prophetiam atque apostolicam doctrinam commemorata sunt: ut, quamquam in præsentibus dictis futurorum bonorum significari tempus intelligatur, in quo & cælum novum, & terra nova, & felix demutandorum corporum gloria, & æterna, abolitis terrenorum vitiorum noctibus, nostri luminis dies spei & expectationi nostræ præparatur: tamen & magnificentiam Dei omnes hujus quoque mundi creationes indemutabili officiorum suorum constitutione testentur, cum ita firmata, fundata, statutaque omnia sint, ut perpetuis, quibus manebunt, constitutorum ab exordio temporum cursibus perseverent.

10. Sed Propheta perseverare se ut diem postulat, seque jam servum esse Domini sui meminit, dicens: *Nisi quod lex tua meditatio mea est, tunc forsitan perissem in humiliatione mea.* Frequenter admonuimus humiliationem id significare, cum tentationibus anima subiecta est, & infirmitati suæ derelicta humilis efficitur. Lex ergo ei meditatio est: & nisi meditatio ei fuisset, forsitan in humiliatione perisset. Non est ergo meditatio legis Dei, cum tribulamur & angustiamur, relinquenda: sed cum variis corporum infirmitatibus affli

affligimur, cum inter persecutionum bella vexamur, constans in nobis debet legis esse meditatio., Urant enim licet in excidium fidei ignes, lacerent quoque ad periculum salutis nostræ flagella, fodiant etiam ad eliciendam impietatis confessionem redempta a Deo corpora unguæ: dicti tamen prophetici meminisse debemus, ut consortes ipsius simus. Dicamus & nos patientes atque vincentes: *Nisi quod lex tua meditatio mea est, tunc forsitan perissem in humilitate mea.* Et beatitudinem meditationis hujus in exordio psalmorum propheta meminit, dicens: Beatus vir, qui non abiit in consilio impiorum, & in via peccatorum non stetit, & in cathedra pestilentie non sedit. Sed in lege homini fuit voluntas ejus, & in lege ejus meditabitur die ac nocte. Et vere beatus erit, quisquis in lege Dei meditabitur: quia meditatione in ipsa quoque tribulationum humiliatione servabitur.

11. Dehinc sequitur: *In seculum obliviscar justificationum tuarum; quia in ipsis vivificasti me.* Scit Propheta, secundum Apostolum, finem legis esse Christum, in qua justificationum observatio constituta est, sit & in Evangelia credituris legem esse pædagogam, sit & justum ex fide vivere, scit & legem spiritalem se, scit, quod, qui ea, quæ in lege sunt, fecerit, vet; & idcirco ait: *In seculum non obliviscar justificationum tuarum; quia in ipsis vivificasti me;* ut quamquam es evangelica finitis legis sit operibus prædicanda, justificationum legis tamen, quæ sibi vitæ initium sit, memor non sit; quia legis justificatio evangelicæ justificationis fideique pædagoga sit.

12. Constanter vero, cum sibi nulla justificationem Dei subrepere possit oblivio, id, quod confetur, est professus, dicens: *Tuus sum ego, salva me, a justificationes tuas exquisivi.* Non omnibus vox confessionis istius competit: & rarus quisque est, qui Dei audeat dicere. Audebit forte, ~~illuminatus, &~~

xit: Mihi vivere Christus est, & mori lucrum; & Vivo jam non ego, vivit autem in me Christus. Et qui hujus fidei erunt similes, non impudenter, quod Dei sint, confitebuntur. Vox ista est animæ Deo semper intentæ: opus istud est misericordiæ indefessæ, continentiæ immobilis, jejunii usitati, largitionis impœnitentis. Quomodo enim se Dei esse profitebitur in libidinem calens, in iram mobilis, in avaritiam sollicitus, in ebrietatem sitiens, in gloriam seculi inanis? Horum potius erit iste, non Dei. In quo enim hæc passionum vitia abundabunt, quomodo non eorum erit, quibus serviet? Plures gentium Dii: sed unus Paulo Deus, ex quo omnia, & unus Dominus noster Jesus, per quem omnia. Constante ergo Propheta, cui soli servit, quod suus sit, confitetur: & quia suus sit, ut salvetur, orat. Suus autem per id est, quia justificationes ejus exquirat. Aliis quærentibus gloriam mundi, aliis, quærentibus agros, domos, pecuniam, ille justitias Dei exquirat, &, quod Dei sit, gloriatur.

13. Est autem in istiusmodi pios ac religiosos viros ingens odium irreligiosorum. Et scit Propheta, vel seculi hominibus, vel diabolo & ministris ejus eum, qui se Dei profitetur, esse perosum. Hoc etiam consequenti versu docet, quo ait: *Me exspectaverunt peccatores, ut perderent me: testimonia tua, Domine, intellexi.* Diabolo vel ministris ejus pugna est, omnem gloriam viri fidelis auferre: & eum non ex portione Dei sinere esse, sed in damnationis suæ consortium assumere. Longo itaque ac diutino prælio contra fidem Prophetæ dimicatur. Sed memor ille mandatorum Dei, & testimonia ejus intelligens, restitit atque permansit. Neque aliter spem eorum, qui perditionem suam exspectabant, elusit, quam quod vitæ sibi in testimoniis Dei intellexit esse doctrinam. Arduum autem atque difficile est intelligere Dei testimonia: &
ultra

ultra præsentis cognitionis scientiam eorum intelligentia procedit. De testimoniis vero jam in psalmi exordio tractavimus. Per hæc enim præsentia legis testimonia, testimoniorum æternorum cognitio præstatur. Denique id ipsum consequens sermo demonstrat.

14. Sequitur enim: *Omnis consummationis vidi finem*. Frequenter admonuimus, non posse satisfactionem intelligentiæ ex latinitatis translatione præstari. Alia enim vis dicti hujus est ex græco enuntiari: ita nime est, *πασης συντελειας ἰδον τερας*. Id quod cum Græcis *πρας* nuncupatur, ultra finem est rerum statutarum, neque aliquo, ut desinat, continetur; sed omnem limitem sub indefinita significatione transcendit. Quod autem nobiscum scribitur *in finem*, fine o, quo significatur, existimabitur id, unde agitur, contineri. Sed Propheta, qui non corporalia, neque æterna testimonia legis intelligit, secundum græcam significantiam ultra omnem consummationem contueatur. Scit consummationem esse temporum legis, cum ost plenitudinem temporum Deus in corpore contutus sit: sed ultra hanc consummationem videt; videt etenim evangelicæ spei tempus. Sed & hujus quæ consummatio non ignota ei est; ultra id enim intelligentiæ suæ oculos extendit. Namque & resurrectionis consummationem videt; scit enim & demutationis esse ordinem constitutum, Apostolo dicente: nusquisque autem in suo ordine; & rursus: Omnes iidem resurgent, sed non omnes commutabuntur. Ovit & dies regni Domini nostri Jesu Christi, ex quo regnum Dei patris provehemur, & in illa inexquisa & investigabilia Dei judicia transferemur. Scit tempus esse judicii. Et hæc scire ei ex amplitudine mandatorum Dei licuit: quia se in immensæ cognitionis doctrinam divinus sermo diffuderit.

15. Ait enim: *Latum mandatum tuum exsuperanter*. Latum plane est, sive quod in infinitum.

humanæ ignorantie extendit; sive quod multa sunt in quibus Dei præceptis obtemperetur: atque obtemperetur secundum divisiones & munera gratiarum. Non enim ab omnibus omnia expectantur, neque universi universa ad summam placendi implere possunt. Alius jejuniis placet, alius simplicitate fidei promeretur, alius vitia eleemosynis redimit, alius se charitate consummat: sicut alii curationum concessa virtus est, alii prophetiæ scientia contributa est, alii fidei firmitas data est, alii sapientia & cognitio donata est. Latum igitur mandatum Dei est, & in omnia spei nostre genera diffunditur: ut non difficile sit, si voluntas adsit, præcepto Dei obtemperare; cum latum & diffusum sit ad placendum officiosæ religionis varietas. Neque solum *latum*, sed *vehementer* latum: latitudine infinitate hac ipsa superlativa adjectione monstrata.

L I T T E R A. XIII.

¶ Mem.

Quomodo dilexi legem tuam, Domine? Tota die meditatio est mihi. Super inimicos meos prudentem me cisti mandato tuo: quia in æternum mihi est. Super docentes me intellexi: quoniam testimonia tua meditatus mea. Super seniores intellexi: quia mandata tua exequor. Ab omni via mala prohibuisti pedes meos: ut custodiam verbum tuum. A judiciis tuis non declinavi: quia tu inposuisti mihi. Quam dulcia faucibus meis eloquia tua: per mel & favum ori meo. A mandatis tuis interpropterea odiavi omnem viam iniquitatis.

I. **U**tile hoc nobis ac necessarium Prophetæ est, quo ad perfectam Dei cognitionem & obeditionem edocemur. Duabus nos rebus maxime
inhi

infirmitati nostræ congruis instituit, ut & Deum, qui ignoratus sit, noverimus, & mandatis ejus secundum voluntatem decreti sui obtemperemus. Perfectum enim Legis & Prophetarum, & Evangeliorum virum in omni psalmi istius corpore Propheta conformat vel ex sua, vel ex alterius, quem instituat persona, cui in fiducia sit, hæc de se, quæ subjecta sunt, prædicare. Est autem dignum contueri, qua verborum diligentia, qua intelligentiæ absolutione nos in singulis quibusque dictorum generibus Propheta confirmet.

2. Dicit enim in tertiæ decimæ litteræ versu: *Quomodo dilexi legem tuam, Domine? Tota die meditatio est mihi.* Promptum utique fuerat dixisse: Quomodo feci legem tuam? Sed quia majus meritum est, amantem aliquid potius agere, quam timentem; idcirco ait: *Ut dilexi legem tuam.* Differt enim longe obsequium amoris a timoris officio: nec habet gratiam voluntatis, necessitatis operatio. Non omnia enim ad perfecti obsequii consummationem sibi illa sufficiunt, quæ quamvis opus suum impleant, tamen, quia coacta sunt, merito plenæ gratiæ indigent. Vult igitur Propheta opus suum dilectionis potius, quam terroris esse; & ex charitate obsequium suum, non ex metu suscipi. Multi jejulant, dum a nobis objurgari vident. Multi aliquid in usum indigentium præbent, lum exprobrari irreligiosam avaritiæ suæ & inutilem cupiditatem pertimescunt. Multi ecclesiam adeunt, lum argui absentiam suam & negligentiam erubescunt. Sed non omnes id, quod faciunt, & amant. IN MOREM ergo non potest incidere necessitas obsequiæ: quia nemo id, quod diligit, non vult. In acto vero potest non subesse dilectio, dum id efficitur, quod non fecisse aut terror, aut pudor sit. Sed Propheta in nullo infirmus est. Quod amat, facit, & quod facit, indeficienter exercet. Legem enim, quam diligit, omni die, & sine intermissione meditatur.

tur. Nam subrepunt alia occupationum studia, non interveniunt diversi secularium curarum æstus, nec in eum incidit, interjectu novæ alicujus cogitationis oblivio: semper idem est, & in eodem est. Tantus ipse in dilectæ sibi legis meditatione est, quantus dies universus in tempore sit.

3. Et quia, ut superius commemoravimus: Legis & Prophetarum atque Evangeliorum hominem in se Propheta demonstrat; ait in consequenti: *Super inimicos meos prudentem me fecisti mandato tuo; quoniam in seculum mihi est.* Mandata Dei prudentius Propheta, quam inimici ejus, intelligit. Sed quid commune nobis & inimicis nostris in præceptis est Dei, qui ea non solum ne mediocriter quidem comperta habent, verum ne initium saltem cognoscendi consecrantur? Et quid magnum, si inimicis suis in mandatis Dei Propheta prudentior sit? Quando enim inanimentia saxa aut metalla, aut ligna venerantes consequi aliquid de viventis atque æterni Dei cognitione potuissent, ut his comparatus fieret Propheta prudentior? Sed omnis hic impiorum error ipsum illud nomen cum Lege & Prophetis & Apostolis respuit, detrectat, horrescit.

4. Sed habet alios Propheta hic sanctus inimicos, quibus prudentius in mandatis Dei est eruditus. Mandatum Dei in prophetis, & in lege hæretici habent: sed nullo eorum per imperitiam irreligiosæ voluntatis utuntur. Mandatum legis Judæi tamquam proprium & hæreditarium sibi vindicant: sed spiritualis circumcissionis auctorem non habentibus, quid circumcisio in signum tantum constituta jam proderit? quid sabbati religio Dominum sabbati nescientibus opis afferet? quid paschæ agnus, liminum sanguis, & azymorum festivitas, agnum Dei & azyma sinceritatis, & sanguinem salutis ignorantibus auxilii præstabit? Mandata exercent; sed efficientiam mandatorum & tempus ignorant. Legem legunt; sed eam legente & nesciente Judæo Christianus

mus intelligit. Inimicus plane hic Prophetæ est, paricidales manus unigenito Dei filio inferens, & salvatorem generis humani, & vitæ æternæ largitorem morte, quantum in ipso est, condemnans. Præ his ergo omnibus in Dei mandato prudentior est.

5. Atque ut absolute hos inimicos significasse intelligeretur, id, quod consequitur, adjecit: *Super omnes docentes me intellexi: quoniam testimonia tua meditatio mea est.* Didicisti o David a Moyse legem, & Aaron tibi sacrificiorum omnium doctor est: Jesus iteratæ circumcisionis magister est: Samuel ungenti tibi sacramentum in temetipso & prophetæ & regis ostendit: quid est istud, quod loqui ausus es, quod super omnes docentes te intellexeris? Sed superior versus, super quos omnes docentes se intelligat, ostendit, id est, super inimicos. Et rursus hic, qui nunc est versus inferior, qui inimici sint, declarat, id est, omnes docentes. Claves enim cælorum se habere profitentur, & doctores esse se legis gloriantur. Et cum omnia legis testimonia adventum Domini nostri Jesu Christi testentur, super doctores suos Prophetæ intelligit: quia unigenitum Dei filium in carne venturum, testimonia ejus meditans, semper expectet. O felix discipuli intelligentia! o doctorum miserabilis imperitia! Docentes nesciunt; & intelligunt, qui docentur. caret autem Prophetæ vitio jactantiæ: intelligentiæ enim præstantiam, unde adeptus esset, ostendit. Nam superius ait, quod super inimicos suos prudentior a Deo in mandatis ejus esset effectus. Intelligentia enim omnis ex eo est, qui prudentiorem esse eum constituit. Super docentes se ergo intelligit.

6. Et quia interdum ex naturæ diversitate solet accidere, ut discipulus prudentior sit magistro; tamen hoc ipsum diligentiae suæ & studii esse demonstrat. Ait enim: *Super seniores intellexi, quia mandata tua exquisivi.* Et super docentes intelligit, & super seniores intel-

ligit, doctrinæ atque intelligentiæ suæ officium cum ipsa temporis antiquitate demonstrans, id est, populi ante se anterioris significans ætatem. In quo utrumque convenit, ut & antiquior sit, & se putet esse doctorem. Sed super eum ille intelligit, qui & docetur & junior est. Intelligit vero, quia mandata Dei exquisierit, quæ doctor, dum se docere credit, ignorat.

7. Consequens autem est, ut, qui super seniores & doctores intelligit, fructum intelligentiæ suæ reddat, scilicet ut ea, quæ cognita & perfecta habere cœpit, exerceat. Et videamus, an hoc ipsum in consequentibus sit. Ait enim: *Ab omni via mala prohibui pedes meos, ut custodiam verbum tuum.* Perfecta hæc & evangelici viri vox est, ab omni se malitiæ via abstinere, & tot ubique occurrentibus erroris semitis, nulla earum, per quam nequitia adeatur incedere.

8. Sed altius, nescio, quid in eo Propheta significat, cum dicit: *Prohibui pedes meos.* Natura corporis nostri ferimur in omnem criminum cursum: & humanarum cupiditatum impetus in hanc nos viam cogit. Sed qui super seniores & docentes intelligit, per intelligentiæ doctrinam se prohibuit, & exeuntem procurentemque revocavit. Resistendum ergo est & obnitendum, ut nosmetipsos ab omni via mala primum arceamus, tum deinde, si quis nos instinctus eo cœperit ferre, retrahamus: & prius nostramet ipsi potestate sumus inhibendi, ut deinceps custodiamus Dei verbum. Antea autem propria inhibitione opus est, ut possit Dei verbi esse custodia. Neque enim quisquam verbum ante custodiet, & tum prohibere se poterit. Prohibitio enim ea demum est, ut id, quod fiebat, fieri arceatur: custodia vero tum firma est, cum se quis a malis inhibens, bona observat sine intermissione custodiæ.

9. Qualis autem custodia verbi Dei esse debeat, sequens versus docet. Sequitur enim: *A judicis tuis*

TRACTATUS IN XCVIII. PSALMUM. 555

non declinavi: quia tu legem posuisti mihi. Hæc est igitur vera custodia, nullam in partem a Dei se judiciis deflectere, neque levi saltem declinare decessu; sed intentum semper, & semper immobilem in eo, in quo institit, permanere.

10. Non declinat autem, quia legem sibi Dominus statuerit. Legem quidem Moyses statuerat; sed hic idem Propheta in psalmo altero oraverat, dicens: Domine constitue legislatorem super eos: sciant gentes, quoniam homines sunt. Ea enim lex, quam Moyses scripserat, pædagona nobis in Christo fuit: & idcirco super docentes se & seniores intellexit, quia legem evangelicam, quæ Moyse lege continetur, intelligit. Hæc ergo per Dominum nostrum lata est, hæc omnem hominem in scientiam Dei erudit. Et idcirco ad id, quod dixerat: Constitue legislatorem super eos; adjecit: Sciant gentes, quoniam homines sunt: id est, ex terra genitæ, & in cognitionem Dei ex limo conformatæ. Quod enim antea per ignorantiam legis Moyse nesciebant, nunc per prædicationem Domini nostri Jesu Christi sciunt: & ut originem suam, id est, corporis naturam in novo latore legis agnoscunt, ita & gloriam novi hujus latoris legis expectant, in exordio sui jam ad imaginem & similitudinem Dei constitutæ.

11. Et prædicationis hujus evangelicæ dulcedinem in consequentibus Propheta testatur. Ait enim: *Quam dulcia faucibus meis eloquia tua, super mel ori meo.* Mel in ore, non etiam in faucibus dulce est. Extra regionem enim oris corporalium saporum nullus est sensus. Sed Dei eloquia in faucibus dulcia sunt, in animam scilicet defluentia & interna penetrantia: non in ore modo cibi placentia, sed illic dulcia ubi cognitionis & prudentiæ, & intelligentiæ sensus est. Et ideo eloquia in faucibus, & in ore melle dulciora sunt. Sed ut mel per ægritudinem æstumque febrium ea, quæ

quæ acciderint, oris amara mitificat; ita animæ nostræ amaritudines, & tristes cupiditatum insalutarium febres infusa Dei eloquia mitificant, si modo non ore contineantur, sed faucibus devorentur.

12. Sequitur deinde: *A mandatis tuis intellexi: propterea odi vi omnem viam iniquitatis.* Intelligentes nos faciunt præcepta; sed præcepta re atque opere expleta: id est, ut ea, quæ his continentur, in quantum possumus, expleamus. Ergo efficienda præcepta sunt, ut simus intelligentes. Et licet a Deo intelligentia perfecta sit, tamen a nobis incipiendum est, ut possimus perfectam intelligentiam promereri. His enim, qui non hoc per se inchoant, clausa a Deo omnia sunt. Et id ipsum propheticus sermo per Esaiam docet dicentem: Ne dicas de mandatis meis, quod cognoveris ea: neque cognovisti, neque credidisti ea, neque ab initio aperui tibi aures. *Cognovi enim,* quod spernens sperneres, & quod iniquus adhuc ex ventre vocandus esses. Ergo non indulgetur scientia non appetentibus eam. Et quia Deus cordium scrutator est, his, qui spreturi eam essent, obtusæ aures sunt, & hebes sensus est. Sed Propheta a præceptis Dei intelligit: præcepta scilicet agens, intelligentiam consecutus: intelligens vero omnem odit iniquitatis viam.

13. Humanæ enim naturæ omnes diversarum affectionum adjacent motus, ut sunt odia & amores. Sed amor impendendus est in dilectionem bonorum odium autem assumendum est ex offensa malorum. Nostrum ergo est modo utilis organi corpora nostra in coaptatos & concinentes modos temperare, ut non vitia diligamus, ut non virtutes bonas oderimus, ut unicuique nos generi decenter atque utiliter coaptemus. Propheta mandata Dei diligit: & qui mandata Dei diligit, iniquitatis vias odit. Ut enim perfectæ fidei obsequelæ est, obedientiam diligere, & id, quod
quis

TRACTATUS IN XCVIII. PSALMUM. 557

quis agit affectu charitatis explere, & necessitatem agendi amantis voluntate præcurrere: ita & magnæ innocentiae est, iniquitates non modo non agere, sed odisse, quia interdum nos ab his metus & terror avertat. Odium autem nobis earum, judicium veræ & perfectæ de his opinionis insinuat. Diligamus ergo justitiam, modestiam, frugalitatem, misericordiam; & oderimus rixas & ebrietates, cædes, superbias, stupra, cum quibus necesse est & diabolus oderimus. Diligentes vero pacem, veritatem, justitiam, diligemus eum, qui pax est, justitia & veritas, Dominum nostrum Jesum Christum, qui est benedictus in secula seculorum. Amen.

L I T T E R A XIV.

1 Nun.

Lucerna pedibus meis verbum tuum, Domine, & lumen semitis meis. Juravi & statui custodire judicia justitiae tuae. Humiliatus sum usquequaque, Domine: vivifica me secundum verbum tuum. Voluntaria oris mei fac beneplacita Domine, & judicia tua doce me. Anima mea in manibus tuis semper: & legem tuam non sum oblitus. Posuerunt peccatores laqueum mihi, & de mandatis meis non erravi. Hereditate acquisivi testimonia tua in aeternum: quia exultatio cordis mei sunt. Declinavi cor meum ad faciendas justificationes tuas in aeternum propter retributionem.

I. Vita sensusque hominum in errore ac potius nocte inscientiae manent, dum carnali infecta contagio in profundo ignorantiae per gravitatem naturæ, cui admixta est, detinetur. Quando enim per semetipsam causam & rationem originis suae noverit? Quando

do sciet, qui vitæ suæ fructus sit, quæ conditio spei, quæ promerendæ posteritatis via? Neque enim quisquam tam demens aut inops sensu est, ut in id, cum nullus esset, natum se esse existimet, ut rursus postquam natus est, nullus esset; cum sine dubio meminerit ex bonitate Dei profectum esse, quod natus est, nec id in bonitatem ejus malitiæ cadat, ut in nobis hoc suum, quo nascimur, munus interimat. Sed Propheta cognitione rerum cœlestium dignus, & in lucem scientiæ munere Dei & eloquio collocatus, ducem ad bene & innocenter vivendum eum sequitur, qui lux vera est, & qui omnem hominem lucificat.

2. Hanc ergo vitæ suæ ignorantiam quodam prælato lumine ad intelligentiam dirigit, dicens: *Lucerna pedibus meis verbum tuum, Domine.* Scit se, nisi verbo Dei illuminatum, has corporum tenebras, & hanc seculi noctem non posse evadere. Scit ubique adesse lapides offensionum, laqueos funium, & scrobes fovearum. Ut enim quis nocte egressus lucernam antefert, &, quo pedem inferat, contuetur, atque ad singulos gressus lumine præeunte sollicitus est: ita unusquisque nostrum manens in se verbum Dei in omnes operum processus tamquam lucernam præten- dit. Omnis etenim doctrina cœlestis dux nobis ad iter vitæ est, quæ lucernæ modo in hac nocte seculi præferenda est, cum aliquid aut agimus, aut cogitamus, aut loquimur: ut ea in omnem progressum cujuscumque operationis utamur.

3. Jubet Dominus in Evangeliiis, hanc præceptorum suorum lucernam non otiosam & inutilem occuli, dicens: Nemo enim lucernam accendit, & ponit eam sub modio. Quæ enim lucernæ, si modio tegatur, utilitas est? Usus suum tantum intra id, quo operitur, impendit. Jubet igitur eam in candelabro, id est, in officii sui sede constitui. Itaque hanc doctrinam, atque hoc verbum Dei intra nos receptum, non
otio-

otiosum, neque inutile tamquam in modio oculamus; sed lumen istud nobis ipsis primum, & rursus ex nobis omnibus gentibus præbeamus. Sequenti quoque istud mandato Dominus admonuit, dicens: Sint lumbi vestri præcincti, & lucernæ vestræ ardentes. Jubet ergo nihil nos agere in obscuro: quia omnis in peccatis agens odit lumen, & diligit tenebras. Vult has lucernas nostras esse semper accensas, ne quando in nocte hujus seculi relinquamur. Judæis in tabernaculo testimonii lucerna accenditur, & hæc omni festivitatis suæ tempore ardet. Illi, quod agunt, nesciunt. Sed nos in his tabernaculorum nostrorum, id est, corporum testimoniis ardentes lucernas semper habemus, & festivitatem spei nostræ earum luce peragamus.

4. Apostolos quoque, quos sal terræ, quos & lumen mundi Dominus nuncupat, per hanc significationem hos & lucernas esse Ecclesiæ ostendit, dicens: Lucerna corporis tui est oculus tuus, corporis scilicet Ecclesiæ, quæ unum corpus in Christo est, nosque invicem membra ejus sumus. Primum enim uniusque nostrum Dei verbum oculus sive lucerna est: deinde vir apostolicus toti corpori suo, id est: Ecclesiæ lucerna est. Neque enim omne corpus, aut pes, aut oculus, aut manus est. Ergo si oculi totius corporis pars lucidissima, & ob id membris ceteris præstans, erunt tenebræ, id est, si Apostolorum lucernæ non ardebunt, lumine ipso in tenebris sito; quanta totius corporis nox manebit? Joannes prædicator pœnitentiæ lucerna & Judæis, & gentibus fuit Domino dicente: Ille erat lucerna ardens & lucens, & vos voluistis ad horam exultare in lumine ejus. Habemus ergo doctrinæ lumen: exulemus in eo, non ad horam, sed semper; neque ad tempus, sed in æternum. Beatæ virgines illæ, & utiles olei mercatrices, plæ in lampadum suarum lumine cum sponso thalamum

num ingressæ sunt, ceteris negligentibus & dormientibus ab ingressu thalami exclusis.

5. Ad omnem igitur animæ nostræ pedem utamur Dei verbo ut lucerna; sed lucerna semper ardente, semper in officium suum per nostram providentiam præparata. Verbum autem, quod pedibus lucerna est, ipsum illud & semitis lumen est. Sensim enim & domesticè incedentibus lucerna opus est: peregrinum autem & publicum iter ingredientibus lumen potius necessarium est, ne latro insidietur, ne ambiguae viæ error occurrat. Per incrementa enim a minore ad majus ascenditur: ut ei, cui verbum Dei primum lucerna sit pedibus, id ipsum verbum ei fiat lumen semitis. Sed lucerna pedibus & lumen semitis utilem profectum præstare debent. Et videamus, an dignus aliquid Propheta subjecerit.

6. Ait enim: *Juravi, & statui custodire judicia justitiae tuae.* Jam non in nocte seculi errat, nec pedes metuit offendere. Sacramentum enim omne firmæ scientiæ res est, & jurandi religio ex veritatis cognitione suscipitur. Jurat ergo Propheta: nec tantum jurat, sed & statuit; quia sacramenti vinculum firmitas sit statutorum. Statuit ergo jurans custodire judicia justitiæ Dei. Et difficile est statuta convellere: optimum est statuere jurata.

7. Sed meminit nihil esse in Dei-judiciis injustum. Si enim humana judicia ea vere judicia existimantur quæ ex arbitrio justiciarii sanciantur; quomodo existimandum sit, nihil esse in Dei-judiciis injustum? Amittimus liberos; injustum hoc judicium existimamus. Numquid injuste Deus in Job filios dedit diabolo? testatem? Damna nostra tamquam inique accideri dolemus. Numquid egere solum illum perfectum? Deus sine justitiæ ratione permisit? Cruciantur doloribus; & contra Deum impatientiæ nostræ clamoribus increpamus. Anne incerto consilio excusamus?

mibus,

nibus, sanie defluens, perfoffus ulcere fuit? Certe hæc omnia ad documentum fidei, & ad præmium glorioſæ patientiæ profecerunt. INFIRMITAS noſtra efficit, ut malum eſſe id, quod patimur, exiſtimemus. Ceterum Dei ſemper voluntas eſt, ut-patientia paſſionum probemur: nos vero divini judicii juſtitiam, ſine ſine documento fidei latere volumus, improbamus.

8. Sed qui ſuperius & juraverat, & ſtatuerat, ut cuſtodiret judicia juſtitie Dei, dignum aliquid ſacramento & conſtitutione ſua in obſervandis debet præſtare judiciis. Non enim leve eſt, quod cuſtoditum ſe ſtatuit juratus. Et quid illud ſit, ſequens verius loquitur. Ait enim: *Humiliatus ſum usquequaque, Domine, vivifica me ſecundum verbum tuum.* Unigenitus Dei filius nature noſtræ ex Virgine ſibi corpus aſſumens, cum in ſe ipſo veram & perfectam humanæ prudentiæ formam præbuiſſet, quid a ſe diſci tamquam exemplo doctrine voluerit, noſcendum eſt. Ait enim: *Venite ad me omnes, qui laboratis, & onerati eſtis, & ego vos reficiam.* Tollite jugum meum ſuper vos, & diſcite a me, quoniam mitis ſum, & humilis corde: & invenietis requiem animabus veſtris. Ipſe utique perfectus & ſine peccato ſolus, & unus, in cujus ore ſolus non fuit, hoc præcipuum a ſe doctrine ſumit, voluit exemplum, manſuetudinis ſcilicet & humilitatis, per quæ animabus requies inveniretur.

9. Scit inſolentem eſſe & incapacem rerum ſecularum nature noſtræ infirmitatem. Alii per opes inoleſcunt, neſcientes de largitione opum dictum eſſe: *Eleemoſyna enim abſcondit peccatum; & rurſum: diſperſit, dedit pauperibus, juſtitia ejus manet in æternum; & Deum ipſum his, qui eſurientem cibaveſſent, ſitientem potaveſſent, peregrinum domo recepaveſſent, nudum veſte texaveſſent, infirmum viſitaveſſent, clauſum arcere conſolati eſſent, dixiſſe: Venite benedicti patris mei, poſſidete præparatum vobis regnum a con-*

stitutione mundi. Alii gloria seculi tument; nescientes hunc principalem benedictionum cœlestium fuisse sermonem: Beati pauperes spiritu, quoniam ipsorum est regnum cœlorum. Alios nobilitas carnalis in fastigium erigit; non cogitantes illis, qui in Christo renati sunt, dictum esse: Vos autem genus electum, regale sacerdotium, gens sancta. Aliæ sunt seculi leges, alia Dei munera. Diabolus cum Dominum tentare ausus est, suum esse seculum gloriatur. Dominus vero mori nos seculo jubet, ut vivamus ipsi. **CUM DOMINO** opum contemptus, opulencia est, **cum** Domino terreni honoris despectus, cœlorum regnum est; **cum** Domino humilitas cordis, generosæ & regię nativitatıs ornatus est. Hoc igitur a se disci voluit, quod virtutum omnium maximum est.

10. Apostolus etiam ad humilitatem nos docens, talibus adhortatur: Hoc enim sapite in vobis, quod & in Christo Jesu, qui, cum in forma Dei esset, non rapinam existimavit esse se æqualem Deo, sed se exinanivit formam servi accipiens, & habitu repertus ut homo. Humiliavit se factus obediens usque ad mortem, mortem autem crucis. Habemus exemplum ab unigenito Deo humilitatis: sed videamus & præmium. Propter hoc enim eum Deus exaltavit, & donavit illi nomen, quod est super omne nomen, ut in nomine Jesu omne genu flectatur cœlestium, & terrestrium, & infernorum, & omnis lingua confiteatur, quia Dominus Jesus in gloria Dei patris. Hoc humilitatis fuit præmium, ut corpus assumptum in gloria Dei patris maneret, ut in nomine ejus genu cœlestia & terrestria, & inferna curvarent. Manens enim in forma Dei, non vi aliqua sibi ac rapina, id quod erat, præsumendum existimavit, scilicet ut Deo esset æqualis. Erat enim in Dei forma, nihilque ei ex ejus gloria deerat, in cujus forma manebat; sed formam servi sui per humilitatem accepit, & habitu ut homo repertus est, humilians se per obedientiam usque ad mortem:

em: nec solum usque ad mortem, sed usque ad mortem crucis. Cœlum ex præcepto Dei ipse firmavit, mundum ex paterno jussu in hanc speciem tanti decus ornavit, terram, & quæ in ea sunt, creavit. Sed umquid ob illa meruit hominem assumtum in æterni patris gloria collocare? Humilitatis hoc præmium est, humilitatis hæc merces est: ut, quia manens antea in forma Dei, esset in forma servi deinceps effectus; & manens in forma Dei, & effectus in forma servi, confessione cœlestium, & terrestrium, & infernorum esse Dei patris gloria nosceretur.

11. Verens quoque idem Apostolus, ne quos illa illa divinorum munerum gratia efficeret insolentia, ait: Unicuique data est demonstratio Spiritus ad utilitatem. In eo enim, quod ait, ad utilitatem, docuit humiliter utendum: ne forte quemquam spiritualium munerum confidentia efficeret insolentem, & Dei gratiam per insolentiæ vitium fieret otiosa. Ex persona enim sua ipse demonstrat, etiam hoc se a Deo gratias consecutum, ne per confidentiam plurium in se gratiarum in aliquem tumorem superbiæ tolleretur, dicitur: Et propter eminentiam revelationum datus est mihi stimulus carnis angelus satanæ, qui me colaphizet, ne extollar. Etiam hoc ille vas electionis & doctor gentium metuit, ne ultra humanæ infirmitatis curam per spiritualium in se munerum confidentiam periret. Ezechiam regem Scriptura laudat, quod fuerit rectum & bonum in conspectu Dei: sed non tamen in finem potuit hæc manere laudatio. Scriptum est in secundo Præteritorum libro: Et cecidit Michas ab altitudine cordis sui. Ubi cor in altum exaltaverat, ubi in superbiam se per confidentiam laudationis extulerat, præteritorum gestorum gratiam superbiæ crimen amisit.

12. Propheta igitur sacramento constituens, ut Dei judicia custodiret, hoc primum opus sumsit,

ut humilis fieret: neque solum humilis, sed humilis valde: per adjectionem hanc consummatæ in se humilitatis modestiam edocens. Et erant causæ in eo plures superbiendi. Præbebat insolentiæ causas nobilitas ex Juda, & in eo primum potestas benedictionis regni inchoata. Mansit enim aliquamdiu ex David tribu regni potestatis familia, ex qua secundum carnem Rex æternus emerfit. Erat etiam prudentissimus. Ait enim: Invisibilia & occulta sapientiæ tuæ manifestasti mihi. Meruit etiam & Propheta esse, cum dicitur: Aperiam in parabolis os meum, eructabo absconsa a constitutione mundi. Humanæ quoque opulentiæ copiis abundavit. Ait enim ipse: Ecce congregavi de paupertate mea auri talenta centum millia, & argenti mille millia, & æris & ferri, quorum numerus non est. Hinc familiæ nobilitas, hinc regis potestas, hinc sapientiæ fiducia, hinc prophetiæ meritum, hinc copiarum facultatum, non erexerunt tamen in superbiam, neque in aliquem fastigii tumorem extulerunt. Tuto ergo postulat, dicens: *Vivifica me secundum verbum tuum*: id est, ut tamquam nondum vivens æternæ vitæ vitam secundum verbum Dei mereatur, quia cum humilitatis modestia intra disciplinam & doctrinam prædicationis evangelicæ contineret.

13. Deinceps sequitur: *Voluntaria oris mei fac beneplacita Domine, & judicia tua doce me*. Digne exsequitur Propheta sacramentum constitutionis suæ. Primum enim humilis valde effectus est: sequenti nunc orat, ut voluntaria oris sui beneplaceant. Non contentus est etiam præscriptis legis contineri, neque tantum necessitate obedientiæ subjacere. Lex præcipiebat malum pro malo esse reddendum. David iste cum Saul totis se imperii sui viribus persequentem, frequenter captum & conclusum habuisset, non modo non peremit, sed etiam cum honore dimisit, dicens: Non inferam super eum manum meam, quia christus Domi-

Domini est. Hunc etiam cum in bello peremptum comperisset, flevit & vindicavit. Filius quoque ejus Abessalon regnum occupat, exercitum contrahit, patrem bello parricidali persequitur. Sed militibus David dicit: Parcite puero Abessalon. Illi quidem ad resistendum necessitas imposita est, ut regi; sed pietas & bonitas adfuit ad parcendum, ut prophetæ. Mortuum quoque affectu paterno & dolore deflevit. Hæc enim voluntaria, non legitima sunt: & his obtemperare, libertatis potius, quam necessitatis officium est.

14. Habet hanc Apostolus voluntariæ doctrinæ, non & legitimæ consuetudinem, dicens: De virginibus autem præceptum Domini non habeo, consilium autem do. Aut cum gloriam viduitatis & continentiam laudat, non inhibet potestatem nubendi, sed meritum cælibatus prædicat. Ultra legem instituit, & ultra præceptum adhortatur, voluntariæ legitimis anteponeus. Et rursus ait: Numquid non habemus potestatem manducandi & bibendi? Numquid non habemus potestatem mulieres circumducendi, sicut ceteri Apostoli & fratres Domini & Cephas? Aut ego solus & Barnabas non habemus potestatem hoc operandi? Sed non utimur hac potestate. Potestas in licito est, cum lex infidelitati nostræ parcens præscriptis nos gravibus non onerat. At vero voluntatis professio ex incremento fidei est, cum in his, quæ moderata lex nobis est, nosmetipsos voluntariæ devotionis studio continemus.

15. Hæc igitur voluntaria ut Deo sint placita, Propheta orat; quia illa, quæ ex præscripto legis gerantur, ipsa servitii sui necessitate peraguntur. Causam autem semper prætendit deprecationis suæ. Postea enim, quam voluntaria oris sui, ut beneplacita essent, oravit, adjecit: *Et judicia tua doce me.* Judicia legis agit, & quantum in se est, gestis atque operibus

exercet; sed nondum ea intelligit. Scit enim esse legem spiritalem. Et illud, quod sub specie præsentium operationum continetur, nosse festinat: ea enim quis necesse est doceri postulet, quæ ignorat.

16. Totum autem se Propheta secundum sacramenti sui constitutionem Deo dedit. Humiliatus est valde, voluntaria oris ejus placentia sunt: nunc ejus anima in Dei manibus semper est, & legis Dei non obliviscitur, dicens: *Anima mea in manibus tuis semper: & legem tuam non sum oblitus.* Totum, quod vivit, Deo vivit. Omnis ejus sensus & spiritus in Deo est: nullum tempus admittitur, quo subrepere legis possit oblivio. In omnibus suis operibus & cogitationibus Deus cogitatur. Lex in memoria est, in Dei manibus anima viventis semper est.

17. Scit etiam, quam sibi istud utile sit, scit, quam sit necessarium quotidie se manibus Dei, gestis atque operibus suis, & per indefessam memoriam legis inferere. Ait enim: *Posuerunt peccatores laqueum mihi, & de mandatis tuis non erravi.* Scit in hac sæculi silva plures laqueos extendi, plures vitæ suæ captiones parari. Sermo, cogitatio, opus nostrum semper adjacentes habent laqueos: cum interdum occurrit causa iræ, doloris affectio, querelæ necessitas, malæ cupiditatis occasio. Hos diabolus angelique ejus ab initio transgressores, & ab exordio peccatores, laqueos semper extendunt. Sed cujus in manibus Dei anima est, & qui numquam legis Dei immemor est, his undique licet laqueis circumjectis, a præceptis tamen non aberrabit. Semper enim Deum cogitans ab his evolat, ut in psalmo alio loquitur: Sicut passer, liberatus ex laqueo venatorum. Et Dominus ipse per Prophetam ait: Liberate vos ex laqueo venatorum, & a verbo conturbationis.

18. Non enim injuste tenduntur retia avibus. IN COELESTEM scientiam homo eruditus es, quid tibi

tibi cum terrenis operibus & gestis est? Avis effectus es: cur non in naturæ tuæ elemento moraris? Volucres enim cœli nuncupantur: non injuste ergo illis in possessione terrenæ habitationis insidiæ sunt. Seculo renuntiasti: quid tibi cum seculi rebus? quid queres captus in seculo? quid queres injuriam laquei in regione non tua? Dic potius & utere ipse tu voce Psalmistæ dicentis ista: Quis dabit mihi pennas sicut columbæ? & volabo, & requiescam. Naturæ avium est, ut non, cum volent, requiescant; tu autem jam factus columba, volando requiescis, id est, in cœlestem te sedem & cognitionem a laqueis terrenis volatu fidelis animæ efferendo.

19. Dehinc sequitur: *Hæreditavi testimonia tua in seculum; quia exultatio cordis mei sunt.* Hæres, secundum humanam consuetudinem, omnia ejus obtinet, cujus & hæres est. Sed humanas hæreditates dedignatur Propheta, qui testimonia Dei hæreditavit. Gratum ipsi, si Dei fiat ipse testis, quia exultatio cordis sui sit, si se Dei inter persecutionum bella testetur. Sic & meminimus his testimoniis Apostolos gratulatos, cum exeuntes de confessu persecutorum, lætati sunt propter Dei nomen dignos se injuriis judicatos. Testimonia ergo ejus exultatio eorum cordis fuit. Sed Propheta, ut & Apostoli, licet inter multas persecutiones hæc testimonia Dei, id est, testandi de eo cum exultatione cordis tamquam hæreditatem retineat; tamen etiam illa Dei testimonia hæreditate acquisita habet, quæ sub testibus dicta sunt. Moyses legem sub testibus dedit cœlo atque terra, Esaias sub testibus arguit cœlo atque terra, Apostolus jam celsioribus testimoniis ut prædicator evangelicus usus est, dicens: Testor vobis coram Deo & Christo Jesu, & Angelis ejus. Hæc ergo testimonia sub his scripta, & sub his testata, & in his testata, tamquam novi patrimonii hæres occupat, non ex parte, sed in to-

tum. Jus enim hæreditatis ex solido est. Etsi inter plures secundum humanam successionem hæreditas dividatur, tamen hæreditas ipsa nomine hæredis ex solido est.

20. Ac ne, quod a multis dici sæpe solet, ratio nis aliquam habeat auctoritatem, cum asserunt proprium Dei munus esse, ut quis in Dei rebus atque operibus versetur; excusantes infidelitatem suam quod cessante erga se Dei voluntate maneat infidelis: est quidem in fide manendi a Deo munus, sed incipiendi a nobis origo est. Et voluntas nostra hoc proprium ex se habere debet, ut velit: Deus incipienti incrementum dabit: quia consummationem per se infirmitas nostra non obtinet, meritum tamen ad piscendæ consummationis est ex initio voluntatis. Idcirco psalmum ita Propheta conclusit: *Declinavi cor meum ad faciendas justificationes tuas in æternum propter retributionem.* Cor suum ipse declinat, & ex natura humanæ peccatis in obedientiam Dei inflectit. Natura quidem & origo carnis suæ eum detinebat: sed voluntas & religio cor ejus ex eo, in quo manebat originis vitio ad justificationum opera declinat. Inclinat in omni vitæ suæ tempore: non in defensione aliqua spatii, sed in omni vitæ suæ seculo. Declinat autem *propter retributionem*, certus scilicet est dei meritis reservari, & in his retributionem ejus esse quæ oculus non vidit, nec auris audivit, nec in cor hominis ascenderunt, quæ præparavit Deus his, qui diligunt eum in Christo Jesu, cui gloria est & nunc & semper, & in secula seculorum. Amen.

L I T T E R A X V.

□ Samech.

Iniquos odio habui, & legem tuam dilexi. Adjutor & succesor meus: & in verbum tuum speravi. Declinate a me maligni: & scrutabor mandata Dei mei. Suscipe me secundum eloquium tuum, & vivam: & non confundas me ab expectatione mea. Adjuva me, & salvus ero, & meditabor in justificationibus tuis semper. Spreveristi omnes discedentes a justitiis tuis: quia injusta cognitio eorum. Pravaricantes reputavi omnes peccatores terra: ideo dilexi testimonia tua semper. Confige timore tuo carnes meas: a judiciis enim tuis timeo.

1. **P**ræcepti evangelici doctrina est, ut inimicos diligamus: & non solum amantibus nos amorem, sed etiam his, qui nos oderint, debeamus. Ergo hæc Prophetæ professio adversari videtur dominicis mandatis: ut, cum amor nobis inimicorum imperetur, ille, quod iniquos oderit, tamquam bonum opus præferat, dicens: *Iniquos odio habui.*

2. Sed hujus ipsius dicti ratio ex ipsis Evangeliiis noscenda est. Nam Dominus, qui inimicos diligere iussit, & maledicentes patrem, aut matrem, reos esse mortis constituit, rursus alio in loco præcepit, dicens: Si quis venit ad me, & non oderit patrem suum, & matrem, & uxorem, & filios, & fratres, & sorores, adhuc etiam & animam suam, non potest meus esse discipulus. Ergo hæc videntur sibi esse contraria, ut, cujus ex præcepto non solum odium in parentes, sed maledictio tantum morte sit digna, ipsa rursus dicat, neminem discipulum suum esse posse, qui nisi patrem, & matrem, & uxorem, & filios, & fratres, & sorores, & animam suam oderit. Durus

N n 5

hic

hic sermo, & præceptum grave est, impietatis necessitatem ad consummationem religionis imponere.

3. Verum nihil a Deo durum, nihil impium, nihil contrarium anterioribus præceptis jubetur. Irasci autem hæc charissima nobis nomina, pater scilicet ac mater, & uxor, & filii non possunt, quod eos præcipimur odisse; cum animam ipsam nostram odisse jubeamur. Scit enim esse Dominus plures tam inconsulti amoris, ut, cum persistere in martyrii gloria filios suos videant, ut tempori cedant, rogent; ut sententiam mutent, precentur; & impiæ pietatis erga eos utantur affectu; cum anus mater, & pater senex miserabiles canos filio in ipso martyrii certamine cum invidia præduræ voluntatis ejus ostendat; hinc & uxor adfit filiorum ambitiosa comitatu, oret, ut potius sibi illisque vivat: hinc fratres & sorores blandis nominum suorum familiaritatibus deprecentur: ipsa quoque anima illecebris jam pridem capta vivendi, tacitis quibusdam consiliis ad conniventiam deflectendæ voluntatis irreat. Hoc igitur in tempore odisse nos patrem, matrem, uxorem, filios, fratres, sorores, & ipsam quoque animam Dominus præcepit. Nam hunc eundem sermonem ita clausit, post odium universorum dicens: Et si quis non portat crucem suam, & venit post me: non poterit meus discipulus esse. Ergo tum odio habendi sunt, cum portare nos martyrii crucem nolunt, cum sequi Deum exemplo passionis adhortantur. Honestum hoc odium, & utile est, eos, qui ab amore Christi abducere conantur, odisse.

4. Itaque nunc Propheta nihil contrarium evangelicis præceptis, quibus amare inimicos jubemur, locutus videtur, dicens: *Iniquos odio habui*. Non enim inimicos suos dicit, sed *iniquos*: id est, transgressores legis. Propriore istud verbo græcitas nuncupat dicens, *παρὰ νόμου*, id est, extra legem agentes. Sed qui præteritores legis odit, non potest non

id

id amare, quod vidit esse neglectum; & ideo ait: *Ecce legem tuam dilexi.* Convenit autem, ut, quia legem amat, eos oderit, qui legis inimici sunt.

5. Dehinc sequitur: *Adjutor & susceptor meus es tu: & in verbum tuum spero.* Magno nobis Dei auxilio opus est in tanto atque assiduo seculi istius praelio. Non enim nobis, secundum Apostolum, pugna est adversus carnem & sanguinem, sed adversus potestates, & mundipotentes harum tenebrarum, adversus spirituales nequitias in coelestibus. Hos ergo hostes habemus, adversus hos adjutor Deus precandus est, ut nos in susceptionem suam recipiat. Sed non tam timoris hæc precatio debet esse, quam meriti. Timor enim ex trepidatione conditionis humanæ est: Propheta autem in verbo Dei sperat. Spes non res præsentis obtinet, sed futuras. Sperat ergo, quæ verbo Dei, id est, dictis prophetis continentur. Sperat autem vel retributiones fidei in vitam spiritalem: vel ipsum illum Domini nostri, qui Dei Verbum est, adventum expectat. Spes enim ista meretur auxilium & adjutorium Dei. Non aliter aut nos meremur, aut aliqui ante meruerunt, quam Verbum Dei Deum naturæ nostræ carnem vel habitaturum sperasse, vel, quod habitaverit, credidisse.

6. Sed Propheta multa in se esse meminit, quæ spei suæ conentur obistere: & ideo subjecit: *Declinate a me maligni; & scrutabor mandata Dei mei.* Doctrinæ coelestis ratio admonet, ut dictum hoc referendum ad personam hominum, quibus insit malignitas, existimetur. Propheta enim, qui gentes docet, qui verbum Dei prædicat, jubet, ut a se universi maligni declinent: quia congregatio sanctorum ad malitiæ operarios sit indigna. Et nescio, quem possit excipere: omnibus enim per naturæ demutabilis voluntatem malitia adjacet, ipsisque Apostolis verbo licet jam fidei emundatis atque sanctis, non abesse tamen mali-

malitiam per conditionem communis nobis originis docuit Dominus, dicens: Si ergo vos, cum sitis mali, nostis bona dare filiis vestris. Nostrium autem est & malos amare, & bonos ad bonitatem docere, secundum eum, qui universos ad se potius invitat, dicens: Venite ad me omnes, qui laboratis, & onerati estis, & ego vos reficiam. Sed scit Propheta plures malignitates in occulto humani cordis esse. Secundum enim Domini dictum: De intus exeunt cogitationes malæ, cædes, mœchiæ, fornicationes, furta, falsitates, blasphemiae. Hæc enim sunt, quæ communem hominem faciunt. Hujusmodi igitur a se declinent, adversantes fidei suæ postulat. Obsistunt enim innocentiae studiis, obsistunt doctrinae spiritali: atque his per consiliorum suorum assiduam familiaritatem se ingerentibus, non vacat animo Dei mandata scrutari: quia maligni viri præsencia multum eum, qui mandata Dei scrutari velit, impediat.

7. Et quia Dei opus est misericordia, ut in familiam ejus recepti a dominatu malignorum horum liberemur; Propheta orat dicens: *Suscipe me secundum eloquium tuum, & vivam, & non confundas me ab expectatione mea.* Propheta expectat & sperat: nihil præsens, nihil temporarium sectatur. Plures autem sunt, qui hanc expectationem fidei nostræ arguunt & irrident, dicentes talia: Quid jejunia, quid continentia, quid castitas, quid jactura patrimoniorum utilitatis auferet? Ubi spes vestra est, o Christiani? Mors æqualiter dominatur universorum: in omnium corporum naturas commune jus illi est. Quin etiam universis nos bonis seculi fruimur, & vitæ veræ licentia utimur: & in quo tandem nobis spei vestræ expectatione præstatis? Non confundi ergo se in hac expectatione sua Propheta orat: sed ut maneat confidens, & fructus veræ illius vitæ, quam expectat, accipiat. Scit enim se nondum vivere, licet vivat. Vita enim nostra,
secun-

TRACTATUS IN XCVIII. PSALMUM. 573

secundum Apostolum, absconsa in Christo est. Et idcirco ait: *Suscipe me secundum eloquium tuum, & vivam*; quia veræ illius & indeficientis vitæ expectatione ac spe detinetur. Sperat enim æternitatem, sperat regnum cœlorum, sperat regnum Dei, sperat spiritales benedictiones in cœlestibus in Christo. In hac spe, in qua non confundetur, rogat, ut suscipiatur & vivat.

8. Dehinc sequitur: *Adjuva me, & salvus ero, & meditabor in justificationibus tuis semper*. Superius dixerat: *Adjutor & susceptor meus*. Nunc autem nominum commemoratorum rem precatur, ut, qui susceptor est, suscipiat; &, qui adjutor, adjuvet. Non abesse a se adjutorium adjuvantis precatur. Non orat, ne malignantes non habeat, quia per passionum patientiam fides probatur: sed, ut adversus eos adjuvetur, orat, quia auxilium a Domino semper orandum est. Sed quemadmodum in superiore susceptus vivet: ita & in hoc adjutus salvabitur. Adhuc enim sibi obunda mors est, adhuc inferi sustinendi. Tunc salvabitur, cum ex corporea terrenaque natura in spiritalem gloriam transformatus, nullum adversantis inimici periculum metuat, vivat inter electos Angelos, sit paradisi incola, & absorpta corruptione ex mortali immortalis existat.

9. Sed quod meditaturum se in justitiis Dei dicit, & meditaturum semper: numquid non meditatatur, qui & in meditatione speravit? Potest quidem & in præsens vitæ opus accipi, ut, quo usque in corpore sit, semper justificationes meditatur: sed nihilo minus & in futurum sermo procedit. Scit in cœlo omnes Angelos in meditatione justificationum Dei esse. Nihil enim illic otiosum, nihil iners est: omnes virtutes cœlestes in opere ministerii sui permanent. Et cum nobis tunc vita Angelorum vivendum sit; potest secundum eos, qui semper operantur, nobis quoque æterna justificationum esse meditatio. 10. De-

10. Dehinc sequitur: *Sprevisti omnes discedentes a justificationibus tuis; quia iniqua cogitatio eorum.* Auxilium & susceptionem ob hoc Propheta orat, ne cum discedentibus a justificationibus Dei, & ipse spernatur. Sed hic servata ea ratio est, ut non dictum sit: *Sprevisti omnes peccatores; sed: Sprevisti omnes discedentes.* Si enim peccatores sperneret, omnes utique sperneret: quia sine peccato nemo sit. Sed spernit discedentes a se, quos apostatas vocant. Neque enim interest, an in justificationibus Dei quis aliquando fuerit. Spernendus enim a Deo est, quisquis discesserit: quia manentis meritum conservat consummatio permanendi. Differt vero a peccato discessio: quia peccato venia per pœnitentiam reservatur, discessio vero cum ipsa pœnitentiæ discessione se damnat; quæ hinc oritur, cum voluntas eorum, qui discessuri sunt, est iniqua.

11. Dehinc sequitur: *Prævaricantes deputavi omnes peccatores terræ, ideo dilexi justitias tuas.* Semper Prophetæ sermo longe se & ultra communem sensum tendit. Nos enim prævaricatores eos existimamus, qui susceptam fidem & cognitionem Dei adeptam relinquunt; aliud pollicitos, & aliud nunc agentes. Sed hic prævaricatores esse existimantur *omnes peccatores terræ*: nullus excipitur, generaliter ad omnes prævaricationis nomen refertur. Lex enim veluti naturalis est, injuriam nemini inferre, nil alienum præripere, fraude ac perjurio abstinere, alieno conjugio non insidiari. Novit & hanc Apostolus legem, dicens: Cum enim nationes, quæ legem non habent, naturaliter secundum legem faciunt; tales homines legem non habentes sibi ipsi sunt lex, qui ostendunt opus legis scriptum in cordibus suis. Ergo prævaricatores existimantur, qui, quod a naturali lege accipiunt, derelinquunt. Furem quis deprehensum, aut
adul-

TRACTATUS IN XCVIII. PSALMUM. 575

adulterum, aut homicidam arguet lege naturæ. Sed si in his ipse versetur, prævaricator est legis.

12. Novit etiam, cum ait *peccatores terræ*, alios esse & cæli peccatores. Audiamus enim evangelicæ prædicationis prodigum filium perditum atque mortuum, de peccato suo patri confitentem: Peccavi, inquit, pater in cælum & coram te. Quisquis cælestis doctrinæ, & spiritalis gratiæ particeps factus in peccato demorabitur; non terræ peccator est ille, sed cæli. Omnes enim credentes in se Dominus noster Jesus Christus coexcitavit, & collocavit in cælestibus; ex quibus qui decidet, tamquam cæli peccator arguitur. Cum igitur Propheta peccatores terræ prævaricatores esse existimet, quia naturæ legem peccando transgressi sint; ob hoc ipse testimonia Dei diligit, quia cum prævaricatio sit decedere ex lege naturæ; tamen jam sine venia sit ex cælesti lege discessio.

13. Concludit autem ita: *Confige timore tuo carnes meas; a judiciis enim tuis timui.* Novæ & inusitatæ preces Prophetæ sunt, ut a timore Dei carnes suæ configantur. Sed meminit compatiendum, & commoriendum esse cum Christo his, qui conregnare cum eo velint. Et minore istud dicti virtute latinæ translationis elocuta est, Quod enim nobiscum est *confige*, illic *κατηλῶσον* id significat, ut clavis se configat. Moriendum ergo nobis est, & omnia carnis nostræ vitia configenda cruci Domini sunt. Morimur nim secundum Apostolum cum Christo, & consepelemur in baptismo. Et hoc Propheta quamquam in sua voluntate habeat, tamen ut per misericordiam Dei consequatur, expostulat. Configi enim ex timore Dei carnes suas orat, quia judicia Dei metuat. Timeat enim æterni iudicii sententiam, timet se non cum Christo configi, & commori, & conssepeliri, novum hominem, nisi veterem cum vitiis & concupiscentiis exco, intelligens non futurum.

LIT.

LITTERA XVI.

y Ain.

Feci iudicium & iustitiam: non tradas me persequentibus me. Excipe servum tuum in bono: non calumnientur me superbi. Oculi mei defecerunt in salutare tuum, & in eloquium iustitiæ tuæ. Fac cum servo tuo secundum misericordiam tuam, & justificationes tuas doce me. Servus tuus sum ego: da mihi intellectum, & sciam mandata tua. Tempus faciendi Domine: dissipaverunt legem tuam. Ideo dilexi mandata tua super aurum & topazium. Propterea ad omnia mandata tua dirigebar: omnem viam iniquam odio habui.

1. **E**t in psalmi exordio, & deinceps frequenter meminimus, per hæc singularum litterarum quædam quasi elementa discendi, doctrina nos pietatis, continentię, intelligentię, fidei, & timoris institui: & ut rudem infantiam ad loquendi scientiam, quam & agendi doctrina consequitur, ipsis humanę vocis initiis erudiri: quod ex præsentibus sextę & decimę litterę octo versibus intelligi licet. Propheeta enim ex persona sua universos docet, quid velle, quid agere, quid profiteri unumquemque pro conscientia infirmitatis ac naturę suę utile sit: quid etiam metui, quid caveri, quid emundari oporteat. Beatus idem propheta, qui per misericordiam Dei ipse sibi, & universis doctor & prospector, & emundator, & iudex est. Et certe dignitati ejus decentissimum est, ut, qui spiritu Dei loquitur, ea, quę humanę & salutis, & æternitatis sunt, eloquatur.

2. Ait enim ita: *Feci iudicium & iustitiam: non tradas me nocentibus me.* Fecit placentia Deo opera: & quia fecit, ne nocentibus se tradatur, orat. Opus meren-

merendi antefertur: & dehinc meriti præmium postulatur. Fit enim primum, quod placet: & tum dignatio ejus, cui per opus placetur, oratur. At nos nec operamur, nec placemus, quin etiam impiis & irreligiosis rebus offendimus: & quia tales non placeamus, irascimur. Sed dignum est, contueri, qualia sint, quæ Propheta faciens, ne nocentibus se tradatur, orat.

3. Et omnia, quæcumque quis timens Deum fecerit, utilia ei atque pulchra sunt. Pudicitiam quis colens, gloriosum ac nitens sordenti corporis sui carni lumen invexit. Contemptum vero pecuniæ assumens, iberum se a terrenis dominationibus præservavit. Frugalitatem autem & parsimoniam diligens, nobilitatem animæ coelestis captivam ebrietati non dereliquit. Sed hæc quamvis magna atque præclara sint, tamen quia Propheta propria, eique tantummodo utilia sunt, non referuntur ad meritum.

4. Sed quid fecit, ut non tradi se nocentibus decreceretur? *Judicium* scilicet & *justitiam*, nihil incon- sultum, nihil injustum agens: sed primum faciens judicium: omnia namque ratione, modo, & veritate, tractans: ut id, quod in alterum agat, perpensum ante atque perspectum jam de consilii sententia exequatur. Non permittit autem consilio tantum suo iudicii sententiam: sed facit cum iudicio *justitiam*. Iudicantis autem cum consilio hoc opus maximum est, ut, quod iudicat, justum sit. *Justitia* etenim est amicitiae concordia, unanimi- tatis vinculum, fundamentum pacis, divinæ atque humanæ rationis operatio. Hæc itaque Propheta fecit: in quibus cum opus suum fecit, tamen & eorum, quibus iudicium & *justitiam* fecit, utilitas est.

5. Postulat vero, ne nocentibus se tradatur. Annis enim, in quo peccati voluntas est, Deo vacuus est: & ubi Deus non erit, illic diaboli locus est.

qui insidians atque obsidens, ubi adeundi opportunitatem habuerit, tamquam vacuum domum occupet, quæ ei, Deo eam deferente, sit tradita. Et Propheta quidem, quia ex persona omnium loquebatur, ne a Deo tradatur, orat. Ceterum Apostolus habet jam id in se fiduciæ, ut peccatores diabolo tradat ipse: cum Corinthiis de eo, qui fornicationes omnes supergressus, uxorem patris sui acceperat, scribit: Ego autem absens corpore, præsens autem spiritu, jam judicavi tamquam præsens eum, qui hoc fecit, congregatis vobis & meo spiritu cum virtute Domini mei Jesu, tradere istiusmodi satanæ in interitum carnis, ut spiritus salvus fiat in die Domini. Sed licet Apostolus tradat; scit tamen se & in virtute Christi, & in suo spiritu traditurum. Sed & in alia epistola ait de Phygello & Hermogene: Quos tradidi, inquit, satanæ, ut discant non blasphemare. Qui enim ab Ecclesiæ corpore respuuntur, quæ Christi est corpus, tamquam peregrini & alieni a Dei corpore, dominatui diaboli traduntur.

6. Sed Propheta, ne nocentibus se tradatur, orat. Adsunt enim inimicæ infestæque virtutes, quæ fidei propositum conturbent, quæ timorem Dei obliterent, quæ in terrenas cupiditates & desideria sollicitent, quæ infirmam corporis naturam quibusdam blandimentorum aculeis in vitia commoveant. Novit & Apostolus hanc multitudinem dominantium virtutum dicens: In quibus & vos aliquando ambulastis, secundum principem potestatis aeris, spiritus, qui nunc operatur in filiis diffidentiae. Fecit ergo Propheta iudicium & iustitiam: &, ne tradatur nocentibus se, rogat: & hoc modo nocentibus, cum in peccatum impellunt, cum in gloriam inflant, cum in iram accendunt, cum in odium exacerbant, cum ad lasciviam illiciunt, cum ad avaritiam provocant. Sed cum per hæc nocere properent, obtinere tamen eos, qui

qui innocentes sunt, nisi sibi per secessionem Dei traditi fuerint, non valebunt.

7. Dehinc sequitur: *Excipe servum tuum in bonum: non calumnientur me superbi.* Proficit in spes suas Propheta, & celsiorem jam deprecationis suæ gradum scandit. Qui enim oraverat, ne traderetur nocentibus se, jam, ut in proprietatem servi excipiatur, rogat, beatum illum in se Dei dominatum cum bona susceptione sua deprecans. Et non ob levem causam, ut in bonum suscipiatur, orat, scilicet ne eum superbi calumnientur. Et qui sunt superbi? Nempe illi, quorum principem loquentem Esaias introducit ita; dixit enim: Virtute faciam, & sapientia intellectus auferam fines gentium, & virtutem eorum, & commovebo civitates inhabitabiles, & omnem orbem terræ apprehendam manu mea ut pullos, & tamquam confRACTA ova auferam. Hæc superbientis vox est, diaboli scilicet, qui & Deo ac Domino nostro Jesu Christo ostensa terrenorum imperiorum gloria dicere ausus est: Omnia hæc tibi dabo, si procidens adoraveris me. Non esse autem hunc solitarium, sed plures ei adesse spiritualium nequitiarum ministros, per eum docemur, qui ait: Discedite a me maledicti in ignem æternum, quem præparavit Pater meus diabolo & angelis ejus. Ab horum igitur superbiorum calumnia esse se liberum, rogat. Calumniantur enim; quia, cum ipsi peccati incentiva suppeditent, calumniam nobis ante Dominum peccati, quod per eos gesserimus, intentant. Causam namque peccati ad crimen injiciunt, & criminis invidiam per calumniam exacerbant: Scriptura in Apocalypsi calumniatorem eum esse testante.

8. Verum etiam nunc se extendit Propheta in celsiorem profectum, dicens: *Oculi mei defecerunt in salutare tuum, & in eloquium justitiæ tuæ.* Oculi deficiunt, cum intentus in aliquam expectationem visus laborat. Propheta itaque animæ suæ oculos in Dei

salutare defixit. Et de salutari quid intelligi oporteret, sæpe tractavimus, eum scilicet esse Jesum, qui salvum faciet populum suum a peccatis. Aliis igitur oculos suos in desideria secularia occupantibus, & in voluptates rerum præsentium tendentibus, Propheta in Dei salutare defixus est. Et ne corporales oculos ejus deficere sub hac contemplandi intentione existimarem; non solum in Dei salutare deficiunt, sed etiam in eloquium justitiæ.

9. Iusta itaque esse Dei eloquia confitetur. Scit esse quædam, quæ cum imperitis atque impiis injusti eloquii habeant opinionem: cum Pharaeo cor ad contumaciam obduratur, & pertinacia ei irreligiosæ voluntatis affigitur: cum ex duabus adhuc in utero gentibus minori major sit servitura, & neutra quidquam boni promerente, servitus uni impositur, dominatus alteri donatur; cum Adam de paradiso, ne arborem vitæ contingat, expellitur; quæ homines divinæ virtutis, & bonitatis, & justitiæ incapaces, dum intelligere non possunt, injusta esse constituunt. Sed Prophetæ hujus in istiusmodi eloquium justitiæ oculi deficiunt: quia sciat nihil injustum esse in his dictis Dei, sed omnia adventu salutaris Dei hæc eloquia & consummanda, & intelligenda esse justitiæ. Procedit autem per hanc intentam usque ad defectionem oculorum expectationem, ut aliquid ultra precari audeat.

10. Confessus itaque eloquium justitiæ, hæc subdidit: *Fac cum servo tuo secundum misericordiam tuam, & justificationes tuas doce me.* Insolens forte vox existimaretur, quæ diceret: *Fac cum servo tuo.* Quod enim dicitur: *Fac*; tamquam ex fiducia aliqua præsumptio est usurpata poscendi. Sed non impudenter id diceret, qui judicium & justitiam fecisset, qui se excipi in servum deprecatus esset, & cujus oculi in salutem Dei, & in eloquium justitiæ defecissent. Sed ne in his quidem Propheta insolens est. Non in eo ipso,

TRACTATUS IN XCVIII. PSALMUM. 581

ipso, quod dixit: *Fac*, adjecit, *cum servo tuo*. Et quia servitus nostra ad id ipsum, ut in servitutis fide maneat, misericordia Domini indiget; superaddidit: *Secundum misericordiam tuam*; quia miseratione ejus opus est, ut in hac servitutis nostræ professione maneamus. Imbecilla enim est per se ad aliquid obtinendum humana infirmitas: & hoc tantum naturæ suæ officium est, ut aggregare se in familiam Dei & velit, & coeperit. Divinæ misericordiæ est, ut volentes adjuvet, incipientes confirmet, adeuntes recipiat: ex nobis autem initium est, ut ille perficiat.

II. Sed quid tandem, ut faciat cum servo suo secundum misericordiam suam, postulat? Nempe ut justificationes suas doceat. Scit in justificationibus, quas Moyses constituere præceptus est, magnum nescio, quid & incomprehensibile humanæ intelligentiæ contineri. Scire optat, quis iste sit; ut frequenter diximus, coemtus hebræus puer, sex tantum annis serviturus. Legit hæc quidem: sed non statim, quod legitur, & intelligitur. Scire vult, quæ illa servitus sit, quæ septimi anni libertas, quod sit auris foramen ex subula, si liber esse nolit, quæ illa mulier Hebræi, quid illud, ut sine muliere egrediatur ipse: quid deinde secunda justificatio, quid tertia, quid sequentes habeant futurorum sacramentorum præformationis. Non est humani ingenii hæc consequi posse: cœlesti opus est magistro, & plurimis fidei nostræ meritis necessarium est, ut doceri ista mereamur.

12. Scire autem nos convenit, in omnibus Prophetæ verbis nihil humile esse, nihil commune cum ceteris, sed proprium vel ipsi sibi, vel sui similibus enuntiari: latet autem sub familiaribus verbis maxima conscientiæ & fidei professio, ut nunc in eo, quod sequitur, intelligimus. Ait enim: *Servus tuus sum ego: da mihi intellectum, ut sciam testimonia tua*. Nemo nostrum est, qui non vel in orationis suæ prece, vel

in communium sermonum consuetudine servum se Deum esse fateatur. Et quid magnum Propheta fecit, servum se profitendo, quod nullus ausus sit denegare? Sed professio ceterorum fallax est, quæ cum habeat conscientia necessitatem, non habet tamen confessionis veritatem. Proprium hoc Prophetae est, ut se servum Dei profiteatur, in omni vitae genere famulatu conditionis suae fungens, sive ambulans, sive residens, sive vigilans, sive dormiens, in cibo etiam, atque in jejuniis Deo aut esuriat, aut satur sit, & nullo in tempore a servitutis suae officiis absistat. Hic libere dicit: *Servus tuus sum ego*. At vero, qui stupris dormit, latrociniis vigilat, quæstibus peregrinatur, luxui requiescit, si dicat: *Servus tuus sum*, profitetur quidem, quod est, sed, quod est, non agit.

13. Propheta autem, quamvis conditionem officii sui etiam ipso famulatu suo confiteatur, tamen infirmitatis suae memor est; dari enim sibi intellectum, rogat. Est enim intellectus in quodam thesauro repositus spiritalium gratiarum: quem interdum diabolus sub falsæ opinionis errore imprudentium mentibus insinuat. Sed a Deo intelligentiam Propheta postulat, ne sibi inanis intelligentia subrepat, qualis gentium, qualis Judæorum, qualis hæreticorum est: & postulat ob id, ut testimonia Dei sciat, quæ sub testibus tradita sunt, quæ sub testibus neglecta & violata esse exprobrantur, quæ in adventu ejus, ob quem testandum dicta sunt, neglecta & fastidita esse vindicabuntur.

14. Ethorum quidem testimoniorum tempus non ignorat Propheta, dicens: *Tempus faciendi Domino: dissipaverunt legem tuam*. Lex populo sub testibus data est, quæ cum dissipata & abjecta a Judæis est, tum fuit tempus Domino ea, quæ continebantur lege, faciendi. Pollicitus enim in lege est, ut salutem gentibus daret, ut ipse sibi hominis corpus, qui secundum

TRACTATUS IN XCVIII. PSALMUM. 583

dum imaginem & similitudinem Dei est factus, assumeret, ut dissipata lege fidei gratiam donaret. Temporis hujus meminit per Esaiam prophetam dicens: Tempore accepto exaudiui te, & in die salutis auxiliatus sum tibi. Apostolus vero dicti hujus interpres hæc scribit: Ecce nunc tempus bene acceptabile, ecce dies salutis; id est, dissipata lege, tempus evangelicæ prædicationis advenit.

15. Sed illis legem dissipantibus, aliud opus Prophetæ est. Et quod sit, ex subjectis docemur. Ait enim: *Ideo dilexi mandata tua super aurum & topazion.* Quod ait: *Ideo*, ad id retulit, quod dixerat: *Tempus faciendi Domino*; quia sciret tempus faciendi Domino esse, cum legem dissipassent. Ideo autem mandata dilexit, quia in his tempus faciendi Domino contineretur. Lex enim omnis adventum Domini testata est, ipso dicente: Si crederetis Moyfi, crederetis utique & mihi; de me enim ille scripsit. Mandata igitur Dei ob id Prophetæ dilexit, quia in his adventum dominicæ corporationis intelligit. In eo autem, quod diligit, plus nescio, quid significat. Facere autem aliquid, minus est, quam diligere: quia plerumque id, quod agimus, necessitatis est; dilectio vero propriæ voluntatis affectio est.

16. Sed dilectio ea demum perfecta est, quæ maxima est, & quæ nulli comparatione similium eoquequatur. Diligit autem mandata Dei *super aurum & topazion.* Humanus error pretiosius nihil auro & gemmis opinatur: & hæc sunt, quæ hominum cupiditates dominatui pretii sui & honoris subdiderunt. Auro viris honestas pudicitia venalis est: per gemmas vero humani corporis præstantior, ut putant, species ad naturæ contumeliam expolitur. Et idcirco nihil habet sexus uterque pretiosius, dum viri posse omnia auro volunt, mulieres vero per gemmas fieri se existimant pulchriores. Præstat autem, ut ceteris me-

tallis aurum, ita & aliis lapidibus topazion. Est enim ipse rarissimus & speciosissimus omnium, & maximus. In Thebaidis vero loco, cui Alabastra nomen est, reperiri solet. Hunc etiam ferunt secularium gentium litteræ, in Topazo insula ab incolis ejus, id est, Troglodytis Arabis inventum, ad matrem regis Ægypti Ptolomæi, sub quo Scripturæ legis ex hebræo in græcum translatae sunt, munere fuisse delatum. Continet autem ipse in se solus ceterarum gemmarum optimarum pretiosissimarumque speciem, & in uno ille diversissimorum colorum permixtio continetur. Super hunc igitur topazion, & super aurum mandata Dei Propheta dilexit, non terrenis se, sed cœlestibus desideriiis significans detineri.

17. Contemta autem secularium opum cupiditate, omnem a se occasionem perversæ & pravæ voluntatis recidit. Diligens enim super aurum & topazion mandata Dei, dehinc ait: *Propter hoc ad omnia mandata tua dirigebar, omnem viam iniquam odio habui.* Non deflectitur, non detorquetur per terrenas cupiditates, sed ad omnia Dei mandata dirigitur: non occupant obvia. Vidit aurum, scivit hoc terræ limum esse: vidit gemmas, meminit esse aut montium, aut maris calculos: vidit illicem ad lasciviam vultum, scit tamquam avibus cœli ex his sibi laqueis evadendum. Resistit ergo coalitis sibi naturæ suæ vitiis, & omnem viam iniquitatis odit. Ideo itaque & ad mandata omnia dirigitur, quia ea super terrena desideria diligit: & dirigitur, ne particeps eorum fiat, quibus dicitur: *Natio prava & perversa.* Et omnem viam iniquitatis odit, ut sit in eo, qui est via: Domino scilicet nostro, qui est benedictus in secula seculorum. Amen.

L I T T E R A XVII.

D Phe.

Mirabilia testimonia tua, Domine: ideo dilexit te anima mea. Declaratio sermonum tuorum illuminat me, & intellectum dat parvulis. Os meum aperui, & attraxi spiritum, quia mandata tua concupiscebam. Aspice in me, & misereve mei secundum iudicium diligentium nomen tuum. Tressus meas dirige secundum eloquium tuum, & non domietur mei omnis iniustitia. Redime me a calumniis hominum: & custodiam mandata tua. Faciem tuam illumina super servum tuum, & doce me justificationes tuas. Exitus aquarum transierunt oculi mei: quia non custodierunt egem tuam.

Natura humani sensus ea est, ut ea mirabilia habeat, quæ ante compererit. Ex compertis enim iudicium admirationis existit. Ceterum nemo poterit ignorata mirari. Hæc idcirco antea commemorata sunt, ut diligentius dicti prophetici ratio quaereretur. Contra opinionem enim generalis sensus hæc elixisse existimatur: *Mirabilia testimonia tua, Domine: deo perscrutata est ea anima mea.* Nam cum prius secundum humanam consuetudinem oporteat perscrutari & reperire, & reperta mirari: huic testimonia Domini ante admirabilia sunt, & ob id perscrutatione sunt signa. Dicti autem hujus perfecti & pulcherrimi ratio est. Testimonia etenim Dei, id est, ea, quæ sub testibus scripta sunt, etiam si per observantiam legis humanam infirmitatem ad cognitionem & famulatum Dei imbuant; quippe ubi castitas, pietas, pudicitia, charitas, veritas, innocentia, frugalitas & religio mandatur, & per quasdam religionum consuetudines, hostiarumque diversitates divini honoris officium

ficiū præcipitur: in quibus cum admiratio magna sit, pro peccatis oblata hostia, & datum pro redemptione animæ munus, & agnus in sacramento paschæ occisus; tamen in his plus de futurorum spe atque doctrina admirationis continetur. Hæc itaque Propheta huic admirabilia sunt. Sed quia per præsentēs admirationes futurorum atque æternorum bonorum exemplaribus admirabilia sunt, perscrutatur ea. Non inquit tantummodo, in quo est rerum absconditarum diligens exquisitio; sed perscrutatur etiam, per adjunctionem scilicet diligentioris exquisitionis laborem suum in perscrutatione demonstrans. Neque tantummodo perscrutatur, sed perscrutatur ex anima, ad voluntatis officium animæ intentione sociata.

2. Sequitur deinde: *Declaratio sermonum tuorum illuminat, & intellectum dat parvulis.* Et hic quoque sermo forte videtur a naturæ nostræ consuetudine esse diversus. Cum enim ante intelligendum sit, & sic lumine intelligentiæ utendum; quia noctem ignorantiae intelligentiæ adeptæ lumen appellat: Propheta tamen dicit declarationem verborum Dei prius illuminare, & post illuminationem intelligentiam præstare. Sed quæ sint Dei verba, ante discendum est: & tunc illuminationis, ac postea intelligentiæ ratio præstanda est. Verba Dei sunt, quæcumque prophetæ locuti sunt. Cum enim Moyses verbis suis populo Hebræo legis observantiam nuntiaverit; tamen in libro ejusdem legis ita scriptum est: Et dixit Dominus ad Moysen, dic filiis Israel. Usus igitur est his legislator verbis, quibus ei ut uteretur præceptum est. Ergo verba Dei sunt, quæ per officium licet humani oris audita sunt. Sed & magnus ille Propheta ipso iudicio Domini nostri Jesu Christi bene locutus, cum dixisset: Audi cælum, & auribus percipe terra, ait: Quoniam Dominus locutus est; & post aliqua, quæ querelis maxi-

TRACTATUS IN XCVIII. PSALMUM. 587

maximis increpabantur, dixit: Os enim Domini locutum est hæc. Hæc ergo omnia Dei verba sunt.

3. Sed declaratio verborum maxime necessaria est. Sunt enim sub velamine opinionis alterius prædicata, sunt secundum Apostolum allegorumena, sunt comparativis significationibus amphibola. Testis est Dominus hæc eadem per Esaiam ita dicta esse Judæis infidelibus exprobrans & dicens: Auditū audietis, & non intelligetis. Signata enim omnia sunt, & per solam spiritalem doctrinam resignanda. Hæc enim ad Danielelem desideriorum virum dicta sunt: Vade Daniel, quia clausi sunt signatique sermones. Ait enim Esaias: Dabitur liber iste in manus hominis scientis litteras, & dicetur ei: Lege hæc; & respondebit: Non possum legere, signatum est enim.

4. Sed declaratio verborum mysticorum per Evangelia præstatur, ubi legis abscondita & occulta prophetica Domino in corpore manente panduntur, ex quibus primum fides discitur. Ibi enim ea, quæ a Prophetis dicta sunt, per eum rebus & operibus explentur. Cum virgo parit, cum Dominus verbum est, & Verbum caro fit, & habitat in nobis, cum muti loquuntur, cum surdi audiunt, cum claudi incedunt, cum leprosi emundantur, cum cæci vident, cum dæmoniacy curantur, cum mortui resurgunt: declaratio hæc verborum Dei nostræ hanc naturæ obscuritatem fidei luce illuminat. Nunc enim intelligimus resurrectionis gloriam, iudicii potestatem, æternitatis honorem. Et intelligimus hæc parvuli, vel ad innocentiam renati, vel per ignorationem imperiti. Hæc declaratio verborum Dei, & intelligentia parvulis præstita, cujus temporis ætatisque res esset, Dominus in Evangeliiis demonstrat, dicens: Confiteor tibi Domine Pater cæli & terræ, quia abscondisti hæc a sapientibus & intelligentibus, & revelasti ea parvulis. Ecce declarationis & illuminationis, & intelligentiæ tem-
pus.

pus. Abfconfa enim usque in hos dies declarantur & declarata illuminant, & illuminantia intelligentia parvulis subministrant; fiuntque per hanc intelligentiam sancti Spiritus jam capaces.

5. Denique id ipsum sequens sermo subiecit, cens: *Os meum aperui, & attraxi spiritum, quia non data tua concupiscebam.* Non de hoc utique humani corporis ore dixit, quod per labia concluditur ac patet. Nam spiritum officio narium magis, quam oris haurimus. Laboriosius autem aditu oris in animam transfunditur: absolutius vero per naturalem cursum simulatu atque officio narium com meat. Sed os scriptura non labiorum tantum, sed & cordis solita est nuncupare. Corde enim per fidem patente, & desiderium ad hauriendum hiant, intelligentia doctrinæ cœlestis accipitur. Non animæ hoc, sed cordis officium est. Apostolus enim ait: Animalis enim homo non percipit, quæ sunt Spiritus, stultitia enim est ei. Et idem doctor gentium ait: Lex enim non in tabulis lapideis scripta, sed in tabulis cordis carnalis est. Hoc ergo os suum Propheta pandens, attraxit Spiritum. Non enim ultro ingruit. Expetendus est, & trahendus est, & infantium modo tamquam lac in alveum hauriendum. Ideo autem Propheta os aperuit, quia meminerit sibi in psalmo altero dictum: Dilata os tuum, & adimplebo illud: & in lege scriptum scilicet: Describe hæc in latitudine cordis tui. Corde enim Dei prædicatio, non ore suscipitur. Et secundum evangelicam prædicationem, verbum Dei ex cornu malus abripit, quod ultra mel & favum in ore dei est. Ut enim per os in alimoniam corporis cibos sumimus, ita & per cor ad vivificandam animam eius doctrinæ cœlestis accipimus: quæ nisi amplificata patente corde adtractæ quodam modo fuerint, non edibunt.

TRACTATUS IN XCVIII. PSALMUM. 589

6. Sequitur deinde: *Aspice in me, & miserere mei secundum iudicium diligentium nomen tuum.* Ad id, quod dixerat: *Respice in me*, non addidit, *& miserere*. Scit enim Dominum etiam in ultionem impiorum pœnamque respicere. Respexit enim, ut scriptum est, super castra Ægyptiorum, & colligavit axes curruum eorum. Et rursus: Respexit Dominus super Sodomam & Gomorrhæam. Respicit verò non solum ad pœnam, sed etiam ad terrorem, cum dicitur: *Aspicias in terram, & facies eam tremere*. Propheta ergo non solitarium hoc orat, ut in se Deus respiciat, sed cum miseratione respiciat: neque cum miseratione tantum, sed secundum iudicium diligentium nomen ejus.

7. Est quidem ex bonitate Dei misericordia; sed promerenda est hæc a nobis studio innocentiae: ut in nos respiciat, qualiter respexit in Abraham, qualiter in Isaac, qualiter in Jacob, qualiter in Joseph, qualiter in Job, qualiter in Moysen. Scit enim ad hæc misericordiae suæ opera Deum solere respicere, cum dicitur: Dominus de cœlo respexit in terram, ut audiret gemitum vinculatorum, & solveret filios interemptorum; & rursus: Respexit super filios pauperum, & non sprevit deprecationem eorum. Secundum ergo hoc iudicium timentium Dominum orat, ut Deus super se respiciat & misereatur: ut si jejunantem videt, si miserantem contuetur, si pium ac religiosum in omni opere conspicit, tunc secundum iudicium eorum, qui diligunt nomen suum, ipse quoque Dei miseratione sit dignus.

8. Dehinc sequitur: *Gressus meos dirige secundum eloquium tuum, ac ne dominetur mei omnis injustitia.* Incedit quidem Propheta ex voluntate sua justitiæ gressibus: sed scit undique sibi injustitiæ dominationes imminere. Superius oraverat, ut in se Deus respiceret ac misereretur secundum eos, qui diligunt nomen suum.

suum. Misericordiæ autem, quam orat, hunc fructum esse sentit, ut gressus sui dirigantur, non secundum seculi vias, non secundum humanam gloriam, non secundum corporis voluptates, sed secundum eloquium Dei. Si nihil impedimenti usquam occurreret, si adversantes sibi non undique adessent, suis ipse viribus in ea, quæ agere vellet, confirmaretur. Sed ubi insidiæ sunt, ubi bellum est, opus est potioris auxilio, ne in se dominetur omnis injustitia.

9. Non ut a se absit, sed ne dominetur sui, orat. Scit per tentationes ad gloriam perveniri. Meminit Abraham & peregrinationis injuria, & amittendæ uxoris metu, & per immolandi filii dolorem fuisse tentatum. Scit Job omni tentationum esse militia perfunctum. Recolit Joseph, cum a fratribus venditur, cum a domini sui conjuge ad adulterium compellitur, cum carcere pænæ reservatur, gloriam maximæ fidei per hæc injustitiæ tentamenta meruisse. Dominationem injustitiæ Propheta metuit: tentationem vero ejus non recusat. Dirigendos autem esse a Domino gressus suos secundum eloquia sua meminit: ne iniquitas, quæ tentatura sit, potestatem possit habere dominandi.

10. Post quæ id consequitur: *Redime me a calumniis hominum, ut custodiam præcepta tua.* Humana tentatio gravis non est, Apostolo dicente: Tentatio autem non apprehendat vos, nisi humana: sed calumnia gravis est. Calumnia autem ea est, vel cum bono operi facinoris mali nomen adscribitur, vel cum specie blandiente internæ malitiæ virus occulitur. Neque enim ejus directæ malevolentiae opus est, sed fallax, & subdolum, & sub specie bonæ voluntatis malitiæ operatione defæviens. Et difficile est cavere: talibus, qui sub nomine fratrum inimici sunt, sub nomine amicorum hostes sunt, sub filiorum specie paricidæ sunt, sub specie unanimitalis conjugum inevitabile malum sunt. Abel justum Cain scelestus per
fami-

miliaritatem fratris occidit. Noe Deo probatum ham filius ejus irrisit. Esau Jacob exulem esse a paterna domo fecit. Validissimum præliatorem diaboli ob sola uxor ejus tentavit inflectere. Hunc ipsum nectum prophetam, quæ calumniæ hominum fefellerint? Quotiens Sauli proditus est? Quotiens quibus locis ageret, nuntiatus est? Ubique ei calumnianum insidiæ adfuerunt.

11. Novit hæc Dominus domesticæ calumniæ scandala gravissimum solere fidei excidium afferre, dicens: Quod si oculus tuus dexter scandalizat te, & pes dexter, aut manus scandalizat te; erue & abinde abs te. Non de membris corporum hæc locus est, cum scandala nec pes, nec manus possit afferre; sed de conjunctissimis nobis, ac maxime necessariis membris, quia omnes unum corpus sumus in Christo, hæc jubet: ne domesticis calumniis ac scandalis penes nos manentibus aliqua nobis vitiorum laes adherat. Ergo Propheta, si ab his redemptus est, custoditurum se præcepta Dei pollicetur: quia hæc domesticorum omnium calumniæ impedimentum dei frequenter afferrent.

12. Dehinc sequitur: *Faciem tuam illumina super vultum tuum, & doce me justificationes tuas.* Vultus Domini quidem est super facientes mala, ut expugnet de terra memoriam eorum: sed sicut Deus respicit ad peccatum, respicit & ad misericordiam; ita & vultum suum in utrumque despectit. Sed hanc faciem Domini ad illuminationem suam Propheta orat: Ex majestate enim vultu videntis nos Dei lumen accipimus, & despectus in nos misericordiæ suæ vultus ad gratiam spiritalis virtutis irradiat. Vel certe cum judicii die adest, cum visibilis nobis in gloria paternæ majestatis listet, tunc nos faciei suæ lumine illuminabit. Ut nim quædam metalla atque gemmæ naturæ suæ splendorem in ea, quæ sibi proxima sunt, refundunt, & æmu-

emulantem speciem ex vicina sui specie præstant; ut Moyſes ex contemplatione gloriæ Dei lumen accepit, ita ut honorem gloriæ ſuæ contemplari populus non poſſet: ſic & Propheta ſervum ſe Dei conſtens illuminari precatur, & conformis ſecundum Apſtolum effici gloriæ Dei, & juſtificationes Dei docet ut a ſe non ex parte, neque per legis umbram, ſed facie ad faciem, & ſpirituali contemplatione cernatur.

13. Dehinc ſequitur: *Exitus aquarum tranſierunt oculi mei, quia non cuſtodierunt legem tuam.* Conſideratio peccatorum veterum, ut hiſtoria ipſa docetur, non toto corde ſe ad Deum direxit, tamen quia & peccati ſui dolorem pſalmo anteriore & ipſe jam ſentivit, tunc cum Nathan propheta arguente crimine ſuo recognovit & flevit: nunc quoque non deſinit veræ pœnitentiæ lachrymis facti veteris crimen abluere: dicens: *Exitus aquarum tranſierunt oculi mei;* ſcilicet lachrymarum ſuarum, fontes fluminum & transgreſſos. Hæc enim pœnitentiæ vox eſt, lachrymis orare, lachrymis ingemifcere: & per hanc confidenciam dicere: Lavabo per ſingulas noctes lectulum meum, lachrymis meis ſtratum meum rigabo. Huiusmodi veniam peccati eſt, fonte fletuum flere, & largi lachrymarum imbre madefieri. Sed ſervavit cum ratione temporis, & fidei jam immobilis firmitatis, de quo quoque ſui temperatiſſimi modum. De præterito enim dixit: *Quia non ſervaverunt legem tuam.* Confefſio quidem criminis ſemper in tempore eſt; quia oportet peccati pœnitentiam non deſinere: finis autem peccati anterioris eſt temporis: quia vera peccati confefſio eſt, ſine intermiſſione temporis pœnitere; peccati vero pœnitentia eſt, ab eo, quod pœnitendum intermiſſeris, deſtitiffe. Atque ob id Propheta nec præteriti peccatum deſinit, & peccatum ex præterito confitetur.

L I T T E R A XVIII.

Y Zade.

*Iustus es, Domine, & rectum iudicium tuum. Mandasti
iustitiam testimonia tua, & veritatem tuam nimis. Fa-
fecit me zelus domus tua: quia obliti sunt verba tua ini-
ci mei. Ignitum eloquium tuum vehementer: & servus
meus dilexit illud. Adolescentior sum ego & contemptus: ju-
stificationes tuas non sum oblitus. Iustitia tua iustitia in
eternum, & lex tua veritas. Tribulatio & angustia in-
veniant me: mandata autem tua meditatio mea est. Aequitas
testimonia tua in aeternum: intellectum da mihi & vivam.*

Indefessa & perseveranti fide necessarium est, ut
immobilis in nobis & inconcussa confessio sit;
vel aliqua temporum injuria, aut persecutionum
dolore commoti, devotionis studium relaxemus: sed
quando morbi vexabunt, passiones & cruciatus cor-
porum deservient, damna defatigabunt, luctus & or-
tates affligent; semper utamur hac, qua nunc Pro-
pheta usus est voce, dicens: *Iustus es, Domine, &
rectum iudicium tuum. Mandasti iustitiam testimonia tua,
veritatem tuam valde.* Meminerimus enim primum
omnium, qui universorum Dominus est, justum esse, &
iudicia ejus recta esse. Cur enim in suos iniquus sit?
Cur in eos, quos ipse genuit, injustus sit? Bonitatis
æ immensitas non sinit istud de eo existimari. Ge-
nit nos non ad injuriam, genuit non ad originis no-
tæ naturæ dolorem: si quid est, quod patimur, ex
iudicio bonitatis suæ accidit. VINCIT diabolum pa-
tientia nostræ virtutibus delectatur, & probari nos
r luctus & dolores, & damna desiderat: ut nihil in
vobis suos seculi potestas sibi esse juris & dominatio-
is intelligat. Quæcumque jussit, justa, & testata,
S. Hilarii Tom. II. P p &

& vera sunt cum augmento adjectionis; *valde enim vera sunt.*

2. Et quia rarum est horum observantem esse; & difficile est inconcussam fidem inter has seculi procellas, & inter hæc humanorum vitiorum naufragia dirigere; quia si quid adversi accidit, prona in Deum querela est. Deum enim inter damna sua avarus accusat. Deo cum invidia fletuum suorum orbatus irascitur. Deo injustitiam, qui ad confessionis gloriam persecutionibus probatur, exprobrat. Universorum stultissima hæc querela est, cum injustitiæ Deum per impatientiam impii doloris accusant. Et idcirco Propheta subjecit, dicens: *Tabescere me fecit zelus tuus; quia obliti sunt verborum tuorum inimici mei.* Dei zelo ad omnia vitia nostra & crimina examinatur Propheta. Habet hanc etiam natura humana consuetudinem, ut si quando eorum, quos diligimus, voluntati adversari aliquos viderimus, zelo ejus, cui non paretur, utamur. Quantus autem nobis dolor est, cum unum ex Dei populo effici videmus seculi ministrum, & operarium diaboli, & vas mortis, & materiam gehennæ? Zelo ergo Dei irascitur, quisquis Christianum jejuniis die luxuriantem conviviis viderit. Zelo Dei irascitur, qui insolentem in fratres ministrosque conspexerit. Zelo Dei irascitur, quisquis diversari in stupris sanctificatum jam in Christo corpus arguerit.

3. Zeli hujus & Apostolos meminisse accepimus, cum Dominus templum ingressus, flagello ex funibus omnes vendentes & ementes ejecit: & ejus zeli, de quo scriptum est: *Zelus domus tuæ comedit me.* Efficiamus enim nos interdum templum Dei, aut domum negotiationis, aut speluncam latronum. Templum enim Dei, secundum Apostolum, corpora sunt, quæ in Christo sanctificata sunt. Et hæc eadem corpora, cum cogitamus atque agimus stupra, cædes, furta, falsitates, rapinas, speluncam latronum constituimus

cum

am autem seculi negotiis, & negotiationum commerciis laboramus, tunc domum Dei domum negotiationis efficimus: ut quæ orationis sedes esse debebat, fiat el latibulum latrocinantium, vel domus negotiationum. Hoc ergo zelo Dominus, ut istiusmodi homines de templo ejiciat, commovetur. Usi sunt & hoc lo probabiles, & accepti Deo viri. Nam & Phinees o hunc zelum meruit iudicium pacis æternæ. Cum nim fornicati essent filii Israel, & Dei zelo incitatus pœnam eorum fuisset; tunc ait Dominus: Phinees ius Eleazar filii Aaron sacerdotis sedavit furorem eum a filiis Israel, in eo, quod requievit ab animatione anima mea: quia zelavit zelum meum. Sanctus e & in cœlestem habitationem raptus in corpore Elias opheta ait: Zelans zelavi, quia dereliquerunt te filii Israel, & prophetas tuos occiderunt: & ego derelictus sum solus.

4. Tenet itaque & hunc Prophetam zelus iste, det enim irreligiosas damni querelas, impios luctuum tus, profanam legis Dei oblivionem: & idcirco hæc entes, inimici ejus sunt. Nullum enim religiosis is cum talibus esse jus amicitiae potest, quando denandi detestandique sint odio irreligiosorum. Nam psum psalmo altero docetur, cum dicitur: Odiente, Domine, odivi, & super inimicos tuos tabebam: perfecto odio oderam illos. Abrahæ quoque, minus dixit: Qui te maledixerit, maledictus erit, inimicus ero inimicis tuis, & adversantibus tibi adversabor. Si Abrahæ inimici: Deo inimici sunt; quonobis esse oportet, quos Deo videmus inimicos?

5. Causam deinde affert, cur eos oderit, qui verum Dei fuerint oblii: non enim sunt inania, non rena, non levia. Ait enim: *Ignitum eloquium tuum de: & servus tuus dilexit illud.* Non explicat proetatem verbi hujus latina translatio. Quod enim discum *ignitum*, id græce *πῦρ ὡς μὲν* scribitur.

Πετροποιμενον autem id significat, quod tamquam conflatum igne purgatum sit. Quæcumque metalla igne conflantur, sordem in se alienam atque inutilem non continent; totum, quidquid in his residet, verum & perfectum, & omni vitiorum contagione purgatum est: ut eloquium Dei est, æternorum in se bonorum continens fidem. Hinc illud est, quod in Evangelio Dominus ait: Jota unum, aut apex non præteribit ex lege, donec hæc omnia fiant. Vera enim omnia sunt, & neque otiose, neque inutiliter constituta Dei verba; sed extra omnem ambiguitatem superflue inanitis ignita: & ignita vehementer, ne quid illic esse, quod non perfectum ac proprium sit, existimetur. Hæc itaque diligit servus ejus. Non solum hæc agit, sed etiam diligit: quia operationi obedientiæ præstat dilectionis operatio. Obedientia enim sola plerumque terroris est: ceterum dilectio non nisi ex devota mentis voluntate proficiscitur.

6. Dehinc ait: *Adolescentior sum ego, & contemptur justificationes tuas non sum oblitus.* Ex persona quidem sua Propheta hæc loquitur; sed competunt, & nostri temporis populo: & quatenus id David de se dixisse credatur, absolute ostenditur. Samuel enim propheta venire ad Jesse domum a Deo jussus est, ut unum e Filiis ejus in regem ungeret. Quo cum venisset, adesse omnes filios Jesse jubet. Videt deinde natu majorem, specie pulchrum, habitu & proceritate eminentem: sed responso ita monetur: Ne inspexeris in pulchritudinem ejus ac magnitudinem, quia non ita videt homo ut Deus. Homo enim in facie videt: Deus autem in corde. Adest & secundus, adest & tertius, adsunt & omnes, quos tunc Jesse præsentibus habebat: sed nullus de præsentibus extitit, qui placeret. Verum quia propheta Samuel non mendacem sciret eum, qui se adesse jussisset, & ex iis, qui præsentibus erant, intelligeret nullum a Deo esse electum, Jesse

TRACTATUS IN XCVIII. PSALMUM. 597

esse ait. Numquid est tibi adhuc filius? Qui respondit: Est mihi modicus, quem dereliqui in pastorali. Sic ergo electus a Spiritu sancto, & unctus in regem st: & ex juniore atque contempto, gloriam & prophetæ, & regis accepit.

7. Ad populum vero, qui & junior est, & ante contemptus est, hæc ita pertinent. Erat enim in vitiis seculi, erat in ignorantie nocte, erat in agresti ac rustica, & ruinosa terreni corporis domo. Sed hic justificationum Dei non obliviscitur, hic reprobato populo seniore junior in hæreditatem familiæ eligitur. mit enim Jacob primogenita Esau, quæ sibi ille tamquam moriturus inutilia existimavit. Scit has populus junior nativitatis suæ primitias æternas nec morte incipi posse. Has igitur non obliviscitur, quas senior & desperavit, & vendidit.

8. Denique id ipsum sequenti versu docet: *Justitia tua in æternum, O lex tua veritas.* Has justitias non cogitavit populus ex Ægypto progressus, cui mare aruit, cui columna nubis de die, nocte autem columna ignis famulata est, cui manna matutinum cœlum subministravit, cui viginti septem regna cesserunt, cui Jordanis stetit aridus, cui muri Jericho ad sonum exercitus, & arcæ testamenti circuitum conciderunt. Has Dei justitias scit populus, qui est junior, æternas. Has, quia æternas sciret, emit fide: has, quia perituum se crederet senior, vendidit infidelitate. populo enim juniore lex veritas est. Nam vere nunc eo circumcisio cordis per Jesum iteratur ad vitam, vere per mare hujus seculi transit in promissam sibi terram, vere cœleste manna sumit æternus, vere in Jordanis lætatur renatus, vere pascha Agni sanguine mundandus immolat, vere in azymis sinceritatis epulatur, fermentoque antiquæ malitiæ purgatur: jam non est ei umbra, sed veritas est.

9. Scit autem ob hanc veritatis confessionem multis se persecutionibus hic junior populus urgeri. Hinc enim sunt in toto orbe terrarum beata fidelium confessorum & sancta martyria. Hinc plures patrimonibus exspoliati, exiliis dispersi, vincti, caesi, usti, necati: sed fidei semper mandatorum meditatione omnia, quaecumque ingruerunt, confirmatae fidei virtute vicerunt. Et ideo ait: *Tribulatio & angustia invenerunt me: mandata autem tua meditatio mea est.* Urgeant licet pugnae, intententur exilia, proscriptiones adhibeantur, mortes non dico inferantur, sed cum poenarum ingenia innoventur: vox tamen ea esse semper fidelis viri debet: *Tribulatio & angustia invenerunt me: mandata autem tua meditatio mea est.* Non vi occupante, non oblivione temporis subrepente, meditationem a nobis mandatorum Dei abesse convenit.

10. Dehinc ait: *Æquitas testimonia tua in æternum intellectum da mihi eorum, & vivificer.* Non contentus est Dei testimonia in præsens tantum æqua & existimare, & expectare: æquitatem eorum in æternum sperat, & per superiores tribulationes & angustias continere ea, quæ æterna sunt, nititur. Nihil æternum esse dives ille evangelicus existimans, beatitudinem præsentem suam poenali morte mutavit. Æterna tem Dei testimonia Lazarus pauper expectans, Abrahæ sinu continetur, & miseriam vitæ laboribus beatæ quietis honore demutat. Horum intelligentiam Propheta orat, donum scilicet inter multa doctrinæ præcipuum spiritualium gratiarum: & per eam se vivificari deprecatur. Sicut enim nunc in præsens testimonia Dei & mandata meditatur; ita expectat æterna, & sicut vivit corporis vita, ita & per intellectum, quem a Deo acceperit, ut æterna gloria vivat, ex postulat.

L I T T E R A XIX.

P Koph.

Clamavi in toto corde, exaudi me Domine; justificationes tuas requiram. Clamavi ad te, saluum me fac: & custodiam mandata tua. Præveni in maturitate, & clamavi: in verba tua speravi. Et prævenerunt oculi mei diluculo, ut meditarer eloquia tua. Vocem meam exaudi Domine secundum multam misericordiam tuam: secundum iudicium tuum vivifica me. Appropiaverunt persequentes me iniquitati: a lege autem tua longe facti sunt. Prope es Domine, & omnia mandata tua veritas. Ab initiis cognovi de testimoniis tuis: quia in æternum fundasti ea.

I. Inter multa evangelicæ doctrinæ præcepta, silentium a nobis orandi Dominus exegit: ut taciti & ex secreto cordis precaremur, neque in eo vocis potius esset officium, quam mentis: Deo orationis nostræ secreta, quia secretorum inspector est, audiente. Ergo contrarium evangelicis institutis videtur hoc, quod ait Propheta, dicens: *Clamavi in toto corde meo, exaudi me Domine; justificationes tuas requiram?* Sed scit Propheta clamorem potius cordis oportere esse, non vocis: & idcirco de corde clamat. Non hic elatæ vocis sonus est, neque corporalis auditio, sed clamor fidei, clamor mentis: usque ad thronum Dei, non nisu vocis, sed fidei spiritu efferendus. Ille enim ad Deum toto corde clamat, qui magna postulat, qui cœlestia precatur, qui æterna sperat, qui innocentis timoris vivit officiis.

2. Sic & in hujus mundi exordio justus Abel etiam peremptus magna loquitur & clamat. Scriptum est enim: Vox sanguinis fratris tui clamat ad me. Non humilis sanctorum querela est, nec depressa fidelium

oratio est. Altum est, quod postulat, excelsum est, quod exspectat, clamore personum est, quod precatur. Urgebat Pharaon infestis Dei populum agminibus, mare rubrum fugæ obsistebat, conclusus undique Israel jam ad mortem videbatur, hoste proximo, mari obvio. Inter hæc nullam Moyse ad Deum vocem fuisse Scriptura testatur: stabat mœstus, stabat tacens; sed secreto cordis sui personans, & orationis suæ fide clamans. Vox enim istud divina testatur, dicens: Dixit autem Dominus ad Moysen: Quid proclamas ad me? Silebat ille; sed oratio fidei ejus clamor ad Deum erat. Novit & Apostolus hunc in viris fidelibus spiritus esse clamorem, cum dicit: Spiritus enim in cordibus nostris clamat: Abba pater. Penetrat hic silentii clamor usque ad aures Dei; sed aures non clamorem, sed fidem audientes; fidem, quæ non terrenas opes poscat, non gloriam inanem caducamque desideret, non, quæ moritura corporis gaudia precetur. Exiguus quidem epistolas suas Apostolus litteris scribit, & communis hæc ei elementorum atque apicum forma est: sed novit has ingentes esse litteras suas, dicens: Ecce qualibus vobis litteris scripsi mea manu: magnitudinem sensuum, & præceptorum utilitatem litteris talibus comprehendens. Clamat igitur Propheta ex toto corde. Et quia ex corde clamat, ut audiatur, orat: & auditus hæc postulat, ut justificationes Dei exquirat. Scit has esse occultas & latentes, & umbra legis obductas. Has optat inquirere, ad quas multis opus sit, magnisque rebus, clamore cordis, exauditionis merito, inquisitionis officio.

3. Sed qui clamavit, ut audiretur, & inquireret justificationes Dei, nunc clamat, ut salvus fiat, & custodiat testimonia Dei. Quantæ autem modestiæ ordinem tenuit? Non statim clamorem suum sperare ausus est proficere in salutem. Prius fuit, ut auditione

TRACTATUS IN ·XCVIII. PSALMUM. 601

tione dignus esset, prius fuit, ut justificationes inquireret. Merenda fuit auditio, adhibenda inquisitio: & salus post ista speranda. Nos vero salutem tamquam debitum postulamus: & veluti Deo sit hanc eandem præstare necesse, primis ab eo precibus oramus. Atque utinam cordis clamore loqueremur. Labia tantum nostra, sensu peregrinante, quod nesciunt, murmurant: & officium corporis mens in res alias occupata non sequitur. Propheta vero, cum post tot præcedentes antea preces, ut salvus esset, orasset, salutis ipsius stipendium docet, dicens: *Et custodiam mandata tua.* Hæc fidei nostræ militia est, custodire mandata, & veluti secreto fidelissimo hunc thesaurum depositi & commendati nobis præcepti reservare.

4. Qui vero clamavit, & testimonia Dei, id est, sub testibus cælo ac terra, & angelis scripta custoditurum se professus est, addidit adhuc & meritum obtinendæ salutis, dicens: *Præveni in maturitate, & clamavi, & in verba tua semper speravi.* Non expectavit infirmam ad vitia senectutem, neque defervescentibus longo usu luxuriæ æstibus frigidæ ætatis tempus elegit: sed maturitatem omnem fide & religione prævenit, vincens per continentiam juventutem, & comprimens lascivientes annos, senectutis maturitatem modestæ & castæ adolescentiæ tranquillitate præveniens. Et Prophetæ clamor est, sperantis in Dei verba; non aliquando, sed *semper*. Finis enim nullus est spei nostræ: sed in cœlestes res semper extenditur, & in æterna Dei promissa procedit. Nullum tempus vacuum habet, nullum otiosum.

5. Denique id sequitur: *Et prævenierunt oculi mei diluculo, ut meditarer eloquia tua.* Qui in maturitate clamore prævenerat, nunc ipsos dies meditationibus prævenit. Vigilat ille diluculo, non expectat, ut gravatos somno oculos lux infusa proturbet. Vigilat ille, & ipsum redeuntem lucis ortum orationibus

operitur: nunc prophetarum dictis occupatus, nunc psalmorum hymnis intentus, nunc patriarcharum & sanctorum gestis negotiosus, omni eloquium Dei tempore & assiduitate meditatus.

6. Dehinc sequitur: *Vocem meam exaudi secundum misericordiam tuam Domine: secundum iudicium tuum vivifica me.* Discamus modestiam ex dictis Prophetæ tot superioribus, clamore cordis, justificationum inquisitione, custodia testimoniorum Dei, & continentia juventutis, & antelucanæ meditationis vigiliis: & per hæc omnem in misericordia Dei spem reponens, postremo audiri vocem suam secundum misericordiam rogat: & misericordiam secundum iudicium Dei postulat. Nos si semel jejunamus, satis fecisse nos arbitramur: si aliquid ex copia domesticarum facultatum inopi damus, implevisse nos justitiam credimus: jejunantes, ut aut placeamus hominibus, aut corpora cibis fessa relevemus, & inter ipsa jejunia, stupra, injurias, odia cogitantes; donantes autem exiguum, nescio quid, dum pulsantem fores nostras inopem non sustinemus, aut dum bonitatis famam inani & otiosa hominum opinione sectamur: & deberi nobis, ut audiamur, existimamus. Sed totum a Deo Prophetæ sperat, totum ex misericordia ejus expectat. In operibus quidem bonitatis totius ipse perfectus est: sed satis esse hoc sibi non putat ad salutem, nisi secundum miserationes Dei, & iudicia misericordiam consequatur.

7. Numquam autem otiosus est, numquam non infestantes infestantesque proximi sunt: *vita ejus omnis secundum Scripturæ fidem in insidiis fuit.* Sed & quisquis nunc placere Deo vult, displiceat impiis necesse est. Et idcirco ait: *Appropiaverunt persequentes me iniquitati; a lege autem tua longe facti sunt.* Hæc quidem de se, cujus infestata fuit undique vita, dixisse creditur. Sed qui in psalmo hoc humanæ doctrinæ ordinem tenet, ad eruditionem nostram omnia temperavit:

TRACTATUS IN XCVIII. PSALMUM. 603

vit: ut cognosceremus eos, qui proximi injuriæ fide-
lium fierent, a Dei lege longe abesse. Quanta enim
fit in sanctos injuriæ accessio, tanta fit ex Dei lege
decessio. Cavendum autem est, ne quando nos ad-
versum fratres ira commoveat, ne quando invidia sti-
mulet, ne quando æmulatio irritet: ut aliquid in eos
irreligiosum aut fastidiosum agamus, quorum injuriæ
cum assistimus, tum a Dei lege desistimus.

8. Dehinc sequitur: *Prope es, Domine, & omnia
mandata tua veritas.* Alio in loco legimus: Deus ap-
propians ego sum, & non Deus de longe, dicit Do-
minus. Non corporalibus locis Deus continetur,
neque finibus, aut spatiis divinæ virtutis immensitas
coartatur. Adest ubique, & totus ubicumque est:
non pro parte usquam est, sed in omnibus omnis est.
Beatus Apostolus Atheniensibus philosophiæ inanitate
ridiculis pro concione respondens ait: Non longe a
nobis manentem quærimus Deum: in ipso enim vivi-
mus, & movemur, & sumus. Et Spiritus Dei, se-
cundum Prophetam, replevit orbem terrarum. Et
rursum: Nonne cælum & terram ego impleo, dicit
Dominus? Nihil a Deo vacat, nihil indiget. Ubi-
que est, modo animæ corporalis, quæ in membris
omnibus diffusa, singulis quibusque partibus non ab-
est. Etiam si privata quædam ei, & regia in toto cor-
pore sedes est; tamen in medullis, digitis, artubus
infunditur. Jam si corruptis aliquibus corporis mem-
bris recisione erit necesse, cum usum suum eadem
membra vitiis emortua non habebunt: id quod putre
caducæ carnis est, sine detrimento animæ recidetur.
Ipsa enim corporis nostri anima sanis & integris ad-
mixta membris est: & cum eadem fuerint & putria,
& recidenda, non sequitur.

9. Hæc quidem superflue divinæ naturæ ad com-
parationem similitudinis conferuntur: quia incompa-
rabile est, quidquid æternum est, nec recipit confi-
gurata

num rerum intellectus ex contemplatione co-
rerum naturisque sectatur. Solem videmus
cœli parte, prout ei cursus est, demoranten
ubique protenditur, ubique adest, & quod
omnia est, ita ubicumque tantus infunditur
in clausas domorum fenestras incidet, lumen
illius præsto est, sed ipsa sibi lucem ejus,
rata sunt, denegabunt.

10. In omnibus igitur vitæ nostræ op-
cumspecti, & ad Deum patentes esse debemus
ut liberis & per innocentiam patulis cordibus
lumen suum dignetur infundere: deinde uti
vinitatis suæ sinu agere credamus, neque ei
cum irascimur, cum cædimus, cum contum-
cum maledicimus, cum inebriamur, cum lib-
cum divina & humana negligimus, majore
lia ejus, intra quem hæc agimus, peccante.

11. Sed ad id etiam illud accedit, quia
sua veritas est. Nihil illic anceps, nihil du-
tum veritatis absolute perfectione perfectum est: quod
jore periculo negliguntur, quo magis veri-
cepta sunt constituta.

12. Quatenus autem id Propheta co-
subiecit dicens: *In initiis cononni de testimoniis*

TRACTATUS IN XCVIII. PSALMUM. 605

nem didicerit, qui maledictionem serpentis audierit, qui clausum vitæ lignum Cherubim flammeo gladio, & convertibili legerit, qui occisi Abel clamantem sanguinem scierit, qui pœnæ & in Cain, & in Lamech numerum reputet, qui translatum Enoch, qui reservatum Noe, qui benedictionem Sem & Japhet, & maledictionem Cham scrutatus sit, qui Melchisedech sacerdotem, qui Abraham electum: Isaac promissum: Jacob prælatum, Joseph venditum, sanctificatum Judam, Moysen nutritum, eruditum, & post ingentia latæ legis sacramenta in verbo Dei mortuum, & Jesum divisorem promissæ terræ, & auctorem iteratæ circumcisionis intelliget: profecto uti Prophetæ voce poterit: *In principio cognovi de testimoniis tuis; quia in æternum fundasti ea.* In omnium enim superius memoratorum virorum vita atque gestis æternorum bonorum spes continetur: & per eos ad doctrinam evangelicæ prædicationis imbuimur. Sed quæ fundata sunt, in ædificationem futuræ domus præparantur. Ædificamur enim secundum beatum Paulum super fundamentum Prophetarum & Apostolorum, in quibus testimonia Dei fundata sunt in æternum, ubi exstruetur cœlestis illa & regia civitas sancta Jerusalem: quæ domus Angelorum frequentantium, & electorum primitivorum est, cujus fundamenta sunt vivi lapides pretiosæque gemmæ in Christo viventes, resurgentes, regnantes, qui est benedictus in secula seculorum. Amen.

L I T T E R A XX.

7 Resch.

Vide humilitatem meam, & eripe me: quia legem tuam non sum oblitus. Judica judicium meum, & redime me:

In hac igitur iudicii sui securitate Propheta tempus redemptionis exspectans, redimi se, & propter eloquia Dei vivificari precatur. Venumdati enim sub peccato, redemptione & justificatione in sanguine Domini liberabimur. Hoc legislatio, hoc omnis spiritus prophetiæ, hoc patriarcharum spes, hoc Angelorum voces, hoc toto seculi tempore divini eloquii sermo testatus est; ob quod redimi ac vivificari se deprecatur.

5. Sed hæc eadem eloquia Dei, ut piis spebus vitam redemptionemque denuntiant, ita impiis non relinquunt. Nam expectationem Prophetæ hæc de peccatoribus mox sequuntur: *Longe est a peccatoribus salus; quoniam justificationes tuas non exquisierunt.* Non habet veniam ignoratio voluntatis: quia sub scientiæ facultate nescire, repudiata magis, quam non reperta scientiæ est reatus. Ob id enim longe a peccatoribus salus est, quia non exquisierunt justificationes Dei: cum non utique ob aliud consignatæ litteris maneant, quam ut ad universorum scientiam notionemque defluerent. Sed sciens Propheta, cum a peccatoribus non exquirentibus justificationes Dei salus longe sit, juxta tamen Dominum esse his, qui recto sunt corde; secundum etiam illud Apostoli: Vos, qui eratis longe, facti estis prope: ne & ipse, & ab ipso salus longe sit, cognitionem justificationum Dei & petit.

6. Non ignorat, quantum in his sacramentum nostræ salutis expressum sit per quasdam præfigurationum æternarum in rebus præsentibus notiones; in Hebræo scilicet sex tantum annis serviente, & post hoc idem sexennii tempus, & terra omni in otium relinquenda, & fructibus ejus etiam bestiis deputandis; in Jubilei quoque anni, id est, quinquagesimi lege, per quam & laxatis pactionibus debitorum, & agris omnibus ad dominorum, si qui forte venissent, jura redeuntibus, nova & cœlestis rerum omnium & remis.

missio, & reformatio prænuntiatur. Et quia ab his, qui non ista exquisierint, salus longe est; totus exquirendis his Propheta detentus, & divinæ atque æternæ misericordiæ justificationes in speculo contemplans subjecit: *Miserationes tuæ multa sunt, Domine, valde secundum iudicium tuum vivifica me.* Valde itaque multæ sunt miserationes Dei: modum enim humanæ opinionis excedunt.

7. Sed confidentem in his Prophetam, ac se victricem in Dei iudiciis sperantem, multorum externæ odia & insectationes fatigant. Verum misericordiarum ejus, quarum secundum eundem Prophetam non est numerus, non immemor, de testimoniis ejus non declinavit. Sequitur enim: *Multi, persequuntur me: & tribulant me, de testimoniis tuis declinavi.* Non impellitur, non movetur: & cum isti persequantur, ne declinet quidem.

8. Sed qui ita in mandatis Dei permanet, ut ab instantibus impelli, deflectique non possit; habet, ut se gravi dolore non solum perturbet, sed etiam usque ad tabem liquefcentis quodam modo animæ solvat: cum se a testimoniis Dei non declinante, a Dei lege desciscunt, & susceptam legis fidem rationemque corrumpunt. Hos habet æstus, has humum defatigationes sentit Propheta, cum dicit: *non servantes pactum, & tabescebam, quia eloquia non custodierunt.* Consignati testamenti Israel hæc nuncupatus est, & audita de monte Domini voce respondit: Omnia, quæcumque dixit Deus, & audimus, & faciemus. At vero, ubi Deos alienos avit, ubi omnium se scelerum vitiis contaminatum & auditæ nuncupationis, & professæ oblationis amisit. Eloquia enim Dei non custodierunt,

runt, quæ se esse facturos auditurosque responderunt. Nec nova Prophetæ hujus super prævaricatione populi tabes est: quippe cum & Dominum ipsum ad impietatem Jerusalem illachrymasse noscamus: & ex doctrina eadem super impœnites Apostolus fleat, & insuper ipse, si quis scandalizetur, uratur.

9. Sed qui dolet super non servantes pactum, atque tabescit, mandatorum in se Dei non refugit examen. Dicit enim: *Vide, quoniam mandata tua dilexi, Domine, in tua misericordia vivifica me.* Parum Prophetæ est, per metum explere mandata, sed ea magis diligit; quia extra necessitatem timoris sit dilectionis operatio. Et quamquam amor legis potior, quam metus sit; non tamen ita sui fidens est, ut non magis vivificari se per misericordiam Dei deprecetur. Non nunc se ille vivere putat: sed vitam exento hoc morali corpore & absorpto in gloriam immortalitatis expectat.

10. Scit enim sibi hoc jam in exordio creationis suæ esse promissum, cum a Deo dicitur: *Faciamus hominem ad imaginem & similitudinem nostram.* Hoc super homine principium vocis est Dei: cum ad imaginem interminatæ æternitatis originis nostræ exordium conderetur. Certus ergo se vita illa atque imagine Dei esse victurum, ait: *Principium verborum tuorum veritas: in æternum omnia judicia justitia tua.* Verba Dei cælo & terra prætereunte non transeunt. Quæcumque de labiis ejus effusa sunt, non irrita sunt. Æternæ sunt justificationes, & æterna justitia est. Principium ergo verborum Dei veritas est: neque de se, id est, de hominis creatione, ullum alium anteriorem Dei scit esse sermonem, quam ut secundum imaginem Dei ac similitudinem fieret. Hæc itaque inde-

TRACTATUS IN XCVIII. PSALMUM. Cui

ndemutandæ veritatis est constitutio: sic in principio verborum Dei veritas est, ut novus homo regeneratus in Christo, vivat deinceps secundum æterni Dei, id est, cœlestis Adæ imaginem jam æternus.

L I T T E R A XXI.

ψ Sin.

Principes persecuti sunt me gratis: & a verbis tuis formidavit cor meum. Latabor ego super eloquia tua, sicut si invenit spolia multa. Iniquitatem odio habui, & abominatus sum; legem autem tuam ego dilexi. Septies in dieudem dixi tibi super judicia justitiæ tuæ. Pax multa diligentibus nomen tuum: & non est illis scandalum. Excitabam salutare tuum, Domine, & mandata tuæ feci. Custodivit anima mea testimonia tua, & dilexit ea vehementer. Custodivi mandata tua, quia omnes viæ meæ in respectu tuo.

Gravia quidem propheta David & regis Saul, & principum populi odia, & insectationes sustinuit: quia piæ conscientiæ constantiam ferre impiis professa non potuit. Sed conformans evangelium Deo atque apostolicum virum, non ignarus est angelici sermonis, quo ait: Tradent enim vos, & gellabunt in synagogis, & stabitis ante reges & testates in testimonium illis & gentibus. Quin iam constantiam prædicationis insinuans, & confessionis gloriam docens, ante eos fuerat adhortatus, dicens: Omnis, qui confitebitur me coram hominibus, & ego confitebor eum coram patre meo, qui in cœlis: qui autem negaverit me coram homini-

bus, ego negabo eum coram patre meo, qui est in cœlis. Sive igitur dedicatus ex lege, sive etiam in Evangelii gloriam præparatus, qui neque Saul populoque ejus causam insectandi se reliquisset, & per multa principum & gentium odia sciret propter cœlorum regnum seculo renuntiandum; confidenter hæc Deo loquitur: *Principes persecuti sunt me gratis: & a verbis tuis formidavit cor meum.* Metuit enim, negari se, si negaret.

2. Sed cum beatæ hujus insectationis præmia non ignoret, Domino dicente: Beati estis, cum vos persequentur, & dicent omne malum adversum vos propter justitiam; gaudete & exultate, quoniam merces vestra copiosa est in cœlo; post principum odia, formidinem verborum Dei ita consequentibus temperavit: *Labor ego super eloquia tua, sicut qui invenit spolia multa.* Fuit ergo formidinis, ne persecutionibus principum aut indigne subderetur, aut cederet: quia & causam odiorum præbuisse non sancti est, & Dei gratiam metu seculi amisisse sine venia sit. Sed spolia invenisse victoris est: certe ea ex se præbuisse jam victi est. Cum his itaque insectationibus Propheta non frangitur, & odia principum fide vincit; refert quædam impietatis spolia de victis. Scit enim secundum Evangelia ligatum esse in domo sua fortem, & armis suæ potestatis exutum, diripienda jam de se fidelibus spolia præbuisse. Lætatur ergo nunc in eloquiis Dei, tamquam qui multa spolia inveniat; cum fracta impiorum potestate, & victor fide permanens, omnibus eos armis seu impietatis, seu crudelitatis, exuerit.

3. Sed hujus lætitiae affectus non inest, nisi & in divinæ legis dilectione, & in execratione iniquitatis:
quia

nia neque defugere quisquam, nisi quod odit, optat, neque, nisi quod diligit, obtinere nitetur. Lætus ergo tamquam super spolia multa, subjecit: *Iniquitatem odio habui, & abominatus sum; legem autem tuam lexi.* Iniquitatem ergo odit, & diligit Dei legem.

4. Sed diligens Dei legem, non in hæc tantum, sæ per obedientiam legis expleatur, intentus est: aliquid autem se aliud necesse est per opus legis exdat. Et quo præterea in officio sit, audiamus: *Septies in die laudem dixi tibi super iudicia justitiæ tuæ.* Sanctus propheta primum, quod agit, diligit, opus illicet legis, quia vitiorum omnium & usus recidit, & voluntas. Sed postea iudicia justitiæ Dei edat. Hæc enim, ut sæpe admonuimus, plus significant, quam agant, dum gesta notionem nobis æternæ dispositionis insinuant: ut sabbati requies, ut hæc puer, ut terra otitura, ut annus quinquagesimus, sub imaginis sacramentorum momentis inteluntur. Hoc ergo in die septies laudatur.

5. Ac non ambiguum est, cur laudis hic numerus sit. Hæc enim eadem vel in die, vel in puero, vel in terra, vel in anno atque annis, sub sanctificatione hujus numeri continentur: cum usque ad illam inquagesimæ æternam requiem, quod est sabbata laborum, septenus numerus expleatur. Multa item de numeri hujus sanctificatione sunt cognita: ipsa dierum constitutio, ut angelorum throno Dei tantum electio, ut spiritalium potestatum, & resurgentium gratiarum in Domino plenitudo. Certe iudicia justitiæ Dei hoc in numero laudari a Propheta convenit, per quem, & in quo earundem justificationum virtus & constitutio continetur.

6. Non alius autem nunc prædicationis propheticae ordo est, quam fidei. Nam & tolerantia persecutionum, & formido verborum, & lætitia eloqui, & odium iniquitatis, & amor legis, & laudatio iustitiæ, & omne omnino, si quod aliud in lege mandatum est, in hujus tantum præcepti observatione concluditur: Diliges proximum tuum tamquam te ipsum. Hoc holocaustis, hoc sacrificiis omnibus majus est, unum atque idem sibi meminisse cum alio corpus esse, qui Christi est, & ut corpus suum, id est, ut se ipsum, amare, qui proximus sit. Sequitur enim: *Pax multa diligentibus nomen tuum, & non est illis scandalum.* Apostolus non, quæ sua sunt, sed quæ aliorum cogitans, carne se abstenturum in seculum, ne fratrem scandalizet, professus est. Adeo perfectæ charitatis & pacis tenuit affectum, ut ab ipso vitæ communis usu, dummodo causam offensionis abscideret, temperaret. Pax ergo retinenda est: & non quod unicuique, sed quod universitati congruat, expetendum est: quia secundum Evangelium utilius sit in vitam non venisse, quam scandalum minimis intulisse.

7. In his itaque pacis charitatisque præceptis manens Propheta, evangelicæ spei desiderio detentus est. Scit enim, in quo, vel quis finis sit legis, cum ait: *Exspectabam salutare tuum, Domine, & mandata tua feci.* Salutaris Jesus est. Hoc enuntiatio ex hebræo nominis, hoc ad Joseph Angelus est locutus, hoc Simeon exinde in pace dimittendus agnovit, hoc reddita nobis per eum salus edocet. In eo autem mandata Dei se fecisse profitetur, quod salutare Domini expectet; declarans omnia legis mandata adventum Dei unigeniti continere.

8. Te-

TRACTATUS IN XCVM. PSALMUM. 615

8. Testimonia quoque Dei custodivit, vehementerque dilexit, dicens: *Custodivit anima mea testimonia tua, & dilexit ea vehementer. Custodivi mandata tua & testimonia tua: quia domus via mea in conspectu tuo.* Agens Propheta sub iudice, & scrutatore cordium Deo, in custodia mandatorum testimoniorumque Dei permanet: non in viis seculi, neque in viis vitiorum & impietatis incedit. Nam quodcumque vitæ suæ iter egerit, tam probabile, tamque innocens agit, ut conspectu Dei dignum sit: Deo ipsas cogitationes cordium motusque noscente, neque conspectu ejus, qui immundo sit corde, condigno. Fidelis enim in cælo testis hæc dixit: Dominus noster Jesus Christus, qui est benedictus in secula seculorum. Amen.

L I T T E R A XXII.

¶ Tau.

Appropiet oratio mea in conspectu tuo, Domine, secundum eloquium tuum, Domine, da mihi intellectum. Intret postulatio mea in conspectu tuo, Domine: secundum eloquium tuum eripe me. *Eructabunt labia mea hymnum: cum docueris me justificationes tuas. Prostantiavit lingua mea eloquia tua: quia omnia mandata tua aequitas. Fiat manus tua, ut saluum me faciat: quoniam mandata tua elegi. Concupivi salutare tuum, Domine, & lex tua meditatio mea est. Vivit anima mea, & laudabit te: & judicia tua adjuvabunt me. Erravi sicut ovis, qui perivit: vivifica servum tuum, quia mandata tua non sum oblitus.*

1. **F**inem sumit secundum litteras psalmus. Nam omnibus in his, quæ sancto viro erant propria, juxta hebraicorum elementorum ordinem comprehensis, nunc Propheta, ut oratio ejus Deo sit proxima, deprecatur: *Appropiet oratio mea in conspectu tuo, Domine; secundum eloquium tuum, Domine, da mihi intellectum.* Multa sunt, quæ toto psalmo oravit a Domino. Sed quia eloquia Dei plurimum in se obscuritatis per rerum cœlestium sacramenta complexa sunt, nunc maxime, ut intellectu hujus eloquii Dei sit dignus, precatur. Ac primum ordinem modestæ spei suæ tenuit, cum proximam fieri conspectui Dei orationem suam poposcit. Sequens jam per gradum altioris profectus postulatio ejus iteratur, cum ait: *Intret postulatio mea in conspectu tuo, Domine, secundum eloquium tuum eripe me.* Appropinquantis orationis ad conspectum Dei hic fuit ordo, ut, cum cœpisset esse proxima, introiret: & jam eloquio Dei intellecto, eripi se secundum id ipsum eloquium Dei precatur. Non enim primum ubi est intellectus, ibi salus est: sed intelligentia adeptæ, salus est obtinenda.

2. Et quia hæc eadem per spiritum prophetiæ, vel sub futurarum rerum umbra, vel sub quadam veritate tamquam de speculo imaginante, vel sub divinorum verborum occulta profundaue ratione, spiritu prophetiæ magis, quam intelligentiæ humanæ sensu, proferebantur, adjecit: *Eructaverunt labia mea hymnum. Cum docueris me justificationes tuas, pronuntiabit lingua mea eloquia tua; quia omnia mandata tua aequitas.* Omne prophetiæ eloquium sub eructandi significatione meminimus ostendi, cum dicitur: *Eructavit cor meum verbum bonum;* vel illud: *Eructabo abscondita a constitutione mundi;*
vel

TRACTATUS IN XCVIII. PSALMUM 617

vel illud: Dies diei eructat verbum. Omnis autem sermo hominum ex sensu cogitationis initur, et motu, ubi ad aliquid enuntiandum mota mens nostra, id quod in affectum sibi inciderit, per verba declarat. At vero ubi extra humanæ mentis instinctum non ad animæ sententiam lingua famulatur, sed per ineuntem spiritum officio oris nostri divini sensus sermo diffunditur; illic eructatum videtur esse, quod dicitur: cum non ante cogitatione motuque percepto id, ad quod impulsus sit mens, loquatur, sed ignorante sensu spiritus vocem in verba distinguat.

3. Nunc autem quamvis eructaverint labia hominum, tamen post doctrinam justificationum Dei pronuntiabit lingua, quod loquitur: ut, cum ream dictarum sit percepta cognitio, tum agnitionis istius declaratio consequatur. Non sunt autem ita mandata Dei ab æquitate diversa, ut non Deo dignum sit, eorum primum intelligentiam tribuere prophetanti, tum deinde ad conscientiæ publicæ notitiam prædicationis confessione clarescere: quia extra bonitatem Dei sit, aut occultare, quod videri pronuntiari, aut aliud aliquid, nisi cum æquitate mandasse. Æquitatis autem mandatorum Dei ea summa est, ut omnibus sint salutaria; ut hoc, quod in hanc vitam venimus, cum profectu eternitatis ineamus. Nam nasci ad mortem, non tæ est causa, sed mortis.

4. Et hujus spei suæ fiduciam mox Propheta objecit, dicens: *Fiat manus tua, ut saluum me faciat: quoniam mandata tua elegi.* Aliis gloriam oculi eligentibus, aliis venerationem elementorum dæmonum capeissentibus, aliis terrenas opes expeten-

petentibus, sanctus iste mandata Dei elegit. Elegit autem non naturali necessitate, sed voluntate pietatis: quia unicuique ad id, quod volet, via est proposita vivendi, & appetendi, atque agendi permessa libertas. Et ob id uniuscujusque aut pœna, aut præmiis afficietur electio.

5. Sed mandatorum Domini quis esset finis, ostendit, dicens: *Concupivi salutare tuum, Domine, & lex tua meditatio mea est.* Totum se iste in adventum Jesu, id est, salutaris extendit: & illud, quod Apostolorum beatitudini videre fuit proprium, desideriis impatientibus concupiscit: hoc tamen ipsum, quod in lege agit, meditationem futura spei esse significans; quia non ad præsentium effectum, sed ad futurorum profectum omnis intelligitur suscipi solere meditatio.


6. Ac meditationis istius, quod præmium esset, ostendit: *Vivet anima mea, & laudabit te: & judicia tua adjuvabunt me.* Vivere se in hac vita non reputat, quippe qui dixerit: Ecce in iniquitatibus conceptus sum, & in delictis peperit me mater mea. Scit sub peccati origine & sub peccati lege se esse natum: mediationem autem legis Dei ob id elegit, ut vivat. Animam suam superiore psalmo ad vitæ istius gaudia adhortatus est, cum ait: Convertere anima mea in requiem tuam, quoniam Dominus benefecit mihi: quia eripuit animam meam a morte, oculos meos a lachrymis, pedes meos a lapsu. Placebo Domino in regione vivorum. Has laudes Deo referre festinat, judiciis Dei, absorpta terrenæ corruptionis infirmitate, ad æternitatis adjutus profectum: ob id utique, quia elegit mandata, & concupivit salutare Domini, & quia meditatio ejus in lege Dei semper est.

7. Di-

TRACTATUS IN XCVIII. PSALMUM. 619

7. Digno autem omnia evangelici sacramenti ne conclusit, dicens: *Erravi sicut ovis, quæ perit: vivifica servum tuum, quia mandata tua non sum oblitus.* Referri enim se errabundam ac perditam vem pastoris sui humeris festinat, ut per salutem suam æternamque pastorem in cælo Angelis terna gaudia præbeat se recepto. Filius enim omnis venit salvare, quod perierat, missus ad ves perditas domus Israel Dominus Jesus Christus, qui est benedictus in omnia secula seculorum. Amen.

████████████████████














1. The first part of the document discusses the importance of maintaining accurate records of all transactions and activities. It emphasizes the need for transparency and accountability in financial reporting.

2. The second part of the document outlines the various methods and tools used to collect and analyze data. It includes a detailed description of the data sources and the statistical techniques employed.

3. The third part of the document presents the results of the analysis, showing the trends and patterns observed in the data. It includes several charts and graphs to illustrate the findings.

4. The fourth part of the document discusses the implications of the results and provides recommendations for future research and action. It highlights the areas where further investigation is needed and suggests ways to improve the current practices.

5. The fifth part of the document concludes the report, summarizing the key points and reiterating the importance of the findings. It expresses the hope that the information provided will be useful to the readers.



SEP 22 1943



SEP 22 1943

